

# CONTRA THEOLO-

GIAM SCHOLASTICAM DE POENITENTIA, LI-

BRITHE, IN QVIBVS OMNES FERE LOCI DOCTRINAE  
Christianae comprehenduntur, & multa pernicioſa Sophiſmata commen-

ta refutantur, ex quibus facile deprehendes praſtigias,  
Sophiſmata & errores Thomae & aliorum  
Sententiariorum.

**AUTORE CHRISTOPHORO HOFFMAN, CONCIONATORE AV-**  
**lico Iohannis Friderici primi, Ducis Saxoniae, Ele-**  
**ctoris nati.**

**ITEM**

**INITIO ADDITVM EST SCRIPTVM PIVM ET ERVDITVM DE**  
**Poenitentia, continens refutationem praſtigiarum de ſatisfactionibus re-**  
**cens excogitarum, hoc tempore contra quosdam Sophiſtas & an-**  
**guillas valde utile.**

**AUTORE PHILIPPO MELANTHONE**

**Cum Indice.**

Vitae ego, dicit **DOMINVS DEVS**, Nolo mori  
tem impij, ſed ut cōuertatur impius a via ſua & vivat.

Ezech. xxxij.

Venit autem filius hominis, (qui eſt Chriſtus Ieſus,  
precium pro peccato & morte,) vocare peccatores ad  
poenitentiam, Matth. ix.

**FRANCOFORTI EX OFFICINA PETRI BRVBACHII,**

**ANNO DOMINI M. D. LII. MEN-**

**SE. MARTIO.**





**P**RAECIPVVS in Christiana doctrina locus est de poenitentia, quem quia Deus hoc tempore repurgauit, ac restituit Ecclesiae suae ueram de poenitentia doctrinam, nemo tam fero, nemo tam ferreo pectore esse debet, qui non agnoscat, DEO pro tanto beneficio gratias agendas esse. Nō possunt enim, ne aduersarij quidem ipsi negare, doctrinam de poenitentia, antea non solum obrutam, sed prorsus sepultam fuisse flagitiosis erroribus, qui partim obscurabant peccatum, & confirmabant uanissimam hypocrisis operum, partim tollebant e conspectu ueram & firmam consolationem, & portum conscientiae, uidelicet, doctrinā de fide. Etsi autem nouum genus Sophistarum exoriatur, qui inextricabiles labyrinthos & errores, in superiorum temporum doctrina, astute dissimulēt, ac tolerabiliores interpretationes affingant, tamen quia hac calliditate non student turbatas conscientias sanare, sed ueterem impietatem defendere & confirmare, multum prodest, ut absurde & impie dicta Sententiariorum, uelut perspicua ueteris impietatis testimonia publicē extant. Humanitatis quidem est, aliena errata non odiose exagitare, & eos qui recte sentire cupiunt, intempestiua ueteris mali exprobratione nō perturbare. Sed si errores ita excusantur, ut nō tam uetus superstitio confirmetur, quam noua perniciēs Ecclesiae afferatur, certe in prospectum producendi, & conspiciui reddendi sunt, ut imperiti discant, quid cauere, quid uitare debeant. Quanquam autem Pontifices, Tyranni, & eorum satellites hanc puriorem Euangelij doctrinam, quae rursus immensa DEI misericordia illuxit, crudeliter persequantur, tamē nos meminerimus officij, quod Deo debemus, Filium Dei, ut Psalmus iubet, pio osculo reuerenter excipiamus, hanc doctrinam grato pectore amplectamur, eamque uelut depositum bona fide conseruemus. Ad quam rem spero hos commentarios plurimum profuturos.

Vale.

# DE POENITENTIA

PHILIPPVS MELAN-  
THON.



NEcclesiis nostris Dei beneficio præcipue extat illustris explicatio Doctrinæ de Poenitentia, sicut maxime necessarium est eum locum notissimum esse in Ecclesia, quia complectitur summam Euangelij, & monstrat præcipuū beneficium filij Dei: imo ut initium fuit Ecclesiæ receptæ in Paradiso doctrina de Poenitentia: ita semper eodem modo in Ecclesia sonare hæc uox debet usque ad resurrectionem.

Et intelligi facillime poterit huius doctrinæ summa, si primum exempli aspiciatur, ibi primum arguitur peccatū uoce Dei: & non dubium est accusante Deo, & sonante ipso tristissimam accusationem horribiliter expauescere humanam naturam. Ita primum extitit contritio tunc in primis parentibus. Et quid sit contritio, quomodo fiat, in eodem exemplo conspici potest. Accedit ibi & confessio peccati, quia reuera coram Deo oportet hanc confessionem fieri, nos reos esse & iuste puniri.

Deinde sonante promissione recipiuntur Adam & Eua: hæc est absolutio, qua audita, accenditur fides, qua agnoscunt se recipi per misericordiam propter semen promissum: & in corde noua consolatio, est inchoatio nouæ obedientiæ, quæ tam placet Deo: Ita facta est integra conuersio. Imponuntur & poenæ, uidelicet mors, & aliæ calamitates huius uitæ, quia Deus etsi remittit culpam, & aufert mortem æternam, tamen propter iusticiam aliquas poenas imponit: & ut ipsius iusticia, & ira aduersus peccata conspiciantur, totum genus humanum horribilibus miserijs in hac uita onerat. In his poenis tamen promittitur Ecclesiæ consolatio, ut tunc Deus ipse uisit primos parentes pelle detracta ab ouicula, qua imagine significatum est futurum, ut nouis corporibus uestiamur, & quidem sumptis ab agno Christo.

Hanc totam historiam prodest sæpissime cogitare, ut hoc ipso exemplo nos de omnibus partibus poenitentia seu conuersionis comonestemus: item ut inde discamus tunc inchoatum esse ministerium Euangelij, in quo semper una uox sonat arguens peccata, & offerens remissionem propter filium.

Verum non tantum in hac recenti ætate Monachorum obscurata fuit doctrina de poenitentia multis labyrinthis, & falsis opinionibus, sed etiam reuerstis seculis, quando Canones satisfactionum creuerunt hac superstitiosa persuasionem, quod mererentur remissionem peccatorum, tunc quoque magnæ tenebræ fuerunt. Sed in disputationibus recentioris ætatis, plus fuit inextricabilium questionum, & omnino silentium fuit de fide accipiente remissionem peccatorum. Ideo non dubium est fuisse necessariam explanationem ueræ doctrinæ de poenitentia, quam in Ecclesia semper extare perspicuam necesse est, & quam singuli homines quotidie in inuocatione totam cogitare debent. Credo autem recte & perspicue explicatam esse in



nostris Ecclesiis, & de ea sententia, quā in Locis complexus sum, nihil moto.

Cū autem Synodus Bononiensis ordine de partibus fecerit decreta, quorum alia ambigua sunt, alia aperte falsa, dicam breuiter de singulis partibus, nō ut plus sit intricatarum disputationum, sed potius ut euoluta doctrina planius intelligatur.

## DE CONTRITIONE.

**O**mitto ritas de causis contritionis. Si sint veri, & non simulati paores, & dolores intuentes iram Dei aduersus peccatū, & accedat fides, quę facit ex timore seruili filialē, dico esse ueram contritionē, & assentior has causas cōcurrere, uerbū Dei arguens peccatū, & Deum hoc uerbo incutientē terrorem, & mentem cogitantē de ira Dei, & uoluntatem, & cor serio expauescens, & dolens q̄ offenderit Deū. Talem aliquā contritiōem dico necessariam esse, ut sapissimē scriptum est, 2. Corinthior. 7. Contristati estis ad poenitentiam;

Isaie 66. Ad quē respiciā nisi ad humiliatū, & contritum spiritū & tremētē sermōes meos. Et Ezech. 10. Displicebitis uobis in cōspectu uestro. Quariē possunt esse occasiones inchoandi dolorem, ut aliter uocatur Zachęus, aliter Paulus, aliter Manasses, aliter mulier peccatrix. Sed in omnibus necesse est existere paores, & dolores: & uarij dolores miscentur, q̄ subtiliter discernere non est opus; ut alij disputarunt de amore iusticię, & timore poenę. Imo uale Deo poenas metui, & esse eas uelut uocē diuinam commonefacientē totum genus humanū de ira aduersus peccatū, ut restantur maledictiōes in lege, quę ppter has duas causas additę sunt legi. Primum, ut sciamus opus esse iusticię Dei, quod peccata puniunt tantis calamitatibus. Deinde ut sciamus has ipsas calamitates esse uocem legis commonefacientem nōs de poenitentia.

Sic passim Prophete loquuntur de calamitatibus, ut in Psalmo: Propter iniquitates corripis filios hominū. Displicent Deo horribiliter securę mentes, non considerantes iram Dei, aut etiam elatę inani fiducia suę sapientię, suę iusticię, aut potentię, sicut Paulus ad Ephesios inquit impios esse *ἀνὴρ ἄλογος*, id est, sine dolore uiuere. & Ieremias: Erubescere nescierūt. Quare sciamus temulentā uitam in ocio & uoluptatibus ualde periculosam esse; & Deus precipue suam Ecclesiā subiecit cruci, q̄ precipue in Ecclesia uult conspici iram aduersus peccatū, cū eam mundus negligat. Hęc sententiā de contritione, nihil obscuri continet, loquor enim de ueris doloribus qui sentiuntur, sunt q̄ in alijs minus, in alijs magis acres; ut Ezechias inquit: Sicut leo contriuit omnia ossa mea, &c. Hęc tantū admonitio ad iungatur, ut sine obscuritate discernātur timor seruilis, & filialis, seu dolor iudę & dolor Petri. Timor seruilis est uerus pavor sine fidē. Sed timor filialis fit, cū ad pauorem accedit fides, quā cū incipit cor accedere ad Deum, & accenduntur initia fidei, & spei, subiicit se Deo, & predicat eius iusticiā, iuxta illud: Tibi Domine iusticiā, nobis autem confusio, &c.

Ceterum hęc duo necessario reprehēdenda sunt in doctrina Monachorum de contritione, quod querunt sufficientem contritionem, & deinde affingunt horribile mendacium, hanc sufficientem cōtritionem mereri remissionem peccatorum; nec dicunt de fide grātis accipiente remissionem propter mediatorē. Hi errores sunt magni, & tetri. Quid est enim querere sufficien-

## DE POENITENTIA.

sufficientem contritionem: Nulli dolores ullius creaturæ, quantumvis magnæ, pares sunt iræ Dei, ut dicitur: Deus ignis consumens est, nec possunt compensare peccatum: & quo magis crescit dolor sine fide, eo magis merguntur animi in mortem & exitiū. Ideo necesse est hos errores taxari.

In altero errore, etiam deploranda & deestanda est cæcitas, cum dicunt contritiōem mereri remissionem peccatorum, ubi transferunt in nostrum opus honorem debitum filio Dei: & Paulus roties inculcat particulā gratiæ, quæ excludit, ut sæpe dictum est, nō contritionem & ceteras virtutes, non cogitationem de ira Dei & de promissionibus, &c., sed excludit dignitatem, seu opinionem meriti. Deinde quantæ tenebræ sunt, quæ nō solum nihil de fide in doctrina poenitentię dicunt, sed etiam pertinaciter negant opus esse hac fide: credas tibi ipsi remitti propter mediatorem, &c. quā promissionem tibi ipsi applies. Ac relinquunt mentes in perpetua dubitatione: quia inquirunt, nescis an contritio fuerit sufficiens, ideo semper dubites an tibi data sit remissio. Hæc imaginatio prorsus est Ethnica.

Nos contra, his erroribus opponimus uocem Euangelij, & dicimus oportere aliquam esse contritionem, id est, ueros pauores, & dolores intuentes iram Dei, qui in alijs magis, in alijs minus acres sunt: sed non pendet ex horum magnitudine remissio, uerū oportet accedere fidem, quā tibi ipsi credas remitti gratis propter mediatorem. De hac fide dictum est: iustificati fide pacem habemus apud Deum: & si hæc fides, & fiducia filij Dei non accenditur, mens non intuetur filium Dei, non ducit propiciatorem esse. Nece sse est autem seipsum agnoscere filium Dei, & hunc ei proprium honorem tribuere, ut tibi propiciatorem, & intercessorem, & summū sacerdotem esse statuas. Hunc honorem nō ei tribuunt Diaboli, qui etiā norunt articulum, remissionem peccatorum uidelicet donari alijs, non sibi. Itaque donec homo tantū hanc generalem sententiā credit, alijs remitti non sibi, nondum tribuit uerū honorem filio Dei, nec sibi applicat promissionem.

Itaque luceat in Ecclesia discrimen legis & Euangelij, & sciant omnes propriam esse Euangelij promissionem, quæ ostendit mediatorem filium Dei, & promittit propter eum gratis remitti peccata: & in hanc promissionem uniuersalem linguli nos in ueris doloribus includamus, & sciamus mandatum Dei esse, ut filium Dei audiamus, & ei tribuamus honorem propiciatoris, & promissionem amplectamur.

Cum igitur hoc modo sustentamus nos cogitatione promissionis, & filij Dei, accenditur fides, & causæ concurrentes sunt, uox Euangelij, & spiritus sanctus, & mens cogitans promissionem, & uoluntas, ac cor non repugnans, sed expetens consolationem diuinam, & assentiens promissioni, cum quidē et à spiritu sancto adiuuatur, et inter tristes gemitus erigitur cōspectu filij Dei, quem statuit non frustra factum esse uictimam: & hac fide credi non tantum alijs, sed tibi ipsi propter filium Dei gratis remitti.

Cum hæc fides accensa est, iam & contritio fit timor filialis, & sacrificium, iuxta illud: Sacrificium Deo gratum, spiritus contribulatus, &c. Cor irascitur peccato: dolet Deum offensum esse, alios læsos esse: dolet Ecclesiam pollutam esse: dolet scandala excitata esse: dolet spiritum sanctum in multis contristatum esse: dolet attrahi poenas familiæ, & cæteris: dolet impediri poenis aliorum inuocationem, & alia necessaria officia. Denique innu-



merabiles causæ magnorum dolorum concurrunt. Ita dolens se subijcit Deo, fateatur esse iustitiam Dei, & peti veniam: & cum fide reuera incipiat acquiescere in filio Dei, certo accipit remissionem peccatorum. Ac discamus hanc esse uoluntatem Dei, ut acquiescamus in promissione, & statuamus nos sic recipi, & donari remissionem peccatorum, idem agit minister: in absolendo applicat singulis promissionem.

Simul etiam cum in tali contritione homo se subijcit Deo, & fide eum inuocat, & incipit acquiescere in mediatore, datur reuera spiritus sanctus, & inchoatur noua obedientia: id est, uoluntas iam habet bonum propositum, agnita misericordia Dei incipit eum diligere, & inuocare, & non fugit, ut fugiunt Cain, Saul & similes.

Dicit quomodo fiat conuersio, scilicet concurrentibus his mutationibus. In homine primum fit contritio, cum cogitatione ite Dei expauescunt corda, & uero dolore afficiuntur propter peccata. Deinde fit consolatio, qua fide accipitur remissio, & corda incipiunt acquiescere in Deo propter mediatorem, & rursus inchoant obedientiam, & spem uite æternæ. Hæc ita fieri manifeste testatur experientia omnium piorum in Ecclesia, quorum testimonium non contemnendum est: ut David expauescit primum, inquit: Peccauit Domino. Deinde erigitur consolatione, credens absolutioni: Non morieris, Dominus abstulit peccatum tuum. Et Esaias, rex Ezechias describit paucos: Quasi leo contriuit ossa mea, &c. Postea & consolationem: Protexisti post tergum omnia peccata mea. Et scripta piorum ut Augustini & Bernhardi congruunt. Longa est concio Bernhardi docentis coniungi oportere contritionem & fidem: Dicat quisque in pauore suo, uadam ad portas inferorum, ut iam non nisi in sola Dei misericordia respiremus. Hæc est uera fiducia, quæ ad patres accedit, cui misericordia non denegatur.

Sic & Prophetæ, & Apostoli de conuersione concionantur, ut Paulus in hac ipsa Epistola coniungit mortificationem & uiuificationem. Ac ualde prodest moneri iuniores, hæc uocabula proprie de uera conuersione ad Deum intelligenda esse, & reijciendam esse interpretationem eorum, qui detorserunt Pauli dicta ad Hypocrisim, ad ritus Monachorum, & ad talia puerilia exereitia. Sed Pauli sententia perspicua est obseruanti pondera uerborum: Estis mortui peccatis, & circumcisi circumcissione non manufacta, exuendo corpus peccatorum carnis.

Hæc de contritione dicuntur, postea de fide qua fit consolatio inquit: Simul resuscitasti estis per fidem, qua Deus est efficax, qui uiuificauit uos cum Christo. Deinde utranque sententiam rursus illustri figura pingit: Condonans omnia peccata, delens chirographum, quod per decreta contra nos est, quod erat contrarium nobis. Tunc autem conspicitur chirographum scriptum in cordibus aduersari nobis, cum agnoscamus in ueris doloribus nos reos esse. Hoc dictum ad contritionem pertinet. Deinde ad fidem pertinet quod additur, deleri hoc chirographum suspensum de cruce facta condonatione.

Hæc interpretatio de conuersione, est simplex, uera & propria, quam quidem obseruare prodest, & ut Pauli sententia nobis obuia sit, & ut teneamus testimonium de his duabus mutationibus in conuersione, de mortificatione & uiuificatione, id est, de contritione & consolatione, quæ fit per fidem, qua tibi ipse credis remitti peccata propter mediatorem.

Hæc.

## DE POENITENTIA.

**H**actenus rectius quid in doctrina de contritione retineri necesse sit, & quid taxari oporteat: dixi item doctrinā de fide speciali, qua TIBI credis remitti, adiungendā esse, de qua supra in refutatione Articuli præcipientis dubitationem, copiose dictum est.

Cum autem hæc nostra sententia sit ipsa vox Evangelij, inde usq; à prima cōtensione Ade & Heue sonans in uera Ecclesia, et nihil sit obscuri, aut intricati in hac nostra explicatione, facile erit iudicare decreta Synodi Bononiensis: & ne quis dicat me fugere iudiciū Ecclesię Dei, non dubito provocare ad iudicia omnium piorum, qui non sunt rudes exercitiorū poenitentię.

## DE CONFESSIOE.

**N**ecesse est iunioribus exponere & uocabula, & mores uetustos. Olim in Ecclesia consuetudo fuit lapsos ac reos talium sceles, quę alijs notales erant, nō recipere, nisi signa manifesta emendationis præcessissent. Ideo certi ritus erāt, quorū nomen fuit publica poenitentia. Stabat homicida uel adulter corā Episcopo, & narrabat delictū suum, ut Episcopus modū castigationis indiceret, quocubāt satisfactio, Græci modestius noiarunt in *ἡλικία*, id est, notas seu castigationes. Cum enim alia delicta alijs modis punirent, seu (ut ita dicam) notarentur, exponi delictū opus erat, ut modus poenę indicetur: post eam castigationem sequebatur absolutio.

Et initio hic ritus probabiles causas habuit. Fuit enim disciplina instituta, & ut explorarentur uoluptates redeuntium ad Ecclesiam, an serio promitterent emendationem, & ut his exemplis alij commonefacti maiore cura uitarēt lapsus. Nondum affingebatur opinio, hæc spectacula mereri remissionem peccatorum: sed postea hanc opinionem indocti addiderunt, et ritus satisfactionum cūmulauerunt.

Ab hac ueteri consuetudine confessio intelligitur enumeratio delictorū singulorum, cum olim tantum delicta alijs nota recitarentur: postea uerō decreta facta sunt de omnibus delictis etiam arcanis.

De hac enumeratione singulorum, necesse est erudiri cōscientiam, nec tam de illa uetusta disciplina primæ Ecclesię, & de atrocibus delictis, quę alijs nota sunt dicimus. Semper enim inde usq; ab initio mūdi, ritus fuerūt certę excommunicationis in Ecclesia, & receptionis emendatorū. Er optaremus ea grauitate quę decet Ecclesiam, administrari excommunicationē & receptionē. Et ut sæpe aliās dictum est, retineantur in Ecclesia generalis confessio & petitio absolutionis, quia ministeriū priuatę absolutionis nequaquam frustra institutum est, ut infra copiosius dicam: & semper fuit in Ecclesia generalis cōfessio, ut de summo sacerdote in Lege dicitur: Teneat uictimam, & confiteatur peccata populi. Et in Nehemia dicitur: Filij Israhel cōueniebant in ieiunio, & confitebant peccata sua. Et de auditoribus Baptistę dicitur: Baptizabantur in Iordane, confitentes peccata sua.

Hæc non erat singulorum enumeratio, sed in genere confitebantur se reos esse, ut decet esse uocem piorū tribuentē Deo iusticiā in nobis accusandis, & gloriā iusticię ppter missum filiū, ut Daniel clamarat: Tibi Dñe iusticia, nobis autem confusio faciei. Item: Tua est propiciatio. Et hæc ipsa generalis confessio & petitio absolutionis, testatur in Ecclesia recipi lapsos.

Sed alia disputatio est de enumeratione singulorū, multorū aut omnium delictorum, ac præsertim arcanorum: hic taxandi sunt tres errores. Primus,



PHILIP. MELANT.

quod finxerūt hanc enumerationem mereri remissionem ppter piosorem.  
 Secundus error, quod alium recitationem necessariam esse, ut indicetur  
 satisfactio.

Tertius error, quod necessaria sit enumeratio, et quod remissio pendeat  
 ex conditione enumerationis, quia dicunt diuinitus præceptam esse.

Hæ tres opinioniones falsæ sunt, & obscurant gloriâ filij Dei, & sunt laquei  
 conscientiarum, ut constet multis ambigentes an satis purè confessi essent, in  
 magnâ incoeroribus fuisse. Talis dubitatio fidem & inuocationem impedit,  
 & auid desperationem, aut Epicureū contemptum adfert. Necesse est igitur  
 & veritatem conspici in Ecclesia, & uulnera conscientiarum sanari.

Manifestum est autem in arcana confessione, enumerationem omnium,  
 uel paucorum delictorum non esse præceptam iure diuino, quia nusquam  
 uoce Christi, aut Prophetarum, aut Apostolorum præcipitur. Et enume-  
 ratio singulorum est impossibilis, quia ualde multa sunt errata & delicta sin-  
 gulorum, quæ nec intelligunt, nec meminerunt, iuxta illud: Delicta quis in-  
 telligit? Ideo certum est conscientias nequaquam onerandas esse singulorum  
 enumeratione, & nequaquam pendere remissionem ex enumeratione.

Hanc doctrinam necessariam esse pijs, manifestum est, quia tristissima  
 carnificina excrucietarentur, si putarent singula nominatim recitanda esse,  
 nec remitti peccatum sine illa ardua recitatione.

Nunc autem de hac quaestione non disputabo prolixius, cum manifesta  
 sit ueritas, et ante hanc ætatem sanctiores scriptores ita iudicauerint, enume-  
 rationem singulorum non præcepti iure diuino, sicut aperte inquit Panor-  
 mitanus: & Chrysostomus in enarratione Psalmi 50. dicit: Si pudet alicui  
 dicere peccata, dicito ea quotidie in anima tua, non dico ut confitearis con-  
 seruo tuo, ut tibi exprobet, dicito Deo qui sanat ea. Nec est in Græca Ec-  
 clesia hic mos enumerationis arcanorum.

Omitto autem hoc loco refutationem argumentorum, quibus aduersa-  
 rij ostendere conantur, necessariam esse enumerationem singulorum, &  
 iure diuino præceptam. Nam alibi de eis satis dictum est. Ac sciunt ipsi aduer-  
 sarij se has prestigias offundere oculis & animis populi, non quod sic sen-  
 tiant, sed ne hunc neruum suæ potentie amittant.

Ceterum sentio generalem confessionem retinendam esse, cum petitur ab-  
 solutio. Sicut enim in Nehemia scriptum est: Confitebatur peccata sua ita de-  
 cet aliquam uocem esse uerè dolentis, qua fateant se reos, et se Deo subijciat,  
 & ei laudem iusticie tribuat, quod iuste dānet peccata, & iuste nos puniat,  
 ac rursum tribuant ei laudem misericordie, agant gratias quod ppter filium  
 receperit genus humanum prolato admittendo decreto ex arcano sinu. Dein  
 de petat absolutio, quæ est uox ministerij Euangelij priuatim applicans re-  
 missionem petenti, cum filius Dei dixerit: Quorum remisistis peccata, re-  
 mittentur eis: & posuerit in nobis sermonem reconciliationis: ego mandato  
 filij Dei annuncio tibi uocem Euangelij remittentem peccata, & tibi ipsi  
 peccata remitti à Deo pronuncio propter filium Domini nostri Iesum  
 Christum, crucifixum pro nobis, & resuscitatum. Ac præcipio tibi, ne asper-  
 neris mortem filij Dei, quæ pro te, & reliquis credentibus fuit sacrificium  
 placans iram æterni Patris, sed uerè credas pmissioni Euangelij, & statuas  
 te recipi à Deo, cum credis tibi ipsi propter hunc mediatorem remitti.

Hanc

## DE POENITENTIA.

Hanc absolutionem sciamus non esse vocem humanæ autoritatis, sed diuinæ, sonantis in ministerio Euangelij, sicut Dauid ualde cumulasset sua peccata, si non credidisset uoci Nathan: **DOMINVS ABSTVLIT PECCATVM TVVM**; Ita peccant omnes, qui in paucis, & in poenitentia nolunt absolutioni credere, & eam consolationem, admittere, nolunt, nec redeunt ad inuocationem, nec se fide & spe erigunt.

Hic etiam necesse est taxari hunc errorem Monachorum, quod dixerint absolutionem irritam esse, si non sit sufficiens contritio. Sed sciant prius oportere fieri conuersionem, sicut iurandum inquit: **Viue ego nolo mortem peccatoris, sed ut conuertatur & uiuat.** Oportet igitur aliquam esse contritionem, & non retineri propositum peccandi; & accendatur fides, & sit deinde bona conscientia, id est, propositum, non faciendi contra conscientiam. Hec cum adsunt, certissimum est absolutionem ratam & firmam esse, quam quidem fide oportet accipi, quæ non potest simul esse cum proposito delinquendi; & fides intuetur filium Dei, propter hunc statuit iuxta promissionem gratis remissa esse peccata, non propter contritionem, aut gradus contritionis, aut confessionem, &c.

Ut autem alias sæpe dixi, nequaquam abolenda est priuata absolutio, quia manifestissimum est promissionem Euangelij, & multis & singulis applicari posse; & de singulis manifestè loquitur concio in capite 14. Matthæi: **Quoties remittat septuagies septies; q. locus uerè, & recte de ministerio absolutionis intelligit.** Et dicta: **Q. VORVM REMISERITIS PECCATA, REMITTENTVR EIS,** de multis et singulis rectè intelligi certum est.

Deinde & exemplum consideretur: hic mos priuatim absoluedi, multum conducit ad retinendum intellectum Euangelij proprium, quod Euangelium cõsineat promissionem remissionis peccatorum. Est & illustre testimonium, q. post Baptismum lapsi conuerti possint, & conuersi recipiendi sint, & absoluedi, ac rursus fiant heredes uitæ æternæ. Hæc causa ualde mouere pias mentes debet, ut ament & tueantur priuatam absolutionem, & suo exemplo eius conseruationem adiuuent.

## DE SATISFACTIONE.

**I**n hæc distinctione partium poenitentia, nomen satisfactionis, ut in hoc loco usurpatum est, nō significat compensationem Deo pro culpa satisficientem; & placantem iram Dei, quæ satisfactio proprie per filium facta est. Nec significat satisfactionem forensem, qua debitor soluit pecuniā, quam debet; aut is qui alium iniuria affecit, sibi ignoscei orat. Nam hæc forensis satisfactio, est opus debitum, & pertinet ad contritionem, ac bonum propositum. Ut raptor aliene coniugis, si nō reddit marito coniugem, manet adulter, & est sine contritione, & sine bono proposito. Ita debitor non uolens soluere cum possit, manet fur, & regula uera est dextrè intellecta: **Peccatum non remittitur, nisi ablatum restituatur.**

Sed hanc tertiam partem poenitentia nominant satisfactionem Canonicam, quæ olim erat publicum spectaculum, in quo stabant certo loco agentes poenitentiam, & seruabant ieiunia aliquot dierum aut mensium ante absolutionem, & palam ostendebantur populo tanquam rei & lugentes, ut extaret signum non simulate poenitentia, & ut alij his exemplis commonefacti, diligentius regerent mores ne laberentur. Horum rituum initio mo-



## PHILIP. MELANT.

dius aliquis fuit, & absque superstitione nemo cogitabat se mereri hoc spectaculo remissionem culpæ, vel poenæ, sed exemplum erat utile disciplinae, pertinens ad positam Ecclesiasticam.

Non dubium est autem hos ritus, quibus rei atrocium delictorum velut notati ostendebantur populo, ortos esse à primis patribus. Semper enim fuit ceremonia aliqua excommunicationis inde usque à Cain, & manserunt uestigia apud Ethnicos, sicut de Cain dicitur, signum ei additum esse.

Ita postea rei homicidiorum, gesserunt signa reatus in uestitu, donec reciperentur, ut scirent alij hos esse pollutos & fugiendos. Nam excommunicati, erant exclusi à societate sanctorum, mensæ & multorum officiorum. Nemo una cibum captebat, donec ille homicida, vel incestus gerebat signa reatus, & erant certa verba excommunicationis, quæ vocabantur *Dixæ*, Græcè *ἔπει*. Sic Orestes uagatus est in Græcia, abstinens ab aliorum conuiuiis, ut gerens signa reatus, quæ postea ei adempta sunt, cum in iudicio absolueretur. Et multa talia exempla recitantur, ut Adrastus apud Herodotum, quæ ad Croesum uenit gerens signa reatus.

Cum autem huius uetusti moris uestigia essent adhuc in populo Iudæico, & gentibus non omnino barbaricis, recepta est hæc disciplina etiam ab Ecclesia, sicut initio modus earum ceremoniarum, sed postea superstitio adfuit remissionem peccatorum dari propter hanc castigationem. Hæc opinio auxit has molestias, adeo ut tandem intolerabiles essent. Rursus igitur laxatae sunt, & hoc uocabant Episcopi indulgentias, id est, remissiones talium spectaculorum, de quibus Canones præceperant, ita paulatim illa uetera spectacula cessauit, nomen mansit satisfactionis non intellectum à populo.

Sed fatentur Monachi satisfactiones non mereri remissionem culpæ. Vt autem aliquid tribuerent multis, sinxerunt non remitti poenam æternam, nisi propter compensationem poenarum purgatorii, uel aliarum temporalium. Dixerunt igitur satisfactiones mereri remissionem poenarum purgatorii, uel aliarum poenarum huius uitæ. Hic prudentia in iudicando adhibenda est.

Primum autem necesse est nosse definitionem satisfactionis Canonice, quam ipsi tradunt.

Satisfactio Canonica, est facere opera non debita, id est, non mandata lege Dei, sed opera supererogationis iniuncta ab Episcopis, uel ministris, ut mereantur remissionem poenæ purgatorii, uel aliarum poenarum huius uitæ.

Nunc consideret lector, de quibus materijs in hoc loco dicendum sit, scilicet de impletione legis, de discrimine operum quæ Deus præcepit, & aliorum quæ Deus non præcepit, de remissione poenæ æternæ, de discrimine remissionis culpæ, & remissionis poenarum temporalium, de causis poenarum temporalium, & afflictionum in Ecclesia, &c. Has materias rectè & uerè explicari necesse est. Ideo hunc locum de satisfactione repeto.

Secundo, semper iungi oportet remissionem culpæ, & poenæ æternæ, estque unum & idem beneficium filij Dei gratuitum, tollere culpam & tollere mortem æternam: ac tollere culpam, est placare iram Dei.

Cum igitur poena æterna sit sentire horrendam & inenarrabilem iram Dei manentem, sicut Ioannes inquit: ira Dei manet super eum, sciamus culpam & poenam æternam simul tolli propter solum mediatorem filium Dei, non propter ullam nostram compensationem, Ideo Osee 13. dicitur: Ero

## DE POENITENTIA.

Ero mors tua o mors, & pestis tua inferne. Et Paulus: Aculeus mortis peccatum est, potentia peccati Lex. Deo autem gratia, qui dat nobis uictoriā per Dominū nostrum Iesum Christum. Ideo certissime statuendum est fide propter filium Dei simul remitti culpam, & tolli poenam æternam gratis, id est, sine nostra compensatione.

Hæc consolatio luceat in mentibus, nec languescere fidem sinamus cura nostrarum satisfactionum, ac certo statuamus non adferendas esse in illud arcanum iudicium Dei, (ubi angimur de ira Dei, uel morte æterna) nostras satisfactiones, sed solum sacrificium filij Dei intuendum esse, huius sanguine credamus deleri culpam, & tolli poenas æternas: hic satisfecit iusticiæ Dei, ut Ioannes inquit: Hic est propiciatio pro peccatis nostris, nec pro nostris tantum, sed pro totius mundi peccatis.

Et triumphus descriptio ad Coloss. sit in conspectu, ubi Paulus discrete inquit, uictorem filium Dei, à seipso domitas, & captas potestates inferorū, ducere in Triumpho. Huius triumphus gloriam non transferamus in nostra opera. Firmissime igitur hæc consolatio tenenda est: Fide iustificati pacem habemus apud Deum, id est, certum est iram Dei placatam esse, & nos liberatos esse à poenis æternis. Quare non sunt conscientia turbanda imaginatione Monachorum de Satisfactionibus.

Tertio, manifesti errores sunt in doctrina Monachorum de satisfactionibus cum alibi, tum hic quoque, quod fingunt opera non mandata à Deo, esse cultus Dei, & mereri remissionem culpæ & poenarū. Ut certis diebus abstinere à carnibus, &c. Talia opera immediate hoc fine facta, ut per ea Deus honore afficiatur, uocant cultus. Contra quam persuasionē tenenda est regula uerissima: Frustra colunt me mandatis hominū. Hoc unum argumentum etiam satis firmum est ad refutandas satisfactiones, de quibus Monachi loquuntur, quæ quidem eo maiore cura taxandæ sunt, quia persuasio de satisfactionibus ualde auxit traditiones humanas, & confirmauit opinionem, quæ fingit opera non mandata à Deo, cultus Dei esse.

Est autem cultus Dei, opus à Deo mandatum, & factum in agnitione, & fide filij Dei, cuius operis principalis finis est, seu mediatus, seu immediatus, ut Deus honore afficiatur. Omitto iam quæ de impletionē legis in hac materia Monachi dixerunt.

Quarto, etsi uerissimum est, remissionem poenæ æternæ nunc diuellendam esse à remissione culpæ: tamen necesse est discerni remissionem culpæ, à remissione poenarum temporalium huius uitæ. Nam Ecclesia propter multas causas cruci subiecta est, quas semper in conspectu esse oportet, quarū alie sunt impulsuæ, alie finales, alie æternæ, id est, irritatrices.

Prima est, cum propter lapsum primorum parentū tota posteritas rea sit & immunda, subiecta est morti corporis, & alijs ærumnis Ecclesia Dei, sicut reliquum genus humanum.

Secunda, cum mundus interiorē immundiciem humani cordis, dubitationes de Deo, neglectiōem Dei, & multas uiciosas flammās cupiditatū, non ducat esse res à Deo damnatas, & contemnat iram Dei: Ecclesia magis premitur, quia uult Deus in Ecclesia conspici iram suam, & uult in nobis omnibus poenitentiam crescere. 1. Petri 4. Iudiciū à domo Dei incipit. Item Salomon: Filium quem diligit, corrūpic.



## PHILIP. MELANT.

Tertia causa, quia Diabolus maiore odio filij Dei, & Ecclesie ardet, ideo rabiosius grassatur in Ecclesia: conatur multos euertere: excitat hereses, & facit varias dissipationes. De hac causa dictum est in Genesi: Serpens mordebit calcaneum eius.

Quarta, sepius singulares aliquae calamitates, poenae sunt certorum delictorum, quia Deus ideo irrogat hominibus, quia & iusticie Dei est punire peccata, & uult Deus in hac uita in aliquibus exemplis conspici iras suam, & iustum iudicium aduersus peccata, & uult reuocari lapsos ad poenitentiam. Sic Dauid propter adulterium & proditum Uriam electus est ex igno. Mana se abducitur in exilium: & de uniuersi populi exilio, & urbis Ierosolyme excidio inquit Ieremias cap. 22. Et dicent unusquisque proximo suo, quare sic fecit Dominus: & respondebunt, eo quod reliquerunt pactum Domini Dei sui, & adorauerunt deos alienos. Et Mich. 7. Iram Domini portabo, quia peccaui ei. Psalm. 88. Visitationes in uirga iniquitates eorum.

Quinta causa, ut afflictiones sint testimonia doctrinae, ut Ieremias, Baptista, non propter peculiaria delicta interficiuntur, sed propter alias causas, ut ærumnae testentur eos serio sic sentire ut docent, quia ueritatem anteferunt uitae, & omnibus commodis corporum.

Sexta causa, ut afflictiones sint testimonium immortalitatis. Cum enim Deus illustribus miraculis ostenderit sibi placere Abel, Paulum, & similes, & tamen sint eos interfici, necesse est restare aliud iudicium.

Septima, ut fiamus similes imaginis filij Dei.

Octaua, etiam ubi non sunt externa delicta atrocia, tamen Deus uult in multis interiora mala, superbiam, admirationem sui, carnalem securitatem emendare ut dicitur: Bonum mihi quod humiliasti me, ut discerem iustificationes tuas.

Nona causa, ut appareat sanctos uniuersam obedientiam praestare principaliter propter gloriam Dei, non tantum propter suas utilitates, ut in Psalm. 134. dicitur: Haec omnia uenerunt super nos, nec oblitus sumus te.

Decima, ut adpareat Ecclesia non humanis consilijs & praesidijs, sed ab ipso filio dei capite & duce Ecclesiae diuina potentia colligi, defendi & seruari, & in nostra infirmitate conspiciatur praesentia filij Dei propugnantis nos contra Diabolum, 1. Corinth. 4. Circumferimus Thesaurum hunc in uasis testaceis, ut excellentia potentiae sit Dei, & non ex nobis.

Cum igitur multae diuersae causae sint, cur Ecclesia subiecta sit cruci, non imaginandum est omnes calamitates certorum delictorum poenas esse: & satis commode distribuuntur afflictiones in quatuor genera. Aliae sunt *μαρτυρία*, id est, poenae certorum factorum, ut exilium Dauidis, uel supplicium politicum homicidarum, quae etiam si sunt poenae, non tamen merentur remissionem culpae, aut poenae aeternae, sed sunt signa irae Dei aduersus peccatum, uel testimonia iusticiae Dei irascentis peccato.

Aliae sunt *δυσκολία*, id est, exercitia utilia ad frenandos pios, & ad confirmandam fidem, ut ærumnae Ioseph.

Aliae sunt *μαρτυρία*, id est, testimonia doctrinae, & immortalitatis, ut Abel, Hieremias, Pauli, & similium necesse.

Aliae sunt *λύπη*, id est, precium pro aliorum peccatis. Tale autem est sola mors unius filij Dei, Sic Marth. 20. nominat suam passionem ipse filius Dei, qua

## DE POENITENTIA.

qua uoce admonemur de re maxima uidelicet, non sine admiranda disputatione, de collatione iustitiæ & misericordiæ Dei, remissa esse generi humano peccata, quomodo uidelicet Deus simul & iustus, & misericors esset. Eijclamus enim ex mentibus nostris stultas opiniones humanas, quæ somniant Deum ut lentum Patrem familias, seu ut Stoicum non irasci peccato, imo iusticia Dei uerè & horribiliter irascitur omnibus omnium peccatis, ut dicitur: Deus est ignis consumens.

Fuit igitur disputatio de collatione iustitiæ & misericordiæ, quam nulla creatura explicare potuisset, sed miranda deliberatione diuina res ita dñudicata est, ut ira in filium deriuaretur, & cæteris hominibus propter filium parceretur. Nam necesse fuit Deo uel per obedientiam, uel per poenam æquivalentem satisfieri.

Huius mirandæ deliberationis causas discemus in ulta æterna, nunc beneficium ipsum uult nos agnoscere Deus, & uult nos utrunq; cogitare, ingentem esse misericordiam, quod genus humanum receptum est, & simul ueram & ingentem iram aduersus peccatum, quod poenam & compensationem tantam interuenire oportuit.

Huc pertinet uetus argumentum dignum consideratione.

Misericordiæ est parcere, sed iustitiæ est immutabiliter seruare legem, requirere obedientiam, uel poenam æqualem.

Deus non solum est misericors, sed etiam iustus. Non igitur remittit sine compensatione, seu satisfactione.

Respondeo: Concedo totum argumentum. Non facta est remissio sine satisfactione, scilicet persoluta per filium Dei: sola obediētia filij Dei est satisfactio, & æquale precium pro nostris peccatis, & sacrificium placans iram Dei, sicut & Esaias inquit: Ponet animam suam hostiam pro peccato. Hanc uictimam uult Deus aspici, & iram & misericordiam considerari. Nec tribuendus est hic tātus honos, uidelicet esse λύτρον seu satisfactionem pro peccatis, ulli hominum iustitiæ.

Necesse est igitur taxari errores de Canonicis satisfactionibus, sparsos in Ecclesiam horribili cæcitate. Manifeste falsum est remitti poenam eternam propter Canonicas satisfactiones: manifeste falsum & hoc est, potestate clauium tolli poenas temporales non impositas arbitrio ministrorum, sed communes illas uagantes per totum genus humanum propter iram Dei uel propter confessionem, ut morbos, bella, inopiam, & similes, quæ sunt aliæ δειμαστία, aliæ τυφοί, aliæ μαρτύρια. Hæc genera nihil ad potestatem clauium pertinent, id est, potestas clauium nec imponit, nec remittit.

Esti autem uitandæ obscuritatis causa nolo recitare omnes labyrinthos huius materiæ, tamen quædam argumenta refutabo, quæ nunc excogitant aliqui astutè, ut errores prætextu aliquo stabiliant.

Primum est hoc: Ecclesia piè facit iubens querere mitigationem poenarum, & modum ostendens.

Certissimum est autè propter bona opera mitigari poenas temporales.

Igitur Ecclesia rectè facit, iubens facere certa opera.

Respondeo ad Maiorem. Ecclesia rectè facit iubens querere mitigationem poenarum, & modum ostendens scilicet traditum in Euangelio, non excogitans novos cultus. Verissimum est autem mitigari poenas tota con-



PHILIP. MELANT.

uersione & bonis operibus à Deo mandatis. Clamet Ecclesia sicut filius Dei, & sicut uox spiritus sancti semper clamat: Agite poenitentiam. Item: Nisi poenitentiam egeritis, omnes similiter peribitis.

Item: Si peccata uestra fuerint ut coccinum, eritis candidi sicut nix. Si eritis in tristissimis poenis, & uelut homicidæ in supplicio conspersi cruore, tamen Deus mitigabit poenas, deterget cruorem. Item: Cōuertimini ad me, & ego conuertar ad uos.

Hæc inchoatio nouæ obedientiæ, meretur mitigationem poenarum temporalem, & de his operibus à Deo mandatis intelligatur MINOR, non affligantur alia opera seu cultus non mandati à Deo. Quare si in conclusione addatur, Ecclesiam rectè facere indicentem alia quædam opera nō mandata à Deo, insidiæ sunt in conclusione, & neganda est consequentia, quia plus est in cōclusionē, quàm in præmissis. Ecclesia rectè facit præcipiēs totam conuersionem, & bona opera mandata à Deo, sicut mandata sunt: nō rectè facit fingens homines lege iustos esse, & alia noua opera faciendā esse tanq̃ supererogationis, quæ sint præcium ad cōpensandas poenas.

Cæterum de criminibus populo notis, antea dictum est, Ecclesiam cū recipit lapsos, posse exempli causa, publicè commemorare delictum & poenitentiam, & adiungere aliquā piam obiurgationem & adhortationē, &c.

Obijciatur & Pauli dictum: Si nos iudicarem ipsi, non iudicaremur. Ergo si Ecclesia puniret, Deus parceret nobis, & mitigaret calamitates publicas & priuatas.

Speciosum argumentum est, sed prudenter discernenda est uera castigatio ab hypocritis. Totum argumentum uerum est dextrè intellectum. Si nos iudicarem, id est, castigaremus seu emendarem uera conuersione, id est, si uero dolore cruciaremur, q̃ Deum offendimus, quod nostris scandalis turbauimus spiritum sanctum, quod nobis & Ecclesiæ cumulauimus miseria. In tali conuersione, fides, spes, inuocatio & noua obedientia uerè impetrarent mitigationem poenarum, ut supra dictum est. Et Iohel inquit: Cōuertimini ad Dominum Deum uestrum, quia bonus est, & remittit poenas.

Cū igitur Paulus inquit: Si nos iudicarem, &c. ueram poenitentiam seu ipsam conuersionem ad Deum intelligit, nec de alijs operibus non debet loqui, de quibus scriptum est: Frustra colunt me mandatis hominū. Et sine uera conuersione nulla opera Deo placent, quia Deus requirit obedientiam cordis, id est, uerum timorem, ueram fidem, spem acquiescentem in promissione Dei, ueram inuocationem, iuxta illa dicta: Veri adoratores adorabunt Patrem in spiritu & ueritate.

Item: Sacrificium Deo spiritus contribulatus, cor contritum & humillimum Deus non despiciet. Nec plus ualent coram Deo ieiunia non conuersorum, aut aliæ poenæ, quàm ualuerunt lacerationes corporum, quas faciebant sacerdotes Baal, & quales hodie dicuntur facere Turcici sacerdotes, qui ritus omnes ad hanc regulam pertinent: Frustra colunt me mandatis hominum.

Hæc de satisfactionibus hoc loco dixisse satis sit. Nam & alibi eadem doctrina sæpe exposita est, sed necesse est totam doctrinam de poenitentia, sæpe in Ecclesia repeti, ut omnibus notissima sit, & semper sit in conspectu,

OMNIBUS POENITENTIA.

pectu, quia in omni inuocatione quotidie cogitanda est. Sempiterni enim ob  
strepit inuocantibus hac tristitia concipit; Peccatores Deus non exaudit.

Huius obiectionis refutatio sumenda est ex doctrina de poenitentia, ut  
delicti non audiri peccatores, non agentes poenitentiam, sed agenti poeni  
tentiam mandatum est, ut credat se propter filium Dei gratis recipi & acci  
pi, ac placere eius inuocationem. Hanc fidei lucem non sinimus extingui  
falsis opinionibus de satisfactione Canonica, sicut saepe in Ecclesia valde  
obscurata est etiam uetustis temporibus: & cum extinguatur hac lux fidei  
recipiuntur opiniones Ethnicae & Turcae, quae fingunt remitti culpam p  
pter satisfactiones humanas, sicut nunc quoque docent Turcae, remitti p  
rium digni, si decem pauperibus praebeat uellem: & homines non p  
nit, facile capiuntur illa operum specie. Ideo tales opiniones maiore cura  
refutandae sunt, & simul corda excitanda ad ueram conuersionem, quae si  
ne ulla dubitatione impetrat auxilium Dei & mitigationem praesentis  
calamitatum, ut dictum est. Et pro hac luce doctrinae Deo gratias  
agamus, & gratitudinem declaramus in confessione

& studio conseruanda: finis pu  
ritatis.

FINIS.



# CLARISSIMO

VIRO D. GREGORIO PONTANO

Doctorisuris, Cancellario Ducis Saxonie Ele-

ctoris, Ioannes Brennius

S. D.



VCEI imprimis in politijs sapientia ac bonitas  
Dei, qui cum tueri institutam a se ciuilem socie-  
tatem uelit, subinde dat praestantes uiros, qui  
sapientia & uirtute fulcant aut restituunt res  
sub. Ita Solon Attica ciuitatem eodem diffi-  
censionibus ciuium rursus erexit. Et Augustus  
legibus, iudicijs, praesidijs, tranquillitatem Im-  
perij Romani munuit. Nec in tanta humani ge-  
neris contumacia perfici haec possunt sine in-  
genti labore, ac coelesti auxilio. Quare praecipuum in terris deus est in eo  
munere foeliciter uersari. Sed ad id accedit longe maius ac grauius onus, cu  
tales gubernatores, non tantum ciuilia negocia regunt, ut Solon & Augu-  
stus, sed etiam propugnant ueram Religionem, quales fuerunt Ioseph, E-  
saias, Ieremias, & Daniel, qui cum intelligerent Politias debere esse hospi-  
cia coelestis doctrinae, ad curam regendorum Imperiorum, altera maiorem  
adiunxerunt, ut religiones emendarent. Ea uero illis ingentia certamina ac  
pericula peperit. Nam Diabolus ardens horribili odio DEI, facit impetum  
aduersus tales uiros, ubicunque potest, & instigat furijs tyrannos & Epi-  
cureos sapientes, ut summa immanitate odij, & armis illos persequantur.  
Itaque nullum est maius onus, quam uerae religionis professio, ut cum cae-  
terorum piorum supplicia, tum praecipue filij DEI afflictiones & crucia-  
tus testantur. Hos cum ceteri mortales, tum uero maxime principes mun-  
di, & qui ignari pietatis, sapientia excellunt, quid aliud quam *καταπύματα* ac  
placula esse sentiunt. Propter hos arbitrantur DEVM toti rerum naturae  
Israël, propter hos negare terram fruges, & solem ac lunam pallefcere, cla-  
mitant. Ideoque, quantum possunt, annuntiant, ut eos funditus delcant. Nec  
profecto pii, qui haec perspiciunt, perferre odia possent, nisi diuinitus erige-  
rentur, ac uiderent se organa & milites esse filij DEI belligerentis *αγών*  
cum Diabolo. Cum autem & te, Pontane, uideamus in simili munere,  
ut Esaiam, aut Daniele uersari, hoc est, ad gubernationem reipublicae ad-  
iungere doctrinae coelestis propugnationem, conuenit, ut gratias DEO  
agamus qd dat nobis gubernatores reipublicae non solum sapientes, sed etiam  
pios, ac uota faciamus ut filius DEI, qui donatus est nobis, destruat opera  
Diaboli, te in sanctissimo munere tuo adiuuet. Quoties te stantem in coro-  
na principum & dicentem CHRISTI causam contra tyrannos uidi, subiit  
animum imago Danielis sedentis inter leonum agmina, & cum de odiorum  
ac periculi magnitudine cogitauim, tum uero erexi animum meum ijs conso-  
lationibus, quae nobis diuinitus propositae sunt. Propheta DANIEL signi-  
ficat multo etiam difficiliora certamina nobis impendere his postremis tem-  
poribus, quam qualia ueterum fuerunt, sed magna consolatio nobis pro-  
posita

EPISTOLA NVNCVPATORIA

posita est, quod spiritus sanctus expresse vocat pios ad hanc militiam, ne assentiantur Pontificibus impijs, qui in Ecclesia defendent εἰδωλομανίας, prædicat futura esse certamina ingentia, testatur DEO placere labores nostros, promittit etiam auxilium. Quare, quod facis, excello animo contemnas odia & furorem sapientum Epicureorum, tibi que gratulare hanc vocationem, quod in hanc stationem diuinitus collocatus es, qua nulla est in uita angustior, in qua tibi prælucent exempla summorum uirorum, Esaiæ, Ieremiæ, & similium, teque ad perferendos labores hortantur, in qua custodes habes angelos, ac ducem filium DEI, qui conteret caput serpentis, cū quo præliatur. Cum autem scirem te pijs & eruditis scriptis maxime fauere. Scis enim & eos, qui docent suos labores debere cum uestris coniungere, ac curare, ut extet & ad posteros perueniat doctrina Euangelij recte explicata, uolui, ut auspicio nominis tui hæc conciones de Pœnitentia à D. Christophoro Hoffman, eruditè & pie scriptæ, in publicum ederentur. Sperabam enim fore, ut tuo nomine plures ad lectionem inuitarentur, simul etiam uoluerat extare significationem obseruantia & mea & aliorum, quam tibi debemus. Et quia precibus adiuuare βαρυζήτης καὶ μαγιστὸν debemus, studium nostrum in hoc ponimus, ut te DOMINO nostro IESV CHRISTO commendemus, quem oro, ut te Ecclesiæ & reipublicæ seruet incolumem. Bene uale.

b. in



VIA A PRIOREM, B POSTERIOREM PAGINAB  
FACIEM, DESIGNAT.

Abfolute p[er]sona	183 d	177 b	Compassionis prohibita in aliis duobus p[er]sonis	189 d
Abfolute p[er]sona dicitur	190 b		Compassionis quibus ex quatuor non impeditur	190 d
Abfolute p[er]sona p[er]sona	191 b		Compassionis species peccati originalis	191 b
Abfolute p[er]sona p[er]sona p[er]sona	191 b		Compassionis u[er]a	191 b
Abfolute p[er]sona p[er]sona p[er]sona	191 b		Confessio delictorum ex quid fit peccata uere confiteri	191 b
Abfolute p[er]sona p[er]sona p[er]sona	191 b		Confessio delictorum e[st] heretica	191 b
Abfolute p[er]sona p[er]sona p[er]sona	191 b		Confessio externa ex publica	191 b
Abfolute p[er]sona p[er]sona p[er]sona	191 b		Confessio qua in summo p[re]cepto exigitur fidei	191 b
Abfolute p[er]sona p[er]sona p[er]sona	191 b		Confessio interna cordis	191 b
Abfolute p[er]sona p[er]sona p[er]sona	191 b		Confessionis materia	191 b
Abfolute p[er]sona p[er]sona p[er]sona	191 b		Confessionis necessitas ex utilitate	191 b
Abfolute p[er]sona p[er]sona p[er]sona	191 b		Confessio opus secundi p[re]cepti complicitas p[re]dicamentum ex doctrinam	191 b
Abfolute p[er]sona p[er]sona p[er]sona	191 b		Confessionis oris methodus	191 b
Abfolute p[er]sona p[er]sona p[er]sona	191 b		Confessionis oris necessitas	191 b
Abfolute p[er]sona p[er]sona p[er]sona	191 b		Confessio penitentia pars iuxta scholasticos	191 b
Abfolute p[er]sona p[er]sona p[er]sona	191 b		Confessionis privata commoditas	191 b
Abfolute p[er]sona p[er]sona p[er]sona	191 b		Confessio privata ex fraterna	191 b
Abfolute p[er]sona p[er]sona p[er]sona	191 b		Confessio pro reconciliatione	191 b
Abfolute p[er]sona p[er]sona p[er]sona	191 b		Confessio scholasticorum Sacramentalis	191 b
Abfolute p[er]sona p[er]sona p[er]sona	191 b		Confessionis species	191 b
Abfolute p[er]sona p[er]sona p[er]sona	191 b		Contingunt quibus fit p[re]ceptum	191 b
Abfolute p[er]sona p[er]sona p[er]sona	191 b		Consolationum Euangelij in homine saluando necessitas	191 b
Abfolute p[er]sona p[er]sona p[er]sona	191 b		Constitutiones per se impia	191 b
Abfolute p[er]sona p[er]sona p[er]sona	191 b		Contractus emptionis ex venditionis	191 b
Abfolute p[er]sona p[er]sona p[er]sona	191 b		Contritio an ex attritione fiat	191 b
Abfolute p[er]sona p[er]sona p[er]sona	191 b		Contritionis causa	191 b
Abfolute p[er]sona p[er]sona p[er]sona	191 b		Contritio iuxta scholasticos quid	191 b
Abfolute p[er]sona p[er]sona p[er]sona	191 b		Contritio non est causa sine qua non ex	191 b
Abfolute p[er]sona p[er]sona p[er]sona	191 b		Contritionis officium, usus ex finis	191 b
Abfolute p[er]sona p[er]sona p[er]sona	191 b		Contritio Pharisaea	191 b
Abfolute p[er]sona p[er]sona p[er]sona	191 b		Contritio quid	191 b
Abfolute p[er]sona p[er]sona p[er]sona	191 b		Contritio quomodo in homine saluando fit necessaria	191 b
Abfolute p[er]sona p[er]sona p[er]sona	191 b		Contritio uera	191 b
Abfolute p[er]sona p[er]sona p[er]sona	191 b		Contritionis uera effectus diuersi	191 b
Abfolute p[er]sona p[er]sona p[er]sona	191 b		Contritio uera quomodo fiat	191 b
Abfolute p[er]sona p[er]sona p[er]sona	191 b		Cordis impuritas	191 b
Abfolute p[er]sona p[er]sona p[er]sona	191 b		Corruptio usus	191 b
Abfolute p[er]sona p[er]sona p[er]sona	191 b		Credere deum quid uere sit	191 b
Abfolute p[er]sona p[er]sona p[er]sona	191 b		Credere deo quid uere sit	191 b
Abfolute p[er]sona p[er]sona p[er]sona	191 b		Credere deo quid sit secundum Lombardum	191 b
Abfolute p[er]sona p[er]sona p[er]sona	191 b		Credere in Deum quid sit iuxta Lombardum	191 b
Abfolute p[er]sona p[er]sona p[er]sona	191 b		Credentium opera	191 b

INDEX

b မိန့်



Ignorantia seu incredulitas facit peccati origi-	Lex impossibilis cur tradita à Deo.	60. b
nalit.	Lex infirmatur per carnem.	61. b
Impossibilia an præcepta Dei.	Lex Mosae abrogatio.	158. a
Invidentia ex causa speciei.	Lexum negatiua & affirmatiua.	168. a
Inuocatio filii effectus.	Lexi nemo satisficit.	19. a
Inuocatio filii effectus.	In lege quid proprie sit abrogatum.	119. a
Inuocatio filii effectus.	In legibus quid sit mortiferum.	118. b
Inuocatio filii effectus.	Lex quomodo fiat à nobis.	70. a
Inuocatio filii effectus.	Lex quomodo impletur à iustis.	71. a
Inuocatio filii effectus.	Lex quomodo faciat ad corruptionem.	113. a
Inuocatio filii effectus.	Legis partes dua.	114. a
Inuocatio filii effectus.	Lex possibilis iuxta Hieronymum.	91. a
Inuocatio filii effectus.	Legem pro nobis quomodo impleuerit Christus.	71. a
Inuocatio filii effectus.	Legum pugnantium controuersia quomodo explic-	164. a
Inuocatio filii effectus.	etur.	164. a
Inuocatio filii effectus.	Liberorum educatio.	114. a
Inuocatio filii effectus.	Libertas arbitrij.	117. a
Inuocatio filii effectus.	Libertas in usu mediorum.	119. a
Inuocatio filii effectus.	Magistratus civilis officium.	111. b
Inuocatio filii effectus.	Magistratui civilis quæ reuerentia debeat.	111. b
Inuocatio filii effectus.	Magistratus uindicta.	104. a
Inuocatio filii effectus.	Maledictio.	188. b
Inuocatio filii effectus.	Maleuolentia.	189. a
Inuocatio filii effectus.	Mandata Dei quatenus sint possibilis aut impossi-	66. b
Inuocatio filii effectus.	bilia.	66. b
Inuocatio filii effectus.	Mediorum abusus.	111. b
Inuocatio filii effectus.	Mediorum usus licitus.	111. b
Inuocatio filii effectus.	Mendacium officiosum.	119. b
Inuocatio filii effectus.	Missa abusus.	149. b
Inuocatio filii effectus.	Missa Populorum quid.	149. b
Inuocatio filii effectus.	Monachorum communio.	188. a
Inuocatio filii effectus.	Monachorum uota non seruanda esse.	188. a
Inuocatio filii effectus.	Mulierositus.	191. b
Inuocatio filii effectus.	Mutatio.	191. b
Inuocatio filii effectus.	N.	191. b
Inuocatio filii effectus.	Negatiua in præceptis Dei includit affirmatiua.	107. a
Inuocatio filii effectus.	Nonatur.	191. b
Inuocatio filii effectus.	O.	191. b
Inuocatio filii effectus.	Obedientia opus quarti præcepti.	180. b
Inuocatio filii effectus.	Obtrectatio.	190. b
Inuocatio filii effectus.	Odiu.	190. b
Inuocatio filii effectus.	Opera bona discernuntur a malis.	90. b
Inuocatio filii effectus.	Opera.	90. b

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100 101 102 103 104 105 106 107 108 109 110 111 112 113 114 115 116 117 118 119 120 121 122 123 124 125 126 127 128 129 130 131 132 133 134 135 136 137 138 139 140 141 142 143 144 145 146 147 148 149 150 151 152 153 154 155 156 157 158 159 160 161 162 163 164 165 166 167 168 169 170 171 172 173 174 175 176 177 178 179 180 181 182 183 184 185 186 187 188 189 190 191 192 193 194 195 196 197 198 199 200 201 202 203 204 205 206 207 208 209 210 211 212 213 214 215 216 217 218 219 220 221 222 223 224 225 226 227 228 229 230 231 232 233 234 235 236 237 238 239 240 241 242 243 244 245 246 247 248 249 250 251 252 253 254 255 256 257 258 259 260 261 262 263 264 265 266 267 268 269 270 271 272 273 274 275 276 277 278 279 280 281 282 283 284 285 286 287 288 289 290 291 292 293 294 295 296 297 298 299 300 301 302 303 304 305 306 307 308 309 310 311 312 313 314 315 316 317 318 319 320 321 322 323 324 325 326 327 328 329 330 331 332 333 334 335 336 337 338 339 340 341 342 343 344 345 346 347 348 349 350 351 352 353 354 355 356 357 358 359 360 361 362 363 364 365 366 367 368 369 370 371 372 373 374 375 376 377 378 379 380 381 382 383 384 385 386 387 388 389 390 391 392 393 394 395 396 397 398 399 400 401 402 403 404 405 406 407 408 409 410 411 412 413 414 415 416 417 418 419 420 421 422 423 424 425 426 427 428 429 430 431 432 433 434 435 436 437 438 439 440 441 442 443 444 445 446 447 448 449 450 451 452 453 454 455 456 457 458 459 460 461 462 463 464 465 466 467 468 469 470 471 472 473 474 475 476 477 478 479 480 481 482 483 484 485 486 487 488 489 490 491 492 493 494 495 496 497 498 499 500 501 502 503 504 505 506 507 508 509 510 511 512 513 514 515 516 517 518 519 520 521 522 523 524 525 526 527 528 529 530 531 532 533 534 535 536 537 538 539 540 541 542 543 544 545 546 547 548 549 550 551 552 553 554 555 556 557 558 559 560 561 562 563 564 565 566 567 568 569 570 571 572 573 574 575 576 577 578 579 580 581 582 583 584 585 586 587 588 589 590 591 592 593 594 595 596 597 598 599 600 601 602 603 604 605 606 607 608 609 610 611 612 613 614 615 616 617 618 619 620 621 622 623 624 625 626 627 628 629 630 631 632 633 634 635 636 637 638 639 640 641 642 643 644 645 646 647 648 649 650 651 652 653 654 655 656 657 658 659 660 661 662 663 664 665 666 667 668 669 670 671 672 673 674 675 676 677 678 679 680 681 682 683 684 685 686 687 688 689 690 691 692 693 694 695 696 697 698 699 700 701 702 703 704 705 706 707 708 709 710 711 712 713 714 715 716 717 718 719 720 721 722 723 724 725 726 727 728 729 730 731 732 733 734 735 736 737 738 739 740 741 742 743 744 745 746 747 748 749 750 751 752 753 754 755 756 757 758 759 760 761 762 763 764 765 766 767 768 769 770 771 772 773 774 775 776 777 778 779 780 781 782 783 784 785 786 787 788 789 790 791 792 793 794 795 796 797 798 799 800 801 802 803 804 805 806 807 808 809 810 811 812 813 814 815 816 817 818 819 820 821 822 823 824 825 826 827 828 829 830 831 832 833 834 835 836 837 838 839 840 841 842 843 844 845 846 847 848 849 850 851 852 853 854 855 856 857 858 859 860 861 862 863 864 865 866 867 868 869 870 871 872 873 874 875 876 877 878 879 880 881 882 883 884 885 886 887 888 889 890 891 892 893 894 895 896 897 898 899 900 901 902 903 904 905 906 907 908 909 910 911 912 913 914 915 916 917 918 919 920 921 922 923 924 925 926 927 928 929 930 931 932 933 934 935 936 937 938 939 940 941 942 943 944 945 946 947 948 949 950 951 952 953 954 955 956 957 958 959 960 961 962 963 964 965 966 967 968 969 970 971 972 973 974 975 976 977 978 979 980 981 982 983 984 985 986 987 988 989 990 991 992 993 994 995 996 997 998 999 1000 1001 1002 1003 1004 1005 1006 1007 1008 1009 1010 1011 1012 1013 1014 1015 1016 1017 1018 1019 1020 1021 1022 1023 1024 1025 1026 1027 1028 1029 1030 1031 1032 1033 1034 1035 1036 1037 1038 1039 1040 1

[illegible]





COMMENTARIORVM DE FORESTIS  
in Libris, in quibus de arboribus, de  
usu Dilectus

QVAE SVMMARIAM IN PRIMO LIBRO  
de arboribus de contentis

PARS PRIMA CONTINET FOR  
arboribus de contentis in quibus arboribus  
arboribus

PARS SECUNDA HABET AR  
arboribus de contentis in quibus arboribus  
arboribus

PARS TERTIA DE HIDE ET LYST  
arboribus de contentis in quibus arboribus  
arboribus

GRAPHATIO



**COMMENTARIORVM DE POENITEN-**  
tia, Liber Primus, in quo de uera pietate, &  
uero DEI cultu,

**QVAE SVMMATIM IN PRIMO LIBRO**  
de Poenitentia doceantur,

**PARS PRIMA, CONTINET POE-**  
nitentiae definitionem, in qua est operis totius  
fundamentum.

**PARS SECVNDA, HABET EX-**  
positionem de uera contritione, priore  
poenitentiae parte.

**PARS TERTIA, DE FIDE ET IVSTI-**  
ficatione scripta est: seu, de consolatione quae fit per  
Euangelium, posteriore poenitentiae  
parte.

**PRAEFATIO**



# PRAEFATIO IN QVA

DE OCCASIONE ET ARGVMENTO SE-  
quentis libri de poenitentia.



CRIPSIT de poenitentia Longobar-  
dus, sed cōsarcinatis fere ex patribus sen-  
tencijs, & mutilatis. Atque hunc securi  
sunt Scholastici Theologi, quibus simi-  
liter peruersum ac demens consilium fu-  
it, scribendi & coaceruandi commētari-  
os in Longobardum, potius quam scri-  
pturę sententiā enarrandi. Et erat quidē  
melius atq; utilius, illos prorsus tacere,

*Longobardi.*

*Scholastici  
Theologi.*

per quos uidelicet factum est, ut scripturę sententiā de Christi-  
ana poenitentia diu ignorauerimus, quam uel nominum eorum re-  
cordari: si ita extirpari & sepeliri possent. Sed quoniam nunc reg-  
nant, ne dicam grassantur in totius prope orbis Ecclesijs: & illę nō  
possunt a sordibus doctrinę repurgari, nisi de corrupta per istos  
Theologos Ecclesiastica & Christiana doctrina admoneatur: per-  
trahendi sunt in iudicium, & de prophanata poenitentię doctrina  
conuincendi ac damnandi.

Igiur poenitentię quidem fecerunt tres partes: Contritionem,  
Confessionem & Satisfactionem. Sed omnino, si quid boni in illis  
partibus erat, id totum uanissimis commentis, uel philosophię ra-  
tionis, aut pharisaicarum traditionum fœde contaminauerunt &  
corruerunt. Nam primum docent, ut homines poenitentiam eli-  
ciant sua industria: & deinde addunt, quod his operibus sibi grati-  
am saluationis mereantur. Quo non solum poenitentiam recte nō  
docent: uerum etiam Euangelium, quod concionatur de fide pla-  
cati & reconciliati nobis Dei, remissi peccati, donatę iusticię & ui-

*Scholastici  
de poeniten-  
tia quid doce-  
ant.*



ne aeternae, prorsus obducunt atque excludunt. Ac libet ea de re pau-  
cis praefari, ut lectori consilium meum, quod contra istorum dog-  
mata, pro ueritate & gloriae Christi assertionem, in hoc meo scripto  
secutus sum, plane aperiam. Sic enim melius intelliget, quam ne-  
cessarium sit, omnibus modis & omnium uiribus, prophanatam  
Scholasticam doctrinam, rursus per Sanctae scripturae iudicium,  
& sententiam repurgare.

Castro  
Scholasticorum  
gall.

Primum de contritio, seu cōpunctio cordis prima est, quam Scho-  
lastici definiunt dolorem uoluntarie pro peccatis assumptum: & il-  
li, sicut alijs operibus nostris, tribuunt meritum gratiae & remissio-  
nis peccati. Verum haec de contritione persuasio, est inanis & fi-  
cta rationis cogitatio & merum hominis somnium: nec simpliciter  
aberratur in ea Scholasticis. Primum enim, quia contritionem  
lingunt esse rationis opus, quae est opus Spiritus sancti in nobis:  
quod suis in locis clare demonstrabimus & euincemus. Deinde  
quod operi nostro tribuunt meritum remissionis peccati, quae do-  
natur gratis, propter solum Christum, his qui promissioni gra-  
tiae credunt. Quare ita sentiendum est, & sic confirmandae erunt  
Ecclesiae, quod uera contritio & uerus animi dolor, in quo est ue-  
ra detestatio peccati propter Deum offensum, non sit nostra indu-  
stria: sed contingit dono Dei, aliud plerumque agentibus & con-  
tribus nobis. Nec mereatur remissionem peccati, sed seruit ad humi-  
liationem nostri ueram coram Deo: in primis autem ad deprimen-  
dam, implam illam, & superbam ac uanam persuasionem, seu opi-  
nionem, de merito & dignitate iustitiae rationis coram Deo. Deni-  
que, si quibus illa uenit, sine fide gratuita remissionis peccati, eos  
protrudit ac mergit in perpetuam desperationem: & sic uitae aeter-  
nae salute priuat. Tantum abest, ut cum alijs operibus legis, meri-  
toria saluationis esse possit.

Castro  
Scholasticorum  
tam quam se  
erant idem  
sunt.

Porro Scholastici suae opinatae contritioni, secundo loco ad-  
dunt Confessionem oris: qua parte intelligunt confessionem de-  
lictorum, quae a contritis fiat. Et licet, sit aliqua delictorum con-  
fessio necessaria, quam pñ faciat coram Deo & hominibus, tamen  
Scholastici, belli doctores, hanc solam nobis praedicant, pro qua  
facienda Romani pontifices, etiam edicto requirunt a nobis cer-  
tam omnium delictorum nostrorum enumerationem, usque ad mi-  
nutilimas cogitationes cordis. Porro istam scrupulosam, diffici-  
lem, imo impossibilem confessionem delictorum, iubent fieri ponti-  
fices a singulis coram privato sacerdote, uel semel in anno: ut uide-  
as ut

as nihil quam hypocrisim, in hac quoque parte, ab illis doceri, & requiri. Scholastici autem hanc non minus quam contritionem maximi meriti esse, pro depulsione peccati fingunt: ipsamque uocant Sacramentalem, cum prorsus sine omni mandato Dei doceatur, a. rox, uiolēta, pharisaica, & multis modis impia & indigna Christianis, quod in quodam alio opere, propitio Christo Iesu, dicam & ostendam.

Tertio loco agunt de satisfactione operis. Et cū potuissent hac parte Scholastici, de exteriorē poenitentia, quæ est quedam perpetua nouatio uitæ, & studiū pertinax, ut ita dicam, declinandi a malo & faciendi bonum, dicere: quod tolerabiliter satisfactio uocari posset. Non quia illo pro peccatis, aut poenis peccati satisfaciat: Sanguis enim Iesu Christi filij Dei emundat nos ab omni peccato & liberat ab æterna morte. Sed quia in eo non nihil satisfacit uoluntati Dei: qui uidelicet illam poenitentiam a nobis requirit. Nam a Christo & Apostolis docetur: adeoque ab omnibus Prophetis. De qua Germani sic dicimus: die beste bues nicht mer thō. Optima poenitentia, est noua uita. Qua nimirum receditur a peccato, & implendæ uoluntati Dei homines sese dedunt. Hæc inquam utilia & necessaria, cum potuissent hac in parte Scholastici tractare, maluerūt tamē suo more ineptire, quia iubent, ut satisfactionis nomine quedam opera a confitentibus requirantur: scilicet, quibus satisfaciant iusticiæ diuinæ, punienti alioqui nostra peccata. Porro hic nugantur, de quibusdam operibus non præceptis a Deo, quæ etiam indubitata uocant, nempe, certam elemosynam, certas preces, & certa ieiunia. Item, peregrinationes, redemptiones missarum pro uiuis & mortuis: denique emptiones indulgentiarum, omnium pulcherrimas, & utilissimas, non poenitentibus, cætera intelligis. Sed illis tamen non tribuunt meritum remissionis peccati: quia peccata remitti dicunt per contritionem & confessionem: sed meritum remissionis poenæ, non æternæ illius, sed in purgatorio persolendæ. Quamquam ne hoc signum euitare possunt, quin arguantur, quod Christi gloriam obliterent & opprimant.

Vides lector, quæ sit libido, iudicantium sine scripturis de uoluntate Dei, & uera ac debita pietate. Existimant Scholastici, quod homines bene operando, plus facere queant, quam sit omnibus a Deo præceptum: cum diuinis mandatis nemo satisfacere possit, & illa nusquam ocium nobis relinquant, in quo possemus alienis & non præceptis uacare. Sed huius exactiorem discussionem referuo in

*Satisfactio  
operis Scholasticorum.*

*Opera indubitata Scholasticorum.*



aliud opus. Satis est hic tenere, quod etiam ipsis Scholasticis testi-  
bus hæc pars poenitentiae non est nisi friuolum & audax rationis  
commentum & somnium: & prorsus nulla auctoritate uerbi Dei do-  
cetur. De quo certe in Ecclesia ita pronunciare oportet, ut Chri-  
stus pronunciet. Matth. xv. producto testimonio ex Esaia: Popu-  
lus hic labijs me honorat: cor autem eorum longe est a me. Sine  
caussa autem (μετ' ἄνω, uane ac frustra) colūt me: docentes doctrinas  
mandata hominum.

Hæc fere est summa Theologiae Scholasticae & rationis de poe-  
nitentia, breuiter ac paucis dicta. Ex qua liquet primo, quod in ea  
tota nullam faciunt de Iesu Christo mentionem. Quam non po-  
tuerunt illius mentionem facere: uidelicet, in dogmate quod rati-  
onis uiribus totum subiacere putant, & illius obedientia hominem  
sibi gratiam & salutem mereri. Denique, super hæc grauissima in-  
commoda doctrinae accedit, quod mandatum Dei de agenda poe-  
nitentia, uanis hominum commentis, ne quid durius hic dicam,  
maxima sui parte contaminauerunt. Ex quo iudicare est, per quem  
Ipirium prodierit in mundū, atque regnet in illo, quid agat, adeo-  
que quam dextre pro Christiana doctrina a magnis quibusdam,  
utriusque potestatis defendatur: quo tamen nihil quam oblitera-  
tur, opprimatur & negatur Euangelium de gratia redemptionis  
nostrae per Christum, fides uera extinguatur, & solae doctrinae &  
mandata hominum extolluntur & magnificantur. Hæc impia do-  
gmata, quia a multis hoc tempore reuelati denuo nobis Euangelij  
gratiae & salutis nostrae per Christum, pertinaciter in Ecclesia, plu-  
rimis in locis, retinentur, confutari debent, a quibuscunque tandē  
hoc fieri potest, quantuliscunque uiribus doctrinae. Nam Iesu Chri-  
sto, Domino & seruatori nostro, hanc confessionem ueritatis &  
suae gloriae omnium primo, deinde toti Ecclesiae, uel periculo hu-  
ius animae debemus.

Ostendi paucis, quæ res dederit occasionem mihi, cur animum  
induxerim de poenitentia scribere: quod hoc tempore post aliorū  
grauissimos & sanctissimos labores eo libentius faciam, quia blas-  
phemi homines multi, contra claram Euangelij lucem, ab excu-  
sanda & uindicandis erroribus suis, tam crassis quam impijs,  
nullo modo desistunt: in tantum inanes fidei, & alieni a spiritu  
Iesu Christi. Nunc dicam de argumento huius libri, cuius tres  
feci partes: & in prima quidem exposui, quid sit poenitentia, qua-  
liter maxime clare ac perspicue doceri debeat. Deinde adieci ali-

quos

Aut huius  
spiritus.

Argumenti  
primi libri  
de poeniten-  
tia.

P R A E F A T I O .

quot quæstionum tractationem: quas oportet ubique nosse & tenere, semper in promptu habere; tanquam principia quædam quæ gubernent discantis animum in Christiana doctrina. Nec uisum est alio magis idoneo loco posse eas explicari, quam in ea parte, quæ exponit quid sit poenitentia. Est enim in illis quæstionibus uelut enarratio quædam & confirmatio definitionis: quod satis in locis cognoscetur, et aptius & maiore fructu, quam hic dici possit. In reliquis duabus partibus egi de contritione & fide: nam & poenitentia hæc duas principales partes ad præscriptum sacrarum literarum dedit: quibus deinde adieci tertiam illam de fructibus poenitentia, seu externa nouitate, operibus in Christiana resipiscetia debitis. Sed illi postremæ tractationi dabitur proprium uolumen, si modo his meis inceptis & conatibus fauerit Iesus Christus. Non loenim, ut primus liber in nimiam molem excrescat.

Et hæc de argumento futuri operis: in quo etiam separato uolumine pharisaicam doctrinam, de poenitentia, perstringam. Iam summam ac paucis percurram, quid omnino oporteat in Christiana poenitentia a nobis spectari. Sane enim uerax & Christiana poenitentia, hoc est, uerax resipiscetia & conuersio hominis peccatoris ad Deum, nulla est, nisi quam Deus in peccatore, per uerbum suum & spiritum sanctum operatur. Vnde Christianis, querenda sit, bus gloriam Dei, & suam æternam salutem, quam maxime commendata esse debet uerbi Dei prædicatio & doctrina: cū legis, tum Euangelij. Nam contritione, ueram illā, quæ non habet simulatos terrores, nō fictum odiū peccati, sed in qua est cognitio peccati uera, & a quo liberari homo peccator ueraciter cupit, efficit & operatur in nobis Deus, per legis diuinæ prædicationē, & per cōminationes illas damnationis impiorū. Hæc uero animi nostri indicibilibus terroribus ita concutiuntur & eruciantur, ut nihil minus uelle, nihil minus amare queant, quam sic conteri. Sed necesse est ita humiliari & ad desperationem salutis redigi: quia Deus non, quā uere humiliatos, cōsolatur, nec sanat nisi contritos corde. Hanc ergo, quam amarius odimus & peius fugimus, ipsa morte, securi hypocritæ fingunt rationis uiribus elici a nobis posse. Deinde, quæ desperationem meditatur, & blasphemat Deum, dicitur pacem operari, gratiam & uitam æternam mereri.

Sed per Euangelium Deus operatur in conscientijs nostris pacem, promissione remissionis peccati gratuite, reconciliationis, iusticiæ & uitæ æternæ, per Christum: quatenus in illum, per hanc



Euangelij promissionē, credimus. Neq; enim aliter sanat deus cor  
impj & pectoris contritū et cōterritū, nisi hac consolatione per E-  
uangelij: cuius apud Scholasticos & in ecclesia papistarū altissimū  
silentium est. Neq; aliter a condemnatione æternæ mortis serua-  
mur: tamen si poenas mortis, multis alijs medijs hypocritæ quærāt  
effugere, sed hoc inaniter & frustra. Porro, quando fidem concipi-  
mus per Euangelium, tunc oritur demum uerax odium in nobis et  
displicentia de peccato, & Deo per peccatum offenso: nimirum tā-  
quam quædam gratitudo. Ipsa uero pax conscientiæ, de qua dixi,  
est fidei fructus ille, qui animum peccatoris, alioqui male affectū,  
sanat, serenat & tranquillat, & prohibet ne in desperationem laba-  
tur, adeoq; firmissima spe æternæ salutis munit: denique omnem  
illam perturbationem, de qua dictum est, discutit & tollit. Tam  
est necessaria Euangelij prædicatio, in pœnitentiæ doctrina. Do-  
ctrinæ uero hominum plane nihil ad rem faciunt: nisi quod egre-  
gios hypocritas efficiunt, & a salute æterna alienant.

*Pœnitentia  
Christiana  
habet motus  
fidei spiritus  
sancti.*

Sed hæc Christiana pœnitentia de qua loquor habet præterea  
motus alios spiritualissimos glorificandi Deum: & in omnibus cō-  
silijs, conatibus, dictis & factis illū colendi. Nam & confessio de-  
lictorum pia inde nascitur: nimirum nō ex sola contritione, sed et-  
iā ex fide, in qua est indubitata spes & certa fiducia accipientiæ re-  
missionis peccati per Christum. Et sic quidem est uoluntarium ho-  
minis opus, non uiolentum: nō modo confessio delictorū, uerum  
etiam tota pœnitentia & conuersio ad Deum: sed in quo agit atq;  
efficax est Spiritus sanctus. Neq; habet opus confessio illa, ut per  
edicta pōnificum ab inuitis extorqueatur: quæ sola utilis est & pia:  
quia sua sponte faciunt eā hominēs pji: siue illa sit opus corā Deo,  
siue coram hominibus. Dixi autem supra, impiam esse, quæ ab in-  
iuitis & nolentibus extorquetur.

*Remissio pec-  
catorum cor-  
pi gratuita.*

Sic tota reliqua uitæ nouitas, & uere opera bona, sunt quidam  
effectus huius Christianæ pœnitentiæ. Nec existimare debemus,  
quod remissionem peccatorum illis mereamur. Hæc enim per ali-  
ud nobis donatur: nempe, per mortem unigeniti filij Dei Christi.  
Si tamen Euangelio, quo nobis hæc maxime beneficia Christi no-  
mine offeruntur, credimus. Et gratuitam esse hanc cōdonationem  
delictorum nostrorum, hoc maxime arguit, quod promissionū su-  
arum Deus nobis tam preciosum pignus dedit: uidelicet, filium su-  
um, qui incarnatus, passus, mortuus, excitatus a morte, & regno  
æterno glorificatus, nos redemit a peccato & a morte: adeoque est  
perfectissima

perfectissima iusticia nostra, & uita, salusq; æterna.

Quare oportet nos de meritis iusticiarum nostrarum plane desperare, & aliunde saluationem expetere. Nisi enim dedisset semet ipsum Christus precium & satisfactionem pro nostris peccatis in mortem: & nisi gratis hoc beneficiū nobis impendisset, nemo omnium nostrum saluus fieri potuisset. Neque tamen prodest illa redemptio, nisi illis qui credunt: & saluationem hanc sui agnoscunt gratuitam esse.

Hunc ergo Canonē sequi debebunt, Ecclesiæ doctores, perpetuo in poenitentiae doctrina: uidelicet, ut post conscientiae dolores & terrores illos in contritione, post reuelationem peccati & iræ Dei, admoneant discipulos consolationum Euangelij, & reconciliationis erga Deum, quæ facta est omnium nostrum per Christum. Nam tunc demum doctrina de bonis operibus secure tradi potest & foeliciter disci, quādo homines de uera in Christum fide prius sunt edocti. Ceterum pessime consulunt infirmis & perturbatis sensu & cognitione peccati mentibus, qui homines non mittunt nisi ad operum suorum merita & satisfactiones. Nihil enim prorsus medetur afflictæ conscientiae, nisi æstimatio ineffabilis precij uulnerū Iesu Christi. Sicut propheta testatur: Et noticia sui seruus meus iustus, multos iustificabit: ipse enim portabit peccata ipsorum. Hæc uero noticia non est alia quam quæ fide per promissionem Euangelij adprehenditur: de redemptione nostri, & æterna salute per Christum. Sed spiritu constat, nō littera cuius: laus ex Deo est.

SEQUITVR PARS PRIMA, IN QVA DE

*poenitentiae definitio.*

**E**lenchus capitum primæ partis, libri primi, de poenitentia.

Quid sit poenitentia.

Cap. primum.

Posse lapsos resurgere: itē, de origine et causis impij erroris quo lapsis negare cœperunt, recōciliationē contingere posse. Cap. ij.

Obiter de peccato in Spiritum Sanctum: quod dicitur peccatū ad mortem. Cap. iij.

Contra eos qui lapsis, peccati remissionē, semel duntaxat, ministerio Ecclesiæ, cōcedendā pe. miserū: cū ea semper reddi debeat, tanquā debitum, his qui uere ad Deum conuertuntur, etiam in finitis modis lapsis. Cap. iij.

Quorum sit poenitentiam agere: utrum omnium, & omni tempore torius uitæ. Cap. iij.

Quod uera poenitentia cōstet, tā interioris, q̃ exterioris hoīs repa

A iij



ratione: & q̄ utranq; Deus ipse operetur in nobis. Cap. vi.

Contra præsumptionem & desperationem: & quod nulla est  
spera poenitentia, nisi quæ destituitur fide in Christum. Cap. vii.

De differentia ac notis ueræ & fucatæ poenitentiae: quod ex ef-  
fectibus cognosci & iudicari potest, contra fictam & mortuam fi-  
dem. Cap. viii.

Multis in sacrae scripturae typis, poenitentiam fuisse adumbra-  
tam. Cap. viii. & ult.

Quid sit poenitentia

CAPVT I

**S**cripturus de poenitentia, efficiam ante omnia, ut illius quandā  
certam, ab hoc initio, seu descriptionem, seu definitionem, con-  
stitutam & proponam: quam deinceps in toto opere sequar. Dein-  
de alias quasdam illius circumstantias & accessorias quaestiones, ut  
in eam doctrine partem, aut sua sponte incidunt, aut casus in illam  
inferunt, pro uirili & mediocritate mea diligenter explicabo.

Proinde, eruditi grammatici, qui graecae linguae noticiam pro-  
fuerunt, deducunt poenitentiae nomen, a sensu retractando, & cu-  
ta in melius mutanda: siue, a resipiscendo, mutataq; sententia. Ac-  
certum est plane, rem quæ in sacris poenitentiae nomine docetur,  
huius nominis significationi prorsus conuenire. Nam uerax resipis-  
centia, qua cogitata & facta priora retractamus, adeoq; in melius  
mutamus, complectitur utiq; totam renouationem: non illam in-  
ternam cordis solum, sed etiam externam factorum. In qua iam est  
non solum dolor tristitiaeq; commissi, & sui mali sensus quidam,  
horror, fuga, ac displicentia earum rerum, quæ nobis paulo ante  
arridebant & placuerunt: Verum etiam fides in Deum per Chri-  
stum, qua cor contritum & perterritum cognitione peccati & iræ  
Dei, rursus accipit firmam consolationem: ut possit in poenitentiae  
debito instituto homo retineri, adeoq; per externam sui emendatio-  
nem fructificare: sine fide enim nemo unquam pie dolebit de prio-  
ribus actionibus prauis: neq; poterit serio & perseveranter uitam  
suam omnem in melius mutare.

Porro huic nominis proprietati respondet apud Hebraeos cō-  
uertendi uerbum, quo usi sunt cū alijs prophetae, tum Ezechiel in  
poenitentiae praedicatione. Sicut cap. xviii. ubi ait: Si impius egerit  
poenitentia ab omnibus peccatis suis, uita uiuet et nō morietur. Itē:  
Cōuertimini & agite poenitentia. Et ibidē: Reuertimini et uiuite.  
Nā in illis omnibus locis, idem uerbu est in hebrgeo, ab eadē radice  
ut uocant,

*actum  
sufficiens  
munda  
munda  
munda*

Contritio.

Fides.

Externæ re-  
nouatio.

LIBER PRIMVS.

ut uocant, & origine deductum. Quod significat non ita poenitere proprie, ut qui dolent solum de impie, scelerate, flagitiose, & turpiter admissis: quemadmodum Iudas poenitentia ductus est ac doluit, ille qui prodidit Christum: Verum etiam, ut quibus sic displicent sua errata, delicta, iniquitates & peccata, ut ex toto corde sese ad Deum conuertant, fiducia gratiae concepta, resipiscant ac redeant in uiam. Qualis fuit poenitentia Petri, qui postquam peccatum et temeritatem suam blasphemam agnouisset, ita doluit ac fleuit amare, ut tamen fiduciam gratiae non abijceret: denique fide in Christum concepta, poenitentiae fructum optimum fecit. Nec enim possibile est, uere & ex animo ad Deum conuerti, & cum fructu, qui decet filios Dei, nisi eos in quibus est fides placati nobis Dei patris, & remissi peccati nostri per Christum.

Impiorum contritio.

Piorum contritio.

Causa totius nouitatis.

Ad hunc ergo modum uerbi hebraei etymologia, significationi graecae dictionis pulchre consentit: & ipsa adeo res, quae in sacris literis, ut dixi, poenitentiae nomine docetur, aptissime quadrat. Germani uocant, Bues thon: cum id quod audacter, flagitiose & scelerate, item minus iuste, minus prudenter aut pie admissum est, seuerius castigatur, coercetur, comprimitur & emendatur. Quod si quando fit, in erratis nostris & delictis contra Deum admissis: et quidem ex amore iustitiae, probitatis, & uoluntatis Dei, tunc profecto recte dicimur & pie agere poenitentiam. Sed amor ille, non aliunde exoritur in homine, uerus ac firmus, quam per fidem in Christum: non enim cognosci a nobis Deus foeliciter potest, nisi per fidem in Christum: multo minus amari posset, sine hac fide: ut nihil agere intelligas, qui poenitentiam sine fide praedicant: nisi quod animas mactant & perdunt.

Germanica appellatio in his uerbis significat.

10. 12. 14. 15.

Qui haec inspiciunt diligenter, & consyderant attente, illi intelligunt profecto, pro Spiritus prudentia, poenitentiam non esse aliud, quam uitae nouandae studium: quod ex fide oritur, eius qui beneficia erga se Dei per Christum recte agnouit, Tristitia utique & dolor, quem gignit peccati uera cognitio, & metus atque terror iudiciorum Dei: sed ad quem leniendum & sanandum consolatio per Euangelium accedit, de remisso peccato & placato deo per Christum. Haec cum fide adprehenditur, accedit et animat hominis cor, ad Deum redamandum: & ad externae iustitiae pium, uerax ac firmum studium praestandum.

Poenitentia.

Tris in poenitentia.

Haec simplex & uera poenitentiam agendi ac docendi ratio & uia est: e qua tam exorbitant qui nos docent, pro Christiana

Scholastici Theologi.



COMMENT. DE POENITENT.

poenitentia frigidissimas attritionis & contritionum hypocrites, ut alia incōmoda falsæ & impie doctrinæ taceam. Ac fingunt remissionem peccati, illis operibus nos mereri: profecto tam nō Christiane q̃ qui Christianū nomē atrocissime psequuntur, et Ecclesiam Dei misere lacerant atq; deuastant. Quæ enim nocētiō pestis inuadere Ecclesiam posset, quam est impia, mēdax, fallaxq; doctrina? Vere poenitentiam agens, non delet, non extinguit, poenitentiam agendo, sua peccata: quia remissio peccati donatur gratis nobis propter Christum. Sed ad agendam poenitentiam accedens, primū non est ignarus sui mali, in quo fuit & est propter peccatū: hoc est, condemnationis atq; iræ Dei, quæ irrogantur, per legem, propter peccatū. Qua re prohibetur, ne de iusticijs suis, superbe, arroganter, & p̃sumptuose sentiat: qui optimus est, & p̃clarissimus fructus contritionis. Deinde, nec immemor est beneficiorum gratiæ, in quæ uocatus ac receptus est, per promissionem Euangelij, propter Christum: quæ cum fide adprehenditur, uetat ne in desperationem salutis corruamus, quin potius quam certissimi & prorsus securi, æternæ salutis efficiamur. Deniq; hanc promissionem gratiæ causam habet, uitæ suæ in melius mutandæ: quia totus in eo est, ut Deus & pater Domini nostri Iesu Christi, in omnibus studijs et factis suis glorificetur. Satis nouit, iam non opus esse sibi merito alio remissionis peccati & uitæ æternæ, quā accepit ac possidet per Christum. Nam si quis mereri uelit hoc gratiæ beneficium per sua opera, is blasphemus est, in auctore æternæ salutis, Iesum Christū. Christus enim redemit nos a peccato & a morte: adeoq; ab æternis maledictionibus legis: deniq; perfectissime nos deo patri reconciliauit.

In hac poenitentia, seu resipiscencia, prima est contritio cordis: acerbus & uellemus dolor, qui oritur quidem, ut sæpe dixi, per ueram cognitionē peccati, quam lex mōstrat. Hæc enim est contritionis doctrina: accusans peccata & uicia nostra, & sententiam illam mortis, quæ lata est cōtra peccatores, cōfirmans. Et ideo promissio gratiæ ad illam accedere debet: quam nos oportet per fidem adprehendere. Euangelium enim est iustificationis et salutis æternæ doctrina: Et liberat a peccato & æterna morte, quatenus qui audiunt Euangelium, in Christum filium Dei credunt. Quia contritio per se nulli posset prodesse: imo eum, in quo est sola, semper deijcit in desperationem. Sed per Euangelij consolationem erigimur in spem salutis æternæ: propter filium Dei Christum, in quem credimus. Quapropter cum poenitentia doctrina, annuntiatio Euangelij

Euangelij semper debet coniungi: nec Euangelij sine poenitentia doceri debet. Quanquā sunt, qui uideri uolunt multū Euangelici esse, cum tamen poenitentiae praedicationē uix unquam attingant: quales non possunt non peritiosi esse Ecclesiae doctores. Debe-  
mus enim per legem doceri de immundicijs nostris & peccatis: ut humiliter de nobis sentiamus. Per Euangelium autem gratiae sal-  
uantis admoneri, quae obligat nobis propter Christum: ut creden-  
tes iusticiam, uitam & salutem habeamus. Nam iusticiae nostrae  
sunt reuera imperfectae & immundae, & ea causa semper opus ha-  
bent gratuita remissione peccati corā Deo. Deinde nec potest ani-  
mum seu uoluntatem poenitendi, aut fructum poenitentiae firmum  
atque integrum impetrare nobis, praeterquam sola gratiae fides.  
Denique hac ipsa fide grata sunt & accepta opera nostra corā Deo:  
ut maxime sint imperfecta. Quia ignoscitur his apud Deum, pro-  
pter Christum, qui in hunc seruatorem suum credunt. Rom. viij.  
Sed iam aliquot exempla praedicationis in literis sacris poeniten-  
tiae, docendi gratia subscribam. Tam igitur Prophetae & Ioannes  
Baptista, quam Christus & Apostoli, sicut ostendi, poenitentiam  
& Euangelij gratiae docuerunt. Ezech. xxxij. Vivo ego dicit Do-  
minus: nolo mortem impij: sed ut conuertatur impius a uia sua  
& uiuat. Poenitentiam requirit, & conuertenti se a uia sua praua pol-  
licetur gratiam & uitam. Imo nisi haec spes proposita esset poeniten-  
ti, quid prodesset homini illa conuersio? Deus igitur gratis ignos-  
cit peccata: his qui fide promissae & oblatae gratiae conuertuntur &  
poenitentiam agunt. Rursus Math. iij. & iij. Poenitentiam agite:  
adpropinquauit enim regnum coelorum. At regnum coelorum  
est regnum illud gratiae & salutis, donatae a Deo contra tyranni-  
dem peccati & mortis: beneficio filij sui, Domini & seruatoris no-  
stri Iesu Christi. Quapropter ignoscit nobis, & remittit gratis pec-  
cata nostra, quatenus in Iesum Christum credimus: deinde dispo-  
nit nobis regnum & uitam aeternam, per Iesum Christum. Proin-  
de haec tam tanta gratiae effusa benignitas, debet utique impetrare a  
nobis, ut poenitentiam agamus. Eo namque erudimur a gratia: Tit. ij.  
Nō profecto ut iusticiam & uitā, seu regnū, per opera mereamur:  
sed ut Deū p gratia glorificemus. Nā sunt certe ingrati et incredu-  
li, qui nullis tantis beneficijs gratiae, ad agendam poenitentiam possunt  
accēdi. Qui uero per opera poenitentiae iusticiam & regnū mereri  
uolunt, negant gratiam & seruatore Christum. Quanquam quid  
sunt immundae & mēstruatae iusticiae nostrae, ad aeternae gloriae re-  
gnū?

Exempla pro  
dicata in sa-  
cris poeniten-  
tiis.



Ergo si quando ad poenitentiam per gratiam uocamur, præcipua est unius gratiæ prædicatio, & laus gratiæ: quæ adprehensa per fidem, ad poenitentiam agendam, seu uitæ nouitatem, animos nostros præparare debemus: id quod Marci primo multo significanter dicitur: Postquā autem traditus est Ioannes, uenit Iesus in Galiliam, prædicans Euangelium regni Dei, dicens: impletum est tēpus, & adpropinquauit regnum Dei: poenitentiam, agite: & credite Euangelio. Nihil habet enim in uniuersum Euangelij annunciatum, quam gratis remitti nobis peccata nostra, et donari iusticiam, uitam æternam, & liberationem ab æterna morte propter Christum, si in illum credimus. Hanc enim unam conditionem adponit Euangelium, ut gratiam fide recipiamus. Quod si opera nostra conditionaliter requireret, iam liceret, imo necesse esset, operibus fidere: ac posset homo contra gratiam gloriari. Sed non sic scriptura docet, ne confidamus nisi in Deum, & Seruatorem Iesum Christum: adeoque exclusam esse meriti operum nostrorum glorificationem, ne, quam in Domino & gratia, gloriemur. Deinde poenitentia prædicatio, non est proprie Euangelij, sed legis doctrina: ideo non alligatur ad operis nostri poenitentiam, gratia Euangelij, sed gratis propter Christum donatur. Quanquam per Euangelium doceatur, quomodo sit grata Deo poenitentia nostra: nempe, si per fidem gratiæ, & per nomen Iesu Christi præstetur.

Proinde, ut Euangelij gratia, nō relinquit ociosos, aut sine poenitentia, eos qui uere crediderunt Euangelio: ita non potest ferre istos blasphemos, qui meritis operum suorum premium iusticiæ & salutis deberi contendunt. Sed istius impietatis tamen, habemus & autores & professores in Ecclesia, Papistas & Scholasticos Theologos. Cæterum prædictis exemplis prædicatæ in literis sacris poenitentia, similes sunt, omnes illi Prophetarū & Apostolorum loci, qui usquam trahunt de poenitentia, conuersionis & operum nostrorū, prædicatione. Velut ille, qui est Ezech. xviij. Conuertimini & agite poenitentiam, ab omnibus iniquitatibus uestris: & non erit uobis in ruinā iniquitas. Proijcite a uobis omnes iniquitates uestras, in quibus preuaricati estis: & facite uobis cor nouum, & spiritum nouum. (Hæc est uidelicet, Resipiscencia illa, siue immutatio & renouatio mentis quæ in Euangelio *metanoia* adpellatur. Quæ cur præcipiatur, cum sit in nobis Spiritus sancti opus, nēpe, renouatio cordis, suo loco dicam. Et quare moriemini domus Israel? Quia nolo mortem morientis, dicit Dominus Deus. Reuertimini

timini & uiuite. (Hæc est gratiæ prædicatio, gratuito indignis ob-  
lata: quæ nulli tamen unquam profuit, nisi per fidem promissi re-  
demptoris Christi recepta). Non ergo patres illi per suas contritiones  
extinguere potuerunt, aut uoluerunt sua peccata: neq; per ulla alia  
opera sua iusticiæ diuinæ satisfacere, si qui eorū poenitentiam unq̃  
pie egerunt, cōuersi ab impietate, erroribus et iniquitatibus suis ad  
Deum, sed per promissionis fidem, sese in misericordiam Dei con-  
tulerunt, & per nouitatem uitæ Deum glorificauerunt, gratias  
agentes.

Exempla prædicatæ ab Apostolis poenitentiae, infra quæ-  
dam subscribam. Vnde igitur sunt nobis ortæ, istæ uanæ & stultæ  
doctrinæ, de attritione, proxime disponente ad contritionem: et de  
contritione præparante hominem ad gratiam? Et huiusmodi pro-  
digiosa somnia alia & monstra doctrinæ, de meritis iusticiarum  
nostrarum? Velut, de enumeratione omnium delictorum nostro-  
rū coram homine sacerdote: sine qua nemo saluus fieri possit? Itē  
de satisfactionibus operum nostrorum, quibus peccati poenas di-  
luamus? Non enim sunt natæ ex uerbo Dei, sed originem habent  
ex Pharisaica opinione de carnalibus iusticijs, & ex Christi igno-  
rantia, et spiritu Antichristi: qui quantum in se fuit, conatus est Chri-  
stum sepelire. Qualem ludum præluserunt Iudæi, quando Chri-  
stum reiecerunt et interfecerunt, dicentes: Nolumus, ut hic regnet  
super nos. Nam isti quoq; conabantur Christi nomen, quantum  
in se erat, abolere. Præualuit ergo spiritus Antichristi in illis, qui  
Christum, aut ignorauerunt, aut contempserunt.

Ergo piarum mentium est, istas impietates deliris Monachis  
relinquere: et reliquo ocioso uulgo infeliciū iusticiariorum. Nam  
hoc uitæ nouandæ studium, quod dixi in Christiana poenitentia  
præstandum esse, tum demum gratum est & acceptum corā Deo,  
quando est in poenitente fides remissi peccati, reconciliati & placa-  
ti Dei, per Christum: quæ sine contritione, quidem, horribiliter  
concutiente cor peccatoris, haberi non potest. Sed contritio non  
ideo est, quæ homini gratiam iustificantem & saluantem merea-  
tur. Nō enim contingit remissio peccati per opera nostra: sed gra-  
tis propter Christum, solumq; n̄s qui in eum credunt, nec ullo alio  
medio quam per fidem. Nempe, si credant, quod solius Christi be-  
neficio accipiant omnium delictorum suorum remissionem & æ-  
ternam salutem. Etenim mors Christi est illud precium, & ea satis-  
factio, qua tollitur a nobis peccatum, & reatus, seu poena peccati,



mors aeterna. Si tamē in Christum credimus: quia nullos alios saluat gratia. Quare impossibile est hominem, sine fide in Christum seruari posse: & ea fides gloriationem meriti & dignitatis operum nostrorum penitus tollit. Ad hæc, ipsi iusticiarii, quo plura operantur opinione merendi gratiam, eo grauius peccāt, & iram Dei subinde grauiorem incurrunt. Tantum abest ut per opera sua saluari a peccato aut morte possent.

Sunt igitur enīciendi ex ordine doctorum Christianorum, qui homines, pro impetranda saluatione, ad operum suorum merita, & ad satisfactiones suas, quæ hac in re nullæ sunt, a gratia & Christo relegāt. Vt qui iam multis seculis, poenitentia sine fide in Christū docuerunt. Non enim nostra poenitentia saluamur, sed propter Christū: qui factus est nobis sapientia a Deo, & iusticia et sanctificatio & redemptio. Nō rejicimus prorsus illas poenitentię partes, quas Scholastici Theologi fecerunt: quod ex præfatione mea, & ex omnibus, quæ hactenus dixi, satis liquet. Sed hoc agimus, ut recte doceantur: in primis, ne Euangelio, Christi gloriæ, & fidei Christianæ, repugnent. Poenitentia enim, in qua est fides, quam docui, bona est: & Deus respicit eam, probās atq; acceptans. Quæ tamen si non mereatur iustificationem & saluationem: tamen haud dubie accipit a Deo, multa corporalia & spiritualia præmia, dum hic agimus in terris: & alia ingentia præmia in cælis. Item, multorum grauium malorum & calamitarum, in corporalibus, spiritualibus & æternis, uel fugam, uel mitigationem operatur.

*Poenitentia  
meret.*

*Poenitentia  
effectus Spiritus  
sancti.*

Cæterum hæc omnia, quæ iam dudum de Christiana poenitentia loquor, sic accipi debent, ut intelligantur effectus esse, a Spiritu sancto profecti. Nam in regno Dei per Christū, cuius administratio est spiritualis & sancta, Spiritu sancto agimur, docemur, uiuificamur, cōsolationem capimus, gubernamur, & in uniuersum perficimur, adeoq; in perseverantia boni operis retinemur. Neque enim aliter dulcescunt nobis mandata Dei: (sunt enim reuera crux quædam uniuersæ carni: quam omnes homines & horrent & fugiunt.) nisi per magistrum Spiritum sanctum. Quare hunc gratiæ Spiritum Christus quoq; promeruit nobis. Nec datur ad principium operis meritorij: sed ut opus iusticiæ absoluat, hoc est, purificet corda, creans fidem & pacem in conscientijs: & donans ueram obedientiam legis, qua sancti ex fide glorificent Deum patrem & Iesum Christum: non qua sentiant, agant & uiuant, contra gloriam Dei, contra fidem & Christum. Quarum doctrinarum

tamen

tamen nondum pudet Papistas.

Ergo, ut tandem colligamus nos, uera poenitentia est opus in nobis & effectus Spiritus Sancti: quo propter peccatum & commissa praua ex animo dolemus: sed per fidem in Christum, remissionem peccati, iusticiam & saluationem accipimus: ac denique iuxta Petri uerbum, non desiderijs carnis, sed uoluntati Dei, quod reliquum est temporis in carne, uiuimus. Nam hæc tria semper spectari in iusta poenitentia debent: nempe, contritio, fides, & nouitas uitæ. Hæc enim nouitas est proprius effectus fidei, hominis pacificati per Euangelij consolationē: ideo poni ac numerari debet in fructibus poenitentis dignis. Nam etiam complectitur illos omnes, quos quor in lege, aut ullis scriptis Prophetarum & Apostolorum prædicantur.

*Vera poenitentia.*

*Tria spectanda in uera poenitentia.*

Quare non satisfacit in poenitentia doctrina, quod ex Longobardo citatur: poenitentia est uirtus, qua commissa mala cum emendationis proposito plangimus: & plangenda ulterius committere nolumus. Siue illud: poenitentia est quædam dolentis uindicta, puniens in se quod commisisse dolet. Nam has sententias cum truncatas citet Longobardus ex patribus: & qui eū secuti sunt Scholastici Theologi & Summistæ: præterita ac tacita fidei doctrina, quam nulli Christiani doctores negligere potuerunt: obscurant Christi gloriam, et blasphemi sunt in gratiam, et insigniter iniuriā faciunt patribus sanctis, quibus imputant quod nunquam docuerunt, aut certe non ita docuerunt ut Scholastici, Longobardus & Summistæ. Vnde, qui hac mutilata dicta acerbè urgent, Euangelij doctrinam penitus abolent: nec aliud possunt docere, nisi Pharisæicam quandam speciem operum bonorum, quæ quilibet hypocritæ simulare possunt. Veram pietatem non possunt docere, sed abominabilem superbiam, arrogantiam & præsumptionem: ac tandem conijcere homines in blasphemantem desperationem, quando ipsis uere reuelantur, in cordibus suis, peccata sua.

*Doctrina aduersariorum qualis.*

*Matt. 23:*

Nos igitur istas impierates deseramus: & in poenitentis doctrina ponamus quidem contritionem: sed mox adijcentes Euangelij consolationem, ad erigendum & confirmandum fidem: denique huius effectum, totius uitæ renouationem. Hæc doctrina nihil intricatum habet, nihil falli, uel impij dogmatis: quod facile intelligent, quicumque Spiritum Christi habent. Quid enim tam simplex & aperta ueritatis esse potest, quam cum dicitur: poenitentis esse, timore Dei, & fide per Christum, cōverti ad Deum, recedere



COMMENT. DE POENITENT.

ā malo, & operari bonum: denique, de die in diem fieri meliorem, & quid obsecro aliud hactenus docemus? Nam his paucis uerbis, & contritionem comprehendimus, & fidem misericordiae & iustificatoris Christi, & totius uitae nouitatem. Haec uero est perfecta re nouatio, tota iusticia, poenitentia interior & exterior, causa & effectus, plenitudo totius Christianae uitae. De qua hunc in modum scribit Paulus, ad Ephe. cap. iiii. Deponite uos secundum pristinam conuersationem ueterem hominem, qui corrumpitur secundum desideria erroris. Renouamini autem spiritu mentis uestrae (hoc est, *perueniunt*, nimirum, acti per fidem gloriae gratiae Dei & nominis Christi, quam alijs locis docet. Quae cui contingit non potest statuere, quod per opera sua saluationem acquirat) & induite nouum hominem, qui secundum Deum creatus est, in iusticia & sanctitate uera.

ALITER TRACTATA POENITENTIAE definitio.

**N**VLLI debet molestum esse, si docendi causa, rem eandem, hoc est, poenitentiae descriptionem, si non clariore expositione, quod sane libenter praestaremus, tamen adhuc copiosiore & firmitate illustrare conemur: praesertim his temporibus, obscuratae in tantum & poenitentiae doctrinae, & annunciationis Euangelij. Deinde quia sunt multi impostores, qui non desistunt simplices de mentare, & alienare a fide Iesu Christi: ut nihil fere satis, de causis renouatae Ecclesiasticae doctrinae, dici queat.

Igitur docui, quod in poenitentiae doctrina, siue malis dicere, in catholica Christiana, debeat comprehendere tota resipiscentia: hoc est, interna renouatio omnium primo: in qua est & contritio uera, & uera in Christum fides, quam deinde sequi debet renouatio externa, hoc est, observatio mandatorum Dei, internae iusticiae effectus ac fructus. Nam opera nostra per se, & sine fide in Christum, qualiacunque eorum & quantacunque operamur & praestamus, Deo non possunt placere: multo minus meritoria esse remissionis peccati et uitae aeternae. Comparata enim ad iudicium Dei, & ad legis perfectam exactionem, habent perpetuam quandam imperfectionem: ut non modo non meritoria, uerum etiam damnabilia sint coram Deo. Quantum enim immundiciae haeret in carnali natura: & quot putas esse homines, qui non cessant & non sunt negligentes, in opere bono? ut maxime flagitia & scelera uitent ac fugiant? Porro autem fides, sine peccati & irae Dei cognitione, quae horribiliter

*Opera sine fide  
deus non sunt  
meritoria.*

horribiliter terret, lauciat, concutit, conterit, & cruciat animum peccatoris, non potest haberi. Denique contritio sine fide, desperatio est: quia cogit hominem spem salutis totam a se abijcere. *Contritio sine fide.* A deo hæc tria, contritio inquam, fides, & externa poenitentia, seu externa obediencia erga legem, quæ credentes sequatur, natura sua coherant in sanctis, & sunt coniuncta.

Proinde, cum pono internam renouationem in poenitente, sentio ueram poenitentiam ex cordis fontibus nasci: ubi est omnium primo, uerus Dei timor. Ex quo oritur uera contritio: per quam peccator serio improbat peccatum, impia consilia, instituta, & facta sua praua. Quam internam nouitatem necesse est creari in nobis per spiritum sanctum. Nam qui affectus sunt nobis congeniti, quantumque abstrahant nos, a uero & perfecto Dei timore, & in summa, legi Dei aduersentur ac pugnent, nemo pius potest ignorare: cum omnes in pugna aduersus peccatum id experiantur. Deinde testatur sacra scriptura, neminem coram Deo uere, siue ex corde, iustum esse: Deum & spiritualia amare. Gen. vi. & viij. Rom. iij. viij. viij. i. Cor. ij. & innumeris alijs locis.

Valet igitur hæc prima pars, non eo solum, ut principium poenitentiae intelligamus a Deo esse, quemadmodum medium, finis & tota perseverantia: uerum etiam ad hypocrisicos & simularum pietatis detestationem, accusationem & damnationem. Hypocritæ enim mirabili arte & dolo simulant omnia: scilicet, tam odium peccati, quam iusticiæ amorem. Non faciunt enim suas abominabiles iusticias, nisi ut ab hominibus credantur iusti esse: sicut ista a Christo exprobratur, Matth. vi. & xxiij. aut certe, qui inter istos creduntur meliores esse, ut infernum fugiant, & coelum sibi mereantur. Sed est ne hoc Deo seruire, uel potius seipsum in Idolum sibi conuerrere: & Deum omnibus modis contemnere. Non enim propter uoluntatem Dei, sed hoc affectu & opinione prodeunt in opus, ut saluationem sibi mereantur. Sed ita ne Christiana pietas excolitur: hac inquam, coacticia & simulata iusticia. Istis mercenarijs spiritibus gehenna debetur, uice mercedis a Deo. Hanc poenitentiam ipsi quoque Scholastici Theologi, qui saniores inter eos extiterunt, improbant: ut Bonauentura. Scribēs enim in iij. sent. dist. xiiij. ait. Sed in hac uiuit et regnat mala uoluntas. Ideo Deus eam non acceptat: nec quis sic poenitens inuenit gratiam, uel ueniam.

Secundo, quando fidei in Christum facio mentionem, signi



COMMENT. DE POENITENT.

Duo genera  
hominum in  
pie poeniten-  
tiam.

fico beatam poenitentiam non consistere solum in timore quem  
lex docet: sed uel maxime in fide misericordiae Dei, quae nobis  
impetrata est per Christum. Qua circumstantia iterum duo homi-  
num genera eorum noto, qui non pie, aut Christiane poenitent.  
Primum enim eos, qui cognito peccato suo uere, intantum do-  
lent, ut etiam desperent de gratia: sicut Cain, Saul, Iudas, & ho-  
rum similes. Deinde alteros istos, qui suis carnalibus iusticijs De-  
um placare uolunt: de quibus haecenus satis multa. Certe iudici-  
um Dei, reuelatum conscientiae, nemo diu sustinere potest: quin  
ruat in desperationem. Deinde, qui iusticijs rationis fidunt, ca-  
rent ac deficiuntur gloria saluifica Dei. Denique ut priores odi-  
unt Deum, & uellent potius non esse Deum, quam se compre-  
henso in peccato, & puniri: ita isti alteri mallent obsequi cupidi-  
tatibus suis, quam legi parere, & nihil faciunt nisi sui causa, ut  
paulo ante dixi, in quibus spiritus Christi non potest esse: isti &  
rebelli animo agunt & operantur omnia.

Simulatores  
poenitentiae.

Tertio, quando adijcio, externam nouitatem sequi ex uera  
contritione & fide, testificor qd uerax poenitentia etiam externos  
fructus internae nouitatis pariat. Quae pars ualet primum contra  
eos, qui Dei cognitionem iactant, quam sibi inesse tamen nullo  
spiritus fructu declarant. De quibus est illud Pauli. ad Tit. i.  
Deum profitentur se nosse, factis autem negant: cum sint abomi-  
nabiles, & immorigeri, & ad omne opus bonum reprobi.  
Ideoque & Ioannes Baptista praecipiebat, facere fructus dignos  
poenitentiae: ut istam hypocrisim, quantum in se doctore erat,  
& pracone poenitentiae, auferret atque elideret. Sunt enim  
perpetuo, qui poenitentiam simulant uerius, quam agunt: &  
quorum commertia & aequalitatem, homines pii cauere de-  
bent. Nihil prodest enim, imo noxium est, Deum ficta pietate  
colere.

Iam etiam eos ferit haec postrema nota, qui relinquentes uer-  
bum Dei, in dies nouos ritus colendi Deum, insolenter commi-  
niscuntur, et de nouis iustificationibus superbe praecipiunt, aliosq;  
suas doctrinas & mandata facere proponunt. Quasi non sit abun-  
de satis nobis a Deo praceptum: Nam certe mandatis dei nemo  
unquam satisfacere potest. Aut quasi Deus doctrinis & mandatis  
hominum pie coli possit: ita faciunt enim, iuxta cogitationes suas,  
ex Deo, uanum, ridiculum & stolidum Idolum. Quare ut prio-  
res isti hypocritae, nihil eorum facere seu operari curant, quae De-  
us praecipit;

us præcepit: ita isti plus facere, quam præceptum est, quod nemo bonus paterfamilias apud homines ferre ac pati posset, & omnes sani improbarent, conantur. Nec satis habent, nisi etiam alios secum in istam impietatem & hypocrisim pertrahant: sicut hoc tempore Pontifices Romani, Monachi & omnes papistæ. Nam & Sophistæ in poenitentiae doctrina, de quibusdam indebitis operibus, ut uocant, præcipiunt: de quibus suo loco dicam. Monachi autem, suas confectas hypocrises appellant statum perfectionis, quasi religiosius, sanctius, ac perfectius quicquam posita nobis præstari, quam est omnibus a Deo præceptum. Denique nullam utilitatem habent traditiones hominum in Ecclesia: neque rebus profunt. Ac satis apertum est, meloqui de istis traditionibus, quæ finguntur cultus Dei esse: & omissæ, imputantur hominibus in mortalia peccata: Seruatæ autem, in opus iusticiæ, quod gratiam a Deo mereatur. In quorum utroque sunt immensæ blasphemiae. Christiani sciant, uerum Dei cultum consistere in uero timore Dei, in uera fide Iesu Christi, adeoque mandatorum Dei obseruatione.

*Status perfectionis.*

Ut igitur istas noxias pestes, quibus doctrina uerbi Dei contaminatur, & autoritas labefactatur, per leues homines, ut inquam omnes caueamus, munire debemus conscientias nostras hac Christiana doctrina, quæ prædicat poenitentiam & fidem. Illam, ut facta praua deseramus, & iusticiæ operibus dediti simus: Hanc, ut cognita misericordia Dei, a desperatione & presumptione conseruemur. Veram autem poenitentiam docent præcepta Dei: sed fidem, docet Euangelium de Christo propitiatore.

Sed in fine rursus dico, quod non est uerax poenitentia, in quâ nulla uerax cognitio peccati peruenit: ut est in eorum opinionibus, qui se arbitrâtur, per opera sua diuinis legibus satisfacere. Cæca impietas, legem Dei, spiritualissimam doctrinam, & de sanctissimis motibus præcipientem, de cordis puritate, confidit implere per Pharisaicas, mortuas & uolentas iusticias carnis: quam ipsi etiam sancti, & quorum corda a spiritu sancto imbuta & tineta reguntur, perfecte facere in hac uita nunquam possunt, ut copiose docetur Rom. vii.

Deinde non est felix poenitentia, ut maxime peccatum tuum uideas & agnoscas, & ueris terroribus itus concutiaris: nisi etiam fides placati Dei sit in te, remissi peccati & donatæ salutis eterne, propter Christum: nepe que

B iij



peccatorem, in iam dictis paucioribus, erigat, consoletur, ac serena desperatione. Denique pro poenitentia Christiana haberi non debet, quo nullum peruenit uitae nouandae studium: nulla emendatio futurus, & nulla opera bona, de quibus in suo loco, cum Dominus dederit, copiose scribam. Apparuit enim gratia Dei, erudiens nos, &c. Tit. ij.

Litterae occi-  
dent.

Sunt autem non pauci, qui neque legem non intelligere uidentur: neque Euangelio non credere, sed in praestanda operum iusticia sunt nimis tardi: & eo ipso se produnt, quod uixit uerum literae noticiam in spiritualibus habent: uerae contritionis, & uerae fidei inanes. Indulgent autem desiderijs carnis: de quibus Paulus scribens, affirmat, quod regnum Dei haereditate accipere nequeant. Porro, horrendum est uidere, quam sint eorum multi, qui hoc tempore noticiam Euangelij & Christi profitentur: quos hortari atque monere consilium est, ut rem recta secum aestiment uia, & gloriae Dei & suae ipsorum saluti melius consulant, neque errent & decipiantur, quia nulli flagitiosi saluationem accipere queant. Legant autem capite ad Col. iij. quae uitia fugere debeant, & quae opera bona praestare. Quanquam in Apostolicis literis nusquam non occurrant.

RVRSVS ALITER EXPLICATA

Poenitentiae des-  
criptio.

ET haec quae pro describenda poenitentia huc usque a me dicta sunt, iam dudum sufficere poterant: nisi utile esset, uel potius necessarium, animos nostros hac Christiana doctrina copiose munire. Nunquam enim futurum est aliter, quin sicut factum esse uideamus, Satan perpetuo excitabit fanaticos spiritus, per quos Christiana doctrina obscurabitur. Addam igitur praedictis quaedam alia, pro iuuandis partibus nostris, contra aduersarios: simul, ut quoad fieri potest, clarissime doceam, & ab huius operis initio firmitus ac solidius fundamentum ponam.

De fide &  
operibus.

Proinde duo hoc in loco explicanda sumam: doctrinam fidei, quam praebet contritio: & externam poenitentiam, siue externam nouitatem. Et quamquam istae partes cohaerent & sint connexae inter se: tamē docendi gratia illas separabo. Quia poterit seorsim de fide, & seorsim de operibus bonis dici, & discerni inter se ille partes: quemadmodum discernitur effectus a causa, opus ab artifice, Et ab arbore fructus. Poenitentia enim, in qua est uitae nouandae studium, causam habet

iam habet fidē. Quare sic discernendo potero facilius demonstra-  
re, quę sit in doctrina, atque adeo in Christianę uitę professione;  
pars nobilior: & diserte explicare, cui rei proprie acceptam ferri o-  
porteret, omnem nostram salutem.

Ergo fidei doctrina est, quoties docetur & explicatur, quomo- Fides.  
do iustificatio & salus nobis unice propter Christum contingat:  
nec est quicquam melius aut sanctius in homine, siue denique bea-  
tius, quam hac fide præditum esse. Hac enim glorificatur Deus in  
Iesu Christo uere: & homo glorificator liberatur ea re a peccato &  
ab æterna morte. Sicut scriptū est: dedit eis potestatem filios Dei fieri,  
his qui CREDVNT in nomē eius. Et iterū: Qui CREDIT in fi-  
lium Dei habet uitam æternam. Oportet igitur longissime abesse,  
eos qui credunt Euāgelio, ab hac impia opiniōe, qua pleriq; ope-  
ribus suis tribuunt, meriti iustificationis & saluationis gloriam.

Proinde in pœnitentię prædicatione, quę est operum doctri- Opera.  
na, & obediētia nostrę erga legē, docetur quidē, quę bona opera  
præstari a nobis debent: sed ea opera intelligi debent sic grata es-  
se Deo, quando ex fide fluant. In renatis enim per fidem in Chri-  
stum sequi debent. Nam illa obedientia non debemus spectare in  
hūc pharisaicum finem, qui operibus nostris tribuit meritum gra-  
tię: sed hunc Christianum, qui statuit Deo seruiendum esse, gra-  
tis, in gloriam eius, per Iesum Christum. Sic enim sunt spirituales Rom. 121  
hostię opera bona, acceptę Deo, per Iesum Christum. 1. Pet. 3.

Sic uero considerata opera bona, & separata a fide, sunt longe  
infra dignitatem fidei. Nam fide adprehendimus Deum, miseri- Comparatio  
cordiam Dei, Christum seruatorem, iusticiam & salutem: ut ne- dignitatis fi-  
mo perinde sui magis esse possit, atque hæc amplissima gratię do- dei & operū  
na, modo credat. ij. Pet. i. per quam, (gloriam & uirtutem Dei)  
præciosę & maximę promissiones exhibitę sunt: ut per eas fiat  
diuinę naturę consortes, fugientes corruptionem, quę in mun-  
do est. i. Ioan. i. Quod uidimus & audiuius annūciamus uobis:  
ut & uos societatem habeatis nobiscum: & societas nostra sit cum  
patre & filio eius Iesu Christo. Operibus autem, nos Deo quasi  
de nostris opibus aliquid reddimus: nempe confessionem & grati-  
arum actionem, & quęcunque sunt illa quę præstari a nobis pos-  
sunt. Sed quantulum obsecro hoc est, (in comparatione ad am-  
plissimam gratiam illam, quam a Deo accipimus,) quod ipsi Deo  
reddimus: præsertim in tanta immūdia naturę, et imperfectione  
obediētia nostrę? Merito ter quaterque maledicimus eos, qui



opera nostra tam insolenter prædicant, ut illis tribuant meritum condigni.

Cum igitur ad hunc modum discernimus poenitentiam a fide, tunc est effectus seu fructus fidei. Sic autem discernit Christus ipse, Lucæ. xxiij. Oportebat Christum pati, & resurgere a mortuis tertia die, & prædicari in nomine eius poenitentiam, & remissionem peccatorum in omnes Gentes. Quod si poenitentiam quidam aliquando pro contritione usurpant, (quod fere fit hoc tempore, ab his qui de poenitentia scribunt.) perspicuum est, ipsam tunc præcedere fidem. Quare huius mihi semel est admonendus lector hoc loco, quod ubicunque de fide in Christum loquor, ibi me semper prærequirere ueram contritionem, & uerum timorem Dei. Ad hæc, in sequente collatione, me poenitentiae nomen ita accipere, ut Christus usurpat: nempe, pro externa nouitate, & obedientia illa nostra in operibus bonis. In quo sequemur talem poenitentiae descriptionem, quæ de solis bonis operibus agat: ut cum præcipitur, de abstinentia omnium carnalium deliciarum, crapulae, ebrietatis, auariciae, ambitionis, contentionum, simularum, odiorum, ueneris, oculi, rapinae, calumniarum, & similium a Deo prohibitarum. Item cum docetur studium pacis, obedientiae & dilectionis, seu operum misericordiae erga homines. Sed hic obseruandum est, quod illa poenitentia, quorumcunque sit operum bonorum, non potest esse uere bona, & accepta coram Deo, nisi per fidem nominis Christi præstetur.

*Poenitentia,  
pro externa  
nouitate*

*Poenitentia a  
Paulo prædi-  
cata*

Vide ergo quā circumspecte hæc ab Apostolis prædicetur, ne quid operibus nostris arrogent, quod illis non debetur: non enim uolunt Christi gloriam abolere, sicut papistæ. Paulus ad Romanos xij. sic scribit: Obsecro itaque uos fratres, per misericordiam Dei, ut exhibeatis corpora uestra hostiam uiuentem, sanctam, Deo placentem, rationale obsequium uestrum. (hæc scribit figurate, de mactandis cupiditatibus prauis.) Et nolite conformari huic seculo: sed renouamini in nouitate sensus uestri, (hoc est *per nouitatem*) ut probetis quæ sit uoluntas Dei bona, & beneplacens & perfecta. Vide reliqua totius capitis: Imo usque ad finem totius Epistolæ. Nam quicquid de operibus bonis scribit, id totum pertinet ad iam dictas hostias spirituales, & sacrificia Deo accepta.

Sed adiiciamus aliud exemplum, ij. Cor. v. Pro Christo legatione fungimur, tamquam deo exhortante per nos, obsecramus per Christum, reconciliamini Deo. Eum enim qui non nouerat peccatum, pro nobis peccatum fecit,

fecit, ut nos efficeremur iusticia Dei in illo. Adiuuantes aut exhortamur, ne in uacuum gratiam Dei recipiatis. Ait enim, tempore accepto exaudiui te: & in die salutis adiuui te. Ecce nunc tempus acceptum, ecce nunc dies salutis. Ne quam usquam demus offensio nem, &c. Item, Tit. ij. Adparuit enim gratia Dei, & saluatoris nostri omnibus hominibus: erudiens nos ut abnegantes impietatem, & secularia desideria, sobrie, iuste & pie uiuamus in praesenti seculo. &c. Vides ergo, quam Apostolus ille causam praedicet melioris uitae: uidelicet, illam amplitudinem & immensitatem gratiae, quae certe non sinit nos in proposito operis mali permanere, nisi non credimus Euangelio.

Pluribus exemplis non habemus opus. Ac possunt illae suauissimae exhortationes corda nostra emollire & uincere, ut officium faciant, nisi prorsus saeui simus, & duriores adamantes. Ergo uera fides semper fructificat: si tamen occasio operandi detur. Non enim affectat electicia opera, sed oblata arripit: id est, arripit oportunitatem bene operandi, quae profecto nusquam abest. Quando enim non datur occasio exercendae dilectionis? Videlicet, ut dones egrediens mutuū poscenti a te. Et in summa, in bonis operibus excellas: castigando carnem, inuocando Deum, confitendo & gratias agendo. Vnde de istis hypocritis, quibus data est occasio bene operandi, ipsi uero arripere illam contempserunt, dicitur: discedite a me in ignem aeternum. Esuriui & non dedistis mihi manducare, &c. Matth. xxv.

Per hanc collationem cernimus propius, ut dixi, discrimē fidei & operū: hoc est, beneficiorum gratiae, per quae sola iustificamur, quatenus credimus: & obediētiā nostrae, qua Deum iusti & uitae aeternae haeredes, glorificamus. Nam salui facti per gratiam non possumus non ita uiuere, ut honori est Deo, & filiis Dei dignum: Sicut Paulus docet Ephē. ij. Gratia enim estis saluati, per fidem, & hoc non ex uobis: Dei enim donum est, non ex operibus: ne quis gloriatur. (Et sequitur.) Ipsius enim sumus factura, creati per Christum Iesum ad opera bona, quae praeparauit Deus, ut in illis ambulemus. Qui ergo sine poenitentia manent, & sine operibus bonis, arguunt profundam incredulitatem in se latere: etiamsi iurent se fidei in Christum participes esse. Creat enim ad opera bona Deus, perinde ut Christi beneficio saluat, eos qui Euangelio credunt. Nam eos ipsos & ad poenitentiam uocat. Matthaei iij. & ix. Lucā xxiij. Creat autem opera & efficaciam spiritus sancti: quem

*Creati ad opera bona.*



quisquis non habet, non potest esse Christi. Rom. viij. Considera autem apud te ipsum, qui possint esse fructus spiritus sancti: & uide de illis agentem Paulū Gal. v. Ro. xij. Col. iij. Ephe. iij. v. & i. Cor. xij. Attēde etiam, quod Gal. v. ait: Qui autem sunt Christi, carnem suam crucifixerunt, cum affectibus & concupiscentijs.

Hæc dixi, non q̄ sentiam Christianos protinus perfectos esse: siue quod desperandum sit de eorum salute, qui alicubi labuntur. Sed ne blandiantur sibi qui secure & ociose stertunt in diem, & nullo modo curant carnem suam frenare: quin etiam non uerentur sceleribus se polluerē. Quales nec Christiani esse, nec uitæ eternæ hæredes fieri possunt. Infra autem satis copiosi erimus in consolatione de lapsis, qui semper recipiuntur in gratiam: modo redeuntes ac reuertētes per poenitentiam, serio agant, quod agere uideri uolunt, hoc est, poenitentiam agant uere, & credāt in Christū, ut delēantur sua peccata. Nam uerum est quidem, quod etiam si quis labitur & peccat, tamen aduocatum habemus apud patrē, Iesum Christū iustum. Et ipse est propitiatio pro peccatis nostris. Hoc tamen, non ut concupiscentijs carnalibus laxemur: sed ut ab ultima desperatione retrahamur.

Igitur satis clare hæcenus docui, cur æque sit necessaria homini ad salutem poenitentia, ut gratiæ fides. Tam enim operibus bonis, quam fide pura uult Deus a nobis glorificari: etiam si gratis & absque meritis operum nostrorum largiatur nobis tum remissionem peccati, tum uitā eternā. Licer stupidi, uel potius malitiosi quidā, huius spiritualis & sanctæ doctrinæ non sint capaces. Sed placet Deo in nobis, fides gratiæ suæ: placet etiam obedientia nostra, seu opera bona, quæ ex hac in Deum fide præstantur. Amat enim arborem bonam, cum fructibus bonis. Ideo docendum ac discendū, ante omnia, quomodo persona reconcilietur Deo propter Christum: nempe, si in illū credat. Postea quomodo opus illius placeat & quorsum sit faciendum. Nam & carnem frenare & proximo seruire, & quicquid est operum bonorum ac totius poenitentiae præstare debemus, inuentes in solam uoluntatem Dei: non ut nobis seruiamus, sed ut Deum & Iesum Christum glorificemus. Placēt autem opera & iusticie nostræ deo propter Christum: per cuius nomen ignoscit nobis Deus, si quid immunditiæ in carne habemus: aut minus perfecte facimus, quod iussi sumus facere: ne modo uiuamus sine omni studio nouandæ uitæ.

Quid multis? Nemo nisi per fidem iustificatur & saluatur. Cre-  
dentes

dentes autem necesse habemus uoluntati Dei parere, & melius uitæ institutum sumere, Deumq; pro gratia glorificare. Sed illa tamen necessitas talis est, ut si homini per fidem iustificato iam migrandum sit ex hac uita, iusticia operum nōdum perfecte præstata, (sicut a nemine unquam perfecte præstari potest) non possit eum ab ingressu regni cœlorū prohibere: sicut nec introducit, qualiter eūq; præstata. Saluatur ergo etiam si ingētia peccata secū portet: modo fide in Christum non careat migrator. Deus enim cum iustificat & saluat, nō respicit iusticias nostras: sed suæ misericordiæ amplitudinem, eamq; præstat credenti in Christum. Quod exemplo istius facinorosi, qui cū Christo crucifixus est, testatissime liquet. Luc. 23. Nam hinc migrans de operum iusticia certe non potuit gloriari, tamen si agente in eo gratia, fidem suam egregie exerceret: per quā unam assecutus est remissionem peccati, & introitum in paradysum regni Dei.

Attamen quandiu hic uiuimus, postulat factæ nobis gratiæ ratio, ut promptissima obedientia poenitentiam agamus, & obseruatione mandatorum Dei omnem uitam nostram in melius muremus. Hoc enim pertinet ad exercitium fidei & illius confirmationem: quia his pietatis studijs crescit & confirmatur fides: quemadmodum ab his, qui concupiscentijs carnalibus indulgent, & flagitiose uiuunt amittitur. Neq; enim possunt tales Spiritum sanctum retinere. Vnde & Paulus dicit: nos fide iustificari, quæ est efficax per dilectionem. Idem ad Timotheum scribens, ait: Finis præcepti est charitas, ex corde puro, & conscientia bona, (quam, quomodo possent retinere, qui carnaliter uiuunt?) & fide non ficta.

Sed & hæc summa est totius sanctæ scripturæ. Ex literis enim Prophetarum, si sustuleris duo illa, quæ fuerunt cœrimoniarum & politicarum obseruationum, populo Iudaico traditarum, pro tempore nondum reuelati regni Dei in Christo Iesu: reliqua præter doctrinam, de gratiæ & misericordiæ Dei fide, Item de uitæ nostræ poenitentia & nouitate, nihil continent. Nam eatenus semper ualuit iusticia coram Deo, quatenus præstata est per gratiæ & reconciliationis, seu gratuitæ ignoscentiæ delictorum nostrorum, fides: & in ijs operibus excelluit, quæ proprie faciunt ad iusticiam Spiritus, hoc est, ad uitæ nostræ emendationem & nouitatem: & summatim decalogo Mosi comprehenduntur. Id liquet ex illo Hoseæ, cap. vi. Misericordiam uolo, (quod Christus exponit, de beneficentia erga proximum præstata.) & non sacrificium; & noticiam



COMMENT. DE POENITENT.

Dei magis, quam holocausta. Sic ergo bona opera Prophetæ & si dem prædicabant: sed require plura exempla, Esa. i. & lviij. Mich. vi. Hier. vij. Ezech. xviij. &c. Nam satis est aliquorum saltem meminisse: ut teneatur certius qua forma, cum fides tum poenitentia debeat prædicari. Nam hoc est recte & pie poenitere: fide misericordiae dei, præstitæ propter Christum, neq; desperare in peccato: neq; meritum iusticiæ propter opera sua sibi arrogare: sed gratuito obsequio, observationi mandatorum Dei, studere. Et hæc pro poenitentiae definitione plus satis.

*Verū & pia poenitentia.*

POSSE LAPPOS RESVRGERE: ITEM, DE ORIGINIS & CAUSIS IMPII ERRORIS, quo captus est negari remissio peccati lapsis.

Cap. II.

NON ab re erit, præmissa poenitentiae definitione, mox explicare, de quo uideam dubitatum esse, etiam a nonnullis ueterum Theologorum: uidelicet, An qui post susceptum baptismum lapsi sunt in peccatum, possint iterum resurgere, consequi remissionem peccati apud Deum, & Ecclesiae sanctae denuo reconciliari atq; incorporari. Et, num hoc semel duntaxat in uita: aut quoties tali reconciliatione opus habere uideantur. Quid enim æque incertum est in hac uita, atq; perseverantia in opere bono? Qui hodie stat, cras labitur, ruit, cadit, & perit miserrime, penitusq; evertitur: id quod exemplis quotidianis, proh Deum immortalem, plus satis cognitum & perspectum habemus. Quis enim non uincitur aliquando peccati tentatione? Videmus præterea alios frangi metu & terrore persecutionum, egestatis, ignominiae & mortis. Alios impatientia & dolor in corporalibus alijs calamitatibus evertit: ut nephanda et scelerata designent. Alios rursus uincit ira, odiū, auaricia, ambitio, curæ huius sæculi: & his similes alijs affectus impij & motus carnales in natura, qui hominem in diuersum trahunt, et fere in grandia scelera mergunt. Deniq; quot putas esse homines, qui in bono opere nunquam deficiant & inculpate agant? Sed hoc quoque labi est, & peccare contra uoluntatem Dei. Verū quis horribiles istos, deplorandos & miserrimos casus in Christiano orbe omnes dicere posset? Fuerunt tamen, qui lapsis arbitrati sunt, non concedendam esse secundam reconciliationem: aut certe tertiam negadam. Non enim sæpe peccantibus, iteratam poenitentiam prodesse. Sic est Satan Ecclesiae Dei insensibilissimus uastator, eamq; callidissimis artibus semper evertit: adeo, ut nec absq; specie pietatis illam opprimat. Isti enim, qui sic docuerunt, nonne impossibilem fecerunt

runt omnibus hominibus salutem: & Christum plane ociosum constituerunt.

Et ego quidem decreui in praesentia paucis ad eas quaestiones respondere: uel quia non sunt magnae difficultatis, comparatae ad uerbi Dei lumen: uel quia nulli esse uidentur, in quos expositae, hoc tempore, stringantur: nisi quod tutissimum est, consilia Diaboli mature praecipere & eius pestiferos conatus elidere, etiam prius quam sentiantur. Videmus enim illum quotidie suscitare fanaticos homines, qui olim sepultos errores, & antiquatas hereses, denuo renouant & instaurant. Nam & ueteres Pelagiani regnant in Papistis. Concupiscentiam enim negant peccatum esse: & fingunt homines legi Dei uere obedire posse, & satisfacere naturae uiribus. Quod si uerum est, quid opus habemus gratia, Christo, & gubernatore spiritu sancto? Verum, haec sint parerga. Sed Anabaptistae, quantum mihi cogniti sunt, errores istos, de neganda remissione peccati, lapsis renouare & reuocare uidentur.

Proinde lapsos, in huius quaestione disputatione, non eos solum intelligamus, qui metu persecutionis & tormentorum Christi nomen negauerunt: de quibus frequens mentio fit apud Cyprianum. Sed in summa, omnes eos, quos uicit ulla tentatio peccati & qui a debita obedientia quocumque defecerunt. Qualia exempla, ut dixi, in hoc imbecillis naturae statu, non sunt rara. Talibus ergo qualitercumque lapsis, post primam illam reconciliationem, quae fit per baptismum, pollicemur Iesu Christi nomine, remissionem suorum delictorum, prorsus omnium: neque hanc semel, sed sexcenties, & omnino quoties opus habere uidentur, hac per Euangelium & Christum consolatione. Modo qui lapsi sunt, ex animo requirant hanc reconciliationem, & credant in Iesum Christum uere: deinde, ut a peccatis, non Pharisaeice, sed uere conuertantur, hoc est, libeat eis resurgere, & uitae poenitentiam amplecti.

De Baptizatis non potest dubitari, quin sit eorum proprium, & durans in omni uita, poenitentiae institutum, Conari enim debent, ut indies se ipsis fiant meliores, carni & desideriis eius resistant: Ite crescant ac perseuerent in fide & in quibuslibet operibus bonis, seu exercitijs pietatis. Sed infra haec quaestio tractabitur quoque seorsim. Ceterum eorum exemplum, qui baptizati sunt a Petro, ut refertur Act. ij. damnat istos, qui priorem exigunt poenitentiam & absolutam quandam operum nostrorum iusticiam, quam baptismum. Nam de poenitentia praecipiens, non requirit momentaneum dolorem: imo

*omni dicendi  
lappi.*

*Posselapsos  
resurgere.*



Anabaptista  
non error.

nec hunc durare uoluit, sed exegit ueram sui emendationem, quæ per fidem gratiæ debuit in omni reliqua uita durare. Sicut talē formam præscribit. i. Per. iij. Ergo qui nolūt baptizare, hoc est, ad remissionem peccati admittere, nisi prius perfecte iustos, sicut de Anabaptistis dicitur, eos certum est non tenere, neq; quid peccatum sit, neq; quid iusticia, gratia, aut Christus: neq; uidēt quorsum opus sit spiritu sancto, & nihil q̄ meras hypocritas docent. Reliquū est ergo, ut de eorum poenitentia loquar, qui post susceptum baptismum, & adeptam reconciliationem, corruerunt: ne ignorent, se quoq; consequi posse remissionem, & Deo iterum reconciliari.

Res difficilis  
lapsos confir-  
mare.

Proinde est quidem arduum & magni laboris, erigere lapsum, & confirmare de gratia: non quod scripturæ testimonijs doceri nō possit, lapsos recipi in misericordiam Dei, & placari ipsis posse, ac uelle Deū, condonare & ignoscere peccata, si conuertantur, poenitentiam agant, & in promissionem gratiæ credant: sed quia res est omnium difficillima, in conscientie iudicio, usu & experientia, plane & perfecte sentire ac credere, quod Deus sepius lapsos, & iterū poenitētes, nunq̄ non recipiat in gratiā. Et expertæ cōscientie satis norunt, quā arduū sit huic tētationi resistere, quæ dicat desperandum esse de gratia, cum iterū atq; iterum fueris lapsus: ac debēt ea causa magis cauere pī homines, ne sic labantur, ut Deum irritare uelle & cōtemnere uideantur. Securi hypocritæ & iusticiarij hæc prorsus non intelligunt: quibus ludus est, cū de his conscientie terribus loqueris. Sed reuelato iudicio & ira Dei in conscientijs, coguntur desperare. Proinde ualde opus habemus certa ac firma cōsolatione per Euangeliū, quæ testetur & lapsis sua corā Deo peccata remitti. Quis est enim omniū baptizatorum tā perseuerās in opere bono, ut uideatur sibi post adeptam reconciliationem nunq̄ lapsus esse? nullius mali conscius?

Ergo Esa. ult. dicit Deus. Ad quem respiciam, nisi ad pauperculum, & contritū spiritu, & tementem sermones meos: Matth. xij. ex eodem Propheta, cap. xlij. Arundinem quassatam nō confringeret: & linum fumigans non extinguet. Item psal. i. Sacrificiū Deo spiritus contribulatus, cor contritum & humiliatum Deus non despicies. Est enim in his sententijs generalis contio de gratia, cū ad omnes, tum ad eos diserte pertinens, qui sunt lapsi. Esaias enim populum Iudaicum his gratiæ promissionibus ita consolatus est: mirū lapsum post primā recōciliationem, quæ fiebat per circumcissionē. Nec alio fine Christus, cum Iudæis, tum omnibus Gentibus, eandem

eandem cōsolationem proposuit. Deniq; Dauid ipse ad hunc modum sese poenitentem consolatus est: & per fidem gratiæ in spem salutis æternæ erexit. Quare longe certissimum est, lapsos Deo reconciliari posse: & debet hæc sententiā omnibus persuasissima & certissima esse, ut Deum omnes glorificent pro gratia, & gratias agant: deniq; si forte præoccupati sunt aliq; delicto, a peccato & diabolo, cū summa alacritate resurgant a peccato & poenitentiā agāt.

Non aliter hortantur ad agendam poenitentiā, & consolantur per fidem reconciliationis, lapsos, hi & similes loci. Esa. lv. Quærite Dominum dum inueniri potest, inuocare eum dum prope est. Derelinquat impius uiam suam, & uir iniquus cogitationes suas: et reuertatur ad Dominū, et miserebitur eius, & ad Deum suū, quoniam multus est ad ignoscendum. Ezech. xviij. Conuertimini & agite poenitentiā, ab omnibus iniquitatibus uestris: & non erit uobis in ruinam iniquitas. Item: Et quare moriemini domus Israel? Quia nolo mortem morientis, dicit Dominus Deus. Reuertimini & uiuite. Matth. xviij. Si autem peccauerit in te frater tuus, uade & corripe eum inter se & ipsum solum: si te audierit lucratus es fratrem tuum: fratrem appellat, qui eandem gratiæ fidem nobiscum proficetur: & ut nunc habet, eodem lauacro regenerationis & uitæ nobiscum lotum: sed qui iam sit lapsus a debita obedientia hominis Christiani, sed huiusmodi tamen uult officio Ecclesiæ restitui.

Ac certum est loqui Christum de illis qui in externa uitia prolapsi sunt. Nam de alijs non habet iudiciū aut censuram Ecclesiæ: nec potest uidere, qui parum Christiane uiuant & sint corripiendi, nisi qui externis uitijs produnt, se iā perire, nisi reuertantur in gratiam, correptionis patientes & poenitentiā agant. Constat ergo, quia rebellem præcipit ad iudiciū Ecclesiæ reuocari, sicut lapsum corripī, uelle Deum ne ullum hominem negligamus, quatumuis prodigiose lapsum & pertinaciter malū: nisi eum qui recuset monita & correptiones Ecclesiæ. Qui tamen si quando ad se redeat & cōuertatur, iterum ab Ecclesia recipi debet: ut liquet illius exemplo, quem Paulus excommunicatum iterum absoluit. Pollicetur ergo Deus & præstat oībus lapsis & poenitentibus, remissionē peccati.

Huciam pertinet illa præcipua uox Christi Iesu Domini nostri, & consolantissimum Euangelium. Ioan. xx. Quorum remisistis peccata, remittuntur eis: & quorum retinueritis retenta sunt. Non debent enim retineri nisi incredulis, duris et impoenitentibus: sed rursus illis aliquando reuersis & supplicibus ad gratiam, remittit



ti, Male perdat Deus furorē diaboli, qui nō quiescit p̄ impios grati-  
am Dei obscurare. Sciant boni, poenitētię prędicationē ideo dura-  
re, ne existimēt lapsi adoptionem sui cassari aut euacuari posse: mō  
credant uere in Christum, & hanc fidē retineant, & post lapsum li-  
beat eis iterum cōueri & in uiam redire. Prędictis exēplis et  
testimonijs adde exempla eorū qui grauitē lapsi sunt, & tamen re-  
conciliationē iterū adepti. Velut Dauidis, Manasse, & Petri. Itē Ec-  
clesię quę fuit Corinthi, & eius, quę apud Galatas. Quin etiam ip-  
sius Adę exemplū nō debet remoueri a poenitētiā lapsorū. Nam si  
lapsi, recōciliari nō possent: nec Adę recōciliatio contigisset. Chri-  
stus v̄o ita restituit nos ī gratiā, ut iam nullius iniuria illa possit amē-  
ti: mō in fide p̄maneamus, ut dixi, et lapsi ad Deū per poenitentiam  
iterum cōuertamur.

Possē multo plura testimonia in hanc  
sententiā p̄ferre. Quia hęc est, p̄prie ipsius gratię & Euangelij do-  
ctrina: Deū & peccatores & lapsos recipere, & per gratię fidē poe-  
nitentes ac uere cōuersos saluare. Venit enim Christus Iesus pecca-  
tores ad poenitentiā uocare. Matth. ix. Nec absoluitur hęc unico  
momēto: sed in omni uita Christianorū: & pręsertim si quando la-  
psi iterū resurgunt & ad Deū reuertuntur. Sed reseruāda sunt quę-  
dam, usq; ad eum locum, in q̄ dicendū erit, q̄ lapsis nō semel, sed  
quoties opus habere uidentur, sit donanda remissio peccati, per E-  
uangelij ministros.

Locus secun-  
dus secundi  
capitis de cau-  
sis erroris.

Nouatus.

Nunc excutiendę sunt causę istius im-  
pij erroris, quo primū cōcepta est lapsis negari remissio peccati: Ille  
igitur imputantur cuidam Nouato: a quo deinde seminatores eius  
erroris dicti sunt Nouatiani. Fuit autem Nouatus iste quidam Ro-  
manus presbyter: de q̄ in historia Trip. lib. viij. cap. ix. sic legit. Sol-  
licitando scribebat Ecclesijs, ne eos q̄ dāmonibus immolauerāt ad  
Sacramenta susciperent: sed inuitarent quidem ad poenitētiā, re-  
missionē uero Dei relinquerēt potestati, cuius solius est peccata re-  
mittere. Hactenus historię uerba recitauī.

Ex his liquet, quod  
Nouatus quidem, non negauit, posse lapsos resurgere, posse cum  
Deo in gratiam redire, posse eis remissionem peccati contingere,  
si conuertantur & poenitētiā agant: sed phibuit, ne talibus ab Ec-  
clesię ministris remissio peccati promitteretur. Ad hęc cēsuit, arcē-  
dos esse a Sacramētis & cōmunionē. Neq; tamē quoslibet lapsos:  
sed eos qui imperatoris Decij tēporibus metu & terrore persecutio-  
nū, Christi nomen abnegauissent. Et sic quidē Nouatus seminaria  
iecit in Ecclesiā, pernitioli & blasphemij erroris. Sed & impie hoc  
statuit, quod etiam sic lapsos, ut dixi, iussit ab Ecclesię communiō-  
ne arceri.

ne arceri. Nam ipsius Petri exemplum satis testatur, quibuslibet lapsis, etiam per abnegationem nominis Christi, deberi consolationem, reuertentibus & denuo conuersis ad Deum. Adde testimonium Christi, Luc. xxiij. Ego rogaui pte, (Sic. n. loquitur ad Petrum) ne deficiat fides tua: & tu aliquando cōuersus, confirma fratres tuos. Vides q̄ Christus uult exemplum Petri perpetuo ualere, pro erigendis & consolandis lapsis: ne reiiciamus a salute, qui per poenitentiam & emendationem sui ad Deum reuertuntur.

Sunt igitur, ut modice digrediar, lapsi iterum recipiendi ab Ecclesia: e qua se per peccatum eiecerunt. Imo Ecclesiae est, illos ultro inuitare ad poenitentiam & remissionis peccati fidē: sicut Christus ait, confirma fratres tuos. Quibus ergo Deus ignoscit, illi non debent consolatione Euangelij & promissione remissionis peccati, a Sacramētis et cōmunionē, arceri. Ecclesia. n. quicqd agit, non agit ut domina & ministra suae uoluntatis: sed ut ministra uoluntatis Christi, qui est Dominus & caput Ecclesie & seruator eius. Huc facit illud Pauli i. Cor. iij. Sic nos existimet homo, ut ministros Christi & dispensatores mysteriorum Dei. Ecclesiae igitur hoc praecipuum officium est, eos omnes qui quomodocunq; peccatum habent et quaerunt liberationem ab illo, consolari et confirmare, per Euangelij promissionem, de remisso peccato ppter Christum. Deniq; hortari ad fidei & boni operis perseuerantiam. Nunc ad rem.

Nouati perniciosus error & impia haeresis nimis inualuit. Nam inde exorti sunt, qui qualitercunq; lapsis, spem remissionis peccati recuperandae, penitus praeciderunt. Atq; isti ab Ecclesia separati, semetipsos superbissimo noīe et titulo *καδαρσι*, hoc est, mundos, *καδαρσι* puros seu impollutos, appellauerunt pharisaica infania existimantes, & credi uolētes, q̄ nullum p̄ctm haberēt, & q̄ pure, munde, sancte, ac prorsus sine omni culpa uiuere possent. Et ad suum impium errorē roborandum, abutebantur aliquot scripturae sententijs: de quibus infra nōnihil dicitur.

Primū aut male colligebant: Baptismū Christianorū per peccatū pollui, et ipsum spiritū sanctū ejici, inq; diaboli laqueos sese uoluntarie praecipitare: ergo lapsis nulla peccata remitti. Graue equidē p̄ctm, baptismū per preuaricationē polluerē ac dehonestare: ideo oībus modis cauendū uitandū et fugiendū. Sed quid Nouatiani, oīm pestilētissimi hypocrite, et gratie Dei hostes obsecro respōdere potuerunt ad exēpla illa Dauidis, Manasse, Petri et similiū? Cōstat. n. illos post recōciliationē, & acceptū spiritū sanctū grauissime lapsos eē. Dauidē uidelicet in



COMMENT: DE POENITENT.

adulteriū & parricidiū: Manassen infandas cedes et innumerabiles innoxiorū, & in foedissimā prophanationē unius ueri cultus Dei. Petrum deniq; in abiurationem nominis Christi. Et tamen illi omnes iterum recepti in gratiam fuerunt: quanquam ex illa sese eiecissent. Contaminatores quidem uerbi gratiæ & Sacramentorum facti: uidelicet circuncisionis, adeoq; baptismi, quod de Petro recipiendum est: sed non euacuatores. Mansit enim gratia & dignitas uerbi & Sacramentorum: etiam si illi quibus communicata fuerunt corruissent. Ita de alijs statui debet, qui per peccatum aliquando se indignos gratia fecerunt: sed per poenitentiam et remissionis peccati fidem, ad Deum iterum sunt reuersi.

Gratiā. lapsus Petri.

Nec solum peccauit Petrus post acceptum spiritum sanctum, quādo Christum negauit: Verum etiam cum per simulationem suam, fidem tam Iudæorum fidelium, quam gentium propemodum euertisset: & libertati Christianæ in tantum incommodaret, ut illā sub iugum Mosaicæ legis pene compulisset, quæ eo non debet uenire. Atq; hinc Paulus coactus est Petro palā in facie Ecclesiæ resistere, eumq; redarguere erroris & accusare. Quāquam nec sic quidem potuit Petrus gratiam recōciliationis amittere: quia fundamentum fidei retinebat, nec recusans auerti ab errore in quo deliquerat. Sed de quibusdam alijs argutijs, quæ Nouatianis & Catharis imposuerunt, paulo post loquemur: & præsertim in loco de peccato in spiritum sanctum, de quo iam dicemus.

OBITER DE PECCATO IN SPIRITUM SAN-

ctum: quod est irremissibile: & peccatum ad mortem.

CAP. III.

Cathari peccatū in spiritū sanctū definierūt quēuis lapsus post agnitā ueritatē et receptum baptismū: nixi fortassis uno atq; altero loco Epistolæ ad Hebræos. Nam in illa cap. vi. ita scribitur: Impossibile eos qui semel illuminati sunt, & gustauerunt donum celeste, & participes facti sunt spiritus sancti, & gustauerunt bonum Dei uerbum, uirtutesq; futuri sæculi & prolapsi sunt, rursus renouari ad poenitentiam: crucifigentes sibi metipsis filium Dei, & ostēti habētes. Et cap. x. Voluntarie enim peccantibus nobis, post acceptam noticiam ueritatis, iam nō relinquitur pro peccatis hostia. Sed ex his quæ hætenus docui, de poenitētia lapsorum, satis liquet ita sentiendum non esse, de quouis lapsu renatorum: & per consequens nec hos Epistolæ ad Hebræos locos ita accipiendos esse, quasi poenitentibus aditum ac uiam redeundi cum Deo in gratiam præcludant. Ideo quærenda est alia definitio peccati irremissibilis in

Non omnis lapsus post agnitā ueritatē iudicari debet, peccatum in spiritum sanctum esse.

lis, in Spiritum sanctum: quæ a fidei analogia & regula non aberrer.

Nam si Christus Pharisæis tribuit hoc peccatum, qui secundum presentem Ecclesiæ statum in populo Dei fuerunt, nemo ob id docere potest, eos tunc primum amisisse Spiritum sanctum, quando opera & facta Christi blasphemare cœpissent. Sed esto ut tunc demum perierit illis Spiritus: nec ideo potest quisque incredulos, & qui ueritati semper resisterunt, nunquam præditi Spiritu sancto, a blasphemia Spiritus excusare. Sed quod nam sit hoc peccatum exacte definire non opinor humani iudicii esse: quemadmodum & uir clarissimus Philippus Melanthon statuit, cuius in ea re iudicium non possum non uehementer probare. Sic enim scribit in libro Locorum communium: teneatur & illa sententia, esse quoddam peccatum irremissibile, seu, ut Ioannes uocat, peccatum ad mortem. Quod nam autem sit, non pertinet ad iudicium nostrum uel Ecclesiæ. Quia illud tantum constituendum est a posteriori: tale peccatum non esse in his, qui ueniunt ad poenitentiam & fidem. Ac docet idem, ipsum quoque Augustinum eo modo de peccato in Spiritum sanctum pronunciauisse.

De hoc peccato  
to uide Matt:  
23. Mat. 3.

Nimis igitur audacter & impie Cathari, ac furioso errore, dixerunt quemuis lapsus post susceptum baptismum & cognitionem ueritatis, peccatum irremissibile esse. Quo omnes prorsus a poenitentia deterruerunt: ut clarum sit huius rationem, sicut etiam peccati in Spiritum sanctum, istos nunquam tenuisse. Supra enim docuimus lapsis suis erratus & peccata condonari posse. Sed isti deteriores faciebant conditionem renatorum, quam infidelium: qui uerbum gratiæ et Sacramentum regenerationis nondum recepissent. Quali equior futurus sit Deus gentibus, uix tandem in fine uitæ suæ conuersis: quam his qui frequenter conati sunt uiuere sobrie, iuste & pie, tametsi non successerit semper. Quid autem Cathari potuerunt docere, nisi quandam perpetuam & maledictam hypocrisim, & superbam gloriationem iusticiæ carnis? Perinde ut hoc tempore Anabaptistæ. Nam & isti fingunt, quod renati sine peccato uiuere possint: & ideo non baptizant quam adultos. Et peccatum originis negant esse peccatum: & multos alios prodigiosos errores docent. Sic quando de iusticia concionantur, nihil quam meras operum hypocrises docent, damnabili impietate.

Sed ad Nouatianos reuertor, cum quibus si paria in omnibus habent Anabaptistæ, uolo omnium maxime cum istis locutus esse. Nec enim uidetur ulla in re ab illis posse dissentire, quod tamen tribuunt sibi, quod sine peccato uiuere possint. Sed reuertamur ad argutiam Nouatianorum. Dicebāt enim: quod



nulla posset pro peccatis restare uenia, pollutibus suum baptismum, & spiritum sanctum efficiuntibus. Nam talibus perire omnē baptismi fructū: nec elui deinceps peccatū posse, quia secūdo baptizari non liceret. Vide obsecro audaciam & impietatem: quasi nō liceat sanctis pregarī, quod Christus docuit & iussit: nempe, remitte nobis debita nostra. Quod si licet, certe peccatum habent, quod illis per inuocationem ignoscitur & condonatur: nō internum solū uerum etiam externū. Quoties enim obsecro labuntur sancti in externa peccata: iam & Eucharistiæ usus, qui nullus esse potest, quā apud eos, qui promissionem Euangelij receperunt, testatur renatos non ita cadere, ut erigi & restitui in gratiam nunquam possint. Confirmat. n. illius usus peccatores, de quotidiana remissione peccati per Christum: & significat quod adoptionē, quæ contigit per baptismum, nō possint amittere: modo retineant fidem, & lapsi ad agenda pœnitentiā resurgant. Denique nec desit baptismus esse pignus gratiæ, his qui aliquando labuntur, & uidentur spiritum sanctum amittere: non magis certe, quam Euangelium non maneat uerbum gratiæ, uitæ & salutis, his qui per pœnitentiam & fidē ad Deum reuertuntur. Tales enim habent suum baptismum, sibi in pignus & signum æternum coram Deo, suæ adoptionis.

Hæc ergo blasphemia, quam Christus uocat peccatum in spiritum sanctum, alia ratione tantum culpam habet coram Deo, ut sit irremissibile peccatum: quam isti stolidi Hypocritæ, Cathari inquam, & Nouatiani, cōfinxerunt. Nā Pharisei, quibus Christus uidetur hoc peccatum tribuisse, ita se gerebāt, ut qui in finalem im pœnitentiam & incredulitatem corruissent. Nam & bellum gerebant cum gratia: & in contumeliam doctrinæ & operum Christi dicebant: hic non eicit dæmones nisi in Beelzebub, principe dæmoniorum. Nec iam melius uidebātur habere, quam isti qui fuerunt aliquando indurati. Sicut Ethnicus Pharaos: Roma. ix. Et quidam apud Iudæos: sicut habes Esa. vi. Mar. iij. Rom. xi. Si uerū qui dicuntur a Deo in reprobam mentem fuisse traditi: sicut est Rom. i. Itaque relinquitur Nouatianos nō intellexisse, quid sit peccatum in spiritum: imo in totum, nihil quā Pharisæico more de peccato iudicare potuisse. Quare etiam necesse fuit, ut in tota doctrina de pœnitentia nihil potuerunt quam errores & perditionem seminare.

*In locum Iohannis ult. de peccato ad mortem iudicium.*

**I**ohannes discernit peccata alia, a quodā peccato ad mortē. i. Ioh. v. Nimirum non aliud intelligens, quam quod a Christo uocatur blasphemia

*Vfus Secreti  
mentorum.*

blasphemia in Spiritum sanctum, & irremissibile peccatum. Igitur de illo peccato, quod dicitur mortale, siue peccatum ad mortem, non aliter pronunciamus, quam de peccato in Spiritum sanctum, de quo iam dictum est, uidelicet eos habere peccatum ad mortem, qui pertinaciter manent in impoenitentia & incredulitate. Et de talibus necesse est loqui Paulum, i. Cor. vi. Ne erretis, neque fornicarij, neque idolis seruientes, neque adulteri, neque molles, neque masculorum concubitores, neque fures, neque auari, neque ebriosi, neque maledici, neque rapaces, regnum Dei possidebunt. Rom. viij. Si secundum carnem uixeritis moriemini. Idem docet Gal. v. Ephe. v. &c.

Sic efficiuntur peccata mortalia, quaecumque fiunt contra conscientiam: non facere debitum officium, & uocationi non diligenter inseruire. i. Cor. ix. Vae mihi si non Euangelizem. Nolle cognoscere uerbum Dei: siue confirmatum testimonio Spiritus sancti, nolite recipere, de quibus est Ioan. xv. In harenam iusticiarum suarum aedificare, relictis fidei petra Christo Iesu. Rom. ix. et x. Videre ege nos, quos possis pascere ac uestire, et alia officia dilectionis in illos exercere: & tamen uiscera dilectionis claudere, & nulla istis opera dilectionis praestare. Esa. lviij. Matth. xxv. i. Ioan. iij. Verum in his omnibus retinendum est, condonari haec omnia peccata, his qui tandem poenitentiam agunt & credunt Euangelio: cuius habes exemplum Act. ij. & iij. Quare non habet significationem peccati irremissibilis, nisi in his qui tandem non conuertuntur: ut necessario confiteamur peccatum irremissibile: & quod Ioannes hic uocat peccatum ad mortem proprie, aliud quoddam genus esse: quod non temere definiendum est, quam supra factum, ne quis a poenitentia absterreatur.

Imo nec quaelibet Euangelij persecutio, utcumque uideatur hostilissima, haberi pro peccato ad mortem debet: Sicut testatur Pauli exemplum: in quo haec praecipua uicia, uidelicet, superbæ presumptionis & obstinatae incredulitatis & summæ contra Euangelium blasphemiae regnauerunt. Sed sanari potuerunt: nec enim uenerat ad extremam indurationem. Caeterum operæ precium est hic subscrivere, quæ Apostolus ille de conuersione sui scribit, in consolationem omnibus, qui poenitentiam agunt, & in Iesum Christum credunt. i. Timoth. i. Certus sermo & dignus qui omnibus modis accipiat, quod Christus Iesus uenit in hunc mundum peccatores saluos facere: quorum primus ego sum. Sed ideo misericordiam consecutus sum, ut in me primum ostenderet Christus Iesus omnem patientiam ad proponendum exemplum ijs, qui credituri sunt in eum, in uitam æternam.

officiu- etiam.



Hanc firmam consolationem nulli Cathari poterunt nobis eripere: quin confiteatur necessario nobiscum, omnia peccata & blasphemias remitti, his qui ad Deum per fidem in Christum conuertuntur & poenitentiam agunt. Huc pertinet & Manasse exemplum: Item hoc quod Paulus scribit. ij. Timoth. ij. iubens, ut placide & mansuere corripiamus aduersarios, (eos nimirum intelligens, qui Euangelio resistunt: in quo peccato est grauissima blasphemia.) Si quando det illis Deus patientiam, ad cognoscendum ueritatem, & resipiscant e diaboli laqueis, a quo captiui tenentur ad ipsius uoluntatem. Tale fere est illud ad Tit. iij. Hæreticum hominem post unam & alteram correptionem uitabis: & in eo spem aliquam bonam retinendam docens de saluandis per conuersionem. Quia si conuertantur peccatores, tunc etiā remittuntur eis peccata. Ezech. xviij. Mar. iij.

Igitur ubi Ioannes uetat precari pro illo peccato, quod ipse uocat peccatum ad mortem, sentit nimirum de illo genere, quod est istorum, qui non obscuris signis produnt, se in finalem impoenitentiam & incredulitatem corruisse. Quale exemplum legimus eorum qui ueritatem resurrectionis Christi, contra testimonium conscientie obliterare conati sunt. Matth. xxviij. Aut quale est eorum, qui sunt hæretici incorrigibiles: Tit. iij. & apostoli Antichristi, i. Ioan. ij. & iij. Pro quibus, ut maxime possis precari, ut ab errore & laqueis Diaboli liberentur: tamen peccati genus tale non habent, pro quo precari possis, ne habenti in peccatū imputetur. Sicut sunt alioqui multa uicia & peccata, quæ & uenialia sunt, & pro non peccatis habentur. Dissimilia sunt autem prædictorum: & qui hoc tempore Euangelium Christi opprimere laborant: quales etiam contra iudicium conscientie non uerentur ueritati resistere. Tanta est excaecatio in istis, & ira Dei.

Eius peccati exemplum aliud legitur. ij. Timoth. iij. Alexander ærarius multa mala mihi ostendit. Reddat illi Dominus secundum opera eius: uidelicet mala, in ultionē et uindictā irremissibilis peccati quem & tu uitabis. Valde enim restitit uerbis meis. Hic non modo non precatur pro Alexandro Paulus: sed etiam mala & ultionem diuinam illi orat. Vidit enim in finalem impoenitentiam & excaecationem incidisse. Quales certe & illi fuerunt, de quibus est Hier. viij. Tu ergo noli orare pro populo hoc, nec assumes pro eis laudem & orationem, & non obsistas mihi: Quia non exaudiam te. Expende etiam, num hoc peccatum uiderit Helias, in quinquagenarijs,

genarijs: & Helizeus in illis a quibus deridebatur: Petrus in Anania & Sapphira. Existimare enim, quod gratia & uirtute spiritus sancti careant, quos Deus misit, est Deum ipsum irridere & contemnere. Quod sine profunda & grauissima cæcitate, illac per tanquā irreparabili & inemendabili, nemo potest facere.

Sed ad Nouatianos, qui si permiserunt, recte fieri preces in ecclesia, pro infidelibus & nondum baptisatis, ut a peccato conuertantur, credant euangelio & poenitentiam agant: cur non etiam probauerunt pro credentium erratis precari? An Deus minus clemens est erga filios suos, quam erga alienos & filios Diaboli? Hec dico, ut profunda insipientia eorum, qui uerbo gratie contradicunt, palpabilis fiat. Paulus secundum gratie spiritum longe aliter nos docet: ut Gal. vi. Frares, & si preoccupatus fuerit homo in aliquo delicto, uos qui spirituales estis, talē instaurate mansueto spiritu: considerans teipsum ne & tu tenteris. (Audiant hec Nouatiani & percipiant in corde, si qui usquā sunt, latent aut prodituri sunt.) Alter alterius onera portate & sic perficietis legem Christi. Nam si quis existimat se aliquid esse, cum nihil sit, ipse se decipit. Et Petrus, ij Pet. iij. Nō tardat dominus promissionē suā, sicut quidā existimant, sed patienter agit propter uos, nolens aliquos perire, sed OMNES ad poenitentiam reuerti. Hoc certe est lapsos colligere, erigere & trahere ad saluationem.

Proinde Ioannes, peccatum ad mortem, non hoc censuit esse, quod Nouatiani: sed quo Christus abnegatur, quod ipse met in eadem Epistola cap. iij. exponit. Neque rarum erat tunc hoc peccatum in perfidis Iudeis: quod tandem regnare in Nouatianis coepit, excludentibus lapsos a poenitentia & a fide in Christum, & in Papistis, qui pro impetranda peccati remissione relegant peccatores & lapsos a Christo ad immundas iusticias carnis. Nam utrumque plane non aliud est, quam sepelire Christum, & fingere frustra mortuum esse. Siue, ut Ioannes ait, negare Christū in carnem uenisse. Nam usum Christi, cum Nouatiani, tum Papiste prorsus sustulerunt. Cuius peccati magnitudinem, si quis attendat, intelliget nihil tam extra ueniam esse, quam hoc peccatum, uidelicet, Euangelij beneficiū benignissima liberalitate gratie nobis donatum, negare, abijcere & damnare. Est tamen dubitari non debet, quin omnes quicunque ab isto errore conuertuntur salui fiant.

*Papiste con-  
sentiant cum  
Nouatianis.*

#### IN ALIOS QUOSDAM SCRIPTURAE LOCOS QVI

*Nouatiani fauere uidentur.*

Citantur quidam alij loci quibus abusi sunt perfidi Nouatiani, in absterrendo lapsos a poenitentia & remissionis peccati fide, & precipitando illos in desperationem, uelut ille Matt. x. Qui me negauerit coram hominibus, negabo & ego eum corā patre meo qui in coelis

D



est. Item: Qui non acceperit crucem suam, & sequitur me, non est me dignus. Et si qui alij his sunt similes, quales habes Luc. xij.

Sed nunquid potuerunt docere Nouatiani, quod Apostolū Petrum nunc coram patre neget Christus, quādo ipsum Christum Petrus cum hic esse negauit. Non possunt. Quare? Quia poenitentem recepit Christus. Deinde, non dixit Christus: Qui me negauerit, eum negabo etiam poenitentem. Quin omnes uocat ad poenitentiam exemplo Petri, ut supra docui, quod maxime eo ualet, ut consolationem habeant, si qui forte incidissent in hoc grauissimum peccatum abnegati Christi, ne desperet, sed ut sciant se adhuc recipi, si in fide maneāt et poenitentia agant.

Quare his quoque sententijs nequiter & scelerate abusi sunt Nouatiani, pronūciatis a Christo de finali perseverantia in peccato. Quis enim ignorat, quod increduli, apostatae, flagitiosi, & quicumque finaliter durant in perfidia & impoenitentia, saluari nequeant: sed lapsis, poenitentiam agentibus, negare ueniam, est Christum proculcare, & Euangelium euertere. Euangelio enim uniuersaliter omnes homines ad poenitentiam uocantur, proposita conditione, ut si credant in Christum, accipiant omnium delictorum suorum remissionem.

Vnde eleganter quidam ex ueteribus, cuius breue quoddam scriptum extat, attextum operibus Cypriani, ad Nouatianum haereticum. Quae nam, inquit, est tua Nouatiane dementia, ut illa quae ad exitium salutis pertineant tantum legas, & quae ad misericordiam, praetereas? Clamāte scriptura & dicente: Conuertimini ad me in toto corde uestro, in ieiunio, ploratione & planctu. Et sciūdite corda uestra, & non uestimenta. Et conuertimini ad Dominum Deum uestrum, quoniam misericors est & miserator, & multae miserationis. Idem ait: Legimus & adoramus cœlestē Domini sententiam, qua ait, negaturum se, negantem. Nunquid & poenitentem?

Iterum ergo horribili exemplo cernere est quam fœde & perniciosè errent, qui iusticijs carnis, plus tribuunt ac fidunt, quam gratiæ & seruatori Christo. Sed Nouatiani corruerunt præterea, quendam alium locum Epistolæ ad Ro. cap. iij. de præteritorū delictorum remissione. Nam quod Paulus simplicissime dixit, de remissione & abolitione peccati per Christum, cum non sit alia pro peccatis hostia, id isti corruptissime deprauarunt, contendentes Paulum de ijs peccatis solum esse locutum, quæ admissimus priusquam baptisati sumus, quasi quæ deinceps committimus, nō modo per eundem Christum non remittantur, sed prorsus non remittantur. Contra tot scripturæ sententias, quæ pollicentur lapsis & poenitentibus, per eandem fidem, propter Christum, qua renati sunt omnium delictorū suorum remissionē. Contra huiusmodi stolidos argutiores, si qui forte excitarentur a Diabolo, oportet

eorum

Isa. 1:

In locum ad  
Roma. 9. de  
præteritis  
peccatis.

eorū omniū meminisse, quē de lapsis pœnitentibus huculq; dicta sunt, ijsq; conscientie nostræ firmiter muniendę sunt, ne qui sinant se perturbari, & conijci in desperationem, lapsi forte post susceptū baptismum. Quāq; satis erat in ea tentatione uincēda, hoc unum testimonium, qđ facit Christum, æternum Pontificē & aduocatum nostrum, corā patre in cœlis, multis locis scripturę obuium, uelut i. Ioan. ij. Filioli mei, hæc scribo uobis, ne peccetis, (sic nimirū loquit̃ renatis & per fidē nominis Christi dilectis filijs Dei.) sed & si quis peccauerit aduocatū habemus apud patrem Iesum Christum iustum, & ipse est propitiatio pro peccatis nostris. Non pro nostris autem tantum, sed etiam pro totius mundi.

Hac sententia satis certum est, ac firmū, etiam lapsis remitti sua peccata posse, nec aliare nisi propter Christum, si pœnitentiam agant & credant euangelio. Quapropter Nouatiani cum suo Diabolico glossmate repudiandi sunt. Nam Paulus neq; docuit, neq; uoluit, imo nec potuit docere quod ipsi confinxerunt. Sed hoc docet, qđ nullis unq; sua peccata aliter remittantur, quam grauita gratia per fidē in propitiatorē Christum. Id declaratum fuisse testatur, pręteriti peccati remissionē: quā nulli per iusticias legis impetrare potuerunt, multo nimis per alias operū satisfactiones, sicut nec ulli unq; ullius peccati remissionē accipient & impetrabunt, quam per fidē in Christū. Hęc ita habere, liquet ex circūstantijs totius loci, qui citatur & producit̃ ex Paulo Roma. iij. quē ea causā hic subscribam. Quia (inquit) ex operibus legis non iustificatur omnis caro, per legē enim cognitio peccati. Nūc autē sine lege iusticia Dei manifestata est, testificata a lege & prophetis. Iusticia autē Dei, per fidē Iesu Christi, in omnes et super omnes, qui credūt. Nō em̃ est distinctio. Omnes em̃ peccauerunt, & egent gloria Dei. Iustificati per gratiā ipsius, per redemptionē quę est in Christo Iesu, quem proposuit Deus propitiatoriū, per fidē, in sanguine ipsius: ut ostenderet iusticiā suam, propter remissionē præcedentiū delictorū. Quę tolerauit Deus, ut ostēderet iusticiā suam, in hoc tempore, ut ipse sit iustus, & iustificans eum, qui est ex fide Iesu.

Hęc omnia sunt tonitrua cōtra eos, qui remissionē peccati accipi & impetrari posse existimant, per iusticiarū nostrarū merita & satisfactiones, quę nullis contingit, nisi gratis, propter Christum, quatenus in illum credunt. Significat autem Paulus, qđ Deus præteriti peccati condonatione declarat, se esse, qui nos iustificat gratis, ut dictū est, ppter Christum. Nā qua alia re, potuisset illā iusticiā suam, h. e. iustificantiē gratiā qua uerax, iustus, clemens, misericors & fidelis, remittit peccata, sicut pollicitus est, his q̃ credūt, ostēdere & declarare, nisi præteriti peccati remissionē? Quę em̃ alia remitti possent, aut quomodo remitti quę nōdum essent admissa? Neq; hic cōsiderat Paulus, ut iustificati porro sint pec-



catur, sed docet, per quem acceperint remissionē delictorū. Non ergo hinc sequit̃, nulla quę baptisati admiserūt peccata, illis remitti, sed hoc sequit̃, nullis unq̃ ulla peccata aliter remitti, nisi gratis propter Christū, si tamen in illū credant. Quęadmodum sub priore testamēto, id est, ante reuelatā gratiam, nulla remissa sunt, ne quidē per iusticias legis, sed quatenus beati patres crediderunt in uenturū Christū, qui eo modo nō bīscum sub gratia Noui testamēti uiuerunt, i. Cor. x. Ioan. viij. &c.

Proinde nihil agit Paulus appellatione remissi pręteriti peccati, nisi declarari deū esse iustificatōrē nostri, peccati condonatione, quę necesse est pręterita esse, quādo unq̃ nobis remittuntur. Gratis autē cōdonari illa significat, propter Christum, nō per iusticias nostras, quę sunt imperfectę & immundę. Hoc quidē etiā tectē requirit, ne qui iustificati sunt porro peccent, & ne redeant ad uomitum, sicut ad Rom. vi. copiose. Nā certe, cum reconciliamur Deo, erudit nos gratia, ut sobrie, iuste, & pie, in hoc seculo uiuamus, &c. Tit. ij. Sicut etiā Petrus docet, i. Pet. iij. Sat em̃ est nobis, q̃ ante actō uitę tempore uoluntarē gentium parauerimus &c. Verę hęc nihil pro Nouatianis, qui lapsos pœnitētes, & omnibus honestis & pijs studijs deditos, a saluatione excludebant.

*Inueniuntur.*  
Quidā dum hunc Pauli locum exponunt de peccato originis tātum, & de peccatis ante passionē Christi admissis, negant Christū perpetuū mediatorē saluationis esse. Qui contemnendi sunt, ut Nouatiani. Neq̃ em̃ melius sapiunt q̃ Nouatiani, ut ne dicā, peius illos de Christo sentire. Nā Nouatiani quidē, cōcedebant homines gratis per Christū saluari, sed lapsis nihil restare quo reconciliari possent, quia se semel a gratia Christi exclusissent. Verę isti nuperi Nouatiani, excludunt Christum iustificatōris loco, et docēt saluationē querere per iusticias legis. Quod quomodo quadrat cum doctrina Pauli, de qua paulo ante egimus, facile iudicare est. Paulus de facta recōciliatione loquit̃, neq̃ deijcit Christum mediatoris loco, per quē habemus iusticiā & saluationē, etiamsi aliquādo per imbecillitatē carnis labamur, modo fidē retineamus, & de nouo per pœnitentiā emēdemur.

Reliqui sunt duo illi loci Epistolę ad Hebrę. quos supra citauī, a d quos quid respondēdum sit, recte censet, meo iudicio, uir doctissimus Philipp. Mel. in libello locorū communium theologiorū, de quo & supra mētionē feci. Sed si cui cōtentiōso nō satisfacit, tutius est totā Epistolā reijcere, q̃ in eo recipere, quo uniuersali predicationi pœnitentię & remissionis peccati aduersari uidetur. Cū etiā apud ueteres de illius auctoritate dubitatū sit, sicut refert̃ in Ecclesiastica historia ab Eusebio. li. vi. cap. xvi. Tamen si locū de sacerdotio Christi dignissime & sanctissime exponat. Sed nō ideo adprobari debet, si qd in ea reperiās, qd lapsis adimat spem saluationis. Quia hoc ipsum, esset & Christū officio iustificatōris

ficatoris æterni deturbare & deijcere, & Ecclesiam in totū deuastare. Vt necessario recipiamus, predictorum locorum eius Epistole, aliquā mitigationem, quam requiras, ut dixi, ex Philippi libro.

CONTRA EOS, QVI LAPSIS PECCATI REMISSIO

*semel duntaxat ministerio Ecclesie concedendam permiserunt, cum ea semper reddi debeat tanquam debitum, his qui uere ad Deū reuertuntur, etiamsi infinitis modis lapsis.*

**H**Actenus in confutatione contra Nouatianos, eorum sententiam repudiaui, qui lapsis remissionē peccati contingere posse prorsus negauerunt. Nunc etiam illi conueniendi sunt, & reuocandi ad iudiciū ueritatis scripturæ, adeoque erroris & impietatis conuincendi, q̄ se magnis uiribus ad argumenta rationis conuerterunt, non affirmantes quidem, poenitentia lapsorum prorsus nihil ualere, sed egre concedentes peccati remissionē lapsis. Nō sæpe tamen, adeoque uix semel.

CAPVT  
III.

Proinde isti hypocrite predictis Nouatianis non parū clementiores haberi uoluerunt, sed meo iudicio longe deteriores & nocentiores fuerunt. Primū, quia neq̄ ignorantia ueritatis Euangelij deliquisse uident, & deinde, q̄ a ueritate euangelij simplices in hypocrisim & gloriationē operū suorum detraxerunt, nihil secuti, q̄ argumenta rationis. Sic em̄ colligebant. Si lapsis sæpius iterata poenitentia prodesset, gratiam preberi occasionē ad peccandum. Itē, cautiores fieri homines, & ad peccandum cunctatiores, si credant lapsis nō semper remissionē peccati contingere posse. Et huiusmodi alia de lyramēta rationis proferebāt, quorū & Longobardus meminit, ac reprehendit eorū insaniam, libro quarto sententiarum, Dist. xiiij. Et his rationibus moueri hoc tempore multos, ut cōtra Euangelium sentiant, notum est satis. Sic em̄ solent, qui magis adprobant operū hypocrisim, q̄ ut Euangelij ueritas regnet. Quapropter & horū obiectionibus non nihil respondere consilium est, ut appareat, quod per solam Euangelij noticiam & fidē homines uere iusti efficiant, & q̄ ea obscurata nihil q̄ in hypocrisim labantur.

Sic ergo blasphemabāt. Quis nō semper peccaret, si semper redire posset. Nō dico, hoc hypocritice inferri, quasi sit homini lapso in manu, quoties uelit, posse resurgere & redire, & nō esse q̄ solius gratiæ, erigere lapsum, & in fide remissionis peccati cōfirmare. Quod iure & uere dicit. Sed hoc dico, arguta & bellissima ratio est, & solis iusticiarijs, gratiæ Dei hostibus, digna. Quales fuerunt, qui ipsi quoq̄ Paulo, predicanti ueritatem gratiæ, obiecerunt: faciamus mala, ut ueniāt bona. Sed de talibus, apostolus ille sic pronūciat, quorū dānatio iusta est. Nā obsecro, quā nō rationē & causam seu occasionē, præbuerūt isti hominibus ad peccandum, & miseris in peccato herentibus ad desperandum? Non ideo solū, quia fiduciā humanæ iusticiæ eo pacto docuerūt, uerū etiā, quod uelut cogerent alios omnes desperare, qui nō erant ipsis similes



hypocrite. Nā impossibile est hoīem, in hac carnali natura, nō sepius la-  
bi. Nec potuerūt illē iustitię iuuare eos, qui sibi stare uidebant. Quia si  
duciam in hanc ponebant; & fidei petra euertebatur.

Ergo longe decepti fuerunt isti, per suas intentiones bonas. Nō in-  
tellegerunt em̄, opera nostra per se nihil esse corā deo: non posse hec iu-  
diciū dei sustinere. Psal. cxliij. Deinde nō uiderunt, quē sit uis pecca-  
ti & Diaboli, & quāta infirmitas in humana natura ad resistēdum illis.  
Deniq; quot hoīes in cōscientiā agone, non solū ex his qui sepius la-  
psi fuissent, uerumetiā ex suo genere, protruserint in desperatiōem. Ha-  
bes scilicet, quomodo hoīes per ignorantiam & abscolionē gratiē cauti-  
ores reddant ad delinquēdum. Sed audiamus diuersam aliā rationē isto-  
rum Nouatianorū, æque festiuam, hoc est, insigniter impiam, cæcam  
& blasphemā. Obijciebant em̄ Dñm uideri incitatore m̄ mali esse, si sem-  
per peccantibus subueniret, ignoscendo illis peccata: ei q; placere pecca-  
ta, q̄ semp p̄sto esset illa cōmittētib; remittere. Ista blasphemia cōmen-  
ta, quis uir bonus potest sine stomacho legere uel audire? Cur non poti-  
us hāc sequelā eliciebant: ideo nō adprobare deū nostra peccata, q̄a sem-  
per remittit illa, nō fide conuersis a peccato. Nā hec uerax est & firma  
ratio: ideo em̄ ignoscit poenitentibus, ut extirpet in illis, quod odit, nēpe  
peccatum. Nec alijs efficaciter abstrahuntur a peccato, nisi quibus gra-  
tiā magnitudo cognitissima est.

Lombardus in sentētijs, citato loco ex Augustino, nisi liber unde p̄-  
ducitur est nothus, nō mala tamen sententia, cōtra p̄dictam opinionem,  
ita respondet: errant aut. Constat em̄ peccata displicere, ei qui semp p̄-  
sto est illa destruere: sed si ea amaret, nō semper ea destrueret. In summa,  
gratia quo perfectius cognoscitur per ueram fidē, eo p̄sentius seruat  
hominē ne in ullum aliquod peccatū relabatur: & si forte per carnis im-  
becillitatē lapsus fuerit, iterū erigit illū ad glorificandū deum, qui pec-  
cata odit, & omnibus modis uult illa in sanctis extirpari: ideo semper cō-  
donat lapsis peccata ad poenitētiā reuersis, ut peccatū tandē in totū ab-  
oleatur. Rursus a quibus creditur deus sic durus esse & implacabilis iu-  
dex, ut lapsis nō facile ignoscat, adeo q; uix semel, isti non possunt quā-  
deo irasci, & oculis blasphemijs fremere, donec tandē in aperta cōui-  
tia erupant ac desperēt. Quē profectū sapientiē rationis debemus: quæ  
bonas intentiōes pro arcendo & depellendo peccato, sed inaniter iactat.

Quare deus odit regnum peccati & Diaboli: ac destruit illud, eo ipso  
q̄ p̄ctōrib; nunq̄ nō ignoscit, poenitentibus illis, & oibus in gnē nun-  
quā nō cōcedit spaciū poenitendi: sicut & Pet. docet, ij. Pet. iij. & Paulus  
Ro. ij. Rursus plantāt p̄ctā, hypocritism & desperatiōem, & ad gehēnā  
edificāt Nouatiani, & q̄cunq; spūs istorum agit. Christus nullis nō est  
perpetuus seruator, nisi incredulis: q̄s hāc de gratia p̄dicata magni-  
do

do ledit, sed pereant q̄pereūt: & ledant qui ledūtur. Nos Christi bonus odor sumus deo, in his qui salui fiunt: & in his qui pereunt. Alijs q̄dem odor mortis in mortem: alijs autem odor uitæ, in uitam. ij. Cor. ij.

Sed addam tertiā argutiā memoratorū Nouatianorū, uel potius ludibriū & illusionē Diaboli, qui suos arte dementat. Sic ergo dicebant: Quē cecum bis illuminauit: Quē leprosum bis mūdauit: Quē mortuū bis excitauit: Et ex eo inferbāt, non ualere sæpius iteratā poenitentiā. Sed hoc pacto etiā inferre coacti sunt, ne semel quidē ualere: si suas cogitationes attētius inspexissent. Sic ergo isti nebulones talibus deliramentis delectati sunt: ut hypocrisis operē statuerēt, & præconia gratiæ euerterēt & summū articulum fidei, q̄ est de remissionē peccati, prorsus perderēt atq; delerēt. Quod si tales allegoriæ ualerēt, nemorā est infans, qui quies liberet, nō posset spiritui gratiæ cōuitiū dicere: atq; ea docere, q̄bus Christianā fidē prorsus irrideret, protereret & cōculcarer: & tñ interim gloriaretur, se boni doctoris officio in ecclesia functum esse. Oīno uero indigni sunt istę blasphemę nuge, q̄bus a me in cōfutatione plus respōdeat.

Ceterum hæc sententiā tam parę Christiana, an suffragatorē habuerit ipsū q̄q; Tertullianū, ego nō ausim affirmare. Certe in lib. quē de poenitentia scripsit, ita legitur: Piget secundę, imo ultimę spei subtexere mentionem. Ne retractātes de residuo auxilio poenitēdi, spaciū adhuc delinquēdi demonstrare uideamur. Et quędam alia paulo post, etiā duriora: quę nolo referre. Quamq̄ idem autor hanc durissimā sententiā subinde nō nihil mitigat: ut uideat ipse quoq; Tertullianus, hac, ut sibi uisa est, pia astucia, rebus Christianis, paulatim in deterius labētibus, cōsulare uoluisse, sed humano consilio hoc fecit, ne quid durius in Tertullianū dicā: Cui in fidei rebus, ratiōis omnia cōsilia, suspecta esse debuerūt. Nos ergo illa oīa, quę ueritas Euāgelij habet aperte confitebimur: & opus cōuersionis nostrę, seu perseuerantię in bono, deo cōmittamus: iuicē adhortātes, ne sic uiuam, ut gratiā dei frustra recepisse uideamur.

Igitur semp̄ patet uia & aperta ianua est, reuersis ad gratiā, propter Christū, si mō fidem retineāt, neq; fucate poenitētiā agunt: quiescunt. si fuerint lapsi, & quicunq; tpe conuertantur. Et huius Christianę & sanctissimę sententię, habemus ueracissimū & fidelissimum testē atq; assertorē ipsummet Iesum Christū, dñm & seruatorē nostrum. Nā interroganti Petro, de remittenda lapsis noxa & peccatis, & quoties illa remissio fieri deberet, num septies: ita respondit. Non dico tibi usq; septies, sed usq; septuagies septies: ponens numerum finitum pro infinito: & ea figura sermonis docens, quod lapsis & relapsiscentibus, ministerio ecclesię, semper sit condonanda noxa: sicut per mox sequentem parabolam explicatur. Nam quia deus lapsis ignoscit, quoties se emendant, & fidem gratiæ retineant: debent etiam ecclesię ministri poenitētes per Euangelium

3

Tertullianus.

Secundum Ioh.

Capit. 4.



consolari, & remissionē peccati reddere, tanquam debitum. Et uē istis qui ita non faciunt: & a gratiæ fide miseros depellunt peccatores, & abigunt.

Existimabat & Petrus clementiam quidem, in cōdonando fratribus errata & delicta eorum, sed non nimiam, exercendam esse. Verū Christus correxit hanc eius carnalem opinionem: reuocās Petrum ad diuinæ misericordiæ exemplum. Quam Christus alio loco ita nobis predicat: Estote misericordes, sicut & pater uester misericors est. Remittite, & remittetur uobis. Hac ergo responsione Christi ad Petrum docemur, id semper omnibus nobis præstandum esse, ut alijs alijs sua erga se errata atq; delicta condonent, pro debito perfectæ dilectionis, quæ semper ualere & efficax esse in omnibus debet: cuius est perfectissimū exemplar in deo, ut qui nobis propter filium unigenitū, Christum, semper ignoscit, quotiescunq; fuerimus lapsi, modo reuertamur ex animo.

Sic ergo docemur a Christo, nempe, ut faciles simus ad condonandum alijs sua delicta. Qua causa: ut idem rursus dicam. Non utiq; obedientiæ solum erga legem & dei uoluntatem: sed etiam fidei causa, qua retineamus deum semper ignoscere uere conuersis. Nam regno gratiæ filij sui dilecti, ita semper reuocamur ad deum, ut intelligamus uere misericordē esse: & misericordiam illam suam erga peccatores perpetuo retinere. Necess est comparatio dilectionis nostræ erga fratres, cuius sumus debitores: erga eā, qua nobis deus beneficia sua præstat, eaq; gratis, sed & tenuiter & imperfecte nos exercemus debitā dilectionem: quæ crescere quidē in nobis debet & quōdie augeri, ut tandem q̄ proxime accedat, ad similitudinē dilectionis erga nos dei. Sicut quotidie pcamur: & remitte nobis debita nostra, sicut & nos remittimus debitoribus nostris.

Sic est firmissima & perfectissima consolatio huius loci, citati ex Mat. sententiæ Christi, pro poenitentibus lapsis: quod in opere suo deo placeat, modo ex fide in Christū poenitentia agant. Deus enī nulla penitus peccata nō remittit lapsis, quotiescunq; cōuertuntur & deū pro gratia inuocant. Quod qui credūt (sicut hoc fidei uerbū ad oēs Christianos pertinet) se uidelicet ppter Iesum Christū in eā & tantā gratiam receptos esse, & nunq̄ non recipi, etiā si sepius fuerint lapsi: eos decet eo coniti, ut hāc in cōdonādo clementiam & facilitatē ipsi quoq; erga proximos suos exercent quidem enixissime, & gloriam gratiæ dei eo pacto ornet: sed præterea & fidem remissi peccati sibi apud deum, per solam gratiam propter Christum muniant atque confirmant. Nam ut certum est nulla peccata remitti apud deum, his qui tam sunt duri, inflexibiles & inclementes, ut nec propter deum uelint proximo quicquam remittere, sed ipsi se ipsos ulcisci de iniuria. Ita rursus certum est, deum his fauere & ignoscere, qui in obsequium celestis gratiæ, alijs sua delicta,

Et, quibus sunt læsi remittunt. Pertinet igitur hæc fidei exercitatio ad conscientiarum nostrarum confirmationem, de placato nobis Deo per Christum, cuius beneficio semper in gratia sumus, quatenus fidem retinemus & delictorū poenitentiam agimus.

Vide igitur amplitudinē misericordiæ dei. Nemo unquā tantus peccator fuit, est aut erit, quē conuersum illa immensa & ineffabilis bonitas, nō receperit aut nō recipiat in gratiam. Et hæc gratiæ beneficentia ac cōdonandi facilitas, Deo liberalissimo & munificētissimo donatore dignissima est, sicut a propheta in psalmis predicatur maxima. Velut, psal. lvi. Quoniā magnificata est, usq; ad coelos misericordia tua, & usq; ad nubes ueritas tua. Et psal. lxxxv. Quoniā tu Dñe suavis & mitis, & multæ misericordiæ OMNIBVS inuocantibus te. In hac ergo misericordia fundatur hoc gratiæ uerbum, qd est Ioel. ij. Omnis quicunq; inuocauerit nomen Dñi saluus erit. Atq; hic satis liquet, qd inuocatio, sine misericordiæ fide, penitus nihil prodest, sed per fidem facta, nō potest non gratiæ locū inuenire apud Deum. Et prophani hoīes ausi fuerunt hanc magnitudinem gratiæ in angustias humanarū cogitationū includere, & per durā inclementiā humani cordis metiri, qui quid mereant, puto te uidere, charissime lector. Nā nisi esset tanta gratiæ amplitudo, quantā prædicant esse sacræ literæ, & a me hoc loco illarum testimonio dictū est, nemo est omnium qui saluus fieri posset.

His igitur rationibus clare docemur, quomodo nos uti deceat gratiæ beneficio, nimir, ut fidem alamus & confirmemus, & ut dilectionem per gratiæ fidē alijs quoq; præstemus. Facile absorbet diuina & infinita misericordia omnia peccata nostra, modo in gratiæ promissionē credamus, quare & nos debemus alijs nō grauiter ignoscere in obsequium gratiæ, & sic probare quod nō simus uacui & inanes fide. Nihil em̄ hæc tanta gratia ad incredulos, & qui fidem nullo dilectionis officio exercent. Nec est grauius peccatum, q̄ hanc gratiā ita uilem habere, ut illius respectu & consideratione nolis proximo aliquid remittere, nec est aliud sane, quam ipsissima incredulitas. Impossibile est enim, quod qui uere crediderunt, maneant inanes & uacui ueræ dilectionis. Ideo iustificamur fide, quæ est efficax per dilectionem. Sint hæc parerga, sed quæ nos admonent, quibus gratia ueraciter contingat: non enim incredulis, sed credentibus, in quibus Christi spiritus uiuit & regnat, eoque possunt alijs sua remittere errata, & prompte ignoscere. Prorsus enim hæc de gratia non eo dicuntur, ut impijs securitatem permittant, & ignauis ociū, sed ut pios consolent & peccatores seruent a desperatiōe, illosq; officij sui admoneāt, in condonādo alijs sua errata. Iuxta illud: si em̄ remiseritis hoībus peccata eorū, remittet & uobis pater uester coelestis delicta uestra. Si aut nō remiseritis hoībus, nec pater uester remittet uobis pctā.



Sed nūc de gratia seorsim agā. Proinde huc imprimis pertinet, hoc est, ad consolandū nos qui sepius lapsi sumus, hęc magnifica cōsolatio, qua nobis sacrę literę prædicant ac proponunt Christū, esse perpetuū mediatorē, regē, sacerdotem, propitiatorē, pontificē & aduocatū nostrū apud Deū, semper intercedentē pro nobis, ac placentē Deū patrē, adeo q̃ lapsos illi reconciliantē. Sic est em̃ ad Roma. viij. Christus interpellar pro nobis. Hoc em̃ cur faceret, si semel recepti in gratiā, & lapsi Deo posthac reconciliari nunq̃ possemus? Itē Hebrę. ix. In coelū introiuit, ut adpareat nunc in conspectu Dei pro nobis. Et ne quis eludat nobis hęc testimonia, quasi non recte adplicemus ea ad poenitentiā lapsorū, cōfirmat sententiā nostrā, imo ecclesię Christi, ille locus qui est de officio mediatoris Christi i. Ioan. ij. si quis peccauerit, aduocatū habemus apud patrem Iesum Christū. Sed hoc testimonio & supra usus sum, ubi idē quoq̃ nō nihil exposui. Ad idē pertinet locus ille ad Hebrę. cap. v. Habentes ergo pontificē magnū, qui penetrauit coelos, Iesum Christū filium dei, teneamus professionē. Non em̃ habemus pontificē qui non possit compati infirmitatibus nostris, sed tentatum per omnia, pro similitudine, absq̃ peccato. Accedamus ergo cū fiducia ad thronū gratię eius, ut misericordiā consequamur, & gratiā inueniamus, in auxilio opportuno. Hęc certe nihil faciunt ad eos hypocritas, qui existimāt & confidunt se ita stare posse, ut nunq̃ labantur, siue, ne sæpius labantur. Isti em̃ in se confidunt magis q̃ in gratiā Dei & seruatore Christum.

Ezech. xxxij. iureiurādo cōfirmat Deus, se uelle recōciliari, his qui fiduciā gratię habēt, & poenitentiā agentes a peccato resurgūt. Sic em̃ loquit̃ nobis per prophetā: Viuo ego dicit Dñs, nolo mortē impij, sed ut conuertatur impius a uia sua & uiuat. Nimis igitur abiecte & humiliter, imo illiberaliter & impie de gratia locuti sunt, qui illam lapsis aut nunq̃, aut raro & nō sine difficultate concedendā statuerūt. Et peccāt isti quoq̃ in hęc partē, qui remissionē peccati contingere hominibus non prius concedunt, q̃ illā per opera sua mereātur. Quasi remissio peccati non gratis donec his qui credunt, propter solū Christū, aut quasi de corporalibus beneficijs gratię magis dictū sit, q̃ de spiritualibus & eternis, gratis accepistis, gratis date. Nostra autem doctrina de gratia omnis eo tendit, ut solatio sit his qui peccatū habēt, ne desperēt, nō ad laxamentū carni, & ut p̃ poenitentiā ad Deū conuertantur tanq̃ gratias acturi. Atq̃ hęc de poenitentia lapsorum hactenus, cuius omnes homines sunt debitores, etiam qui sibi stare uidentur, sobrij esse, bene & pulchre habere. Imo omnium maxime indigēt tales poenitentia, quod nec dum quid peccatū sit, aut gratia, recte cognorint. Eoq̃ plane nescij sunt, quorum poenitentia doceatur, sicut mox planius explicabo.

Quo

*utrum omnium & quouis tempore totius uite ipsorum.*

**S**olent igitur in quæstione de poenitentiâ & hæc disputari, utrum uidelicet sit omnium poenitentiam agere, & num poenitentia debitorum simus, ut in quouis tempore totius uite nostre illam præstemus. Primum, qui sibi poenitentia non uidentur opus habere, isti nec ad Christum pertinet, qui nobis omnibus ita loquitur: Nō ueni uocare iustos, sed peccatores ad poenitentiam. Deinde, qui nostre sententiæ aduersantur qua docemus, poenitentiam oportere durare in omni uita fidelium, non de ea loquuntur, quam nos imitatione Christi & Apostolorum prædicamus, sed de illa quæ sacerdotū ministerio celebratur, per confessionem delictorum & satisfactionem, cuius nullum extat præceptum Dei, etiamsi a doctoribus suis uocetur sacramentalis. Et quanquam sententiam nostrā de uera poenitentia, cuius omnes & quouis tēpore agende debitores sumus, perspicue satis dixi, tamen nihil uetat hic seorsim quedam confirmatiue ea de re loqui & scribere, cum præsertim pertineat ad exactiorem definitionis expositionē. Esto igitur, opinatę sacramentalis, non quilibet sint debitores, nedum quouis tempore, imo prorsus nemo sit illius debitor, mea nihil refert. Quia hypocrites inuentionum humanarum non curo: imo illas, quatenus Christianę predicationi de poenitentia aduersantur, prorsus damno.

Clarissimū est ergo, q̄ omnes homines poenitentię profectu opus habent, quantumcunq; sancte uiuant. Nā uocati in gratiā, debēt subinde proficere in iusticia, & per obseruationem mandatorū Dei in melius proficere, coercere ac domare carnales cupiditates. Ac ualeat hæc sententia imprimis contra eos, qui affirmant iustorū hominū opera nihil imperfectionis & nihil immudicię amplius habere. Sed isti qui sic docent, pernitiōse errant, cū & timorē Dei aboleant, & homines in studio proficiendi faciant remissos, & carni frena laxent. Igitur nosse oportet, restare in sanctis reliquias peccati, sicut Paulus clarissime & firmissime docet Ro. vii. Et sicut hoc uerbum Christi testatur Cū feceritis omnia, quæ præcepta sunt uobis, (sic nimirū loquit, fide iustificatis.) dicite, serui in utiles sumus, quod debuimus facere fecimus. Sic & illa prophete sententia, psal. cxlij. pro nobis facit: Et ne intres in iudiciū cū seruo tuo, quia nō iustificabitur in conspectu tuo omnis uiuens. Nā quia imperfecte iusti sumus, si quis ea respiciat, quę sunt nostre obedientię, debite corā Deo, certe opus habemus, ut de uirtute in uirtutē proficiamus, & in bene operando semper ad melius progrediamur. Iuxta illud: Qui iustus est, iustificet adhuc, & q̄ sanctus est, sanctificet adhuc. Nā & quādiu in hac uita sumus, ad perfectionē Christianę uite nemo peruenit: sicut ipsa quoq; experientia omnes plus quam satis docet.

Huc facit, q̄ ipse quoq; Ioannes baptista omnes docuit poenitentia agere, publicanos, milites, plebemq; uniuersam, atq; adeo ipsos phari



seos, inter quos omnes tamen fuerunt haud dubie multi boni, utriusque sexus, uiri & mulieres, iusti & sancti homines, nempe, per gratie fidem, & deinde, timore Dei & studio obseruandę legis. Neque dubium est, quo quisque illorum fuit iustior & sanctior, hoc conatus est semper melius agere, quod bene coeperat. Sed addi preterea supradictis multo plura testimonia possunt, quę docent sanctorum iusticias immundicię habere, & imperfectionem, ideoque emundatione auctiore indigere. Psal. cxxx. Si iniquitates obseruaueris Domine, Domine quis permanebit? Quia apud te propiciatio: ut timearis. Iob. ix. Vere scio, quod non iustificetur homo, comparatus Deo, si enim uoluerit contendere cum eo, non poterit ei respondere unum pro mille. Exo. xxxiiii. Nullus apud te per se est innocens. Naum i. Deus mundans non facit innocentem. Naturalibus sententijs scripturę sanctę omnes accusamur: quantumcunque iuste & pie uiuamus. Non ideo solum, quia natura immundi sumus & peccatores, uerum etiam, quia iustificati per gratiam, reliquias peccati in carne retinemus, ut non solum opus habeamus, resistere peccato, ne regnet in nobis, sed etiam ut consopiat & extirpetur.

Debent ergo omnes homines crescere in studijs pietatis & operibus bonis: & hoc agere, ut seipsis semper meliores efficiantur. Sed hec studia melioris uitę opprimunt ac perdunt, qui iustificatorum opera bona negant habere, uel peccatum aut defectum. In summa, Christi predicatio ad omnes pertinet, non minus ad eos qui fide stant, ut proficiant, quam qui in peccato sunt, ut illud derelinquant. Et illi eius predicationi de poenitentia, semper more gerere oportet, sicut mox pluribus dicam. Fortassis est aliquis ex pharisaice iustis, cui non uidetur, quod opus habeat poenitentia, sicut phariseus iste, de quo Luc. xvi. sed o infelicem & miserum, imo perditum ac deploratum hominem, qui uocationem Christi, unici omnium seruatoris, ridet atque contemnit.

Secundus locus  
cap. 5.

Reliqua est pars altera, qua docendi sumus, quod uerax & Christiana poenitentia duret per omnem fidelium uitam. Quamquam hic locus nihil habeat obscuri, comparatus ad superiorem. Si enim hoc nobis datur, quod omnes, quantumcunque sancte uiuant, opus habent poenitentia & profectu in melius: (quod obtinebimus sane, uelint nolint hypocritę, omnes conglomerati in unum acervum.) facile illud quoque concedetur, hunc profectum Christianorum in melius, durare semper oportere, in omni ipsorum uita. Preceptum enim diuinum, nullo momento reuocabile est: eique omnes semper more gerere tenentur. Quare non habemus opus magna copia aut sylua argumentorum, ad huius probationem. Debitum enim crescendi in iusticia, omnes utique semper prestare oportet.

Caro nostra semper concupiscit aduersus spiritum. Et quia huius  
concu-

concupiscentia uaria est & multiplex, imo prope inenarrabilis & infinita, liquet etiam quod uarius sit & multiplex in ea error & impietas & ruina in peccatum. Quibus uicijs semper resistere debemus, & curare, ut per spiritum in nobis bonum, quem a Christo Iesu habemus, extinguantur. Nunquam enim hæc studia pietatis omittere, ac ne remittere quidem licet, cum semper adsit caussa extirpandi hæc mala, uoluntas Dei. Gal. v. Col. iij.

Sic ergo laude dignum est iusticiam querere, cum quod semel bene coeperis, urges benefaciendo, & prosequeris ut usq; melius fiat. Nam ita certe oportet nos sapere Christum, Christum induere, & in Christum transformari, ut carne semper mori uelimus, & spiritu uiuificari, & sic crucem nostram baiulare. Ideo enim mortuus est Christus, nempe, non solum ut pro peccatis nostris satisfaciatur, per suam crucem, & Deo nos reconciliet, uerum etiam, ut ipsi quoq; peccatis moriamur, Deoq; per nouitatem uitæ uiuamus, sicut copiose docetur Roma. vi. Et huc facit certe illud Christi: Si quis uult uenire post me, abneget semetipsum, & tollat crucem suam, ac sequatur me. Matthe. xvi. Iam nullo tempore licet hanc crucem excutere ab humero, sed hoc iugum omnes semper portare & perferre oportet. Quia nemo mittens manum suam ad aratrum, & respiciens, aptus est regno Dei. Iubet ergo Christus, ut poenitentia nostra semper duret, in primis, ut lapsi dent operam, quo denuo resurgant, & mandato dei de agenda poenitentia, ad exemplum eorum qui pergunt in opere bono, respondeant. Quandocunq; enim carni nostre frena laxamus, non possumus Deo placere.

QVOD VERA POENITENTIA CONSTET TAM  
*interioris, quam exterioris hominis reparatione, & quod utraq; Deus  
 ipse operetur in nobis.*

**M**ulta sunt in literis sacris de iusticia cordis, qua excellere oportet, CAPVT VI  
 quicquid operis nostri, coram Deo ualere, siue debet, siue po-  
 test. Deus enim secretissimarum cogitationū cordis cognitor, inspector,  
 pōerator & iudex est. psal. vii. Prouer. xvi. Hier. xvij. Ioā. iij. Idem arguit ipsa legis doctrina. Nam quia præcepit, de Deo diligendo, corde, anima, omnibus uiribus & purissima mente, ut est Deut. vi. & indere petum Lucæ x. Item de diligendo proximo, Leuit. xix. Luc. x. Matthe. v. Deniq; & concupiscētiā damnat, sicut discimus Exo. xx. Rom. vii. palam est, quod Deus inspicit corda nostra, ac secundum illorum mundiciem & puritatem de operibus nostris iudicat. Imo necesse est, ut possit iudicare de intimis affectibus & penitissime reconditis in hominis natura, qui debet aliorum omnium iudex iustissimus esse. Scribit ergo leges de iusticia cordis, ut astutos cōprehendat in astucia sua, et solis qui spiritu & ueritate iusti sunt, reddat præmia & mercedē laborū.



Lex querere  
quirit.

Nā lex Dei sic est spiritualis doctrina, hoc est, huiusmodi doctrina quę requirit a nobis affectus, & internos motus, castos ac sanctos, & legi per omnia consentientes, adeoque spiritu & ueritate cordis illam exprimētes. Nempe, ueram in Deum fidem, timorem, dilectionem, spem, & in quibuslibet afflictionibus patientiam, quę quam sint ardua prestatu, fortassis alio loco dicitur. Sed & dilectionem proximi requirit lex, eamque summam, cuius regulam arripere debes tui amorem. Requirit igitur mansuetudinem, misericordiam, clementiam, & ignoscenciam, illius erratorum, pacem & tolerantiam malorum, castitatem cordis, & similes motus sanctos, sine quibus nihil externorum operum deo satis probari potest. Huc facit cap. v. apud Matheum, in quo Christus spirituales legis sermones ad hunc modum exponit.

Ergo his rationibus docemur, etiam poenitentiam, quā agimus, (de externa illa loquor, quę tota est sita, in fructibus iusticię bonis) non esse acceptam coram Deo, nisi ex purissimis & sanctissimis cordis motibus proficiscatur, hoc est, ex timore dei, fide in deum, dilectione proximi, & similibus alijs affectibus bonis, de quibus paulo ante locutus sum. Ac fides quidem, quę primas in omnibus tenet, purificat corda, illaque liberat ab impijs opinionibus in Deum, & uana hac persuasione quę plerique operibus suis tribuunt, quod his gratiam saluationis mereantur, ac facit denique iusticias nostras acceptas coram Deo.

In hunc modum, cum de interna cordis iusticia loquimur, eamque coniungimus externe illi operum nostrorum & obedientię erga legem, significamus aliud quiddam esse Christianam iusticiam, quam quod situm est in externa specie solum operum bonorum. Ideoque & opus habere omnes pios ante omnia remissione peccati, & deinde spiritu sancto, cordium nostrorum purificatore. Nam simulari quidem potest foris operum iusticia quedam, sed illa coram Deo non potest pro iusticia haberi. Spiritus enim Deus est, & eos qui adorant eum, oportet in spiritu & ueritate adorare. Nostris carnalibus iusticijs non placatur, sed opere ueritatis suo in nobis.

Secundus locus  
cap. 6.

Nam & illud nosse oportet, ac persuasissimum habere, quod utramque poenitentiam, hoc est, tam internam cordis, quam externam operum uere bonorum, Deus ipse in nobis operetur. Nam corda purificare, sine quorum mundicie, nihil non damnabile est coram Deo, solus in manu Deus habet. Et huc faciunt illi prophetarum loci, in quibus Deus pollicetur, hanc spiritus & cordium puritatem se nobis donaturum, ut Hiere. xxxi. Ezech. xxxvi. Ioel. ij. &c. Sunt enim in illis contiones de gratia noui testamenti, quę nulla est nisi per Iesum Christum, cuius nomine spiritum sanctum accepimus. Rom. viij. Gal. iij.

Cauendū ergo, ne, quod superbi iusticiarij & hypocrite solent, uerbum

bum DOMINI, poenitentiam agite, cū sit uerbum summæ & perfectissimæ iusticiæ, de solis externis operibus interpretemur: aut uiribus nostris facere præsumamus. Nā iste conatus noster irritus est ac uanus. Plura em̄ exigit poenitentię predicatio, q̄ sine fide in Christum & spiritu sancto præstari a nobis possit. Sed & Deus superbis hypocritis refertur, ut longe infelicitissimi sint, in hoc suo conatu, qui se existimant per uires rationis absolutam iusticiā posse præstare. Roma. ix. Israel sectando legē iusticię, in legem iusticię nō peruenit. Ibidem capite x. Ignorātes iusticiam Dei (cuius est Deus autor in nobis) & suam quærentes statuere, iusticiæ Dei non sunt subiecti.

Quid ergo? Nihil ne operabimur, & nihil operis boni faciemus pro implendo uerbo domini, poenitentia agite? Plane ac prorsus nihil ea opinione, quasi huic mandato nostris actionibus & nostra obedientia satisfieri possit: cū nihil minus præstare ualeamus. Christus enim præcepit nobis de cordis iusticiā: quæ est longe ultra & supra uires nostras. Et naturam nostrā necesse est, cum omnibus uiribus nostris, prius interire, quam iusticiā spiritus, plane ac perfecte implere possit. Cur igitur præcipit Christus ut poenitentiam agamus? Ideo scilicet, ut perfectæ iusticię, qualem Deus per legē requirit, nos debitores esse agnoscamus. Quam cum intelligimus, præstari a nobis non posse, tum de fiducia operū nostrorū desperemus, & peccati remissionem apud Deum queramus: adeoque auxiliū spiritus, ad mādātū huius, de agenda poenitentia, impletionē.

Ergo primus fructus in poenitentię predicatione, est uerax nostri humiliatio, per accusationem & ostensionē nostri peccati. Alter & connexus, ipsa gratię annunciatio. Nam quia Deus præcipit poenitentiam, significat se ad probare agentes poenitentiam illosq; recipere in gratiam uelle: Ideo sue gratiæ fidē a poenitentibus q̄ maxime requirit. Fidē autem dico, qua nobis peccata ignoscit propter Christum: hac em̄ ad promissionem euangelij respicere debemus. Quemadmodū beati patres poenitentia, fide promissionū uenturi Christi, qui placat omnibus patrē, agebāt.

Quare utrunq; tenere oportet: & præcipere nobis Deum ut poenitentiam agamus: & subministrare spiritum sanctū, ut illi præcepto parere & obsequi possimus. Omnino autem certum est, Deū operari eternam salutē, in his qui se uerbo suo subiiciunt formandos ac reformandos: ut qui per fidem in Christū, opus poenitentię adgrediuntur, parati suæ carnis mortificationē perferre. Nā tunc demum præcepta operis, nō sine fructu amplissimo discuntur. Cōtra quibus hæc, quę dico, desunt, illis nō seruiūt operum præcepta, nisi uel ad præsumptionē: sicut accidit ignaris doctrinę spūs. Vel ad desperationē: ut in alijs, qui doctrinam de iusticia spiritus, sine fide apprehendūt. Proinde hac expositionē oīm maxime docemur, quid nos precari referat a Deo: utiq; ne nos in perficienda debita iusticia uiribus nostris relinquat. Nam ita certe nihil unquam per-



soluemus. Sed ut quod ipse præcipit, dignetur pro amplitudine misericordiae suae in nobis implere. Sic enim & Hieremias propheta, quia intelligebat, se non sufficere ad iustum ac perfectum poenitentiae opus, a Deo præceptum, precatus est: Conuerte me Domine, & conuertar &c. Hieremiae xxxi. Cuius etiam David memor, nempe, mādato Dei se minus satisfacere posse, orata Deo internam renouationem, quam externa non potest non sequi. ut psal. l. Cor mundum crea in me Deus, & spiritum rectum renoua intra me. Sic nimirum & nos facere debemus, si fructum poenitentiae bonum facere uelimus.

## CONTRA PRAESUMPTIONEM, ET DESPERATIONEM.

*ratione: quod nulla est secula nimis poenitentia, nisi quae destituitur fide in Christum.*

## CAP. VII.

**N**ON inutile futurum arbitror, si postquam docui, quod Deus ueram poenitentiam in nobis operetur, aliqua mox subiiciam, contra ea præcipua uicia, quæ operi poenitentiae in nobis bono, in primis aduersantur & pugnant: uidelicet, præsumptio & desperatio. Quanquam memini, & in poenitentiae definitione, me non nihil de istis uicijs locutum esse. Quia talis debet esse definitio, ut ambitu suo complectatur omnia, quæ in re uersantur, de qua est questio, & quam exponit: sic ut facile intelligi possit, quæ sint extraria, & rei definitæ aduersentur. Sed hos locos, in quorum enarratione nunc uersor, posui ueluti exegelin quandā luculentiorē & firmiorē definitionis.

Præsumptionem igitur dico eam, quæ regnat in securis hypocritis, qui existimant, quod legi per opera sua satisfacere queant, inanis quædam & superba operum suorum fiducia: ac necesse est huic inesse cum legis, tum promissionum euangelij horribilem ignorantiam, & profundam mentis cæcitatem. Tales enim, cum prorsus non faciant legem, neque dubitent tamen perfectam iusticiam sibi tribuere, & iusticiæ præmiū sibi polliceri, hoc est, remissionem peccati & uitam æternam, necesse est furore & insania mentis a Deo in poenam & ultionem peccati percussos esse. Sed quantum peccent contra iusticiam gratiæ, cum ex omnibus quæ hucusq; dixi intelligi possit, tum idem copiose ostendam, infra propicio Christo Iesu, in doctrina de contritione & fide seu iustificatione. Nam in summa fucatam iusticiam & alia grauiā peccata hypocritæcos humane, pro summa iusticia, innocentia & pietate defendunt: homines sine timore Dei, & sine fide in Christum, & quod extremæ miseriae & dementiæ est, in tantis & tam crassis malis, suum malum ne sentiunt quidem: quin etiam opinantur perfectam ualitudinem esse: nec uident se communi medico animarum Iesu Christo opus habere.

Hæc autem præsumptionis impietas a scholasticis theologis & Papistis docetur. Quid enim aliud prædicant nobis nisi legem: atq; ita, ut gloriam

nam nomini Christi illa prædicatione penitus aboleant? Sic enim docent legem, ut nobis fiduciam faciant nostrarum carnalium iusticiarum, nempe, ut de his tanquam operibus meritorijs gloriemur, & meritorijs quidem, remissionis peccati & uitæ æternæ. Quos ea causa, possis non iniuria, nouam quandam sectam Nouatianorū, adpellare. Quid refert enim, si aut neges lapsis remissionem peccati contingere posse, aut eo mittas in doctrina peccatores, ubi nullam delictorum suorum ignoscenciam reperire possunt? Imo etiam, ubi per impiam operum fiduciam magis peccatores & plus rei efficiuntur, & in peccatum negatæ gratiæ incidunt? Hoc uere claudere est regnum cœlorum ante homines. Iam utri plus damni dederint & inuexerint in Ecclesiam, ueteres Nouatiani, an scholastici theologi, eius rei iudicium relinquo, pio & erudito lectori.

Contrarium præsumptioni uicium desperatio est, eorum qui cum audiunt & intelligunt legem spiritualiter nobis loqui, & plura exigere quam ipsi præstare ualeant, aut præstiterint, adhuc accusare & damnare iusticias carnales, tunc animū accipiendi gratiæ & fauorem Dei prorsus abijciunt, nec deinceps admittunt ullam per euangelium consolationem, quæ & ipsa grauissima blasphemia est in gratiam Dei, nec fieri potest, quin in eam tandem ruant præsumptuosi, ut cū conscientiam delictorū reuelauerit tandem illis Deus, uel in mortis agone. Quapropter quā diu durauerint hec uicia, habent irremissibilem culpam coram Deo.

Quamquā ergo desperationē non doceant Scholastici Theologi & Papiste, ita ut presumptionis arrogantiā & superbiā, uide tamen, an non sint eius quoque autores miseri peccatoribus & ignaris gratiæ, ut presumptionis. Nā quia operū fiduciā prædicant, nihil quam desperationis harenam, pro Petra fidei, nobis in fundamentū saluationis locāt, ac meris peccatis nos inuoluūt. In probatione autē conscientiæ & agone mortis discemus procul dubio omnium perfectissime, quæ sint fucæ & poenitus nullæ omnes iusticiæ rationis corā Deo. Vbi si fuerint, qui Iesu Christi, & beneficiorū gratiæ eius sunt ignari, cogent certe tales sese ex harena suarū iusticiarum præcipitare & immergere in barathrum æternæ desperationis.

Ceterū nulli unquam licere de gratia Iesu Christi desperare, cū ex omnibus quæ hucusque a me dicta sunt, possit intelligi, tū ex ijs constabit, quæ hic subiiciā, de sera impoenitentia, seu infructuosa & infœlice. Qualis nulla esse potest coram Deo, nisi quæ est in homine finaliter, sine fide in Christum.

*Locus secundus  
Cap. v.*

Nam cū Deus eximie ostendere uellet, se nec ultimæ desperationi locū facere, uerū etiam in extremis laboranti suo gratiæ beneficio succurrere, modo illam per fidē in Christum adprehendamus, saluū fecit facinor-



rosam, condemnatum ad mortem, & conuersum demum, cum iam in cruce poenas scelerum suorum daret, ut saluationis spem tunc nullam accipere potuisset, nisi omnibus hæc una, quæ cōtingit per fidē in Christū, proposita esset. Adeo hoc summū hominis Christiani bonum est, & æterna foelicitas, posse uerā in Deū, per Iesum Christū fidem obtinere, quando cūq; tandē illa donec, modo donetur & cōtingat. Recte enim aiūt, sat cito, si sat bene. Quod uerbū uel maxime hic locū habet. Quia tam uera poenitentia seu cōuersio ad Deum, quam uera fides, donantur a Deo, quæ quando cūq; illo largiente obtinuerimus, sat cito contigerunt.

*Poenitentia se  
ra.*

Vna igitur res est, quæ seram facit, atq; infructuosam poenitentiam: uidelicet, solos legis terrores, & accusationē tui peccati, in conscientia sentire atq; experiri, & nullam fidei consolationē posse admittere. Quæ per euangelium offertur, quo promittit remissio peccati & saluatio eterna, his qui in Christum Iesum credunt. Ceteræ istius impię poenitentię, quā dico, refertur exemplū Matthe. xxvij. de Iuda q̄ prodidit Christū.

Quidā seram poenitentia hanc esse definiunt, quā prius relinquitur a peccatis suis homo, quam illa ipse relinquit, sicut quādo decrepitum aliquē, nō delectat magis uoluptatibus carnis operā dare. De quo possis dicere, q̄ prior a uicijs relinquitur, quam illa ipse fugiat & deserat. Sed hæc philosophica & de lyra ratio in hac quæstione, nihil neq; dicit neq; ualet, ut ne dicā q̄ peccatores iubet desperare, q̄ nomine impijissima est & uanissima. Cadit igitur sera poenitentia in quāuis ætatem, uidelicet, quæ nulli prodest, & omnibus, qui habēt, noxia est. Infelicitatē em̄ poenitent, qui nihil q̄ terrentur, dolent & cruciantur ex cognitione sui peccati, & fidē gratię, quæ est per Christū non possunt cōcipere.

Alioqui certe, quando sentit homo peccator ueros terrores in conscientia, quales oriunt̄ ex cognitione peccati uera, cuius agnoscit se reū esse, & fidē tandē, de placato sibi & recōciliato Deo per Christū, adprehendit, nihil potest in tali poenitentia seræ aut noxiū esse. Esto fugiant hominē sua peccata prius, q̄ illa ipse fugiat & relinquat. Quāq; quādo hoc fit, & quem hominem fugit omne peccatum? Fieri fortassis potest, ut senes a quibusdam uicijs relinquantur, quæ iuuenes magis sequi solent & amplecti, non tamen ab omnibus. Multa enim grauiā uicia cum ætate crescunt, & in decrepitis cum primis etiam grande robur accipiunt. Sicut est auaricia, ira, odium, æmulatio, inuidentia, ambitio, &c. quæ quid pariant non opus est attexere. Qui uero hæc pro peccatis non agnoscunt, isti nimirum crassissime cæcutiunt, & pessime in peccatis habent.

In summa, quando peccator sentit ueros terrores in conscientia, & consolatione Euangelij non destituitur, fide illam adprehendēs, salua

saluare est. Tali enim promittere ecclesia debet firmissima securitate æternam salutem. Quia quacumque hora ingemuerit peccator, sitiens gratiæ & deo se per seruatore Christum commendans, atque ita conuersus fuerit, uita uiuet, nec morietur. Omnino enim, omnis quicumque inuocauerit nomen Domini, saluus erit.

## DE DIFFERENTIA AC NOTIS VERAE

*et fidei poenitentiae: quæ ex effectibus cognosci et iudicari possunt, contra fictam et mortuam fidem.*

CAP. VIII:

**H**oc etiam paucis inquiramus, num intelligi possit, quando uera in deum pietate præditi simus, hoc est, quando sine simulatione poenitentiam agimus; aut contra, quando hæc simulatur uerius quam agitur: & quibus utrumque notis cognosci a nobis ac deprehendi possit. Igitur affirmamus, utrumque horum cognosci posse ab homine spirituali. Oportet enim ut habeamus certum testimoniū, uiuentis & regnantis in nobis spiritus Christi: quia, ut Paulus dicit, Qui spūm Christi nō habet, non est eius.

Itaque congesti quidem multa capita doctrinæ hac in parte primi libri: in quibus omnibus sæpe coactus fui, lectorem eiusdem rei admonere. Sic enim fit, ubi necesse est multorum cauillis respondere, nunc hæc nūc alia præoccupare: siue cum opus est imperitiis cauere, ne Diaboli præstigiis artibus, & fallacibus technis, quibus utitur ministerio impiorum doctorum, decipiantur. Quo nunc quoque consilio de differentia ueræ & fictæ poenitentiae scribā: quā aliter, quā ex effectibus cognosci a nobis nō potest. Etiam hoc ipsum argumentū sit antea a me non obscure explicatum.

Igitur poenitentiam uoco, in qua est uerax contritio, & uera in deum per Iesum Christū fides. Neque enim alia, aut poenitentia recte dici, aut prodesse peccatori potest. Nisi enim peccator conuertatur uere, quid illi utilis esse posset simulata pietas? Est autem necessaria homini contritio qua uere & ex animo doleat, se in tantū deliquisse contra deum: & adhuc maiore desiderio teneri explendi cupiditates carnis prauas & uicia, quā ad amorē uirtutis & bonorum operum accendi. Porro ad hanc cordis contritionē, debet accedere fides: quæ terrores cōscientiæ sanet, afferens pacē. Ro. v. De hac interna poenitentia affirmare licet, quod glorificet deum & grata sit illi: nec aliam requirere ipsum a nobis, quam hanc, quæ spiritu & ueritate colitur.

Sed hæc interna poenitentia, parit multos bonos fructus. Nā foris operatur uarias carnis mortificationes, fugā uiciorum, studiū et diligentiā recte factorum, quæ omnes uoco, sicuti sunt, poenitentiae effectus. Et illi quidem, nō sunt aliorum operum, quæ de quibus precipit nobis in lege dei. Cognoscitur ergo, poenitentia quæ in nobis est, nō esse fucata, quā sequitur illā ardēs diligentia & sollicitudo obediendi dei mandatis. Atque ita celsit Petrus: quia cum collationem instituisset, corruptiōis quæ est in mundo, et exercitiorum pietatis: quæ faciūt ad fidei

*Nota uera poenitentia*



probationem & confirmationē, tandē inquit: Quapropter fratres magis studete, ut certam uestram uocationem & electionem faciatis. Hæc enim facientes non labemini. &c. Nec enim de alijs studijs loquitur, q̄ obediētię nostrę erga legē: qua opera bona, a deo præcepta præstemus.

Videndum ergo ut uocationi nostrę, quę facta est per diuinā electionem, per omnia respondeamus. Accertū est, nos bene illi respōdere, quando credimus in eum, qui pro peccatis nostris mortuus est. Nā hac fide, conscientia nostrā accipiunt primo pacē: & contritio sanatur. Deinde inefficax est in nobis, ut uicia fugiamus, & bonū operemur: glorificantes in omnibus, cum dictis, tū factis, deum & patrem, Domini nostri Iesu Christi, & gratias agentes. Ut multo certissimum sit, per hæc studia & exercitia, hominē nō falli, in iudicio uocationis & electionis sue, quę factæ sunt per Euangelium a Deo: sed intelligit uere se dei filium esse. Non hæc ad arrogantem gloriationē: sed ad necessariam securitatē, si ne quā nemo saluus fieri posset.

Contra ubi nulla sunt exercitia pietatis externa, nulla erga legem obedientia, plus uiciorū corruptissimorum, quam bonorum morum & operum, ut sunt tales diuinæ uocationi rebelles: Ita nec bene sperare de istorū salute quisquā potest. Quinetiam a propria cōscientia semper accusantur: sicut Ioannes testatur. i. Ioan. ij. Per hoc scimus, quod cognouimus eū, si mandata eius obseruamus. Qui dicit se nosse deum, & mādātā eius nō custodit mendax est, & in eo ueritas non est. Qui autē seruat uerbum eius, uere in hoc charitas dei perficitur. In hoc scimus, quod in ipso sumus. Qui dicit se in ipso manere, debet sicut ipse ambulauit, & ipse ambulare. Item. i. Ioannis iij. Omnis qui peccat non uidet eum, nec nouit eum, &c. Sic enim plena est tota epistola Ioannis testimoniorum: cum bonæ tum malæ conscientia, & spiritus ueritatis in nobis. Vnde oportet signa capere, quando uere filij Dei sumus.

Est & Paulus frequens in eo, ut admonet, quod qui desideria carnis faciunt, eos neque placere deo, neque regnum dei hæreditate accipere posse. Et rursus ad Gala. v. ubi de fructibus spiritus agit: cōcludit tandē his uerbis: aduersus talia non est lex. Non obscure significans, solos in quibus fidei fructus regnant, per legē non posse dānari. Quare extra cōtrouersiam est, displicere deo qui mala operantur, placere autē & gubernari, protegi, & defendi ab eo, qui bene operantur & recte factis student. Nec potest quisquam his recte contradicere.

Cæterum æmula pietatis hypocrisis, sua quoque signa, indicia & notas habet. Nempe, aut sola externa legis opera, sine contritione & sine fide in Christum. Sic enim habet quidam nihil q̄ operis suorum fiducia, nec terrent pēdō, & fidei in Christū sunt penitus ignari. Quare nec legē amare possunt: quę tñ sine dilectione nō potest impleri. Rursus alij habent

Hæc certe de  
nostra obedi-  
entia, qua bonis  
operibus  
excellimus.

Descriptio  
cæcæ peniten-  
tiæ.

bent contritionem sine fide: sicut Cain, Iudas, &c. Et quanquā uera fides sine contritione non possit haberi: nec fides sine exercitio bonorum operum existere: tamen non paucos reperiās, qui iactant fidem, cū uacent omni timore dei, & corruptissime uiuant, sine omnibus operibus bonis. Contritio sine fide est desperatio: fides autē, quam nulla opera bona sequitur, est inanis fictaque cogitatio, & mortua fallaxque opinio rationis. Sicut testatur hęc Pauli sententia: finis pręcepti est charitas, ex corde puro, & conscientia bona, & fide non ficta. i. Timoth. i. Item hęc: fide iusti ficamur, quę est efficax per dilectionem. Gal. v.

Qui igitur tam sunt ingrati Christo Iesu, ut illi uocanti nos omnes ad poenitentiam, ipsi in nullo morē gerant, non tribuentes tantum largitori uitę æternę, ut per nomen & gloriam eius, cupiditatibus carnis suę frenum inijcerent, atque arcerent se a consuetudine peccandi, & legem dilectionis quam tantopere a nobis requirit pręstarent, quid isti possent quam meri hypocritę esse? Esto uideantur et uangelio fidem habere. Littera est enim ea cognitio, non spiritus, opinio dubitans, non ueritas: rationis, non dei opus: in summa, fides mortua & ficta.

Vera in deum fides, non est res ociosa & mortua: sed potentissima, uiuacissima & efficacissima: nec sinit quiescere hominem. Quia ut liberat a peccato & æterna morte: Ita urget habentem ad extirpandum in se atque delendum peccatum. Qui enim Christi sunt carnem suam crucifixerunt, cum affectibus & concupiscentiis. Galat. quinto. Non quod fidē habentes mox sint perfecti, in operę iusticia: sed quia sunt in cōtinuo profectu, subinde perficiuntur et de die in diē efficiunt meliores.

Quid multis? caueamus nobis a Diaboli laqueis. Nā ipse quoque transfiguratur se in angelum lucis: & incautis atque securis spiritibus frequenter & mirum in modum imponit. Quę est enim tua contritio hęc, qui timor dei, quę fides, ubi tu sic uiuis, ut uidearis cum deum, tum diuina mandata omnia, quasi dedita opera contemnere & abijcere? Sed hęc de signis & effectibus utriusque poenitentię hactenus: uere & fucate. De quibus tamē, in quodam alio libro, quem institui de fructibus iustificatorę, erimus largiente domino Iesu satis copiosi. Nunc enim eos admonere dixi solum, qui se in Christianorum numero haberi uolunt, cum hoc nullo pietatis fructu dedarent.

## MULTIS SACRÆ SCRIPTURÆ

*typis, Poenitentiam fuisse adumbratam.*

**M**ulta undique occurrūt, de quibus in hoc scripto de poenitentia oportune dici posset, sed curandū est ne sermo ultra modū excurrat. Quare nūc tandē primę partis finē faciemus: si prius paucis indicauerimus, quomodo poenitentię seu Christianę uitę, institutum, aliquot typis in sacra scriptura sit pręfiguratum.

*Non requiras  
subitam perfe-  
ctionem à reu-  
natis,*

CAP. IX.



*Nouum Pascha celebrare*

Proinde hac in parte primum Paulus occurrit: qui nobis, pro huius declaratione, ueteris paschae figuram & rationem exponit. i. Cor. v. in hunc modum: Expurgate uetus fermentum, ut sitis noua conspersio: sicut estis azymi. Etenim pascha nostrum pro nobis immolatus est Christus. Epulemur itaque non in fermento ueteri neque in fermento maliciae & nequiciae: sed in azymis sinceritatis & ueritatis. Pulchre enim his uerbis exponit Paulus ueteris paschae significationem: quod nunc spiritualibus, spiritu & ueritate celebrari debet. Nempe, ut qui sciunt se per Christum a peccato & morte redemptos esse: memoria & fide istorum beneficiorum, ueteres mores exuant, & induant nouos, professione uitae Christianae dignos: quod est nouum pascha celebrare, in gloria & honorem, agni inculpati & immaculati Christi.

*Legalia sacrificia.*

Eiusdem rationis est, quod idem apostolus Roma. xii. de sacrificijs legalibus exponit, ita scribens: Obsecro igitur uos fratres, per misericordiam Dei, ut exhibeatis corpora uestra hostiam uiuam, sanctam, Deo placentem, rationale obsequium uestrum. Et nolite conformari huic saeculo: sed renouamini in nouitate sensus uestri: ut probetis, quae sit uoluntas Dei bona, beneplacens & perfecta.

*Mors Christi*

Huiusmodi allegoriam quandam tribuunt apostoli, morti, sepulturae & resurrectioni Iesu Christi. Nam quid requirat exemplum mortis Christi a nobis: Petrus ita exponit. i. Petri. iij. Christo igitur passus pro nobis in carne, & uos eadem cogitatione armamini. Quia qui passus est in carne, desinit a peccatis, ut iam non desiderijs hominum, sed uoluntati Dei, quod reliquum est temporis in carne, uiuat. Hoc enim magis ad figuram rei pertinet, quam ad exempli imitationem.

*Sepultura Christi.*

Ceterum sepulturae Christi sabbatum, & resurrectionis figura, exponitur a Paulo Ro. vi. Consepulti enim sumus, inquit, cum illo per baptismum in mortem, ut quemadmodum Christus surrexit a mortuis, per gloriam patris. Ita & nos in nouitate uitae ambulemus. Quo loco baptismi allegoriam exposuit: cuius significationi semper in omni uita respondere debemus. Quare semper mori Christiani carne debent & spiritu semper uiuificari.

Utinam autem efficiat in nobis Deus & pater Domini nostri Iesu Christi per magnam misericordiam suam, ut quod praecipit nobis, & figurarum in uolucris commendat, id libeat omnibus nobis amplecti:

& per iustam obedientiam sanctissimae uitae, ad rem tam praecipuam, quam figuratam, pio & magno studio

transfere. Per IESVM CHRIS-

TVM, DOMINVM

& seruatorem nostrum.

A M E N.

## PARS SECVNDA

IN QVA DE CONTRITIONE, PRIO

*re poenitentiae parte.*

PRAEFATIO IN SECVNDAM

*partem, quae est de Contritione.*

**E**Xposui hactenus, quid sit poenitentia: & quaedam alia generalia capita doctrinae tractavi, quae praecipue faciunt ad illam strandam definitionem, & ad Christianam de poenitentia doctrinam pure conseruandam. Proximum est, ut de partibus poenitentiae seorsim scribam: quarum in hoc opere placuit duas praecipuas facere, nempe, Contritionem & fidem: nam externa nouitas, est illarum effectus, de qua in alio opere constitui scribere, ut iam aliquoties dixi. Iam uero de contritione seorsim agam: quae est animi cruciatus quidam, tristitia cordis, dolor & perturbatio in conscientia. Oritur autem ex peccati uera, & iudicii diuini in peccatores, cognitione: quorum monstrator lex est. Est autem plane necessaria ad saluationem: etiam si propter aliud contingat remissio peccati & uita aeterna: uidelicet, propter Christum, his qui euangelio & promissioni gratiae credunt. Esse autem necessariam contritionem, testatur illud Domini apud Esaiam, cap. ultimo. Ad quem respiciam autem, nisi ad pauperculum & contritum spiritum, & tremens sermones meos? Sic enim loquitur de legis sermonibus, quibus retegitur & accusatur nostrum peccatum: qui faciunt quidem hominem contremiscere & ueros pauores experiri, dolere & angere, tedere & molestum esse, planeque interire ac mori, nihilque minus quam hanc lucem in tanto cruciatu sibi optare: nec aliam, nisi propter peccati & irae Dei cognitionem: quorum reuelatio fit in conscientia per diuinum legis praedicationem. Refert enim declarari nobismetipsis nostrum peccatum: ut nos cognoscamus esse filios irae propter peccatum, & uere coram Deo humiliemur. Nam alioqui neminem alium uult, aut potest deus consolari.

*Contritio.*

Quos igitur terret metus irae & formidabilis iudicii Dei propter peccatum suum, cui Deum irasci constat, eos indubitatum est habere satis euidentia signa uerae contritionis. Necesse est enim, hoc ipsum, quod de contritione dico, in conscientiae iudicio serio agi. Alioqui ipsi quoque hypocritae solent quandam timorem Dei & contritionem simulare, odium & fugam peccati, & in omnia pietatis opera sese transformare: quorum omnium tantum plane uacui sunt: & de peccato quo Deus offenditur, & quo praecipue damnamur, etiam si mille externae transgressiones essent, nullam prorsus cognitionem habent. Id primum ex eo liquet, quod sibi tribuunt, quod legem Dei uiribus rationis perfectissime possint implere: & deinde, quod illis operibus suis mereantur remissionem peccatorum: denique & illorum nomine iustitiam habeant coram Deo. Quare nec uerax contritio in ta-



libus esse potest: qui peccatum suum adeo non cognouerunt: neque plus præceptum esse uident in diuinis legibus, quam quod ab homine uiribus rationis impleri & præstari possit. Et in summa, quod ea sibi arrogant, quæ sunt solius Christi, & eorum qui in Christum credunt, & a spiritu sancto gubernantur.

*Contritio boni boni.*

Magna res est uera Contritio, nec meretur gratiam, sed fit mors eterna, in his qui per euangelij consolationem & fidem non eriguntur. Cum enim intelligit homo peccator, se legis debitorem esse, quæ de absoluta & perfecta iusticia precipit, quam præstare nullo modo potest, cogitur desperare, accepta super se sententia mortis & eterne maledictionis. Quamquam sic conteri, & sic incuti terrorem iudiciorum Dei, homini bonum est, non per se quidem. Sed quia, quos uult Deus iustificare & saluos facere a peccato & morte, eos primum ad hunc modum perterrificat, ut uere humiliatos ad gratiam suam mittat. Necessesse est enim, eo pertrahi hominem, ubi per cognitionem sui peccati, de operum suorum iusticia, quæ reuera non est iusticia coram Deo, desperet, & in promissionis euangelij gratiam, per fidem nominis Christi, sese coniiciat.

*Contritio quæ efficiat in homine.*

Quin etiam sola Contritio, adeo non liberat hominem a peccato, ut magis peccatorem efficiat, multo minus a sententia mortis ipsum liberare potest. Quia efficit magis reum. Nam dolor ille ueræ contritionis, quia oritur ex peccati cognitione, in quo natura omnes homines sumus, & a quo nemo per uires suas abesse potest, tum etiam ex ire dei sensu, quæ res est tristissima & uiolentissima, non excitat in primis motibus illis, qui homini in tali contritione accidere solent, nisi iram, odium & indignationem frementis naturæ contra legem & Deum, quæ gignunt homini æternam mortem, nisi aliud gratia operetur. Sicut cernere est in eorum exemplis, qui contriti, ad gratiæ fidem non perueniunt. Iam ita augeri peccatum in contritione, est declarari, quod nihil boni habitat in nobis, hoc est, in carne nostra, & quod optimis legibus deteriores solummodo efficiamur, nec possit homo ullo remedio melius habere, nisi per gratiam & medicum animarum nostrarum Christum.

*Lex ante omnia discenda.*

Prodest tamen, ut dixi, hominem, talem declarari. Quia eius latens malum, & penitissime reconditum in natura protrahi debet, ne se inani iusticiæ persuasionem fallat. Nam qui morbi & quæ uicia lateant in nostra carne, ipsi qui habemus ignoramus, donec lumine legis retegatur. Porro res ipsa, reuocata ad serium iudicium, clarum testimonium in omnium hominum conscientijs habet, qui ad legis lumen perducuntur, uidelicet, quod legibus nemo iustificetur, nemo saluationem mereatur, sed miserabiliter & horribiliter tantum crucietur. Quod ita fieri quidem uult Deus, ut superbia hominis coteratur & in nihilum redigatur. Quapropter qui ex lege iusticiam querunt, perniciose errant. Palam est enim

enim, quæ sit imbecillitas nostra ad resistendū peccato, imo, quæ uoluptas & amor peccandi, & propterea, quam iusta sententia æternæ maledictionis contra peccatores. Claret igitur, nos re ipsa admoneri, si ad ueram contritionem optemus aut peruenire ipsi: (omnes autem uelle debent, quibus modo curæ est sua ipsorum salus,) aut alios in eam perducere uolunt (quod pro officio suo quilibet boni doctores prestare curabunt) ut legem diuinam, peccati nostri & iræ Dei indicem, ante omnia quā diligentissime inspiciant, discant ac doceant. Nam sine legis sermonibus recte intellectis, nulla haberi a nobis potest uerax peccati nostri cognitio: & sine hac nec uerus dei timor, nec humiliatio nostri uera: & per consequens nulla salus. Quos enim respiciat dominus nisi contritos? Nam huc facit præter supra citatum locum, illud psal. li. Sacrificiū deo, spiritus contribulatus: cor contritum & cōfractum deus non despicies. Item illud Esaia. xliij. Arundinem quassatam non confringeret. & linum fumigans non exstinguet.

*Lex ante omnia discenda.*

Quin & Christus ait: Pauperes euangelizantur: non alios intelligēs, nisi afflictos & cōterritos peccatores: quibus nihil miserius est, neque calamitosius quicquam sub cœlo. Videlicet, qui per peccatum existunt sub imperio Diaboli & mortis. Et ideo horū gratia demisit se filius Dei de cœlo, factus homo, crucifixus, mortuus, & uita ac regno eterno glorificatus, ut peccatores damnatos a peccato & morte liberaret. Et propterea uocat ad se omnes, qui hoc conscientia onus sentiunt: & promittit accedentibus requiem & perfectam liberationem. Quia tanta fuit calamitas, ut a solo filio Dei potuerit leuari, ac tolli: & tam miseranda, ut uicerit Dei clementiam & miserationem.

Quia igitur res necessaria est, uera contritio, huius quoque admonendi sumus, non posse commodius doceri homines de peccato suo, & ira dei contra peccatores, quam per diuinæ legis prædicationem. Deus enim per suū uerbum maxime efficax solet esse: sicut docemur Esaia, cap. lv. Et ut sine noticia legis scriptæ uideantur Genes euangelium recepisse: nunquam tamen prodesse illis potuit euangelium sine cognitione & cōscientia sui peccati: nec fidem promissionis euangelij habere potuissent ueram, sine noticia peccati: ergo nec sine lege. Conscientia enim peccati uerissima lex est: & lex ipsa a deo scripta, quatenus non facit hoc principale officium suum, hoc est, non arguit, non accusat, non ostendit peccatum in conscientia, & peccatores non humiliat, non terret, nec reuincit peccatores & filios iræ esse, qualia exempla cernere est in securis hypocritis, non est lex: uidelicet, uero & principali suo usu. Etenim legis est conscientijs nostris loqui: quod quam diu non fit, lex etiam diuina, eorum respectu, qui illius doctrina nihil concutuntur, perinde habet quasi non sit lex. Tamen si interim omnes accuset ac damnet: etiam igna-



ros, cæcos & incredulos pharisæos, qui sibi per legis doctrinam sani & integri esse, & bene habere uidentur, sed perniciosissimo errore. Verz quomodo peccatum nostrum accuset lex, & conscientijs loquatur, infra docebitur in doctrina de cōtritione. Est em̄ spiritalis doctrina lex dei.

Dabimus igitur operam, in doctrina de contritione, ut breui quadā legis & Decalogi expositione ostendamus, quod nam sit omne peccatum illud, quod Deus per legem accusat, reprehendit & damnat: donec in quodam alio libro uberius de tota legis doctrina scribemus. Decalogus enim, ea pars est diuinarum legum, quæ seruit proprie ad ostensionem nostri peccati: atq; adeo summaria methodus est, omnium sententiarum totius scripturæ, quibus agitur de corruptione humanæ naturæ per peccatum: & de obedientia perfectæ iusticiæ, cuius sumus debitorum coram Deo.

*Legis nomine  
quid intelligi  
gendum.*

Sed interim legis nomine intelligam, tum legem a Deo scriptam, tum quamuis aliam doctrinam, quæ certo declarat nos esse peccatores: ut est multiplex in prophetarum scriptis. Tum deniq; uim quamcunq; aliam, quæ idem agit. Nam & per legem naturæ Deus efficax est, ostendere & declarare nobis nostrum peccatum. Proinde qui legem conscientijs loquentem non audiunt, sed habēt eam pro iustificationis doctrina, nihil possunt quam uani hypocrite esse, & permanere, quamdiu in hac pharisaica perualione herent: ut & hoc malum sibi quoq; accidisse queritur ac plorat, ad Romanos vij. Paulus. Ego (inquit) uiuebam sine lege: scilicet tantus pharisæus, circumcissus octauo die, & secundum iusticiam, quæ est ex lege, uersatus sine crimine. Raro profecto exemplo: & tamen hæc de se scribit. Phil. iij. Sed ad Christum conuersus, ostendit quid sibi pharisaico errore acciderit. Quo palam est, quam impie errent, scedeq; abutantur diuina lege, qui iusticiam ex illa quærent. In talibus enim, sicut nulla est uerax peccati cognitio: Ita nullus timor Dei in oculis eorum: multo minus uera in Deum per Iesum Christum fides: & per consequens nulla salus: sed error, impietas, peccatum, mors & condemnatio æterna. Ac recte de istis hypocritis dicitur, quod sine lege uiuant: quæ adeo nihil in eis operatur: ut cunq; sibi tribuant, quod omnia mandata legis faciant & impleant: non dissimiles isti phariseo, qui dixit: Deus gratias ago tibi, quod non sum sicut cæteri homines, &c. Lucæ xviij. Sed hæc præfati, deinceps de contritione ipsa dicturi: Itē de peccato: poenis peccati, & lege. Sed prius tamen de partibus poenitentia.

BLENCIVS CAPITVM

*secunda partis, libri primi de poenitentia,*

De partibus poenitentia.

De uera contritione.

De peccato, cuius perfecta cognitione opus est homini,

Caput I.

Caput ij.

pro

pro efficienda in illo uera contritione.

Caput iij.

De peccatis poenitis, &amp; ira Dei.

Caput iij.

De diuinis legibus.

Caput v.

De partibus diuinarum legum: cum breui expositione Decalogi.

Caput vi.

## DE PARTIBVS POENITENTIAE.



Non est res poenitentia, quæ in plures species distrahi possit: sicut apud philosophos uirtutis nomen, in suas species diuiditur. Sed partes habet, sine quibus integra esse, & consistere non potest, & nihil minus quam poenitentia Christiana esse. Ac scholastici quidem Theologi, tres eius fecerunt partes: Contriti-

CAP. I.

Contritio.

onem, confessionem, & satisfactionem. Ex quibus contritio, pars illa prima, ubi uera est, habet summos animi cruciatus: propter peccati & iræ Dei cognitionem: & quidem cum blasphemia & desperatione salutis coniunctos. Taceo nunc, quam uana, inepta & friuola, doceant scholastici theologi de contritione: ut quam & rationis opus, & magni meriti esse, imprudentissime comminiscuntur. Sed illud non est pretereundum, quoniam contritionem prædicant sine fide in Christum, eos simpliciter non posse docere, nisi miseram & ridiculam hypocrisim: quæ est impijssima & superbissima arrogantiæ de merito iusticiæ operum concepra. Quæ in quibus est, gignit tandem ipsis, & æternam desperationem. Dixi de his malis impiæ doctrinæ supra quoque: sed horum lectorẽ rursum admonere duxi, q̃ firmitus muniatur contra grassantem impietatem.

Secunda pars poenitiæ ponitur a scholasticis doctoribus, confessio delictorum, quæ coram priuato sacerdote fiat. Et hæc ut habeat suas quasdam commoditates, de quibus alio loco dicemus: non tamen utilis esse potest, nisi his qui hanc faciunt fiducia remissionis peccati propter Christum consequendæ, hoc est, fiducia absolutionis, seu promissionis Euangelij, qua pronunciantur iusti & uitæ æternæ hæredes, seu liberati a peccato & æterna morte, quicūq; in filiũ Dei, Iesum Christum, credũt. Testatur em̃ Euangelij promissio, nobis peccata nostra remitti, cõdonari & ignosci, quatenus credimus in Christũ propiciatorẽ, precium & uictimã pro nostris peccatis. Sed hanc fidẽ scholastici theologi nusquã docent: imo contrariã illi docent, uidelicet fiduciã meriti iusticiæ nostrarũ. Quare neq; piã confessionẽ delictorũ predicare possunt.

Confessio.

In tertia parte numerant scholastici, satisfactionem operis: qua tribuunt iusticijs nostris, meritum remissionis, non culpe, sed poenæ & omnium calamitatum, quæ delinquentibus imminet atque impendunt. Neque tamen iusticijs seu operibus a Deo præceptis: sed indebitis quibusdam, ut uocant, ab hominibus traditis & præceptis. Quod quam auda-

Satisfactio.



eter, ignorāter & impie faciāt, ostendi nōnihil in prima præfatione huius operis. Quare relinquitur scholasticos theologos in tota poenitentie doctrina nihil sani posse docere: sed cōfusissime & impijssime omnia. Quorum nec partitionem in hoc scripto sequemur: sed in aliud reseruabimus.

*Poenitentia cō  
tinet mortifi-  
cationem &  
uiuificationē.*

Rectius partimur poenitentiam in mortificationem, & uiuificationē: seu in contritionem & fidem, quæ habet coniunctam externam nouitatem. Et nos sane utemur contritionis & fidei adpellatione: non modo, quia sunt nomina in scholis hodie usitatiora: uerum etiam, quia sunt aptissima ad docendum, meo sane iudicio. Satis igitur antea dixi, hoc proprium esse & primum in poenitentia, terreri & cruciari, agnito peccato in conscientia & ira Dei: in quo opere, seu uerius passione & cruce, existit uera mortificatio. Deinde, illud alterum oportere accedere, quo nobis consolatio adfertur, per promissionem Euangelij de Christo: quæ habet comitem pacem & totius uitæ nouitatem. Loquor autem de conscientia pace: a qua impossibile est glorificandi Dei studium abesse. Qd cernere est in omni uita & omnibus actionibus nostris. Ideo hæc pars recte dicitur uiuificatio: quia hominem non solum liberat a peccato, terroribus & morte: uerum etiā totum renouat, uereq; efficit filium dei.

*Mortificatio.*

Igitur mortificatio, ea ipsa contritio est, de qua dixi, quod fiat in mente & conscientia, per ostensionē & accusationem nostri peccati, & per reuelationē iræ Dei: qua homo paucioribus in corde grauius cruciatur, quā ullis uerbis dici possit. Oportet tamen tales terrores & cruciatus intelligere, quales sunt morientium, qui iudicium Dei adpropinquare uident: & grauissime sentiunt, & acerbissime oderunt: ubi est quidam inferni gustus, horror & sensus perpetuæ damnationis.

*uiuificatio.*

Porro, uiuificatio est ipsa fides in Iesum Christum: quæ arripit promissionē Euangelij, de remissione peccati & uita æterna, propter Christum. Ideoque seruat hominem, ne incidat in mortem & desperationē: & extrahit eum ex cruciatibus terrorum in conscientia: facitque respirare, qui in faucibus mortis erant, & gaudium atque pacem cordis operatur. Deniq; & totum hominem renouat, ut sicut filio Dei dignum est, ita uiuat. Quod est uere renasci, renouari & uiuificari, & adoptari in filium Dei: ex filio peccati, iræ & mortis.

Hæc annotare hoc loco placuit, quia horum nominum usus, mortificationis, inquam, & uiuificationis, non infrequens est apud Paulum: ut illi ipsi loci, in quibus occurrunt, melius ac rectius intelligantur. Sunt enim, qui illa ad operum nostrorum hypocrisim torquent: prorsus contra Pauli sententiam, & cum obscuratione totius Euangelij doctrinæ.

Rursus si quibus placet, partium nominibus alijs uti, illis nihil repugno: modo quod poenitentie nomine docetur, non uarieta scripturæ sententia & gloriam Christi non obscuret. Cum ergo audis poenitentiam  
aliam

aliā dici legalem, & aliā euangelicā, oportebit legalem intelligere, eam quam nos uocamus contritionem. Nam legis hoc principale officium est, ostendere uidelicet peccatum, & terrere peccatores, & in desperationem salutis illos conijcere. Euangelicā scias recte dici eam, in qua ad contritionem accedit fides, pax cordis, liberatio a terroribus legis ac metu mortis, & tota nouitas Christianæ uitæ, ut antea dixi.

*Pœnitentia legalis & Euangelica.*

Non ergo de nominibus partium solliciti erimus, & nemo uir prudens de illis litigabit, si tamen ueritas doctrinæ ita tradatur, ut est expostita in literis sacris. Mihi contritionis nomen dixi, satis placere, cuius nūc usus est in scholis, quo & sacræ literæ frequenter utuntur, ubi de terroribus, qui oriuntur ex conscientia peccati, per legem, loquuntur: ut psal. li. Cor contritum & humiliatum Deus non despicias. Itē psal. cxlvi. Qui sanat contritos corde, & multis alijs locis, sed & res nominis conterendi uerbo aptissime exprimitur. Conteritur enim, quod in breuissimas quādam minutias frangitur, destruitur & penitus corrumpitur. Sic Deus, neq; consolatur peccatores, neque confert illis uitam æternam, priusq; hominem destruxerit totum, auferens illi omnem spem salutis, & superbissimam illius arrogantiam in nihilum redigat: adeoq; totum ueterem hominem in puluerem. Genesis iij.

*Conteri quid*

Porro confessionis nomen, uocabulum est clarum & latinū, & nihil prorsus incommodi habet. Rem autem, cui aptatur, in patientiæ doctrina, apposite declarat. Cæterum fidei nomen semper intelligi debet, de noticia & fiducia gratuita misericordiæ Dei, qua a peccato & æterna morte liberamur, iusticiam & uitam æternam hæreditamus, propter seruatore Christum. At uocabulum satisfactionis, in doctrina pœnitentiæ, apud scholasticos theologos, rem habet nouam, inauditam, prodigiosam et incognitā literis sacris: ideoque prorsus impiā, & repudiandā. Opprimet enim gratiæ doctrinam, & pharisaica hominū opera extollit supra fidem in Christum. De reliquis nominibus, quorum in hac partitione mentionem feci, prius satis dictum est.

*Confessio.*

*Fides.*

Proinde in pœnitentiæ doctrina ponimus has principales duas partes: Contritionē uidelicet, & fidem. Ad quas etiā reducimus, tum confessionē delictorū, sed eā quæ est iuris diuini, aut certe sine incommoditate doctrinæ fidei recipi potest. Tum effectum illū pœnitentiæ, quē uocamus externā nouitatem, siue, opera externa bona, & dignos pœnitentiæ fructus. Verax enim & pia confessio delictorum, a uera contritione nūquam potest abesse. Neque enim pñ excusant suos errores: sed agnoscunt, fatentur & accusant ipsi, ut remissionem peccatorum consequantur: quanquam non propter confessionem, sed propter Christum, cuius sanguine emundamur ab omni peccato, in quem credunt. Deinde, ubi uera est in Christum fides, ibi certissimum est protinus & exter-



nam nouitatem sequi, tanquā effectum, quod & si antea clarissimum effecimus, puto, in prima parte huius operis: tamen multo clarius adhuc idem efficiemus, cum per Christi gloriam scribemus tertium librum de poenitentia, et fructibus iustificarum & poenitentium bonis. Satisfactio nem autem pro peccato & aeterna morte, siue, ut loqui solent, pro culpa & poena, ignoramus, praeterquam crucem, mortem, & gloriosam resurrectionem Domini & seruatoris nostri Iesu Christi: cui sit huius nominis aeterna gloria. A M E N.

Contritio  
fides cohae  
rent.

Latrones an  
marum.

Quod uero poenitentia, homine Christiano digna, sine his essentialibus duabus partibus, quas dixi, nulla existere possit, facile probauerim: Quia sic cohaerent illae partes, contritio, inquam, & fides, ut prorsus non possint diuelli, aut diuulsae, altera sine altera, sit aut inane & otiosum nomen, aut res perniciofa. Qui enim existimant contritionem rationis opus esse, tametsi sine fide in Christum docet, isti aut illudunt discipulis & nihil quam hypocrisim & simulationem predicant: aut si forte praeter doctorum opinionem & mentem talibus uera contritio: (cuius doctores ipsos constat ignaros esse.) contrigerit, conijciunt miseros in desperationem & aeternam perditionem. Non aliter sunt impostores & latrones animarum, qui fidem predicant sine contritione: sine Dei timore, & debita perfecta illa obedientia erga legem. Et tamen uidemus doctrinam timoris & contritionis a multis omitti: qui licet, sibi ualde Euangelici esse uidentur: cum fidei doctrina solis, qui uere conuertuntur, solatio esse possit, ut quos conscientiae onus premit, & mors aeterna terret. Iuxta illud, psal. cxlvi. Qui sanat contritos corde, & alligat contritiones eorum. Neque Christus alios conscientiae onere, & metu mortis leuat. Non potest enim medicus esse, quam egrotis. Matthaei ix. Denique non possunt uere credere in Christum, nisi qui prius uere cognouerunt suum peccatum: & iudicium aeternae mortis, sibi debitum. Quid credant enim, qui ne nouerunt quidem unquam sua illa mala, quae afferunt homini aeternam mortem, & sola in Christum fides absorbet, & tollit omnia: Sed hypocritae simulant omnia: contritionem sine fide, & rursus fidem, sine contritione. Item dilectionem & legis impletionem sine Christo, & quid non? Verum istae impietates nihil ad nos.

Ergo Euangelio nemo potest credere, nisi qui est primum uere contritus, hoc est, qui ad peccati sui & irae Dei noticiam, non simpliciter speculatiuam, sed practicam quoque perductus est. Cognitio autem peccati & irae Dei, non habet locum in Christiana poenitentia, sine fide, sed est blasphemia, desperatio & mors aeterna. Aut certe avertit desperationem & mortem, uidelicet, blasphemis contra Deum & legem, nisi accedat fides, quae blasphemos, & desperabundos, sententia mortis in se accepta, rursus eripiat, & extrahat ex morte damnationis. Tam est necessa

ria in contrito, remissi peccati fides: quæ remissio contingit gratis per misericordiam, propter Christum.

Neceſſe eſt ergo in ſacris literis eam poenitentiam doceri, qua homo in peccati ſui & iræ Dei cognitionem ueram primo omnium perducatur: qua incipit dolere, propter Deum offenſum, ac deſtari ſuum peccatum. Sic loquor de piorum contritione: quatenus incipiūt ſanari & melius habere. Deinde, qua rursus conſolationem capiat, propter reconciliatum Deum: & ſpem iuſticiæ & eternæ uitæ, propoſitam atq; donatā in Chriſto Ieſu. Nihil enim poenitentia aliud eſt, quā corde conteri & dolere, propter peccatum & peccati poenas: maxime autem propter Deum offenſum, quem noliſ ira offenſum eſſe. Ad hæc conſolationem accipere, per promiſſionem Euangelij de Chriſto: quam ſequi peccati fugā & obedientiā erga legem, & totius uitæ nouitatē, ſatis antea & uerediti.

Sacrilega hypocriſis, in qua nulla eſt, neque peccati cognitio, neq; remiſſi peccati fides, non poteſt ullum bonum opus preſtare, quod iuſticiæ nomine ſit acceptum coram Deo: etiamſi conando & currendo multum ſudet atq; laboret. Sicut teſtatur Paulus Roma. ix. Iſrael ſectando legem iuſticiæ, in legem iuſticiæ nō peruenit. Quare? Quia non ex fide: ſed quali ex operibus. Et ibidem capite x. Ignorantes iuſticiam dei, & ſuam quærentes ſtatuerē, iuſticiæ dei non ſunt ſubiecti. Finis enim legis Chriſtus, ad iuſticiam omni credēti. In hac uana & impia hypocriſi fuit: qui deum non timens, & homines contemnens, ita precatus eſt, & deo ſuperbiſſime locutus: Deus gratias ago tibi, quod non ſum ſicut cæteri homines. Lucæ xvij.

Sic eſt ſacrilega hypocriſis doctrina ſcholasticorum theologorum de poenitentia & iuſtificatione. Tribuunt enim phariſaico errore meritis operum noſtrorū debitum remiſſionis peccati, iuſticiæ & uitæ eternæ: & donum gratiæ negant eſſe gratuitum. Sic eſt regnū, uel potius tyrannis, Romani Pontificis, ſceleſta & maledicta hypocriſis. Quid habet enim cum Euangelio Chriſti commune? cū Chriſtum adeo neget, ut non agnoſcat, non recipiat, peccata noſtra gratis remitti nobis, & ignoſci propter Chriſtum. Quinetiam hanc Euangelij ſanctiſſimam doctrinam pro peſtilentiſſima hæreſi damnat. Deinde tranſfert meritum remiſſionis peccati, in obſervationem aliquot frigidiffimarum traditionum: & tranſgreſſoribus iſtarum, de quarum plerique dubitare poſſis, ſtultæ ſunt magis an impiæ, comminatur mortis eternæ poenas: Item iram & indignationem omnipotentis: ut blaſphemat. Denicq; ſic ſunt Chriſtianis ſcandalum, & remora pietatis, ſectæ monachorum. Omnes enim operibus fictæ & ſimulatæ pietatis tribuūt meritum iuſticiæ & ſalutis. Nā et tam inſolens ſuperbia in monachis eſt, ut monachatu equa

Scholasticorum doctrina de poenitentia sacrilega hypocriſis.



re baptismo, qui est Christianorum a Christo, nihil uerantur, nec erubescant. Oportet enim de pestibus istis, que prope ad internecionē perdidit Ecclesiam, per occasionem dicere, ut cognoscantur, & cognitz caueatur, quas Dominus Iesus uelit delere, & funditus extirpare. Sed hec de paribus poenitentis hactenus, nunc de contritione seorsim.

## DE VERAE CONTRITIONE.

CAP. II.

**D**E Contritione, quam docent Scholastici Theologi, sepe mentio nem fecimus. Oportet enim nosse, pro conseruanda puritate Christi ane doctrine, contra persuasiones erroris, quam sit frivolum, ponere in contritione dolorē, uoluntarie pro peccatis assumptum. Ita enim er re seria, horribili, amara ac tristi, & quam natura plusquam auersamur & fugimus, faciunt lepidum ac suauem rationis ludum. Nec tribuunt solum contritionis nomen, huic ficto dolori, & perfectionem doloris isti pharisaice contritioni, uerum etiam meritum gratie, gratum facien tis, hoc est, acceptantis & ad probantis peccatorem, & conferentis illi spi ritum dilectionis, quo accepto ille quidem mereatur sibi de condigno uitam eternam.

Contritio  
scholasticis  
est simulatum  
dolor.

Ita ergo sepeliunt Christum ac stulte simul & impie docent, quod peccata nobis remittantur propter contritionē, quemadmodū alijs ope ribus legis. Et quod dilectionē his operibus mereamur, qua impetrata, donum uite eterne, de condigno per alia legis opera accipiamus. Cur igitur adoramus Christum, & nō renunciamus eius nomini, quando saluationis gloriā adeo in manibus nostris habemus? O sophiste, male dicat cogitationibus uestris Deus: quibus Christi glorie adeo resistitis? Impossibile est contritionem sine fide gratiæ remissionis peccati aliud asserre, quā desperationē & mortē: deinde, affirmare, quod nō peccent homines, facientes precepta Dei sine gratia, nedum cum hec sunt opi nione merendi iusticiā & saluationē, falsum est & contumeliosum. Sui ti & uani, hypocritis iactatis esse iusticiā, & eam meritoria uite eterne.

Nondum attingo, quod corda perterrefacta ex doctrina legis, non possint diligere deum, & quod uanissimum est, fingere dilectionem dei & legis accipi posse, sine fide gratiæ remissionis peccati, propter Christum. Nam horū dogmatum sunt autores scholastici Theologi, que alij loco obseruanda duxi. Vide ergo quale sit hoc scholasticorum dogma, fingunt in contritione esse dolorem, non solum quem gignit merus poenarum, uerum etiam charitas & dilectio Dei, cum de fide, qua adprehendimus remissionem peccati gratiam, nihil usquam di cant. Neque possint de ea dicere, quia remissionem peccati negant gra tiam esse, & contendunt, quod per meritum operum nostrorum con tingat. Hac namque pharisaica persuasionē ubique impediuntur, ne ue ritatem glorie Christi cernant.

Nos

Nos ergo contritionem intelligamus, non humana ratione simulatum dolorem, sed ueros terrores, quos Deus incutit, quando conscientijs nostris loquitur, ac reteggit illis peccatum & reuelat: Item sententiam illam maledictionis aeternae, quae peccatoribus debetur, ut de contritione haecenus saepe dixi. Est autem dolor ille omnino maior, quam ab infirma natura sine desperatione ferri ac sustineri posset, nisi tandē illi subueniret per gratiam a Deo. Res tota longe est supra & extra omnem uim humanae rationis. Oportet enim in contritione intelligere, non speculatiuos & simulatos dolores quales scholastici docent: sed ueros, quales sunt in iudicio conscientiae, comparato ad iram Dei, & ad sententiā maledictionis, propter peccatum iam acceptam. Quales terrores fuerunt in dolore Cain, David, & aliorū. Accertum est, quod istos dolores: ut antea etiam dictum est, omnis omnium hominū natura refugit & supra modum horret. Solus etiam Deus, per legis doctrinam excitat illos: uel inuitis nobis & repugnantibus, quod infra per quaedam exempla demonstrabo. Nemo enim potest uelle cognoscere & audire hanc accusationē peccati sui, quo sine spe ueniae mereat aeternam condēnationem. Nemo potest uolens scire & assentiri, quod propter peccatum suum, merito sit filius irae & maledictionis. Tantum abest, ut per hunc inuoluntarium dolorem, & plusquam uiolentum, plenum odij & blasphemiae, contra Deum & legem, gratiam & remissionem peccati mereatur.

Haecego trasse fortassis, & saepe ac uerbosē inculco, quae alius melius & aptius dicere posset. Sed mecum bene agitur, si fideliter & pie doceā, uere ac firme, quae nec a portis inferorum conuelli possint. Rē eandem saepe inculco, non subtiliter, nec prohibeo, si quis meliora uolet scribere. Atq; utinam uerax studium glorificandi Christum omnibus inesset, ut tandē omnes linguae confiterentur Deo, & gloriā illi dicerent amplissimā, per Iesum. Sed his tēporibus, quid nisi obscuratur gloria Christi & opprimitur, idq; a magnis, sapiētibus et doctis: ut necesse sit infantes, rudes atq; indoctos loq, qui si taceant, lapides clamabūt. Sed ad rē.

Facile est hypocritis fingere, ut alia omnia, sic etiam quod possint sibi formare contritionem, odiant peccatum, & Deum super omnia diligāt. Sed nihilominus amant peccatum, & desideria eius explere cupiunt, & odium Dei ac legis retinent. Fingunt se mereri dilectionem, cum perpetuo sint expertes dilectionis, quicquid mereantur. Experientia enim notissimum est omnibus hominibus, quod praecepta legis sine spiritu sancto, qui datur propter Christum, nemo possit amare: quin potius omnes rapiat & trahit immodicū desiderium peccati, & immodica cupiditas contra legē. Nullū enim prorsus mandatū est, cui homo, peculiari cōcupiscētia carnis nō aduerset. Ex quo manifestū est, manere odiū Dei & legis in hoīe: quoad per promissionis euāgelij fidē, ab hac blalphemia liberet.



COMMENT. DE POENITENT.

Proinde, sic potius res contritionis habet. Quando Deus aperit nobis oculos mentis, ut uideamus, quantum sit & quale, habitans in nobis peccatum, quanta immundicia in natura, a qua nemo abesse potest, ut maxime uellet, adeoque, quante sint externe transgressionis, si quas adiecimus, quarum rarissimi uacant, nisi infantes: quanta denique ira & iudicium dei contra peccatores, siquidem eternis maledictionibus mortis illos affligit: Gal. iiij. tunc ruimus in murmura & blasphemias, non iam occultas, quas hypocrite uel ignorantes habent, sed in aperta odia contra Deum. Decertant enim, iniusticiam esse apud Deum, si iudicentur, qui ipsi suis uiribus non ualeant explicare se de peccato, imo bene & fortiter conando per uires rationis, ut iusticiam saluationis mereantur, magis magisque implicent. Nam ut iste blasphemie hereant in natura, discas conscientia teste, & teste Diatribe Erasmi, & Paulo ad Roma. ix.

*Causa, sine  
qua non.*

Quapropter in Contritione adeo nullum est gratie meritum, ut hominem magis alienet a gratia, si pietatem eius scilicet, hoc est, ineffabilem blasphemiam, per se inspicias. Quare recte nunquam dici potest causa saluationis, aut causa sine qua non, si de merito saluationis loquamur. Hæc enim contingit gratis, propter Christum, his qui in gratuita promissionem credunt. Quanquam necessaria sit contritio propter nos humiliandos, ac declarandum & accusandum nostrum peccatum. Quam Deus ex pessima opinione de Deo, quæ in illa regnat, in optimam mutat, ut doleat homini peccatori, sic esse eius ingenium & naturam, uidelicet, maliciosam & impiam, ac fugiat omnibus modis peccatum. Verum, hoc non sine gratia & fide in Christum. Sicut contritio est causa, sine qua non, propter nouitatem nostram, & obedientiam, quam Deo debemus, sed nullum gratie meritum operis nostri inde iactari potest.

In summa, hoc dolet homini, quatenus sibi relictus est, & sine gratie spiritalis agitur, quod desideria carnis impune non potest explere. Hic rursum dico, hoc per experientiam omnibus notissimum esse. Hypocrite autem contritioni peculiarem dignitatem tribuunt, & magni meriti esse fabulantur, quo gratiam sibi quis mereatur: quanquam de congruo, & tamen ex pacto. Quia Deus dicit, conuertimini ad me, & ego conuertar ad uos. Nihil enim impossibile uiribus suis esse ducunt, & nihil discernunt, inter credentes, qui audiunt uerbum gratie & a spiritu sancto gubernantur, & incredulos, qui auersi a uerbo gratie, & ad se conuersi, omnia uiribus suis implere uolunt, ac sui sibi saluatores esse.

Sed hoc insigniter friuolum est ac stultum, quod doctrinam seminant Sophistæ, cuius ueritatem nullo exemplo demonstrare possunt. Nempe, suarum pharisaicarum contritionum, exaudiri a Deo. Sed nos abundamus contrariis exemplis, & alijs quam plurimis, quæ testantur quod per solam

gratuitam gratiam saluamur a peccato & a morte, propter Christum, si in eum credimus. Oportet enim ab hac fide, omnem conditionem meriti operum nostrorum, procul semouere & penitus excludere.

Res est non uirium naturæ, sed diuini operis, uere conteri, siue hoc in bonum, siue in malum fiat, hoc est, siue contingat pium conteri seu electum, ut ad Deum conuertatur: siue impium, ut in poenam peccati conijciatur in desperationem. Caute igitur obseruandum est, ne quæ fallant pharisaicæ hypocrites. Nam & in gentibus nō fuerunt inferiores carnales res iusticiæ, quam esse possunt hoc tempore in illis, qui docentur formare contritionem, nescio quibus imaginationibus speculatiuis, & illa mereri gratiam, tum alia legis opera præstare, fiducia remissionis peccati, & uitæ æternæ a Deo. Sed quid obsecro uariant isti a perfidis Iudæis, & ab opinionibus Turcarum?

Admirandum autem sane est, in diuino gratiæ opere, quod omnem iniuriam & contumeliam qua afficitur a nobis, etiam ignoscit nobis, & ex tantis malis extrahit ad suæ gratiæ cognitionem & fidem, ne eternum pereamus. Ita enim gratiam cōfert pro peccatis & de meritis, hoc est, peccatores & immeritos, adeoq; multis modis indignos afficit suæ gratiæ clementia & benignitate. Idq; tam charo precio, uidelicet, per unigeniti filij mortem. Ita commendans nobis, suam erga nos misericordiam & dilectionem. Ioannis iij. Roman. v.

Quid multis? Contritionibus nostris non debemus meritum gratiæ arrogare, nec diuina lege ita uti, ne dicam abuti, ut per eius opera præcepta, utcunq; præstita ac facta a nobis, iusticiam nobis tribuamus, ne dū hanc meritoriā remissionis peccati & uitæ æternæ fingamus: sed ut peccatores nos esse, ex illius doctrina discamus, qui sine gratuita remissione peccati, iusti & salui esse coram Deo nequeamus. Quod quam necessarium sit & uerum, subinde clarius aperiemus.

Huc ergo in primis facit disputatio Pauli. Roma. vii. de legis germano & principali usu, quam hic per occasionē breuiter percurramus. Verba Pauli sunt hæc: Peccatum non cognoui, nisi per legem. Nā concupiscentiam nesciebam (uidelicet, hanc esse peccatum damnans coram Deo. Præmisit enim, peccatum non cognoui, nisi per legem: & peccato certe damnatur, iuxta illud: Aculeus mortis peccatum) nisi lex diceret: Non concupisces. At sophistæ concupiscentiam negant esse peccatum: contra tam apertum textum scripturæ, sed infirmitatem esse confitetur. Sed esto, sit infirmitas, uerum talis, quæ habentem condemnet, nisi ab hac liberetur, gratuita ignoscencia propter Christum. Non enim impunitur credenti in dānabile peccatum: a quibus etiā expugnatur, ne regnet.

Impietas est ergo, uiciū concupiscentiæ extenuare: tam furens malū & indomabile in homine. Nā etiam si comprimi possit nō tamē extirpari.



In sanctis enim quotidie aliquid decedit, de concupiscentia: uerum tota non potest aboleri, quam diu uiuimus. Semper adeo exhibet molestias p[ro]p[ri]as, quanquam illi hoc curent, ne sibi imperet concupiscentia. Sed age, aboleant sophistae concupiscentiam, hunc tam contemptibilem morbum: tollat auariciam, ambitionem, emulationem, iram, odium, inuidiam, amorē sui, huius seculi curam, & huiusmodi alias concupiscentiae species, & laudabimus eos, quin ipsi se nobis exhibeant prout uis sanctis adorandos, & gratiae Iesu Christi ualedicant, denique recusat spiritus sancti auxilium & operam, prout uincendo peccato. Sed p[ro]p[ri]i inter non ignorant quam sit molestissimum uicium in carne concupiscentia: quod hominem nunquam deserit in totum, & semper reum efficit, nisi quatenus fides gratiae illum excusat. Nec denique comprimipoteat, nisi ab his qui a spiritu sancto gubernantur.

Sed ad Paulum redeo, qui docet sane, contra omnium sophistarum spem & opinionem, lege diuina non solum ostendi nobis peccatum nostrum, & accusari: uerum etiam augeri, & conscientias peccatorum horribiliter cruciari per legem. Sic enim ait: Occasione autem accepta, peccatum per mandatum operatum est in me omnem concupiscentiam, hoc est, quae libet uicia carnis concupiscentiae in me accendit, ut etiam sentirem adesse mihi, quae prius nesciebam. Auget enim peccatum lex, quia prohibet, a quibus natura non possumus abesse: quinetiam ea, quibus immodice delectamur & a quibus arceri nolumus. Denique terret conscientias, & comminatur mortem, atque efficit, ut fugiamus iram & iudiciū Dei: adeoque Deo & legi irascamur. Sic uero lex nostro uicio est uirtus peccati: nec potest alium effectum, cum incidit in carnalem naturam, habere. Itaque comparati ad diuinam legem, natura nostra incorrigibiles sumus, ut intelligas neminem iustificari, seu liberari a peccato & a morte posse, nisi per misericordiam & gratuitam remissionem peccati.

Sequitur apud Paulum: sine lege enim, hoc est, lege spiritaliter, a me carnali homine, nondum intellecta, quod uidelicet dampnet cordis immundiciem & summam puritatem requirat, tam internam, quam externam, ut eam praestemus toto corde & animo, in omnibus cogitationibus, dictis & factis. Hoc est enim sine lege uiuere, nescire legis spiritalis usum, & hypocritarum in morem secum agere, & fingere, quod legi per externa facta satisfacias: quae est sanctissima & castissima doctrina, & sanctissimos & castissimos cordis motus a nobis requirit. Cur enim non exigeret a nobis debitum, qui nostro uicio immundi sumus, & rei condemnationis: sed hypocritae sibi omnia tribuunt, & tam sunt securi, mali conciliati homines, ut qui omnia legis mandata, ad unguem & perfectissime faciunt. Sicut istius erroris accusantur & damnantur, Lu. xviij.

Peccatum erat mortuum. Eatenus mortuum quatenus non sentiebatur

tur carnali nature adesse. Sic est enim apud eos, qui hec graui peccata cordis, ut est incredulitas, presumptio, desperatio, ira contra legem, uacare fide, timore, spe, dilectione, esse auarum, iracundum, impatientem & uarie cupidum contra omnia legis mandata, non habent pro peccato. Hos ergo non terret lex, nedum occidit: quo nomine non est lex. Porro isti hypocrite interim fingunt se nullum peccatum habere, quod est peccatum mortuum esse, & quasi sepultum in carnali natura. Deinde in talibus peccatum non sequit tantopere contra legem: uidelicet, impatientia, odio & similibus blasphemijs: concupiscentia per legem nondum irritata & accensa. Sed non ideo non est peccatum damnanis. Deus enim quamuis immundiciem accusat, etiam penitissime latetent: a qua antea repurgari nos oportet, quam saluationem acquiritur. Hinc enim precatur Propheta: Delicta quis intelligit, ab occultis meis munda me, & ab alienis parce seruo tuo.

Ego autem uiuebam sine lege aliquando. Nempe, cum adhuc impius phariseus essem, iusticia operum legis tumens & inflatus: & nulla dum ueram peccati noticiam habens. Tunc enim uiuebam sine lege, hoc est, sine conscientia peccati. Proinde hic uides quam errent pernitiose, qui legem pro iustificationis doctrina habent: de quo plura uideas: Phil. iij. ubi Paulus hunc pharisaicum errorem, in semetipso reprehendit & damnat. Defendit enim hypocrisim, pro perfecta pietate.

Sed cum uenisset mandatum, hoc est, cum lex spiritalis doctrina intellecta a me esset: & reuelare mihi peccatum meum, contra opinionem pharisei, coepisset. Nempe, cum uiderem, legem diuinam non esse huiusmodi doctrinam, que a quolibet prestari possit: imo, cui nulli prorsus homines satisfacere queant. Nunquam enim perfecte lex potest a nobis impleri: etiam iustificatis fide per Christum, & spiritu uiuentibus.

Peccatum reuixit: reiectum uidelicet, & irritum atque accensum in carnali natura. Quod prius latuit in natura hypocrisis operum rectum. Ceterum in hac ostensione peccati, concupiscentia accendebatur, odio & impatientia contra legem: ubi non potui opera mea ulterius pro iusticia defendere: sed coactus fui desperare: ut sequitur.

Ego uero mortuus sum. Accepta mortis, & eterne maledictionis sententia, per legem, quasi diceret, horribiliter contritus sum, penitus confectus et perditus: qui mihi uidebar integer et sanus esse, nulla curatione, nullo medico, opus habere: quin etiam iusticijs meis debere eternam uitam.

Et inuentum est mandatum, quod erat ad uitam: uerbum enim uite est, ei qui facit. Leuit. xviij. Gal. iij. Luc. x. Quanquam nemo est, in hac carnali natura, qui faciat. Ideo alieno iustificatore et impletore legis opus habemus, uidelicet, Christo Iesu, qui nos a maledictionibus



legis redemptio. Gala. iij. Quare & facit legem quilibet tantum, quantum credit in Christum, legis impletorem. Roma. iij. Finis enim legis Christus, ad iusticiam omni credenti.

Hoc esse ad mortem. Siquidem naturæ, seu peccati improbitas, intemperate hærens in natura, legis conatum elusit. Sic autem dicimur lege occidi, propter peccatum quod hæret in natura: cui lex non potest mederi, sed sola gratia per Christum. Hæc uero tota doctrina, de peccato, lege & gratia, nunquam satis intelligitur a nobis, nisi in probatione & agone conscientie. Nam philosophicæ speculationes, fere sunt ociosæ & uanæ: sicut uidemus, Deum & legem contemni a plerisque qui hæc probe cognouerunt, sed speculatiua tantum noticia & cognitione, non interna cordis.

Cum uero omnes homines natura nostra tales simus, quales hic prædicat Paulus, quis recte affirmare potest, hominem opere naturalis contritionis se fauori diuino præparare: & per mortuas iusticias carnis gratiam & peccati remissionem mereri? Nam accusari iusticias rationis & accipere sententiam mortis ex lege, non est præparare se diuino fauori: nec æternam saluationem mereri. Nisi peccatum dampnans, est summa iusticia, scilicet, & pietas in Deum: & mors æternæ maledictionis, est æterna uita. Quare fiducia carnalis iusticiæ magis noxia est, quam dici uel credi possit. Rursus quorum Deus peccata reteggit, & facit de iusticijs carnis desperare, hi sunt in primo saluationis gradu, quatenus inuocant pro gratia Deum. Nam talibus adest per Christum: & propter Christum ignoscit peccatis eorum, ac donat eis filios Dei fieri & heredes æternæ uitæ.

Hæc de Contritione hæcenus, & illius necessitate, unde oriatur, & quis efficiat eam in nobis, denique & quid ipsa operetur. Nam uerbum Dei, quod arguit nostra peccata, nempe, lex, est nobis contritionis causa: si tamen Deus per legem nos doceat, & cordibus nostris loquatur. Neque enim sufficit literæ noticia. Verbum enim Dei, nisi excitatum in nobis per spiritum sanctum, non magis efficax est, quam ulla alia rationis doctrina. Atque inde est, quia Deus non omnibus loquitur, quod fere contemni uidemus diuinæ legis prædicationem. Sed quando iudicium de cordibus reuelatur, tunc discimus quam sit res horribilis peccatum. Nam & peccatores protinus de saluatione coguntur desperare. Eius primo uidere est exemplum in Adam. In quo si liberum arbitrium post peccatum ualuisse, non indigniisset post legem prius a deo acceptam, noua alia & peculiari correptione, qua necesse fuit deum cordi ipsius loqui: sed comparato peccato suo ad iudicij diuini sententiâ coactus fuisset desperare.

Sed quid fit? Insignis dei contemptor, insigniter securus permanet in duricia cordis sui: neque quicquam requirit, quod deum offendit, & stupidus adeo est, ut malum suum nullo pacto uideat, aut queat uidere: etiam si legis & cõminationum illius non sit ignarus. Immo ne accusatus qui  
den

dem a Deo, uoluit peccatū suū agnoscere & , confiteri seipsum coram Deo esse. Sed potius excusare conatus est : & culpam in creatorem ipsū reijcere, potius q̄ in suam impietatem. Mulier (inquiens) quam dedisti mihi sociā, dedit mihi de ligno, & comedi. Nec dissimiliter mulier transfudit a se peccatū & iniquitatē suā: culpā transgressionis reijciēs in serpentē, hoc est, in creatorē serpentis, deum. Nam causa principalis peccati, ab utrisq; regerebat in deum. Adam igit̄, ut mulieris exemplū taceā, nisi alio nouo gratiæ beneficio, de peccato & iniquitate sua conuictus fuisset, quid nisi cōsensuisset in sua impietate: & mortuus in peccato filius gehennę & eternę dānationis permanuisset: deniq; ad cōsimilem modum oīs posteritas cū eo: sed timuit uocē dei, cū secūdo ad eū loqueret̄, & coargueret eius peccatū: iam uiua & efficaci uoce spiritus, nō mortua litera legis. Vix igitur humiliatus est coram deo, & uix contritus. Per legem enim, quam acceperat, & illius admonitus etiam, non potuit timere deū. Cur hoc: quia per peccatum & inobedientiā, non erat amplius sui compos & in perfecta sui potestate: sed erat seruus peccati & sub imperio Diaboli.

Non dissimile exemplum est in historia Cain, Genesis iij. nisi quod maius argumentum impietatis humanę in illa propositum est: quę etiam efficit plerosque desperare de gratia. Sic enim est mancipium miserum Diaboli homo, propter peccatum. Nec opus habet dilucidiorē expositione exemplum Cain, quam iam exhibita est. Cæterum Dauidis exemplum nullo modo licet tacere: nempe, regis maximi, & sapientissimi Prophetę, qui utroq; officio pastor erat sui populi: sed lapsus in peccatum, factus adulter & parricida, nihil moratus est se in tantis facinoribus inescatum a Diabolo fuisse: & peccatum neq; agnoscere, neq; timere deum potuit. Nihil iuuat tunc hominem lumē naturalerationis, nec profuit lex scripta, & liberum arbitrium in stercore iacuit. Proinde opus habuit nouo gratiæ beneficio admoneri scelerum suorum, & corripi per prophetam Nathan: & per gratuitam condonationem delictorū, in pristinum iusticię statum restitui. ij Regum xi. & xij.

Adde Reges Israel plerosque, & ex regibus Iuda insigniter malum, scelerosum & impium Manassen, & consydera, quam non agnouerint sua peccata, neque deum timuerint. Etsi sapientes uiri essent, & liberū arbitrium tam pulchrum & expeditum haberent, quam Papiste: neque ignari diuinę legis essent, si literam spectes. Et dic cæcitatē eorum & impietatis causas: cum præsertim mandatis diuini cultus quasi dedita opera resisterent: & sanctos prophetas, ueritatis & fidei doctores, adeoque correctores corruptissimorum morum, sine clementia trucidarent, & sanguinem alium innoxium multum nimis effunderent: & horrendis abominationibus Idolatrię omnia replerēt. Nec in his omnibus & tan



tis malis ulla conscientia peccati tangebantur. Sed unde hæc impietas & duricia cordis in istis, si tanta est ut rationis & liberi arbitrij, quantā esse prædicant Theologi rationis, tam uidentes quæ loquuntur, quam uiderunt isti reges quæ operati sunt, quos malicia sui ingenij & naturæ, & tyrannis Diaboli excecavit.

*Pharisæorum  
obstinatio.*

Sed accedamus etiam ad ea exempla, quæ relata sunt in literis Noui testamenti. Quid est tam cæcum, audax, improbum, in corrigibile, durissimæ cervicis, furiosum, obstinacis cordis & contemnens dei, atque quod refertur de impietate pharisæorum, qui tamen scientia scripturarum, & sanctimonia uite, spectabiles uiri erant in reliquo populo Iudeorum. Nullis signis temporum, nec prophetarum oraculis, neque Ioanne & Christo ipso doctoribus, persuaderi potuerunt, ut poenitentiam agerent & crederent Euangelio. Sed omnino tales se exhibuerunt, quales hoc tempore Papistæ, ad Euangelij predicationem.

*Cognitio pec-  
cati per solā  
literam*

Causa erat, quia peccatum suum per solam literam cognouerunt, qualis est noticia peccati, in his qui furantur, & latrocinia exercent, siue adulteria committunt, sine tamē conscientia peccati. Quanquam magna pars pharisæorum, ne sic quidem agnouit suum peccatum, uerum etiam, pro iusticia defendit, ueritati Euangelij & Christo contradicere. Sed esto, ut in quibusdam fuerit noticia sui peccati secundum literam, tamen eo modo iudicia Dei facile contemni possunt, quæ alioqui impossibile est non uehementer reuereri. Sicut habemus exemplum in Iuda, qui prodidit Christum. Primum enim omnes admonitiones Christi contempsit: sed postea cum loqui illi cœpisset deus in cor, & peccatum reuelare, ex onere peccati in conscientia, & per desperationem salutis, ipse uitam abruptit suam. Tamest importabile, dei iudicium contra peccatores, conscientijs reuelatum, nisi promissione Euangelij rursus erigamur, & a desperatione seruemur.

*Iudas*

*Paulus*

Quorsum promouit Paulus, adhuc pharisæus per iusticias legis? Sed peccatum ille suum adeo non agnouit, ut pharisaismum pro summa pietate defenderet, & illius nomine Ecclesiam Dei persequeretur: non minore emulatione, quam nunc fit a Papistis: si tamen illi serio defendunt iusticias rationis, & nō magis suas dignitates, avariciam, & glorias ambiciosas. Certe Christi gloriam, & Ecclesie salutē, non querunt.

*Petrus*

Denique quam fuit stupidus Petrus in agnitione sui erroris & peccati. Nisi enim admonitus fuisset a gallo & Christo inspectore, conuertente cor, non resipuisset. Ergo his omnibus exemplis docemur, quod in uera contritione opus habemus diuina potentia & gratia, ad reuelationem & noticiam nostri peccati: neque tamen seruari hominem per contritionem, & timorem iudiciorum dei, sed perire, nisi per gratiam Iesu Christi restituatur.

Quem

Quem non mouent uulgi exempla, huius nostri temporis, ut principes, Episcopos & Monachos tacram. Est enim in toto hominum genere, mirabilis contemptus Dei, & ignorantia sui peccati, & uiuunt sine timore, nec magnificiunt admodum gratiæ reuelationem, quæ contingit propter Christum.

Omnino igitur ignorant peccatum, & uim ueræ contritionis, qui existimant illam uiribus rationis parari, aut non maiorem esse, quàm possit sustinere eam homo, absq; desperatione. Nisi illi succurrat gratiæ consolatio, quæ per terrefactam mentem rursus erigat, & promissione remissionis peccati & uitæ æternæ gratuita eripiat ex morte.

Porro, ex iam dictis exemplis illud quoq; discere oportebit, quod ueram contritionem pii cum impijs eandem habent, & in nullo dissimilem. Quare consequi remissionem peccatorum per eam nemo potest. Hoc solo discrimen est, quod Deus in contritione suis adest, neq; sinit illos desperare: sed per promissionis Euægelij uerbū consolatur. Quo uno accipiunt remissionem peccati, iusticiam & æternam uitam, quatenus in hanc gratuitam promissionis gratiam credunt, quæ oblata est propter Christum. Ceterum impios non consolatur, sed sinit perire.

*Vera contritio pijs cum impijs eadem est, sed nō con-  
solatio.*

In hunc modum ipsum Adā & Dauid consolatus est Deus, per sue gratiæ promissionem: atq; ipsius etiam Manasse preces exaudivit, iam conuersi ad gratiæ fidem, nec aliter Petrum & Paulum adiuuit, quam per suæ gratiæ gratiæ donationem. Nec unquam ullum hominem aliter est saluaturus. Cain autem & proditorum ludam permisit desperare. Et Cain quidem suis terroribus & tremoribus, ac ludas suo calamitoso uite exitu, satis nos docuerunt, quam sit impar imbecillis natura, deprehensa in peccato, stare coram iudicio Dei, & sententiam damnationis audire. Quare non attinet multum disputare de exemplis regum Israel & phariseorum, aut horū similium. Nam satis liquet, quod quibus nulla peculiaris gratia, remittens peccatum, & promittens eternam saluationem, facta est, eos per reuelatum peccatum & iram Dei abijci in profundum desperationis & æternæ mortis.

Sunt ergo diuersi effectus in uera contritione. Nam ea uis, quæ ostendit cordibus nostris magnitudinem peccati & irā Dei, accendit in alijs gratiæ sitim, ut dicant, Deus propitius esto nobis peccatoribus. Quem admodum & Dauid precatus est, comprehensus in peccato, & ad gratiæ fidem conuersus: psal. l. Miserere mei Deus, secundum magnam misericordiam tuam. Item: Averte faciem tuam a peccatis meis, & omnes iniquitates meas dele. Et psal. cdiij. Erne intres in iudicium cum seruo tuo, quia non iustificabitur in conspectu tuo omnis uiuens. Item cxxix. Si iniquitates obseruaueris Domine, Domine quis sustinebit? Quia apud te propitiatio est, ut timearis. Rursus in alijs, in quibus uer-

*Diuerſi effectus in uera contritione.*



bum gratiae non est efficax, contritio gignit odium Dei & desperationem. Ex quo uidere est, quales sint doctores, qui in poenitentiae predicatione, docent contritionem, sine fide, gratiae per Christum. Quamquam isti nec ueram contritionem doceant: sed meram simulationem eius & uanitatem.

*Impij in contritione peccata sua ex animo non odiant.*

Illud praeterea solis pijs accidit in uera contritione: quod peccatum suum ex animo odiant, ac dolet eis quod Deum offenderint: eoque quoad fieri potest, uitant deinceps & fugiunt peccatum. Impij autem, suis artibus fingentes contritionem, non odiant peccatum uero odio: sed mallent cupiditatibus suis inferuire. Neque dolent, quod Deum offenderint: sed poenas metuunt, & Deum atque legem oderunt. Nec ullum uerax & serium studiū bonorum operum, in istis ea causa, potest regnare: qui omnia quae faciunt, non Dei, sed sui amore operantur.

*Contritio durat in pijs.*

Neque perficitur unico momento uerax contritio: sed durat in fidelibus. Quia ut semper peccatum in hac carnali natura habemus: ita semper in illo timore retinemur, qui est uerae contritionis. Licet mitigetur, ac sanetur subinde, non tamen subito expellitur totus. Tam enim contritio quam fides subinde perficiuntur: ne quis nimium displiceat sibi, qui legis terrores adhuc sentit: & nondum est perfectus in fide.

Potest ex his intelligi, quā foedas hypocrises doceant, qui tribuunt operi contritionis meritū remissionis peccati: simulq; hanc hominis uirtutem posse parari. Contritio est enim fides, qua credimus uerbo diuinae legis, reuelanti nobis cum nostrum peccatum, tum debitam peccatis nostris iram & maledictionem. Et hanc maximam & tristissimā rem, homo per industriam suam inuenire aut assequi posset, siue uellet. Nihil aequè fugit & auersatur: reuelatam, nunquam sustinet sine desperatione. Nisi Euangelij consolatione, ut sepe dixi, seruetur. Quare sine huius fide nunquam utilis esse posset: imo nunquam non permitiosa. Et quomodo sola gratiam, aut remissionem peccati mereri posset? Ad contritionem autem non

aliter opus est operatione spiritus sancti, quam ad alias Christianas uirtutes: in quibus efficiendis quid posset caro nostra, serua peccati & Diaboli.

Videas igitur alios terreri lege, cuius predicatione alij nec quicq; permouentur: quia impediuntur a peccato & Diabolo. In summa, horrenda imago contritionis est. Nā fide euangelij ignorata, abijcit hominem in desperationem, atq; aeternam mortem.

*de pec.*

DE PECCATO, CUIVS PERFECTA  
COGNITIONE OPVS EST HOMI-*ni pro efficienda in illo uera animi contritione.*

**P**Rædictis de contritione adiiciendum est, Quod nam sit omne pec-  
catum illud, cuius perfecta cognitione opus est homini, pro efficien-  
da in illo, uera animi contritione. Oportet enim longe aliter de peccato  
sentire ac iudicare, quam aut ratio & captus naturalis: aut in theologia  
sua scholastici doctores. Ratio enim de internis uicijs impij cordis ni-  
hil te docere potest: & scholastici theologi, quanquam tribuunt homi-  
ni concupiscentiam non mortificatam a spiritu sancto, huius uicium ta-  
men extenuant, & peccatum esse negant. Adpellant enim infirmitatem:  
& faciunt rem mediam, quæ non efficiat hominem deteriorem. Deinde  
tribuunt homini, quod suæ naturæ uiribus possit concupiscentiam do-  
mare, uincere & perfectissime obedire legi Dei, diligere Deum super  
omnia, hoc est, sine peccato esse.

CAP. III.

*Scholastici  
concupiscentiam  
negant esse  
peccatum.*

Vt igitur eas pestes impiæ doctrinæ caueamus omnes, statuere o-  
porteret, peccatum de quo in sacris literis docemur, quo deus offenditur,  
& homines non renati damnantur: siue etiam renati, quatenus peccatū  
non relinquunt, duplex esse: aliud internum & aliud externum. Et in-  
ternum quidem, esse uiciatæ seu corruptæ naturæ omnium communis:  
siue morbi istius, qui est perpetuo in natura, etiam renatorum. Nisi qua-  
tenus lumine gratiæ aufertur: & spiritu sancto subinde mortificatur.  
Quod a Theologis uocatur peccatum originis: & complectitur cū i-  
gnorationē Dei, quæ est priuatio seu defectus iustitiæ originalis, & ca-  
rentia operis boni: tum concupiscentiam in carne, quæ est habitus cor-  
ruptus prauus & uiciosus in natura, perpetuo inclinans & rapiens homi-  
nem ad mandatorum Dei contemptum & transgressionem. Nam quan-  
ta sit illius uis, non cernere est solum in his, qui per Euangelium non re-  
nascuntur, uerum etiā in omnibus renatis, quos oportet semper contra il-  
lud, non sine molesto certamine dimicare. Sicut Paulus docet Roman.  
viij. ut in loco de contritione ostendi.

*Peccatum du-  
plex est?**Peccatum ori-  
ginis quid.*

Peccatum externum, est omne hoc, quod internum peccatum seu ori-  
ginalis noxa gignit: & in opus externum, ceu malos fructus putris ar-  
bor, producit. Vt est externa idololatria, & blasphemiae externæ, con-  
iugia in Deum dicta, rapinae, cedes, adulteria, seditiones, & turbatio pa-  
cis: & quicquid est huiusmodi uiciorum quæ crimina adpellare solent,  
& actualia delicta, actiones externas flagitiosas. Quæ qui admittunt,  
excidunt gratia Dei, & desinunt reputari iusti, etiam si recepti prius in gra-  
tiam: & damnantur, nisi resipiscant & poenitentiam agant.

*Peccatum ex-  
ternum quid.*

Primum ergo uicia interna naturæ in considerationem uocare  
debemus, quando loquimur de peccato: & deinde externas trans-

G iij



*Ignorantia  
dei seu incre-  
dulus, pri-  
ma species  
peccati origi-  
nalis.*

gressiones, quæ ex his oriuntur. Sunt ergo uicia interna duorum gene-  
rum: uidelicet, ignorantie quæ in nobis est dei, & concupiscentie re-  
rum lege diuina prohibitarum. Cum dico ignorantiam Dei, intel-  
ligo mentis cæcitatem: seu incredulitatem. Neque enim illa ignorantia  
est aliud, quam perpetua quedam cæcitas & caligo, seu obscuratio me-  
tis: & incredulitas. Nisi ita discernas, ut ignorantia accipiat omnium es-  
se, qui ad uerbi dei lumen non peruenerunt: incredulitas autem eorum,  
qui ad prædicationem uerbi dei perducti, illi ueritatem detrahunt, & fi-  
dem non habent: sed talis est tamen ignorantia, quam dico, ut perpetuo  
habeat coniunctam incredulitatem: uel latentem & sepultam in impij ho-  
minis corde. Quod intelligitur usu & experientia, quâdo homo ad uer-  
bi dei prædicationem & doctrinam accedit. Item ex illo Pauli i. Cor. ij:  
Animalis homo non percipit ea, quæ sunt spiritus dei. Stulticia siquidẽ  
illi sunt: nec potest intelligere. Quia spiritualiter diiudicantur. Sic rursus  
in incredulitate recte accusamus ignorantiam dei & ueritatis.

*Concupiscen-  
tia altera spe-  
cies peccati  
originalis.*

Igitur incredulitas, seu ignorantia dei & rerum spiritualium tanquã  
genus, habet sub se illas omnes species: non timere deum, non diligere  
deum perfecto corde, esse sine fide, sine spe, non existimare quod deus  
nos respiciat, minas & promissiones dei nihili facere, & contemnere, aut  
certe non magnificare. Fiduciam & spem, in res creatas ponere, potius  
quam in deum. Iudicia dei non metuere, aut impatientissime odisse. Nõ  
statuere, quod per inuocationem exaudiamur. In afflictionibus & mor-  
te esse impatientem: quasi non sint opera dei, quæ ordinentur ab illo in  
nostrum bonum. Denique reuelato nobis iudicio contra peccatum, de-  
sperare. De promissionibus gratiæ & Euangelij dubitare: superbire &  
presumere de carnali iusticia, & sapientia carnali. Opibus, potentiæ,  
& honori confidere: rerum quæ pereunt & transeunt, & neminem me-  
liorem aut beatum efficere possunt. Ad auxilia diuorum confugere: sed  
deficio tandem. Quis enim omnes species incredulitatis numerare pos-  
set? Nec sunt hæc uicia, tantum actuales culpæ, quales esse haud gra-  
uiter permitto: sed præpterea durabiles defectus, & carentia iusticie:  
in natura non renouata. In summa, horribiles pestes, & grauissima  
peccata coram deo. Denique & uiciosi habitus adpellari possunt: quia  
magnam affinitatem habent cum concupiscentia, ut mox dicam. Sed  
non oportet nimis argute in his uicijs distinguendis laborare: nisi, si  
cui liber, gratia docendi. Proxima est concupiscentia,  
altera species peccati originis: similiter uicium internum ut incredulitas,  
& habitus corruptus prauus in natura. Hæc timet, amat & querit

*carnalia*

carnalia: & habet multiplices impetus pugnantes cum lege Dei. Nam concupiscentie nomine, semper intelligi debent, quilibet affectus contrarij & pugnantes legi Dei, & statui de illis debet, quod hominem non renatum, uere ac prorsus damnent. Hanc scholastici uocant fomitem, & negant esse peccatum. Sed Christus Matthe. v. longa oratione, peccatum esse declarat, & in lege damnari ostendit, contra phariseorum traditiones. Adhuc Paulus illam plane adpellat peccatum, ut supra ostendi, citato loco epist. ad Roma. cap. vii. Deinde argumento idem probatur, quia lex est spiritualis doctrina. Ideo precipit de affectuum puritate, deq; sanctissimis & castissimis motibus in corde, qui respondeant per omnia & consentiant legi Dei: & concupiscentiam accusat, tanquam peccatum damnans.

Igitur illi omnes affectus, qui oriuntur in concupiscentia, & repugnant legi dei, sunt reuera peccata, quibus homo reus fit, sicut Christus docet, aeternae damnationis. Dixi autem, quod hac timet, amat & quaerit carnalia homo, uelut, opes, uoluptates, potentiam, honores, gloriam & uitam. Et his contraria refugit & odit, inopiam, paupertatem, conditionis & fortunae humilitatem, ignominiam, sui contemptum, crucem & mortem. Nec alia re, nisi quia uoluptatibus cupitis & delideratis aduersantur, non considerato, cur deus cupiditatibus nostris aduersantia immittat, nempe, ut peccatum mortificetur. Quare etiam odit aduersantem suis cupiditatibus: hoc est, deum & legem, & quemuis hominem. Proinde in illa regnat praecipua auaricia, qua omnes quae sua sunt querunt, etiam si contra fas, & proximi dilectionem. Deinde concupiscentia prohibita erga mulierem, uidelicet, alterius coniugem. &c. sicut Moses de his praecipuis partibus agit, ubi tractat legem de concupiscentia. Sed illis sunt coniunctae, ira, odium, inuidia, aemulatio, ambitio, & similes morbi.

Atq; hic oportet rursus dicere, quod paulo ante dictum est de incredulitate, esse uidelicet, haec concupiscentiae uicia, non solum interna actualia delicta, sed etiam durabiles impetus in natura, quia his semper inclinatur homo ad malum, quibus nemo unquam satis resistere potuit aut potest. Hinc est illud Gene. vi. Cuncta intentio & cogitatio cordis tantum mala est omni tempore. Et cap. vii. Intentio humani cordis mala est, ab adolescentia sua. Et hic rursus cernere est, haec uicia habere magnam affinitatem cum incredulitate. Quia enim non credimus Deo, & illius erga nos bonae uoluntatis ignari sumus, ideo affectamus carnalia: & carnalibus confidimus & delectamur, deo & spiritualibus nec confidimus nec delectamur.

Hec de peccato originalis noxae in natura, qua omnes homines reiecti diunt eterne mortis coram deo: etiam infantes, q ad similitudinem externae trans-



gressionis nihil admiserunt: nec possent salui fieri, nisi per baptismum abluerentur eorum peccata: iuxta illud: nisi quis renatus fuerit ex aqua & spiritu sancto, non potest introire in regnū Dei. Et ex his intelligi oportet, quid sit carentia originalis iusticiæ, quā habiturus erat homo, si nunquam collapsus fuisset: nimirum, uerum Dei timorē, ueram dilectionem, fiduciā & spem in deum, animum uacuum cupiditate rerum materialium: in summa, iusticiam consummatā. Sed longe aliter nunc habet: quia decidit a iusticia & ruit in peccatum, tam ignorantia Dei quā concupiscentiæ prauæ.

Denique ex his quæ dixi liquet, quantum errent, qui peccatū originale somniant tantū reatum esse & poenam, seu imputationē alieni peccati, alienæ culpe & alterius noxæ. Sic enim solent, qui non uident immūdicem in natura hominis herentem, uidelicet, ignoratiōē, contemptū & odium dei, concupiscentiā rebellem legi. Sed hanc sanam & integrā esse fingunt & alieno uicio perire: nisi quatenus de suo adijciat transgressionem. Nā ita quidam ignari doctrinæ Christianæ, peccatum intelligunt tantum de externis actualibus delictis. Sed nosse oportet, peccatū originale esse, naturæ corruptionem atque inobedientiā: & quemlibet suo uicio perire, non aliena culpa, etiam si per alienam culpam habeat peccatum: sed hoc peccatum, non est alienū, non extra nos. Hæret enim in uniuscuiusque natura: ut antea de ignoratiōe & concupiscentia carnali dixi. Vt supra modum mirabile sit, ea horrenda uicia a quibusdam theologis nō haberi pro peccato, incredulitatē dico, diffidentia, desperationem & concupiscentiā: quæ nisi in morte, a nemine prorsus deponi possunt. Quam quid dico, mirum esse: cū isti theologi non intelligant quid sit incredulitas, ut de alijs taceam.

Secundus locus, in consideratione peccati: de externis transgressionibus.

Externa uicia adpellāt actuales culpas. Quatenus uero peccata cordis sint quoque actuales culpe, ex predictis satis liquet. Sunt enim peccata actualia, simul omnes affectus, cogitationes, consilia, dicta & facta omnia, quatenus legi dei aduersantur. Verum relinquamus theologis suā distinctionē: et nomine actualium delictorū hic solum peccata ea intelligamus, quæ sunt externarū transgressionum maxime etiā iuxta supra positam diuisionē: qua peccatum aliud fecimus internū & aliud externum.

Verum hic rursus admonēdi sumus, in externis transgressionibus esse multiplicem considerationē: quia alia est respectu omissionis externum peris boni. Et hæc rursus duplex est: sunt enim omissiones operū bonorum alia contra mandata primæ tabulæ: & alia contra mandata tabulæ secundæ. Porro, peccato omissionis operum bonorum opponitur uicium: quod peccatum est quidē. Vt cum non satisfit in bono opere mandato Dei: ut cum sit contrarium, quam ille nobis præcepit. Contingit autem dupliciter uicia inesse operibus bonis, ut uidentur. Nam

& renati suo defectu laborant, & impij sua peccata in opere bono habent. Iam de his omnibus membris seorsim loquemur. Igitur peccata omiffiōis operis precepti boni pauci satis aduertunt, quanta sint corā deo: & *peccata omiffiōis operis bonorum.* æque reū constituāt eternæ damnationis hoīem, ut actiōes mortaliū delictorū. E ratio est: quia affirmatiuā legis de opere bono, captus naturalis nō uidet perinde preceptā esse, ut negatiuā operis mali prohibitiā. Sed profecto æque necessaria est iusticia operū bonorū, ut fuga & omiffio malorū. Apud Ezechielem capite xxij. cum dominus de peccatis principum, prophetarum & populi grauiter conquestus esset, tandem per prophetam adiecit: Et quæsiui de eis, qui interponeret sepem, & staret oppositus contra me pro terra, ne dissiparem eam, & non inueni. Et effudi super eos indignationem meam: & in igne iræ meæ consumpsi eos. Viam eorum in capite eorum reddidi: ait Dominus Deus. Requirit igitur a nobis inuocationem deus, & reliqua exercitia fidei, tam in prima q̄ in secunda tabula requisita. Et huc faciunt multa testimonia scripturæ, quibus præcipitur de operibus bonis: nec præcipitur solum uerum etiam pollicitationibus & promissis p̄ij inuitant. Sicut psal. xlix. Inuoca me in die tribulationis: eripiam te, & glorificabis me. Matth. x. Quicumq; potum dederit uni ex minimis istis, calicem aquæ frigidæ, tantum in nomine discipuli: Amē dico uobis, non perditurus est mercedem suam.

Adijciam & illud Hierē. xviij. Si poenitentiam egerit gens illa a malo suo, quod locutus sum aduersus eam: agam & ego poenitentiam, super malo, quod cogitavi ut facerem ei. Et subito loquar de gente & regno, ut ædificem & placem illud. Sic ergo requirit totam poenitentiam: quæ est in omni opere bono, debita & perfectissima obedientia. Itaq; iam dudū liquet, grauiter peccare, qui sunt negligentes operum bonorum: neq; posse apud illos fidē durare. Quia in neglectu & omiffione operis boni, est insignis contemptus Dei. Sed & Christus & Apostoli sæpe præcipiunt de operibus bonis: quæ nisi necessaria essent, & sine graui dānatione omitterent, nūquam profecto præciperentur. Quapropter qui cessant ac frigent studio & diligentia operum bonorum, habent grauissimam culpam: & grauissimæ poenæ sese eos efficiunt. Sed nunc paucis numerabimus præcepta opera bona: ut intelligatur melius, quot & quibus modis peccetur omiffione boni operis. Quod suo tempore copiosius præstabimus in decalogi enarratione.

Est igit̃ neglectus operū bonorum debitorū, seu omiffio in externo dei cultu cessare, q̄ pertinet ad confessionē. Sicut est, nō adesse in publico cōuētu, in cetu et cōgregatione ecclesie, p̄dicationi uerbi dei: nō participare sacramētis. Deinde nō cōfiteri corā aduersarijs ueritatē uerbi dei et glorie Christi deesse. Nō inuocare nomē dñi, quoties opus est, cū illius gratia et auxilio semp̃ indigemus. Nō laudare dñm, neq; gratias agere p̄ oi-



bus beneficijs illis, qbus quod die afficimur. Nō bene mereri oibus officijs de parentibus, magistratibus, & alijs q̄s parentū loco habemus. Et in gñe huius officijs dilectionis nō seruire proximo, qbus in casu necessitatis tibi optares serui. Sed & ingratis, inimicis et male merētibus deesse officijs charitatis. Quam uero periculosum sit, dilectionem proximi nullis misericordiae operibus testari, docet Christus: Matthi xxv. Discedite a me maledicti &c. Et Ioannes, ij. Ioan. iij. Qui enim non diligit fratrem suum quem uidet, deum quem non uidet, quomodo potest diligere? At deum non amare, habet grauissimam poenam. Huc pertinet illud Lucæ xvi. Facite uobis amicos de māmorta iniquitatis, ut cum defeceritis recipiant uos in æterna tabernacula. Predictis oportet & horum omissionē addere: cupiditatibus & delicijs carnis, uelut crapulæ, ebrietati, ueneri, & similibus, non ponere modum, non interire scilicet uicijs carnis, cum Paulus dicat: Qui autem sunt Christi, carnem suam crucifixerunt cum affectibus & concupiscentijs. In his omnibus uicijs est defectio ab opere bono: sed iam etiam de defectu, qui est in opere bono loquemur.

*Piorum opera bona habent suos defectus, immundiciem ex peccatum.*

Ergo de imperfectione & defectu operis boni piorū oportet ita statuere. Nulla bona opera fieri posse, etiam a pijs & qui spiritu sancto gubernantur, quæ uacent prorsus omni culpa & peccato coram deo. Quā diu enim in carne, morti obnoxia, sumus, non possumus ad perfectam illam iusticiam quæ est in lege præcepta peruenire. Condonatur tamen & ignoscitur pijs, si quid minus perfecte præstant, ut cum orantes, non ea fiducia inuocant nomen domini, quæ se inuocandū esse ille iubet, siue cum elemosynam largimur, non ea simplicitate damus qua oportuit. Aut, nec tantū damus, quantum necessitas egeni requirit: & te charitas in illum hortatur ac docet: si tamen habes quod des illi. Siue cum quoduis aliud officium præstas, quo tuam gloriam & utilitatem magis spectas, quam gloriam & uoluntatem dei. Isti, inquam, omnes defectus ignoscuntur pijs, propter fidem, qua in Christum credunt: & quia sunt continui in eo, ut proficiant, & semper aliquid decedat de reliquijs peccati, & opera bona meliore obedientia fiant.

*Peccatum in opere bono impiorum.*

Cæterum opera bona, ut uidentur impiorum, hoc est, non credentium Euangelio, longe aliter habent. Nam & peccata sunt coram deo: & damnatione digna. Quia enim persona nondum est reconciliata deo: nec opera talis personæ possunt deo placere. Nec ignosci illis in iudicio dei potest: sicut ignoscitur immundicijs operum credentiū in Christum. Sed & homines carnales, quia nihil operatur studio glorificandi deum: neque enim possunt hoc uelle, qui sunt cognitionis & fidei in deum inanes. Ideo uarijs alijs affectibus impijs contaminant opera bona. Nam affectu sui commodi, honoris & gloriæ operantur, non respicientes in solam dei uoluntatē, cui ut filij dilecti morem gererent: sed ut infamiam &

*Matth. 6. 23.*

*poen.*

poenas fugiant, maxime æternas, & ut saluationem mereantur: cum grauius non possit peccari, quam hac opinione quicquam operari.

Prædictis omnibus plane intellectis, facile iudicium est de uicijs exter- De peccatō  
operis per se  
mali.  
nis: seu operibus per se malis. Nam plerq̃ illorum talia sunt ut ipsamet ratio illa reprehendat ac damnet. Sicut est externa idolatria, conuiciū quod deo dicitur, periurium, contemptus autoritatis parentum, seditio- nes aduersus magistratus, cædes, parricidiū, adulteriū, stuprum, scorta- tio, immūdia, crapula, ebrietas, fraus & deceptio, furtum, rapina, men- dacium, calumniæ, prodiones, delationes, & quæ sub his omnibus partibus continētur. Hæc apertissimis uerbis in legis litera damnantur: & omnes mortalia & damnabilia delicta esse concedunt.

Hæc igitur hætenus in genere de peccato: cuius duas præcipuas spe- cies feci: internam, in qua est incredulitas & concupiscentia. Et externā: in qua primo animaduertenda est omissio operis boni: deinde uiciū quod heret in opere bono, tam piorum, q̃ impiorū. Et postremum, opera per se mala: quæ crimina & flagitia uocantur. Nam hæc omnia peccata lex dei accusat & damnat, quæ perfectissime nosse oportet. Nam alioqui necq̃ timeri deus satis potest: neque homo ulla uera contritione conteri coram deo. Adhæc, nisi his peccatis plane & perfecte cognitis, non po- test intelligi magnitudo misericordiæ dei, & beneficiorum Iesu Christi: nec fides deniq̃ ullum uerax exercitiū habere. Quanquam autem prū- denter ratio reddi possit, incredulitatem & concupiscentiam re ipsa cohe- rere, neque separari posse in uiciata natura, quam & supra attigi: ego ta- men separare uolui, docendi gratia, necq̃ primus, sed aliorum exemplo. Successit igitur concupiscentia, amissa fide & noticia dei. Nam quia igni- ri sumus dei, cōuertimur ad rerum carnalium amorem & cupiditatem: atq̃ in illis timemus, fidimus, speramus, deo contempto, & spiritualiū rerum amore neglecto. Inde irascitur homo, furit, sæuit, in omnes im- placabiliter, qui cupiditatibus ipsius noxijs quomodocunq̃ resistunt. Nec prorsus sine autoritate scripturæ hæc partitio est: quia ignorantia dei, seu incredulitas, accusatur in prima tabula, & concupiscentia in se- cūda. Et imperiti hac partitione melius doceri possunt. Videre est autē in toto mundo, uelut in magno theatro, quæ sit & quanta uis, imo ty- rannis, peccati.

Iam deniq̃ sub externis transgressionibus uolui omissionem boni o- peris, & defectum ac uiciū illius, complecti & comprehendere. Quæ si quis in alium ordinem uelit redigere, non impedio: modo agnoscat peccatum esse contra legem dei boni operis omissionem: similiter defe- ctum & imperfectionem in opere bono & debita obediētia. Multo ma- gis in opere, quod fit absque fide. Cæterum fons omnium uiciorum est incredulitas & concupiscentia: & uicia quæcunq̃ ex his oriuntur dam-



nant hominem: nisi redeuntem & resipiscen-tem, & in gratiam sese con-  
ijcientem, & agentem poenitentiam, per Christum Iesum.

Postremum de origine & causis peccati, non attinet hoc loco mul-  
tum disputare. Scimus propagatum esse peccatum, ab uno in omnes, hoc  
est, ab Adam in totam posteritatem generis humani: & illo omnes aeter-  
na morte damnari, nisi quos gratia Iesu Christi liberauerit: sicut utrun-  
que docet Paulus ad Roma cap. v. semper etiam uigere in natura et ser-  
asse uiciorum. Quanquam enim a credentibus opera & auxilio spiritus  
sancti expugnetur, ne regnet: in incredulis tamē pleno imperio regnat,  
ut in tentatione nulli graui, aut minimo, uicio & peccato, neque resiste-  
re possint, neque uelint. Sed & si quid boni operis præstare conantur, ni-  
hil quā simulare iusticiam possunt. Hoc totū peccatum, qui non cogno-  
scunt uere, eorum contritiones nihil esse poterunt, quam mēdax & simu-  
lata pietas, hypocrisis, arrogans & superba iusticia: qualis fuit impij &  
ridiculi Pharisei, Lucae xviij. cuius frequenter mentionem feci.

DE PECCATI POENIS,

atque ira Dei.

CAP. III. **S**Olet etiam quæri in disputationibus Theologorum de poenis pec-  
cati & ira dei, quæ sequitur peccatum, & in incredulis & impoeni-  
tentibus adhuc durat. Terret igitur in primis, cor hominis contritum,  
peccati poena: Imo contritionis maxima causa est. Nisi enim terrore &  
periculo mortis obfisteret nobis deus, sic impij & prauī sumus, ut malū  
corruptionis in natura, hoc est, peccatum, contemnere uelle uideremur:  
in eoq; ipso periclitari, perire & damnari: sed deus resistit.

Hic primum reprehendere oportet, eam impiam opinionem, quæ fin-  
git concupiscentiam leuiculum morbum & infirmitatem esse: quæ ali-  
quantulum retardet rectam uoluntatem, non impedit, quominus ho-  
mo perfectam iusticiam, in lege præceptam, suis uiribus præstare uale-  
at. Sed quam uane, impie & stulte hoc dicatur, supra exposui duobus  
locis: altero, de contritione, & altero de peccato. Proinde concupiscen-  
tiæ morbum adpellant fomitem: & peccatum esse negant, sed tantum poe-  
nam peccati originis esse docent.

Contra istum crassum & impium errorem notabis concupiscentiā  
esse tum poenam lapsus, & peccati Adæ: (quia propter inobedientiam  
Adæ, tota posteritas punitur & tradita est sub imperium peccati) tum e-  
tiam peccatum in nascentibus. Hoc est enim peccatum illud, quod in  
se accusat Propheta, & deplorat. psal. l. Ecce in iniquitate genitus  
sum (hoc est, attuli peccatum immundæ concupiscentiæ, qua retrahor  
ab amore dei, &c. in incredulitatē, odium & contemptum dei, mecum in  
mundum: uidelicet in ipsa carnis natiuitate contractum, (& in peccato  
concepit me mater mea. Quare nec meliorem foetum potuit proferre  
& addere

& addere quam abominabilem peccatorem ex peccatoribus.

Quod ergo quidam concupiscentiam interpretantur non esse peccatum, arguunt quanta ignorantia rerum spiritualium teneantur. Desinde quod morbum talem faciunt concupiscentiam, qui industria & uiribus hominum facile uinci queat, produunt quo spiritu agantur, uidelicet pharisaico illo & Diabolico Antichristi, qui Christi gloriam abolere conatur, ut gloria hominum regnet.

Ergo non poena solum, uerumetiam grauissimum peccatum est concupiscentia: cuius tanta tyrannis est, ut nemo illi unquam resistere queat satis, nemo eximere se ex tanto malo, quantumcunque laborer. Quis enim auariciam, & curas huius seculi, cōgenitas nobis, extirpare potest? Quis iram, odium, inuidenciam, æmulationem, ambitionem, & libidinis impetuosæ flammæ, denique his similes affectus prauos, quoties uult, extinguere, tollere, deponere sicut indumentum, & abijcere prorsus potest? Et quoniam hoc efficere & præstare nemo potest: certe eo ipso, peccatum concupiscentiæ grauissima & tristissima poena est. Per hanc enim semper efficimur rei mortis: nisi quatenus credimus in Iesum Christum.

*Concupiscentie uis:*

Suadere igitur potes auaro contemptum auri: sed persuadere nunquam potes. Potes oculis, manibus & pedibus imperare, & simulare iusticiam & pietatem: sed cordi imperare non potes, ut repurgato illo a sordibus uiciorum absolutam iusticiam & pietatem præstes. Et hæc est maxima poena peccati, quod homo semper peccator retinetur: & seruus ac mæcipium peccati, ut peccatum prorsus non possit deponere, nisi in morte: nec illi resistere sine opera & auxilio spiritus sancti.

Hic oportet adijcere, ignorationem & incredulitatem ad consimilem modum esse tum poenam peccati & lapsus Adæ in tota posteritate: tum etiam peccatum, quod ex iam dictis & ex loco de peccato, illustre & cognobile satis est. Est enim in homine naturalis quædam impotentia efficiendi, uerum dei timorem, dilectionem, spem, patientiam, & similibus affectuum piorum cordis, qui in prima tabula requiruntur. Quanta autem in his sit poena, ex eo intelligis, quod qui manet in incredulitate, non potest saluus fieri a morte æterna. Ioannis iij.

Rursus solet peccatum aliquando puniri peccato, non iam originis peccatum dico, sed quod singuli sua quadam improbitate, & nimia malicia, & nimio dei contemptu, committunt. Sed quod nam hoc sit, nostrum non est definire: sed iudicatur a posteriore, in illis esse qui manent in incredulitate & impoenitentia. Sic autem puniri, est tradi in reprobam mentem, exæcari & indurari: cuius poenæ extant exempla: Esaia vi. Mar. iij. Roman. i. & ix. Item. xi. Cæterum hoc peccatum, quod tam graui ira dei punitur, uocatur peccatum in spiritum sanctum: de quo dictum est, parte superiore, capite tertio.

*Peccatum peccato puniri.*



In genere autē de quolibet peccato statuere oportet, quod mereatur gehennam & mortis poenam: quatenus homines non resipiscunt, neque credunt Euangelio & non agunt poenitentiam. Iuxta illud, Roma. ij. His autem qui sunt ex contentione, & qui non acquiescunt ueritati, credunt autem iniquitati, ira & indignatio, tribulatio & angustia, in omnem animam hominis operantis malum.

Sunt etiam corporales calamitates, & ipsa mors corporalis, peccati poena: nisi quatenus Deus, illas quas sancti sustinent, conuertit Christi beneficio, in saluberrimas castigationes, Hebr. xij. siue in maiorem gloriam ipsorum, Matth. v. Rom. v. siue denique in abolitionem peccati & ueteris naturae. i. Cor. xv. Nam & peccata certe solent temporaliter castigari in sanctis: sicut habes in exemplo Dauidis. ij. Reg. xij. Et sicut Paulus inquit: Dum iudicamur a Domino, corripiamur, ut non cum hoc mundo damnemur. i. Cor. xi. Neque tamen omnis afflictio seu calamitas, est propter aliquam culpam: ut habes in exemplo Ioan. vi. de caeco nato. Seruiunt igitur quaedam ad gloriam dei, probationem fidei, & excellentiorem gloriam sanctorum. Quaedam ad deletionem peccati: praesertim mors corporalis. Hunc enim illius fructum habent, qui in Christum Iesum credunt.

Sed nunc de poena aeternae mortis seorsim, quae uidelicet ijs solis irrogatur, qui non resuscitantur, promissione Euangelij per incredulitatem reprobata, de qua est Rom. vi. Stipendium peccati mors. Et i. Cor. xv. *per peccatū mors. Rom. v.* Aculcus mortis peccati, Durat enim mors & ira Dei in incredulis. Alioquin sane de credentibus Euangelio dictum est: dedit eis potestatem filios Dei fieri, his qui credunt in nomine eius. Ac rursus Ioan. iij. Qui credit in filium Dei, habet uitam aeternam: qui incredulus est filio, non uidebit uitam, sed IRA DEI manet super eum. i. Ioan. v. Vitam eternam dedit nobis Deus, &c.

Quoniam autem hunc contemptum dei qui est incredulitatis, arguunt in se esse, qui sine poenitentia & sine operibus bonis uiuunt, oportet idem statuere de talibus quod de incredulis. Nisi ad ultimum terminum uitae suae respiciantur a deo, & ad fidem perueniant. Nolo enim an sams desperationis ulli preberi, sicut nec Christus prebet. Quamquam de his, qui negligentes in opere bono fuerunt, dicat: & ibunt hi in supplicium aeternum. Marth. xxv. Similiter Ioan. v. Procedent, qui bona fecerunt in resurrectione uitae, qui uero mala egerunt in resurrectionem iudicij.

Sed rursus, habemus in genere causam aeternae mortis, quod perfecte iusticiae debitores sumus, quam tamen suis uiribus nemo unquam potest praestare. Et ideo maledicimur & condemnatur lege: Gal. iij. Maledictus omnis, qui non permanet in omnibus, quae scripta sunt in libro legis, ut faciat ea. Quid igitur, desperabimus? minime. Christus enim redemit

redemit nos de maledicto legis, factus pro nobis maledictum: sicut ipse quoque Paulus ad Gal. iij. exponit. Sed non ideo redemit nos ab obedientia operis boni. Hinc ad Roman. viij. in hunc modum scribit: Si secundum carnem uixeritis moriemini. Requirit ergo Deus bona opera, etiamsi legi nihil debeamus, propter Christum. Sumus tamen debitores mortificandæ carnis, Deo in gloriam, propter Christum. Ac placent Deo opera nostra, quatenus in fide nominis Christi illa præstamus: & propter eundem ignoscit nobis, etiamsi imperfectam iusticiam & obedientiam præstemus.

Reliqua est una peccati poena, de qua in literis apostolorum docemur, & ea lōge tristissima: uidelicet, qua humanum genus traditum est sub potestatem & imperiū Diaboli. Hinc enim Paulus ad Ephes. ij. dicit efficacem esse Diabolum in incredulis. Et ij. Timoth. ij. Eos qui Euāgelio aduersantur, dicit esse in laqueis Diaboli, & captiuos teneri ad ipsius uoluntatem. Proinde plenum imperium in incredulos exercet: illos enim retinet in impijs opinionibus de Deo, & erroribus doctrinæ fallit, ut fidem labefactet ac penitus evertat. Deinde etiam impellit tales in omnis generis flagitia & peccata: in blasphemiam, hypocrisim, auariciam, cædes, adulteria, rapinam & his similia. Denique omnium maxime insidiatur his qui Deum ueraciter colunt: sicut manifestum est in exemplo Christi, & in eo quod Petrus scribit .i. Petri v. Sobrii estote & uigilate &c. Quanquam in illos nihil iuris habet: neque potest contra eos præualere.

Quos ergo hæc mala non uehementer terrent, eos certum est uerendum esse contritos: & quicquid contritionis, seu bonorum operum nomine simulant, esse meras hypocrises & impietates. Sed cognita magnitudine iræ Dei, & calamitatum seu poenarum, quæ peccatis debentur, intelligimus cum mortis alumnos nos esse, tum mancipia Diaboli: & de iusticijs carnis desperandum nobis esse, & ad Christi gratiam confugiendum. Nemo enim ex his tantis malis peccati & iræ Dei potest liberari, nisi per Iesum Christum. Roman. v.

## DE DIVINIS

legibus

**S**Vpra exposui, cur ad contritionis doctrinam pertineat diuinarum legum tractatio. Illa igitur planius ac certius nobis explicabit, quæ etiam sit illa corruptio in natura, & quod tam graue peccatum, quo efficiamur filij iræ, & eterne mortis coram Deo. Nam cū in literis sacris bifariam agatur de nostro peccato, uno modo per comparationem ad legem: & altero, per comparisonem ad Euangelium & gratiam: nos se oportet peccatum per legem aliter non tractari, nisi dedarando illud & accusando atque damando. Sicut Paulus docet Rom. iij. & viij.

CAP. V.

H iij



Gala. iij. Expostulat enim cum homine de debito perfectæ iusticiæ lex & eo ipso accusat eum defectus seu carentiæ iusticiæ originis, & multorum corruptissimorum habituum in natura. Et quia talem reperit, qui perfectam obedientiam, seu debitum perfectæ iusticiæ, non potest præstare, ideo damnat illum. Sic enim ait lex: Maledictus omnis: qui non permanserit in omnibus his, quæ scripta sunt in libro legis, faciens ea.

Lex igitur est formula quædam doctrinæ, quæ facit ad ostensionem perfectam nostri peccati: & iræ Dei contra peccatores. Proinde ualde ac nimis errant, qui iusticiam & reconciliationem per legem querunt. Est enim impossibilis nobis lata, ut peccatum perfecte retegat, accuset, & peccatores de iusticijs carnis desperare faciat. Non ergo iustificationis doctrina lex est: sed cognita perfecte, grauissimum & molestissimum onus in conscientia. Accusat enim peccatum: & peccati poenas irrogat: iram Dei & æternam mortem. Ideo facit, ut iudicia Dei formidemus & fugiamus: atque adeo, ut odiamus illa, ac detestemur, tanquam iniqua. Hoc est enim, quod Paulus dicit: lex iram operatur. Facit enim, ut Deo & iudicijs illius irascamur: & sic contrario effectum non iustificat peccatores, sed magis efficit tales, hoc est peccatores, & magis reos iudiciorum inuitabilium & æternæ mortis. Vnde de hoc legis effectum, in loco de contritione dixi: testimonio allato ex Paulo. Locus est ad Romanos vij. de legis effectum & usu.

Hic ergo cum Sophistarum opinionibus conflictari oportet: qui finxerunt primum, lege Dei non damnari naturalem immundiciam, hoc est, concupiscentiam: & imbecillitatem efficiendi perfectam iusticiam timoris, fidei, & spei in Deum. Nam legi Dei satisfieri prædicant, per opera nostra exteriora: neque opus esse homini spiritu sancto, nisi ad initium actus meritorij. Sic enim beneficium redemptionis Christi perpetuo excludunt. Tribuunt sibi perfectam & integram sanitatem, qua legi Dei possint per omnia satisfacere: nisi quod motum charitatis requirunt, quo uitam æternam per opera sua, uel de condigno, sibi mereantur. Sed in hunc modum, fidei, hoc est, fiduciæ in gratuitam misericordiam Dei, qua nobis contingit remissio peccati, iusticia adoptio, & æterna salus, propter Christum, sine lege, sine iusticijs & operibus nostris, nullum penitus locum relinquunt. Nec possunt illi relinquere locum, stantibus impijs opinionibus eorum: imo dedita opera locum & admissionem illi præcludunt, & requirunt tamen ut pro Christianis doctoribus habeantur, fidei corruptores & euersores.

Teneamus igitur contra istorum impias & blasphemias opiniones, quod supra docui in loco de peccato, peccatum esse, cum exteriora facta praua, tum immundiciam naturalem, hoc est, concupiscentiam, neque posse hominem ueram iusticiam efficere: concupiscentiam comprimere, & sum-

& summa illa uicia, quæ pugnant cum fide in Deum, uidelicet, dubitationem, desperationem & diffidentiam de uoluntate Dei, & huiusmodi morus. Habere etiam magnam imperfectionem in opere bono: quinetiam nimium frigere & nimium cessare in operando bonum. Non malicia solum, quasi expeditior esse posset: sed hæc omnia naturali impotentia & debilitate. Atque adeo seruitute: retrahente ipsum concupiscentia, & quæ in illa regnat, amore sui, & Diabolo. Porro hæc omnia uicia, defectus, inclinationes & peccata, accusari per legem: & propterea damnari hominem, atque reum conuinci æternæ mortis. Omnino enim debitor est perfectæ iusticiæ & puritatis: summæ innocentiae & pietatis: ut in qua sit animus per omnia consentiens legi Dei: liber a concupiscentia carnali: plenus timore, fide, spe, dilectione, patientia in omnibus calamitatibus & morte. Idem erga proximum plenus dilectione, sinceritate, candore, integritate: mansuetus, benignus, misericors, clemens, castus, patiens iniuriarum: qui non minus bene mereri possit ac uelit de inimicis & ingratissimis, atque amicis, & qui uidetur magni meriti in nos, & digni officijs nostris esse, uerum etiam indigni. Nā hanc perfectionem docet lex: ut *Leuit. xix.* Sancti estote: quia ego sanctus sum, dñs deus uester.

Propterea ergo earum omnium rerum, de quibus nobis præcipitur a Deo habere debuimus sinceram dilectionem: si perfectæ iusticiæ, cuius debitores sumus, satisfacere potuissemus. Qui igitur confidunt, tam superbi coram Deo & arrogantes, quod per uires suas possint, Deo & legi satisfacere, illi debent adferre cor & affectus operibus præceptis respondentes: uerum Dei timorem & fidem, dilectionem proximi perfectam, qua nulli officium debitum neget: & tua prorsus non queras, nisi prius legi per omnia satisfeceris. Sed unde hæc mundicia, puritas & perfectio iusticiæ haberi potest: certe in carnali natura nulla est. Cur igitur tam arroganter de iusticiâ & meritis operum nostrorum gloriamur? Nisi quia hoc fit, irato Deo, in poenam & ultionem peccati. Cur non potius de iusticijs nostris desperamus, & confitemur nostrum peccatum: sicut *Ioannes* docet *i. Ioan. i.* Deo in gloriam: precantes, ut nos iustificet & saluos faciat per Christum.

Paulus uocat legem spiritualem doctrinam: eo quod affectuum puritatem requirit, & cor perfecte obediens Deo, consentiens spirituali & sanctæ doctrinæ. Nec aliud uult illud Christi, ubi de misericordiæ operibus cōcionatur, (quæ quibuslibet debemus, bonis, malis: dignis, indignis: gratis, ingratissimis: amicis, inimicis: exemplo Dei patris, hoc est, sicut a patre Deo, sine personæ respectu nobis redduntur, non considerata malicia, indignitate, ingrati tudine & impietate, qua semper Deo aduersatur: neque enim alia est sincera dilectio.) sic inquit: Estote ergo uos perfecti, sicut & pater uester coelestis perfectus est. Et huc per



tinet illud Ioannis iij. Spiritus est Deus: & eos qui adorant eum, in spiritu & ueritate oportet adorare.

Ac uero quam sint omnia immunda & imperfecta in nobis, quid attinet pluribus dicere, quam antea exposui? Nemo enim prorsus est, qui possit dicere: mundum est cor meum, purus sum a peccato. Quis igitur exactionibus legis satisfacere possit? Multo minus per opera sua potest se quisquā preparare favori diuino, mereri gratiam, remissionē peccati, iusticiam, aut uitam æternam. Homo enim, nondum reconciliatus deo, per gratuitam gratiam, propter Christum, iacet cum uniuersis iusticijs et meritis suis ligatus ad æternas maledictiones legis. At reconciliatus heres est iusticiæ æternæ salutis, sine omnibus operibus suis, propter solū Christum, quatenus in illum credit. Nec opus habet mereri per opera saluationem. Iam enim iustus est, remissione peccati, & filius dei & hæres æternæ uitæ. Sed opus habet, ut in omni uita glorificet deum pro gratia: neque diffidat, quin omnium laborum suorum habeat repositum præmium & mercedem apud deum.

Sed addamus hic sententias aliquot scripturæ, quæ testantur in carnali natura nihil boni esse. Rom. iij. Non est intelligens, nō est requirēs deum. Omnes deflexerunt, simul inutiles facti sunt: non est faciens bonū, non est usq; ad unū. Item capite viij. Caro quæ carnis sunt affectat. Et ad Gala. iij. Caro concupiscit aduersus spiritum. i. Cor. ij. Animalis homo non percipit ea quæ sunt spiritus dei. Stulticia enim est illi, & non potest intelligere. Et profecto nullis uerbis dici uel explicari potest, quanta sint & quam graua mala, quæ his scripturæ sententijs, in natura obnoxia peccato, & serua Diaboli, reprehenduntur & damnantur.

Hanc suā impietatem nosse debent, testimonio legis & scripturarū, quod a peccato & morte saluos fieri oportet. Nosse autē, ut ad ueram humiliationem sui coram deo perducantur, & humiliati gratiā querant. Arcent enim se a gratia, & indignos faciunt remissione peccati, iusticia & æterna salute, qui per iusticias legis saluari querunt. Sicut Paulus docet, Roma. ix. Israel sectando legem iusticiæ, in legem iusticiæ non peruenit. Quare? Quia non ex fide, (uidelicet, sectabantur iusticiam & saluationem) sed quasi ex operibus (hoc est, merito operum suorum, dignitate personali & priuata). Impegerunt enim in lapidem offensionis: sicut scriptum est. Ecce ponam in Sion lapidem offensionis & petram scandali: & omnis qui credit in eum non confundetur. Item capite x. Ignorantes enim iusticiam dei, (hoc est, donum gratiæ iustificationis, imputationem iusticiæ, & remissionem illam peccati, quæ cōtingit per Christum.) & suam quærentes statuere, (sicut qui meritis operum suorum confidunt, & illa superbe factant coram deo.) iusticiæ dei non sunt subiecti. (non habentes pacem sortis sanctorum; nec societatem cum

cum patre & filio eius Iesu Christo. ) Finis enim legis Christus, ad iusticiam omni credenti. Quare prorsus nulli remittit peccata Deus, nec reputat iustum, nisi qui in corde uero contrito & humiliato, per fidem in Iesum Christum, gratiam & salutem quaerit.

Porro extremae dementiae est, pro peccato habere, caedes, adulteria, stupra, rapinas, latrocinia, & his similia, quae in secunda tabula prohibentur: & uicia cordis, quae in utraque tabula damnantur, non habere & nolle agnoscere pro peccato. Sicut est idolatria cordis, non uere timere Deum, non amare in omnibus operibus eius & super omnia: non perinde facere paupertatem, ignominiam, crucem, ut opes, gloriam & uitam, si quando rebus aduersis te exerceat Deus, pro sui nominis gloria. Non sperare auxilium a Deo in calamitatibus, afflictionibus, cruce & morte: quin etiam fremere contra Deum, ei que irasci cum affligimur. Esse avarum, ambitiosum, inuidum, & supra modum cupidum rerum lege diuina prohibitarum. Habere fiduciam rerum presentium: gloriari in opibus, potentia, honore, carnali sapientia, iusticia. Non diligere proximum uere: sua potius in omnibus quaerere contra illius dilectionem. Retinere & fouere odia, similitates, animum iracundum, dolosum, fraudulentum, libidinosum, tumidum, inflatum, superbum & arrogantem, usque ad Dei & proximi contemptum. Sed nonne hoc monstri instar est haec uicia non cernere, & securo animo continere, & cum pharisaeo exultare & gloriari ac dicere: Deus gratias ago tibi, quia non sum sicut caeteri homines: cum pauucas modo externas habeas iusticias legis: uix uir ciuilliter bonus. Pudeat ergo Theologos rationis, qui non uident haec uicia quae dixi, in carnali natura pleno imperio regnare. Nam per huius ignorantiam fit, quod hominem iustum pronunciari fingunt per externa opera legis.

Vt sint ergo grauissima peccata, parricidium, adulterium & uiolatio alieni thori, stuprum, fornicatio, commestrationes, ebrietates, furari, rapere, falsum testimonium loqui, mentiri in proximum, & calumnijs illum insectari: sicut sunt reuera maxima peccata. Non ideo tamen iustus es coram Deo, cum haec uicia uitaueris: quae uitare & fugere quidem omnibus modis debes. Quia adhuc habes cor immundum, impie cupidum: ut etiam si corpore absis ab istis peccatis, tamen animo & corde totus immersus es in illa. Aut affirma, te mundum corde esse, & purum a peccato: ut egregium pharisaeum agas, longe excellens eum, de quo agitur Lucae decimo octauo. Nil hic dico de uicij ignorantie Dei: sed solius concupiscentiae. Ac scire oportet, ab utrisque proprie oriri damnationem, quae super uniuersum genus hominum uenit. Igitur bonae mentis est, Sophistarum errores cauere & fugere: timorem Dei discere, & quaerere libera-



tionem a peccato per Christum: non per debiles & imperfectas iusticias rationis: ne dicam immundas, & grauissimum peccatum habentes.

Quare non est satis, in legis doctrina spectare solum ad operum externorum iusticias. Primum, quia sic nihil differet a qualibet hominum doctrina de moribus: sed lex spiritalis & sanctissima doctrina, longe sublimiora habet, quam hæc externa morum præcepta tantum. Requirit enim dilectionem Dei summam, & concupiscentiam damnat. Deinde quia Deus lumine legis uoluit nos docere, quam grauius uicia hæreant & peccata, in carnali natura: & quod penitus non potest curari, nisi gratuita remissione peccati & spiritu sancto, quæ contingunt quidem per Christum, his qui credunt. Concluit enim scriptura (lex) omnia sub peccato: ut promissio ex fide Iesu Christi daretur credentibus. Gal. tertio.

Quinetiam per legis doctrinam non modo non melius habere possumus, uerum etiam peius, per eius perfectam cognitionem relictæ scilicet nobis, sine gratiæ luce: sicut copiose docui in capite, de contritione. Quare non solum doctrina est, qua nobis peccata nostra monstrantur: uerum etiam augetur. i. Cor. xv. Aculeus mortis peccatum est: uirtus uero peccati lex. Quæ qui non intelligunt, nec lege unquam bene uti possunt: sed pharisaice solummodo abuti. Neque uident quid sit, quod Paulus dicit: Roman. iij. Ex operibus legis non iustificatur unusquisque caro coram illo. Per legem enim cognitio peccati. Gal. ij. Scientes, quod non iustificatur homo ex operibus legis: sed per fidem Iesu Christi. &c. Itæ: non abijcio gratiam Dei: si enim per legem iusticia, ergo gratis Christus mortuus est. Nam ut eluderent has scripturæ sententias, id quod Paulus dicit de omnibus operibus legis, id corruptissime interpretati sunt Sophistæ de legis minutissima parte: uidelicet, de cerimonijs, circuncisione & similibus. Neque uidere potuerunt, quod eo pacto gratiam Christi penitus proscriberent, biberent, negarent atque prophanarent: concessa hominum gloriacione contra Deum & Christum.

Proinde, ut finiam tandem hunc de lege diuina locum, lex accusat & damnat prorsus omnes homines. Quis est enim, qui iactare possit, & uere dicere, quod perfectam iusticiam præstare queat, qualis est in prioris tabula Decalogi præcepta? Deinde, quis est qui careat concupiscentia: imo qui non supra quam dici accedi possit, concupiscat contra Dei legem? Quare in iusticia illa spiritus a Deo præcepta, ultra modum deficiamus. Quinetiam, quis est qui nullius externæ præuaricationis sibi conscius sit: & si conscius est, cuius merito audeat sperare gratiam? Neque enim operibus nostris satisfacit pro peccato: quia etiam prius, quam peccamus externa transgressionem, debitores sumus perfectæ iusticiæ. Denique non ignoramus legis sententiam: Maledictus qui non permanferit in omnibus quæ scripta sunt in libro legis. Ergo piorum, in illo certami-

ne con

ne conscientiae, per comparationem peccati ad legem, hæc uox est: Ne intres Domine in iudicium cum seruo tuo: quia non iustificabitur in conspectu tuo omnis uiuens. Simul recipientes se per fidem ad gratiam Iesu Christi: cuius sanguine emundantur ab omni peccato. Sed hæc hæc nus de ostensione peccati nostri per legem: cuius penitus sunt ignari qui per opera legis querunt apud Deum iustificari.

## DE PARTIBVS DIVINARVM LEGVM:

*cum breui expositione Decalogi.*

CAP. VI

**N**on habemus in præsentia opus, illa multiplici partitione diuinarum legum: qua diuiditur in caerimonias, moralia præcepta, et leges iudiciales. Nos enim in poenitentiae doctrina, de solis decalogi mandatis, quæ uocant moralia præcepta, agimus. Nec pertinet ad Christianos obseruatio caerimoniarum & iudicialium legum: quæ sunt traditæ a Mose: sed Decalogi mandata, in doctrina apostolica & Christiana retinentur. Et constat illorum obseruationem ad iusticiam spiritus pertinere, & necessariam esse: etiam si remissionem peccati, iusticiam & æternam uitam per alium & gratis accipiamus: nempe propter Christum, si in illum credimus.

Quoniam igitur pertinet ad iusticiam spiritus Decalogi obseruatio, ideo a fide iustificatis omitti neque debet neque potest. Imo hi nullum exercitium fidei haberent, nisi ad obedientiam præceptorum Decalogi sese prepararet & accommodarent. Hinc etiam Christus ait: Si uis ad uitam ingredi, serua mandata. Nec potest eludi hoc testimonium, quin per ipsum agnoscamus debitam & necessariam obedientiam eius operum bonorum. Sicut enim flagitiosi nullam habent partem in regno Dei: ita nec ociosi isti & negligentes operum bonorum, Matth. xxv. nempe, quibus data est occasio bene operandi, ac potuerunt, quod debuerunt, præstare, sed contempserunt.

Retinetur ergo Decalogus in Christiana doctrina, quia traditus est non solum, ut iustificandis seruiat ad ostensionem sui peccati: uerum etiam iustificatis ad fidei exercitationem, & uberiorem confirmationem. Cuius sunt duæ partes: ita ut Decalogi præcepta Moses accepit, traditurus populo, duabus tabulis distincta. Prior pars continet præcepta illa, quibus homo per cordis & operum iusticiam proprie agit cum Deo. Altera, habet præcepta de dilectione & operibus erga proximum, & concupiscentiam dānat.

Sunt igitur prioris partis, tria prima decalogi præcepta. Quorum primum quidem præcipit de uera noticia & cognitione Dei, hoc est, de perfecto timore, perfecta & uera dilectione, fide, spe, patientia in operibus Dei, & omnino plena obedientia erga Deum. Quanta uera sit ignorantia in nobis Dei, & rerum spiritualium: imo, quale ac quantum odium aduersus Deum & legem, denique quanta imbecillitas & imperfectio commemoratarum uirtutum, ex his omnibus quæ hæcenus in



hac de contritione parte dixi satis: abunde liquet. Porro, secundum præceptum primæ tabulæ, prohibet non solum apertas blasphemias, & quemlibet alium abusum & prophanationem nominis dei, uerum etiam requirit spirituales cultum, ut nomen domini quacumq; necessitate, sine dubitatione & sine diffidentia, inuocemus. Opus enim quodcumq; non sit ex fide, peccatum est. Inuocatio maxime, ut quæcum deo miscemus sermonem, & quæ tot præclaras promissiones habet. Requirit item gloriæ dei confessionem, prædicationem, laudem: & pro omnibus beneficijs dei gratiarum actionem, tam corporalibus, quam spiritualibus & æternis donis.

Denique tertium prioris tabulæ oportebit accommodare ad reuerentiam ceremoniarum, quæ sunt institutæ, ut ministerium uerbi dei in ecclesia conseruetur. Non hic loquor de Mosaicis ceremonijs: sed de illis quas ecclesia recepit & adprobauit: quales per se non sunt impie: sed utiles ad institutionem ac doctrinam. Vt est diei dominicæ observatio: quæ recepta est & retinetur, ut homines melius doceri de Euangelio, fide in Christum, deq; tota religione, poenitentia & operibus bonis, possint. Nam de uerbi dei prædicatione & doctrina constat Christianis religio se præceptum esse. Vt Matt. xxviii. Docete omnes gentes: & Mar. xvi. Prædicate Euangelium omni creaturæ. Item Lucæ xxiii. Oportebat Christum pati, & resurgere a mortuis tertia die, & prædicari in nomine eius remissionem peccatorum & poenitentiam in omnes gentes. Ergo requiritur hoc quoq; a nobis ut uerbum ipsum a docentibus discamus: quod certis temporibus fieri in ecclesia necesse est. Et delectus ille totus est in ecclesiæ potestate. Quod uero de reuerentia & necessitate uerbi dixi: idem statuo de administratione & usu sacramentorum in ecclesia.

Secunda pars Decalogi, fere politicas leges habet: quæ faciunt ad societatem ciuilem. Non tamen sine iusticia cordis de illis præcipit. Pertinet enim ad hanc partem, quod est Leuit. xix. Diliges proximum tuum, sicut te ipsum. Sicut etiam ex doctrina Christi & apostolorum liquidissime patet. Matth. v. vij. xxij, Lu. x. Et ad Roma. xiiij. Gal. v. Non ergo per externa opera, ne huic quidem parti præceptorum satisfieri potest: sed præstari debet, cum summa cordis puritate.

Igitur huius ordinis primum præceptum, requirit a nobis honorem, qui est reuerentia cordis, qua timemus & magnificamus auctoritatem patrum, magistratuū, & omnium eorum qui sunt in sublimitate et superioritate: cuius effectus siue fructus est externa obediētia, et in factis gratitudo.

Secundum, non occides: contra uindictam priuatam positum est. Et damnat non solum uim iniustam: ut in externis factis est homicidium. Verum etiam cupiditatem uindictæ, iram, odium, inuidentiam, & prauos alios cognatos motus. Sic enim & Christus hanc legem exponit:

Matt.

Matth. v. Deinde in parte affirmatiua operis boni, requirit clementiam, mansuetudinem, pacem, misericordiam, patientiam & ignoscendi facilitatem, quæ officia quidem præstemus erga omnes, tum amicos, tum etiam inimicos.

Tertium, Non moechaberis, pro ornando & defendendo coniugio positum est, & castitate. Damnat igitur adulteria, stupra, & quamuis corporalem fornicationem, atque adeo oculum intemperantiæ & animum libidinosum, qui scilicet incenditur ad intuitum mulieris, & affectu concubitus repletur. Vt est Matth. v. Omnis qui uiderit mulierem ad concupiscendum eam, iam moechatus est eam in corde suo. Ergo in parte affirmatiua maxime prædicat & commendat nuptias illis, qui donum continentiae non habent. Vt est Matth. xix. Non omnes capiunt uerbum istud: (scilicet expedire homini, non nubere: siue, non ducere uxorem.) sed quibus datum est. Item .i. Cor. vii. melius est nubere quàm uri. Requirit etiam pudorem, in omnibus dictis & factis: Item temperantiam in cibo & potu.

Quartum, non furtum facies, proprietatem rerum adprobat, & damnat furta, rapinas, & quemuis dolum ac fraudem, quo fratrem frater in negotio fallit, & suis facultatibus spoliatur. Damnat etiam cupiditatem rei alienæ, & mentem auaram. Et in affirmatione requirit, ut benefici & liberales simus: donantes pauperibus & egenis, quod māducunt & quo operiātur. Alijs autē, qui opus habent, mutuū dantes: sine expectatione parisi aut amplioris beneficij. Multominus, cum exactione usuræ, contra dilectionem,

Quintum, non loqueris contra proximum tuum falsum testimonium: æquitatem iudiciorum forensium adprobat, ac munit ut diuinam ordinationem in terris. Quare etiam ciuiles magistratus adprobat, per quos defendimur contra quamuis uim iniustam: ne ledamur uel in corpore, coniuge, liberis, facultatibus, & fama. Damnat autem falsum testimonium, quod coram iudicibus dicitur, sed & constantiam & ueritatem a nobis requirit, in omnibus dictis & factis honestis.

Duo ultima mandata, ad accusandam concupiscentiā, uitium quod intime in natura heret, & omnē iustitiam nostram polluit, ac scædat, posita sunt. Ideo & haberi debent pro quadam ueluti exegesi diuinorum præceptorum. Sunt enim uice coronidis adiecta: ut sciamus requiri a nobis lege diuina non exteriora opera solum, uerum etiam naturalem immundiciem reprehendi, accusari & damnari. Dixi autem supra non pauca de impietate concupiscentiæ: & quomodo nos impediatur ne quicquam præcepti operis recte præstare ualeamus. Verum hic adijciendum est, id non solum damnabilem concupiscentiam esse, affectare opes, honores, uoluptates, & qualescunq; delicias carnis, de quibus



ratio doceri potest: sed etiam sapientiam & iusticiam carnis, si illis contempto deo confidas, quod ratio prorsus non capit.

Et hæc in Decalogum hæctenus. Nam eius copiosior enarrationem scribemus propicio Christo Iesu, in libro de fructibus iustificationum, quem antea polliciti sumus. Nunc autem de ipsa iustificatione & fide dicemus: quam fecimus in doctrina de poenitentia altera partem.

TERTIA PARS, IN QVA DE IUSTIFICATIONE: altera poenitentiae pars.

PRAEFATIO IN TERTIAM

partem, quæ est de iustificatione.

**I**ustificatione Deus contritos sanat ac saluat. Quare necessario coniungi eius prædicatio debet cum contritionis doctrina, & ex Euangelio quidem accipi, quemadmodum contritionis doctrina ex lege. Quanquam autem contritio reipsa non possit abesse a iustificatione, neque enim iustificantur nisi contriti: tamen docendi gratia utile est, de singulis harum partium seorsim dici. Ac fieri potest, ut ad contritionem ueniat, qui tamen iustificationis gratia priuetur: sed quibus hoc accidit, illi coguntur desperare. Valde igitur cauendum est omnibus Christianis doctoribus, ne sola legis prædicatione utantur: uidelicet, qua conscientiae opprimuntur solum, & ad desperationem adiguntur. Ut igitur nulli iustificentur non contriti, tamen iusti & beati coram deo sumus longe alia re, quam contritione, sine ullis operibus legis. Id primum ex eo liquet, quia contriti fugimus & odimus iudicia dei. Deinde, quia Euangelium, ut dixi, non lex, est iustificationis doctrina: quia his qui in Christum Iesum credunt, adfertur remissio peccati, pax cordis, & æterna salus. Ut hos intelligas iustos esse & beatos, per remissionis peccati fidem: (hæc enim requirit a nobis Euangelij promissio.) qui sunt alioqui grauissimis uicijs & peccatis obnoxij. Sicut Paulus docet Roman. iij. testimonio adducto ex Psal. xxxi. Beati quorum remissæ sunt iniquitates: & quorum tecta sunt peccata. Beatus uir, cui non imputauit Dominus peccatum.

Quid sola fide  
de esse iustū.

Cum ergo dicimur, fide iusti esse coram deo, eaque sola: prudenter intelligenda est sermonis figura. Significatur enim, quod iusti simus non proprijs qualitatibus, seu habitibus nostrarū uirtutum: sed gratuita misericordia & acceptione. Item alterius iusticia ac meritis: nempe, per misericordiam dei, qua ille ignoscit peccatis nostris, & nos filiorum loco habet, propter iustificatorem Christum: si tamen in eum credimus. Hunc enim dedit precium & satisfactionem pro peccatis nostris: & ideo requirit, ut oblatam promissione remissionis peccati gratiam & saluationem, illius nomine, per fidem recipiamus. Ioannis primo: Dedit eis potestatem filios dei fieri, his qui credunt in nomen eius. Deinde,  
non ex

non existimandum est, quod hæc locutio obedientiam nostram excludat: illa enim renatos adoptione gratiæ sequi debet. Sed significat gratiam esse gratiam & donum remissionis peccati: negat opera nostra partialē causam iustificationis esse, hoc est, negat esse meritoria remissionis peccati: & tribuit illius beneficiū soli misericordie dei, et seruatori Christo.

Dixi autem alijs locis abunde satis, cur in poenitentiae doctrina, necessario requiratur & fidei prædicatio. Postquam igitur cū locum, qui est de contritione, qua potui diligentia absolui: re ipsa admoneor, ut de inceptis de iustificationis seu fidei doctrina, loquar. Ea parte doctrinae Christianae, qua explicandum erit, quod non per iusticias legis, seu operum nostrorum meritis, sed per gratuitam remissionem peccati, quæ donatur nobis Iesu Christi nomine, iustificemur: & a morte & legis maledictionibus liberemur: Quam consolationem doctrinae Euangelij, tam non omittendam, sed omnium exactissima diligentia & cura pertractandam, scholastici Theologi proflus neglexerunt & tacuerunt: neque hoc solū, uerum etiam abominandis & prodigiosis de iusticia operum doctrinis oppresserunt. Quibus debemus, quod fides Christiana a plerisque, hoc tempore, non habetur nisi pot ociosa rerum a Christo gestarum nouicia: cū sit res uiuacissima, sanctissima & efficacissima, nempe, uirtus in nobis dei, qua ille uincit per nos & in nobis quoslibet peccati terrores in conscientia, & æternæ mortis, adeoque ipsam mortem. Debemus etiam ipsi de autoribus hanc summam blasphemiam, qua homines meritis suarum iusticiarum arrogant debitum remissionis peccati & æternæ uitæ: excluso & abnegato Christo, & fiducia posita in harena operum nostrorum, quæ tam sunt immunda, polluta, imperfecta, mortua, & plane nullius precij coram Deo.

Fides

Sed relictis in presentia istorum tam uanis, quam impijs doctrinis, quæ propria sunt instituti nostri pertractemus. Ut igitur uerax contritio nulla est, nisi quam deus per ostensionem & accusationem nostri peccati in nobis operatur, lege sua & spiritu sancto nobis loquens. Ita pro iusticia haberi nunquam debet professio uitæ, quæ est fidei gratiæ remissionis peccati ignara. Loquor de iusticia saluante nos coram deo, & liberante ab æterna morte: quæ nulla ullis contingit, nisi per fidem, propter Christum. Non enim sumus iusti, aut beati coram deo, ullis operum nostrorum meritis, sed per remissionis peccati fidem: quæ per Euangelium de Christo, & spiritum sanctum in nobis excitatur: ut quando hæc consolatio, quam habet Euangelium, nempe, promissio reconciliationis & remissionis peccati, cordibus nostris offertur, commendatur, inscribitur. Quæ fides certe impijs istis, qui actionibus mortalium delictorum, sine poenitentia, indulgent, non contingit.

Quoniam uero in hac iustificationis & fidei doctrina, cuius me oportet



tebit maxime certas & firmas probationes adferre, excutiendum denuo erit, quod prius non paucis praestitum est, uidelicet quam sit impossibile, nos peccatores per legem coram deo iustificari: & rursus, uetram iustitiam illam qua saluamur, non esse quam fidem in Christum: Pauli sententiam in hac rerum maximarum expositione, uice status mihi proponam, celeberrimam illam, qua foelicissimo compendio in epistola ad Roman. capite viij. utrumque agit: tum, qd impossibile sit ullum hominem per legem iustificari: tum etiam, qd per redemptorem Christum iustificemur, his quidem uerbis. Quod impossibile erat legi: eo quod infirmabatur per carnem: Deus filium suum mittens, in similitudine carnis peccati. Et de peccato dānauit peccatū in carne: ut iustificatio legis impleteret in nobis, qui non secundum carnē ambulamus, sed secundū spūm.

Sic breuiter Paulus, eo quem dixi loco, res maximas, de peccato, lege, gratia, iustificatione & fide complexus est. In eadem autem epistola rationes eorum omnium copiosas tradit. Proinde illum Pauli ordinē sequentes, ea capita doctrinae explicabimus in initio, quibus uel inuitis omnibus portis inferorum manifestum fiat, plura a nobis lege exigī, quā uiribus nostris praestare ualeamus. Deinde, maximam utilitatem esse, quam ex doctrina legis capimus, cognoscere plane ac certo nostrū peccatum: & maledictiones legis, quae nobis propter peccatum debentur. Postea addenda erit explicatio illius alterius doctrinae, qua uidelicet, per Euangelium, Iesu Christi nomine, annunciat & offertur nobis gratuita remissio nostri peccati & redemptio ab aeterna morte. Nemo enim potuit nobis placare deum praeterquam Christus filius dei, qui etiam sanguine suo lauit nos a peccatis, & a morte liberauit. Quam gloriam gratiae huius ipsi per fidem nostram acceptam ferre debemus: cum ea sola conditione in filios dei recipiamur. Ioannis primo. Proinde illorum collatione discernimus, quantas hypocrites, qualibus ineptis & imposturis, tradant, qui nos iustitiae rationis coram deo saluari contendunt.

## ELENCHVS CAPITVM TERTIAE

*partis libri primi de poenitentia.*

De consolatione, quae sit per Euangelium: seu de iustificatione. Cap. I.

Quod impossibile sit hominem, coram Deo, per legem, seu meritis operum suorum iustificari. Cap. II.

De scripturae testimonijs, quibus docetur, quod impossibile sit homini, meritis operum suorum iustificari: Item de causis traditae a Deo impossibilis legis. Cap. III.

Quod legis exactioni debuimus, expendisse pro nobis Christum. Hic agitur de promissionibus & Euangelio. Cap. IIII.

Expositio loci Paulini: Quod impossibile erat legi, eo quod infirmabatur per carnem: Deus filium suum misit. &c. Cap. V.

De iusti-

De iusticia Christiana: & quorsum referendum sit, quum dicitur,  
quod sola fide iustificemur. Cap. VI.

Quomodo legem impleuerit pro nobis seruator noster  
Christus. Cap. VII.

A iustificatis fieri seu impleri legē: uirtute spūs sancti. Cap. VIII.

Credentes, & qui spiritu uiuunt, sunt iusti: non tamen absq; imper-  
fectione & defectu operis boni, seu debitae iusticiae. Cap. IX. & ultimū.

DE CONSOLATIONE, QVAE FIT PER EVAN-

gelium: seu de iustificatione.

**Q**uemadmodum cum explicarem locum de contritione, primo o-  
mniū, quam plenius dicerem de formāda illa per legem, paucis  
exposui: quid sit contritio, quis eam operetur, & quid efficiat in nobis:  
idem cenſeo & hac in parte doctrinae, quae erit de iustificatione, mihi fa-  
ciendum esse, & praestandum ut mox ab huius loci initio paucis expo-  
nam: Quid sit iustificatio, unde & quomodo oriatur, deniq; quid effi-  
ciat in nobis. Sic enim & certius & minore negotio omnia proponemus  
discutibus: quae in hoc ceu fundamentum extruemus.

CAP. I.

Iustificatio ergo non ciuilit̃ de nostris qualitatibus & operationi-  
bus, seu habitibus uirtutū nostrarum accipi debet: sed theologice & spi-  
ritualiter, de remissione peccati, seu dono remissionis peccati, seu impu-  
tatione iusticiae, quae fit gratuita acceptatione, per misericordiam dei, pro-  
pter Christum. Vt iustos dici & pronunciarī intelligas, non qui habent  
multa bona opera, ut uocant, seu meritorias uirtutes: sed peccatores, im-  
mundos, transgressores legis, & grauissimis peccatis oneratos: si tamen  
credant Euangelio, absoluenti peccatores, & uocanti omnes ad poeni-  
tentiam. Non enim sumus iusti coram deo, personali seu priuata iu-  
sticia, seu meritis operum nostrorum: quia nemo est, qui satisfaciat  
per opera sua legi aut possit satisfacere: sed fide, qua adprehendimus pro-  
missionem gratiae. Quia in illa offertur nobis propiciator & iustificator  
Christus: qui pro nobis omnibus legi satisfecit: & semetipsum tradidit  
pretium & satisfactionem pro nostris peccatis. Nec aliter corda afflicta  
respirant, aut uiuificantur, nisi cum audiunt, intelligunt & credunt, gra-  
tis se respici & acceptari coram deo in gratiam, propter Christum. Ita  
uero acceptari, & absolui, seu pronunciarī iustum, & remitti pecca-  
ta, impijs, peccatoribus & iniustis: neq; tamen, nisi credentibus Euange-  
lio, qui ad poenitentiam uocantur. Non enim iusti sunt, qui istarum rerū  
praedicatione, remissionis peccati, inquam, quam sequitur liberatio ab  
aeterna morte, nihil afficiuntur, & Euangelio non credunt: neq; agunt  
poenitentiam, sed flagitiose uiuunt. Sed iusti sunt, qui Euangelio & pro-  
missioni gratiae credunt: quae fides ita efficax est in illis, ut ad poeniten-  
tiam agendam illa pertrahantur. Hinc fide dicimur iusti, sancti & bea-

Quid sit iustifi-  
catio.

Fide iusti.



ti esse coram Deo: ea tamen, quę sic est efficax in nobis, ut totum hominem renouet. Non quod poenitentia nostra sit partialis causa iustificationis: quia iustificatio contingit & donatur ante omnia opera nostra, quę pro bonis coram DEO haberi possunt. Sed quia uera in Deum per Christum fides non est res mortua: sed talis, ut eam poenitentia obedientię nostrę sequatur. Proinde quos terruit lex, & contriuit, & in desperationem salutis coniecit, eorum pauide conscientię iterum consolationem capiunt, & eriguntur in spem salutis æternę, consolatione Euangelij, propter Christum. Sed de hac fidei doctrina ceca est & crassa ignorantia apud scholasticos theologos: relabuntur enim in doctrinam legis, & remissionem peccati fingunt obtineri per merita operum & satisfactionum nostrarum.

*Scholasticorum opinio de fide.*

Sic enim sentiunt Scholastici, fidem per se, rem esse informem, ociosam, inutilem ac mortuam, ut quę etiam impijs, & qui in peccatis mortalibus uiuunt, contingat. Deinde addunt, fidei formam esse dilectionem seu bona opera: quę uidelicet fidem efficiant fructuosam, & qua demum peccatores iustificentur. At illa assertione detrahitur Christo mediatoris honos, & redemptoris officium: & iustificatio negatur gratuita esse, seu per misericordiam fieri: Item, transfertur in nostras iusticias, quasi sit debita merces & premium, quod de condigno operibus nostris reddatur. In summa, hoc assertitur, Impium operibus ceu uirtute ac uita fidei, iustificari, uiuificari a peccato & æterna morte saluari. Sed scriptura gratiæ, non operibus: Christo, non legi: fidei, non meritis nostris, acceptam fert nostri saluationem. Hinc est illud: iustus fide sua uiuet. Non utiq; operibus: sed fide, qua uidelicet adprehendit, sicut gratię donum, iustificatorem & redemptorem Christum. Et habet ea in Christo æternam uitam, i. Ioan. v. Qui credit in filium, habet testimoniũ Dei in se. Qui uero non credit Deo, mendacem facit eum: quia non credit in testimonium, quod testificatur deus de filio suo. Et hoc est testimonium, quoniam uitam æternam dedit nobis Deus: & hæc uita in filio eius est. Qui habet filium Dei, habet uitam, qui non habet filiũ dei, uitam non habet. Ergo fides nulla exteriore, seu accessoria forma, uirtute & efficacia, opus habet, sed per se est ornatissima apud deũ, & perfectissime beatitudinis, pulcherrima, uiuacissima, sanctissima & efficacissima uirtus, propter Christũ, quem homo per fidẽ, in cor suum, ut unicũ, perfectissimum & eternũ thesaurum, includit.

*fidem.*

Illud quidẽ uerũ est, opera bona sequi debere nostram fidẽ, quod nos melius docemus & confitemur, quam omnes aduersarij nostri. Sed fidẽ sequuntur, in illius confessionem, exercitium & confirmationem, non ut coniuncta fidei mereantur homini iustificationẽ. Non pertinet enim opera nostra ad illius meritum: quia sanguis Iesu Christi filij Dei, emundat

nos

nos ab omni peccato. Sed pertinent ad fidei confessionem gratiarū actionē, exercitiū, et cōfirmationem. Et quia hec exercitia sunt necessaria, tanquā uerę fidei fructus, ideo dicit Paulus, corde creditur ad iusticiam, ore fit confessio ad salutē. Non sentit, quod nostra confessione salui efficiamur: quia premitit, corde credi ad iusticiā, hoc est, fide impium & peccatorem iustificari. Postea addit de fidei fructu, quo iusti Deū glorificamus: ore fit confessio ad salutē. Nulli em̄ licet deesse in cōfessione Christiana glorię dei: uel periculo eterne salutis, sicut docetur Matth. x. Luc. xij. Et tamen confessor hoc ipsum ore suo profitei, quod credit in corde: nempe, se non propter confessionē, seu ulla legis opera, sed per misericordiā, propter Christum saluari a peccato & ab eterna morte. Sic ergo dici possit, quod bona opera ornent fidē, ut fructus & effectus fidei: nō uiuificant, nec efficacē reddūt, seu forma quę dat esse rei & uitā, quasi illis saluationē mereamur. Hec em̄ est donū & gratuita beneficētia Dei, quę sola fide accipitur & possidet: uidelicet, adprehensio in fide iustificatore Christo, quę quisquis habet, habet iusticiam & eternam uitam.

Cū igitur fide consolationē Euāgelij cōcipimus, de placato nobis deo, & remisso peccato, propter Christū, tunc corda nostra, prius pauefacta, territa & cōsternata lege, iterum respirāt et uiuificant. hoc est, iustificant seu absoluuntur a peccato & a morte. Creat aut in nobis hec fides a deo, Euāgelij promissioe & spiritu sancto. Quorū rursus intelligere est, quod scēde & turpiter errent, quod operę iusticias fingunt causam saluationis esse, quasi lex sit iustificationis doctrina: sic em̄ abijciunt gratiā. Gal. ij. Aut quasi Euāgelij annūciatio, sit doctrina de iusticijs nostris: cū in illa, de sola gratię promissione, & Christo iustificatore, agatur. Nā doctrina de nostris iusticijs, est legis doctrina: non Euāgelij. Quāquā aut & de nostris iusticijs, & nostra obedientia, cōcionentur Christus & Apostoli, tamen illa opera nostra, quorū debitores quidem sumus, non faciunt iustificationis causam, & uiuificationis seu eterne beatitudinis: sed hęc transferunt in Euāgelij promissionem & auctore iusticię & uitę Christū, quem a iustificandis oportet fide adprehendi. Ioan. iij. Rom. iij. Eph. i. Gal. ij. & infinitis alijs locis: quibus derogatur nostris operibus meriti saluationis gloria, quam illis tribuunt Sophistę.

Ergo fide liberamur a peccato et morte: & is ē principalis fidei effectus. Eius aut signū, quā uera nobis adest fides, ē pax in corde: hoc est, quā certitudo et securitas saluationis et recōciliati dei propter Christū Ro. v. Hac igitur uincimus omēs terrores in cōscientia: quas excitat alioquin peccatū: et metū eterne mortis excludimus. Et in omibus afflictionibus, quas propter Christi nomē sustinemus, duramus. Et cōfessionem glorię dei, in omibus studijs et tota nostra uita nō possumus uelle deesse. Sed de his omibus effectibus fidei, quod cōspiciunt in iusticia morū & operę bonorū, cōmodius alio loco dicet: et dictū est non nihil, in superiore parte, de cōtritione, in cap. de legibus &c.



Proinde haec obiter & paucis omnia: quae suis quaeque locis copiose explicabuntur. Nunc enim satis est tenere, liberationem nostram a peccato & morte, non fieri, nec obtineri a nobis, nisi gratuita misericordia dei, propter redemptorem Christum. Deinde eius beneficii fide, paucas mentes, consequi ueram consolationem & pacem coram deo: sine qua nemo acceptus illi, aut beatus fieri potest. Denique iusticiam operum uere bonorum non aliunde proficisci, quam ex hac eadem misericordiae Dei fide, propter Christum.

QVOD IMPOSSIBILE SIT, HOMINEM

coram Deo per legem, seu meritis operum suorum iustificari.

CAP. II.

Nunc Pauli sententiam, quam in hac iustificationis doctrina, uita ce status, ut dixi, sequar paucis docendi gratia partiar in duo capita. Nam & Paulus duo in ea praedicat & affirmat: prius, neminem per legem unquam potuisse iustificari. Nec sunt illius alie rationes & cause, nisi quod plura, sublimiora & sanctiora nobis praecipuntur per legem, quam ab egra natura, serua peccati & Diaboli, fieri & praestari queant. Lex enim spiritualis doctrina est, qua a nobis non externa opera solum, uerum etiam animorum puritas exigitur: perfecta in deum fides, sine omni haesitatione, uerus dei timor, uera dilectio, spes firma in omnibus calamitatibus & morte. Dilectio proximi uera & durans: ut quae nulla ingratitude, nulla offensa, seu amicorum seu aduersariorum & inimicorum, superari, uinci ac frangi possit.

Infirmitas legis per carnem.

Vocat igitur Paulus infirmari legem per carnem, quando legis conatus optimus ille, qui est exigere perfectam iusticiam & obedientiam, frustratur, debilitatur, & in nihili obedientiam cadit, propter imbecillam naturam, peccato obnoxiam: nisi quantum peccatum nostrum reteggit nobis & ostendit, & conuincit, quod debitae obedientiae nemo prorsus soluendo esse potest. Adeoque irae diuinae sententiam in nos confirmat: iuxta illud. Maledictus omnis, qui non permanserit in omnibus, quae scripta sunt in libro legis, ut faciat ea. Hoc igitur principale legis officium est, exigere perfectam iusticiam: sed quia incidit in carnalem naturam, nihil efficit, seu potest efficere lex, nisi accusare peccatores, reos agere, iram & damnationem in peccatores praedicare. Et haec est pars prior de lege, spirituali & arcana doctrina, quae est rationi humanae prorsus ignota & incomprehensibilis.

Altera parte docet Paulus, quod per gratuitam gratiam dei & redemptorem Christum iustificemur, seu liberemur a peccato & morte: in quo uidelicet, legem destituit successus. Christus enim filius dei, pro redimendis nobis incarnatus, passus, mortuus, & glorificatus resurrectione a mortuis & aeterna gloria, pro peccatis nostris satisfecit, mortem destruxit, & Diaboli tyrannidem oppressit, ac legem chirographum

phum contrarium nobis deleuit. In summa, peccatum, maledictionem & mortem abstulit: & nos deo reconciliauit. Denique & spiritum sanctum promeruit: quo nos gubernat & regit, ut poenitentiam agamus, & mandata dei seruemus ac faciamus. Vt clarum est in Pauli uerbis, hæc beneficia nobis per Christum contigisse, prædicari. Quare de hac tota ratione subiinde copiose dicemus; & nunc, quæ prioris partis sunt, tractabimus.

Non obscura uox est legis, Deut. vi. Diliges dominum deum tuum, toto corde tuo, tota anima tua, & tota fortitudine tua. Et ei similis: Leui. xix. Diliges proximum tuum sicut teipsum. Ac constat, quod sine his duobus mandatis perfectissime obseruatis, nemo possit de perfecta obedientia erga legem gloriari, quascunq; operum iusticias habeat. Et rursum clarissimum est, legis exactioni, quæ in hoc compendio istorum mandatorum summatur, & comprehenditur tota, sicut Christus testatur, Mat. xxij. a nemine prorsus per iusticias operum suorum posse satisfieri. Non enim reputantur in iusticiam coram deo, opera quæ mundicia & puritate cordis destituuntur, Hæret autem in carnali natura impia quædam ignorantia & contemptus dei: & concupiscentia immodica, contra omnia quæ deus requirit & præcepit, sicut docui in loco de peccato. Quare non modo non diligit perfecte homo deum, & legem: uerumetiam odit, & seruiliter metuit. Sed & quomodo amare posset, quem non nouit: & si per legem cognoscit, non tamen audit uel intelligit deum uelle alium esse, quam rigidissimum iudicem contra peccatores?

*Legi nemo potest  
satis facere.*

Quis est ergo, qui in nullo præcepto opere deficit: & in omnibus perfectus est? & si deficit, (quod uerum est in omnibus hominibus. Nemo enim potest dicere mundum est cor meum, purus sum a peccato.) quomodo potest legem & iudicia dei, iusta, uera & sancta amare? Quis timet, fidit, sperat, amat, obedit, quantum debet? Quis tolerans est afflictionum & mortis: ut illas sine murmure, & sine omni ira malæ opinionis de deo perferat? Quem nunquam perturbat in proposito operis boni, praua & uiolenta concupiscentia carnis? Quis ita diligit proximum ut semetipsum: ut una sit erga amicos & inimicos dilectione præditus? Imo in quibus ea est operum exteriorum obedientia, ut ueraciter gloriari possit, se nunquam ulla in parte deliquisse, & negligentius egisse? Cum igitur sint tantæ transgressiones, quarum etiam nullus modus est, nec finis, in omnibus nobis contra legem: qui fit, quod de nihili iusticijs nostris contra gratiam & Christum lesam, tam superbe, arroganter & impie gloriamur, quasi per eas, gratiam saluationis mereamur? Quæ quidem eo pacto non esset gratia, sed debita merces: & homini summam glo-



riam afferet, qua illi confidendum esset & gloriandum. Quod quam sit impium, uel cogitare, infra dicitur.

Sic ergo statuamus potius, hominem sibi relictum, & sine gratiae auxilio constitutum, non posse nisi peccare: & haudquaquam consentiamus insipientibus Sophistis, qui homini tribuunt perfectionem iustitiae, per opera legis. Huc facit illud Pauli Roman. iij. Caussati enim sumus omnes sub peccato esse: sicut scriptum est. Quod non est iustus quisquam, non est intelligens, non est requirens Deum. Omnes declinauerunt, simul inutiles facti sunt, non est qui faciat bonum, non est usque ad unum. Et mox subiicit exempla enormium criminum: quorum accusat reum totum mundum: scilicet, carnalem naturam, regnum & imperium Diaboli. In tentatione enim omnes in similia uicia ruunt: & nemo sanctius uiuit, nisi quem liberauerit gratia Iesu Christi. Tandem concludit legis doctrinam non ualuisse neque ualere, quam ad ostensionem & accusationem nostri peccati. Quare iusticiam & saluationem, nemo per legem assequi potest: nisi qui potest sua ipsius uirtute legi plenissime obsequi & satisfacere, imperium peccati & Diaboli de ceruice sua excutere & sine misericordia Dei, sine Christo redemptore, & sine spiritu sancto, iustus, beatus & saluus esse.

Sed Theologi Scholastici tribuunt homini, quod legem Dei possit implere, & proprijs uiribus Deum supra omnia diligere. Quamquam autem res ipsa & experientia aliud doceat, ut ostendi: tamen in confirmationem suae impie opinionis existimant seruire, omnes conditionatas promissiones: & addunt, uideri absurdum esse, legem scribi a DEO, quam homines facere & implere non possit: cum longe absurdissimum sit, arrogantissimum & iniquissimum, uel somnare, quod legem diuinam spiritualissimam & sanctissimam doctrinam, carnalis natura facere & implere possit. Quid est enim omnis caro ad Deum & ad legem, uere igneam in dextera eius, comparata? Quid, nisi foenum & stipula, quam uorax flamma absorbet? Longe melius sapuit, qui dixit: Et ne intres in iudicium cum seruo tuo: quia non iustificabitur in conspectu tuo omnis uiuens. Sed uide assertionem: tribuunt homini potentiam absolutae iustitiae efficiendae coram Deo, cuius nullum exemplum possunt ostendere, & cui assertioni omnis experientia refragatur. Nam perfectam obedientiam erga legem nemo unquam praestitit, nec potest praestare: quae una ratio satis potest os impijs obstruere & opilare. Experientia enim, ut dixi, conuincimur omnes.

De conditione legali.

Ceterum conditio, qualis in lege proponitur, ut est illa: Conuertimini ad me & ego conuertar ad uos, non arguit impossibilia esse, uiribus

tribus nostris, mandata Dei. Nam primū, si possibilia nobis diuina māda-  
ta essent, certe nasci in peccato, esse seruū peccati, esse sub imperio Dia-  
boli, & natura filium iræ, homini in arcanis literis non recte tribuere-  
tur. Posset enim absolutam iusticiam suis uiribus præstare: & sic neq;  
peccator, nedum seruus peccati & Diaboli, neque filius iræ esse. Dein-  
de, nihil opus esset nobis gratuita remissione peccati, aut beneficio mor-  
tis Iesu Christi, aut regeneratione per spiritum sanctum: quia homo sua  
dignitate, & suis meritis posset saluationem habere. Oportet igitur con-  
ditionis aliam rationem esse, quam imaginantur Theologi rationis. De-  
inde, multa in omnibus causis dicuntur per conditionem, quæ sunt im-  
possibilia. Ad impossibile enim, ut aiunt, sequitur quodlibet. Sunt igitur  
impossibiles conditiones, cum dico: si amens & furiosus iste cerne-  
ret sua mala, quiesceret. Si cæcus ille, beneficio oculorum suorum u-  
teretur, non impingeret tam sæpe: si stipiti & trunco hanc de lege do-  
ctrinam explicares, citius & foelicius doceri posset, quam doctores iusti-  
ciæ rationis. Si homo perfecta obedientia faceret totam legem, non im-  
merito gloriari posset, de absoluta & perfecta iusticia coram Deo. Si  
Deus est hypocrita, uanus & mendax, acceptat haud dubie & probat  
hypocritas, uanos & mendaces. Qui fecerit hæc, uiuet in eis. Hoc  
fac, & uiues. Et tamen istæ omnes conditiones sunt ueræ, a positio-  
ne antecedentis. Sed uide quantis probationibus opus sit ad ueri-  
tatem antecedentis.

Non aliter sunt impossibiles conditiones in omnibus legalibus  
promissis. Adpropinquate Deo, & adpropinquabit uobis. Quæri-  
te, & inuenietis: Si quæsieritis me, inueniar a uobis. Nam Deus;  
ut abrogaret legis impossibiles conditiones, nouas alias per Euange-  
lium proponit: uidelicet tales. Qui credit in filium DEI habet ui-  
tam æternam. Qui incredulus est filio, non uidebit uitam: sed  
ira DEI manet super eo. Qui crediderit & baptizatus fuerit, sal-  
uus erit. Qui uero non crediderit, condemnabitur. Potestatem  
dedit filios Dei fieri, his qui credunt in nomen eius. His enim con-  
ditionibus requiritur a nobis, non perfectio aut dignitas iusticiarum  
nostrarum: sed gratiæ fides, ne unquam de iusticijs nostris, sed gra-  
tiæ dono gloriemur. Et nouis conditionibus, abrogatur legis con-  
ditio, ne illa perpetuo possit accusare & damnare peccatores. Quate-  
nus enim credunt in Christum, & spiritu illius ducuntur, non sunt  
sub lege: Roman. vi. Gala. v.

Porro, conditione legali incitatur, ut melius intelligamus, quanti-  
ta sit imbecillitas ad resistendum peccato in natura: siue ad præstandam  
perfectam iusticiam, exactam in lege. Deinde, conditio aliter loquitur pñs  
& aliter impijs. Incredulos enim & impios cōuincit conditio quod et

*Euangelij cō-  
ditio.*



narum maledictionum sunt rei: pios autem, qui credunt in Christum, & qui uirtute spiritus Christi agunt poenitentiam, non potest conditio accusare. Sicut Paulus dicit: aduersus tales, nihil habet lex. Sic enim per Euangelium, Christum & spiritum sanctum possibile fit, quicquid per legem erat impossibile. Non tamē operibus nostris conditionaliter quicquam meremur: sed per gratiæ conditionem, iusti, beati & salui sumus, quatenus credimus in Christum: cuius spiritu in omni debita iusticia perficimur. Sed cum incidit conditio in carnalem naturam, illa legalis, declarat quanta immundicia peccati hæreat in natura: & quanta impossibilitas, ad faciendam legem. Ideo impellit hominem, ut uia aliam quærat, qua cum deo redire in gratiam queat, quam iusticias legis. Istis enim pertingere ad deum, & ad beatam uitam, nemo potest. Quia nemo ascendit in coelum, nisi qui descendit de coelo, filius hominis qui est in coelo, Ioannis tertio: & cui per hunc filium hominis contingit ascendere, hac conditione: Sic deus dilexit mundum, ut filium suum unigenitum daret, ut omnis qui credit in eum non pereat sed habeat uitam æternam.

*Lex precipit  
de affectuum  
puritate.*

Sed Theologi scholastici, non agnoscunt, legem ita rigide precipere, de perfecta obedientia & affectuum puritate: sed de externis factis illam solum exponunt. Quid ad nos? Habeant sibi suum crassum & impium errorem. Nam ipsis opponimus clara legis uerba: ut hæc duo summa mandata, de diligendo deo & proximo. Item mandatum contra concupiscentiam. Deinde testimonium & auctoritatem Christi: qui legem de interna affectuum puritate exponit: & affirmat, hanc superbam & pharisaicam iusticiam, quam docent Scholastici non sufficere legi. Peccatum enim cordis significans per legem damnari, ait: ut refertur Matthæi v. Omnis qui irascitur fratri suo, reus erit iudicio. Item, Omnis, qui uiderit mulierem ad concupiscendum eam, iam moechatus est eam in corde suo. Et Ioannis iij. ait: Spiritus est deus, & eos qui adorant illum, in spiritu & ueritate oportet adorare. Hinc & Paulus dicit, legem esse spirituales doctrinam: ideo nimirum, quia requirit cordium nostrorum summam innocentiam, puritatem & pietatem. Ut hæc omnia supra: in parte de contritione, loco autem de legibus copiose dixi: ex quo plura, quæ huc faciant requiras.

Denique ipsi quoque prophetae, in prædicatione gratiæ, quæ est noui testamenti, promittunt nouam quandam cordis iusticiam: utique sine qua nemo iustus coram deo esse possit, & quæ tamen in carnali natura non reperiatur: sed cuius auctor nobis futurus sit spiritus sanctus, qui propter Christum datur. Testimonia habes Hierem. xxxi. Ezech. xxxvi. &c. Nemo igitur per legem potest iustificari: sed iusticia gratiæ per Christum & spiritum sanctum erimus beati.

Sed quid, si dare possis ex millibus unum hominem: imo uero in mil-

libus

libus ne unum excipere, nisi de infantibus loquaris, qui non sit reus aliquius externi facinoris: ut idolatriæ, auariciæ, ambitionis, adulteriij, fornicationis, immundiciæ, contentionis, rixæ, ebrietatis, & similium: ut sunt hæc uicia non rara in mundo. Quam ergo tunc monstrabis uiam miseris euadendi mortem? Num pars hominum maxima, in fauorem Sophistici erroris precipitabit se in eternam desperationem: quia debitum perfectæ iusticiæ, quam potuit præstare non absoluit? Aut tunc ne per legis opera, pro præuicatione & transgressionem legis satisfactorius est? At omnes homines priusquam relabuntur, & protinus quam nascuntur, sunt debitores perfectæ obedientiæ: ut uel hac ratione nisi mediaret gratia nemo saluus fieri posset, nisi infantes, ut utilissimum esset & beatissimum in baptismo suffocari.

*Peccata remittuntur non per iusticias nostras, sed per redemptionem Christi.*

Sed o pulchram Theologiam, qua in tantas difficultates & abominations protrudimur. Velim igitur audire, quam cōsolationem possent doctores operum conscientia afflicta, & eo pacto quo dixi, in periculo desperationis deprehensa, afferre: non enim remittit deus peccata, propter iusticias legis, seu nostras: sed propter redemptorē Christum. Ioan. primo. Ecce agnus dei, qui tollit peccata mundi. Item, i. Ioannis primo: Sanguis Iesu Christi, emundat nos ab omni peccato. Ergo nemo per legem iustificatur coram deo. Quid uero, si audiatur uox legis, requirens a nobis non dictorum solum & factorum, uerum etiam cordium nostrorum, & penitissimorum affectuum puritatem, num tunc satis erit in periculo conscientia respondere: hoc uideri absurdum esse, ut plura præcipiantur nobis in lege, quam præstare possimus. Et, mitigandum esse legis rigorem aliqua cōmodiore expositione: Item, hoc ita placuisse multis Theologis, prudentibus, sanctis & pijs uiris? Nō erit satis. Quid enim si errauerint omnes isti? Et tamen hoc tempore multi ista responsione debellatum esse clamant: nihil ultra periculi restare in tāta causa, quin se plane ac prorsus nodi difficultate alioqui indissolubilis explicuerint. Hypocritis igitur placent istæ responsiones: non tamen satisfaciunt iustanti conscientia, cum terrore mortis & desperationis: sed magis illam inuoluunt, cū sentiat onus legis, cuius exactioni nunq̃ satisfacere possit.

Quibusdam etiam uidetur satis esse, si in tanta difficultate doctrinae & dissidiorum, allegent nobis consensum Ecclesiæ Romanæ: quæ uidelicet, tradat, quod per opera nostra remissionem peccati nobis mereamur. Esse enim fidei magistrum: & hereticum esse, qui contrarium sentiat ac statuat, quam ipsa de facto tueretur. Huic addunt auctoritatem Romani Pontificis idem statuentis: cui tribuunt, quod solus possit pro arbitratu suo omnes scripturas interpretari & limitare, & hac sua limitatione, tāquam regulæ fidei infallibili standum esse. Sed nihil his dictis promouebunt: quamdiu doceri potest, consensum Ecclesiæ Christi,



*Hieronymi di  
ctum.*

Christū ipsum, prophetas et Apostolos aliter sentire statuere & docere. Recurritur etiam ad Hieronymi uerbum, qui scripserit: Anathema esto, qui dixerit deum impossibilia præcepisse. Sed cur non anathema potius Hieronymus, quia tam audacter sentit contra deum? Precor pios lectores, ut mihi ignoscant, & permittant ita loqui in Hieronymum, cuius scripto hypocritæ abutuntur. Nam Hieronymi exemplo, hic non nihil ostendam, quam sit nepharium, hominū scripta uerbo dei opponere: nedum si corrupta sententia & dicto auctoris, illa contra dei uerbū abutaris. Dicit enī Paulus aperte, impossibile fuisse hoīes iustificari per legē: sed cur hoc nisi quia mādāta diuina sunt carnali naturę impossibilia?

*Quid sit, cū  
uerbum homi  
nis uerbo Dei  
opponitur.*

Quid igitur Hieronymus, homo, a quo non fuit alienum, posse falli & fallere, mēiri & blasphemare, obijciatur tam claro uerbo dei, qui solus fallere, falli ac mentiri non potest. Quem præsertim loquentem, necesse est, ut metuant ac tremant omnes ubique creaturæ, cœlestium, terrestrium & infernorum. An uero Hieronymus est aliquid plus quam homo? cur autem Hieronymo cogor credere, dicenti sententiam sine auctoritate uerbi dei, imo contra uerbum dei: cum mihi nolis credere loquenti cum scriptura? Nihil igitur impediatur reiicere uerbum hominis, quem constat aperte blasphemare, & uerbo dei contradicere. Nam infra clavis & irrefragabilibus testimonijs sacræ scripturæ euincam, mandata dei prorsus impossibilia nobis esse. Igitur sit etiam angelus Hieronymus, anathema est, si constet eum sentire contra deum. Gal. primo.

Quare pios homines, huiusmodi obiectiōes, ne dicam cauillationes, contra gratiæ doctrinam, nihil moueant: siue ex Hieronymo proferantur, summō uiro, siue ex alio quocumq; magni nominis scriptore. Nam conscientia nostræ astrictæ sunt uerbo dei: nec coguntur assentiri & seruire hominum dictis. Et summi scriptores, non minus iudicia æterni sententiam metuere coguntur, quam nos. Non contemno Hieronymi auctoritatem: sicut nec ullius alterius hominis: sed doceo, ubi & qua in re nihil ualeat. Non enim efferrī potest supra auctoritatem uerbū dei. Hieronymus enim non est supra uerbum dei: sed illius auctoritati cedere cogitur, ut omnes sub cœlo homines. Quorum auctoritas non minus ualere debet, si quid ueri nos doceant, quam Hieronymi: iuxta illud: Omnia probare, quod bonum est tenere.

Age igitur, sint rudes & indocti, qui te doceant, non debes reprobare doctrinam, modo pie & uere te doceant. Rursus etiam, sint summi uiri & eruditi, a quibus doceris, non debes recipere & adprobare, si quid falsi & impij protulerint. Et tamen sunt hoc tempore multi, qui Euaḡeliū decreta, uel labefactare, uel prorsus refutare se posse confidunt, si nobis Hieronymi uel alterius hominis eruditi dictum opponere possint. Nō de hominum opinionibus litigamus, nō de numerosis suffra-

gjs eruditorum & sanctorum, sed de uera & germana sententia uerbi dei, cui omnes creature honorem & reuerentiam debemus, & stare eius dicto, & nullo modo contra hoc mutire. Idem de præscriptionibus tēporum dixerim. Quamquam uerbum & ueritas dei, antiquior est omnibus creaturis. Cum igitur manifestum sit legē diuinam a carne & ab imbecilli & ægra natura fieri non posse, nihil moueat nos, si isti ueritati alicubi contraria sentire & statuere homines uideantur, cū præsertim idonea ratio reddi possit, cur non tam sublimia mandata sint nobis posita a deo, quæ nemo uiribus suis implere possit: de qua non semel dixi, & infra pluribus de illa scribam.

Christianis præcipitur, ne quē alium doctorem audiant, uel recipiant, præter quam unicū illum magistrum suum Christum, qui autoritatem suam in eos Apostolos transtulit, qui nos docuerunt uerbum dei: uidelicet, Euangelium de gratuita remissione peccati & uita æterna, per Christum. Item, de uera poenitentia, quam in nomine Christi præstamus. Neque enim in alios quadrat hoc uerbum Christi: Qui uos audit, me audit, & qui uos spernit me spernit. Qui autem me spernit, spernit eum qui memisit. Lucæ x. In alios qui hoc uerbum, quod dixi, non docent, & tamen uolunt pro Ecclesiæ doctoribus haberi, cum diuersum doceant, dictum est: Attendite a pseudoprophetis, qui ueniunt ad uos in uestimentis ouium: intrinsecus autem sunt lupi rapaces.

*Quinomine  
Christi sint  
audiendi et  
recipiendi.*

Nam in rebus, quæ faciunt ad gloriam dei, & ad nostram æternam salutem, quid posset ueri ac firmi ab homine, sine, extra & ultra uerbum dei doceri, statui ac disci? cum præsertim animalis homo, non percipiat ea, quæ sunt spiritus dei: quin etiam stulticia sint illi, neque possit percipere i. Cor. ij. Vide ergo quam sint inepti, qui in re iustificationis nostræ coram deo, & in quæstione de æterna uita, audent nobis hominū doctrinās, ne dicam uana & inania somnia rationis obijcere. Satis iam & plusquam satis exemplorum est, præstaret enim minus esse, quibus tamen omnibus uix sero deprehendimus, quomodo per commenta doctrinarū hominum, a ueritate uerbi dei deiecti sumus & depulsi. Christus dicit: oues meæ uocem meam audiunt, & ego cognosco eas, & sequuntur me. Et ego uitam æternam do eis, & non peribunt in æternum, & non rapiet eas quisquam de manu mea.

Hæc in nullum prorsus hominem quadrant, præterquam Christum filium dei. Stultum est autem & impium alij tribuere, quod soli Christo debes, uidelicet, nunquam errare posse, & neminem fallere. Hoc ergo, si de Hieronymi scriptis affirmetur, seu de Romani Pontificis uoce, planum est quo spiritu dicatur, si præsertim pertinacia asserendi impij dogmatis accessit: quod imperitis præbuit lapsus occasionem, & erroris.

Sed hæc hæcenus per occasionem transtuli in Hieronymi personam:



Hieronymus  
sibi exponit  
quodam  
fieri possibilia  
aut impossibi-  
lia mandata  
De.

ut obiter admonerem, quid omnibus his cauillis & obiectionibus re-  
spondere conueniat, quæ ex hominum doctrinis, sacrosanctæ & inuiol-  
labili autoritati uerbi dei obijciuntur. Cæterum Hieronymus non igno-  
rus scripturæ sententiæ, dicitur sese exposuisse, in quodam suorum Dia-  
logo: possibilia uidelicet esse cōfessus, diuina mandata, per gratiam: im-  
possibilia autem uiribus naturæ. Sic enim iugum Domini suauis est, &  
onus leue: utique per gratiæ spiritum. Et sic mandata dei grauius non es-  
se, dici intelligendum est apud Ioannem. Primum enim per gratiam re-  
mittit nobis deus omnia peccata: deinde implet ipse in nobis sua manda-  
ta, per spiritum sanctum: & postremum, si qua in re deficimus, id totum  
ignoscit nobis propter Christum. Hic sunt omnia suauia, facilia, prom-  
pta, expedita & iucunda, si quid agendum est, aut patiendum, nomine  
Christi: quæ alioqui, & per se, sunt difficilissima, durissima & prorsus im-  
possibilia, carnali scilicet naturæ.

Quare etiam magna & intolerabili iniuria afficiunt Hieronymum,  
qui ei hoc dictum: Anathema esto, qui dixerit deum impossibilia præce-  
pisse, tribuunt, sine hac intelligentia, quam ipsemet pius in suis scriptis  
posuit. Maior autem iniuria est istorum in Ecclesiam & Iesum Christum,  
qui imperitis, seu per truncata patrum dicta, seu in alienum sensum de-  
torta, imponunt, & imponere non cessant. Nam hoc morbo peculiari-  
ter laborant Sycophantæ horum temporum, nostri aduersarii, Pontifi-  
fici adulatores: qui omnia scripturæ sacræ contemnunt, & hoc unum  
agunt ut mandata & doctrinæ hominum regnēt, Christi gloria etiam  
penitus oppressa & proculcata. Et subent, ut id ipsum quoque & nos fa-  
ciamus: sed propitio Christo hoc nunquam impetrabunt.

Absurditas o-  
pinionis, qua  
sibi tribuit ho-  
mines, quod  
mandata Dei  
possint imple-  
re.

Iam ad rationem hanc festiuam eamus, quæ fingit grande periculum  
committi, si quis dicat mandata dei impossibilia nobis esse. Ostendi au-  
tem supra, longe impudentissimum & arrogantissimum esse, id sibi tri-  
buere hominem quod mandata dei implere possit. Est enim nimia car-  
nalis presumptionis temeritas: fugienda prius, ut quam deus odit & pu-  
nit. Et quidem grauissimis poenis, sicut uidemus, excecationis uidelicet,  
& duricia cordis: ne credant Euangelio gloriæ Christi, & credentes  
salui fiant. Valeat igitur ista uanitas & stulticia superbæ gloriæ carnis:  
& det locum gloriæ Christi, & spiritui sancto. Primum, quia habemus  
clara & irrefragabilia testimonia, quæ aperte conuincunt, mandata dei  
supra uires nostras esse: & de illis testimonijs paulo post agemus. Dein-  
de, per Euangelium docemur, sola misericordia dei propter Christum:  
nos seruari a peccato & a morte. Neque uero opus esset nobis, illa miseri-  
cordia si mādatis dei ipsi satisfacere possemus. Et adprehendi a nobis illa  
misericordia per fidem debet: quia per uires suas nemo potest mandata  
dei implere, & sine peccato esse. Sed & spiritu sancto indigemus, qui no-  
bis do-

bis donet noticiam dei & seruatoris Christi: adeoque faciat nos facere & implere Dei mandata.

Qui tantis argumentis nihil permouentur, ut dent gloriam deo, & minus arroganter de uiribus suis & iusticijs carnis sentiant, eorum furiosos clamores nos quoque contemnamus. Et ne existimemus absurdū esse, si quid in arcanis literis, in quibus agitur de diuina sapientia, non de sapientia carnis, doceatur: utcunque ab humana ratione capi & intelligi non possit. Si enim magistrā & dominā rationem, pro iudicandis fidei rebus, uelis in consiliū adhibere: quid obsecro te, non erit absurdum? imo, non ridiculum, ineptum, uanum ac penitus stultum? Ac sauis nos docent plurima exempla horum temporū, quo prolabantur tandem, qui res fidei, pro rationis humanæ captu iudicant & metiuntur. Paulus dicit, spiritualia spiritualiter examinari, hoc est, spiritu sancto, per uerbum dei nos docente, & fide nostra, intelligi & capi. Inde enim certum est, eum qui uerbo dei credit, decipi ac falli non posse. Quare omnes boni captiuant rationis iudicium in obsequium uerbi Dei: & illo se gubernari patiuntur.

Iam uero priusquam scripturæ testimonia proferam, illa quæ nobis potentiam efficiendi ueram iusticiam, seu perfectam obedientiam erga legem, adimunt, dicendum paucis erit, quatenus a carnali natura lex fieri possit: Neque enim delectum rerum tollimus prorsus: nec arbitrij libertatem ita negamus, quia omnia fiant per meram & absolutam necessitatem. Experientia enim notum est, & usu omnibus perspectum, aliquo modo in potestate hominis esse, fugere quæ lex damnat ac reprehendit: & facere quæ requirit. Sed ita concedimus, quod extrinseca legis opera ratio aliquo modo facere possit, Sed carnalibus affectibus imperare non potest: etiamsi aliquo modo resistere illis possit, ne in externis operibus prauis regnet. Cæterum pios & sanctos motus cordis, quales lex requirit, solus deus spiritu sancto creat in nobis.

Cum ergo de externis operibus queritur, seu de externa iusticia, cōcedendum est hanc aliquo modo in hominis potestate esse: sed addenda tamen correctio est, nisi peccatum, quod hæret in natura, & extrinseca uis Diaboli impediāt. A peccato enim, cuius serui sumus, priusquam a Christo liberamur, quot obsecro modis impeditur in nobis propositum boni operis? Quem enim non uincit aliquando ira, cupiditas habendi, quæ dicitur auaricia, ambitio, inuidentia, animus libidine incensus, & subiti alij prauī motus, uere uiolenti in natura, ut indigna bono uiro, ne dum Christiano, admittat. Nec aliter sunt uiolente inspirationes Diaboli, in eo qui nō gubernatur fide in Christū, & spiritu sancto. Sicut liquet ex illo Pauli, ubi affirmat aduersarios doctrine ueritatis esse in Diaboli laqueis, & captiuos teneri ad ipsius uoluntatem. ij. Timoth. ij.

Questio de  
arbitrij libe-  
tate.



Sed sine horum consideratione, quatenus homo sequitur iudicium & defectum rationis, non impeditus, nec a peccato, nec a Diabolo, concedendum est, quod possit aliquo modo facere externa legis opera bona: quorum etiam debitor est coram Deo, etiam si absque spiritu sancto, & sine interna renouatione illa praestet. Sic profecto non erat nulla operum iusticia, quam Paulus praestitit adhuc phariseus: quae etiam melior fuit, & magis placuit Deo, quam flagitiosi a quibus Deus & lex in totum contemnebatur, si impia opinione caruisset. Sic in Gentibus multi fuerunt, qui praestiterunt singulares quosdam & summas uirtutes: sed non ideo sunt iusti habiti coram Deo, siue beati. Neque dici de illis potuisset, quod perfectam obedientiam erga Dei mandata ideo habuissent: etiam si in externis nunquam deliquissent.

Phil. 3.

Non ergo negamus, operum legis iusticiam nullam praestari ab homine, sine spiritu sancto, posse: sed docemus, per uires nostras non posse legi satisfieri, & hominem perfecte iusticiae esse. Et ideo de meritis operum nostrorum desperandum esse: & ad gratiae asylum refugiendum. Eius enim alius finis spectari debet, quam est meriti remissionis peccati: quae contingit solis qui in misericordiam Dei credunt, propter Christum. Finis est politicus, ut pax in terris & externa rerum tranquillitas conseruetur: & bene ac foeliciter apud homines uiuatur, de quo docet nos Paulus Gala. iij. & prima Timoth. primo. Sed Sophistae hunc finem transferunt ad spiritualia, ubi agitur de remissione peccati, perfecta iusticia coram DEO & de salute aeterna, stupidissimo & perniciosissimo errore.

Politicus finis operum  
externorum.

Externa iusticia operum  
etiam polluta est.

Quid, quod ista rationis iusticia, quosdam alios motus habet, quibus coram Deo polluitur. Paucos enim reperias, qui ex animo eam praestent: sed aut pudore prohibentur a uicijs, & metu civilium poenarum. Item cupiditate honoris, & carnalium aliarum uoluptatum bene operantur. Sic milibus affectibus ducuntur autem hypocritae & Pharisei, qui per iusticias suas contendunt inferni poenas effugere, gratiam & salutem mereri: sed ita seipsum efficiunt abominabiles idolatras coram Deo, quos propter ignorantiam gratiae necesse est in aeternum perire. Roman. ix.

Diserte igitur negamus, quod in hac corrupta natura, possit esse uera & perfecta obedientia, sine spiritu sancto, erga diuinam legem, spiritualissimam & sanctissimam doctrinam. Non tollimus libertatem arbitrii, nisi respectu perfecte obedientiae, & meriti gratiae, seu remissionis peccati & uitae aeternae. In his enim constat nullum esse. Nec de externis factis principaliter litigamus: sed de internis uicijs quae herent in natura, sic ut a nemine tolli possint: etiam si lex precipiat, tolli. Item de motibus cordis, erga Deum & legem pijs & sanctis efficiendis: quos constat certe ab homine effici non posse. Et tamen illorum est debitor: & nisi per fidem

dem gratiæ remissionis peccati liberetur ab exactionibus legis, nō potest saluus fieri. Nulla igitur est arbitrii libertas: quia iusticię nostrę sunt carnales, & non potest illis legi Dei satisfieri, neque quisquam iustus per illas coram Deo esse. Deinde per solam gratiam liberamur a peccato & morte. Sed aduersarij nostri uociferantur, blasphemum & hereticum esse, si quis doceat, homini deesse facultatem implendę legis. Sed si liberum est homini arbitrium, in his rebus, de quibus dixi, recte negari, liberum esse: oportet tale esse, ut illo se explicet sua uirtute, a laqueis peccati, Diaboli & æternę mortis. In summa, quo uiuat sine omni peccato: & præstet perfectam obedientiam erga legem, sine spiritu sancto, ut sine gratia Dei, & sine Christo, possit iustus, beatus & saluus esse. Quod si hoc arbitrium defendunt aduersarij nostri, sanctiores pharisæo, iactatore suarum uirtutum, Lucę. xviij. & expeditiores in legis iusticiis, quam omnes Pelagiani ueteres & noui: ad quid gloriam gratiæ Dei & effusi sanguinis Christi requirimus? Sin autem tale nec prædicant nec defendunt, quid litigant nobiscum, qui prædicamus gloriam Dei & gratiæ illius, & Domini nostri Iesu Christi? Nec aliud agimus nisi ut homines per legem peccata sua uere cognoscant: & per uerbi gratiæ fidem quærant reconciliationem & ignoscenciam suorum delictorum: cum sine ea nemo saluus fieri possit.

## DE SCRIPTURÆ TESTIMONIIS, QVIBVS

*docetur, quod impossibile sit hominum meritis  
operum suorum iustificari: item de causis  
traditæ a Deo impossibilis legis.*

**N**Vnc ergo plana est nobis & expedita uia ad proferendum eos scripturę locos, quibus docetur, legem a carnali natura non posse impleri: & impossibile esse homini ut meritis operum suorum coram Deo iustificetur. Eorum igitur testimoniorum primum sit illud, quod huius doctrinę de iustificatione statum feci: nempe, quod ita legitur Roman. viij. Nam quod impossibile erat legi, eo quod infirmabat per carnē. Deus filium suum mittens in similitudinem carnis peccati: & de peccato damnauit peccatum in carne. Si igitur in hac ægra & corrupta natura legi perfectam obedientiam præstare possemus: aut per opera legis iusti coram Deo esse: quam improbū esset, & audax commentum in hac assertionē Pauli: uidelicet, quæ dicit: legis conatum, (qui profecto optimus fuit: nempe, præcipere de perfecta & summa coram Deo iusticia.) per carnem, hoc est, imbecillem & ægram naturam, debilitatum fuisse. Nulla sane alia causa, nisi quia lex scripta non potuit ex peccatoribus iustos efficere: ex filiis Diaboli, filios Dei. Neque enim possunt corda hominum purificari scripta lege. Quare pro iustificandis illis opus fuit mitti filium Dei, & tradi in mortem. Quid istis contradicas?

CAP. III.

K iij



Nam quia CHRISTVS pro nobis saluandis & iustificandis uenit in mundum: causam habuit, quia nemo potuit lege & meritis operum suorum iustificari & saluari a morte. Si enim per legem iusticia, ergo gratis Christus mortuus est. Gal. ij.

Actorū iij. Hic est lapis, qui reprobatus fuit a uobis ædificantibus: qui factus est in caput anguli. Et non est in aliquo alio salus. Neque enim aliud nomen est sub coelo datum hominibus, in quo oporteat nos saluos fieri. Si igitur per legis opera, tanquam plena & perfecta iusticia, quam lex requirit, potuit homo iustificari, mereri remissionem peccati & uitam æternam: cur hic dicitur, non est in alio salus, nisi in Christo? Deinde, quorsum additur: neque aliud nomen est sub coelo datum hominibus, in quo oporteat nos saluos fieri, si legi, quantum ad debitum perfectæ iusticiæ, possumus satisfacere: & per opera illius mereri remissionem peccati, & liberationem ab æterna morte? Num hæc tanta opera, & tanta merita, nullam nomina sunt, nulla gloria digna? Siue non prestant potius, atque excellunt, omnem gloriam meritorum Christi: cum preterit tantæ causæ salutis inde nobis exoriantur? O cæci & blasphemii iusticiarum & hypocritæ.

Oportet enim in doctrina de iustificatione, qua detrahitur legi, quod potuerit iustificare coram deo peccatores & saluos facere, semper addere antichresim illam, quæ per gratiam Euangelij, promittit gratuitam remissionem peccati, iusticiam & æternam saluationem, propter Christum, omnibus qui in illum credunt. Si enim necesse fuit Christum mori, pro iustificandis nobis, & redimendis a peccato & æterna morte: sicut Petrus docet, Actorū decimo. Huic omnes prophete testimonium perhibent, quod remissionem peccatorum accipiant per nomen eius, omnes qui credunt in eum: certe adimitur nobis ea nominis gloria & legi, & soli Christo tribuitur. Quomodo igitur dicunt quidam, quod legi satisfacere possint: & illius operit uis iusticiam mereri? Quod si legis exactionibus satisfacere possemus, nihil posset deus in nobis reprehendere: nemo sub peccato, & nemo filius iræ nasceretur: nec opus haberet quisquam redemptore & iustificatore Christo.

Prædictis accense hanc nobilissimam Pauli sententiam, quæ refertur Actorū xij. in quadam eius contione: Notum igitur sit uobis uiri fratres, quod per hunc uobis remissio peccati annuncietur, ab omnibus a quibus non potuistis per legem Moysi iustificari per hunc omnis qui credit iustificatur. Negat aperte iusticiam per legem nobis contingere: & donum remissionis peccati tribuit uni beneficio liberatoris Christi. Quod cum annuncietur nobis per Euangelium, requirit certe fidem gratuitæ remissionis peccati a nobis. De causa autem, cur per legem nulli contingat iusticia: uidelicet, quia legi nemo satisfacit, nec potest  
satisfacit

satisfacere, prius sæpe, & plusquam satis a me dictum est. Similia testimonia de gratuita iustificatione nostri per Christum, passim uidere est in literis Apostolorum. Nec aliud habet Euangelij, siue totius noui testamenti doctrina. Nec huius doctrine de iustificatione, cuius tam non capax est ratio humana, alia usquam ratio reddita est quam ea, quæ dicit, quod homines legis exactioni non possunt satisfacere. Cogor enim rem eandem, usque ad tedium & morositatem, propter morosos quosdam & impios atque blasphemos gratiæ hostes inculcare. Quare opus habemus in iustificatione nostri, gratuita remissione peccati; quæ contigit quidem, & donata est nobis, propter Christum: Lege quæ sunt Actorum xv. ubi de gentibus agit, iustificatis sine lege. Inter quos Deus, semper prophanos homines, a iusticia legis alienos, & Iudeos, iusticiæ legis emulos & studiosos sectatores, nihil discreuit. Purificabatur enim Gentium corda fide: ut est Actorum decimo, quæ emundatione & purificatione semper & Iudei indiguerunt, cum nemo per legem possit a peccato mundari.

Ex hac eadem ratione nata est Paulo illa comparatio Gentium & Iudeorum: de qua est Roman. nono. Quid ergo dicemus? Quod Gentes quæ non sectabantur iusticiam, adprehenderunt iusticiam: iusticiam autem, quæ est ex fide. Israel uero sectando legem iusticiæ, in legem iusticiæ non peruenit. Quare? quia non ex fide: sed quasi ex operibus. Impegerunt enim in lapidem offensionis: sicut scriptum est. Ecce ponam in Sion lapidem offensionis, & petram scandali, & omnis qui credit in eum, non confundetur.

Nec possum hoc loco præterire, quod idem Apostolus in eadem Epistola cap. x. in hæc uerba scribit: Ignorantes iusticiam Dei & suam querentes statuere, iusticiæ Dei non sunt subiecti. Finis enim legis Christus, ad iusticiam omni credenti.

Exstat & Roman. iij. pro horum, quæ dico, confirmatione, pulcherrimus locus. Ex operibus legis non iustificatur omnis caro coram illo. Et ad Gala. ij. similis: Nos natura Iudei, & non ex Gentibus peccatores, (uides, quæ prerogatiuas iusticiæ operum legis, quæ fuerunt Iudeorum allegat: quas affirmat tamen nihil ualuisse coram Deo, pro impetranda iustificatione.) Sciens quod non iustificatur homo ex operibus legis: sed per fidem Iesu Christi. Et nos in Christum Iesum credimus, ut iustificemur ex fide Christi: & non ex operibus legis. Propterea quæ ex operibus legis non iustificatur omnis caro. Quid potuit firmitus dici, contra inanes glorias et superbas carnis? Nam profecto gloria meriti iustificationis non posset homini adimi, si sufficeret ad præstandam perfectam obedientiam et iusticiam ipsa legis externa. Quid relinquit ergo, nisi mandata Dei, nobis esse factum impossibilia: et meritum lib. arbitrii rem esse de solo titulo, & nomine sine re?



Est & Ephe. ij. locus, qui maxime huc facit, uidelicet ille: Gratia enim estis saluati, per fidem, & hoc non ex uobis. Dei enim donum est: non ex operibus, ne quis gloriatur. Ipsius enim sumus factura, per Christum Iesum, in operibus bonis: ut in illis ambulemus. Hic comprehendit utrumque: gratuita gratia nos saluari, quatenus credimus in Christum: & spiritu sancto impleri in iustificatis mandata Dei. Quorsum igitur de iusticijs nostris gloriamur?

Sed & illud insigniter in iam citato loco notandum est: quod ait, saluationis gratiam dono dei nobis contigisse, non ex operibus, ne quis gloriatur. Deus enim superbiam carnis gloriam non potest ferre. At debet batur gloriae non minima portio coram deo hominibus, si ipsi per iusticias suas potuissent remissionem peccati sibi & uitam aeternam mereri. Sed beneficia euangelij contigerunt hominibus, ut laudet gloria gratiae dei Eph. ij.

Iam tandem accense praedictis, & hunc Pauli locum, ij. Timoth. i. Qui saluos fecit nos, & uocauit uocatione sua sancta: non secundum opera nostra, (nota exclusiuam.) sed secundum propositum suum & gratiam: quae data est nobis per Christum Iesum, ante tempora aeterna. Manifestata est autem nunc, per adparitionem saluatoris Iesu Christi: qui destruxit quidem mortem: uitam autem, & incorruptibilitatem in lucem produxit per Euangelium. Per Euangelium signanter: hoc est, per gratiae promissiones & Christum: non per iusticias legis.

Nondum tempero mihi, nisi prius & hunc Pauli locum adiecero, qui est Tit. tertio. Cum autem benignitas & humanitas adparuit, saluatoris nostri dei, non ex operibus iusticiae quae fecimus nos, sed secundum misericordiam suam saluos nos fecit. Adeo fuit impossibile aegram naturam per legem coram deo, curari: seu iustificari: ut nisi gratuita misericordia intercessisset, per redemptorem Christum, nullus homo potuisset saluari.

Sed iam satis est testimoniorum scripturae quae detrahunt legi efficaciam iustificandi: & negant quod per opera nostra saluationem mereri possimus. Sed iustificationis donum tribuunt gratiae dei & redemptori Christo: quod habeant quidem, qui in oblatam & gratis donatam gratiam credunt. Iam prudenti & pio lectori facile est iudicare, quanta lyua testimoniorum ex sacra scriptura huc a me adduci posset, si calamo indulgere uellem. Caeterum qua temeritate & inscitia quidam audeant has firmissimas scripturae sententias cauillari, & testimonijs spiritus sancti illudere, dicam in quodam alio libro: in quo ad malignas & uanas aduersariorum cauillationes, in confutatione ad hoc instituta, respondebo.

Praedictis uero testimonijs adijci & illa poterunt, quae ex Prophetarum libris citantur, de gratia noui testamenti: quale est, quod legitur apud Hieremiam capite xxxi. Ecce dies uenient, dicit Dominus: & feriam domui Israel & domui Iuda foedus nouum. Non secundum pactum, quod pepigi cum

pi cum patribus uestris: in die qua adprehendi manum eorum, ut edu-  
cerem eos de terra Aegypti: pactum quod irritum fecerunt, et ego domi-  
natus sum eorum dicit Dominus.

Obserua primo omnium de causis abrogatæ legis dici: nec alias alle-  
gari, nisi q̃ exactionibus legis, nemo inter tot sanctos Israelitas & lu-  
deos satisfecit: imo nec potuit satisfacere. Si enim potentia satisfaciendi  
illis affuisset, haud dubie satisfecissent multi: quia multis illorum non de-  
fuit bona uoluntas: scilicet, inter tot emulos & sectatores, tot seculorum,  
iusticiæ legis. Et illis quidem satisfecisset lex: nec opus habuissent no-  
tatione doctrinæ, seu permutatione, legis uidelicet in gratiam. Sed ab-  
rogatur lex, ut difficillimum onus: & quidem inutile ad iustificandum.  
Quanquam ad accusandum peccatum, & irrogandam maledictionem  
necessarium & utilissimum. Huc accense, quæ sunt, de discrimine uete-  
ris & noui testamenti, apud Paulum. ij. Cor. iij. Sed pergo referre te-  
stimonium Prophetar: sic enim sequitur.

Sed hoc erit pactum, quod feriam cum domo Israel. Post dies illos  
dicit Dominus, dabo legem meam in uisceribus eorum, & in corde eo-  
rum scribam eā: & ero eis in Deum, & ipsi erunt mihi in populum. Ecce  
promittitur noua iusticia, non quæ sit operum legis, sed interna cor-  
dis, hoc est, qua lex fit ex corde, plene & perfecte renouata natura carna-  
li in spiritualem. Hæc igitur gratiæ iusticia est, qua contigit his, qui in  
Christum Iesum credunt, gratuita remissio peccati: & cordium purifica-  
tor spiritus sanctus: quæ est uera nouitas, eorū, qui ex Deo nati sunt.

Qui fit igitur, quod hanc gratiæ promissionem & iustificatorem Chri-  
stum adeo negligimus: & per abrogatam legis doctrinam, quæ iam-  
dudum nihil ualuit, quærimus meritum saluationis? Lex enim quo ad  
impetrandam iusticiam nihil ualet: & propter impossibiles exactiones  
beneficio euangelij abrogata est, ut etiamsi quis legi satisfacere posset,  
tamen iusticiam & salutem non posset mereri. Quanquam nemo est, qui  
illi satisfaciatur, ideo alia res proposita est nobis, per quam remissio peccati  
& saluatio obtinetur, nempe, fidei promissio, de Iesu Christo, noui & æ-  
terni testamenti mediatore, per quē nobis placatus est deus: ut sequitur.

Et ero eis in Deum: & ipsi erunt mihi in populum. Significat enim re-  
cōciliari deo populum suum, beneficio redemptoris Christi. Sicut Pau-  
lus docet ij. Cor. v. Quoniam deus erat in Christo, mundum reconcili-  
ans sibi, non reputans illis delicta eorum. Et ea causa defendi hunc po-  
pulum a deo: & liberari illum a peccato & æterna morte.

Rursus sequitur: & non docebit ultra uir proximum suum, & uir fra-  
trem suum, dicens: Cognosce dominum. Hæc est manifesta abrogatio  
legis. Causa est, ut dixi, quia carnali nostræ naturæ, lex frustra occini-  
tur. Non enim potest obedire: etsi audire possit, quibus peccatis accuse-



tur & quantæ damnationis rea peragatur. Omnes enim cognoscent me, a minimo eorum usque ad maximum, ait Dominus. Tunc profecto, quando deus pater nos docet uerbo gratiæ & spiritu sancto: de remissione peccati nostri, & dono uitæ æternæ. Hæc enim sunt credentium, filium dei incarnatum, & traditum pro nobis in mortem.

Quia propitius ero iniquitati eorum, & peccati eorum non recordabor amplius. Sic inquam, cognoscent me: Intelligent ex uerbo gratiæ, hoc est, ex Euangelio, de Christo incarnato, passio, & glorificato, sibi peccata sua ignosci & condonari. Hæc intelligentia est fides in Christum: iuxta illud Esaie. liij. In scientia sua, iustificabit, ipse iustus seruus meus multos: & iniquitates eorum ipse portabit.

In hoc igitur Hieremiæ uaticinio de causa abrogatæ legis agitur: quæ & dicitur fuisse, quod illius exactionibus nemo satisfaciat. Quod quid est aliud, quam deum impossibilia carnali naturæ præcepisse? Deinde promittitur noua alia iusticia, qua ab exactiõibus legis liberamur: neque hoc solum, uerum etiam a peccato & æterna morte. Cuius hæc efficacia est, quod animos credentium, nouis motibus, spiritualibus uidelicet & sanctis, induit ac munit, aduersus imperium peccati & Diaboli: planeque sic renouat, ut legem diuinam non absque singulari desiderio, hilariter ac sponte, & cum summa uoluptate, libeat ipsis facere: cuius prius magno odio tenebantur.

Si igitur legis diuinæ mandata nunquam potuerunt impleri a carnali natura: idque declaratum est omnium Israelitarum & Iudæorum exemplis: quomodo & qua fronte dicunt quidam, nec impossibilia esse legis mandata, & illius exactiõibus nos satisfacere posse, & mereri hominem illa sua obedientia æternam saluationem? Hoc ne est Christum soluere e coelo deturbare, & Antichristum in locum eius ponere? Oportet igitur reiicere istas omnes impias doctrinas, quæ prædicant meritum iusticiarum nostrarum: aut contra, omnia quæ in nouo testamento tradita sunt de gratia, remissione peccati, iusticia, & æterna uita, deque seruatore Christo, fide in Christum, & spiritu sancto, pro ut est efficax in credentibus, semel negare. Intelligis ergo quo loco sint buccinatores carnalium iusticiarum? Sed pergam etiam explicare, quæ causæ fuerint apud Deum, latæ nobis impossibilis legis.

*Secunda pars  
Cap. Terrij.*

*De causis late  
impossibilis  
legis.*

Proinde in doctrina de iustificatione nihil disputamus de legis politico usu: sed de quodam alio spirituali, uidelicet, quo deus per accusationem nostri peccati, uoluit nos ad ueram animi humiliationem perducere. Oportet enim omnes eos, qui salui fieri debent, ante omnia humiliari coram deo: ad noticiam immunditiæ suæ uenire, & ad timorem dei. Qua causa lex, non externam tantum operum iusticiam prædicat: quæ uiribus rationis utcumque facimus, sed cum hac aliam quandam, quæ est longa

est longe supra omnes vires nostras: nempe, iusticiam cordis, quam qui habent, eos necesse est sine omni peccato esse. Et impossibile est illam in hac infirma natura habere: nisi per cōtinuam remissionē peccati & fidē, & spiritum sanctum gubernātem eorū corda qui Euāgelio crediderūt.

Si igitur lex talem iusticiam predicaret, quam quilibet superbi pharisei & hypocritae prestare possent: sicut existimabat ille nepharius hypocrita, apud Lucam cap. xviij. quomodo posset peccatores, per ostensionem peccati coram deo humiliare? Sed Paulus tradit hunc potissimū legis usum esse, ostendere & accusare nostrum peccatum, Roma. iij. & vij. Deinde quomodo esset doctrina timoris lex, cuius iram quilibet impij, idolatræ in mente, avari, ambitiosi, inuidi, &c. per externa opera vitare, cauere & fugere possent? Eueheret potius hominem in superbam gloriationem, & fiduciam iusticiæ carnis, quam compressa illius arrogantia & impio tumore terreret eum & cor eius concuteret: & sic plane magis noxia esset homini quam utilis. Sicut claret ex omnibus quæ de contritione dixi. Quidam tamen legis doctrinam, suo illo abusu, quem dixi, in uenenum, & impietatis causam conuertunt. Nam pessime abutuntur lege, qui illam pro iustificationis doctrina habent.

Quare aliam quandam perfectam iusticiam predicat lex: & illius spem quandam nobis facit. Non enim frustra precipitur, quasi eam nūquam simus accepturi. Amissa est quidem ea iusticia in Adam, ad quam initio creati sumus. Quanquam autem impossibile sit illam a carnali natura prestari: tamen eius debitores sumus. Nostro enim uicio mali sumus. Ceterum in Christo Iesu iterum recuperamus eam: cuius nunc primitias accepimus, quatenus primitias spiritus Christi hausimus: illius plenitudinem & perfectionem iusticiæ accepturi in æterna patria. Sed in hac carnali natura obtineri a nobis perfecta haudquaquam potest: nam & renati habent peccatum 1. cor. viij.

Sed interim dum hic sumus, debiti nostri, & peccati quod habemus in natura, admoneri debemus: quod nisi per legem, spiritualiter prædicatam, de utrisque motibus cordis, uiciosis & sanctis, illos damnando, & hos exigendo, fieri nō potest. Ac nisi ad perfectam noticiam peccati nostri perueniremus, neque conteri coram deo, neque intelligere beneficium redemptionis possemus: & nullo modo beati ac salui fieri. Nec interim obliuioni tradenda est & hæc ratio, quam paulo ante attigi, ideo etiam proponi nobis impossibilia mandata, ne ignoremus hanc ueterem & corruptam naturam penitus abolendam esse: & nouam ac spiritualem condi oportere, quæ futura est perfecte iusta, plena sanctitatis & ueritatis coram deo. Has rationes firmas ac ueras, latē a deo impossibilis legis, quæ uidelicet, omnes vires nostras longissime superat atque excedit, qui surdis auribus audiunt, & discere contemnūt, eos oportet iudici deo cō-



mittere: & precari, si quando Deus det eis poenitentiam, ad cognoscendum ueritatem, & relapsant a diaboli laqueis, a quo captiui tenentur, ad ipsius uoluntatem.

Igitur in doctrina legis hoc præcipue spectari a nobis debet, ut ad cognitionem peccati nostri illa perducamur. Id fiet, si uires nostras confirmamus ad legis spirituales exactiones, qua requirit a nobis non solum operum exteriorum iusticiam, sed etiam internam cordis puritatem. Hoc qui non faciunt, semper fingent absurdissimum esse, dici, quod tales leges positæ sint nobis a deo, quibus nemo debitam & perfectam obedientiam possit præstare, nemo gratiam illis mereri.

Sed sumus omnino perfecte iusticiæ debitores: quam præstari a nobis est impossibile. Quod si homo in peccatum nunquam collapsus fuisset, habuisset eam iusticiam, futurus in omni uita sua perfecte iustus, uerax, & sanctus coram deo. Nunc uero quia incidit in peccatum: & lex, in carnalem naturam, spiritualis & sancta: non iustificatur lege, sed peccati sui, debitæ & perfectæ obedientiæ, admonetur: denique & reus peragitur omnium maledictionum legis, ut nisi per gratiam, quæ offertur in Euangelio, saluari non possit.

Plures autem, uel contra uoluntatem legis, tegunt atque excusant suum peccatum: quod quanto periculo faciant, discite i. Ioan. i. Isti sunt qui peccatum cordis negant esse peccatum. Nam alioqui, non possent suum peccatum tegere & excusare: nec possent serio dicere, non peccaui, facti homicidæ, adulteri, raptores, & horum similes. Ergo aliud peccatum est, quod negant peccatum esse: quam quod nesciant quid dicant, & nihil prorsus legis intelligant. Sic autem excusabat peccatum suum pharisæus. Lucæ xviii.

Nunc uide quæ sit absurditas docere, quod lex plura exigat quam præstare ualeamus. Nisi enim hoc faceret, nec de peccato nos satis doceret: nec ad gratiam Christi querendam impelleret. Et per consequens, ad rem iustificationis coram deo uana & inutilis doctrina esset. Non enim uult nos deus per legis exactiones opprimere: sed salutem nostram consulere, eo quem dixi modo.

#### QVOD LEGIS EXACTIONI DEBVIMVS,

*expendisse pro nobis Christum: adhuc de  
promissionibus & Euangelio.*

CAP. III.

**D**Elati sumus tandem curriculo sermonis ad eum usque locum, quo explicanda est pars illa altera doctrinæ Christianæ, quæ tradit, quomodo per gratiam, & cuius beneficio a peccato & eterna morte liberemur. Id enim exigit propositi operis ratio. Satis enim dictum est hactenus: cur impossibile sit, legibus ullum hominem iustificari, seu liberari a peccato & morte. Quia exactionibus legis nemo potest satisfacere: quare nec iustus aut beatus esse, per opera sua coram deo. Impedimur enim,

enim, carnis, hoc est, naturæ carnalis, imbecillitate, & tyrannide Diaboli, quam aduersarius iste Dei & Iesu Christi exercet in omne genus humanum, quod liberum quidem futurum erat, si sine peccato mansisset. Nunc uero peccato seruit & peccat: quo nomine ex Diabolo est: sicut Ioannes ait: Qui facit peccatum, ex Diabolo est. i. Ioannis tertio. Nam homo quidem conditus fuit rectus, qui si in sancti operis proposito, & uera erga Deum obedientia permanere uoluisset: potius, quam impia suadenti Diabolo obsequi & parere, nunquam periisset. Sed quia diuersum secutus est, horribili calamitate corruit: qua se & uniuersum genus hominum seruum peccati & Diaboli constituit, & in laqueos æternæ mortis coniecit. Sic enim est peccator homo, ut iam pro naturæ suæ ingenio, non possit nisi insignis contemptor Dei esse, contraria uoluntati Dei affectare, cupere & uelle: & plerumque quo trahit cupiditas sequi. In summa, iræ filius esse. Nec parua hæc iniuria in Deum est: sed hanc peccati uolentiam cernere est in omnibus, qui nōdum sunt renati per fidem in Christum. Quanquam ipsi quoque renati non sint liberi prorsus: hoc est, sine omni peccato in carne. Quia cum peccato omnes sancti luctantur: ac sustinent difficilimum certamen. Cæterum hec mala nobis adesse, debuit per legē declarari: reliquum est, ut de euāgelio loquamur, quo docemur, quomodo & per quem rursus ex illis liberemur.

Hæc est ergo promissionum & Euangelij doctrina, quod gratis, per misericordiam Dei, propter Christum redemptorem, & peccato & morti eripiamur. Ad hoc enim, misit Deus filium suum, & damnauit peccatum in carne, hoc est, in filio suo, quem uere incarnatum, tradidit pro liberandis nobis in mortem. Christus igitur rem salutis amissam, & omnium manibus perditam, sua cruce & morte iterum nobis restituit, ac reparauit. Voluntaria enim morte sese precium dedit & uictimam pro nostris peccatis: & sic a maledictionibus legis redemit. Denique seipsum donando nobis, exhibuit ueram iusticiam & æternam uitam: ut quicumque in eum credunt, sint iusti, sancti & beati coram Deo, nihil habeant cum lege, nec lex quicquam contra eos, sed sint gratiæ filij, & habeant uitam æternam. Sed & spiritum sanctū nobis promeruit, quo ductore & gubernatore peccato & desiderijs eius prorsus ualedicimus, & in nouitate uitæ ambulamur. Hoc uoluerunt olim omnes promissiones illæ, quæ sunt ministerio sanctorum prophetarum, de gratia erga nos Iesu Christi, dictæ: sicut in literis Apostolorum diligenter exponunt. Illis enim clare docemur, quod sepe dixi, legē non esse iustificatiōis doctrinā: & oportuisse legē per reuelatas Euangelij promissiones abrogari: quia alioqui nulli pateret aut patuisset unquam introitus in cælū, & regni Dei hereditatem. Quare ea causa in hoc capite aliquot proferam. Sed prius eius gratiæ, quam dixi Euangelij esse, quædam testimonia præmittam, quo paratius ad

Promissionū  
& Euangelij  
doctrina.



promissionum expositionem accedam. Igitur Ioannis tertio hæc referuntur ipsiusmet Christi uerba. Et sicut Moses exaltauit serpentem in deserto: ita exaltari oportet filiū hominis, ut oīs qui credit in eum non pereat, sed habeat uitam æternā. Sic enim Deus dilexit mundū, ut unigenitum filium suum daret: ut omnis qui credit in eum non pereat, sed habeat uitam æternam. Non enim misit Deus filium suum in mundum, ut iudicet mundum: sed ut saluetur mundus per eum. Qui credit in eum non iudicatur: qui autem non credit, iam iudicatus est. Quia non credidit in nomine unigeniti filij Dei.

*Christus pro  
meruit nobis  
uitam æternā*

Magnifica profecto hæc prædicatio est doctrinæ Euangelij de gratia, Christo & fide in Christum: & quæ mihi locum Pauli: Deus misit filium suum, & de peccato damnauit peccatum in carne, adposite ac clare exponit. Primum enim testatur, conferri nobis uitam æternam: sed liberatis beneficio mortis Christi, crucifixi uidelicet, pro nostris peccatis. In cruce enim pendens, respondit typo exaltati serpentis in deserto. Iam ut aspectu ænei serpentis in gratiæ signum erecti seruabantur morte, icti ab ignitis serpentibus: ita qui fide promissionis Euangelij respiciunt in Christum seruantur a morte. Nec impedit illos peccatum antiqui serpentis, hoc est, Diaboli morsus, prima Cor. xv. Aculeus mortis peccatum est: uirtus uero peccati lex. Deo autem gratia, qui dedit nobis uictoriam, per dominum nostrum Iesum Christum. Quare testatur hic locus, uitam æternā ijs cōferri, qui in Christū credunt: quā lex nulli potuit impetrare. Quia neminē potuit a peccato liberare, seu iustificare.

*Numb. 21.*

*Quod benefi-  
cium redem-  
ptionis sit gra-  
tium.*

Secundo agitur de gratuita misericordia Dei, qua acceptamur in filios gratiæ, & uitæ æternæ hereditatem, nullius alterius beneficio præter quam unigeniti filij Dei: quem ille quidem per meram charitatem suam qua dilexit nos, precium dedit & satisfactionem pro nostris peccatis. Proinde hac exclusiua apertissime tollitur meriti operum nostrorū gloriatio. Dilexit enim nos Deus, misertus nostri: non respiciens merita seu dignitates nostras. Imo quid merebamur peccatores nisi æternam mortem? Gratis ergo succurrit nobis: & tam charo precio, nempe, unigeniti filij sui morte, salutem nostram redemit. Nec requirit a nobis Deus aliud, nisi ut tam amplum gratiæ beneficium per fidem recipiamus & æternaliter possideamus: ornantes hæc gratiæ dona, confessione, laude, inuocatione, gratiarum actione, & totius uitæ nouitate. Nec tamen est re- compensatio beneficij huius in hac nostra obedientia: quia saluationis gratia recipitur per solam fidem. Qua ratione constat dona illa Dei gratuita esse: & sine meritis operum nostrorum donari: Imo exclusa meriti operum nostrorum gloriatione. Sicut Paulus docet: Roman. tertio. Ephes. secundo. Sicut enim sine meritis operum nostrorum in gratiam recipimur: ita recepti in gratiam, & iustificati per Christum, non me-  
remur

remur gratiae donum, sed Deum pro gratia glorificamus. Terrio adijcitur, quomodo non missus sit Christus tanquam seruus quidam & implacabilis iudex: qualem imaginantur esse, hypocritae isti & iusticia-rij, qui illum sibi conciliandum esse operibus suis ducunt: cum sit omnium seruator clementissimus. Iuxta illud Esaie xlix. Parum est, ut sis mihi seruus ad suscitandas tribus iacob, & feces israel conuertendas. Dedit te in lucem Gentium, ut sis salus mea, usque ad extremum terrae. Haec est amplissima consolatio, qua uniuersaliter omnibus aeterna salus in Christo offertur: neque rejicitur ullus homo, quantumcumque sit peccator: modo talem recipiat fide sua esse Christum, nempe, aeternum omnium seruatorem, qualis offertur. Condemnationis enim unica causa est, non credere: & non recipere, Christum talem esse. Itaque & qui manent in incredulitate, seipsos excludunt a gratia: & aeternam salutem a se rejciunt. Atque huc facit illud Ioannis xij. Ego lux in mundum ueni: ut omnis qui credit in me, in tenebris non maneat. Et si quis audierit uerba mea, & non custodierit: ego non iudico eum. Non enim ueni, ut iudicem mundum: sed ut saluificem mundum. Qui spernit me, & non accipit uerba mea, habet qui iudicet eum. Sermo, quem locutus sum, ille iudicabit eum in non iussimo die. Roman. viij. Nulla nunc condemnatio est his qui sunt in Christo Iesu.

Quod Chris-  
tus non sit  
crudelis iu-  
dex: sed ele-  
mentissimus  
seruator.

Quarto, reditur ad fidei conditionem, saepe inculcatam. Qui credit in eum, non iudicatur: qui autem non credit, iam iudicatus est. &c. Nam Euangelij praedictio, proponit & offert nobis hanc nouam conditionem, seu nouum pactum, ut fide recipiamus oblatam gratiam, remissionem peccati, iusticiam & aeternam uitam: haec enim dono gratiae, per gratuitam misericordiam, nobis exhibentur omnia, propter Christum & in Christo. Nam Christum mediatorem habemus & pignus, huius noui pacti, seu nouae conditionis: nec excidunt ab hac gratia homines, nisi per incredulitatem. Contemnit enim incredulitas Euangelij uerbum: tum ipsummet seruatorem, filium Dei Christum: tum ipsam quoque misericordiam Dei patris. Ideo meretur castigationem aeternae condemnationis. Mar. ultimo. Euntes in mundum uniuersum, predicate Euangelium omni creaturae. Qui crediderit & baptizatus fuerit, saluus erit: qui uero non crediderit, condemnabitur.

Noua fidei  
conditio: seu  
nouum pactum

Porro, illi loco qui iam enarratus est, addam hoc Pauli testimoniū, de eadem saluationis gratia, quam per Christum habemus, quod est ad Col. secundo, Et uos cum mortui essetis in delictis, & praeputium carnis uestrae, conuiuificauit cum illo: donans uobis omnia delicta, delens quod aduersus nos erat chirographum decretis constans, quod erat contrarium nobis. Et sustulit illud e medio, affigens cruci: & expolians principatus & potestates, ostentaui palam, triumphans illos per se.



Idem ad Tit. iij. scribit: non ex operibus iusticiæ quæ fecimus nos, sed secundum misericordiam suam saluos nos fecit.

*Abrogatio  
24.*

Docet igitur Paulus abrogatā esse legem, beneficio mortis Christi: sed cur abrogari quæso debuisset, si illa iustificari potuissimus? Et cur ita abrogata est, si aliter quam per traditionē Christū in mortem liberari potuissimus a peccato et a morte? Verum quia per legē nemo potuit iustificari, illa tantū eternis execrationibus deuouit peccatores: quæ maledictio & ira potissimum intelligi debet abrogata et inducta esse, ubi agitur de legis abrogatione: seu ius illud exigendū perfectā obedientiam, seu debitum perfectæ iusticiæ, cuius nemo unquā potuit esse soluendo. Eoq; nemo, nisi condēnari per legem. Sed beneficio Christi habemus, quod etiāsi exactiōibus legis nemo satisfaciat, tamē lege nemo condēnari possit. Huc facit illud Pauli, ij. Cor. v. Eū qui nō nouerat peccatum, pro nobis peccatū fecit, ut nos efficeremur iusticia dei in ipso. Gal. iij. Christus nos redemit de maledicto legis, factus pro nobis maledictum. Sed interim tamen manet obedientia erga legē, ut cuius sunt renati debitores, quia sunt debitores mortificandę carnis & seruiedī proximo. Quanquā autem hæc obedientia omitti non possit: tamē saluatio gratis contingit, sine meritis operum nostrorum, per misericordiam, propter Christum, quod gratiæ beneficium omnibus pietatis operibus ornare debemus.

His fundamētis doctrinę Euāgelij præiactis, mox subscribā aliquot earū promissionū, quæ factę sunt per sanctos prophetas, de regno gratiæ Christi, contra imperium, imo tyrannidē, peccati, mortis & Diaboli. Idq; hoc consilio, ut palam fiat, hanc iustificationis doctrinā, de qua in hoc scripto ago, non esse nouā in Ecclesia: sed semper a condito mūdo, usq; ad hæc tempora, eandem apud omnes pios, qui modo recte instituti sunt, perdurasse: & duraturā usq; ad diem aduentus iudicis Christi. Error est em̄, cuius nemo potuit autor esse, nisi Diabolus & Antichristus, quo existimatur, qd ex operibus legis, nostra industria factis, iusticiam coram deo & salutem consequamur.

*Promissiones  
prophetice  
de regno  
Christi.*

Proinde initia Euāgelij sunt uetustissima: mox enim cū lapsus esset primus homo in peccatum: et per peccatum in diaboli potestatē redactus, erexit eū deus & consolatus est prima Euāgelij promissione. De qua Gen. iij. scribitur in hūc modum: inimicitias ponā inter te & mulierem, & inter semen tuum & semen illius. IPSVM conteret caput tuum: & tu mordebis calcaneum eius. Significatum est enim hac promissione, nasciturum fuisse uerum hominem, qui oppressurus erat Diaboli imperium, & omnem illam potestatem ei erepturus, quam per peccatum in uniuersum hominum genus usurpare cœperat. Tunc cum uerbum dei calumniari cœpisset: & fidem ac reuerentiā illius, homini uix dum creato, abstulisset. Hoc igitur fuit, isti antiquo serpenti Diabolo;

caput

caput contere, imperium uidelicet, & sæuam tyrannidē eripere, quā obnoxiiū tenuit totum hominum genus, seruum peccati & reum æternæ condemnationis. Deinde hominē ipsum, cum tota posteritate, in pristinum statum filiorū dei restituere: hoc est, liberare a peccato & æternā morte, & efficere iusticiæ & eternæ uitæ hæredes. Quod factū esse quidem & impletū, per Iesum CHRISTVM Dominum nostrū, ipsi Euangelistæ & Apostoli sunt nobis locupletissimi & firmissimi testes. Nā in huius prædicatione consumāt totius noui testamenti doctrinam.

Vicit ergo & contriuit caput istius serpentis, auferens illi regnum, ac destruens, quod fuit peccati & mortis, Iesus Christus Dominus noster. Et in nos huius suæ uictoriæ beneficiū omne contulit: non respiciens, quid nos merebamur, siue nostram indignitatem: neq; requirēs aliud a nobis, nisi gratiæ suæ fidē. Quāquā hac eadem gratia erudiat nos, ut abnegata impletate & secularibus desyderijs, sobrie, pie & iuste uiuamus in presenti seculo. Sed apprehēdi illa gratia & teneri aliter nō potest nisi per fidē. Contingit em̄ gratis, per misericordiā dei, propter Christum. Hinc etiam omne, quod non fit, per huius gratiæ gratiæ fidem, uere peccatum est coram deo. Et quo maior est arrogantiā & fiducia propriæ iusticiæ, eo grauius peccatur.

Insidias tamē adhuc struit malignus iste, & contriti capitis serpens, regno filij dei: & homines perdere, nō prorsus quiescit, sed laborat ut saluē aliquot Christo eripiat: ut etiā Petrus dicit. i. Pet. v. Sed & in promissione huius periculi admoniri sumus. Sed nihil potest cōtra nos efficere, nec succedit eius pestiferis conatibus: modo uera in Christū fide prædicati sumus ac permaneamus. Tradita est em̄ Christo omnium rerum potestas. Matt. xxviii. Et ideo de Ecclesia, quæ fidei liberatori Christo, dictū est: & porte inferorū non præualebunt aduersus eā, Matth. xvi. Petrus etiā eodē respiciens iubet ut Diabolo fide nostra uiriliter resistamus: utiq; quā illi obijcimus redemptorē Christum, qui pugnat pro nobis cōtra Diabolum. Proinde ipsa quoq; Ecclesia superat, cōculcat, uincit ac cōterit fide sua Diabolū: a Christo contritū. Non em̄ est opus alijs præsidijs ad hanc uictoriā: nisi fide debellari a Christo et cōtriti aduersarij istius Diaboli. Nostris operib; iusticijs, nunq̄ posset uinci: sed ut uinceret a nobis, Christus sua uictoria nos donauit. In hac ergo dum gloriamur per fidem, uictores & eternū beati sumus. Hæc ergo priā gratiæ et Euāgelij promissio fuit: ex qua deinde oēs reliquæ de Christo promissiones fluxerunt: donec manifesta Euāgelij prædicatione, de incarnatione, morte, resurrectione Christi, filij dei, illius gloria declarari cœpisset. Porro sancti patres, qui olim daruerūt, iusti et filij dei, harū promissionū fide sunt salui facti, nō aliter q̄ nos fide promissionū Euāgelij saluamur. Quæ ab illis quæ patribus sunt factæ, in nullo penitus uariant. Nisi quod restantur Christum promissum, esse exhibitū & regnare. Et prophetarū quidē promissiones



sunt aliquanto obscuriores. Euangelio: quemadmodum alijs & alijs promissus deus subinde clarius adperuit, adhibitis varijs circumstantijs. locorum, temporum, signorum, ubi, quando, & in quo populo, ex qua tribu, Christus ille, insignis rex, deus & homo, sui populi uerus pastor, & æternus seruator, esset proditurus. Quorum nunc aliquot exempla subscribam.

Promissio A.  
de facta.

Igitur cum plures de Christo promissiones colligi possint, ex libro Genesis, maxime tamen præclara extat capite xxiij. in hæc uerba. Per me ipsum iuravi, dicit DOMINVS: quia fecisti hanc rem. (sic enim Abraæ locutus est, consolans eum) & non peperisti filio tuo unigenito propter me: benedicam tibi, & multiplicabo semen tuum, sicut stellas coeli, & uelut arenam quæ est in litore maris. Possidebit semen tuum portas inimicorum tuorum; & benedicentur in semine tuo omnes Gentes terræ. Quia obedisti uoci meæ. Nō enim permittendum est, ut hæc spiritualissima promissio Iudaice exponatur. Loquitur enim in ea Deus de Ecclesia, quæ ex omnibus Gentibus & populis per Euangelium in fide nominis CHRISTI nascitur & congregatur, uerum Abraæ semen; & prædicatur regnatura, spūali uicq; & æterno regno per Christū.

Quoniam quia in Iudaico populo nasci debuit Christus, semen Abraæ intelligendum est dici, ante omnia Iudæos: ex quibus secundū carnem genitus est Christus Roman. primo: Per quem omnes benedicimur. Gala. iij. Spiritualibus & coelestibus benedictionibus. Ephe. primo. Atq; hinc certe clarum est germanum illud & spirituale semen Abraæ, populi qui hic promittitur, cuius rex & saluator Christus est, & qui uincit perpetuo peccatum & mortem, atq; in æternum durat, eos filios esse, qui promissioni remissionis peccati credunt & uitæ æternæ per Christum: sicut Paulus docet Roman. ix. Iam etiā Paulus hanc promissionem, de Christi regno & spiritualibus benedictionibus, intellexit atque exposuit Gala. iij. Neq; uero operum Abraæ meritum, seu dignitas illorum coram deo, in hac promissione predicatur, quasi in illam respexerit deus, sed obediētia, opus perfectæ fidei, in eo laudatur: fidei in quā, quæ gloriationem illam operum, meritum & dignitatis nostræ, penitus tollit, aufert & excludit: scilicet, superciliosam & impiam. Ideo nullo modo illam secum ferre potest fides: sed nude coniicit se in promittētis gratiam & bonitatem. Atque ita omnem saluationis gloriam tribuit deo, & ferre misericordie eius gratiæ acceptam.

Prophetia Iacobi  
de aduentu  
Christi.

Signa temporū Christi certa & infallibilia prædixit Patriarcha Iacob. Gene. xlix. Nō auferet sceptrū de Iuda, nec ductor de subsellijs eius, donec ueniat Silo, cui adhigebunt populi. Quia post exhibitū & reuelatū Christū, nō fuit necesse ultra discernere inter gentem & gentē, populū & populum. Ideo regnū, seu sceptrum, & imperij terreni & corporalis

maiestas, tunc cessare debuit & auferri a populo Iudaico: & Christus predicari omnibus sub coelo gentibus & populis unus & idē Dux, Seruator, Rex & Pastor eternus. Ezech. xxxvij. Quare regni & sacerdotij tēporalis in Iudaico populo abrogatio, signū est adimplerēz promissionū, & Christi ubiq; regnātis: ne porro alium seruatorez expectemus, quā eum qui missus est, & Euāgelistę & Apostoli nobis predicant, nempe, Christū Iesum. Qui his signis etiam apud Iudeos daruit, quibus predictum eum Elaias fore nobilē: cap. xxxv. Tunc aperientur oculi cæcorum, & aures surdorum patebunt. Tunc saliet sicut ceruus claudus, & aperta erit lingua mutorum. &c.

Exodi xxij. talis promissio extat, Ecce ego mittam angelum meum: (angeli nomen, misso cōpetit: qualis fuit Christus, Euāgelij nuncius & preco apud Iudeos, Roma. xv.) qui precedat te & custodiat te: (hoc est ducis, & seruatoris.) & introducat in locū, quē preparauī. (in mansiones illas eternas in coelis. Ioan. xiiij.) Obserua eū et audi uocē eius. Quia non dimittet cū peccaueris. Est em̄ nomen meū in illo. Sic ergo de Christo et hęc promissio facta est, qui futurus erat dux & seruator populi dei: quem etiā solus liberare potuit a peccato & morte, & introducere in æternę uitę gloriā. preparatā sanctis a deo. Quē nos ea causa, et hoc noīe, per obedientiā fidei honorare & colere debemus: et uocē illius audire, hoc est, credere Euangelio et promissioni gratię per ipsum, cū præsertim eos qui credūt Euangelio, in nullo peccati discrimine deferat: sicut et Ioan. testat. i. Ioan. ij. Quem deus hoc diuino nomine, sue erga nos gratię, bonitatis et misericordię, signauit. Quod de alio, quā de Christo intelligere non licet. uide Ioan. iij. Acto. iij. x. et xiiij.

Deut. xviij, predictus est, fore propheta et doctoz sui populi Christus. Doctor autē, noue utiq; et alterius doctrinę, quā tradita fuerat per Moysen in lege. Nam ut iustificationis autor et causa omnibus fieri debuit: ita necesse habuit iustificationis doctrinam adferre. Eam igitur attulit per Euāgelium, in quo est promissio reconciliationis, remissionis peccati, iusticię et uitę eternę: quā habeant, qui in ipsum credunt. Verba promissionis sic habent: Prophetā de gente tua et de fratribus tuis, sicut me suscitabit tibi dominus deus: ipsum audies. Nā et Apostoli hęc promissionē de Christo intellexerūt et exposuerunt: sicut habes Act. iij. Est autē memorabilis ea gratię promissio, ppter causas illas abrogatę legis, quę ostēdunt nō alię fuisse, nisi q̄ lex neminē potuit a peccato et a morte liberare, neminē uere iustū efficere corā deo. Quāq; nō destitit peccatores accusare et cōdēnare. Propterea fuit durissima et intolerabilis doctrina, quā etiā deprecatus est populus. Cui deus annuēs, et pro āplitudine misericordię sue respōdit: bñ oīa locuti sunt. Prophetā suscitabo eis, de medio fratrum suorū, sicut te: et ponā uerba mea in ore eius; loqueturq;

Promissio de  
Christo Ex.

Christus,  
doctor promi  
ssus Deut. 18,



ad eos omnia quę precepero illi. Qui autē uerba eius, quę loquet̃ in no-  
mine meo audire noluerit, ego requirā ab eo. Nihil significat se puni-  
rū, nisi gratiæ contemptum: qui est in illis, qui Euangelio non credunt.

*Christus de  
familia Da-  
uid promissus*

*Promissiones  
Dauid facta*

II. Regum vij. de domo & familia Dauid nasciturus prædicitur,  
rex ille æternus & omnium seruator Christus. Promissionis uerba sic  
habent: Cumque completi fuerint dies tui, & dormieris cum patribus  
tuis, suscitabo semen tuum post te, quod egredietur de utero tuo: & for-  
tunabo regnum eius, ipse ædificabit domum nomini meo. (Hæc do-  
mus est Ecclesia sancta, catholica, omnium qui crediderunt, credunt  
& credituri sunt in Christum: edificata per uerbum Euangelij & spiritū  
sanctum, in qua una deus habitat, & uere glorificatur: non in manufa-  
ctis templis, Esaig ultimo, Act. vij. & xvij.) Et fortunabo thronum e-  
ius, usq; in sempiternum. Ego ero ei in patrem: & ipse erit mihi in filium.  
Is igitur est Christus, unigenitus ille filius dei: qui unus omnibus pla-  
cat Deum patrem, & in regno gratiæ efficit filios & hæredes. Nec ha-  
beret regnum, nisi filios constitueret: nec aliter sempiternum, nisi per  
reconciliationem cum Deo.

Eodem pertinet hæc in Psalmo cxxxij. promissio. Iurauit DOMI-  
NVS Dauid ueritatem, non auertetur ab ea: de fructu uentris tui po-  
nam super sedem tuam. Item hæc, quę promittebat Christum fore æter-  
num pontificem & sacerdotem Psal. cx. Iurauit DOMINVS Da-  
uid, non poenitebit eum: Tu es sacerdos in æternum, secundum ordinem  
Melchizedec. Nam Christus placare nobis sanguine suo in hoc ponti-  
ficatu, Deum patrem debuit: & sic liberare a peccato & ab æterna morte.  
Quę reconciliatio & salus, per legem non potuit haberi. Ioannis primo.  
Ecce agnus Dei, qui tollit peccata mundi. Cæterū apud Esaiam ma-

*Promissiones  
de Christo apud  
Esaiam*

ximenobiles & prædare de Christo promissiones extant. Nam de celi-  
tate temporum & regni Christi primus locus est apud eū Prophetam  
cap. ij. nec dissimilis ad modū cap. v. quos non uideo, qua commodita-  
te possim huc transscribere: cum & prolixiores sint, & figuratis locutio-  
nibus nonnihil obscuri. Sed cap. vij. prophetia est, de ortu Christi, ex  
uirgine incorrupta. Nam oportebat eum uerum semen mulieris nasci: &  
sine peccato. Et huius uaticiniū meminit Euangelista Matthæus. capite  
primo, quod ut notum omniū. Est & capite undecimo apud Esaiam ir-  
refragabile de CHRISTI regno testimonium: & alijs subinde lo-  
cis, apud eundem Prophetam, de eadem re clara uaticinia. Quę om-  
nia relinquo sedulitati p̃ij lectoris inuestiganda. Quę igitur prophe-  
ta ille de CHRISTI regno habet uaticinia, nos recte interpretamur, de  
interna & spiritali administratione: quę Iudei prodigiose et ineptissime  
per coactā literā et uiolēter, ad corporale & mundanū regnū, qđ somni-  
ant, torquēt: non intelligentes scripturā Christo, & sanctis in Christo,

pro

promittere regnum spirituale, diuinum, coeleste, & æternum: quo liberamur a peccato & ab æterna morte. A Capite autē, xlix. apud Esaiam, prope historia textitur de Christo: usq; ad eius prophetici libri finem. Nam & in ea narratione de Christo ibidem non pauca dicuntur, quasi sit rerū prius gestarum descriptio quedam: cuius require exemplum præcipuū cap. liij. de passione, morte & glorificatione Christi.

Apud Hoseā uaticiniū est, de mortis & inferni abolitione per Christum. De manu mortis liberabo eos, de morte redimā eos. Ero mors tua o mors, morsus tuus ero inferne. Sic enim loquitur Deus ille, qui incarnatus, passus & resurrectionis immortalitate glorificatus, inferni mortē destruxit. Et credibile est, quod eum locū signarit nobis Paulus. i. Cor. xv. ubi hoc agit, quomodo per resurrectionē Christi a morte, nostra mors aboleatur, ita scribens: Cū autē mortale hoc induerit immortalitātē, tunc fiet sermo qui scriptus est. Absorpta est mors in uictoria. Vbi est mors aculeus tuus? Vbi est inferne uictoria tua? Aculeus autē mortis peccatū est, uirtus uero peccati lex. Deo autē gratia, qui dedit nobis uictoriam, per Dominum nostrum Iesum Christum.

*Vaticiniū de  
abolitione  
mortis & in-  
ferni, apud  
Hoseā,*

Micheas inter alia suorum uaticiniorū, etiam locum natalem Christi indicauit, cuius prophetiæ Mattheus Euangelista meminit cap. ij. Et tu Bethlehē Ephratah, paruula ut sis in milibus Iuda. Ex te mihi egredietur, qui sit dominator in Israel. Et egressus eius ab initio, a diebus eternitatis: ut uideas etiam Deum, ab hoc propheta, Christum prædicari, lege Mich. v.

*Micheas locū  
natalē Chri-  
sti explicans*

Apud Hieremiam de promissionibus gratiæ per Christum, præcipui loci habentur, cap. iij. xxiij. & xxxi. Nam & cap. xxxiij. irrefragabili testimonio, tribuit Christo diuinitatem, in hæc uerba: Ecce dies uenient dicit Dominus, & suscitabo Dauid germen iustum, & regnabit rex & sapiens erit, & faciet iudiciū & iusticiā in terra. In diebus illis, saluabitur Iuda: & Israel habitabit cōfidenter. Et hoc est nomē quod uocabunt eū: Dominus iustus noster. Nam hoc loco hebræis est ineffabile illud: in arcanis literis soli Deo attributum.

*Apud Ieremi-  
am promissio-  
nes.*

In Ezechiele est cap. xxxiij. contra impios pastores scriptū: & rursus de unico illo, uero, saluifico, omniū populorum & seculorum pastore & rege Christo Iesu. Cap. xxxvi. insignem locū continet, de gratia noui testamēti: & lauacro spiritus sancti, qui est spiritus Christi, quo ille tingit & baptizat, quos est peccato & eterne morti crepturus. Cap. autem xxxvij. agitur de restitutione generali, totius generis humani: quæ consumabitur, quādo omnes illi, qui in Christum crediderunt, excitabuntur ad eterne uitæ gloriam, sicut eodē loco docetur. Et promittitur præterea uniuersali Ecclesie, suus ille unicus Rex & pastor Christus. Rex, inquit propheta, unus erit omnibus imperans, & non erunt ultra duæ

*Ezechielis lo-  
cus de gratia  
nouī testamē-  
ti.*



Gentes, nec diuidentur amplius in duo regna, nec polluentur amplius in idolis suis, &c. Quæ omnia non quadrant, quam in Christum & Ecclesiam: sicut etiam ea quæ mox subiiciuntur. Et erunt mihi populus: & ego ero eis deus. Et seruus meus Dauid rex super eos: & pastor unius erit eorum, &c. Ioannis decimo.

*Habacuc*

Promittit & Habacuc Christum illum eximium, regem æternum: qui erat omnia unus restauraturus, ut per consolationem eam, quam de dit, populum in promissionis Euangelij fide retineret capite ij. Quia adhuc uisio procul, & apparebit in finem, & non mētietur. Si moram fecerit, expecta illum: quia ueniens ueniet, & non tardabit. Ecce qui incredulus est, non erit recta anima eius in semetipso. Iustus autē fide sua uiuet.

*Zacharias*

Zacharias multas habet de CHRISTO, Ecclesia, & legis abrogatione, prædicas contiones: quæ omnes commodius apud eundem prophetam cognoscuntur, quam si huc a me transcriberentur. Introducit regem Christum, uenientem suæ Ecclesiæ, super asinam, & super pulum, filium asinæ. capite ix. Deinde est apud eundem, capite xi. proditio illa & uenditio CHRISTI signata: quæ facta est permutatione triginta argenteorum, uilissimo precio.

*Malachias*

Malachias deniq; de sacerdotij legalis abrogatione, ut inefficacis adiustificandū, uaticinatus est: & de Christi aduentu, nouis & spiritualibus oblationibus, acceptis deo per Christum, hoc est, de nouo & spirituali dei cultu in omnibus Gētib;: qui situs est in fide cognitionis Christi, & uera poenitentia illa cordis & totius externæ nouitatis. Ita ut abunde satis datur intelligi. Roman. xij. prima Petri. ij.

*Prophetarum  
promissiones  
de Christo  
quo respiciāt.*

Et hæc quidem sunt e multis pauca, quæ hactenus a me relata sunt, & passim scripta a sanctis prophetis, de gloriæ regni gratiæ filij dei, Iesu Christi, DOMINI & seruatoris nostri. Ex quibus maxime perspicuum est, nos saluos fieri, non per opera iusticiarum nostrarum: sed per fidem misericordiæ dei, & propiciatorem Christum. Quia si per opera nostra coram deo iustificari possemus, Christus mediatoris & iustificatoris officium retineri & tueri haud quaquam posset: quod illi tamen, in iam dictis prophetis promissionibus omnibus tribuitur. Deinde uidere est hanc promissam misericordiam & saluationem, quæ nostra a Christo est, esse gratuitam. Quia deus iustificat & saluat nos per filij sui mortem: quæ est tanti precij, ut nihil pro ea ab uniuersis creaturis reddi possit. Hac igitur omnem illam gloriationem iusticiarum nostrarum funditus tollit atque excludit.

In summa, sic abrogatæ sunt conditionatæ legis promissiones, quæ nobis propter impossibilitatem, naturā rebellem legi & Deo, inuiles fuerunt. Et alia res ad iustificandum proposita est, nempe, promissio reconciliationis propter Christum. Dixi autem supra harum fide, patres qui sub

qui sub priori testamento claruerunt, iustificatos esse, cuius habes testimoniū. i Cor. x. quās & nos in fundamentū iustificationis ponimus: sed exhibiti & regnantis Christi. Sic enim semper una uia, una ratio, & modus fuit, coram Deo iustificandi: tam patribus quam nobis. Vna est enim salus & aeterna beatitudo, communis omnium, per unicum illum uictorem peccati & mortis, filium Dei unigenitum, Iesum Christum: quē patres per fidē non minus habuerunt, regnātem in cordibus suis, & destruētē peccatum & mortem, quam nos. Quia omnibus est unus & idem aeternus saluationis mediator, qui credunt in eum. Hinc est illud Heb. xij. Iesus Christus heri & hodie, idē ē & in secula. Ioan. viij. Abrahā exultauit ut uideret diē meum: uidit & gauisus est. Proinde hec omnia arguunt errorem, insipientiam & uanitatem, eorum qui per opera legis iustificari quāerunt: nō sēp tribuunt meritum remissionis peccati & uitae aeternae: prorsus cum abnegatione & remissionum Euangelij, de saluationis gloria per Christum.

*Per Christi  
sum patres  
que ac nos in  
stificati.*

Ceterum promissiones, quas dixi, secuta sunt reuelata Euangelij tempora. Neque aliud est Euangelium quam annunciatio impletarum promissionum, in Christo Iesu, incarnato & passo, pro nostris peccatis, & glorificato, pro iustificandis nobis & redimendis ab aeterna morte. Vox letissima & gratissima omnibus qui in conscientia onus peccati sui, grauissimum illud, aliquando senserunt: & horribilem iram Dei, qua per legem omnes damnatur, uere cognouerunt. Haec enim res, desiderium Christi in omnium piorum cordibus, omnium temporum, accendit: sicut dicitur Malach. iij. Ecce ego mitto angelum meum: & preparabit uiam ante faciem tuam. Et statim ueniet ad templum suum saluator, quem uos quāeritis: & angelus testamenti, quem uos uultis. Sic Lucae x. Beati oculi, qui uidēt quae uos uidetis. Dico enim uobis, quod multi prophetae & reges uoluerunt uidere, quae uos uidetis, & non uiderunt: & audire quae auditis, & non audierunt. Sic illi quidem desiderauerunt suum Christum: sine quo salui esse a peccato & morte non poterūt. Et uiderunt tamen regnāte: sed per fidem promissionis, ut paulo ante docui, qua sola noticia Christi saluati sunt.

*Promissiones  
temporū reue  
lati per Euā  
gelij Christi.*

Proinde in hunc locum doctrinae, poterunt, qui sunt pie studiosi sacrarum literarum, congerere & coaceruare omnia illa testimonia, quae hoc tribuunt Christo Iesu, in Euangelistarum & Apostolorum literis, quod per eum & a peccato & a morte liberemur: siue, qui idem meritū iusticijs nostris adimunt. Sunt quidem huiusmodi testimoniorum innumera in literis noui testamenti. Neque enim aliud agitur in principali eius parte, quam quod negatur, posse hominem suis meritis & sua iusticia saluari: deinde, uni Christo haec laus tribuitur, uide licet, quod per ipsum saluemur. Et ego quidem collegi non paruum thesaurum eorum



testimoniorum, supra in capite iij. quem hac mentione, uolo in hunc locum de promissionum & Euangelij doctrina, omnem reuocatum esse. Huc enim totus pertinet. Sed adijciam preterea quaedam alia testimonia, ut locupletiore reddam thesaurum doctrinae, quo conscientie nostrae muniendae sunt & confirmandae, contra impiorum doctrinas. Nam Christus est precium & satisfactio pro nostris peccatis & pro aeterna morte, adeoque firmissimum pignus promissionum euangelij, per quas nobis annuntiatur placatus deus, remissio peccati, iusticia & aeterna beatitudo.

*Christus me-  
dicus anima-  
rum.*

In hanc sententiam dicitur de Christo, Matth. primo. Et uocabis nomen eius IESVM: ipse enim saluum faciet populum suum a peccatis eorum: Et cap. nono. Non est opus ualentibus medico: sed male habentibus. Nam his uerbis facit se Christus medicum animarum nostrarum: quod irreuerenter, ne dicam impie diceret, si ipsi per iusticias nostras possemus saluari. Huc facit illud eiusdem, cap. xi. Venite ad me omnes qui laboratis & onerati estis, & ego reficiam uos. Et cap. xviij. Venit enim filius hominis seruire, quod perierat. Et xx. Sicut filius hominis uenit, non ut sibi ministretur: sed ut ipse ministret, & det animam suam redemptionem pro multis. In quibus omnibus, uel unicuique horum testimoniorum, maximum tonitruum est, ad conterendam impudentiam & blasphemias arrogantias omnium iusticiariorum.

Mar. primo scribitur, testatum fuisse Christum, se in hoc uenisse, ut doceat Euangelium regni dei, in quo praecipuum fuit declarare, imo unice proprium, quomodo per misericordiam dei gratuitam, qua traditus est precium pro peccatis nostris Christus, salui efficiamur. Et haec euangelij doctrina requirit a nobis fidem, gratitatem huius misericordiae, & praestitae per Christum saluationis. Sicut apud eundem Euangelistam docetur Cap. xvi. ex mandato Christi. Euntes in mundum uniuersum, predicate Euangelium omni creaturae. Qui crediderit & baptizatus fuerit, saluus erit: qui uero non crediderit, condemnabitur. Et ex illo intelligis, quid sit Euangelium regni dei annunciare: cuius se debitorem esse Christus agnoscit. Hoc uero an predicet doctores operum, Papistas dico, ipsi uiderint.

Luc. i. in cantico Mariae matris Domini ita legimus. Fecit potentiam in brachio suo: dispersit superbos mente cordis sui. Significat enim, quod deus damnet & abiciat, eos qui arroganter & superbe, de qualibuscumque rebus suis sentiunt. Quales sunt non illi solum, qui potentiae carnis plus confidunt quam deo: similiter & in opes suas, & honores quos habent, fiduciam ponunt. Sed uel maxime, qui de iusticijs & sapientia carnis, contra gratiam, gloriantur. Possem multo plura ex Cap. i. huius Euangelistae, pulchra & praeciosa, de gratia Dei per Christum, hic proferre: sed breuitati studens, ea nunc omitto omnia. Cap. ij. haec Angelus celitus demissi praedicatio est. Ecce annuncio uobis gaudium magnum, quod

quod erit omni populo: quia natus est vobis hodie saluator, qui est Christus DOMINVS in ciuitate Dauid. Cum hoc seruatore nihil habent, nec erunt participes eius beatitudinis quicunque de meritis iusticiarum suarum coram Deo gloriantur. Oportet enim priuatae iusticie superciliū abijcere, ubi gratia regnat: aut a communicatione salutis, quae est per Christum, perpetuo exulare. Sic possem plura ex hoc Euangelista proferre testimonia, eiusdem sententiae: sed satis est indicasse illas opes, quas quilibet sibi, ex suis locis, cū maiore fructu, requirere possunt.

Ex Ioanne non uideo, quid potissimum eligam in cumulum nostri thesauri: nisi uelim totum eius librum, quem de Christo scribit, huere ponere. Vbi enim non predicat ille, quod a solo Christo sit petenda omnis salus nostra: Christū esse lucem, ueritatem, uiam & eternam uitam: & illis seipsum communicare, qui in nomen eius credunt: ut capite primo. In ipso uita erat: & uita erat lux hominum. Item, in propria uenit, & sui eum non receperunt. Quorū autem receperunt eum, dedit eis potestatem filios Dei fieri: his qui credunt in nomen eius. Quae omnia oportet, cum exclusiua quadam antithesi legere & intelligere: nempe, quia per Christum adoptamur in filios Dei, & salui erimus. Igitur per iusticias rationis non saluabimur. Reliqua apud Ioannem, diligentiae pij lectoris committo.

Ex Actis nobilissimi loci de gratia, prius a me citati sunt: ut & supra memini, esse in capite iij. huius partis. Quibus possunt addi, contiones illae Petri, & Pauli: quae habentur Act. ij. & xij. In quibus Apostoli illi diligenter exponunt, adhibitis testimonijs scripturarum, mundo exhibium esse, promissum seruatoremi, Christum: per quem donum remissionis peccati & uitae eterne possideamus, quatenus in illum credimus. Non quatenus per iusticias nostras hoc donum quaerimus. Qui enim per opera sua hoc querunt, illo frustabuntur.

Roma. v. scribit Paulus: Iustificati ex fide, pacem habemus erga Deum, per Dominum nostrum IESVM Christum: per quem & accessum habemus per fidem, in gratiam hanc, in qua stamus & gloriamur sub spe gloriae filiorum Dei. Gal. iij. Vbi tempus completum est, misit Deus filium suum, factum sub legem: ut eos qui sub lege erant redimeret, ut adoptionem filiorum reciperemus.

I. Petri ij. ita scribitur de Christo. Qui peccata nostra ipse pertulit in corpore suo super lignum: ut peccatis mortui, iusticiae uiuamus. Cuius liuore sanati estis. Significat ergo Petrus per Iesu Christi mortem tolli a nobis peccata nostra: ut eius gratiae fide, per nouitatem uitae Deo seruiamus. Nō operibus nostris saluationē queramus: sed nō aliud spectantes in operando, nisi ut iusticiae, in gloriam nominis CHRISTI studeamus. Increduli autem operarij, nullo studio gloriae Dei, aut Christi,



aut iusticie, tenentur: sed suis desyderijs, sibi & gloriæ suæ seruiūt: quæ est ipsis grauior causa æternæ condemnationis.

I. Ioannis v. DEVS dedit nobis uitam eternam: & hæc uita in filio eius est. Qui habet filium Dei, habet uitam eternam: qui non habet filium, uitam non habet. At constat filium aliter adprehendi & haberi non posse, quam per fidem: quæ a fiducia & gloriatione meriti operum nostrorum est alienissima.

Hæc sunt firma & copiosa satis, de doctrina promissionum & Euangelij: quibus nō hoc agitur, ut conditionaliter per operum nostrorum merita, saluationem quaeramus: sed fides requiritur, nostræ gratuite saluationis, quæ facta est per misericordiam Dei, propter Christum. Quare hanc fidei obedientiam gloriæ patris & filij CHRISTI debemus: quam abiurant iusticiarum carnalium professores, non dissimiles perfidis Iudeis. Scio autem cauillationes eorum, quibus utuntur contra hanc iustificationis doctrinā: sed istis respondebitur, ut alio loco pollicitus sum in libro, quem huic addam, secundo. Quanquam uere gloriari possim, hac quam tradidi doctrina, omnia commenta falsæ doctrinæ, de iustificatione, uere ac prorsus confutata, euerfa & annihilata esse.

EXPOSITIO LOCI PAULINI, QVOD IMPOS-

*sibile erat legi, eo quod infirmabatur per carnem,*

*Deus filium suum misit, etc.*

CAP. V.

**H**Actenus præcipua illa doctrinæ Christianæ capita duo exposui: prius, q̄ nullis prorsus operibus nostris coram Deo iustificemur: & alterum illud, quod per solam & gratuitam misericordiam Dei, propter Christum, iustificationis gratiam cōsequamur: si promissioni, qua nobis hoc salutis Euangelium annunciat, credimus. Secutus in hac doctrina, eam Pauli sententiam, qua Apostolus ille, utrumq; breui & absolutissimo cōpendio affirmat: sicut illic memini in huius partis præfatione: quam nunc breui expositione percurram: primum, ut ostendā paucis, quomodo prædictis quadret: Deinde ut si quam adhuc obscuritatem habere uideatur, ea breuiter exponatur. Igitur uerba Pauli principio recitabimus, quæ sic habent. Quod impossibile erat legi, eo quod infirmabatur per carnem, Deus filium suum mittens in similitudinem carnis peccati, & de peccato damnauit peccatum in carne: ut iustificatio legis impleretur in nobis, qui non secundum carnem ambulamus, sed secundum spiritum.

Quia ergo impossibile erat peccatores per legem iustificari, ideo Deus ipse per gratuitam misericordiam suam eripuit nos tyrannidi peccati et mortis, misso & tradito unigenito filio suo, in precium & satisfactionem pro peccato & morte. Nihil enim aliud sentit Paulus legi impossibile fuisse, quam auferre a nobis peccatum & mortem: & conferre rursus iusticiam

fidiam & uitam. Lex enim plura & maiora a nobis requirit, quam uiribus nostris præstare possimus, impediti uidelicet, naturæ nostræ imbecillitate, seruæ peccati & Diaboli. Ita ergo infirmatur lex, quando eius spiritali doctrinæ non satis succedit: quantum ad obedientiam nostrā attinet, quam lex a nobis perfectam requirit. Nos enim sumus carnales, ac uenundati sub peccatum: & alia affectamus, quærimus & sectamur, quam lex iubet, & fieri mandat: aut certe, non tantum facimus, quantum illa a nobis requirit. Nec denique ea puritate animorum, qua impleri debet. Quare fit, ut lex omnium maxime seruiat nobis, in ostensionem & accusationem nostri peccati, immundæ naturæ & condemnationis. Auet etiam peccatum lex: quia operatur in nobis seruilem timorem, & odium Dei, quo omnes iusticiæ ab homine peccatore fiunt coacta & inuoluntaria, mente & animo: & Deo non possunt placere.

Quare Deus misit nobis pro amplitudine misericordiæ suæ Iesum Christum, autorem & causam iusticiæ & æternæ uitæ: imo ipsam iusticiam & uitam, qui se ipsum tradidit oblationem & uictimam pro nostris peccatis: & tam peccatum a nobis abstulit, quam illius poenam, æternam mortem. Porro in uicem peccati & mortis, restituit nobis iusticiam & æternam salutem. Ex hac collatione satis liquet, iusticiam Christianam non esse sitam in meritis operum nostrorum: sed in fide misericordiæ dei & redemptoris Christi. Et hæc hætenus explicata sunt a me, in doctrina de iustificatione: omnibus pijs summa diligentia & cura discenda & tenenda: ut quibus aduersarius iste Dei, IESUS Christi, & salutis nostræ, Diabolus, nunquam non resistit: seu per tyrannos huius mundi, seu quod periculosius est, per impios doctores & callida argumēta rationis.

Sed quid illud est, quod Paulus uocat similitudinem carnis peccati in CHRISTO: imo etiam peccatum? Huius obscuritatē opinor, nemo melius explicabit nobis ipso Esaia propheta: cuius sunt in cap. liij. hæc uerba, de Christo. Non est forma ei neque decor: uidimus eum, uerū nulla erat forma, quæ faceret, ut eum desideraremus. Hæc enim scribit Esaias propheta, non de specie, seu forma humani corporis in Christo: sed quod nulla coram mundo gloria admodum floreret: ita ut impij Iudæi ipsum desiderabant, potentissimum mundi principem, regem & monarcham. Deinde etiam aliter contemptibilis, despectus, & similis homini uano & peccatori, apud Iudæos adparuit. Putabant enim legis impium prophanatorem esse: & qui gloriam Dei prophanaret. Promissus igitur Iudaico populo rex, summæ & æternæ gloriæ: adhæc sacerdos, in summo & æterno pontificatu: cum tamen istarum formarum, secundum externam adparentiam, & quantum ab homine capi posset, nihil præ se ferret Christus. Et ideo contemptus ab isto populo fuit: nihil quam carnalia de Christo & gloria eius somnianti.

*Similitudo  
carnis peccati  
in Christo  
quid.*



Hinc etiam Ioannes testatur, non receptum fuisse CHRISTVM a suo populo: uidelicet, quod rex ille summe & eterne glorie esset, & sacerdos prophetarum oraculis promissus: per quem, & in quo Deus humano generi placari uellet & reconciliari: auferre ab illo peccatum & mortem, & conferre pro his iusticiam & uitam. Ac derisus est & spreus non solum cum hac doctrina: uerum etiam pro impio & peccatore habitus est, ut qui prædicasset se eum, qui tamen non esset.

Hæc fuit ergo similitudo carnis peccati in CHRISTO: hoc est, formæ seruilis, abiectæ, plusquam humilis, ridiculæ, stultæ, uanæ, & hominis peccatoris. Ideo Ioannes ait: In propria uenit, (lux & uita.) & sui eum non receperunt. Agebat enim seruum: & quidem in persona, specie, seu forma uilissima & abiectissima: quæ nulla magnitudinis adparentia, seu gloriæ, populo desiderabilis erat. Itaque pro luce & uita, uix a paucis est habitus: a cæteris etiam despectus est, & pro facinoroso & iniquo reputatus est. Imo plusquam facinorosus peccator creditus est: nempe, cui exprobratum est a sua gente, tanquam seditioso impostori & seductori, patriæ nocentissimæ pesti.

Sed hac contumelia uoluit DEVS propter nos affici Christum: sicut iterum Esaias testatur. Profecto languores nostros ipse portauit: & dolores nostros in se recepit. Et tamen nos reputauimus eum tanquam plaga percussam a DEO, & infirmatum. (hoc scilicet tribuentes peccatis & blasphemijs, quas Deus castigauisset in eo, subiiciens ipsum tantæ & tam ignominiosæ cruci). Verum, propter iniquitates nostras uulneratus est: & propter peccata nostra percussus.

Quare hæc similitudo peccati in CHRISTO non fuit alia, nisi quod a suo met populo, ad quem missus est æternus saluator, lux, iusticia, ueritas & uita, habitus est pro insipiente, stulto, scelerato, flagitioso, uano & blasphemo peccatore: & postremum, quod his pessimis nominibus insimulatus, etiam quasi a Diabolo egressus, cognominabant eum Beelzebub, & rapuerunt ad ignominiosissimam crucis mortem: debitam scilicet homini blasphemo, seditioso, impio & peccatori. Qui reuera tamen nullum unquam peccatum habuit: nisi quod nostra peccata in se recepit, non sibi usurpans illa, sed expians, reatum ac poenâ peccati subeundo, quoad per mortem suam nos a peccato & morte perfectissime liberauisset.

Passus est ergo, tanquam nocens & peccator: in quo tamen fuit summa innocentia & summa iusticia. Sed pro alienis peccatis uoluit offerri, iudicari & damnari: tanquam insipiens, stultus, nocens, iniustus, impius & blasphemæ summe reus in DEVM: ut nos a peccato, uanitate, insipientia, iniquitate, blasphemijs, & alijs summis uicijs, redemptos, in ius suum recuperaret & transcriberet: hoc est, in communio-

nem

nem æternæ lucis, iusticiæ & uitæ. Sic enim restituta est nobis salus in CHRISTO, quā per Adam amiseramus. Nec potuimus nisi per ignominiosissimam crucis Christi mortē seruari, non per iusticias legis.

Non alia sententiā quadrat in CHRISTVM, quod peccatum dicitur a Paulo: his uerbis. Et de peccato damnauit peccatum in carne. Nam in hoc loco, peccati adpellatio, non eodem modo accipi debet. Peccati adpellationem bis riam accipi. Priore enim loco significat Christum, uictimam pro peccatis nostris: id quæ hebraica sermonis figura. Nam hebræi utrunque, hoc est, tam hostiam pro peccato, quam peccatum ipsum, peccati adpellatione signāt. Posteriore autē, significat habitum uiciosum in natura: & mandati diuini quācunque præuersionem. Qua ratione, peccatum de CHRISTO non potuit prædicari. Sic ergo exponi sententiā Pauli debet: de peccato: hoc est, de Christo, qui traditus fuit, ut per suam mortem, tantquam innocentissima uictima, peccata nostra expiaret, damnauit peccatum: DEVS uidelicet, faciens in eo opus suæ misericordiæ, & infinitæ bonitatis magnificentissimum. Damnauit autem in carne, hoc est, in humana Christi natura: quæ oblata, uictima fuit absolutissima pro nobis, omnes consumans & perficiens coram Deo.

Igitur alieno peccato fuit peccator CHRISTVS, hoc est, putatiuus peccator: & poenas alijs debitas sua innocentissima & fructuosissima morte persoluit. Deus autem damnauit peccatū, hoc est, ius omne accusandi nos peccato ademit, atque adeo extinxit & aboleuit peccatum, ita ut fieri solet iudicio publico damnatis. Ut dici utrumque intelligas: per CHRISTVM damnationis perpetuæ sententiā, quæ secuta est peccatum, in poenam, non solum abrogari: uerum etiam peccatum ipsum, quod est in natura nostra, beneficio CHRISTI tandem penitus extirpari & funditus ex natura, ne ullum uestigium illius superfit aut reperiatur. Huc facit primum, nempe, ad cōfirmationem prioris sententiæ illud ad Gal. iij. CHRISTVS redemit nos de maledicto legis, factus pro nobis maledictum. Deinde posteriorem sententiā confirmat illud, ij Cor. v. Eum qui non nouit peccatum, pro nobis peccatum fecit: ut nos efficeremur iusticia DEI per illum. Hoc enim oportet de perfectissima iusticia illa intelligere, in qua nulla macula remanebit: quam tunc per imputationem gratiæ & fide nostra possideamus. Hac ergo iusticia auferetur tandem omne peccatum, & omnis immundicia ex natura. Phil. iij. Nostra autem conuersatio est in cœlis. Vnde etiam expectamus Dominum nostrum IESVM Christum, qui reformabit corpus humile nostrum, configuratum corpori suo glorioso, secundum efficaciam, quā potest sibi subijcere omnia.

In eū ergo modum ut dictū est, similitudo carnis peccati, & peccati adpellatio in Christum quadrat. Porro, lex fit a nobis, siue ut Pauli uerbis

*Lex quomodo fiat a nobis*

M iij



utar, iustificatio legis implet in nobis, per Christū: qñ uidelicet, quicquid nō facimus qđ legi debemus, id totū ignoscitur nobis propter fidē in Christū, legis impletorē. Atq; adeo quando spiritus sanctus nobis datur, per cuius uirtutem agentem in nobis, ipsi quoque legem non nihil implemus: non ut illa obedientia nostra uitam aeternam promereamur. Sed ut iustificati & salui atq; beati per Christum in fide fructificemus & proficiamus, cum DEO & Christo Iesu in honorem, tum proximo in aedificationem, adeoque in ipsius fidei nostrae confirmationem. Sed de hac tota ratione, mox plura.

## DE IUSTICIA CHRISTIANA.

*et quorsum referendum sit, quum dicitur, quod  
sola fide iustificemur.*

## CAP. VI.

*Iusticia Christi-  
ana.*

**E**Rgo iusticia Christiana, non est qualitas, seu habitus in nobis: sed beneficium diuinæ & coelestis gratiæ extra nos. Neque enim philosophice intelligenda est dici, de nostris uirtutibus, seu nostra obedientia erga legem: sed Theologice, de mere gratuita illa misericordia dei, qua nobis remittuntur peccata nostra, & qua iusti reputamur, propter seruatorem CHRISTVM. Nec alia iusticia efficitur uitæ aeternæ hæredes: si tamen misericordiæ DEI credimus, hæc gratuita gratiæ dona & beneficia offerenti nobis in Christo, siue per Euangelij promissionem de CHRISTO. Neq; opus est nobis hic grandi aliqua sylua testimoniorum, qua hanc sententiam confirmemus: quia in hac tota parte de iustificatione, nihil aliud egimus, nisi ut illam quam uerissimam & sanctissimam monstraremus. Idq; præstitimus uarijs & multis testimonijs sanctæ scripture.

Liquet igitur, hoc non habendum esse pro iusticia illa CHRISTIANA, quæ saluum faciat & beatum impium, seu peccatorem, coram DEO, esse multis operibus bonis, ut uocant, prædium, habere priuatas seu proprias uirtutes, precari, dare elemosynam, ieiunare, fugere & uitare uicia, & similia agere, seu operari, de quibus præcipitur in lege: sed credere, DEVM nobis reconciliatum esse propter Christū, & Christi beneficio nobis ignoscere, remittere peccata, reputare iustos, quanquam simus peccatores, condonare & disponere eternam uitam & beatitudinem, omnia gratis, per misericordiam, diuinam bonitatem.

Hac iusticia respicimus in CHRISTVM, mediatorem huius gratiæ & precium pro nostris peccatis, & morte: non in facta seu operationes nostras. Nihil em̄ habemus, quo corā deo ipsi pro peccato & morte satisfecerimus, Nec sunt perfectæ iusticiæ illæ nostræ quas præstamus, ut maxime nullū peccatū haberemus: sed sanguis Iesu Christi filij dei emūdat nos ab omni peccatō, atq; idē est uita & eterna salus nostra. Sic cum

queri

queritur, quare iustificetur impius corā Deo, recte & necessario respon-  
det, sua fide, ea q̄ sola. Iustus em̄ sua fide uicturus est. Est em̄ promissio  
nis correlatiuū fides: & promissionē, qua saluamur & beati sumus, aliter  
nec accipere nec habere possumus nisi fide. Hinc Ioannis primo dicitur:  
dedit eis potestatem filios Dei fieri, his qui credunt in nomen eius. Intel-  
lige, CHRISTI mediatoris & causae aeternae saluationis. Item Ioan-  
tertio. Qui credit in filium Dei, habet uitā aeternam: qui autē incredulus  
est filio, non uidebit uitam, sed ira Dei manet super eum. Ergo dam-  
nationis causa est incredulitas, quae repudiat gratiam, eoq̄e illius  
est indigna.

Cum ergo dicitur, quod sola fide iustificemur, id non debet referri,  
nisi ad misericordiam Dei, quae nobis praestita est, per propitiatorem  
Christum: & per solam fidem adprehenditur & tenetur. Eoque dici-  
mur fide iustificari, ut Roman. iij. v. ix. x. Gal. ij. iij. v. nimirum  
tanquam causa adprehendente misericordiam, qua saluamur, propter  
CHRISTVM. Et ea locutione certe, subintelligenda est particula  
haec exclusiua, sola, qua nihil agitur, nisi q̄ meritis operum nostrorū  
dehauritur debitum iusticiae & saluationis. Saluatio enim gratuita est:  
& iusticia qua sumus Deo accepti, est peccati remissio, quam habent  
qui in CHRISTVM credunt, nec alia re seu medio, nisi per fidem.  
Roman. iij. Decernimus igitur iustificari hominem, per fidem: sine o-  
peribus legis. Et cap. iij. Ei uero qui non operatur, credit autem in e-  
um, qui iustificat impium, reputatur fides eius ad iusticiam.

Ita haec exclusiua, qua tollitur operum nostrorum fiducia & gloria-  
tio: seu, meriti remissionis peccati, & aeternae uitae: saepe est apud Pau-  
lum, ut Ephes. secundo: Gratia enim estis saluati, per fidem: & hoc  
non ex uobis, DEI enim donum est, non ex operibus: ut ne quis glo-  
rietur. Hanc igitur nemo ita accipere debet, quasi obedientiam nostrā,  
quae est erga legem, tollat & excludat: quae certe aliqua in renatis se-  
qui debet. Sed existimet tolli & damnari, fiduciam meriti, remissio-  
nis peccati, iusticiae & aeternae uitae, per opera singulorum coram  
DEO. Haec enim laus, hoc est, mereri remissionem peccati & salua-  
tionem, est solius CHRISTI filij Dei: Praestitit autem misericor-  
dia DEI patris, ut filius Dei pro nobis redimendis carnem indueret, se  
seque traderet in mortem. Et ille non uult aliter teneri, seu nos ter ef-  
se, nisi per fidem. Nam quia pro nostris peccatis traditus est in mortem  
CHRISTVS: non sumus iusti per merita operum nostrorum,  
aut satisfactionum nostrarum: sed per iustificatorem CHRISTVM,  
quatenus in eum credimus.

Sic igitur sapere & nosse CHRISTVM, est pie & sceleriter sa-  
pere. Quia haec est illa noticia Christi, de qua Esaias dicit, imo DOMI-



NVS per Esaïam: In noticia sui, iustificabit ipse iustus seruus meus multos: & iniquitates eorum ipse portabit. Nec mirum uideri debet, si impijs & mundo pro uanitate & stulticia habeatur, ita sapere: quia non est nouum aut rarum, ueritatem & iusticiam contemni ab impijs & negari. Lux & uita in mundo erat: tamen impius mundus, ipsum non cognouit. Deinde, hæc est spiritalis & diuina sapientia, quæ captiuitatis prorsus excedit: nedum a carne fastidiatur. Qua tamen qui præditi sunt, in nullum periculum salutis cadere possunt: quia portæ inferorum non præualebunt aduersus eam.

## QVOMODO LEGEM IM.

*pleuerit pro nobis seruator  
noster Christus.*

CAP. VII.

**D**OMINVS & seruator noster Iesus Christus, ut refertur Matthæi. v. Nolite, inquit, putare, quod uenerim soluere legem aut prophetas: (hoc est, leuare, abolere, tollere, destruere & in nihilum redigere, cum legis tum prophetarum autoritatem: tanquam uanæ & inuicilis doctrinæ: in quo fuisset summa contra DEVM blasphemia: & tamen a plerisque credebatur hoc fieri a Christo. Nam legem tunc magna pars Iudaici populi pro iustificationis doctrina habuit: cui opinioni Euangelij prædicatio aduersabatur: Deinde in Christo promissum literis prophetarum expectabant temporale, mundanum & transitorium regnum: sed impio errore, Cum ergo horum nihil cerneret in Christo, quæ sibi de illo promittebant, offendeantur multi: quorum Christus cogitationibus hac sententia responderet.) Non ueni soluere, sed adimplere. Amen quippe dico uobis, donec trāseat cœlū & terra, iota unum & apex unus non præteribit ex lege, donec omnia fiant.

Igitur notandum est, quod ubi dicit se uenisse, implende legis causa, & prophetarum, cōmendare se nobis officium & beneficia sua. Primum quia uenerit legi pro nobis satisfactorius, cui nos non potuimus satisfacere: Deinde, quia eo ipso officio, se talem nobis exhibuit, qualis fuit in literis prophetarum promissus: nempe, Christus: in spiritali sacerdotio & regno. Necesse autem fuit exactionibus legis satisfieri: ideo etiam necesse fuit, ut Christus nasceretur & ueniret, iuxta prophetarum promissiones, qui unus potuit legi pro oībus satisfacere. Qui nisi uenisset, hoc officium nobis facturus & prestiturus, nemo nostrū saluus fieri potuisset: quia nos legi nunquam satisfacimus, nec possumus satisfacere.

Hic igitur impleri legē intellige de perfectissima iusticia & sanctitate Christi: qua illa omnia quæ requirit lex purissime & cumulatissime præstitit ac fecit. Adhæc, quod se ueram uictimam & oblationem exhibuit DEO, pro nostris peccatis, & pro æterna morte. Deinde intellige, his omnibus officijs Christū nobis seruasse: sicut ipse testatur Mat. xx.

Filius

Filius hominis non uenit, ut sibi ministretur: sed ut ipse ministret, & det animam suam in redemptionem pro multis.

Igitur Christo legem implere, est spiritu illam facere: & mādāta illius plenissime pręstare. Item satisfacere omnibus officijs suis pro nobis legi: mereri remissionem peccati & liberationem ab æterna morte. Quod fecit quidem, quando semetipsum tradidit purissimam & innocentissimam uictimam & hostiam pro nostris peccatis. Descendit enim e cœlo, ut nos eo pacto redimeret: & ideo debuit offerri ac mori pro nostris peccatis, quia lex hostiam mundam requirebat: qualis tamen nusquam reperiebatur. Et nisi Christus uenisset, nulla præstita fuisset: atque ita nemo unquam potuisset a maledictionibus legis liberari.

Sed quoniam uenit, & legem impleuit, saluati sumus: quatenus credimus in eum, sicut Paulus dicit: Finis legis CHRISTVS, ad iusticiam omni credenti. Igitur, cum impletio illa sit nostra, nostri redimendi causa præstita & facta, sicut omnia Christi: imputatur enim nobis per gratiam, quasi nostris uiribus, nostra obedientia & nostris satisfactionibus illam præstitissemus: ideo hoc gratiæ beneficio dicimur legem implere, per imputationē, seu imputatiue. Sicut iusti uocantur, quos deus reputat & pronūciat iustos: seu, quibus nulla peccata imputat, nempe his, qui in CHRISTVM credunt. Quia igitur propter Christum reputamur iusti, perinde ac si legem nostris officijs impleissemus, fides est impletio legis imputatiue: qua sumus accepti coram Deo, iusti, sancti, & in æternū beati, uidelicet reconciliati per Christum.

*Impletio legis imputatiua: qua saluamur.*

Non ergo implet legē CHRISTVS, condendo nouas alias leges: quibus nobis grauius onus inijciat: & difficiliorem faciat salutem, quam antea Moses fecerat. Sed liberat nos ab onere legis: & aufert nostra peccata, iram legis & æternam mortem. Nam postquam uoluntariam mortem pro nobis subiit, & sanguine suo a peccatis lauit: nihil habet lex, quod ulterius desiderare, uel accusare in nobis possit, modo nos uera in Christum fide præditi simus: qui factus est precium & soluendo pro nobis, in ea maxima re, in qua nos nihil efficere potuimus, seu debitæ obedientiæ præstare. Hoc quidem agit Christus in legis prædicatione & doctrina, quod illam pro officio doctoris exponit: & a uepribus pharisaicarum opinionum repurgat, & suæ integritati spiritualissimam doctrinam restituit: sicut cernere est Matth. v.

*Christus non fuit legislator.*

Sed extrahanc considerationem, & ubi disputatur de legis impletione, ibi agitur de præcipuo seu principalissimo officio CHRISTI: quod est legem implere, & sua illa impletione, (quæ, ut facta est dixi.) homines peccatores liberare ab exactionibus legis, ab iramdamante, a peccato & æterna morte. Et eo respicit Paulus, ubi dicit: Non estis sub lege, sed sub gratia, Roman. sexto. Item ad Galatas tertio,



CHRISTVS redemit nos de maledictione legis. Et ad Collos. secundo. Et uos cum mortui essetis in delictis & preputio carnis uestrae, conuiuificauit cum illis: donans nobis omnia delicta, delens quod aduersus nos erat chirographū decretis cōstans, qđ erat cōtrarium nobis.

Ita quidem, si quis nos respiciat, quales simus, sine beneficio gratie huius, de q̄ loquimur, reperiēt non solum legis debitores esse, uerū etiam æternis maledictionibus execrabiles & execratos. Ideo, quia exactionibus legis nemo satisfacit. Rursus, si inspiciat, quales beneficio gratiæ per Christum facti simus, intelliget nos legi nihil quicquam debere: & ab illius maledictionibus in totum liberatos esse. Quia CHRISTVS, quicquid legi debuimus, pro nobis præstitit & sanguine suo lauit a peccatis.

Verum hæc gratiæ beneficia tantum sunt nostra, quantum credimus in Iesum Christum, legis impletolem. Sine fide enim nulli conferuntur beneficia Christi: sed cum recipimus eum fide, tunc talis est nobis, qualem gratia offert, hoc est, legis impletolem, & sanctificatolem pro nostris peccatis & liberatolem ab æterna morte: in summa, uerum & æternum seruatorem.

Ex his intelligere est, quid sit, quod Paulus dicit. Roman. viij. Iustificationem legis in nobis impleri per Christum. Sentit enim, Christum hoc beneficium nobis præstitisse, quod lex nulli potuit præstare, uidelicet, ueram iustificationem & liberationem ab æterna morte. Nam licet perfectissime prædicet iusticiam, tamen nulli confert iusticiam: cum sit litera mortua & impedita per imbecillitatem nostræ carnalis naturæ. CHRISTVS autem redemptor noster, qui pro nobis omnia egit & passus est, legi per omnia satisfecit, ut illi amplius nihil debeamus. Gal. iij. Vbi tempus completum est, misit Deus filium suum, natum ex muliere, factum sub legem, ut eos qui sub lege erant redimeret, ut adoptionem filiorum reciperemus. Cæterz qđ Paulus dicit, iustificationē legis impleri in nobis, quinon secundum carnem ambulamus, sed secundum spiritum: attexit nouam aliam rem. In ea enim loquitur de effectu spiritus sancti in renatis: de quo mox & nos dicemus.

Lex ergo, quia acculare eos, qui in Christum credunt non potest, & ius exigendi perfectam obedientiam nullum amplius habet, consummata & impleta est: propter impletolem Christū. Amittit etiā ius & auctoritatē legis: non ut uana doctrina: sed ut que iudicis officio ulterius fungi non potest. Non potest enim, eos qui Euangelio & Christo Iesu credunt, damnare & maledictionibus deuouere. Quare iam non est lex, hoc est, non est onus, non est exactio, non accusat, non damnat: quæ sunt alioqui propria officia, & proprii effectus legis: sed doctrina est, quæ in cōsiliū adhibetur: tum, ut certius peccata nostra cognoscamus,

& ue-

& uero atq; perfecto timore coram Deo humiliemur: tum etiam, ut discamus, quibus in rebus, seu qua obedientia, fidem nostram iustificati exercere & confirmare debeamus. Non enim lex desijt esse doctrina: etiam si onus esset desijt, seu exactio, & accusatio nos iudicās & dānans. Desijt autem hoc esse propter CHRISTVM, quatenus credimus in eum. Nā qui nō credunt in Christum: quales sunt, qui per opera sua iustificari quærunt: illi sub onere legis manēt, & sunt totius legis debitores. Et quia legem non possunt implere, nec exactiōibus illius satisfacere, manent præterea rei æternarum execrationum legis. Qui enim non credunt Euangelio condemnabuntur, Mar. ultimo, Item Roman. x Ignorantes iusticiam DEI & propriam quærentes statuere, iusticiæ Dei non sunt subiecti.

## A IUSTIFICATIS FIERI, SEU IMPLERI

legem: uirtute spiritus sancti

**C**Aeterum, quoniam EVANGELIO uocamur etiam ad poenitē- CAP. VIII.  
tiam: sicut Christus ait: Non ueni uocare iustos, sed peccatores ad poenitentiam. Poenitentia autem significet actiones nostras, seu obedientiam nostram: nempe, conuersionem nostri ab operibus peccati ad opera iusticiæ, quæ alia non requiritur, quam in lege præcipitur: ideo & dicendum erit, de illa obedientia nostra, & quomodo iustificati faciant seu impleant legem. Illā enim nō proprijs uiribus, sed spiritu sancto præstant: sicut liquet ex illo Pauli: Ephe. ij. Ipsius enim sumus factura, creati per CHRISTVM IESVM ad opera bona: quæ preparauit deus, ut in illis ambulemus. Sic ambulare, uidelicet, excellere operibus bonis, & ea quæ DEVS præcepit præstare, est spiritu ambulare, & non secundum carnem.

Porro, hæc est impletio legis effectiua, in nobis, cum illa superior imputatiua, sit extra nos, nisi quatenus recipimus eam per fidem. Ideo hac nemo saluatur, nec a peccato, nec a morte. Quia saluatio est alieni beneficij: & contingit nobis gratis, per misericordiam, propter CHRISTVM redemptorem. Vt ergo nec operibus precedentibus fidem, ita nec sequentibus iustificamur, hoc est, nihil iusticiæ aut salutis meremur per ulla opera nostra. Quanquam sint necessaria opera bona in renatis: illi enim, ut Paulus testatur, non secundum carnem ambulant, sed secundum spiritum: In Euangelio dicuntur poenitentiam agere: de quibus & ad Gala. v. ita scribit Paulus: Qui autem sunt Christi, carnem suam crucifixerunt cum affectibus & concupiscentijs.

Proinde alius finis queri debet bonorum operum, quæ soli qui Euangelio credunt & spiritu sancto reguntur præstant, quam hac opinione illa facere, ut iusticiam & æternam uitam mereamur. Hæc enim impia persuasio negat gratiam Euangelij: & Christum redemptoris loco ex-

Impletio legis effectiua: qua Deum pro gratia glorificamus, fidem exercemus & confirmamus.



cludit. Ideo fugienda est, ut precipua causa eternæ condemnationis. Sed priusquam de fine bonorum operum dicemus, illud uidebimus, quod ut dixi, lex a iustificatis fit spiritus sancti uirtute.

Ergo illius quidem exant clara testimonia, uidelicet legem non fieri a nobis, quam uirtute spiritus sancti, cum alijs scripturæ locis, tum Hieronime xxxi. Ezech. xxxvi. Roman. viij. Nec opus est, ut isti loci huc describantur: satis est tenere, nullam carnem per se efficacem esse ad præstandam legem: illam autem efficaciam & uim, qua precepta DEI facimus, Deum ipsum suppeditare nobis, uirtute spiritus sancti. Itaque & fidem beneficiorum Euangelij in nobis creat: sicut Paulus docet ad Ephes. primo, quia legem per gratiæ imputationem implemus, ut proximo loco expositum est.

Deinde, noui alij motus interni boni creantur in nobis a spiritu sancto: sed maximum est, quod liberat nos ab incredulitate & noticiam misericordie patris & redemptoris CHRISTI nobis donat. Hæc enim est iusticia & uita eterna. Esaie. liij. Abac. ij. Ioan. xviij. Hanc sequitur pax cordis, & certissima securitas placati Dei patris Roman. v. Deinde, omnis reliqua obedientia, omnium mandatorum DEI: & in summa, chorus quidam ornatissimus omnium uirtutum: nempe, confessionis gloriæ Dei & IESU Christi, gratiarum actionis, inuocationis, tolerantie in afflictionibus, dilectionis erga proximum & studiorum pacis: simul omnium carnalium desideriorum peccati mortificatio. Quæ tunc etiam pia est, quando cauentur, ne desideria carnis in ipsis regnent: etiam si non prorsus queant, quamdiu in carne uiuimus extirpari.

Iam non aliud spectant pii his operibus bonis, & obedientia sua, quam ut DEVM glorificent pro gratia: cuius uoluntati non possunt uelle reniti, sed illi se ex animo subiiciunt. Sunt ergo illa opera confessionis fidei: & quedam sacrificia laudis & gratiarum actionis: sicut docetur Roman. xij. Hebræ. xij. non aliter accepta, quam per fidem in Christum, prima Petri secundo. Sunt item perpetua quedam exercitia fidei: quibus illa crescit, augetur & confirmatur. Quia ut nulli, qui flagitiose uiuunt, fidem retinere possunt: ita qui sobrie, iuste & pie uiuunt, eo ipso accipiunt quoddam robur spiritus, & sue fidei confirmationem, ij Pet. i.

Significat autem recte Paulus, quosdam ambulare secundum carnem: id nos oportebit accipere non de illis solum, qui externa opera praua committunt: sed uel maxime de contentiosis istis, qui ueritati Euangelij non acquiescunt, & manent in incredulitate: & iusticijs rationis in re saluationis primas deferunt, idque suo quodam carnali iudicio, de quo Paulus dicit: Prudentia carnis mors est. Deinde & illi alij intelligendi sunt, secundum carnem ambulare, qui flagitiose uiuunt, hoc est, actionibus mortalium delictorum indulgent, in quibus qui sunt, & manent sine poenitentia, non possunt salui fieri. Similiter, qui in operibus

ribus bonis sunt negligentes: frigent accessant. Sicut de his omnibus docemur Ephe. v. Gal. v. i. Cor. vi. Math. xxv.

CREDENTES, ET QVI SPIRITV AMBVLANT

*ac uiuunt sunt iusti: non tamen absq; impera  
fectione & defectu operis boni.*

CAP. IX.

**R**eliquias peccati esse in renatis, per quas fit, ut plurimum deficiant in precepta operum iusticia, & debita obedientia, ac sint minus perfecti, nemo ignorat, nisi stupidi, ridiculi & miseri iusticiarum rationis patroni: Papiste, Hypocrite & Pharisei. Si enim nihil amplius peccati superesset in carne sanctorum, frustra esset & inanis totius poenitentiae praedicatio. Nec enim possent labi in ullum peccatum, quamdiu rex est CHRISTVS: qui destruxit imperium peccati, & captiuum retinet. Est autem rex aeternus. In summa, frustra esset omnis bonorum operum doctrina: qua docemur carnem frenare, concupiscentijs eius resistere, crescere in iusticia, & semper in melius proficere. Sed adesset iam in re perfectissima immortalitatis gloria: & aeternae uitae beatitudo. Sed quoniam profectu iusticiae opus habemus, constat nos nondum esse perfectos: adhuc quicquid deest perfectioni debet, hoc esse peccatum in nobis. De cuius reliquijs uide quae Paulus scribat Romani. vii.

Est igitur peccatum in renatis, cui oportet uirtute spiritus sancti resistere. Ex quo intelligere est, eos qui credunt in CHRISTVM IESVM esse iustos quidem & consumatos: non tamen absque defectu & imperfectione. Nec protinus desperandum esse de eorum salute, qui in aliquibus uicijs, & morbis peccati laborant. Ccepimus enim curari: & illa curatio nondum est completa. Sunt autem perfecti & iusti quilibet Christiani, & uitae aeternae haeredes, quatenus in CHRISTVM IESVM credunt: sed in carne habent sua quaedam uicia, quae extirpare debent: aut certe cauere, ne regnent: sicut Paulus docet Romani. vi. Iusticia aliena sunt consumati: in se autem habent multiplicia peccata. Quia carnalis natura non minus est in renatis, quam in alijs: quanquam renati illis uicijs quae habent in carne resistant, quae apud alios pleno imperio regnant. Exhibent autem frequenter tantum negocij, homini spirituali: ut uix cum summa difficultate illorum motus uincantur. Sicut Paulus dicit: Spiritu ambulate & desideria carnis non perficite. Caro enim concupiscit aduersus spiritum: & spiritus aduersus carnem. Haec enim sibi inuicem aduersantur, ut non quaecumque uultis, illa faciatis. Gala. v. Et plura in hanc sententiam Roma. vii.

Propter hoc peccatum, & imperfectionem iusticiae, indigemus perpetua remissione peccati: etiam in bono opere, si quod praestamus. Quanquam autem hi, qui credunt in CHRISTVM IESVM non possint damnari, propter haec uicia carnis: propter fidei fundamen-



tum & petram CHRISTVM, cui innituntur: contra quam nihil possunt nec portæ inferorum. Sicut etiam Paulus testatur, Roman. viij. Nihil damnationis est his, qui sunt in CHRISTO IESV. Item, Si Deus pro nobis, quis contra nos: &c. Tamen hæc naturæ uicia non licet securo animo contemnere: sed & timorem DEI retinere debemus, & pro remissione istius peccati continuo precari. Multo minus licebit ambulare secundum carnem: & desyderia eius explere, sicut etiam paulo ante docui in proximo loco. Huc facit illud Pauli Roman. viij. Ergo fratres debitores sumus non carni, ut secundum carnem uiuamus. Si enim secundum carnem uixeritis moriemini: si autem spiritu facta carnis mortificaueritis, uiuetis.

Cæterum grauiora peccata, & exempla illa facinorosorum, sunt horribiles & periculosæ tentationes: & fere accidunt in poenā illis quos DEVS tradidit in reprobam mentem. Quanquam graues ruinae ipsis quoque sanctis nonnunquam accidunt: uerum isti per poenitentiam iterum restituntur. Quorum exemplis docemur, timere DEVM, & non confidere uiribus nostris. Accidunt enim tales lapsus, ut imbecillitatis nostræ admoneamur: & uideamus, quæ sit uis peccati in carne: & Dominum semper pro gratia, contra imperium peccati & Diaboli, rogemus. Sed quid omnes prestare deceat pro mortificanda carne & illius concupiscentijs, pulchre docet Paulus, in epistola ad Col. cap. iij.

Hæc hætenus in alteram poenitentiae partem, de fide & iustificatione: donec duobus alijs libris, quos institui, alterum contra pharisaicam doctrinam, fidei & poenitentiae: alterum uero, de fructibus iustificationum, dignis in quibus se exerçant, qui uere poenitentiam agunt, copiosius scribā, si quid in hoc scripto desyderetur: donante nobis uires & spiritum CHRISTO IESV:

Cui sit æterna gloria.

A M E N.

Verbum DEI nostri stabit in æternum.

Esaïæ xl.

FINIS primi libri, de poenitentia.

# COMMENTARIO

RVM DE POENITENTIA, LIBER SE

cundus, contra Pharisaicas doctrinas.

Pater filio hoc testimonium perhibuit: Hic est filius meus dilectus, in quo mihi complacitum est, IPSVM laudare.

Filius autem, qui uenit nos saluos facere a peccato & morte, ita alloquitur nos: Venite ad me omnes, qui laboratis & onerati estis, & EGOREficiam uos.

De doctrinis uero hominum pharisaicis sic pronunciat: Frustra uolunt me docentes doctrinas, mandata hominum.

QVAE SVMMATIM IN HOC SECUNDO

Libro de poenitentia doceantur.

Pars Prima agit de cauillationibus, quae ab aduersarijs obijciuntur doctrinae, de gratuita iustificatione & saluatione nostri, quae est per CHRISTVM.

Pars Secunda continet confutationem doctrinae pharisaicae de poenitentia.





# PRÆFATIO IN

QVA DE OCCASIONE ET

argumento secundi libri, de poenitentia.



VONIAM libro superiore absolui qua potui diligentia, præcipua illa capita doctrinæ, quæ in poenitentia predicationem incidunt, & de quibus necesse habemus Christiani doceri, uideri poteram officio meo perfunctus esse. Etenim pro uirili exposui, quid sit poenitentia, quas partes habeat, quæ sint officia singularum partium, qui effectus & fines. Partes autem posui contritionem & fidem:

in quarum expositione etsi per me uariatum sit a scholasticorum Theologorum opinionibus, consuetudine & sententia: tamen non potest eos offendere, qui doctrina ueritatis imbuti sunt, aut qui discendo illam amplecti malunt, quam perniciosas hominum doctrinas. Cæterum in situationem de fructibus poenitentia, seu operibus bonis, quibus se exercent iustificati, distuli certo quodam consilio in alium librum. Quamquam si quis mox & de illis doceri uelit, habet non contemnendam admonitionem, libro horum de poenitentia primo, parte secunda, capite ultimo. Neque uero cadit, ultra hæc capita doctrinæ, aliud in poenitentia questionem: in qua summa est quædam totius Christianæ doctrinæ, (si recte explicetur,) de iustificatione & saluatione.

Nam in literis sacris præcipua est fidei doctrina: sed fidei docendæ ratio exigit, ut peccatum & transgressionem nostras per legem, quales sint & quantæ, perfectissime & diligentissime cognoscamus. Quia si ne hac intelligentia nemo satis idoneus est, ad recipiendum fide beneficia Christi: siue, ut adplaceat ad gratiā iustificantem & saluos facientem, per Christū. Sed in uera peccati cognitione existit contritio, pars illa prior poenitentia: in qua est dolor & cruciatus animorum, & terror in mente. Ad quem sanandum cum accedit consolatio per Euangelium, qua DEVS terribiles & desperabundos, restituit in spem æternæ salutis, proposita reconciliationis promissione & remissi peccati, quatenus EVANGELIO credunt, tum profecto quicumque credunt, adprehendunt iusticiam & uitam æternam. Et tot partibus absoluitur interior renouatio, seu conuersio: qua cum DEO in gratiam redimus peccatores, & a peccatis et æterna morte iustificamur seu absolui mur. Sed quantæ efficacitæ sit hæc interna ad Deum conuersio, non paucis exposui, ubicumque data est occasio, ut sæpe, libro superiore: & sequentibus duobus idem subinde & firmitus & copiosius dicetur.

Huic

Huic uero Christianae doctrinae uarie redamatur ab impijs & prophanis doctoribus: & a caeco atque ingrato mundo. Quod qua aequitatis aut pietatis specie fiat, conabor in hoc secundo libro, adiuuante me gratia DEI, & spiritu Iesu CHRISTI, nonnihil demonstrare. Primum, ut me quoque teste, contra regnum & tyrannidem Antichristi, palam fiat, quam male habeant Ecclesie, in quibus ad eum modum non praedicatur CHRISTVS, & poenitentia ipsius nomine, ut praedicandum esse docui. Deinde, ut, quoad fieri potest, hoc scripto in publicum aedito, nonnullis piorum hominum seruiam: dato consilio, quomodo a perniciosissimis hominum doctrinis, & caueant sibi, & fugiant perditionis iram. Hoc enim confido fieri posse, si beneficio celestis gratiae, imposturas, mendacium doctrinarum, retegam. Quo consilio certe, & Paulus praecipit *iudicari*, & os impium obstruere, his qui uana, falsa & impia, pro Christianis doctrinis, in Ecclesia spargunt. Omnino enim, falsa & impia dogmata refutare, habet non minorem necessitatem, quam uera praedicare & tueri. Imo quis posset uera utiliter tradere & feliciter tueri, sine impiarum doctrinarum accusatione? Quia ut impiae doctrinae semper fuerunt in mundo, ita nunquam aliter futurum est, quin maneat semper, impellente suos Diabolo, contra gloriam CHRISTI, & totius Ecclesiae salutem. Vnde uidemus, tum prophetas, tum Christum ipsum & Apostolos, in refutandis impijs doctrinis, enixissime laborauisse. Tamigitur falsae & impiae doctrinae confutari, & quoad fieri potest eradicari, ac funditus tolli a pijs doctoribus debent: (uariae hoc tempore, & ab ambitiosis & auaris hominibus confictae, & introductae in Ecclesiam: adeoque ab hypocritis, fidei in CHRISTVM ignaris.) quam uerax & pia, quae est simplex & una profiteri & plantari, tradita a prophetis, Christo & Apostolis.

Hoc consilio proinde institui hunc librum: in quo scribitur duplex confutatio, contra impias doctrinas. Prior, de gratia & fide: contra pharisaicas doctrinas, quibus hoc tempore, doctrina gratiae & fidei non obscuratur solum, uerum etiam opprimitur. Posterior, de pharisaica poenitentiae doctrina: qua non de gratia aut fide, sed de operibus obedientiae nostrae disputatur. Scribam autem ea moderatione, ut pia & utilia potius tradam, quam ut sine fine cum istis quibusdam rixer, quorum aures iam dudum obsurdescunt ad Euangelij & Christianae poenitentiae predicationem. Taceo illos, qui primi esse debuerunt in Euangelij Domini nostri Iesu Christi confessione: usque dum mortem pro illius gloria perferrent & sanguinem suum effunderent. Sed quid agant, clam non est ipsi mundo. Igitur in prior confutatione, dicam de cauillationibus, quae a plerisque obijci solent scripturae sententiae de gratia, remissione peccati, fide & iustificatione qua saluamur. In altera scribam de poenitentia, pharisaicis opinionibus corrupta: pendente ut gratiae



Commentum  
de fide forma  
ta.

& fidei doctrina, ab his qui merita iusticiarum rationis predicant ac docent. Prioris confutationis hæc fere capita erunt. Primum, false doceri, & impie receptum esse, hominem non iustificari coram DEO solam misericordiam Dei fide & propitiatoris CHRISTI, nisi carnalium iusticiarum ipsius merita accedant. Hæc sunt autem in doctrina de fide formata apud scholasticos Theologos: quæ nunc mordicus, contra Evangelij & gratiæ doctrinam, a multis pharisaicis spiritibus retinetur & urgetur. Nolunt enim quidam ex illis uideri & reputari, aliquando se errauisse, in quibus plane contemptus quidam Evangelij & gratiæ regnat. Pars existimat impio errore, quod promissio EVANGELII conditionem operum & meritorum nostrorum requirat. Sic enim multi ab Evangelio ad legem relabuntur: quo non properant, nec aliud efficiunt, quam ut semetipsos æternarum maledictionum reos, dedant precipites in sempiternam condemnationem. Quare hac in parte offert se mihi urgentissima causa accurate dicendi de gratia, iustificatione & uera in Christum fide: contra somnium & monstrum rationis, quod apud scholasticos Theologos adpellatur, fides formata.

Meritum congrui & condigni.

Secundo loco dicam de ea impia opinione, quæ tribuit operibus nostris duplex meritum: congrui uidelicet & condigni. Nam alterum gratiæ cuiusdam primæ, quo nomine intelligunt donum infusum, diuinam & spirituales uirtutes: quæ sit habitus qualificans iusticias nostras & acceptas coram DEO efficiens. Intelligunt autem dilectionem, quæ cum adsit homini, impetrata merito congrui, ita perficiat illius iusticias, ut operibus sequentibus uitam æternam sibi promereatur. Sic enim Christum in uniuersum sepeliunt: & quantum in ipsis est, nullum Christifidelibus usum eius relinquunt: quia iusticijs nostris tribuunt perfectionem meriti gratiæ, remissionis peccati, iusticiæ & æternæ uitæ. Sic enim docent: si homo impius & peccator faciat quod in se est, uidelicet, opus liberi arbitrij, non esse quidem in eo opere condignitatem meriti, ipso nondum existente in gratia cuius est hoc opus: tamen congruum esse, ac decere DEVM, ut det gratiam. Porro autem habita gratia: hoc est, dilectione & renouato cordis motu, tunc attendi opus hominis, secundum quod procedit ex gratia spiritus sancti, & sic meritorium esse uitæ æternæ de condigno. Neque cōfictæ sunt istæ distinctiones de operum meritis alia causa a scholasticis Theologis, nisi quod cauere uoluerunt infamiam nominis Pelagianorum: sed parum sobrie, non intelligentes neque se quid dicerent, neque scripturas quas corruerunt. Non igitur effugere possunt pessimam hæc eos notam: quia nihil refert, quod fingunt se de congruo mereri: & quod amplificant dignitatem operum, quæ fiant mediante gratia spiritus sancti, dum constat eos negare uidelicet, beneficia gratiæ Dei & iustificationis nostræ gratuita esse: in quo caput est & summa hærese.

os Pe

os Pelagianorum. Quare nec differunt a Pelagianis, nisi per portenta quædam inanum & captiosorum uerborum.

His iam dictis deinceps adijciam, quo sensu accipiendum sit, quando *Sola fide iusti* dicitur: impium sola fide iustificari coram DEO. Oportet enim retinere hanc propositionem in doctrina de iustificatione: nisi ueritatem perfidus prodere uelis, quæ testatur, iustum fide sua uiuere, & impium fide iustificari, sine lege, sine operibus, & sine iusticijs nostris. Igitur hanc propositionem retinebimus: ut cuncti pessimi quidam rabulæ horum temporum, sycophantæ & maledici homines, illa offendantur. Deinde re- *Impijs non est fides.* fellere pergam, hoc absurdissimum, uanissimum, & summæ blasphemie commentum, aduersariorum nostrorum, quo docent fidem tam esse rem uulgarem, prophanam, inutilem per se & infructuosam, sterilem ac mortuam, ut etiam impijs istis & qui sine poenitentia in peccatis mortalibus uiuunt contingat: nisi portetum istud, quod dicitur fides formata a scholasticis Theologis, recipias fidem iustificantem recte dici & esse. Mox ostendam, hoc quoque impie receptum esse, traditum a scholasticis, quod in doctrina de iustificatione, non detrahatur in uniuersum omnibus operibus, quæ a nobis fieri possunt, meritum iustificationis: sed solis caerimonijs Mosaicæ legis. His omnibus accedet breuis responsio ad quædam alia obiecta aduersariorum: in quibus præsertim citant contra nos aliquas scripturæ sententias, ita frigide & indocte, ut pudentum sit Theologis: imperitis tamen noxium. Tot enim capitibus inest fere tota summa impiarum doctrinarum, quibus gratia & beneficium seruatoris CHRISTI negatur. Quibus a me in confutatione absolutis, adijciam coronidis uice expositionem de gratia saluante: cum breui enarratione loci Paulini ad Roman. iij. de iustificatione.

In altera & posteriore confutatione, eum ordinem sequar, quem retinuerunt in poenitentia doctrina scholastici doctores. Quare ab eius initio, statim scribam, de pharisaica contritione: sed paucis. Quia in libro meo primo de poenitentia, satis intelligi potest, quantas doceant hypocritæ, contritionis nomine, qui eius meritum nobis prædicant: omissa uel potius reiecta & abnegata fide in CHRISTVM. Porro in secunda parte, de confessione delictorum, non ea solum persequar, quæ aperiant nobis uanitatem hypocritarum, qui confessione delictorum homines recte uti non docent: sed uel maxime & diligentissime exponam, quomodo utiliter & pie peccata nostra confiteri possimus: imo uero & debeamus, tum coram DEO, tum etiam coram hominibus. Et eo loco non negligam insignem alterum, priori ueluti connexum: nempe, qui est de absolutione & clauium potestate, plenum Christianæ consolationis. Denique in tertia parte de satisfactionibus ea tradam, quæ clarissime doceant, quod per solam IESV CHRISTI mortem satisfactum sit,

*Capita posterioris confutationis.*



simul pro peccato & æterna morte: siue, ut dicunt, pro culpa & poena. Nec respiciendum nobis esse ad alias satisfactiones, cum nullæ sint aliæ: si loquamur, de merito remissionis culpæ & poenæ. Ostendam etiam eo loco, quomodo his opibus gratiæ Christiani scilicet uti debeant: uide licet, per fidem, cum aliter hæc gratiæ beneficia accipi non possint. Deinde dicam, quorsum tam in operando, seu faciēdo legem, quam in tolerandis afflictionibus, & calamitatibus corporalibus perferendis, respiciendum sit Christiano: ne qui operibus aut passionibus suis arrogant satisfactionis gloriam, seu pro peccatis, seu pro poenis. Quanquam obiter & de ea satisfactione dicam, quæ est nostræ poenitentię: quam DEVS a iustificatis requirit: & adprobat seu acceptat, quatenus fit ab illis, qui uere in Deum & in CHRISTVM Iesum credunt. Postremo omnium exponam diligentissime, quod nihil boni operis præstari a nobis possit, cuius non simus debitores coram DEO: & de quo non præceperit nobis Deus. Ut intelligas plusquam stupidum & inane commentum esse in doctrina satisfactionum per opera indebita. Sic enim adpellant quædam certa opera, de quibus Deus nihil præcipiat: & fingunt, quod remissionem poenæ illis mereamur. Cum constet doctrinis mandatorum hominum, DEVM inaniter & frustra coli, nec frustra solum, uerum etiam cum blasphemia & peccato.

*Doctrina difficultas.*

Quanquam autem difficillimum sit, fidem imperitis facere, in his tantis rebus, in quibus agitur de Ecclesiasticæ doctrinæ præcipuis capitibus tam foede & impie corruptis: non idcirco tamen desperare oportebit, & ueritatis patrocinium, in tam iusta & pia causa, turpiter, ne dicam impie: deferere. Nam & si ipsam doctrinæ rationem spectes, nihil facilius aut promptius est, quam hanc pietatis & salutis publicæ causam tueri: ac ueluti digito monstrare, ubi ueritas Ecclesiasticæ doctrinæ, & a quibus corrumpatur. Deinde ipsimet IESVS CHRISTO hanc gloriæ suæ confessionem, pro Euangelij ueritate debemus: Ecclesiæ autem, ut puritas doctrinæ in illa seruetur, sine qua non potest salua esse. Proinde aliud quiddam est, quod eam difficultatē, quam dico, nobis parit: nēpe, quia talis res est Christiana doctrina, ut nisi per spiritum sanctum, neque doceri efficaciter, neque disci cum fructu possit. Ac trahit quidem spiritus ille quoscunque uult: & omnino quo uult. Sed re ipsa experimur, nō omnes a DEO doceri: sed suo quodam delectu illum agere. Multi enim infensissimis odijs, ut olim & semper persecuti sunt ueritatis doctrinam: ita etiam hoc tempore claram & irrefragabilem Euangelij lucem & ueritatem, & cui nulla specie æquitatis contradicere possint, hostilissime persequuntur.

Sunt etiam alia quædam, quæ hanc nostram, imo Iesu Christi, gloriæ Dei, & totius Ecclesiæ, causam lædere existimantur: de quibus in præ-

sentia

sentia non est animus multa disputare. Vt quod contra Euangelij ueritatem, eius aduersarij iactant temporum praescriptiones: in quibus aliena uero dogmata recepta fuerunt. Sed quid potest comparari, cum uerbi DEI Dei autoritate: cum illo nihil sit antiquius, preciosius, firmitus, uerius, iustius aut sanctius: & cui minus contradici debeat ac possit. Nam fac etiam aliquid firmum esse & preciosum apud homines: tamen illius gloria, non est gloria in comparatione ad uerbum Dei: **CVIVS VNIVS GLORIA FIRMISSIME STABIT, SVRGET, ET FLOREBIT INAETERNVM.** Sed tamen accidere quotidie uidemus, ut quicunque ueritatem Euangelij sincere confitentur & pure doceant, incurrant in periculum honoris, famae, facultatum & uitae. Sic enim est ingratus, cecus & impius mundus: & suae salutis crudelissimus hostis. Ingratus enim redemptori CHRISTO, misericordiae DEI, & doctoribus ueritatis. Sed haec omnia incommoda, utcunque habeant, nemo tanti facere debet, nedum quibus munus docendi Euangelij commissum est, ut propterea despondeant animum: & non perferant omnes has difficultates & aerumnas, & dent operam, ut in tot ac tantis malis, aliquid tamen efficiant boni.

*Verbum Dei  
mini manet in  
aeternum,*

Quin etiam hoc maiore animo suscipi patrocinium Euangelicae ueritatis debet, quo certius constat totum esse DE IAC DOMINI nostri Iesu Christi: quicunque sint tandem, aut quancumque, qui illi resistunt: siue denique quacumque arte, dolo & tyrannide ac crudelitate illam piam causam persequantur. Multo enim latius est mortem perferre, quam in fauorem impijs eorum pestilentissimis doctrinis consentire, in fidei abnegationem. Neque enim dubium est, quin illos Deus suo presentissimo auxilio nunquam destituat, qui hanc Euangelij, Iesu Christi, & totius Ecclesiae causam, simplici cordis sui ueritate & fide tractant. Sicut ait: Ne metuat is eos qui occidunt corpus, animam autem non possunt occidere. Item, ponite hoc in cordibus uestris, non premeditari, quem admodum respondeatis: (ita ut solent, qui diffidunt metu periculorum, quantumuis optime causae.) Ego enim dabo uobis os & sapientiam, cui non poterunt resistere & contradicere omnes aduersarij uestri. Quae me quoque ratio mouit, ut confidam, quod per collationem scripturarum sanctarum, possim blasphemis hominum doctrinis, hanc existimationem & speciem pietatis, quam apud imperitos illae retinent detrahere. Quod precor per me efficiat, Deus & pater DOMINI nostri Iesu Christi, cui haec gloria debetur: ad quam illustrandam decet omnes pios omnia conari & perferre.

Nam licet aduersarij nostri, multis pessimis nominibus nos infamare: atque adeo occidant, tamen nihil quicquam refert. Sic enim neque hanc causam quam tuemur labefactare possunt: neque gloriam nominis Iesu



COMMENT DE POENITENT.

Christi obscurare. Denique hæc latrocinia DEVS nunquam sine inulta præterire: ad quem sanguis martyrum, in terram effusus, clamat, atque accelerat ultionem. Videntur quidem triumphare nunc aduersarij nostri: sed quemadmodum fuit semper in hoc mundo, est & erit uictoriæ triumphus, apud impios parricidas, fidei Christianæ hostes. Neque tamen, ut dixi, cause nostræ incommodant: aut certe non perpetuo incommodant. Quia uincit eadem uictrix ueritas: & triumphat cum electis suis in æterna secula CHRISTVS IESVS. Cui laus & gloria, nunc & semper Amen.

ELENCHVS CAPITVM

*prioris consultationis.*

De uera & iustificante fide: contra somnium rationis, de fide formata. Cap. I.

Contra Sophistarum aliud commentum, de merito congrui & condigni. Cap. II.

Quomodo intelligendum sit, cum dicitur: quod sola fide iustificemur. Cap. III.

Quod fides impijs, & prophanis istis hominibus, qui peccatis mortalibus sine poenitentia indulgent, non debeat neque possit tribui. Cap. IIII.

CHRISTI Apostolos non solis caerimonijs Mosaicæ legis, sed & operibus Decalogi, & in uniuersum omnibus iusticijs nostris, de trahere meritum iustificationis. Cap. V.

Breuis responsio, ad eas sententias scripturæ, quæ ab aduersarijs citantur contra fidei doctrinam: quæ est de gratuita nostri per CHRISTVM iustificatione. Cap. VI.

Coronis, in qua agitur in genere, de gratia saluante: & locus Pauli ad Roman. iij. de iustificatione enarratur: & concluditur summum, tanquam in epologo, de supradictis omnibus. Cap. VII.

SEQVITVR PARS PRIMA, DE

cauillationibus, quæ sunt apud aduersarios, contra gratiæ & fidei doctrinam.

DE VERA ET IUSTIFICANTE FIDE,

*contra somnium rationis, de fide formata.*

CAP. I.

**E**Rgo a scholasticis Theologis, doctoribus iusticiæ rationis, non sanæ gratiæ, fidei, ac scripturarum sanctarum, corrumpitur non solum ipsa fidei doctrina, uerum etiam bonorum operum: uidelicet, totius poenitentiae: hoc est, contritionis, confessionis, & totius nouitatis seu fructuum spiritus in iustificatis. Sed de his omnibus partibus seorsim loquimur: & de fidei rationibus prius. Vera igitur & iustificans fides, hæc est, qua intelligit homo, atque agnoscit tota cordis sui fiducia, se habere placat

*Vera & iustificans fides.*

placatum & propitium DEVM: agnoscit autem ita propitium esse, ut remittat omnibus nobis peccata nostra, ac donet æternam uitam, gratis, sine lege, sine iusticijs operum, & exclusa gloriatione meritorum nostrorum, per misericordiam suam, propter placatorem, iustificatorem, & seruatorem CHRISTVM IESVM, quatenus in illum credimus. In hac sententia, cum uideant Sophistæ esse atque conclamare omnes scripturas, sicut Petrus testatur: Act. iij. de CHRISTO, in hæc uerba: Nec enim est aliud nomen sub cælo datum hominibus, per quod oporteat nos saluos fieri. Et cap. x. Huic omnes prophetæ testimonium perhibent, quod remissionem peccatorum accipiant, per nomē eius, omnes qui CREDVNT in eum. Et Paulus Roman. iij. Ex operibus legis nō iustificatur omnis caro coram illo. Item, Nunc autem sine lege iusticia DEI manifestata est, testificata a lege & prophetis: iusticia autē Dei per fidem Iesu Christi, in omnes & super omnes qui CREDVNT in eū. Item, Iustificati gratis, per gratiam ipsius: per redemptionem quæ est in Christo Iesu. Hæc inquam, & his similia innumera testimonia, de gratia, fide, iustificatione & saluatione nostri, per Christum, gratuita illa, quæ uidelicet contingit & donatur nobis sine iusticijs & sine meritis nostris, cum uideant omnia, audiant & legant Sophistæ: neq; intelligat rursus quorsum doceatur in literis sacris operum nostrorum iusticia, aut quæ nam sit illius necessitas, qui usus & finis: quam ipsi esse somniant iusticiam, qua coram DEO pronunciemur & reputemur iusti, sancti, beati, filij Dei, & uitæ eternæ hæredes: sic eludunt gratiæ, fidei & saluationis doctrinam. Fingunt multas fidei distinctiones, (qua arte multa alia in scripturis corrumunt: et ambigua, incerta & dubia faciunt. *Ars Sophistæ* 64.) Adeoq; in nouas sententias transformant: cogitationibus rationis obnoxias & seruas: cum non sit nisi una, uera, iustificans, & saluos faciens fides, in Deum & in seruatorem Christum: ea uidelicet, quam dixi. Quæ præterea est donum Dei, & effectus spiritus sancti in nobis. Sed Scholastici, cogitationum rationis Theologi, dicunt fidem aliam esse infusam, & aliam acquisitam: aliam rursus informem & aliam formatam. Et nescio quibus alijs portentis somniorum de fide, alias explicita, alias implicita: modo generali, modo speciali, cum sibi tum alijs imponunt, illufores & mentium deceptores: seseque & alios fraudant luce, ueritate, iusticia & æterna salute.

Quapropter utile non solum, sed & necessarium erit contra istorum uanitates & nugas non nihil scribere. Hoc enim postulat gloria Euangelij, Dei & Iesu CHRISTI, prophanata ab istis doctoribus & oppressa. Deinde ipsa ueritas doctriinæ, quam oportet puram in Ecclesia retinere & seruare: sed & imperitis sophisticarū captionū seruiendum est, ut dolo & fraude liberentur. Igitur fidem infusam dicunt Scholastici:

*Fides infusa*



*Acquisita.*

que unicuique dono Dei, & per spiritum sanctum, contingit. Ab hac distinguunt, acquisitam: quam faciunt rationis opus. Nam acquisitam, definiunt noticiam humanitus acceptam: ex auditu uerbi fidei. Et suo de Iyramento adplicant illud Apostoli: Fides ex auditu est, &c. Roma. x. Et addunt uenustam rationem scilicet: quia, aiunt, que nouimus audiendo, ab alijs nouimus per acquisitionem. Omnino, quasi non solus spiritus sanctus sit efficax in doctoribus uerbi Dei: & solus per promissionem Euangelij moueat corda, ut credant. Adeoque, quasi uerbum Dei possit ratione humana capi, intelligi, iudicari & recipi: & assensus illi audito & cognito haberi, sine spiritu sancto: cum pro mera stulticia ab hominibus habeatur, & rideatur, prima Cor. ij. Nec alia causa opus habeamus omnes trahi atque doceri a Deo: seu illuminari spiritu sancto, ut uerbi gloriam, lucem & ueritatem uideamus, cognoscamus & intelligamus. illique assentiamur, & credentes uerbo salui efficiamur a peccato & a morte.

*Num fides sine dilectione  
existere possit.*

Porro autem scholastici ab hac utraque detrahunt ac separant charitatem, quasi tam fides infusa quam acquisita inesse possit etiam illis, qui sine dilectionis operibus uiuunt: hoc est, sine omni poenitentia & flagitijs indulgentes, & fraudantes proximum. Quod de somnio rationis & fide ficta, quam scholastici docent & formatam adpellant ultro damus: sed de uera fide, quam prædicant sacre literę, CHRISTVS & Apostoli, & qua iustificatur impius, uidelicet, per gratiam & Christum, sine lege & sine meritis operum suorum, hoc nunquam concedemus: neque probabunt aliquando sophistę, uidelicet, fidem sine dilectione existere posse: ne dum in homine facinoroso, & flagitijs indulgente, sine poenitentia, & sine mutatione sui in melius. Imo blasphemia est, ita nugari de re seria, supernaturali & diuina, de fide inquam in DEVM, ut illam impijs pariter & pijs tribuas: impijs autem, ut sine poenitentia maneant: cum sit electissimum & nobilissimum donum DEI, & solis filijs DEI contingat: adeoque res uiua, omnipotens, saluans a peccato & morte, & efficax dilectione.

Nam obsecro te, quomodo posset spiritus sanctus esse & permanere in illis qui flagitiose & sine poenitentia uiuunt. At illi in quibus est fides in Deum uera, nempe, promissionis Euangelij de CHRISTO, habet spiritum sanctum, iuxta illud Roman. viij. Non enim accepistis spiritum seruitutis iterum ad timorem: sed accepistis spiritum adoptionis, per quem clamamus abba pater. Et ad Gal. iij. Quoniam autem estis filij, misit DEVS spiritum filij sui in corda uestra, clamantem abba pater. Sunt enim filij, quatenus in promissionem Euangelij credunt: ut est Ioannis primo. Et ideo a spiritu sancto gubernantur: quare impossibile est illos sine poenitentia & sine dilectione uiuere. Sed Sophistas fallit, atque errare facit, quod ubi de fide loquuntur, de nuda noticia rerum a Christo gestarum.

*Erroris causa  
est apud scho-  
lasticos; de si-  
de.*

gestarum, & assensu illius noticiæ, intelligunt omnia: (qualis esse potest in illis noticia, & assensus, qui prophanas historias legunt.) & nihil prorsus de fide acceptante & adprehendente promissionem saluationis: In qua est misericordie diuinæ fiducia, & certitudo remissi peccati, atque acceptæ æternæ salutis, propter Christum. Hec enim docetur & requiritur in sacris, fidei iustificantis nomine. Ioannis primo. Dedit eis potestatem, filios Dei fieri, his qui credunt in nomen eius. Et cap. iij. Sic enim DEVS dilexit mundum, ut filium suum unigenitum daret, (attende precium, & satisfactionem pro peccato & morte.) ut omnis qui credit in eum non pereat: sed habeat uitam æternam.

Igitur quia de promissionis fide, nulla memoria est, nec intelligentia apud Sophistas: ideo non potuerunt statuere hominem fide iustificari, hoc est, historie noticia: in qua est ociosa & frigida cogitatio, de diuinis. Fides autem significat fiduciam gratiæ & misericordiæ DEI, adeoque seruatoris Christi. Offert enim nobis Deus per promissionem gratiæ suæ remissionem peccati & æternam uitam, propter filium suum unigenitum Christum, Dominum & seruatorem nostrum: et requirit a nobis fidem illius oblatae & donatæ gratiæ. Et testatur, eos qui fide adprehendunt promissionem gratiæ, & seruatorem CHRISTVM, saluos fore. Hinc certe statuere oportet, fide iustificari impium: sine lege & sine meritis operum suorum. Iustificatur enim per gratuitam misericordiam Dei, remissione peccati propter Christum donata: quatenus fiduciam illius misericordiæ concipit, quæ aliter recipi non potest. Sed quid facerent ignari promissionis gratiæ? Non possunt statuere, iusticiam quæ ualeat coram Deo aliud significare, nisi qualitates & habitus uirtutum nostrarum. Quenadmodum scholastici Theologi qui utuntur quidē fidei adpellatione in doctrina de iustificatione: sed reuera nihil quod fidei est intelligunt. Neque tribuunt credenti ullam iusticiam: sed tantum operanti, per dilectionem. Idcirco enim, cum urgentur scripturæ testimonijs, quæ probant impium fide iustificari, ad aliam distinctionem & friuolum commentum sese recipiunt, dicentes: fidem aliam esse formam, & aliam informem. Informem enim quæ careat dilectione: formam autem, quæ habeat dilectionem, & bona opera legis, quæ inde fluant: atque hac censent & pronunciant impium iustificari a peccato, & saluari ab æterna morte. Ex quo liquet quod formale fidei, non docent esse fiduciam adprehensiuam beneficiorum gratiæ, & redemptoris IESV Christi, Domini & seruatoris nostri: qui traditus est propter peccata nostra, & excitatus est propter iustificationem nostri. Sed fidei contingere formam, per opera & facta nostra, seu per obedientiam nostram erga legem. Et quoniam negant, ulli fidem suam, nisi propter hanc formam, ad iusticiam & saluationem prodesse, palam est ipsos negare, gratiæ be-

*Fides quid:*

*Commentum  
de fide informi,  
& forma  
ta.*



beneficia gratuita esse: siue, q̄ unius redemptoris IESV CHRISTI beneficio liberemur & a peccato & a morte, credentes in eum. Quinetiam propria & sua quęq; personali iusticia saluari: sicut mox de hac blasphemia pluribus istos conuincam.

*Bonauentura*

Nec enim excusari possunt deliri Sophistę, q̄ hac distinctione euantur, ut ea separent ueram, uiuam, efficacem & iustificantem fidem, a fide ficta, & mortua rationis opinione. (hoc enim si facerent, tolerabile esset: imo laudabile & pium.) sed quia sentiunt hominem suis operū meritis, non gratię fide, saluari. Sic enim unus eorum scribit: nempe Bonauentura, in librum Sentent. iij. distinct. xxiij. Quoniam, inquit, cum credere, sicut dicit Augustinus, sit cogitare cum assensione, ad hoc ut habitus fidei plene & integre habeatur, necesse est quod intellectus instruat de credibilibus, ut possit illa cogitare: & inclinetur, ut possit illis assentire. Et primum quidem est materiale in fide: secundum uero est formale. Et hæc recte quidem Bonauentura, sed postea addit: utrum q̄ horum reperiri tam in fide informi, quam in fide formata. Ex quo intelligis, quod in fide non existimant aliud esse, nisi cogitationes rationis de diuinis. Sed ultra hæc pergens addit: non enim dici, fidem informem, quia careat omni forma. sed quia careat forma gratię, gratum facientis, hoc est, dilectione. Quo perspicuum est, quod uim fidei prorsus enervant: & Sophisticis cauillationibus ludant, utentes fidei adpellatione, cum illius quod fidei est nihil recipiant: imo etiam, fidem omnium credendorum tribuunt impijs, tantum ut illius dignitatem degrauent & opprimant. Nec discernunt pios ab impijs, nisi per iusticias rationis seu carnis: atque ita non sunt meliores Theologi, quantum attinet doctrinam de iustificatione, quam est Aristoteles in Ethicis, aut M. Cicero in officijs. Concludimus ergo, q̄ meritis iusticiarum nostrarum tribuant debitum æternę saluationis: nempe, q̄ illis DEO reconciliemur, & impetremus nobis remissionem peccati, & eternam uitam. Quod est concedere homini, imo erigere in eo superbam & arrogantem præsumptionem & gloriationem contra gratiam. Quare nec intelligunt, quorsum hoc cæcæ dogmate ruant, quod est in commento de fide formata, ipsi inanis somnii autores.

*Augustini de  
finitio de fide*

Nec fiunt solum autores impijssimę præsumptionis hominibus, ignaris suę imbecillitatis, & imperfectionis in iusticia operum: item ignaris fidei gratię, sed præterea & blasphemę desperationis. Reuelato enim conscientijs iudicio DEI, necesse est, ut qui fidei gratię sunt uacui & inanes, sese præcipitent in profundum desperationis: accepta in se eternę maledictionis sententia. Quinetiam Augustini definitionem de fide, non intelligunt doctores de fide formata. Si enim credere, est cogitare cum assensione: quæ potest illa noticia esse, de credibilibus, siue credendis,

dendis, quæ præbentur homini materia cogitandi: nisi promissionum gratiæ quæ in Euangelio annunciat, propter CHRISTVM: Deinde, quæ illa inclinatio, ut credēdis assentiāmus, nisi ipsa promissio inuitans nos, ut tota cordis fiducia adprehendamus illam gratuite gratiæ salutē, quæ contingit per Christum Iesum; his qui promissioni credunt: Excitatur enim hæc fides a solo spiritu sancto, per assensum promissionis, quem creat: neque possibile est, ut illum habeant impij, flagitiosi & scelerati. Nam si quando contingeret ipsis, statim efficerentur iusti, sancti & noui homines, per renouatum cordis motum: & uitæ eternæ heredes. Vide autem quale sit, quod requirunt dilectionem a credente doctor Scholastici, cum fidei gratuite gratiæ nullam usquam faciant mentionem: imo nolunt gratuitam credi gratiam saluantem. At impossibile est DEVM ab imbecilli carne, aut legem cupiditatibus nostris aduersantem amari posse, nisi prius sciamus illum reconciliatum esse nobis per CHRISTVM: & a lege nos ulterius iudicari & damnari non posse. Hæc recito, ut uideas in Sophistarum dogmatibus omnia confusissima esse: plena erroribus & impietate.

Quod ergo Scholastici adpellant fidem formatam, id nihil minus attingit, atq; quod est in literis sacris de fide Christiana: quinetiam gloriam gratiæ dei, & redemptoris Christi beneficium obscurat & opprimit: Ecclesias Dei horribiliter uastat ac perdit, deiectas uidelicet fidei petra Christo Iesu: inq; harenam suarum iusticiarum ruentem positas. Nos fidei, noticiam tribuimus & affectum: nec multum uariamus ab Augustini sententia, qui in fide ponit noticiam & assensum. Vbi enim est uerax assensus rerum credendarum, exempli gratia, qualis esse debet in gratiæ promissionem: ibi affectus quem in fide requirimus non potest abesse, nempe, fiducia adprehendens gratiæ promissionem. Nec rursus dici uerax noticia potest, ubi cognitis nullum assensum præbes. Nos itaque in adpellatione noticiæ includimus assensum: quemadmodum Augustinus in uocabulo assensus fiduciam coniiciētem se in gratiæ promissionem comprehendit. Eo uero libentius utimur fiduciæ adpellatione, quod Scholastici non intellexerunt fidei nomen in sacris pro fiducia usurpari: ubi præsertim agitur de gratiæ promissionibus, quibus cognitis & per fiduciam cordis adprehensis iustificatur impius & saluatur a peccato & a morte. Est igitur in fide noticia: noticia autem illa præcipua promissionum gratiæ, seu misericordiæ DEI gratuite, qua recipimur in gratiam propter CHRISTVM: nec enim potest abesse ab hac noticia, Christi filij DEI cognitio, incarnati uidelicet, traditi, passi & glorificati, pro redimendis nobis a peccato & ab æterna morte. Et horum noticia iustificatur impius & efficitur saluus, quatenus credit: iuxta illud Esaiæ liij. In noticia sui iustificabit ipse iustus seruus meus multos: & iniquita-

In fide noticiæ et affectus

Quærum reorū noticia sit in fide.



tes eorū ipse portabit. Item illud Ioan. xviij. Hęc est uita eterna, ut cognoscant te solū Deum uerū: & quem misisti Iesum Christū. Nam certe hūc locum nō licebit intelligere, quā de promissionis Euāgelij fide: quia nulla alia saluamur: ut intelligere est ex illo Ioan. iij. Sic enim Deus dilexit mundū, ut filium suū unigenitum daret, ut omnis qui credit in eū non pereat, sed habeat uitā eternam. Hęc fides, quę est incarnati filij Dei, quę oportuit tradi pro peccatis nostris in mortē: Luc. xxiij. appellat Matt. xvi. petra: & dicitur eo loco, portę inferorū non pręualebunt aduersus eam. De horū noticia nihil scribunt Sophistę, cū interim nugentur omnia scripturę, & omnes fidei articulos credēdos esse: hoc est, assentiendū esse illis tanquam ueris, sine tamen fiducia saluationis, quę gratis contingat, sine meritis iusticiarum nostrarum.

In noticia cō  
prehendi as  
sensum, in quo  
est fiducia  
gratię,

Porro illa nouicia, de qua loquor nō esset noticia, nisi accederet ad eā assensus. Quādiu enim mēs non assentit promissioni gratię, sed ambigēs dubitat atq; diffidēs refragat illi, certe non est noticia: sed ceca ignorātia, & infelix, noxia, atq; blasphemās incredulitas, negans ueritatē uerbi Dei, & hominē dammans. Ceterę assensus illę, qui est in gratię promissionem, quo recipit uera esse, & beneficio redemptoris Christi ad nos pertinere: uidelicet, gratuita peccati remissio, iusticia & aeterna salus: ille in quā parit in nobis gratuita gratię fiduciā, in qua est pax cōscientię & summa animorū tranquillitas, propter securitatē eternę uitę, adprehensā a credēte in Christo Iesu. Hęc igitur fiducia cōiungi debet, cū noticia credendorū, in fidei definitiōe: illius, qua impij iustificamur, et a peccato & a morte liberamur. Nā ita cohærent noticia illa & fiducia, quā dico, ut diuelli nullo modo possint. Nō enim est firma noticia, cui nō accedit assensus: nec uere assentiri est articulis fidei, nisi per fiduciā cordis promissionē gratię adprehēdas. Itaq; relinquit, in assensu pmissionū gratię, quę prębent materiā credendorū, esse fiduciā illam & securitatē mētis: qua in fide adoptionis, quę cōtingit Christi noie clamamus, abba pater.

Certitudo no  
ticia & fidei  
in Christum.

Est autem noticia illa fidei tam certa, firma, cognita & perspecta credēti, quā sunt ea, quę oculis intuemur & manibus palpamus. Neq; enim mentitur Deus: ideoq; credentes Deo, & adprehēdētes per fiduciā cordis gratię promissionē, impossibile est falli ac decipi, labi & errare. Ut ergo maxime promissam salutē nondum possideamus, sed expectemus reuelandam: tamen ita certum est illā nos adeptos esse, & tenere in fide, atq; si ea iam frueremur. Est enim ad dexterā Dei in cœlis, in quo uita & aeterna salus nostra recondita est: Col. iij. quare a credente in eum nō potest amitti saluatio. Sic quod ad fidem attinet, qua possidetur iusticia & salus CHRISTI nomine uiderunt & tenuerunt, seruatorē suū Christum, & per consequens iusticiam & salutem, beati illi patres, qui fuerunt ante Christum incarnatum, passum & glorificatum: & tenuerunt credentes

credentes in gratiæ promissionem, eadem luce & ueritate, qua nos, ut quibus & Christus, agnus ille Dei, abolens peccata mundi, propter ipsorum fidē, fuit a condito mūdo usq; incarnatus, passus, occisus & glorificatus. Et huc facit totum illud caput Esaiæ liij. euangelicissimū, de beneficio redemptionis per Christum. Itē illud Ioan. viij. Abraam uidit dīem meū, et gauisus est i. Cor. x. omnes eandē escam spiritualē māducauerunt. Hebræ. xij. Iesus CHRISTVS heri & hodie: idem est & in secula. Apoca. xij. agni, qui occisus est ab initio mūdi. Huc itē facit illud Pauli: gloriamur in spe glorię filiorū Dei Roma. v. Item illud eiusdem: spe salui facti sumus. Et illud i. Ioan. iij. Charissimi, nunc filij DEI sumus: & nondum adparuit quod futuri sumus. In eam sententiā dicitur in epistola ad Hebrę. cap. xi. Fides, sperandarum rerū argumentum: indicium non adparentiū. Bis enim eandem sententiā posuit: quia idē sunt argumentum & indicium. Est autem in fide argumentum, hoc est, certa noticia credendorū: quam indicat uerbum Dei. Vt hanc definitionis sententiā colligas, fides est fiducia nihil hāsītans: ut cui declarat, monstrat atq; indicat promissio, ceu in quodam argumento & compēdiaria summa, speranda: quæ rationi nusquam adparent.

In hunc modū causamaterialis fidei, quę est uerbum Dei, præbet fidei noticiam credendorū: & spiritus sanctus inclināt corda, ut assensum illi noticię præbeamus, adprehendētes per fiduciā cordis res promissas: nēpe, peccati remissionem & eternā uitam. Et assensus ille, in quo est fiducia, quā dixi, adpellat recte formale in fide: nō opera dilectionis. Debet em̄ fides definiri, per actū credendi: nō per actum amādi. Quāq; autem nihil minus uideātur, quam possidere beatitudinē, qui Euāgelio crediderunt: tamē firmissima securitate eā habent & expectant reuelādam. Vide Ephē. ij. Deus qui diues est: &c. ubi multis emphaticis ybis usus est, ut nos de certitudine salutis, quā oportet fidei nostrę inesse, cōfirmet. Nō est em̄ cur existimemus nos credere in deū & in seruatorē Christū, nisi firmissime statuamus nos liberatos esse & saluos factos a peccato & eterna morte, per gratuitā misericordiā Dei, ppter Christū. Nō licet enim de promissionū ueritate dubitare: qui em̄ dubitat, nec credit: atq; ita nec possunt saluari. Sic est ergo, ut docui, noticia promissiōis in fide: cui haberi debet assensus, in quo est certa expectatio uitę future, quā possidebimus eternā, per Christū Iesum. Itaq; quod citat apud Scholasticos Theologos Hugonis dictū de fide: Fides est certitudo, de rebus absentibus supra opinionē, et infra scientiā constituta: id prudēter intelligendū est. Nā opinio quidē est de rebus dubijs et incertis: scientiā autē de cōpertis atq; intellectis ratiōe. Fides autē est scientiā oīm firmissima & certissima: sed de incōprehensibilibus ratiōe humana. Habet em̄ suas demonstratiōes maxie certas, & qbus nemo potest falli, in ybo dei: qd qui in dubiū uocāt & honorē yitatis illi nō habet, sunt blasphemī in deū et pfidi hostes fidei.

*Materiale et  
formale in  
fide.*

Hugo:



Noticia, assensus et fiducia cordis, quo modo sint cōiuncta in fide iustificante.

Fide iustificamur.

Formaliter iusti.

De his tribus

De his tribus

Sed hæc hæc hactenus, ut declarem qualis rerum noticia sit in fide: & qui affectus inde oriatur. Noticia enim est de reconciliatio nobis DEO, remisso peccato, & donata æterna salute, propter unigenitum filium Dei; DOMINVM & seruatore nostrum, Iesum Christum: in hoc ipsum incarnatum, passum & glorificatum, ut nobis parem placaret, & semet ipsum exhiberet precium, hostiam & satisfactionem, pro peccato & pro æterna morte. Porro quatenus accedit assensus illi noticie, ut in credentibus Euangelio, certe cum illo ipso assensu mox oritur fiducia adprehendens seruatore Christum: tanquam pignus iusticie & æternæ uitæ. Ut ergo in pia & firma noticia assensus esse debet: ita in assensu requiritur fiducia, adprehendens peccati remissionem, iusticiam & eternam uitam, in Christo IESU sibi repositam. Hæc igitur fide iustificamur: hoc est, fiducia promissionis Euangelij. Gratis, per misericordiam propter Christum: sine lege, sine operibus, sine carnalibus meritis atque ullis iusticijs nostris. Sicut testatur Paulus Roman. iij. Arbitramur hominem iustificari per fidem: sine operibus legis. Sic sunt formaliter iusti, homines peccatores, in semetipsis iniusti & transgressores legis: iusti autem per gratiæ fidem, propter iustificatore Christum: quales fuerunt, facinorosus ille in cruce, Lucæ xxiij. qui gloriam Christi confessus, gratiam inuocauit, & saluus factus est. Item, publicani & meretrices. Matth. xxi. Quia crediderunt in Christum & poenitentiam egerunt: non propter poenitentiam iusti, sed propter fidem gratiæ: in quibus illa poenitentia operata est, dignissimum pietatis Christianæ fructum: quemadmodum & saluationem seu liberationem a peccato & morte operatur.

Proinde in doctrina de iustificatione non hoc agitur, ut operibus nostris saluationem quaeramus: in quem errorem Sophiste sententiam scripturæ corrumpunt. Sed docetur, quomodo per gratiæ fidem liberemur a peccato & a morte: etiam si nulla opera bona habeamus. Sicut reuera omnes sumus grauissimi peccatores: & nullum perfecte opus bonum coram Deo habemus, sicut copiose docui libro superiore. Adde tamen, & hoc Pauli testimonium hoc loco: Gal. ij. Nō iustificatur homo ex operibus legis: sed per fidem Iesu Christi. Et nos in Christum Iesum credimus, ut iustificemur ex fide Christi: & nō ex operibus legis. Propterea, quod ex operibus legis nō iustificatur omnis caro. Dixi igitur, iustos esse nos formaliter coram deo, peccatores & iniustos: sine lege & sine iusticijs nostris. Iustificamur enim per gratiæ imputationem, & remissione peccati nostri: estque aliena, seu extraneus illa iusticia. Quia per fidem, possidemus illam in Christo: Gal. iij. Omnes enim filij dei estis, per fidem, quæ est per Christum Iesum. Quicunque enim per Christum Iesum baptizati estis, Christum induistis.

Valeant igitur male cōciliati homines cum suis fabulosis nugis, in doctrina gratiæ, fidei, remissionis peccati, iusticie & æternæ uitæ: ac ludant in

re non

re non seria, qui adeo nullam gratiæ & IESV CHRISTI cognitio-  
nem habent. Scholasticos dico, cōmenti istius perniciosi de fide forma-  
tautores, ut in quo nobis nō fidem in deum & seruatorē Christum, sed  
merita iusticiarū rationis prædicant. Fidem em̄ def in iun per actū amā-  
di, quæ definienda erat per noticiam, assensum & fiduciam gratiæ, hoc  
est, promissionū Euangelij de Christo, qui est precium pro peccatis no-  
stris, adeoq; ipsissima lux, uita, ueritas & salus nostra. Definientes autē fi-  
dem, actū amandi & per iusticias legis, contēnunt gratiæ promissionem  
& seruatorē Christum abnegant: imperitis autē Sophistarum cauilla-  
tionū, aut parum attentis, sceleratissime imponunt. Et istius impietatis in  
Deum, gratiam & Christum, infra sequentibus capitibus sex, erūt mihi  
cōuincendi. Nulla est uera in deū, Christū, et iustificans fides, nisi quæ  
recte dici fides infusa: quatenus adprehendit Euangelij promissionē de  
iusticia & salute per Christum. Contingit em̄ dono dei nobis ea fides:  
qua efficaciter in nobis agit ipse spiritus sanctus, per cognitionē promissi-  
onum Euangelij: hoc est, misericordiæ illius gratiæ dei, et beneficiorū  
redemptoris Christi, ad destructionē peccati & mortis. Proinde in hac fi-  
de, est assentiri & credere, hoc est, fiduciā habere, promissionibus gratiæ,  
de placato deo & parte nobis redēptione per seruatorem Christū. Ideo  
qui sic credūt, illi euaserunt & euicerūt, quælibet pericula peccati & eter-  
næ mortis, atq; adeo diabolus ipsum, grauissimū salutis credentiū ho-  
stem. Et q̄ oporteat sic credere, eos oēs qui salui esse uolunt ac debent,  
testat in uniuersum tota Euāgelij doctrina, quæ cognita assensum requi-  
rit & fiduciā & rerum quas annūciat, per gratiam dei, nomine Christi:  
uidelicet, liberatiōis a peccato & morte, & doni iusticiæ atq; uitæ eterne.  
Sicut ex eo liquet, qd est de gratia saluāte per Christū Iesum. ij. Timot. i.  
Qui saluos fecit nos, & uocauit uocatiōe sua sancta: nō secundū opera  
nostra, sed secundū propositum suū & gratiā: quæ data est nobis, p̄ Chri-  
stum Iesum, ante tēpora eterna. Manifestata est autē nunc, per adparitio-  
nē saluatoris nostri Iesu Christi: qui destruxit q̄dem mortē: uitā autē &  
in corruptibilitatē in lucē produxit, per Euangelium. Ergo horū bñficiorū  
fidē requirita nobis deus, per Euāgelium, ut copiose docui: nō requirit, ut  
credamus q̄ per actū amādi, hoc est, p̄ iusticias lēgis gratiā mereamur et  
uitā æternā. Q̄ si cōditionaliter requireret a nobis iusticias legis, pro  
missionē gratiæ, q̄ esset uanū & p̄nitiosum illud Pauli: Roma. iij. Nūc autē  
sine lege, iusticia dei manifestata est: testificata a lege & p̄phetis. Iusticia  
autē dei p̄ fidē Iesu Christi: in oēs & sup oēs qui credūt in eū. Igitur iustici-  
as nostras, hoc est, cōditionē illarū, oīm maxime excludit: q̄ si illā requi-  
reret, nemo ex oībus hoībus saluus fieri posset. Quia ea est immūdia  
cordis nostri & iusticiæ opm imperfectio, ut legi nemo satisficiat. Qua-  
pter gratis saluamur, per gratiā & seruatorē Christū Iesum: si tñ in illū  
credimus. Nemo uero, quod dici, impiū iustificari per fidem, gratiam,

*Vera fides  
quam adpe-  
lant infusam.*

*Fide iustifica-  
mur absq; o-  
peribus legis.*

*Iusti sine lege*



**CHRISTVM**, gratis sine lege, sine operibus, ita accipiat, quasi obedientia operis nostri excludatur, tanquam minime necessaria: non tollunt enim ille exclusivæ, nisi fiduciam meriti iusticiarum nostrarum, superbam, uanam & arrogantem gloriationem contra gratiam: & testatur iusticias nostras immundas esse, qua causa per redemptorem Christum debuimus saluari. Alioqui si per legem cōtingeret peccatori iusticia, **CHRISTVS** iustificator frustra mortuus esset. At iustificato peccatore per fidem in Christum, non opus habet querere per opera iusticiam, aut uitam: iustus enim fide Roman. iij. filius Dei est: Ioannis primo & uitæ eternæ heres. Operibus autem, sequentibus fidem, necesse habet se in fide exercere, iusticiam spiritus ornare, confiteri & glorificare **DEVM** & redemptorem Christum. Est autem maior consolatio in illis exclusiuis, quam dici ab ullo homine possit: ideo per Euangelium debuit afferri. Vt enim lex est terroris doctrina, & peccatores adigit in desperationem: ita Euangelium est cōsolatoria doctrina, & per promissionem remissionis peccati & uitæ æternæ, in Christo **IESV**, affert pacem cordibus, & extrahit hominem & seruat a desperatione, & securum efficit eternæ uitæ. Et hanc summam consolationem semper conatus est nobis Diabolus eripere, aut certe obscurare in Ecclesia, ubi eripere nō potuit, per impios doctores.

De fidei effectibus, in eternam per iusticiam.

Proinde nihil est, quod fidei in tantum repugnat, atq; opinio, quæ statuit quod Deus condicionaliter nos saluos faciat, per merita iusticiarum legis. Hoc uerum est quidem, fidem iustificantem, quæ est illius effectus, in iusticia externa morum, sequi opera bona: & obedientiam erga legem. Sed hinc non potest elici, hominem per operum suorum merita saluari: saluatur enim per gratiæ fidem, non effectibus fidei: etiamsi illi, eos qui uere crediderunt, nunquam non sequantur. Sicut utrunq; intelligi potest ex illo Pauli: ad Ephes. ij. Gratia enim estis saluati, per fidem: & hoc non ex uobis: Dei enim donum est: ne quis gloriatur. Ipsi enim sumus factura, per **CHRISTVM IESVM**, in operibus bonis: quæ preparauit Deus ut in illis ambulemus. Ex his liquet nos gratiæ debere, saluationem nostri: idq; in fide profitendum esse: agnoscere Dei donum, non superbe gloriari. Nam **DEVS** omnibus modis de testatur & odit hanc superbam gloriationem: qua homines sibi tribuunt perfectionem iusticiæ per opera sua, & quod hinc sequitur debitum saluationis. Ignoscit autem peccata, ex fide gratiæ ipsum inuocantibus, & saluos facit. Horum utrunq; discit Lucæ xviij. in parabola pharisæi & publicani. Est autem & is beneficij Christi effectus, quod credentes in eum ambulant in nouitate uitæ poenitentia agentes, in nomine Christi, ad gloriam **DEI**. Quorum iusticiæ per se, & sine fide, non possent **DEO** placere.

Tribuit

Tribuit autem sacra scriptura fidei effectum dilectionis: tum quia est necessarium, ut DEO obedientiam in iusticia morum præstemus. Sed illa dilectio, in qua est totius uitæ nouitas, fidem sequi debet, tanquā fructus iusticiæ, in gratiæ laudem. Tum etiam, ut admoneamur, qua maxime re, ueram fidē, a falsa, ficta & mortua rationis opinione oporteat discernere & separare. Non debemus pios ab impijs, operibus discernere, quia fieri potest, ut grauissimi peccatores in gratiam recipiantur propter fidem in Christum: ut sit frequenter. Et contra frequenter accidit, quod multi iusticiarij, cum uniuersis iusticijs suis reprehendantur & damnentur: propter incredulitatem. Quid iuuerunt omnes pharisæos suæ iusticię: qui scilicet, in incredulitate permanserunt: Nec sunt ulli unquam homines recepti in gratiam, merito iusticiarū suarum: sed per gratiæ fidem. Et pharisaice iusti quo maiorem fiduciam in opera sua posuerunt, hoc longius remouerunt a gratia: ut habes ad Roman. ix. in collatione Gentium & Iudæorum. Vt ergo apud homines, & in conscientię iudicio ualeat nonnunquam comparatio, qua iusti ab impijs per opera bona discernuntur, tamen non est perpetuum, maxime coram Deo: qui reputat iustos coram se, qui in ipsius gratiam credunt: impios autem, iniustos & damnabiles, qui non credunt in ipsius gratiam. Vt etiam omnes legis iusticias haberent, & credentes, penitus nullas. Extra hoc iudicium certum est discerni posse, ueram fidem a ficta, per opera bona: & significat singulis in conscientię iudicio, suorum operum iusticia, num uere credant in DEVM aut fictę. Quo etiam reuocamur a Christo: Matth. xxv. & alias sæpe. Et a Petro: ij. Pet. primo. Qui enim hunc honorem non habet Deo, ut poenitentiam agat & bona operetur, a quo uocatus est in gratiam per CHRISTVM, quomodo potest fidem habere: hoc est, credere quod sit in gratia adoptionis, & hæres regni Dei. Hinc & Paulus frequenter testatur, nullos qui flagitiose uiuunt, hæreditatem regni Dei consequi posse.

Ergo quod Paulus scribit ad Gal. v. Nos enim spiritu ex fide, spem iusticiæ expectamus. Nam in Christo Iesu neque circumcisio aliquid ualet, neque preputium: sed fides, quę per charitatē est efficax: sane discerni diligenter causa iusticiæ ab illius effectibus externis debet: ne effectibus tribuas quod est causæ: hoc est, iusticijs & operibus nostris, quod est gratiæ saluantis nos, per fidem. Paulus igitur iusticię qua saluamur causam facit fidem. Ideo ait: nos enim spiritu ex fide spem iusticiæ expectamus. Rursus operibus obedientię nostrę detrahatur meritum saluationis: ideo subiicit. Nam in Christo Iesu neque circumcisio aliquid ualet neque preputium: hoc est, nullæ iusticię operum seu rationis, siue illæ sint Iudæorum siue Gentium. Testatur autem etiam illud Paulus, fidem rem esse uiuam & efficacem dilectione: ut eam separet a fide ficta. Sicut alias dicit:

In locum Pauli,  
li. Gal. 5. de fide  
de etc.



Finis præcepti est charitas, ex corde puro, conscientia bona & fide non ficta. Proinde aliud est, nature & substantiæ alicuius rei aliquid tribuere: & aliud effectibus eius rei. Non potes de opere artificis prædicare, quod de artifice, nec de fructibus, quod de agro, uinea, terra fertili, & arbore bona. Aliud enim est causa, produciens rem in effectum: & effectus aliud. Siue id quod creat seu edit fructum, aliud est quam fructus: seu opus artificis extans. Sic neq; de effectibus fidei, hoc est, de operibus dilectionis recte dici potest, quod de fide. Nam fide gratiæ DE I iustificamur, non operibus nostris, seu meritis illorum. Iusti autem per fidem, bene operamur: & renouati ea fide, recte uiuimus, Deum glorificantes. Quia non potest stertere aut ociosa delitescere in homine fides: sed uera illa seruit Deo, & cupidissime studet gloriæ Christi. Neq; uero, ut

*Causa adprehensiuu iusticie:*

rursus dicam, fide iustificamur, quia est efficax dilectione: sed quia est causa adprehendens gratiæ promissionem, & Christum in cor suum includens, ut precium pro peccato & pignus æternæ salutis. De hac causa adprehensiuu beneficiorum gratiæ & seruatoris CHRISTI, nihil potuit dici in quâcumuis operosis, & sinuosis uoluminibus Sophistarum. Quia impediuit eos opinio, de merito operum nostrorum: & dignitate iusticiarum rationis.

Quid multis: fidei appellatione hoc solum agunt scholastici, ut opinioniones rationis de DEO & Christo, & historicam noticiam rerum a Christo gestarum, nobis infigant: sine fiducia promissionum gratiæ, cum hac sola iustificemur, seu liberemur a peccato & morte, quæ adprehendit gratiæ promissionem. Et quicquid de Deo credere possis, nulli sit utile per se, sine gratiæ fiducia. Nam & noticiæ credendorum, sine gratiæ fiducia, multo firmior est in Diabolis, quam in ullis iusticiarijs: qd & fefellit doctores fidei formatae, & coegit ista distinctione uti, qua discernunt iustos ab iniustis per opera, quia promissionum gratiæ & ueræ fidei in CHRISTVM nihil intellexerunt. Itaq; Paulus non solum non docet, quod dilectione, effectu fidei, seu operibus nostris, iustificemur: uerum hoc nusquam non agit, ut detrahat illis operibus obedientiæ nostræ meritum iustificationis. Quemadmodum & illo ad Gal. loco, quem paulo ante citauimus. Opponit enim fidem gratiæ, qua asserit nos iustificari coram DEO, iusticijs Gentium & Iudæorum. Sicut enim semper fuerunt apud Iudæos, qui contra iusticiam gratiæ, suas operum iusticias iactauerunt: ita Gentes confidebant iusticijs rationis, & operum moraliter bonorum, tanquam perfectæ iusticiæ. Sed illorum perniciosas opinioniones refellit Paulus: testificans, quod iusticia gratiæ, & a peccato & a morte saluemur. Excludit ergo humane iusticiæ gloriationem DEVS: quanquam enim res per se bona est, tamen neque digna est perfectæ iusticiæ nomine, neq; potest habentē beatum efficere coram Deo.

*Reditio ad locum Pauli, Gal. 5.*

Postre

Postremum, absoluit Deus beneficio Euangelij peccatores, ne qui operibus suis tribuant meritum saluationis. Quod si intellexissent, nunquam potuissent in disputationibus suis Sophistę, quas de fide habuerunt, ita desipere & delirare.

Relinquitur ergo, remissionem peccati, iusticiam & æternam uitam, esse gratuitam beneficentiam misericordię Dei: nec conferri illam propter opera legis nostra, sed propter CHRISTVM, si in illum credimus. Si enim opera nostra, opera dilectionis, ut sunt effectus fidei, iustificarent, nunquam posset scriptura dicere: Qui credit in filium Dei habet uitam æternam. Nec illud prædicare: Iustus fide sua uiuet. Nec permitteretur Paulus ita loqui: ex operibus legis non iustificatur omnis caro. Sed sic necesse esset scripturam loqui: quicumq; præstat iusticias legis, facit eleemosynam, precatur multum, ieiunat, & similia opera præcepta facit, is iustificatur coram Deo, & efficitur saluus a peccato & morte, merito operum suorum. Sed quanta hæc esset obsecro gloria carnalium iusticiarum coram Deo: cum sola gratia, iustificator Christus, & fides gratiæ, debeant illa saluos efficiente nos gloria clarificari. Sophistę autem illam humanę iusticię gloriationem docent: quam Deus odit, reprehendit & damnat. Esto uero, ut dicat scriptura: Qui fecerit hæc uiuet in eis. Item, si uis ad uitam ingredi, serua mandata. Hoc fac, & uiues. Nō sequitur tamen, quod per opera nostra coram deo iustificemur. Neque enim operando satisfacimus legi: ideo illę sententię nunquam possunt adplicari ad opera nostra, eo quod remotissime absunt a perfecta obedientia legis. Legi enim carnalis natura non potest satisfacere: nempe, spiritualissimę & sanctissimę doctrinę. Imo ne illi quidem, qui a spiritu sancto gubernantur: nisi quatenus in CHRISTVM Iesum credunt, per quem ignoscitur ipsis, si quid minus perfecte præstant. In iusticiarios igitur illos, qui per opera sua salutem querunt, illud Pauli quadrat: quicumq; ex operibus legis sunt, sub maledicto sunt. Nam licet opera legis faciant, non tamen perfectam iusticiam legis habent: & querentes iustificari per legem, totius obedientię legis sunt debitores. Quanquam dum absoluere illud debitum nunquam possunt, manent rei eternarum maledictionum legis. Dicitur autem infra separato capite, de illis sententijs scripturę, quę iusticiam operum nostrorum requirunt, & imperitijs uidentur meritum saluationis polliceri.

In summa, sine fide impossibile est deo placere: Hebrę xi. fides autem meriti operum nostrorum gloriationem penitus tollit atq; excludit. Itaq; fiunt præcepta, & seruantur mandata, & placet deo illa operis nostri obedientia, quatenus præstiterimus illā in fide gratię & nominis Christi. Incredulorum opera nō possunt Deo placere: sed abominabiles sunt omnes iusticię eorum coram Deo, propter gratiæ contemptum. Qua



propter & DEVS nullas immundicias ipsis ignoscit, & nullam imperfectionem condonat: acturus cum ipsis in iudicio. Quod propheta deprecatur: Ne intres in iudicium cum seruo tuo. Quia non iustificabitur in conspectu tuo omnis uiuens. Quamquam autem opera iustificationum placeant DEO: non tamen sunt partialis causa iustificationis. Contin- git enim iustificatio per gratiam: & opera iustificationum placent, ut iusti- ciæ fidei fructus. Nec potest præstari uerax obedientia, nisi ab eo qui est uera in DEVM per Iesum Christum fide præditus. Iuxta illud: Finis præcepti est charitas, ex corde puro, conscientia bona & fide non ficta. Prius fidem, postea dilectionis opera doceto.

CONTRA SOPHISTARVM

*aliud commentum, de merito cōgrui, & condigni.*

CAP. II.

**Q**Uanquam ex proximo scripto, contra somnium rationis, de fide formata, abunde satis intelligi possit, Sophisticis cauillationibus ni- hil reliquum esse, qd dici possit contra gratiæ doctrinam, & Euange- lij de CHRISTO redemptore fidem: non committam tamen, ne ni- hil respondeam ad uanitatem commenti de merito operum congruita- tis, ut uocant, & condignitatis. Item, ad quædam alia portenta doctrinæ Sophistarum: quibus illi illudunt gratiæ DEI & redemptori Chri- sto Iesu, sicut pollicitus sum in præfatione huius libri, merens respon- sum. Existimo enim plurimum facere ad illustrationem doctrinæ Eu- angelij, & ad puritatem illius conseruandam, si plane ac prorsus in- telligatur, quibus & quot inanibus commentis aduersarij gratiæ con- tra fidei doctrinam utantur. Nam obsecro te, (ut inde initium mihi su- mam, ubi cautissimi uidentur esse sibi, & ualde cauere uolunt, ne in pe- tram fidei CHRISTVM impingant, corruant & collidantur.) quor- sum indigemus gratia & seruatore Christo, si tam integra est ratio & ui- res naturæ, ut homo impius & peccator, faciendo quod in se est, possit ex arbitrij libertate, per actum elicitem moraliter bonum, mandata Dei implere, tentationem fugare, disponere se ad receptionem gratiæ, & de congruo illam mereri, de condigno autem uitam æternam. Quanquam pleriq; Christianorum non intelligant istas tantas blasphemias in So- phistarum dogmatibus prædicari: & sunt tam intricatæ & spinosæ in scri- ptis Sophistarum doctrinæ de merito operum, ut imperitis & uulgo sa- tis explicari non possint: & uix sufficiat hominis ætas ad ediscendū illas. Cum uerbi Dei doctrina, sit clarissima lux: accommodata ad captum sim- plicium, ut illa doceantur, & credentes salui fiant. Cæterum Sophistæ & obscura & quæ doceri coram uulgo non possunt, ad illius captum, tra- dunt: & falso iactant nomen meriti carnalium iusticiarum nostrarum. Necp; docent, quam meras operum hypocritas: & fidei consolationes e- ripiunt miseris, atq; fraudant illos, luce, ueritate, gratia, iusticia & æter-  
na uita.

na uita. Quare refutanda sunt illorum impia dogmata: si nos studium gloriæ CHRISTI tenet, & salutis proximorum.

Ergo cum mereri mercedem, & præmium, uel ipsis Sophistis auctori-  
bus, sit ex indebito debitum efficere: ne aperte blasphemare uideantur,  
confugiunt ad solitas distinctiones suas, atq; ad præstigias cogitationū  
rationis: (quibus, ut supra quoq; dixi, eludūt perpetuā oīa dicta scriptu-  
re: si quid rationi absurdū uidetur, & philosophiæ rationis, in doctrina  
iustificationis, non consentit.) Ac fugiunt duplex meritum, congrui alte-  
rum & alterum condigni. Et de posteriore quidem affirmant, quod est  
cōdigni, id proprie et uere meritū dici & esse: prius autē, quod dicitur con-  
grui, improprie, aliquo tamē modo. Sic scilicet uidentur sibi ualde cau-  
ti & cati esse, acutum uidere, prudentiam & sobrietatem retinere: ne exi-  
stimentur gratiam Dei penitus excludere, abiurare, & infamiam nomi-  
nis Pelagianorum incidere & mereri. Sed nullo modo excusari ab illi-  
us merito possunt: ut condignum est blasphemos gratiæ hostes, eo spi-  
ritu agitari, ne sine debita mercede, qualis perfidiæ Iudaicæ debetur, di-  
mittantur: Sed mercedem abnegationis reddet Deus.

Dicamus ergo de utroq; merito, difinitiuē: ex ipsorummet Sophista-  
rum scriptis. Et postea excutiamus, qualia sint ea dogmata, quæ de meri-  
to operum iactantur. Thomas ergo, (quem habent antesignanum So-  
phistæ.) in summa, prima secundæ, quæstione, cxliij. ita scribit: Opus  
meritorium hominis dupliciter considerari potest. Vno modo, secun-  
dum quod procedit ex libero arbitrio: alio modo, secundum quod pro-  
cedit ex gratia spiritus sancti. Si consideretur secundum substantiam o-  
peris, & secundum quod procedit ex libero arbitrio, sic non potest ibi es-  
se condignitas, propter maximam inequalitatem: sed ibi est congruitas,  
propter quandam equalitatem proportionis. Videtur enim congruum,  
ut homini operanti secundum suam uirtutem, DEVS recompēset, se-  
cundum excellentiam suæ uirtutis. Si autem loquamur de opere merito-  
rio, secundum quod procedit ex gratia spiritus sancti: sic est meritorium  
uitæ æternæ ex condigno. Sic enim ualor meriti attenditur secundum  
uirtutem spiritus sancti: mouentis nos in uitam æternam. Secundum il-  
lud, Ioan. iij. Fiet in eo fons aquæ salientis, in uitam æternam. Attendi-  
tur etiam precium operis, secundum dignitatem gratiæ, per quam ho-  
mo consors factus diuinæ naturæ adoptatur in filium DEI: cui debe-  
tur hæreditas, ex ipso iure adoptionis. Secundum illud: Roman. viij. si  
filij & hæredes. Hæc Thomas: de cuius scripti uanitate, infra nonni-  
hil loquemur.

Nec habemus opus plura referre ex Scholasticorū descriptionibus,  
de operū merito: quia de illo idē omnes pronunciant & statuunt. Estq;  
hæc eorum sententia meritum congrui illud esse, quādo homo impius



Meriti con-  
digni.

& peccator, facit quod in se est, eliciendo bonum motum in DEVM, ex arbitrij libertate. Tunc enim mereri illum, quandam primam gratiā, qualificantem ipsius iusticiam, atq; probabilē Deo efficientem. Intelligunt autem renouatū cordis motum, quē uocant dilectionem. Rursus, meritum condigni adpellant, quando ex ui motionis diuine, nam habitu illo dilectionis, quem dixi, existimant iustum esse: & iusto tribuunt, quod proprie mereatur. ) Simul tamen per actum a uoluntate elicitum, quodcunque legis opus facimus. Tunc enim mereri hominem, æternam uitam: absoluta condignitate. Nam & Thomas sine rubore, uel potius sine mente, impudentissime blasphematur, Quæst. qua supra, art. vii. sic pronuncians & dicens: quod quilibet actus charitatis mereatur absolute uitam æternam.

Nec alij melius iudicauerunt. Nam & Bonauentura, qui cæteris aliquot Sophistis existimatur purior fuisse, ita censuit: quia, inquit, est meritum condigni, quo quis ex tanta charitate, meretur tantam gloriā. In tertium Sentent. Lombardi, dist. iij. Sic ergo in luto stercoris humanę iusticię hęserunt, ut nusquam potuerint fidei oculos lumē gratię attollere, & illius iusticiā uidere. Notū est uero quid de talibus Paulus pronunciet: Roman. x. Ignorantes enim, inquit, iusticiam Dei, (hæc est fidei iusticiā, qua Deus reputat iustos, qui promissionem gratiæ, de propiciatore Christo Iesu adprehendunt. Non operum aut uirtutum nostrarum, etiamsi purificatarum uere per renouatū cordis motum. Quod clarissimū est & firmissimum, ex cap. iij. Epistolæ ad Roma. Et ex iij. Ioannis.) & suā querentes statuere, iusticiæ Dei nō sunt subiecti. Finis enim legis CHRISTVS ad iusticiam omni credenti.

Consultatio o-  
pinionū, de  
merito operū

Igitur istis omnibus portentis, & mōstris opinionū, confictis ab ocio-  
sis & ignaris scripturæ sanctarum Sophistis, opponimus primo illud  
Pauli: Nō abiicio gratiā Dei. Si enim per legē iusticia: ergo gratis Christus mortuus est. Gal. ij. In hac enim est epitaphis causæ de iustificatione. Itaq; si mortuus est Christus, quod nemo audebit negare, ne aduersarij quidē nostri, quantūuis male affecti sint, erga gratiæ causam: simul cōfiteri oportet, gratis nō esse mortuū, hoc est, sine utilitate & sine fructu. Moriēdo em̄, nobis fructificauit. Neq; em̄ pro se, aut suis pētis, q̄ nulla habuit, sed ut tradūt scripturę, p nostris peccatis traditus est in mortē. Quia sua morte debuit satisfacere pro nostris peccatis, & iusticiā nobis mereri, & reconciliare nobis Deū, & liberare nos ab æterna morte. Proinde cōcludimus cū Paulo, ex lege nō esse iusticiā: hoc est, suorū operū meritis nullum hominē iustificari corā Deo, aut liberari a morte. Vanū esse, & impium cōmentum, id quod de merito operū nostrorū iactatur apud Sophistas: & a multis, quibus imposuerūt sua nugaci fictione, receptū est, Quęcūq; sint illa opera quę prestamus: siue extra gratiam & nondū

nondum recōciliati Deo per fidem: siue recepti in gratiā, qua loco filiorum Dei habemur. Nam Paulus gratiā opponit omnibus iusticijs nostris: & gratiam diserte definit, beneficētia illa dei, quę prestita est nobis, per traditionem Christi, pro peccatis nostris in mortē. Et testatur abijcere atq; repudiare gratiam, eos qui per legē, hoc est, iusticiarū suarū merita, querunt iustificari & saluari. Quid em̄ attinebat filium Dei tradi in mortem, pro nostris peccatis, si ipsi per iusticias nostras potuissemus nobis promereri, donū remissionis peccati & uitę eternę? Et quę hęc esset gloria gratię, si caro, homo impius & peccator, suis iusticijs beatus effici, & uita eterna dignus, potuisset?

Ergo necesse est, istos meriti operū nostrorum doctores plusq; damnablem errare: perniciosis opinionibus & doctrinis, se & alios fallere ac perdere. Nā Dei gratiam & abijciūt & abijcere docent: & redēptoris Christi beneficium cōtemnere, & multo potius fidere iusticijs rationis. Quanquā ex lege nō sit iusticia: et impossibile fuerit Christū frustra mori. Expende igitur quale sit, cū dicitur, quod homo impius & peccator, faciendo quod in se est, & eliciendo bonū motum in Deum, (hoc em̄ fingunt, cum sit nihil) ex arbitrii libertate, primā gratiam mereatur: habitum infusum, q̄ Deū super omnia diligit, & proximū ut se ipsum: quo impetrato & accepto, mereatur sibi, ex actibus iusticiarū sequentibus, uitam eternā. An non tali frustra mortuus est Christus: nēpe, ignaro iusticię gratię: imo, cum cōtemptu illius propriā querēti. Iam hac ipsa perfidię & erroris impietate, ipsum quoq; peccatum originis negatur, & peccatores negant esse filij irę. Nam licet Sophiste uideri uelint, utrumque nobiscum cōfiteri, tamen utrumq; negant. Nec em̄ possunt non negare, quicunq; cōtēdunt, quod per iusticias nostras saluemur. Nā homini tribuere eam perfectionē iusticię, qua legem facere, implere & gratiam mereri possit, est illi tribuere naturam sine peccato: & affirmare q̄ talis iniuria damnetur.

*Quid sit peccatum originis negare.*

Cāterum uocabulum mercedis, quo utitur scriptura, non arguit, q̄ per opera nostra, gratiam, & uitę eternę salutē mereamur. Sed testatur, premium seu mercedē laboris sequi, eos qui uera in Christum fide pręditi fuerunt: & per hanc fidē, (ea purissime obseruata in corde, sine additamento impię opinionis,) debitam obedientiā erga legem presterunt: siue afflictiones, pro Christi nomine, in fide sustinuerunt.

*Merces.*

Sed finge, q̄ faciendo bonum opus morale eo profeceris, ut datus sit tibi spiritus, et quod habeas charitatem: (quanquā hoc monstrū est, & Sophistis nihil minus cōcedamus. Nā spiritum sanctū accipimus Christi merito: credentes in eum.) Sed finge tamē, quod adeptus sis gratiam illā spiritus faciēdo quod in te est. Vnde autē & ex quo merito: congrui. At quomodo nō potius est condignitas in illo merito? Nam ut ponam

*Contramertum congruū seorsim.*



uēra esse, quę doctores operum somniant, nempe, quod quicumq; opē-  
ra Decalogi facit, is habeat in se uim acquirēdi gratiā & iusticiam. Quia  
non ponendo obicē, non manens in proposito peccati mortalis, & facien-  
do quod in se est, merē infallibiliter gratiā: & infunditur ei spiritus san-  
ctus, ut deum & proximū diligere possit. Hoc stante, quomodo non est  
condignitas in eo opere: ut dixi. Quia deus re ipsa coactus, cōfert ex ne-  
cessitate gratiam, ei qui operat, & facit quod in se est. Redit igitur in idē  
meritum congrui, cū merito condigni: & solis nominibus hęc duo inter  
se differunt. Nisi quod prius meritum fingitur esse gratię & dilectiōis:  
posterius autē, æternę uitę. Igitur Sophistę intus & extra, in cute & to-  
to corpore Pelagianizant: & fictione congruitatis, de pessima nominis  
infamia, male sibi cauent. Si enim DEVS facienti quod in se est dat  
gratiam, & confert dilectiōē, non utiq; rem facit sua excellenti bonitatē  
indignam: sed, ut Sophistę interpretantur, quā congruit, cōuenit, ac  
decer dare, & facere deum. Quia, ut Thomas inquit, cōgruum est, ut dū  
homo bene utitur sua uirtute, deus secundum superexcellētē uirtutem  
suā, excellentius operetur. Ergo preparatibus se & currentibus, deus nō  
potest deesse: non potest nō conferre ipsis gratiā, non potest nō remittere  
re ipsis peccata eorū, & spiritum sanctū conferre: ut sequentibus & perfe-  
ctioribus iusticijs uitā æternā sibi mereantur. Et nihil est, quod Pau-  
lus dicit: non est uolentis, neque currentis, sed miserentis dei.

Hoc si uolūt Sophistę, sicut reuera aliud neq; sentiunt neq; uolunt,  
quid opus habemus iustificatore Christo, luce, uia, ueritate & æterna ui-  
ta: q; se ipsum tradidit pretium & satisfactionē pro peccatis nostris in mor-  
tem, hostiam ineffabilē & incomparabilē, & semetipsum uitā æternā  
nobis donauit, cum aliter nec liberari a pēto, nec salui fieri a morte pos-  
semus: intelligis igitur Scholasticos & aduersarios nostros Pelagianorū  
uirus ex rictu exhalare: Quia impossibile est, ut deus faciat ullam  
rem, se & sua superexcellēti bonitate indignā. Igitur stante blasphemio  
illo dogmate Sophistarū, opus quod fit extra gratiā, ab eo qui est in pec-  
catis mortalibus, & natura filius irę, filius diaboli, meretur infallibiliter  
gratiam, iusticiam & æternā uitā: siue de congruo, siue de cōdi-  
gno hoc fiat. Quę portenta & somnia inanum uerborū nihil moror:  
cum opinionibus nūc rixor, ut ostendam quantarū blasphemiarum dilu-  
tio sint refertę. Quanquā utile est conferre, hęc duplicia merita quę pre-  
dicant Sophistę, & cognoscere quod solis nominibus differūt: ut pro-  
pius uideas, quanta errorū caligine ubiq; cæcutiant, se & alios perdant,  
fictis terminis & rebus. Porro meritum cōdigni, ut de huius quoq;  
ratione hac confutatione seorsim nō nihil scribam, definiunt esse homi-  
nis iam habētis gratiam & dilectiōē: pro quo, tanquā pro re digna, di-  
cūt & debere deū, & reddere æternā uitā. Agnoscis igitur pie lector spi-  
ritum

Contra meri-  
tum condigni  
seorsim.

ritum Antichristi in illo Scholasticorum theologorum dogmate: Qui & temporibus Apostolorum exortus est, & cauillari atque negare beneficia Christi coepit: & in Pelagianis, operatione erroris & perditionis efficax fuit. Et nunc opera & labore Papistarum, crudeli grassatione, Ecclesias dei misere lacerat, dissipat & uastat: imprimis per Romanum Pontificem & monachos: quorum pharisaicos cultus & doctrinas, deus de sub coelo auferat funditus, deleat & perdat. Amen. Ceterum Sophistae fingunt in hoc merito spiritum gratiae homini adesse, qui nullam ueram fidem in misericordiam gratuitam dei, & in Iesum Christum habet: imo qui contrariis opinionibus fertur, rapitur, ac dementatur, contra misericordiae & nominis Iesu CHRISTI fidem: ut impossibile sit Christi spiritum, dilectionis uere auctorem, in tali mente habitare. Quare istae fictiones condignitatis, quae efficiat spiritus sancti praesentia, quae nulla est, saltem ubi istae impie opinioniones de operum merito regnant, non possunt excusare Sophistas, a perfidia Iudaica, et a blasphemia reiectae gratiae et abnegatae fidei in Christum.

Denique, si iustus est homo sua qualitate & habitu, quem operibus de congruo promeruit atque inde opera legis faciens, uitam aeternam meretur, certe sine Christo illam meretur, quemadmodum iusticiam sine Christo sibi arrogat: cum & iusticiam & uitam aeternam solus Christus omnibus promeruerit: ut copiose docetur Roman. iij. & Ioan. iij. Huc ite facit i. Ioan. iij. Et hoc est testimoniū, quod uitam aeternam dedit nobis deus: & haec uita in filio eius est: Qui habet filium, habet uitam: qui non habet filium dei, uitam non habet. Vbi mox addit: Praecognoscens spiritum Antichristi, imo uidens atque audiens illum, eoque omnibus modis cauens Ecclesijs, doctrina & admonitionibus sollicitando: Haec scripsi uobis, qui creditis in nomine filij dei: ut sciatis, quod uitam habetis aeternam. Et credatis in nomine filij dei: quasi hac postrema parte dicat, ut in fide fundati, stabiles & immoti permaneat. Igitur non magno constar, convincere Sophistas, de suo crasso, impio & execrabili errore: quem in doctrina gratiae, fidei, iustificationis & operum nostrorum meritis retinet. Nimis enim aperte, & sine rubore, pro summa iusticia predicant summam impietatem, & grauissimum errorem. Hoc igitur agendum erit nobis, ut nos contra impium et blasphemum commentum, firmis scripturae testimonijs muniamus. Nam in summa, dei dona, tam quae sunt reconciliationis nostrae, & remissionis peccati, quam quae uitae aeternae, sunt gratuita: & prorsus nulli per opera suorum merita contingunt: sed gratis per misericordiam propter Christum solis qui in illum credunt. At testimoniorum scripturae in genes copia ubique occurrit: Imo haec est propria noui testamenti et gratiae doctrina. Quare praedictis quae collegi superiore capite pauca quaedam addam. Nam huc praecipue facit illud Pauli Ro. iij. Ei pro quo operatur, merces non imputatur secundum gratiam: sed secundum debitum. At nemo est qui nesciat, Paulum contendere, nihil pro meritis operum

Rosius in ge-  
nere, contra  
doctrinam de  
periti merito.



COMMENT DE POENITENT.

nostrorum nobis donari a DEO. Porro ei qui nō operatur, sed credit in eum, qui iustificat impiū imputatur fides sua ad iusticiā.

Igitur meritis operum suorum nemo iustus est coram Deo: nec uitam æternā quisquā illis obtinebit: sed soli, qui per fidem in iustificatōe & redemptorem Christū, sese coniungunt in gratuitam misericordiā Dei. Sicut est Ioā. i. Dedit eis potestatem filios Dei fieri, his qui credunt in nomine eius. Roma. viij. Si autem filij: & heredes. Hoc igitur retinendū erit omnibus nobis firmissima fidei securitate: neminem per opera sua saluari, nec quę precedunt receptionē suā in gratiam, nec quę sequuntur. Huc accersit predictis in subsidium, qđ est Roma. xi. collatione Beati beati trū patrū, et huius quę est in hoc tempore, his uerbis: Sic in hoc tempore reliquę secundum electionem gratiæ DEI sunt. Si autē per gratiam, iam non ex operibus: alioqui, (si gratia pro meritis operum nostrorum datur.) gratia iam non est gratia. Sin ex operibus, iam non per gratiam: alioqui, (si per solam gratiam salus contingit) opus iam non est opus. Amittit enim meritū iustificationis & saluationis nomen, titulum, & gloriā: uidelicet, opus iusticię nostrę. Et tamen hypocritę, operum doctores, illam gloriā perpetuo tribuūt operibus nostrę iusticiarum. Sed ipsi uiderint olim, quid docendo & operando meruerint, hac impia & prophana merite. Esaię liij. Ipse autem uulneratus est propter iniquitates nostras: & attritus est propter scelera nostra. Ioā. i. Ecce agnus Dei, qui tollit peccata mūdi. i. Cor. i. Qui factus est nobis a Deo sapientia & iusticia, & sanctificatio, et redēptio: ut qui gloriatur in domino gloriatur. Hęc satis clare testant, gratiam, remissionē peccati, iusticiā & æternam uitā nullis donari, operum suorum merito: sed per misericordiam, propter mediatorē Christum, illis qui Euangelio credunt. Quin ergo Euāgelium de gratuita remissione peccati, & uitā æterna, prorsus & nihil obscure abijciunt & dānant potius, illi qui nobis iusticias rationis meritorias predicant iusticię & salutis: quā quod deceptoris uerbis illudūt. Quid em̄ pretēdunt fidem, quā adeo abolēt: cur meriti congrui adpellatione utuntur, cū sentiant impiū et peccatorem, operibus suis, gratiam & iusticiā infallibiliter mereri? Et quomodo audent dicere, nos a ceteris dilectiōis mereri absolute uitā æternā. An nō hoc est *πλεονεξία*? Quomodo autē potest se pręparare ad gratiā, illam quę mereri, qui totus est sub imperio peccati, diaboli, erroris, tenebrarū & mortis? Si uera est doctrina Scholasticorum theologorum, de operum merito, debitū est, nō gratia, quicquid per misericordiā Dei, & propiciatōe Christum, ad nos adfertur. Sed quō congruit misericordiā dici, qđ est debiti & pactę mercedis? Age demū, quę malum insania turbauit Sophistas, quę nō uiderunt ex illo Christi: cū feceritis oīa, quę precepta sunt uobis, dicite, seruus inuitiles sumus: quod debuimus facere fecimus. Luc. xvj. hominem suis operibus nihil posse a deo mereri: etiā omnes legis iusticias faciat. Nā

debitor est illius obediētię: etiamsi deus illi nihil reddat. Quanq̃ perfectam obediētiā nemo præstet: & simus hoc nomine oēs homines reuera inutiles serui. Et cur nō potius timent deū: quem sibi debiti nomine astringere uolūt: Cui quis dedit prior & retribuetur ei: Roma. xi. Ceterę capite superiore clare docui, quod iustificatio nostri gratis fiat, per misericordiā, propter Christū. Et Roma. vi. donum dei uocatur uita ęterna, per Iesum Christū dominum nostrę. Adhęc Roma. viij. dicit: Non sunt condignę passionēs huius temporis, ad futurā gloriā, quę reuelabitur erga nos. Quod si aliquid in iusticijs nostris meritorū esset, id cū primis erant afflictiones sanctorę: quas illi tolerant p̃ noīe Christi. Sed illis detrahatur meriti gloria: ut maxie reddat r merces ijs qui in fide eas pertulerunt. Matt. v. Ergo maledicat deus isti opinioni, quę opera nostra predicat meritoria, iusticię & salutis. Nā & merces est misericordię donum: non debitū priuatę cuiusq̃ iusticię. Per gratiam em̃ & Christum donat. Ergo quis dedit potestātē Thomę Aquinēsi et reliqs eius opinionis Sophistis, ut qđ de efficacia gratię & spiritus sancti, in illis qui Euāgelio credūt, dictum est, ipse in descriptiōe fabulosa meriti cōdigni torqueat ad operū & iusticiarum nostrarę, plusq̃ immundarę & carnalium meritū. Thomas em̃ scribit de merito quod uocat, cōdigni: ualor merito attendit secundū uirtutē spūs sancti, mouētis nos in uitā ęternam. Et addit testimoniū Sophistico acumine dignum: secundū illud, inquit, iohannis iij. Fiet in eo fons aque salientis in uitā ęternam. Nā simili dexterrate citare potuisset illud Gen. i. In principio creauit deus coelum & terram. Aut si quid absurdius est, & minus quadrās ad Thomę opinionē. Quod em̃ de diuina & supernaturali uirtute dictū est, regenerante nos per fidē in Christum, & efficiēte per merę gratuitam gratiā & misericordiam, filios dei, & uitę ęternę hęredes, id impurus & cæcus Sophista, torquet ad meritum iusticiarę hominis. O facinus infandū, & insignem cōtumeliā in Christū. Tale est etiā illud, quod mox addit: attēditur etiā precii operis secundū dignitatē gratię, per quam hō cōsors factus diuine nature, adoptat in filiū dei, cui debetur hęreditas ex ipso iure adoptionis. Secundū illud: si filij & hęredes: o acutum Theologū. Si em̃ ita sophisticari licet, & tutum atq̃ theologicum est, nihil usq̃ in omnibus scriptis Euangelistarę & Apłorę dictum est, de gratiā, Christo, fide, & iustificatiōe, quod nō possim de operę merito interpretari: & eximiū magistrę agere, & scholasticum honorē mereri. Paulus testat, hęreditatē salutis & regni dei adoptionis iure deberi his q̃ per gratiā et fidē in Christū sunt filij dei: qđ Thomas torquet ad dignitatē et meritū nostrarę iusticiarę. Quid iniquius: & si hoc nō est insanire & mēte captū esse, dicat alius qđ sit. Hęc nō fuerūt prętereūda in cōfutatiōe, quę p̃ fundamentum doctrinę iustificatiōis firmissimo habētur, apud eos qui doctrinę Euāgelij hoc tpe aduersant. Hos igitur tam foedos errores, qui in precipuis

Contra Thomę  
assertio-  
nes de operū  
merito.



COMMENT. DE POENITENT.

capitibus doctrinae Christianae spargunt, quid possent de uera pietate,  
& uero DEI cultu, usquam recte ac sani cogitare aut dicere?

QVOMODO SIT INTELLIGEN-

diam, cum dicitur: Impium sola fide iustificari & saluari.

CAP. III.

**P**roinde quia constat, quod impij & peccatores, per solam gratuitam  
misericordiam DEI propter Christum iustificatores, premium &  
satisfactionem pro nostris peccatis, & a peccato & aeterna morte salua-  
mur: non propter nostra opera, hoc est, non propter merita, quae finguntur  
cum sint nulla, nostrarum iusticiarum: misericordiam autem illam nul-  
lis contingere, nec CHRISTI redemptoris beneficia alijs imputari: nisi  
qui in eam ipsam misericordiam, per gratiae promissionem de Christo  
IESV credunt: recte dicimus, impium seu peccatorem sola gratiae hu-  
ius fide coram DEO iustificari & uiuere. Non excludendo, nisi eam im-  
pium opinionem, superbam atque arrogantem fiduciam & gloriationem,  
quae operibus nostris tribuunt remissionis peccati meritum & uitae aeter-  
nae: quasi haec dona non ueniant gratis, & pro iusticijs nostris dentur. Quae  
quia sunt impia & falsa, & gratiam DEI blasphemant, & beneficijs Chri-  
sti derogant, necesse habemus discernere inter fidem uere Christianam,  
quae rem salutis nostrae totam fert acceptam misericordiae Dei & propiti-  
atori Christo: & inter pharisaicas opiniones, tribuentium huius gloriae  
partem, uel potius hanc totam gloriam, quae Dei est & IESV Christi,  
suarum iusticiarum meritis: cum illarum nulla possint ostendere, & me-  
ris rationis somnijs hoc dicant, non modo sine omnibus scripturis, sed  
& contra scripturas. Ita ut declaratum est haec in capitulis illis duo-  
bus de fide formata, & iusticiae nostrarum meritis, quae ut dixi finguntur.

Hec respon-  
det ad Philip-  
picas Cochlei  
& Vuitzelij  
calumnias.

Sed hac oratione, qua dicimus, impium sola fide iustificari coram  
DEO, quidam asini supra modum offenduntur: cum genus sermonis  
& doctrinam non capiant neque intelligant. Aut certe quod magis credo,  
dissimulent se uidere & intelligere, odio Christianae doctrinae. Nam  
quae clare, recte, uere ac pie dicta sunt, non uerentur, sua asinina rudi-  
tate dicam, an maligna impietate: cauillari atque incessere: & stulta atque  
uirulenta interpretatione denigrare: uel potius contemnendos & riden-  
dos pijs & eruditjs hominibus semetipsos prebere. Quia non proficiunt  
nisi apud sui similes, crassos, stupidos, bardos, atque impios & nihili ho-  
mines, qui diuina non curant, & in cordibus suis dicunt, non est Deus.  
Nostra enim bifariam cauillantur: priore modo, ideo non recte neque  
firme doceri, quod impius sola fide iustificetur, quia & per gratiam, Chri-  
stum, spiritum sanctum, & sacramentum baptismi iustificetur. Quae ue-  
sana & stolidi commenta, quis potest aequo animo audire & legere? Et  
tamen fingunt, quod hac consequentia possint iusticiarum nostrarum me-  
rita, in parte gloriae, quae est Christianae iusticiae, qua coram Deo salua-  
mur,

mur, retinere. Neque uero istis nebulonibus curæ est dignitas bonorum operum: quia impossibile est bono spiritu agi, qui gratiæ & gloriæ Christi ita aduersantur. Quare perniciosas adulationibus, hæc placetia & acutas inuentiones scilicet, in fauorem & gratiam his qui Euangelio & gloriæ Christi aduersantur, scribunt. Porro altera calumnia, quæ isti plausibili, et solis impijs digno inueto addit, est: reijci uidelicet a nobis bona opera per fidei prædicationem nostram, nec nisi dimidium Christum nos prædicare, poenitentiam & opera bona non docere, &c.

*Hæc propria  
est Vuitzelij.*

Istis pessimis Sycophantis oportet aliquid respondere: primum, ne sibi placeant nimia securitate, & existiment plane neminem esse, qui uideat, qua animi malignitate & furore, quo ueritatis odio contra doctrinam gratiæ scribant. Non enim errori tribuerim istos cauillos: sed malitiæ & improbitati. Deinde, ut nonnullis pijs & bonis hominibus seruamus hoc responso: quibus impostores isti, quos dico, illudunt, imperitioribus nonnunquam, quam ut fraudes & maliciosa commenta subito uidere & deprehendere queant. Est igitur in prædicatione fidei diligentissime obseruandū: primo, quod hac sola reconciliatione coram deo, & iusticiā quæ est in peccati & omnium delictorum nostrorum remissione, & sola hominem beat, per Christum propiciatorem consequamur. Deinde, quod illa eadem fide ipsam quoque æternam uitam accipiamus: sine omnibus meritis nostrarum iusticiarum. Reconciliatis enim, & Christi merito in gratiam receptis illa contingit, donata hæreditatis iure. Prior assertio habet clarissimas & firmissimas probationes: Roman. iij. iij. ix & x. Gal. ij. iij. & v. Posterior, Ioannis iij. Roman. viij. & alijs innumeris locis scripturæ.

*Sola fide in  
fidei beatæ.*

Ac perspicuum est satis, nos hac doctrina, quam retinere debet Ecclesiæ, traditam a CHRISTO & Apostolis, nihil detrahare doctrinæ operum, seu nostræ poenitentiae: nedum abijcere illam. Multo minus gratiam, misericordiam Dei, propiciatorem Christum, spiritum sanctum, aut baptismum excludere. Quin etiam dignitatem bonorum operum conseruamus: quia in locum suum illam reponimus. Prohibemus enim, ne quis opera præcepta a Deo bona faciat illo opinionis impio errore, quo iubent aduersarij nostri opera præstare: nempe, ut remissionem peccati, iusticiam & æternam uitam illis nobis quaeramus mereri. Hac enim impietate legem & illius præcepta opera facere, est sentire contra fidem: negare & abijcere gratiā & seruatorem Christum. Quod cum faciant nostri aduersarij reprehendendi sunt: necque concedendū est ipsis quod possint bona opera prædicare, quemadmodum nec fidem, quam extinguunt quantum in ipsis est, & opera nostra in fastigio summæ gloriæ locant ubi stare non debent. Et in summa, iustificationis doctrinam confusissime perturbant: hoc quod solius gratiæ est, operibus nostris tribuentes, ut

*De operum  
doctrina.*



hec gratia, nec operum iusticia, nobis prodesse possit. Nos uero iubemus gratiae fidē retinere: & plane nihileorum quae sunt Christianae iusticiae, illius qua saluamur coram DEO, meritis operum nostrorum arrogare. Adeoque requirimus, ut qui crediderunt Euangelio, fidem bonis operibus exerceant, & sint ornamento gratiae, & glorificent DEVM.

*Quid uelit  
ratio, sola  
de iustifica-  
mur.*

*Finis bonorum  
operum.*

Non igitur deferenda est a nobis ueritas: & particula sola, qua affirmamus impium & peccatorem absque meritis operum suorum saluari, in doctrina iustificationis retinenda est. Multum enim lucis habet & perspicue docet. Quia meritum remissionis peccati, iusticiae & aeternae uitae operibus nostris detrahunt: & gloriam saluationis totam tribuit gratiae, hoc est, gratuitae misericordiae Dei, propiciatori CHRISTO Iesu, adeoque spiritui sancto, cordium nostrorum illuminatori & purificatori, denique ipsi Euangelio & sacramentis: sed quatenus credimus in Deum & misericordiam eius, propter CHRISTVM nobis praestitam: fide per Euangelium in cordibus nostris operatione spiritus sancti excitata, & sacramentis confirmata. Non rejicit opera bona, quae certe in renatis sequi debent: tum ut gloriam gratiae probemus nos agnoscere, eamque confiteamur & laudemus: tum etiam, ut crescamus & confirmemur in fide. Non tamen recipimus in numero & ordine bonorum operum, nisi ea quae Deus praecipit: uidelicet, obsequium erga legem, diuinae gloriae confessionem, studium frenandae carnis & desideriorum eius, & dilectionem quam proximis praestemus. Et illos operum fines nusquam explicant aduersarij nostri: qui etiam contrarios docent, quibus gratiam & redemptorem CHRISTVM negant. Deinde multa hominum praecepta de operibus, numerant in bonis operibus, ad salutem necessarijs: planeque daemoniorum doctrinas. Quod etiam si non facerent, tamen in praedicatione legis Dei non possent nisi meras hypocritas docere: eo quod negant, impium sola fide iustificari.

*Fides iustifi-  
cans.*

Nos itaque recte & necessario contendimus impium & peccatorem nulla alia re consequi peccati remissionem, iusticiam & aeternam uitam, praeterquam sola fide in Christum: quae certe est credentium in misericordiam Dei fides, & quidem credentium per Iesum Christum Dei filium, quem agnoscunt se habere redemptorem, pretium & satisfactionem pro suis peccatis. Nec potest illa fides aliunde excitata esse, quam per Euangelium a spiritu sancto, & mediantibus sacramentis: ut uidelicet credentes per Christum Iesum sciant atque confidant se reconciliatos esse Deo, habere remissionem peccati, & post hanc uitam accipere aeternam. Eant nunc aduersarij nostri & excutiant nobis particulam, sola: & accusabimus eos abnegatae gratiae, misericordiae DEI, iustificatoris Christi, spiritus sancti, qui est efficax in nobis per gloriam CHRISTI. Nam reuera haec omnia scelera & impietates sunt eorum, quas nobis imputant: neque

neque aliud agunt, quam ne pure in Deum & seruatorem Christum credamus. Denique & prophani Euangelij & sacramentorum eos damnabimus: ut quorum usum corrumpunt & opprimunt. Quia a fiducia gratiae, CHRISTI, spiritus sancti, uerbi Euangelij, & sacramentorum gratiae abstrahunt nos: & iubent, ut in opera & iusticias nostras fiduciam et spem salutis ponamus. Sed interim eos moneo, ut quiescant ac desinant ociosum laborem sumere: quia nunquam patiemur illam excuti nobis, nempe, a qua si defecerimus, simul oporteret nos Euangelium Dei, & aeternam uitam, & omnia quae prius dixi, abijcere & negare.

Quoties ergo quaeritur, per quam rem iusticiam habeamus peccatorum res coram DEO, & aeternam uitam, oportebit constanter respondere, quod per solam fidem, in Iesum Christum, Dei filium, mundi seruatorem. Accipiendo fidem pro noticia gratiae, & firmo assensu in eam, quae per promissionem Euangelij annunciat: & parit in nobis fiduciam de iustificatione nostri & saluatione per Christum Iesum. Ita ut supra de fide, hoc est, gratiae fiducia & seruatoris Christi a me disputatum est: & quae oritur ex noticia & assensu promissionum Dei in Euangelio. Ut sit in hac fide firma & constans fiducia & gloriatio de gratia illa, quae facta est nobis per Christum Iesum, traditum pro peccatis nostris in morte: & excitatum a morte propter iustificationem nostri. Sicut Paulus testatur, Roman. iij. Quae nos uerbose quidem, & prope ad tedium eruditi lectoris inculcamus: sed urgentibus nos nostris aduersarijs, & inimicis gratiae & CHRISTI.

*Fides quid.*

Proinde caute obseruemus, esse in hac tota controuersia, quaedam collationem gratiae & beneficiorum Christi, cum meritis iusticiarum nostrarum: & diserte hoc queri, an per solam gratuitam misericordiam Dei, quae praestita est nobis in Christo Iesu, iustificemur a peccato, & libermur a morte, quatenus credimus in eum: an uero per merita iusticiarum nostrarum, tanquam medio & causa, sine qua nulli saluatio contingat. Hic nos secuta mente, certa intelligentia & fide, pronunciamus, impiu & peccatorem sola fide coram DEO iustificari & saluari: inclusis illis omnibus, quae prius dixi, de gratia, Christo, spiritu sancto, Euangelio & sacramentis. Ac ne operibus quidem, seu poenitentia nostra exclusa ne sequatur: sed sola impia, superba, arrogante, pharisaica & blasphema opinione hypocritarum, contendendum, quod iustificatio per merita operum nostrorum fiat. Contra quos necesse habemus profiteri & scribere, pro gratiae laude, & pro puritate doctrinae Euangelij & operum bonorum: adeoque pro Ecclesiae salute.

*Epistolae contentio.*

Ergo Christiana iusticia non est operum seu meritorum nostrorum: sed est doni remissionis peccati, & quidem gratuiti, accepti a DEO propter Christum: si tamen in illum credimus. Significat enim iustificatio passi-

*Iusti, remissione peccati, & alieno beneficio.*

Q



ue, iusticiæ imputationem: sicut clarum est ex cap. iij. & iij. epistolæ ad Romanos. Sicut intelligas, in illa per gratiam imputatione, esse, non imputari nobis peccata nostra: sed remitti ea atq; ignosci propter Christum, quatenus in eum credimus. Item pronunciar iustos, eos qui Euangelio credunt: seu absolui a peccato & a morte, quo modo, rei capitalium delictorum, aliquando absoluantur a principibus: ne poena capitalis plectantur. Sic ergo nemo est, uel pronuncietur iustus, coram DEO, per suas iusticias: sed per promissionis Euangelij fidem, quicumq; credunt. Hac ratione iusti sumus, ut maxime adhuc peccatum habeamus, & simus legis transgressores: non si flagitiose uiuamus, uicij indulgentes. Sed quia nemo est, qui non habeat peccatum in natura: quod plerique multis actualibus transgressionibus auximus: nec remissionem eorum omnium delictorum & peccati accipere possumus, quam per fidem in Christum. Ergo fidei est, agnoscere illa gratuita gratiæ beneficia, de quibus loquor: & hominis iusti est, existimare & credere, se aliter iustum & beatum non esse, nisi per remissionis peccati fidem. Credentes enim in CHRISTVM IESVM, absolui a peccato & morte: & pronunciamur iusti, & efficimur uitæ æternæ heredes. Quod ut sine obscuritate & fraude explicemus, dicimus, impium gratis & sola fide iustificari, & saluationem habere.

Inter nos enim quaeritur & disceptatur, qua nam re iustificemur, adprehendentes gratiam illam, qua a peccato & morte saluamur: nū opera et iusticiæ nostræ sint causa istius doni, siue potius sola gratia & iustificator Christus. Id nos oportet clare explicare: & sacris scripturis confirmare. Cum igitur illæ doceant, iustificationem nostri esse gratuitum donum misericordiae Dei, & propiciatoris Christi beneficium: neq; tamē recipi in gratiam, aut remitti alijs sua peccata, nisi qui oblatam Euangelio gratiæ promissionem per fidem adprehendant: per fidem autem, qua agnoscimus Iesum Christum DEI filium, esse unicam illam causam, qua nobis impetrata est reconciliatio & salus: non explicatius ea de re dici potest, quā hac oratione, impius sola fide iustificatur. Ita ut Paulus testimonium huius doctrinæ allegat ex Habac. cap. ij. Iustus fide sua uiuet. Sic enim excluditur lex: ne pro doctrina iustificationis habeatur, non ne feruetur. Hinc sunt illa apud Paulum omnia, quibus pronunciat Apostolus ille, iustos esse & beatos coram Deo, gratis, sine lege & sine operibus suis, quicumq; in Christum Iesum credunt. Nec aliud agit ille, his omnibus dicendi formulis, quam ne quis arroget meritum iustificationis suis operibus & factis. Hæc enim gloriatio exclusa est: dono gratiæ iustificationis.

Quia igitur gratis, & sine operum nostrorum meritis iustificamur: adeoq; Deus, per Euangelij promissionem, hanc suam gratiæ beneficentiam,

tiam, propter Christum, crucifixum & mortuum pro nostris peccatis, nobis offert: perspicuum est, quod fidē huius gratiē suę a nobis requirit, & quod sola gratiē illius fide iustificamur a peccato & saluamur ab æterna morte. Quanquam autem qui uere credunt Euangelio, non possint non agere poenitentiam & glorificare Deum: non tamen sequitur hunc, opera nostra partialem causam iusticię & salutis esse. Quia Deus per Euangelium hanc gloriam omnium maxime excludit: ut gratiam pure confiteamur, & ne legem pro doctrina iustificationis habeamus. Quapropter qui operibus suis meritum iusticię tribuunt, eo ipso faciunt sibi ociosas & inutiles Euāgelij promissiones: nempe, in quibus est predicatio remissionis peccati & eterne uitę, quas oportet fide recipere. Lex uero est contritionis doctrina: qua redigi peccatores ad desperationem meriti saluationis necesse est, per accusationem peccati eorum, ne superbe & arroganter de iusticijs suis sentiant. Deinde, iustificati discant ex lege, quibus operibus fidem gratię exerceant & glorificēt Deum. Sed aduersarij nostri, ubi de saluatione questio est, fingunt iusticiam actiue significare, uirtutes & actiones nostras: atq; illis tribuunt meritum remissionis peccati & uitę eterne, quod est toto cœlo errare, & legem pro iustificationis doctrina habere: Item, negare Euāgelij promissiones & rejicere misericordiam, Christum, & spiritus sancti beneficium, adeoque sacramentorum usum nescire. In quibus uicijs qui sunt, nunquam poterunt saluari: nisi ab his liberentur.

Si igitur pergant aduersarij isti nostri exigere a nobis, ut in eorū blasphemias opiniones cōsentiamus, tollētes particulā, sola, ne uideamur q̄ sola misericordia Dei propter Christum iustificemur, credentes Euāgelio, quo docemur de illa misericordia & seruatore Christo: postulamus rursus ab ipsis nostro iure, ut prius nos doceant clarijs & nihil ambiguis argumentis & demōstrationibus, gratiam iustificationis gratis nulli contingere, nec sufficere beneficia Christi ad nostram eternam saluationem, non remitti nobis peccata quatenus Euāgelio credimus, sed quatenus iusticias legis habeamus, ut doctrina Catholica, Christiana, in nouam formam tandem redacta, talis efficiatur: non gratis neque per misericordiam, siue propter Christum, non item sine lege, sine operibus aut sine iusticijs nostris, non deniq; per Euangelium aut usu recto sacramentorum: sed per legem & propter iusticias nostras, merito condigni sine gratia, sine Christo, sine consolationibus spiritus sancti, quas ille prester per Euāgelium & sacramenta, impium iustificari. Hoc enim si docuerint, merito concedemus ipsis uictorię palmam & abijciemus particulam sola: qua in tantum offenduntur & implacabiliter in eam se uiunt. Sed prius quam presterint pactum, ne existiment, quod gloriā gratię & seruatoris Christi suus negaturi.



Sed quando hoc pactū prestabunt: ad Gregorē Calendas, ut aiūt. Verū si illa gratie noīa retinere in doctrina iustificatiōis Christiane uolūt: sinant nos in gloriā Dei, Christi, Ecclesie totius consolationē et conscientiarū confirmationē profiteri ac dicere, q̄ sola in Christū fide, sine lege et sine meritis iusticiarū nostrarū saluemur. Nā alioqui sane, si hoc credere & confiteri non licet, gloriatio operum & iusticiarū nostrarū non erit uere exclusa: & non minima pars gloriæ, per quam cōtingit miseratio DEI, beneficium redemptoris Christi, & uirtutes spiritus sancti, remissio peccati, iusticia saluans & æterna uita, meritis operum nostrorū debebitur. Hic optarim audire, quid aduersarij isti nostri, gratiæ hostes, respondere uellent rogati. Nam etiam si in ea ipsa impia sententia, quam dixi, sint, per quos operum merita contra gratiæ iusticiam defenduntur, tamen non opinor tam impudenter blasphematuros, ut hæc audeant dicere, quæ gratiam prorsus reijciunt in totum: saltem mundi iudicium metuentes, si deum non timeant.

Oportet igitur in gratiæ gloriā credere & confiteri, impiū nulla alia re præterquam sola fide iustificari coram deo: & effici dei filium & uitę eterne heredem. Et nostra illa assertio quę dicit, sola fide iustificamur, non aliud uult, quā si dicas, gloriatio meriti iusticiarū nostrarū est exclusa. Quæ si non est Pauli, imo totius scripturæ in doctrina de iustificatione, merito accusabimur perfidiæ & defectionis a lege saluante. Sed si constabit hanc esse doctrinā Euangelij: perfidiæ accusari debent, et defectionis a gratia, CHRISTO, Euangelio & fide, qui docent quod meritis operum nostrorū saluemur. Nos enim per Christum incarnatum, passum & mortuum pro nostris peccatis saluamur: si in eum hoc nomine credimus. Nec est in alio salus: nec enim aliud nomē datum est sub cœlo hominibus, per quod oporteat nos saluos fieri: Acto. iij. Et quid obsecro aliud dicit hæc Pauli assertio, quam quod nos prædicamus: uidelicet, impium gratis, per misericordiæ fidem, iustificari, propter Christum. Vbi dicit: Arbitramur igitur iustificari hominem, per fidem, sine operibus legis. Item, gloriatio exclusa est, per fidem. Quæ omnia si damnant aduersarij, nos huius causæ iudicium, defensionem & uindictam Christo Iesu commendabimus: qui gloriæ suæ non potest deesse.

De honorum  
operum necessitate.

Neque uero excludimus, quod iam supra dixi, obedientiam erga legem: seu opera bona, a doctrina iustificationis, (& tamen hæc calumnia quoque struitur aduersus nos, ab aduersarijs Euangelij.) ne eos qui per fidem iustificati sunt sequantur. Non magis quam Christus & Apostoli hæc excludunt: a quibus diligentissime potius docetur. Quorum doctrina & exemplis admoniti, & nos requirimus illam obedientiam & opera bona: & uocamus ad poenitentiam illos qui Euangelio credide:

crediderunt. Quoniam Christus testatur se uenisse, uocatum peccatores ad poenitentiam. Est autem tanta copia doctrinae de operibus bonis in scriptis Apostolorum, ut nemo, uel parum sobrius cogitare possit, multo minus dicere & statuere, nullam esse bonorum operum necessitatem. Sed hanc necessitatem & usum non explicant aduersarij: imo etiam penitus corrumpunt. Et cum nos doceamus, quæ sit dignitas & necessitas operum nostrorum, tamen non pudet eos calumniæ, qua dicunt, quod bona opera improbemus. Hoc reprehendimus & damnamus, quod nihil quam hypocrites operum docent: & quod suis operum doctrinis Euangelij gloriam & fidem abolent denique, quod mandata pharisaica Pontificum, dicunt esse cultum Dei, meritorium gratiæ, & quod illum cultum faciunt necessarium ad salutem.

Scimus igitur necessaria esse opera bona, quæ præstent homines pii, fidei iustificati: præstent autem, propter mandatum Dei, in fidei exercitatione, incrementum & confirmationem. Neque enim potest durare fides in illis, qui intemperanter, iniuste, flagitiose, impie, nequiter & sine poenitentia uiuunt: Deo & Christo Iesu in omnibus rebelles. Debitoribus enim sumus, non carni, ut secundum carnem uiuamus: sed ut facta carnis spiritum mortificemus: ut docemur Roman. vi. & viij. Sed aduersarij nostri ita prædicant opera, ut DEO miserationis gratiam adimant, CHRISTO iustificatoris & redemptoris officium atque munus, nobis autem fidem & salutem: cum interim operibus pharisaicis tribuant, meritum gratiæ, iustitiæ & æternæ salutis. Nec enim prædicant nisi pharisaicas iustitias, externas & philosophicas uirtutes: & legis spiritualem doctrinam uere nusquam attingunt. Postremum frigidas aliquot carimonias mandatorum & doctrinarum hominum: quibus parè cum Dei mandatis gloriam tribuunt. Quod nullo modo ferendum est Christianis.

Ergo per fidem gratiæ iustificamur quidem a peccato: & saluamur ab æterna morte: sed illa non est res ociosa, mortua & sine fructibus bonorum operum. Nam qui Euangelio crediderunt, habent spiritum sanctum: qui est efficax in ipsis & operatur Christianas uirtutes. De quibus lege exempli gratia, Roman. xij. xij. & xij. Gal. v. vi. Ephe. iij. v. Col. iij. &c. Iam ut non sunt Christi, qui illius spiritum non habent: ita uanum est iactare fidem, eos qui sine poenitentia & sine operibus bonis uiuunt. Est enim in impoenitentibus & flagitiose uiuentibus certa significatio absentiae spiritus CHRISTI: nec potest enim nisi fides ficta in istis esse, & quidam nephandus Dei contemptus, eo quod iactant se DEVM nosse: quem factis negant, cum sint abominabiles, & increduli, & ad omne bonum opus reprobi. Tit. primo. Neque enim potest spiritus ille sanctus, qui occupat credentium corda, & in illis clamat, abba pater, ociosus & sine fructu delitescere: multo minus ibi esse, ubi



impie & scelerate uiuitur. Sed est operosissimus, & sanctissimarum cogitationum, consiliorum, studiorum, & factorum autor atq; effector. Sic ergo pronunciamus de uera in Christum fide: esse uide licet eam rem uacuissimam, efficacissimam & feracissimam operum bonorum: uereq; omnipotentē ad destructionē peccati et mortis, atq; ad reparationē iusticiæ & æternæ uitæ. Sed bona opera illa, quæ ex hac fide, de qua loquor, fluunt, nemo potest ea impia opinione & mēte prestare, qua docent prestare nostri aduersarij: scilicet, ut iusticiam & uitā æternam illis nobis per opera nostra mereamur. Hæc enim opinio aduersatur fidei, negant gratiam, & redemptori CHRISTO nullū penitus saluationis honorem habet.

Nos ergo non ferenda iniuria afficiunt aduersarij, quod imputant nobis, nos docere, doctrinam bonorum operū & morum suscipere de que habere: credentem esse iustum & uitæ æternæ heredem, etiamsi perpetuo obnoxius maneat peccatis mortalibus, & sine poenitentia uiuat. Nam et huius blasphemi dogmatis sunt assertores, quo dicitur, fidē impijs quoque, qui manent in impietate, contingere. Verum istæ calumniæ sunt necessario hominū impiorum, ignorantium ueritatem. Nos bona opera locamus in parte Christianæ iusticiæ: quia iusticiæ fidei fructus esse confitemur & testamur, etiamsi detrahamus, illis meriti saluationis gloriā: sicut nec debet nec potest illis tribui. Sed aduersarij ponunt illa in locum & officiū seruatoris Christi: ideo grauior iniuria est, qua deum & Christū lesum blasphemi afficiunt, quā qua nos. Arcent homines a cognitione salutis, propter auariciā et ambitionem. Isti enim cupiditatibus suis metuunt, si Euangelij et Christi doctrinā pure doceatur et regnet: aut certe rationis CHRISTI penitus sunt ignari.

Necesse est igitur, ut ad bonorum operum doctrinā reuertar, eos qui fidei iustificati sunt habere illa, et eas uirtutes quæ declarent ac probent uere illos promissioni remissionis peccati credidisse. Ut sunt uerus dei timor, uera dilectio, fiducia, spes, patientia in aduersis, et tolerantia malorum sine murmure aduersus deū. Vera dilectio proximi, temperantia, sobrietas, castitas, comitas: et his similes uirtutes. Et in summa, ea omnia opera, quæ in Decalogo DEVS a nobis requirit: Christus et Apostoli prædicant et docent. Non Papisticarum caerimoniarum observationes: quales sunt monachorum et similes, quæ mandatum dei non habent, adeoque illis aduersantur. Ita sunt enim hoc tempore cultus papistici: preces & missæ in exequijs mortuorum, peregrinationes et ieiunia, quibus pro peccati poenis satisfacias, redemptiones indulgentiarum. Item feria sexta non edere carnes, caseum, lac: sed oleum, pilces. etc. Quæ speciem præbent pietatis apud imperitos: sed reuera sunt supersticiosorum, uana et inuutilia opera.

opera, sicut Paulus testatur: Col. ij. Quinetiam sunt pernicioſa et demoniorum doctrinae, quatenus dicuntur mereri gratiam & cultus dei eſſe, ſive quod ſine peccato omitti non poſſint. Quanquam hec opera urgeantur in templis: quia ſunt quaestuola: cum illa diuinorum preceptorum fere negligantur, aut non multum curentur. Quia ambitioſis non multum ſeruiunt: (pertinent enim ad ueram animorum humilitatem, & dilectionem erga omnes,) nec auaris adferunt ingens emolumentum.

Nos ergo in doctrina bonorum operum multis nominibus praestamus aduerſarijs. Nam primum, quia illa reponimus in locum ſuum: quae loco & officio remouent aduerſarij. Deinde, de uere bonis operibus docemus & iubemus docere Eccleſias: uidelicet, de illis quae deus praecipit & requirit. Quae aduerſarij non frequenter praedicant: & multis phariſaïcis opinionibus polluant atque prophanant. Porro, in altera parte Chriſtianae doctrinae diſerte pronunciamus, miſericordiae DEI & redemptoris Chriſti beneficium eſſe, quod a peccato & morte iuſtificemur. Et longiſſime abeſt a nobis reprehenſio operis boni. Opera enim uere bona & requirimus & laudamus, ſed docemus ut debito fini adplicentur, & ne fiant cum opinione contra gratiam, Et ſic praedicantes opera, non patiemur nos ab ullo homine reprehendi.

Pelagium damnauit Eccleſia, non quia legis obedientiam & opera bona requirebat: ſed quia per liberi arbitrij impiam doctrinam gratiam DEI negabat. Docuit enim, quod homo libero arbitrio & ſua natura poſſet mereri gratiam & uitam aeternam. Nec opus eſſe homini ad rectitudinem uoluntatis gratia: ſed ſcientiam eorum quid agas ſufficere. Et eo modo faciebat ex lege doctrinam iuſtificationis: Euangelij & iuſticatoris CHRISTI nullum penitus uſum relinquens. A cuius ſententia quantum abſint Scholaſtici, quorum opiniones defendunt aduerſarij noſtri, ex eo liquet quo docent, quod liberum arbitrium ſua uirtute poſſit actum moraliter bonum elicere: atque illo mandata DEI implere, & diſponere ſe ad receptionem gratiae, adeoque gratiam ipſam & uitam aeternam mereri. Horum debui hoc loco admonere lectorem: ut cogitet & ſciat cum qualibus aduerſarijs nobis res ſit. Qui in doctrina noſtra reprehendunt, quod affirmamus impium & peccatorem per ſolius miſericordiae DEI & propiciatoris IESV CHRISTI fidem iuſtificari,

QVOD FIDES IMPIIS ISTIS

*qui peccatis mortalibus ſine poenitentia indulgent, non  
debeat neque poſſit recte tribui.*

**D**icimus, nos ita praedicare CHRISTVM, ut affirmemus impium ſola fide gratiae & redemptoris Chriſti iuſtificari, ſine lege &



COMMENT DE POENITENT.

sine meritis operum suorum. Nunc adiiciendum est, aduersarios nostros ita predicare opera & iusticias nostras, ut adfirmant illarum meritis & iustificari impium & liberari a morte prorsus sine gratia, Christo & promissionis Euangelij fide. Quanquam autem in predictis de hoc errore semel illos atque iterum conuicti, tamen eiusdem mihi & hoc loco reuincendi sunt, quia calumniarum & conuictorum in gratiam nullum neque modum, neque finem faciunt. Nam quod hic pertractandum est, ex falsa fidei definitione, de qua egimus capite primo huius libri, nouam aliam, nec paruam calumniam struunt contra gratiae, fidei & iustificationis doctrinam. Affirmant enim fidem Euangelio haberi posse, ab impio & mandatorum DEI continuo transgressore: ab eo inquam, qui peccatis mortalibus indulget, & sine omni poenitentia uiuit. Quare hoc quoque scandalum, falsae, impie & blasphemae doctrine remoueri debet: & Ecclesia ab eo repurgari, ut uerbum Dei pure in illa regnet. Nam gratiae beneficia mirabiliter eleuat, & contemptibilia facit: sed causas erroris propius intueamur.

*Fides, quam  
predicant do-  
ctores operu*

Satis constat doctores meriti operum, & carnalium iusticiarum nostrarum, non usurpare fidem, nisi pro speculatiua rationis noticia, credendum: siue, pro credendum nuda atque historica noticia: sine fiducia, quae adprehendit Euangelij promissiones, & qua homo se iustum atque beatum agnoscit, per misericordiam DEI, remittentem nobis peccata nostra, propter Christum. Qualis esse potest noticia in eo, qui historias sacras legit, uel audit, & hominum more illi assentit: etiam si talem non doceat, non consoletur, seu gubernet, per Euangelium spiritus sanctus. Igitur haec est rationis frigida cogitatio & inutilis, atque adeo noxia, sine firmo assensu in gratiam: & nihil minus, quam Christiana fides dici debet. Nam uerae fidei est adprehendere gratiam promissam: & remissionem peccati semper ab hac petere, per Christum: non alium de expectare siue sperare aeternam uitam. Priuatis iusticijs nunquam arrogare debitum iusticiae aut salutis.

Sed aduersarij dicunt, se quoque agnoscere, quod remissionem peccati, iusticiam & uitam aeternam a CHRISTO accipiamus: uerum conditionaliter, ut si illam gratiam nobis per opera & iusticias nostras promereamur. Nam in fide requirunt dilectionem: qua affirmant impium formaliter iustificari. Atque ita discernere uolunt pios ab impijs: uerum illi, fide & incredulitate differunt: quos isti discernunt operibus legis, quae prorsus eadem habere possunt quilibet hypocrite & pharisaei cum pijs. Nec est fides in eo, qui opinione promerendi salutem, iusticias legis facit: hoc enim est per opera sua & priuatas iusticias saluari uelle. Atque hic error peperit tot sectas in orbe Christiano, tot monachorum: tot discrimina conuersationis, operum & uitae, cum professio uitae Christianae

negde

na debeat una & simplicissima esse: fidei in CHRISTVM, & poenitentiae seu conuersionis ab operibus peccati ad Deum. Nam Christus & Apostoli docent, quod fide gratiae iustificemur: non addunt conditionem meriti operum nostrorum, imo hanc omnium maxime excludunt. Testatur enim gratuitam esse saluationem: & gloriationem meriti operum nostrorum excludam esse. Postea requirunt poenitentiam seu opera bona, tanquam iustitiae fidei fructum. Atqui opinione merendi salutem, faciunt seu praedicant opera bona non retinent fidem: sed ab Euangelij fide ad legem relabuntur, gratiam & CHRISTVM abnegantes.

Quod doctores meriti operum & carnalium iusticiarum facere ex eo intelligis quia actum credendi triplici modo distinguunt. Primum esse dicunt, credere DEVM: secundum, credere DEO: & tertium, credere in DEVM. Deinde primos duos credendi modos etiam impij tribuunt: & postremum, quem sola dilectione discernunt a prioribus, dicunt esse piorum, quos ea fide affirmant iustificari. Ex quo clarum efficiam, quod operibus sine fide in Christum tribuant meritum iustificationis. Ergo ut distinctioni, quam dixi, locum relinquam, uel docendi causa: tamen ita oportet illam discernere, ne illos credendi actus nisi solis pijs tribuamus, & actum amandi nullo modo interferamus. Nam homines pijs credunt esse Deum: credunt uera esse quae Deus loquitur. Denique & in DEVM credunt: ut in quem omnes spes suas tota cordis fiducia ponunt: certi quod a Deo respiciantur, exaudiantur & defendantur, propter Christum. Et hunc tertium credendi modum aduersarij nostri prorsus ignorant: de dilectione fabulantur, sed illius hic non erat locus, quanquam uera fides est efficax dilectione. De credendis disputatur, ubi agitur de fide, non de amando, hoc est, de beneficijs gratiae, quae nos in fide oportet recipere: non de operibus obedientiae nostrae in Deum. Hunc scopum in fidei praedicatione oportet tenere.

Actus credendi triplex.

Ac ne Lombardus quidem intellexit, quid sit uere credere: iuxta quemcumque credendi modum accipias illum loqui. Qui uidetur praeterea erroris ansam dedisse Scholasticis theologis: & isti aetati, in qua hoc tempore a paucissimis intelliguntur ea quae sunt uerae fidei in Deum. Sic enim scribit, in sententijs, quas ex patribus multis in locis sine iudicio contrahit: libro iij. distinct. xxiij. Credere Deum, est credere quod ipse sit Deus. Postea addit: quod etiam mali faciunt. Intelligit autem facinorosos, qui sine poenitentia flagitiose, nequiter & scelerate uiuunt, adeoque sine operibus dilectionis. Quasi fides sit de rebus iudicio humano & ratione perceptibilibus: & non de solis illis, quae sunt incomprehensibiles, incredibiles & absurde rationi: atque adeo, quibus fidem habere, nisi moti atque impulsii a spiritu sancto, non possumus. Hoc ergo si intellexisset Lombardus, nunquam potuisset malis fidem, quae creditur Deus,

Lombardus

Credere Deum



tribuere. Neque enim quiescit, aut permanet, spiritus sanctus in illis, qui carnaliter uiuunt: ut habes ea de redifferētem Paulum ad Roma. viij.

Sed & Lombardi sententia apertissime repugnat prophetæ testimonio: illi quod est psal. xij. Dixit insipiens in corde suo non est DEVS. Quomodo igitur homo impius & malus, potest firmiter statuere & credere, esse Deum? Verum ita fit, ut incauti atq; inconsiderantes sepe pronuncienus de rebus quas nunquam intelleximus Non est res ita uulgaris uere & indubitāter credere, esse Deum, quam existimatur a plerisque. Non possent enim non honorare, metuere & diligere Deum, qui esse crederent: nec possent mali permanere: fide enim iustificantur impij. Et cōsidera, qualem effecerit fides Cornelium hominem Ethnicum, de quo in Actis apostolicis capite x. qua credidit DEVM: etiam si adhuc ignarus esset fidei in Christum, sine qua nec iustificari coram Deo, nec saluus esse potuit. Iustificat enim Deus, remissione peccati, eos qui in CHRISTVM IESVM credunt: & liberat, propter illam fidem, a morte. Tamen ea fides, quæ contigerat Cornelio, pręambula fidei in Christum, (neque enim sine fide potuisset colere Deum.) effecerat ex eo bonum uirum, studiosum Dei: siue ut Lucas ait, religiosum & timētem Deum: id quod eleemosynis, quas pręstitit populo, & precationibus suis ad DEVM, significantissime declarauit. Quid multis? Lombardus, & quicunque sententiam eius secuti sunt, nunquam intellexerūt, omnes homines natura insipientes esse, cæcos, errantes, ignaros Dei & Iesu Christi, impios & peccatores, sub imperio peccati & tyrānide Diaboli: diuina non posse intelligere, neque posse efficaciter nisi a spiritu sancto doceri.

Sed pergamus ad reliqua Lombardi: in quibus sibi non dissimilis est & ridicule atque impie de diuinis nugatur. Credere DEO, inquit, est credere uera esse quæ Deus loquitur. Vbi rursus de somnio suo homo resupinus & incogitans attexit, quod & mali faciunt. Scilicet, homines improbi & impoenitentes credunt uerbo Dei: quod etiam pro stulticia habetur, ab his quos spiritus sanctus non docet. Deinde qui possent mali uere credere uerbo DEI: & non continuo immutari & boni fieri, si modo promissionis Euangelij fide in agone conscientię aduersus peccatum, non destituerentur. Est enim uerbum iusticię, & totius pietatis: salutis & uitę eternę uerbum. Nec potest creditum non efficax esse: nempe, Dei potentia ad salutem omni credenti. Ideo credentes liberati a peccato: & peccatores iustificati & saluati a peccato & æterna morte.

Verum Lombardo sermo est, de frigidis & ociosis speculationibus rationis in uerbo DEI: non de uera fide, cuius rationem non intellexit. Caro in erroribus impietatis cæca, adeo non credit uera esse quæ Deus loquitur, ut nihil perinde uanitatem esse existimet & stulticiam. Non ergo alle

ego assequitur captus naturalis in malis ea quæ DEVS loquitur: sed ut Deus incomprehensibilis est, ita eius uerbum. In bonis autem agit Deus spiritu suo sancto: quare uanissimum est dicere, quod mali, Deo loquenti, credant. Est enim spiritualissima doctrina uerbi Dei prædicatione: qua non potest non offendi caro. Et Sophistæ sunt huius rei testes & horribilia exempla. Nihil enim ita abominantur, atq; si quis dicat, in uerbo Dei esse, quod sit supra captum rationis: lege diuina præcipi, quæ uires liberi arbitrij & humanæ rationis superent atq; excedant. Iusticiam, nisi gratis, per solam peccati remissionem, propter fidem in CHRISTVM, nulli contingere. Existimant enim quod homo peccator possit mandata Dei facere atque implere: mereri remissionem peccati & uitam æternam, denique, quod habitus suarum uirtutum ipsum iustificent. Sed sic opinantibus ipsis lex non magis est uerbum Dei, quam uulla alia rationis & philosophica doctrina: quia illius germanum usum non attingunt, et spiritualissimam doctrinam transformant in rationis commentum. Euangelium uero penitus rejiciunt, & damnant.

Sed Paulum audiamus, de hac ratione ita nos admonentem .i. Cor. ij. Animalis homo non percipit ea, quæ sunt spiritus DEI. Stulticia enim est illi, & non potest intelligere: quia spiritualiter examinantur. Dic igitur rogo, quomodo homo insipiens, impius, peccator & malus, credat uera esse, quæ Deus loquitur? Num uerbo incomprehensibili potest assensum præbere: & quod summæ uanitatis, & summæ stulticiæ loco habet? Et rursus, si doceat illum DEVS spiritu sancto, mediante uerbo, quomodo potest insipiens & malus permanere? Quin potius, si crederet homo malus uera esse quæ Deus loquitur, mox in puluerem redigeretur, terrore iudiciorum Dei inuitabilem; contritione sui & desperatione coram Deo, nisi per Euangelij consolationem seruaretur a desperatione, & tanquã ex mortuis uitæ restitueretur. Sunt igitur ociosæ & inutiles speculationes, de quibus Lombardus & Sophistæ fabulantur, pro re seria. Quæro enim, quid acturus sit homo impius & malus, sceleribus indulgens sine poenitentia, si uere cognoscat & credat, se esse gehennæ & mortis æternæ filium: nisi protinus consolationem capiat ex Euangelio, de peccati remissione sibi facta: de reconciliato Deo & accepta æterna uita propter CHRISTVM. Sed hæc paradoxa frustra est insipientibus & incredulis inculcare. Nihil autem facilius est, quam loquacem Sophistam multa garrere: & quæcunque in buccam isti ueniunt effutire, sine iudicio & ratione. Sed uera, firma et cõsentanea scripturis sanctis dicere: id non perinde promptum est omnibus facere & præstare.

Tertium modum credendi ita definit Lombardus: credere in Deum, est credendo amare, credendo ei adhærere, & eius mēbris incorporari. Quid audio? Actus credendi in Deum, quo oportet omni uerbo eius

Credere in  
Deum,



constantissime assentiri, timere comminationes iras, fidere ac niti promissionibus gratie, is, inquam, actus definitur per actum amandi, et per habitus uirtutum nostrarum: sic possem etiam ego ex quolibet, quantumque rem efficere. Ergo hac descriptione Lombardus, & qui ipsum secuti sunt, redeunt ad salutem: qua imbuti, etiam alios conspuunt. Nam hac tota congerie uerborum & sententiarum, credendo amare, credendo in eum ire, &c. nihil aliud uolunt dicere, quam in fide iustificante, non hoc solum esse, quod dicitur, credere Deum, & credere Deo: quo modo & multi impij credant scilicet, adeoque ipsi diaboli. Sed praeterea opera dilectionis praedictis duabus credendi circumstantijs accedere. Vides ergo uerum esse, quod supra dixi, nostros aduersarios, ita praedicare legem, opera & nostras iusticias, ut affirmant illarum meritis & iustificari impium & liberari a morte: prorsus sine gratia, sine CHRISTO, & promissionis Euangelij fide. Si enim impios & malos nihil iuuat credere Deum & Deo: nec prijs prodesse isti actus credendi possunt. Et si operibus dilectionis iustificamur: nihil opus habemus gratia, aut redemptore Christo. Sed gratia secure abijci poterit: & iusticia ex lege quaeri. Sicut etiam docent, qui affirmant impium fide formata illa iustificari.

Notabis igitur, hoc pacto Sophistas non discernere pios ab impijs, penes fidem & incredulitatem: ut fieri debuit, sed noua fictione: per opera & iusticias legis. Sed inde necessario sequitur quod opera summe pietatis loco habent: & Christo redemptori nullum honorem. Cum tamen saepenumero fiat, ut impij speciosiora & ampliora opera habeant, quam prijs. Quare hic tertius credendi modus non recte definitur per actum amandi, per habitus & uirtutes nostras: debuit enim definiri per actum credendi, aut minime discerni a duabus primis circumstantijs credendi. Diuersus uero credendi modus is futurus erat, & fidei uerae iustificantis, si definissent illum per constantem fiduciam, in promissionem gratie & seruatorem CHRISTVM. Sed omissio fidei lumine, nihil quam tenebras opinionum nobis in illa postrema fidei descriptione offuderunt: & quidem, per quas operibus nostris meritum iusticiae & salutis tribuerunt. Nam hoc fabulosum commentum ita placuit illis, ut statuerint impium aliter nec iustificari, nec discerni ab impijs pios posse, quam per opera dilectionis. Lombardus enim, quem habent Sophistae magistrum irrefragabilem ea in re, sic dicit: per hanc fidem, (intellige, tertium modum credendi, cum sophistica descriptione actus amandi.) iustificatur impius: ut deinde ipsa fides incipiat operari per dilectionem. Vbi hic fit mentio promissionum gratiae & fiduciae in eas? Vbi seruatoris IESV CHRISTI? Num hoc est adplicare se ad Euangelij promissiones, & fide eas recipere, si credas Deum esse & uera esse, quae Deus loquitur? In Euangelio docemur de reconciliato DEO, remittente nobis peccata

*Aduersarij  
docent impij  
iustificari, so-  
lit operibus,  
sine fide.*

*Fides iustifi-  
cans.*

peccata nostra & defendente nos a quibuscumque calamitatibus peccati, mundi & diaboli, per CHRISTVM: adeoque liberante nos ab æternamorte. Necesse est igitur ut in fide iustificante agnoscas Deum, tibi & tuum Deum esse: hoc est, clementissimum patrem & protectorem. Promissiones Evangelij non simpliciter veras esse, sed tibi loqui & veras esse: ut credens in eas accipias peccati remissionem & possideas, hæreditate acceptam, vitam æternam. Omnia hæc beneficio traditi pro peccatis nostris CHRISTI: & sine operibus dilectionis nostris. Hoc est, sine merito operum: etiamsi opera dilectionis & iusticia illa obedientie nostræ, veram fidem inseparabiliter consequantur.

Si igitur in fide iustificante non sunt nisi duo illi actus credendi, qui dicuntur, credere DEVM & DEO: Item, opera dilectionis facere, Quid fiat obsecro si ita credat homo impius: Hoc est, credat Deum esse, & quidem iudicem suum esse: cum homo talis sit impius & peccator: sic, si credat veritati scripturæ, quæ testatur impium seu peccatorem damnari coram DEO: Nonne isti doctores facient talem ruere in sempiternam desperationem? Primum, quia de consolationibus Evangelij eum nihil admonuerunt: nihil de Christo redemptore & iustificatore. Deinde, quia iusticias legis pro gratia illi prædicauerunt: & perniciosam opinionem ei ingenerunt, quæ se existimat perfectæ obedientiæ erga legem esse debitorem. Nec potest cum tali opinione, quisquis est in ea, non ruere tandem in desperationem. Nam opera dilectionis nostra sunt imperfecta: & in uniuersum, omnes iusticiæ carnis sunt immundæ.

Sed hæc sequentia magis produnt Lombardum: quæ etiam postea omnes Sophistas obnoxios tenuerunt. Nam fides, inquit, quam dæmones & falsi Christiani habent, qualitas mentis est: sed informis, quia sine charitate est. Ex quo uides, quod uim saluationis fidei nullam tribuit, nisi quatenus opera dilectionis habet. Sed obsecro hic ludus & imposturæ uerborum nonne gloriam salutis nostræ adimunt gratiæ & seruatori Christo: & operibus nostris illam tribuunt? Hoc est, operibus ab hypocritis, & sine uera illa & iustificante fide, factis. Nec illud est discernere uerā fidem a ficta: sicut fieri solet cum de operibus dilectionis loquimur, ut effectibus fidei: seu fructibus externis, significātibz fidem cordis. Sed est opera nostra facere causam iustificationis: nempe, si credens DEVM & DEO nihil proficit, nisi quatenus opera dilectionis habet. Hoc uero si non est opera prædicare quod impium iustificent, ac liberent a peccato & morte, sine gratia, sine Christo, & sine promissionis Evangelij fide, uelim ab alio doceri, quomodo hoc eorum commētum atantia blasphemias excusari queat.

Quinetiam aduersarij nostri, qui defendūt istas Sophisticas opiniones de fide, hanc nostram doctrinā, de gratuita gratia & seruatore Chri-

*Aduersarij  
dānant gratiæ  
sue doctrinā.*



COMMENT. DE POENITENT.

sto quam ipsis opponimus, execrantur & damnant, ut impiam, præsumptuosam, erroneam, falsam & hæreticam: tot enim nominibus eam infamant. Neque uero recipere licet, quod postulant, opera nostra esse partialem causam iustificationis. Iustificatio enim, ut sæpe dictum est, & firmissimis scripturæ testimonijs probatū, est gratuita beneficentia: nec significat opera & uirtutes nostras, sed remissionem peccati. Ergo non utuntur quidem Sophistæ, in suo illo commento de fide formata, particula, Sola: tamē in doctrina aliud nihil efficiunt, quam ut credamus nos operibus iustificari, gratia DEI, & seruatore Christo, exclusis. Quid enim habet iste tertius modus credendi, ut a Sophistis prædicatur, nisi incertam & frigidam rationis opinionem, de Deo, quod sit & uera loquatur? Quæ fides tamen per se nulli prolit, non liberet a peccato & morte: cum & malis contingat, (ut hoc Sophistis interim demus.) nisi opera dilectionis, meritoria gratiæ, iusticiæ & uitæ æternæ accedant. Certum est ergo istos per opera sua meritum saluationis sibi polliceri, si ne gratia, sine CHRISTO, & sine Euangelij fide. Vt non multis accusem, quod meo iure possem: nempe, impossibile esse homini, cui dilectionem tribuunt, habere dilectionem: quia hæc sine gratiæ gratuitæ & propitiatoris Iesu Christi fide, nullis contingit. Adeo sicte habent omnia Sophistæ & aduersarij nostri in sua opinata fide: & Iudaicæ pronuntiant de iusticia, & fidem Christianam penitus euertunt.

Non sunt ergo fidei doctores, neque defendunt pietatem Christianam, sed opprimunt eam: & quod turpissimum est ei qui uelit haberi doctor Christianus, nihil quam uanas operum hypocrises prædicant ac docent. Erigunt in nobis operum nostrorum fiduciam: & gloriam fidei sepeliunt. Fidem nominant quidem, sed nihil illi tribuunt: imo ne intelligunt quidem, quid sit fides, Confitentur CHRISTVM mortuum esse, pro nostris peccatis: sed ore tenus. Quia dant hunc sonitum, sine mente & spiritu. Mox enim detrahunt illi hanc gloriam, per prophanam operum & meriti carnalium iusticiarum doctrinam. Et cur non potius sine furore, & sine fictione, nudis atque apertis uerbis, dicunt quod sentiunt: uidelicet, impium & peccatorem, non per misericordiæ fidem, propter Christum iustificari: sed propter sua opera. Fictis enim solis nominibus & ad dolum instructis, quod fortassis ignoranter a multis factum est, sed tamen factum proculdubio artificio & structura Diaboli, imperitiis imponunt.

De operibus  
dilectionis.

Cæterum de dilectione oportet ita pronuntiare, & iusticiæ fructum esse, & necessariam credenti. Sunt enim opera dilectionis teræ fidei externis signis: ut firmissimum sit, eum qui dilectionem non habet, nec fidem habere. Regnat enim contemptus DEI in omnibus illis, qui sine operibus dilectionis uiuunt. Verum hoc retinere interim oportet, quod per mi-

per misericordiae & propiciatoris Iesu Christi fidem, sine merito dilectionis nostrae, & remissionem peccati & uitam eternam accipiamus. In summa, nemo pius, iustus, sanctus & beatus esse coram DEO potest, nisi quatenus in Christum Iesum, ut autorem & causam, suae aeternae felicitatis, credit. Contra, doctores fidei formatae beatum pronunciant, eum qui opera meritoria iustitiae & aeternae uitae habeat. Sed hoc est gratiam abijcere: & a CHRISTO seruatore deficere ad legem, hoc est in eternas maledictiones sese precipitare.

Age uero propius inspiciamus quale sit Sophistarum commentum de fide: & quo iure fidem tribuant impijs, ut pios nulla alia re, nisi dilectione, hoc est, legis operibus, ab illis discernant: & per consequens solis iusticiam tribuant, qui habent opera legis, priuatas iusticias, quas meritorias fingunt aeternae uitae. Credentibus autem non tribuant iusticiam: nec quod accipiant per fidem, eternam uitam. Non igitur satisfacit in fidei descriptione, illorum actum credendi solum facere mentionem, qui uocantur credere Deum & Deo: siue esse Deum, & uera ipsum loqui. Quapropter in tertia credendi circumstantia, qua dicunt nos credere in DEVM, quendam alium actum credendi prioribus adijcere debuerunt: quem uidelicet nos sacre literae docent, fidei iustificantis nomine, nimirum credere in misericordiam Dei, qua acceptamur in filios, & uitae aeternae heredes, propter Christum. Verum, huc negligunt: & loco eius de operibus dilectionis loquuntur. Cum autem hac fide iustificentur impij, non potest dici, illam malis contingere, qui sine poenitentia manent. Gubernantur enim a spiritu sancto: nec possunt non proficere in uia iustitiae. Vt scias diaboli commentum esse, in gratiae contumeliā confictum: fidem impijs & malis contingere posse, non minorem quam pijs, nisi quod operibus dilectionis sint inferiores impij pijs.

Vides itaque lector, erroris causam fuisse Sophistis in descriptione fidei, quod hoc ipsum quo iustificamur impij prorsus ignorauerunt. Non enim iustificamur quia credimus esse DEVM, & uera esse quae Deus loquitur: sed fide misericordiae Dei, & propiciatoris Christi, qui se dedit precium & satisfactionem pro nostris peccatis. Ac sit tandem necessario, ut impij credant esse DEVM, & uera esse quae loquitur: sed quia destituuntur misericordiae fiducia, coguntur desperare. Ita ut accidit proditori Iudae. Sunt autem beneficia gratiae gratuita: sed illorum ubi faciunt mentionem Sophistae: Imo quomodo potuissent illorum meminisse, qui conati sunt omnia quae sunt iustificationis ad merita & satisfactiones operum nostrorum referre. Itaque in tertio credendi actu, quod si dei acceptum ferre debuerunt, fidei autem gratuitae misericordiae DEI & redemptoris CHRISTI, id operibus dilectionis tribuerunt: et philosophice ac ciuilitate de iusticia Christiana pronunciauerunt. Quali haec

*Aliter examinata fidei descriptio, quae est Sophistarum.*

*Deus reuelat se impijs: sed absq; Euangelij consolatione.*



sit uirtutum & actionum nostrarum: quæ est aliena qualitas & uirtus, uidelicet Christi, & meritorum sanguinis eius. Ioan. iij. vi. etc.

*Opera bona  
discernit uer-  
ram fidē a fide  
fide non pios  
ab impijs.*

Nulla igitur causa erat, cur in descriptione fidei facerent mentionē actus amandi: nisi effectu explicare uoluissent, tanquam signo, uim ueræ fidei, qua careant fidei credentes. Debuisset tamen seorsim dici de actu credendi: & diserte explicari, quarum rerum noticia, assensu, & fiducia coram deo iustificemur. Videlicet, adprehendentes per fiduciam cordis, Euangelij promissionem & CHRISTVM redemptorē. Nā postea demum, & de dilectione dici secure potuisset: tanquam de effectu & fructu fidei, non causa adprehensiuæ salutis. Fide enim in gratuitam gratiā & Christum redemptorem, non dilectionis merito adprehendimus saluationem: iusti & beati propter CHRISTVM, non propter iusticias nostras. Dilectione autem, hoc est, operibus bonis, qui uera fide præditi sumus, glorificamus pro gratia deum & redemptorem Christum. Et omnibus modis caueamus hanc impiam opinionem, qua docent præstare opera, fidei formatae doctores: scilicet, ut remissionē peccati, iusticiam et uitā æternam illis nobis mereamur. Sed hoc perniciosum cōmentū opprimit gloriā Christi: & fidem Christianā extinguit. Bonauertura

*Bonauertura.*

in tertiū Sententiarū, dist. xxiij. hæc scribit: Et quoniā fides non perfecte tendit in deū, tanquam in finē ultimum, nisi pro ut est iuncta charitati: (Quare hoc, mi Bonauertura: & unde probas? Tu enim illo cōmento contendis, ut beneficia gratiæ neges gratuita esse: neges recipi gratiā per fidē, adeoque neges fidē iustificantem adesse illi qui nō habeat opera, quibus iusticiam & salutē mereatur.) Ideo actus credendi in deum, diffinitur per actum amandi, non tanquā per actum proprium: sed tanquā per actum annexum. Sed dic nobis acutissime magistrorū, quomodo non perfecte tēdit in deum fides, tanquam in finē ultimum, illius in quo est gratuite gratiæ & propiciatoris Christi fiducia: & qui deo suā gratiæ laudē, & CHRISTO redemptoris, toto corde tribuit? Deinde, quomodo is perfecte tendit in deum, tanquam in finē ultimum, qui opera dilectionis nō modo sine fiducia gratiæ, uerum etiā contra eam fiduciā facit: nepe, ut sibi seruiat, sibi mereatur salutem: et nihil plane referat ad gratiæ laudē. Aut denique nihil ne dicit Christus, in illo: sic enim deus dilexit mundū. ut filiū suum unigenitum daret, ut omnis qui credit in eū non pereat, sed habeat uitā æternā: etiamsi appendicem illū actus amandi non addat? Imo quō posset addere? Vos enim Sophistæ dicitis illū actū amandi esse meritorium uitæ æternæ, de cōdigno. At Christus & Apostoli testantur quod gratis, sine meritis operū nostrorū saluemur. Ioan. xviij. hæc est uita æterna, ut cognoscāte solū uerū deū: et quē misisti Iesum Christum. Hæc sententiā soli cognitiōi dei et Iesu Christi, utique quæ est p̄ promissiōis euāgelij, de gratuita et æterna salute, fidē tribuit saluationē. Adeoque iusticijs nostris illā detrahitis.

Quem

Quemadmodum & illa Pauli, Roman. iij. Iustificati gratis per gratiam ipsius, per redemptionem, quæ est in CHRISTO IESV: quem proposuit Deus propiciatorium, per fidem in sanguine ipsius.

Nec tamen excluditur dilectio his sententijs, ne sequatur. Necessæ enim ut sequatur. Quia arguit incredulitatem adesse, & DEI contemptum, illis qui sine dilectione & sine poenitentia uiuunt. Cum enim de dilectione loquimur, includimus ea omnia officia & opera, quæ hæc præstare solet, Deo in obsequium, & proximo in bonum & utilitatem; quæ & præcipit Deus, & fidem exercent, & seruata muniunt conscientiam contra tentationes desperationis. Neque enim potest sibi promittere propiciū DEVM, qui eius uoluntati in omnibus resistit; nullis bonis operibus, & nulla Christiana poenitentia florens. Sed rursus, illa arrogans & superba fiducia meriti operum nostrorum, quæ falso uocant dilectionis opera, reprehendi debet: quia reuera nihil minus est in illis operibus, quam dilectio. Mimeses habet operum dilectionis, & pharisaicas hypotheses: a dilectione uero abest longissime. Quæ est enim tua illa dilectio, qua te fingis amare DEVM, & amare proximum propter Deum: cum operando tua solum spectes & quæras? confiditque corde penitus recedente a Deo, quod per opera tua salueris? Pura dilectio, est in operando non spectare nisi Dei præceptam uoluntatem, ut hanc facias: obsequium illi præstaturus, qui te uocauit in gratiam reconciliationis & æternæ salutis per CHRISTVM. Oportet enim hanc fidem reuincere, quæ fons est & causa Christianæ dilectionis.

Postremum, cur actum proprium fidei uos Sophistæ non explicatis? & qua proprie iustificetur impius? Nam si Deus iustificat eos qui Euangelio credunt, ut scripturæ testantur, quid uos diuinum decretum corumpitis, & torquetis illud ad operantes? Fidem nominatis, cum tamen in uestra fidei descriptione nihil habeatis non commune impijs: ut ipsa re coacti detrahat fidei iustificationem. Nam & appendix ille de dilectione, nihil facit ad fidei predicationem. Quin etiam opera prædicare, quasi sint meritoria salutis, est relabi a fide, & abijcere gratiam, atque a CHRISTO ad legem deficere. Proinde his argutis, per descriptionem actus amandi in fide, abstrahimur miseri a gratiæ fiducia, & redemptoris Christi: & legem compellimur pro salutis doctrina habere. Quod plane non est, quam æternam uitam, commutare cum æterna morte. Vg uobis autoribus, & confirmatoribus operationis tanti & tam impij erroris.

Ergo, ut maxime credas esse Deum, quid refert, si non confidastere

*Quid sit pie  
credere Deū.*

spici a DEO, & tibi fauere Deum, te habere propiciū & placatum Deum: atq; adeo Deum esse, quod se uocari a nobis & credi gaudet: nempe clementissimum & fidelissimum patrem? Verum hoc unde scias, nisi



COMMENT. DE POENITENT.

per Euangelium, de gratuita misericordia dei qua ignoscitur peccatis nostris propter CHRISTVM: Cuius fides, quomodo huc annum actum amandi habere potest, quo confidit homo, quod per opera & iusticias suas mereatur uitam aeternam: Nonne hoc monstrum est, & blasphemiarum summa blasphemia: Tamen si ut saepe dixi, ueram fidem sequatur dilectio: sed qua credentes Euangelio glorificant deum & seruiunt proximo, sine hac impia opinione, qua iusticiarii quaerunt per opera sua saluari a peccato & a morte. Porro haec misericordiae & adoptionis fides quo iure tribuitur malis & diabolis: Hac enim iustificantur mali: diabolis autem nunquam potest adesse.

*Quid sit pie credere deo.*

Deinde, quid prodest, ut maxime pie credas uera esse quae deus loquitur: nisi scias, credas atque confidas tibi loqui deum, & benigne loqui, per gratiam & misericordiam loqui, ut credens sis iustus, beatus & saluus ab aeterna morte: Quomodo autem hoc scias ac credas, quod uideat impius & peccator libereris ab ira dei, & fugias illas horribiles poenas, peccatoribus debitas, iudicio aeternae mortis: itemque, deum tibi loqui, loqui ad cor, & clementissima consolatione, sicut pater filio suo, quae ardentissime diligit: nisi per promissionis Euangelii fidem: Illa enim agitur de gratuita illa clementia & misericordia dei, qua recipimur peccatores, ex filiis irae & aeternae mortis, in filios dei & uitae aeternae heredes. Nec potest in eius fide esse ea impia opinio, quae statuit quod merito operum tuorum fugias & declines hanc iram & mortem, & dignus habearis aeterna uita. Nam certe haec est Euangelii consolatio, qua nobis benigne loquitur deus & clementissima consolatione, tanquam pater filiis suis: quae CHRISTVS significat ubi dicit: Venite ad me omnes qui laboratis et onerati estis, et ego reficiam uos. Cui fidem habere, homines mali, facinorosi, et qui sine poenitentia manent, non possunt. Multo minus diaboli, ut qui sciunt hanc consolationem ad se nihil pertinere: quin etiam facere ad destructionem tyrannidis ipsorum.

*Fides promissionis Euangelii.*

Postremum, quid profuerit credere, uel omnes Euangelii promissiones ueras esse, nisi tibi ueras esse confidas: Sed unde hoc, nisi per fiduciam mediatoris Christi: per cuius beneficium, sine meritis operum nostrorum, in ea gratia sumus. Huius autem beneficii fides, ut nulla esse potest in hypocritis illis, qui de meritis operum suorum gloriantur: Ita nec in sceleratis istis, qui sine poenitentia manent: nec in diabolis, ut quibus spes saluationis penitus praecisa est, perpetuis aduersariis et inimicis gratiae dei et gloriae CHRISTI. Peccatores uero possunt conuertere a uicis suis malis, et saluari. Sed de hac iustificatione et saluare fide, Sophistae in bene logis disputationibus suis de iustificatione nihil loquuntur: sed tantum haerent in suo

In suo nugacissimo cōmento de fide formata, errantes et alios secum errare facientes. Opera pharisaica predicant & docent: **CHRISTVM** & fidem non predicant. Nominant fidē: sed rem gloriæ Christi, fidei iustificantis & saluantis, suis sophisticis cauillationibus omnino dissipant & opprimunt. Esto quod ignorantes hoc faciant & fecerint: tamen faciunt & fecerunt. Quare nisi a suis pernitiolis opinionibus liberati fuerint, uel in agone conscientiae & articulo mortis, (quando intelligitur denum, quæ sit imperfectio & immundicia iusticiarum nostrarum: & quæ non sit aliunde salus, nisi a gratia & seruatore **CHRISTO**.) nemo ex ipsis, & omnibus quos errare fecerunt, saluari potest. Nam fides Christiana est sentire ac profiteri, quod gratis, per misericordiam, & seruatorem **CHRISTVM**, sine lege & sine meritis iusticiarum nostrarum, salui efficiamur a peccato & ab æterna morte. Contra quam qui sapiunt, sentiunt & agunt, nunquam in æternum possunt saluari: nisi a suis impijs opinionibus liberentur, & corrigant consilia & facta sua mala ac praua. Sic discerni pii ab impijs debent: dilectione uero, ut signo exteriore, discerni debet uera fides a mortua rationis opinione.

*Fides discernit pios ab impijs,*

Porro, si homines mali & impij, (quales natura omnes homines sumus: ignorantes **DEI**, & inepti ad ueram atque perfectam iusticiam coram **DEO**.) possent credere omni uerbo Dei: nemo illos accusare de malicia & impietate posset, credentes **DEO**, quia mox iustificarentur: & spiritu **DEI**, per illius uerbum, gubernarentur. Viuit enim homo in omni uerbo, quod procedit de ore **DEI**: iuxta prophetæ testimonium & **CHRISTI**. Sed in uerbo credito: hoc est, in fide exercitata a spiritu sancto. Quare res uiua est, & efficax atque omnipotens in homine fides: & iustificat impium, & liberatum a peccato & morte, æternum beat. In summa, efficit ex filiis diaboli & æternæ mortis, filios **DEI** & hæredes æternæ uitæ. Ita de efficacia uerbi fidei scribit Paulus, Roman. i. Non erubesco Euangelium Christi. Potentia enim **DEI** est, ad salutem omni credenti. Sic. i. Thessalo. ij, testatur uerbum **DEI** efficax esse, in illis qui credunt. Et Scholastici doctores, belli Theologi, fingunt impios credere omni uerbo **DEI**, & uerbum sine efficacia & sine fructu posse in ipsis permanere. Sed, ut frequenter dixi, Scholastici de pharisaica & speculatiua rationis noticia in uerbo, solum loquuntur: quæ est literæ noticia, & homini ad saluationem nihil prodest. De practica noticia, in qua est uere assentiri, credere, fidere ac niti promissionibus **DEI**, nihil loquuntur: neque quicquam de ea intelligunt. Hoc dixi secundo loco in hoc capite, ut fidem nostram confirmatius muniant, contra cogitationes rationis de fide.

*Efficacia uerbi crediti,*



De fide de  
moniorum.

Est uero, Diaboli credant, hoc est, credat esse Deum, & uera ipsum loqui. Quid tum: quid hoc ad nos, quid diaboli credant: Num diaboli loquitur DEVS, ut fide uerbi salui fiant: Aut habent isti quicquam commune nobiscum, in credendo: Deinde, si hoc recte tribuitur diaboli, quod uerbum DEI, uerbum gratiae, fide adprehendere possint: cur non poterunt & dilectionis, seu operum uerbum adprehendere, atque ita saluari: Postremum, num de fide diabolorum litigabimus Christiani, relinquentes, quae ad nos pertinent: & quibus Deus nobis loquitur: Quis audeat affirmare, Deum in promissionibus gratiae diaboli loqui: Certe, ne ipsi doctores fidei formae hoc concedent. Quomodo igitur tribuitur diaboli uerbi DEI fides: in quo Deus nihil loquitur ipsis: Sciunt quidem diaboli humano generi promissam esse salutem in Christo Iesu. Quia non potuerunt ignorare, hoc quo dictum est: Inimicitias ponam inter te & mulierem: & inter semen tuum, & semen illius. I P S V M conteret caput tuum: & tu mordebis calcaneum eius. Quare nunquam potuerunt diaboli ignorare Deum, & quae gratia nobis promissa sit, nunc exhibita, pro restitutione nostri ad aeternam salutem. Sed non ideo uerbum gratiae ipsi potuerunt fide adprehendere: tanquam illo saluandi. Quod tamen est uere fidei, & uere credentis in DEVM. Quin etiam hac promissione coacti sunt desperare salutem: ut quae ipsis aduersabatur, sicut rursum diaboli aduersantur promissioni, & saluti electorum, credentium in CHRISTVM. i. Pet. v. Haec igitur non est fides, de qua in literis sacris agitur, & qua affirmantur iustificari impij: scire alijs promissam esse salutem, eamque illis inuidere. Sed nosse ac scire, adeoque firmiter credere, sibi esse promissam: & promissionem gratiae fide adprehendere. Quare non debuerunt Lombardus & Sophistae, collatione fidei, quae est in diaboli, fidei qua peccatores iustificamur & saluamur ab aeterna morte, tam audacter detrahere: & eius gloriam minuere: hoc est, gratiam DEI, & beneficium redemptoris CHRISTI tam impuramente blasphemare.

Diaboli non hominum saluti tantum, sed & Deo & omni eius gloriae, quantum possunt resistunt: & ueritatem uerbi eius calumniantur. Ut docemur exemplo Genesis iij. Item alio Matth. iij. Et in parabola zazaniarum Matth. xij. Et Paulus testatur daemones impiarum doctrinarum autores esse. prima Timoth. iij. Et ij. Cor. xi. dicit, ipsum quoque Satanam transfigurari in angelum lucis: nimirum ut simplicibus & incautis imponat, & sensus illorum corrumpat, & auertat illos a fidei simplicitate, quae est in CHRISTVM. Dicit praeterea diabolus obnoxia tenere impiorum hominum corda: ut uerbo salutis aduersentur & contradicant. Sicut fecit Alexander aetarius, de quo est, ij. Timoth. iij. Sed & mentes infidelium excaecare dicitur, ut non fulgeat eis illuminatio Euangelij.

geli gloriæ CHRISTI: qui est imago Dei. Igitur tantus hostis & aduersarius Dei, Christi & salutis electorum diabolus, non potest Deum prorsus nescire: sed num idcirco diaboli fidem habere possunt eandem, quam saluandi per Christum, nisi quod dilectionem non habeant? Vides ergo Lombardum & Sophistas in doctrina fidei nihil loqui de fide adprehendēte promissionē salutis, qua una iustificamur & saluamur.

Nec uero dubium est, diabolos odio DEI, & perpetua salutis desperatione, horribiliter cruciari: quod fortassis uoluit, qui dixit: demones credunt & contremiscunt. Sed hæc de fide diabolorum plus satis. Quid enim ad nos quid credant. Sed Lombardus, Sophistæ & aduersarij nostri, huius dicti occasione, & per somnium suum de fide, corrumpunt nobis uerbum gratiæ, & fidem ex cordibus nostris eijciunt: quam pro officio bonorū doctorū Ecclesię plantare potius debuerūt, & animis nostris bene & firmiter radicare. Nunc autem euellunt & destruunt: quod omnium potissimum in eos dictum esse uolumus, qui hoc tempore doctrinæ gratiæ & fidei aduersantur. Iam igitur considera, quo iure tribuatur impijs, qui malo spiritu aguntur, & sine poenitentia uiuunt, fides. Num enim isti impij, prophani & scelerati homines, qui sine poenitentia uiuunt & sine operibus bonis, possunt credere Euangelio, & fide promissionē gratiæ recipere: hoc est, possunt ne credere, quod habeant reconciliatum, placatum, propitium & fauentem DEVM: qui ipsis remittat peccata & liberet eos a morte & tyrannide diaboli, utque sint æternæ uitæ heredes, propter CHRISTVM: etiamsi perpetui quidam contemptores Dei permaneant. Denique quod defendantur in omnibus aduersis, & spiritu sancto regantur? (Nam illum certe constat habere, eos qui credunt.) & qui ita nō credunt, nec esse Christi, nec posse saluari? Sed si impijs dare hæc omnia renuerint: rursus interrogamus, cur igitur impijs tribuant fidem? Quid usque adeo ipsos iuuat, detrahēte gratiæ, & Christo iustificationis gloriam, sophistica, ne dicam malitiosa cauillatione? Cur hac techna & dolosa arte imperitos circumueniant & fallant? Cur beneficia CHRISTI blasphemant: tantum ut gloriam iusticię carnis stabiliant? Nunc enim mihi cum istis potissimum sermo est, qui Sophistarū impijs erroribus patrocinantur: et pro Christianis doctrinis eos defendunt, nosq; damnant, qui docemus, quod impij sola gratiæ fide iustificentur. Quanquam irrefragabile est & certissimum hanc fidem in sacris literis ab Euangelistis & Apostolis doceri.

Hoc constat, fidem non posse durare in illis qui flagitiose & sine poenitentia uiuunt: aliquid probant aut faciunt contra cōscientiam, quicquid illud sit, quod mandatis DEI aduersetur. Nisi mox poenitentiam agant iterumq; resipiscant, & melius sibi deinceps caueant. Nec enim permanere in fide gratiæ quisquam posset, nec retineri spiritus sanctus

*Iacob. 2.*

*Quid fides  
impijs non de  
beat tribui.*

*Fidem etiam  
amitti, a sceleratis.*



ab homine impio & peccatore: contraria sapienti & agenti uerbo & monitis Dei. Quod si intellexissent Sophistæ, nunquam uoluissent istius perniciosi dogmatis auctores esse, quod fidem impijs pariter & pijs tribuit eandem: nisi quod pios ab impijs separat operibus dilectionis, quæ quilibet hypocrita facere possunt, qui licet in D E V M nunquam crediderunt.

Muniamus itaque conscientias nostras hac Christiana doctrina, de fide promissionum Euangelij: qua semper fiet, ut uel lapsi in uicia & peccata, iterum resurgamus. Nihil enim uanius est, quam tribuere impijs et malis fidem: & fingere, quod noticia DEI firma & uerax existere possit, in homine mandatorum Dei transgressore. Ita uero statuere oportet, quod uera Dei & CHRISTI noticia, qualis non potest haberi, nisi per uerbi Dei fidem, nunquam relinquat credentem otiosum, & sine poenitentię fructu: tantum abest, ut peccatis mortalibus obnoxios, & sceleribus indulgentes, improbos, noxios & malos relinquat. Vide quid fides & Christi noticia effecerit, in Dauide, Manasse, Petro, Thoma, Paulo, & similibus in historia Euangelij: uocatis in gratiam per seruatorem Christum.

Ergo si crederent impij omni uerbo Dei: sequeretur, quod crederent omnibus comminationibus & promissis Dei. At fides comminationum statim operaretur in ipsis uerum timorem DEI, ueros conscientię pauciores: & contritionem illam, in qua est primus ad salutem gradus, si non destituatur promissionum Euangelij fide. Postquam enim ad contritionem fides accedit, illa inquam, quæ est consolationum Euangelij, impij & peccatoris sunt salua & beata omnia. Quia fides promissionum Euangelij consolatur contritos: & proposita remissione peccati, tanquam ex mortuis restituit eos in spem æternę uitæ. Et accipiunt tales spiritum sanctum, ut nunquam possint in impietate uitæ permanere. Non enim reſciunt gratiam, qui uere agnouerunt & crediderunt illam sibi factam esse: sed cum gratiarum actione acceptam ornant in omni reliqua sua uita. Quo suos CHRISTVS nusquam non hortatur: ideo nihil habet, cum impenitentibus & malis, quemadmodum nec illi aliquid cū Christo. ij. Cor. vi. Quomodo igitur fidem homines mali habere possent?

Sed si homines impij & mali credere Deum & Deo possent, assensum in articulos fidei habere, non opus esset ad sanctificationem iustificandis spiritu sancto. Siquidem omnes homines ex æquo potentes essent ad efficiendum gratię fidem: et timorem DEI, seu ueram contritionem, & obedientiam erga legem. Quæ fuit impij Pelagij sententia: a qua quantum absint isti doctores operum, in quos scribimus, aliorum esto iudicium. Quid enim quod de confecta gratia, et habitu dilectionis in operarijs, qui nullus est, deblaterant? Hoc enim non est gratiã agnoscere: quæ nō

quæ non significat habitum in nobis, sed misericordiæ beneficium, quo nobis peccata remittuntur propter CHRISTVM, & uita æterna donatur, quatenus in eum credimus. Non est res tam uulgaris tum uerax contritio, tum uera fides, quam esse existimatur a crassis Sophistis. Multo minus tam inefficax & impotens, ut peccatores sine poenitentia fructu relinquat.

In summa, pessime merentur de gloria CHRISTI & rebus Ecclesiæ, qui fidem gratiæ ita contemptim prædicant, ut hanc tribuant impijs quoque. Quia sic faciunt hominibus gratiæ Christi beneficium sordere: aut certe autores sunt, ne in magno precio habeatur. Atq; adeo, ut confidamus, nos carnalibus iusticijs multo potius saluos fore, quam per redemptorem Christum: quem licet habemus unicam causam nostræ æternæ salutis. Quia aliud nomen non est sub cælo datum hominibus per quod oporteat nos saluos fieri. Fugiendi sunt ergo, qui noticiam gratiæ, & fidem in Christum, fingunt rem esse tam uulgarem, inuilem & prophanam. ut impijs istis & malis hominibus, qui sine omni fructu melioris uitæ agunt, possit contingere. Hoc enim præcipua quadam contumelia, in gratiam DEI, & in Christum dicitur: & Euangelij gloriam maxime lædit. Quodenim formaliter iustus esse dicitur homo per opera dilectionis, id præter quam quod eleuat gratiam, & CHRISTI gloriam detrahit, tribuit summam iusticiæ laudem pharisaicæ iustis: quibus nihil minus esse potest, quam uerax iusticia, illa Christiana, uere efficax fructibus pietatis, quibus DEVS glorificatur.

Viderint ergo quid agant, qui commentum inanis somnij de fide formata, ueræ fidei nomine nobis obrudunt: quo illud imprimis credere iubent, non quod nos respiciat & saluos faciat DEVS, per misericordiam, credentes in Christum Iesum: sed quod ipsi priuata iusticia & proprijs meritis operum nostrorum, tum remissionem peccati, tum æternam uitam nobis impetremus. Sed hoc est gratiam negare, & a fide in CHRISTVM deficere ad legem: quali hac, & sine Christo, salus obtineatur. Nihil refert enim quod gratiam nominant, & merita passionis Christi, isti quos dico, meritis operum nostrorum doctores. Oportet enim eos qui uere credunt in Christum Iesum beneficia redemptionis ita agnoscere & recipere, ut pro gratuitis gratiæ donis ea habeant: quæ aliter adprehendi, seu accipi haud quaquam possint, nisi per promissionis Euangelij fidem. Sed hætenus de fide, quam prædicant sacræ literæ: & rursus de pugnancia, quæ est apud somniatores Sophistas, contra fidei doctrinam. Ne ergo dubites pie lector, me hac collatione prestitisse, quod ab initio huius loci pollicitus sum, uidelicet, me monstraturum in aduersariorū doctrina, quod prædicent, impium & peccatorem iustificari suis operum meritis, sine gratia, sine CHRISTO, & sine promissionis Euan-



gelij fide planeq; abolere Euangelij promissionem & extinguere Christianismum. Neque posse absurdius quicquam dici, quam affirmare, quod fides existeret in homine impio & malo mandatorum DEI transgressore.

QVOD CHRISTI APOSTOLI NON CAE-

*rimonis legis, sed in uniuersum omnibus iusticijs nostris  
destrabant meritum iustificationis.*

CAP. V.

**R**eliqua est una spes refugij, his qui iusticiae rationis, & meriti operum nostrorum, patrocinantur, contra gratiae iusticiam, & contra fidem in CHRISTVM: & illa quoq; non tam iusta obiectio, quam cauillatio mere Sophistica. Quid enim nisi inania somnia & deliramenta impietatis obijci contra gratiae & fidei doctrinam possent. Nihil refert, quod hunc impium & foedum errorem, quem dico, quidam magni uiri docuerunt: ueluti Origenes & Hieronymus, ea in re poenitendi & perniciosi doctores. Quanquam nec rarum est, magnos saepe pueriliter hallucinari & delipere: cum praesertim in his, quae sunt Christianae doctrinae, cogitationibus rationis coeperint indulgere: & plus fidere illis quam uerbo DEI. Porro maior est Deus, & amplior uerbi eius auctoritas, omnibus Origenibus, Hieronymis & Sophistis: cui uel ipsi angelii subijci & credere debent, nedum quidam literatores. Quid est enim humani ingenij magnitudo, doctrina & iudicium, in comparatione ad DEVM: Sed ad rem.

Hoc igitur, quod sacra scriptura testatur, nos iustificari fide, per gratiam, propter CHRISTVM, sine lege, & sine iusticijs nostris, sic cauillantur atque eludunt: fingunt hanc exclusiuam operum et iusticiarum nostrarum, non intelligendam esse, nisi de caerimonijs Mosais. In quo uides optime lector, nihil tam simpliciter, dextre, candide & clare dici posse, quod ars sophistica non queat cauillari & irridere. Decalogi iusticias copulant cum fidei doctrina, magnifici gratiae praekonae salicet: Imo conscientiarum oneratarum peccato, lege, & terroribus inferni, immanissimi tortores atq; carnifices. Gratiae tribuunt, quod ubi legis onus est leuissimum, & plane quidam puerorum ludus, ibi nos exonerat: rursus ubi est onerosissimum, prorsusq; importabile omni carni, & quo omnes condemnatur, in eo defecerit illius exactionibus & comminationibus nos releuare. Quo simul intelligere est, qua diabolus astucia & fraude semper conatus sit noxius esse Ecclesijs, per impias doctrinas: perque parum cautos, & non satis attentos doctores.

Hoc igitur rationis inuentum, cum ostendero uanum, falsum & impium esse, palam erit, hanc nos DEO & IESV CHRISTO nominis gloriam debere, qua credere & confiteri necesse habemus, quod Deus gratuita misericordia sua & Christi beneficio saluos faciat nos a peccato & a mor-

& a morte: & non ipsi nos, per iusticiarum nostrarum merita & satisfactio-  
nes. Qui itaq; hoc ultimo diuerticulo elabi conantur, ut dicant im-  
pudenter, atque affirmant pertinaciter, quod in doctrina iustificationis  
Christiana, solis caerimonijs Mosaicis, iustificationis meritum detraha-  
tur, non moralibus praeceptionibus quoq; & in summa, omnibus iu-  
sticijs nostris, quasque possumus prestare: eos inquam, numeramus  
inter Pelagianę hæreseos professores, & accusamus abnegatę gratię &  
fidei in CHRISTVM, defectionis ab Evangelio ad legem, qui se pre-  
cipitent ex regno coelorum in infernum ad diabolum, ut salui fieri non  
possint, nisi ab hoc errore liberentur. Nam primum, uera in gratiam &  
Christum fide destituuntur: sine qua nemo potest saluus fieri. Deinde,  
quia non possunt docere, iusticię & pietatis nomine, quam pharisaismū  
quendam, & hypocrisim operum, seu speciem iusticię: quę magis est  
noxia homini, quam prodesse illi possit.

Dedit autem isti errori occasionem, aut certe confirmauit eum, quod  
isti qui contendunt nos meritis operum nostrorum saluari, uiderunt rei  
neri in doctrina Apostolorum moralia praecepta: & ideo partialem caus-  
sam iustificationis hæc fecerunt. Non prædicantes illorum opera, ut iu-  
sticię fidei fructus: qua una saluamur a peccato & a morte. Sed causam  
iusticię illa dixerunt: ut quibus & peccati remissionem sibi homo mere-  
atur, & satisfaciatur pro peccati poenis & æterna morte. Hæsit autem, & il-  
le opinionis error in hoc dogmate, quod arbitrati sunt, Decalogi exacti-  
onibus per externas operum iusticias satisfieri. Atque inde in doctrina  
de abrogatione legis, non pronunciauerunt, liberatos esse nos, nisi a ce-  
rimonialibus & forensibus Mosi legibus: nec uisum est opus habere ho-  
minem liberatione ab exactiōibus Decalogi. Nempe, quibus carnalis  
natura possit facillime satisfacere: & suis iusticijs bene mereri de DEO.  
Istis ergo rationis doctoribus penitus absurdum uidetur, cum dicitur,  
quod solius gratię fide, propter CHRISTVM, a peccato et a morte  
iustificemur. Quia non possunt se explicare ex illo nodo, cum audiunt,  
quod obedientiam praeceptorum Decalogi seruare debemus: neque ta-  
men possimus, iusti et beati coram Deo, propter illam obedientiā no-  
strā, pronunciari. Quasi ideo necessarium sit, iustificari hominē per sua  
opera, quia DEVS requirit ab his quos recepit in gratiam saluationis  
propter Christum, opera bona. An non hoc est dissipere? Cui enim fi-  
lio necesse est, hæreditatem paternam mereri: etiam si patris nomen, et fa-  
milie suę, necesse habeat bonis moribus et iusticia ornare? Degeneres  
enim, iure excluduntur hæreditate.

Proinde aduersarij nostri, hoc errore perpetuo cæcutiunt, quod exi-  
stimant iusticiam illam Christianā, qua saluamur a peccato & a mor-  
te, significare qualitates et uirtutes nostras: cum sit gratuitum misericor-

*Iusticia Chri-  
stiana.*



COMMENT DE POENITENT.

diæ beneficium, quo nobis peccata remittuntur, & uita æterna donatur, propter CHRISTVM, quatenus in illum credimus. Sicut clarissime & firmissime docetur, Roman. iij. Ioan. iij. &c. Ideo enim hac gratiæ iusticia opus habuimus, quia exactiõibus Decalogi nemo potuit, neque poterit unquam satisfacere. Sunt enim spirituales; & de summa perfectione iusticiæ, & summa animorum nostrorum puritate præcipiunt. Cuius debitores si essent Christiani, nemo saluandorum non debitor esset huiusmodi perfectæ iusticiæ, qua etiam sine omni uicio cordis uiueret, prorsus angelice, nedum sine externis uicijs peccati. Sed tales non sumus in hac infirma, carnali & peccatrice natura: etiam iustificati, & quatenus a spiritu sancto gubernamur: Roman. vii. Nondum enim corpus peccati deposuimus in totum: nec accepimus plenitudinem, sed primitias spiritus: Roman. viij. Et si dixerimus, quod peccatum non habemus, ipsi nos seducimus, & ueritas in nobis non est. i. Ioan. i. Retinetur autem Decalogus in Apostolorum doctrina, quia pertinet ad poenitentiae doctrinam: ad ostensionem & accusationem nostri peccati. Roman. iij. vii. Adeoque ad fidei exercitia illa, quibus glorificari a nobis debet DEVS, tanquam iusticiæ fructibus: non ut operum nostrorum meritis saluari quæramus. Nos enim dilectorum filiorum loco habet, propter CHRISTVM: & per misericordiam suam saluos fecit. Deinde iusticiam illam gratiæ, atque æternam salutem, communicat his qui Euangelio credunt, non qui iusticiam & salutem per legem quærun. Roma. ix.

Rationes  
philosopharum de  
legis abrogatione,

Sed cur non uidemus etiam, quibus rationibus illi causæ suæ patrocinantur, qui negant meritum iustificationis detrahi operibus seu iusticijs legis in uniuersum: sed caerimonijs tantum. Scholastici enim, primum pudendo errore affirmant, iudicialia & caerimonialia, post CHRISTI glorificationem, obseruantibus mortifera esse: & Decalogi mandata non esse abrogata. Quia sine operibus Decalogi nemo iustificetur coram DEO. Idcirco Thomas, in summa, prima secundæ, Quæsti. xcvij. illud Ezechielis, cap. xx. Dedi eis præcepta non bona: & iudicia in quibus non uiuent. Ita eludit, ut affirmet hoc testimonium, de præceptis caerimonialibus solum esse intelligendum. Nam præcepta DEI dici non bona, quia (ut ait) gratiam non conferebant, per quam homines a peccato mundarentur. Intelligit autem gratiæ nomine, uim illam qua per cordium nostrorum puritatem, seu dilectionem, ipsi satisfaciunt legi. Sed si omnino prophetæ locus ille, intelligi debet, ratione legis & obedientiæ nostræ, (Nam Iudæi aliter illum eludunt.) Sic exponendus erit, ut præcepta intelligamus dici non bona, ratione difficultatis & impossibilitatis, quæ est carnalis naturæ ad satisfaciendum pro peccato & morte: adeoque ad satisfaciendum exactionibus legis. In quo quanquam idē dicere uidetur Thomas, tamen in eo fallitur, quia existimat,

mat, quod nostra dilectione & nostra nouitate legi satisfiat. Nam etiam si contingat nobis spiritus & donetur dilectio, tamen non satisfacimus legi per omnia: & omnes iusticiæ nostræ indigent remissione peccati, propter immundiciam cordium nostrorum, & imperfectam obedientiam erga legem. Sicut etiam testatur illud prophetæ psal. cxliij. Et ne intres in iudicium cum seruo tuo, quia in conspectu tuo non iustificabitur omnis uiuens. Deinde, præcepta DEI erunt non bona, hoc est, minime commoda carnali naturæ, propter iram iudicantem nos & damnantem lege. Gal. iij. Sed satis est, si teneas ex Thome scripto, illum sentire, cū alijs Sophistis, Decalogum nō esse abrogatū: sed manere & retineri eum nouo testamento, ut iustificationis doctrinam. Ex eo enim intelligis, Euangelium apud Sophistas non haberi pro iustificationis doctrina, sed legem.

Porro Thomas, illud Pauli; Roman. vii. Sine lege, peccatum mortuum erat. Ego autem uiuebam sine lege: sed cum uenisset mandatum, peccatum reuixit: ego autem mortuus sum. Item illud: Roman. v. Lex subintrauit, ut abundaret delictum. Cum non pateat rima, qua possit elabi, in hunc modum cauillatur: lex (inquit) dicitur occidisse, non quidē effectiue, sed occasionaliter, ex sua imperfectione. (Sed cur non potius ita occasionaliter, quia incidit in carnalem naturā, quam ipsa lex inquam sanctissima & perfectissima doctrina, non potuit uiuificare? Quia carnalis natura non obedit, nec obtemperat legi: ac ne potest quidem. Rom. vii. & viij. Idcirco enim lex non potuit, neque debuit, quam occidere hominem & damnare. Atq; ex eo uocatur administratio mortis & condemnationis. ij. Cor. iij.) In quantum scilicet gratiā non cōferebat, per quā homines implere possent quod mandabat: uel uitare, quod uetabat. Hic rursus opus habes Thomam gratiæ adpellatione, intelligere non de misericordia regenerante & iustificante nos, per Euangelij promissionem: sed sophistico more, de nouitate nostra.

Sic ergo rejicit Thomas totam culpam mortis & condemnationis nostræ in legem: & hominem illa liberat: scilicet, lex præcipiebat de perfectione iusticiæ: sed quia uim implendi mandata legis non contulit, in eo fuit quædam imperfectio & uicium legis. Quid audio? sed oportet hic exclamare, uim fieri scripturis: & æquum iudicem appellare. Cur enim lege requiritur, ut uirtutem donet se implendi, illis quibus loquitur: quam nisi conferat, male audiat, & dicatur uiciosa & non bona? Nōne satis est legi præcipere de recte factis: etiam si uim faciendi & implendi mandata non tribuat? Aut dixeris mihi, DEO non integrum esse, præcipere de perfecta iusticia: sed cogi illum ut se accommodet, ad nostros pharisaicos animos. Iubēt enim anathema esse, qui dixerit DEVM impossibilia præcepisse. Postremum, Paulus dicit: lex quidem sancta



est, & mandatum sanctum, iustum & bonum. Roman. vij. Et homo Sophista cauillatur, in lege esse imperfectionem & uicium: & eam imperfectionem ita incommodare homini, ut illum occidat: nimirum natura bonum & iustum. Sed hoc est legi libidinofam tyrannidem tribuere: & iusticiam accusandi peccatores derogare. Iam quis magis uiolentus & iniurius erit, quam DEVS: si lex suo uicio, & propter suam imperfectionem occidit: quia non confert homini gratiam, per quam ille mandata possit implere?

*Lex effectiue  
occidit.*

Sciat igitur Christianus lector, quod lex, quoniam incidit in carnalem naturam, non potest habere alium effectum, quam quod hominem occidit & damnat. Hoc est, declarat reum mortis: per ostensionem peccati, quod heret in carnali natura: & irrogata in peccatorem sententia mortis, siue aeternae maledictionis. Sicut Paulus clare docet: Roman. iij. vij. & Gal. iij. Est enim lex spiritalis, sancta, perfecta, & purissima doctrina: nos uero carnales sumus, immundi, iniusti, peccatores, & pleni impiissimarum opinionum & cogitationum, de DEO & lege. Imo Deum prorsus ignoramus: & ideo legem eius odimus. Quia non intelligimus, quare ratioe nobis consulat, hac sua spiritali & perfecta legis doctrina. Lex ergo occidit atque damnat hominem effectiue: & summo iure, hominis uicio & culpa. Suo enim iure arguit atque accusat hominem DEVS: adeoque damnat, neminem afficiens iniuria neque tyrannidem seu iniusticiam exercens.

Vult autem DEVS hoc modo nobis peccatum nostrum ostendere: & ueluti impellere nos ad gratiae inuocationem, qua saluemur a morte, & sanemur a corruptione peccati. Nec enim irascitur perpetuo, nisi gratiae contemptoribus. Ideo posuit legem, quae cum incidat in carnalem naturam, non possit eam uiuificare: & tamen redarguat peccati, & ream declaret aeternae mortis, adeoque retineat in morte eum qui per incredulitatem pergit contemnere gratiam. Et ideo uocatur chirographum, contrarium nobis. Col. ij. Quia omnes testimonio suarum conscientiarum, reos esse, & damnabiles peccatores. Non enim uoluit DEVS gratiam saluantem & sanantem nos conferre per legem: cum tamen contrarium ubique doceant Sophistae maxime in doctrina de iustificatione: quam existimant fieri, per nostram dilectionem. Sed lex, ut dixi, seruire debuit, ad peccati ostensionem, & perfectam humiliationem hominis peccatoris: illumque gratiae siti accendere. Proinde causa illa mortis, irae & condemnationis, non debet rejici in legis defectum, seu imperfectionem, quae nulla est, quanquam esse fingitur a blasphemis: sed rejici debet, in hominis peccatoris maliciam & impietatem:

Sic ad illud: Lex subintrauit, ut abundaret delictum, respondet Thomas: consecutiue hoc, non causallyter accipiendum. Quod recte quidem dicere

diceretur, si recte intelligeretur. Lex enim non est uirtus peccati, sua culpa, seu effectiue: etiam si causaliter & effectiue occidat atque damnet peccatores. Sicut gladius civilis magistratus: quo cum summa iusticia & æquitate percutitur reus & occiditur. Sed nostra culpa est uirtus peccati: quia legi irritamur, nolentes arceri a prohibitis, siue adigi ad obseruationem mandatorum. Concupiscimus enim & irascimur contra DEVM & legem: quinetiam Deum odimus, quia nos accusat & iudicat lege. Thomas uero ita dicit consecutiue: in quantum, scilicet, homines accipientes occasionem a lege, abundantius peccauerunt. Tum quia grauius fuit peccatum, post legis prohibitionem: (Quod nisi de quibusdam minus caerimoniarum, & rebus per se medijs, nec peccatis sua natura, recte dici nō potest. Peccatum enim, quod natura sua est tale: & de quo proprie intelligi illud Pauli debet, Per legem enim cognitio peccati: semper fuit æque graue, & peccatores occidit. Nec futurum erat aliter, etiam si lex nunquam lata esset: sed postquam data est lex, cognitū est certa demonstratione, quæ sit peccati grauitas coram DEO, & quo iure cōdemnet hominem æterna morte.) Tum etiam, quia concupiscentia crescit. Magis enim concupiscimus, quod nobis prohibetur. Recte, sed dispeream, si Sophistæ ipsi intelligant suas uoces & dicta. Nam alias, concupiscentiam, quæ est uicium in natura, contentiosissime negant peccatum esse: nempe, in eo qui sit per baptismum renatus. Qua consequentia possent cædes & adulteria quoque, & si quid huiusmodi est externorum uiciorum, peccato excusare. Neque uero est frustra, cur nolint hominibus naturam uicio damnabili culpa, propter concupiscentiam accusari. Quia dicunt grande absurdum hinc consequi, si recipiendum sit, concupiscentiam in natura renata esse peccatum, legi contrarium. Nam mandata DEI fore impossibilia, uiribus naturæ: uidelicet, quæ doctrina secum traheret ingentem ruīnam uirtutum & operum moraliter bonorū, & meritoriorū gratiæ, & uitæ eterne, quæ libero arbitrio præstantur. Vides periclitari illis suas hypocritas operum: hoc est, iusticias rationis, pro quarum gloria & laude tam dimicāt strenue: ne ponantur infra laudem meriti gratiæ, remissionis peccati, iusticiæ atque æternæ uitæ.

Porro, rursus admonendus est mihi lector, ut a lubricitate Sophistarum cautus ubique sibi caueat. Nomen enim gratiæ, ut sæpe dixi, usurpāt pro habitu & qualitate in nobis: hoc est, dilectione, coelitus data & infusa homini, cum significet DEI fauorem illum & misericordiam: qua credentes Euangelio recipimur in filios Dei, & accipimus remissionem peccati, & æternam uitam propter CHRISTVM. Hec est enim Christi condignitas, quæ nobis meretur: non operum dilectionis nostrorum. Igitur hac arte, (id est, per abusum uocabuli gratiæ, pro dilectione, qua nos legem faciamus.) Thomas illud quoque Petri tractat,



quod est Acto. xv. Nunc ergo quid tentatis DEVM, ut imponatur iugum super ceruices discipulorum, quod neque nos, neque patres nostri portare potuimus? Sed per gratiam Domini nostri IESV CHRIS-  
TI credimus saluari: quemadmodum & illi. Ad hunc namque locum ita respondet Thomas, dicendum: quod iugum legis seruari non poterat sine gratia adiuuante, quam lex non dabat. Postea explicans seipsum, de qua gratia loquatur: dicitur enim (inquit) Roman. ix. Non est uolentis neque currentis: scilicet uelle & currere in preceptis DEI. (At, quid hoc est dicere? Volunt currere, adeoque omnibus uiribus currunt in mandatis DEI. Ita ut Paulus hac de re testimonium perhibet Iudæis: Roman. ix. Dicit enim eos sectari iusticiam legis. Et Thomas pronunciat, quod uolentium & currentium, non sit uelle & currere. Putas ne igitur ita loqui & statuere, hominem sobrium, & sanæ mentis?) sed miserentis DEI. Hoc ergo, quod Paulus totis uiribus detrahit iusticijs nostris: homo nugator & Sophista torquet & trahit uiolenter ad merita iusticiarum nostrarum: nempe premium remissionis peccati, & uitæ æternæ. Sed si detur uelle & currere, per dilectionem. Hinc enim proxime adijcitur a Thoma: Vnde in psal. dicitur. Viâ mandatorum tuorum cucurri, cum dilatasti cor meum, scilicet, per donum gratiæ & charitatis. Hoc scilicet, est arte tractare scripturas: sed sophistica & calumniatrice.

Tribuit itaque Thomas, & cum eo reliqui Sophistæ, dilectionis nostræ merito & obsequio, totum beneficium saluationis. Fingit autem in lege quandam imperfectionem: qua defecerit in saluando nos a peccato & morte. Quam cum impetret sibi homo, meritis præparatorijs ad gratiâ: hoc est, dilectionem, tum hæc sufficiat homini, ut perducatur eum ad destinatum finem felicitatis æternæ. Existimant enim Sophistæ legis finem esse, ut hominem eo perducatur. Sed cur non potius ipsius Thomæ execrabiles blasphemias subscribam: ut eas omnium piorum uotis detester atque damnem. Sic ergo habet, in quæstione, de qua supra, arti. primo. Sed notandum est inquit, quod bonum diuersos gradus habet. Est enim aliquod bonum imperfectum: & est aliquod bonum perfectum. Perfecta quidem bonitas est in his, quæ ad finem ordinantur: quando aliquid est tale quod per se est sufficiens, inducere ad finem. Imperfectum autem bonum est, quod operatur aliquid ad hoc, quod perueniatur ad finem: non tamen sufficit ad hoc, quod ad finem perducatur. Sicut medicina perfecte bona est, quæ hominem sanat: imperfecta autem, quæ hominem adiuuat, sed tamen sanare non potest. hæc ille.

Vides his præparamentis eo tendi, ut iusticijs operum nostrorum tota laus iusticiæ & salutis nostræ feratur accepta. Lex enim perficitur: hoc est, efficitur perfecte sanatiua, iuxta Sophistarum sententiam, per dilectionem. Et ante acceptam dilectionem, aliquo modo, sed imperfe-

cte, coo-

Thomas scri-  
ptum, de me-  
rito operum  
legis.

etc. cooperatur ad hominis salutem. Sed pergamus ad alia Thomæ, quibus ipse se, & totum illum chorum Sophistarum, suis coloribus graphice pingit: ut cognosci possit, quid sentiât, de fide in CHRISTVM. Nimirum plane & prorsus nihil. Nā Christi beneficia sunt gratuita, quæ quisquis negat gratuita, totum CHRISTVM negat. Ergo Thomas predictis hæc addit. Est autem sciendum, quod est alius finis legis humane: & alius legis diuine. Legis enim humane finis, est temporalis tranquillitas ciuitatis. Ad quem finem peruenit lex cohibendo exteriores actus: quantum ad illa mala, quæ possunt perturbare pacificum statum ciuitatis. (De hac ergo legis ratione in præsentia nihil ad propositum. Hic enim usus legis est civilis: sed sequitur.) Finis autem legis diuine, est perducere hominem ad finem felicitatis eternæ: qui quidem finis impeditur, per quodcunque peccatum: & non solum per actus exteriores, sed etiam interiores. Et ideo illud quod sufficit ad perfectionem legis humane: ut scilicet, peccata prohibeat, & poenam adponat: non sufficit ad perfectionem legis diuine. Sed oportet, quod hominem totaliter faciat idoneum, ad participationem felicitatis eternæ. Quod quidem fieri non potest, nisi per gratiam spiritus sancti: per quam diffunditur charitas in cordibus nostris, quæ legem adimplet.

Si hoc non est abjicere gratiam, a fide Euangelij & redemptoris CHRISTI deficere ad legem, apostatam fieri, iudaizare, & in impiam sententiam impij Pelagij concedere, excusent se de hac pessima infamia, Papiste professores sophistici huius erroris. Quid refert enim, quod fabuloso commento de operibus dilectionis multa nugantur: de gratia adiuuante per spiritum sanctum imbecillitatem nostram, & cooperante uiribus liberi arbitrij? Siquidem in principali negotio, & in tota summa questione, tribuit iusticijs nostris meritum iustificationis & uitæ eternæ. Quamquam hoc quoque, quod Sophiste de gratia, id est, dilectione, quæ detur iusticiarijs, comminiscuntur, est plusquam nihili somnium: & ut terminis eorum utar, est quedam chimera, & compositum ex incomponentibus, germanice, eyn hultze schur eysenn. Neque enim possibile est, spiritum sanctum accipere, eos qui negant beneficium redemptionis nostræ gratuitum esse. Deinde, ut maxime haberent spiritum, tamen ille non potest permanere aut retineri ab his qui sentiunt quod iusticiam, remissionem peccati, spiritum sanctum, dilectionem & uitam eternam, possint atque debeant sibi per opera sua mereri.

Digni sunt autem Sophistæ, suis istis stultis & uanis inuentis demereri. Quia ita se ulciscitur DEVS de gratiæ contemptu: hinc enim uidimus tot perniciosas sectas monachorum grassari in orbe Christiano, ad delationem fidei. Omnis enim populus persuasus fuit, quod sibi necesse esset iusticiam & salutem per opera mereri. Hos fructus infidelitatis & incre-



Adulteratis uidimus: & tamen nondum satis doceri illo pernicioso & dam-  
nabili exemplo erroris possumus. Tam uere autem dicitur hoc de gra-  
tia somnium: quam idoneis testimonijs ueritur Thomas ad probationem  
ascitis. Adducit enim illud Pauli ad Roman. vi. Gratia enim DEI uita  
eterna. Quid enim hoc facit ad probationem eius, quod affirmant So-  
phistę de gratia, quę sit qualitas mentis, & uirtus in nobis: & mereatur  
homini absoluta condignitate uitam eternam? Manifestum est enim o-  
mnibus, qui legunt epistolas Pauli, quod Apostolus ille hac senten-  
tia nihil prorsus dicit de dilectione nostra, qua ipsi legem facimus seu  
implemus: sed quod testet, uitam eternam gratuitum donum gratię seu  
misericordię DEI: & quidem, ut ibidem diserte explicat, quod contin-  
gar per IESVM CHRISTVM Dominum nostrum, utique si in  
eum credamus: de quo lege Ioan. iij. Quare hac Pauli sententia etiam  
excluduntur iusticię nostrę, a merito tantę salutis: sed Thomas, ut So-  
phistę officio satisfaciatur, contemptis omnium hominum iudicijs, ad illa-  
rum merita torquet dictum & sententiam Pauli.

Poterat itaq; Thomas eadem dexteritate ad probationem asserre, qua  
connititur euincere, iusticias nostras, propter habitum dilectionis, me-  
ritorias esse eternę uitę, omnes scripturę sententias, prorsus sine ullo  
delectu. Qui enim minus satisfaciatur, uel quod de adulterijs et stupris ad-  
missis scribitur, si hoc Pauli dictum ad Sophistę opinionem quadrat:  
Sed audiamus pergentem: hanc autem gratiam (inquit) Lex uetus con-  
ferre non potuit, seruabatur enim CHRISTO. Quia ut dicitur Ioan.  
primo. Lex per Moysen data est: gratia autem & ueritas per IESVM  
CHRISTVM facta est. Ex hoc dicto intelligis, quid Christo tribu-  
ant Sophistę: nimirum quod dilectionem nobis promeruerit, & effe-  
cerit illo condimento iusticias nostras, meritorias remissionis peccati, &  
uitę eternę. Quanquam enim & condonationem originalis noxę di-  
cant factam beneficio mortis CHRISTI: tamen ab adultis & lapsis post  
baptismum requirunt ut proprijs operum meritis satisfaciunt pro pecca-  
to. Atque inde est, quod omnia referunt ad meritum dilectionis.

Neque uero contendam hic de sententia uerborum Euangelistę Io-  
annis. Satis constat quid gratię nomine significet, iuxta prius datas ex-  
positiones: nimirum misericordię beneficiū, & reconciliationis quod cō-  
tingit per CHRISTVM. Deinde, ut maxime significet ueritas noui-  
tatem illam, qua per repurgatos cordis motus, DEVM spiritu & ueri-  
tate colimus: tamen non debet illi tribui meritum remissionis peccati &  
uitę eternę. Hoc enim est sentire contra gratiam, & contra redempto-  
rem Christum. Sed abuti Thomam gratię nomine, etiam hæc quę  
mox subiicit testantur: & inde est, inquit, quod Lex uetus bona quidē  
est, sed imperfecta. Secundum illud: nihil ad perfectum adduxit Lex.

Nam

Nam huius loci sententiam & supra expositam habes. Sic ergo torqueretur scripturas in omnibus locis ad habitum nostrę dilectionis, quę loquuntur de gratia id est, misericordia DEI, qua nobis peccata remittuntur, & uita eterna donatur, propter Christum, est corrumpere eas & interpretari contra CHRISTVM: cum ubiq; hoc agendum sit, ut pro gloria Christi illas interpretemur. Et omnino ne ullo modo, quę nostrę glorię sunt per eas statuamus:

Habes ergo quę sint illę tantę rationes & causę, quę impulerunt Sophistas, ut contenderent, in doctrina de legis abrogatione, solis ceremonijs & iudicialibus Mosi, detrahi meritū saluationis. Nam in summa Decalogum Mosi, & similia morum precepta, quę in Euangelicis literis leguntur, & ex Decalogo fluxerunt, habent pro doctrina iustificationis: quo fit ut promissionum Euangelij nullum usum, & nullum Christi, seu fidei in CHRISTVM, docere possint. Cum quorum perniciosis opinionibus uolumus nunc paulo diligentius scripurae sententiam conferre. Tu igitur Christiane lector in questione de legis abrogatione, intelligito omnia de lege proprie dicta ac spiritali: & complectere simul totam legem, nihil distinguens inter iudicialem, ceremonialem, & moralem. Sed legis nomine intellige omnes illas partes: ut existimes, non ceremonijs solis, aut iudicialibus Mosi detrahi meritum iustificationis: sed ceremonijs pariter & omnibus operibus legis. Fide em̃, per misericordiam iustificamur, propter Christum: sine lege. Nec significat hęc oratio, iustificatos non esse debitores obedientię erga legem: seu studij bonorum operum. (Nam perfectę obedientię nemo est debitor: ut quam etiam nemo potest prestare. Et Decalogus eo nomine abrogatus est solum, ne ius habeat exigendi debitum perfectę iusticię ab his qui in Christum credunt.) Sed testatur operibus nihil opus esse credenti, ad meritum iustificationis & uitę eternę. Et significat abrogatas esse legis maledictiones: & in his qui Euangelio credunt, etiam imperfectam legis impletionem reputari pro perfecta & adprobari illam coram DEO. Nam alioqui frustra esset bona opera a iustificatis exigere: quę illi prestare debebunt glorificandi DEVM studio tanquam iusticię fructum.

In summa, si Decalogo ius esset exigendi debitum perfectę obedientię, seu iusticię in illo pręceptę, nemo prorsus omnium hominum saluus fieri posset. Est enim impossibile satisfieri illius exactionibus ab infirma carne. Et rursus tamen solis qui credunt in Christum, abrogatus est Decalogus, eo modo ut dixi: incredulos enim perpetuo iudicat & damnat. Qui etiam dupliciter rei sunt mortis & condemnationis: priore modo, propter debitum perfectę iusticię, quam nunquam possunt prestare. Posteriore, propter contemptum gratię DEI, & redemptoris Chri-

*Sententia scripturę de legis abrogatione.*

*Fide iusticię sine lege.*



sti: quem alunt isti summum, qui per iusticias legis querunt salutem. Ergo necesse fuit legem abrogari, prorsus totam, & omnium maxime Decalogi mandata. Nam illis omnium grauissime affligitur, terretur, et cruciat conscientia: & adigitur ad desperationem salutis, nisi quatenus retrahitur per promissionis Euangelij fidem, ad concipiendam spem eterne salutis per Christum. Nec aliter intelligi debet abrogatio, preceptorum Decalogi, quam de iure accusandi aut damnandi peccatores: siue de iure exigendi debitum perfecte iusticie, quod legi ademptum est, propter Christum. Quia illi debito nemo posset satisfacere: & per consequens, lege omnes condemnarentur.

Ita certe, cum Paulus ait: nos non esse sub lege, sed sub gratia. Intelligit nos beneficio diuine gratie per CHRISTVM ab exactionibus decalogi, & omnium maxime a maledictionibus legis liberatos esse. Item gubernari a spiritu sancto, eos qui Euangelio & in redemptorem Christum credunt, ut peccato resistere possint: ne iterum recidant in maledictiones legis, si carni coeperint indulgere. Quorum postrema sunt deteriora prioribus: ut de his docemur. ij. Petri ij.

*Emblema  
Pauli inuicti  
& insuperabile.*

Paulus dicit: Non abijcio gratiam Dei. Si enim per legem iusticia, ergo gratis Christus mortuus est. Quanquam autem hoc testimonio et argumento Pauli, etiam in predictis usus sum, tamen nihil uetat hic repetere. Stat enim, ut immobilis rupes contra opiniones Sophistarum, de merito operum legis. Nam quomodo iustificat gratia & redemptor Christus, quos lex iustificat & saluat? Aut quomodo in lege iustificantur homines quibus gratia opus est, & iustificatore Christo Iesu, filio DEI quem necesse fuit mori, pro redimendis nobis a peccato & a morte. Nam gratia & lex hic a Paulo acerrima contentione opponuntur: & alteri de detrahatur meritum saluationis, nempe legi, hoc est, iusticijs nostris. Ne ergo abijciamus gratiam, per incredulitatem & pharisaicas opiniones, quarentium per legem iustificari: qui se indignos faciunt beneficijs gratiae, & CHRISTO seruatore, quem impossibile fuit frustra mori.

Quinetiam errorem tribuunt & summam impietatem Paulo, qui in doctrina de abrogatione legis illi tribuunt, quod de caerimonijs & iudicialibus tantum loquatur: & his argutijs elabi ex eius disputationibus & doctrina querunt. Quasi inopia uerborum & dicendi perdidit Ecclesias: scilicet, potuit magna uerborum copia, & flumine orationis, & contentiosissima contentione astruere atque affirmare, impium & peccatorem iustificari coram DEO, fide, per misericordiam, propter CHRISTVM, gratis, sine lege, sine operibus, exclusa omni gloriatione nostra: & in eo uno defecit, atque uiribus dicendi destitutus est, ut ne semel quidem potuerit uel cautionis & necessitatis causa, se in illis omnibus ex elusiuis non loqui nisi de parte legis caerimoniarum, & politicarum obseruatione.

seruationum: Manere enim peccatori suam gloriam integram in iusticijs moralium preceptorum: & pro illis dari, tum remissionem peccati, tum uitam æternam. O uere mutum Apostolum, & nihili CHRIS- TVM, qui Gentibus talem & tam infantem Apostolum misit. Sed o Christe fili DEI, quo nos trahit dolor & indignatio contra improbos cauillatores Sophistas: miserere nostrum & ignosce his uocibus nostris. Paulus non fuit nutritus in Sophistarum scholis, & monachorum an- tris pharisaicis: in quibus didicisset scilicet, istas tam magistrales distin- ctiones. Sed a CHRISTO didicit hoc suum Euangelium quod doc- uit: Ideo nihil potest ei cōuenire cum somniatoribus Sophistis.

Non intelligunt ergo uim Paulini argumenti, illius scilicet, si em̄ per legem iusticia, ergo gratis Christus mortuus est: isti qui dicunt, iu- sticiā & uitam obtineri, ab his qui faciant Decalogi præcepta: nec salu- tem, nisi per conditionem meritorum nostrorum obtineri. Finge enim ex omnibus unam, qui per Decalogi præcepta sit affecutus iusticiam & salutem, ei certe gratis mortuus est CHRISTVS: cui etiam necesse est Christum plane ociosum esse & inutilem. Sed quoniam uenit Christus populum suum saluare, a peccatis eorum: quo perueniet ille, cum uni- uersis iusticijs suis, quem Christus non liberat a peccato, neq; seruit ta- li per sanguinis sui effusionem: Eijciatur haud dubie ex regno gratiæ, quia uoluit contendere cum DEO: & ueniet eo, ubi erit fletus & stridor dentium. Nempe, quisquis operibus suis tribuit, quod iusticiam & uitam illis mereatur. Illi enim necesse est Christum gratis mortuum esse. Sed ostendant nobis Sophistæ unum exemplum sui dogmatis: aut pudeat eos doctrinæ, cuius nullum exhibere possunt exemplum. Nos certe contrarijs exemplis abundamus: sicut liquet ex tota historia Euange- lij. Adeoque ex illo ad Gal. ij. ne remotiora petam. Quod autem nunc uiuo in carne, in fide uiuo filij DEI: qui dilexit me, & tradidit seipsum pro me. Non abiicio gratiam Dei. Si enim per legem iusticia: ergo gra- tis mortuus est CHRISTVS.

Quinetiam Deus maledicit gloriæ carnis: isti arroganti & impia, quæ homines in ullam rem fiduciam cordis sui ponunt, præterquam in Deum, & beneficia gratiæ eius, & ubi ipse sperare iubet. Ut habemus Hieremiæ xvij. Maledictus uir, qui confidit in homine & ponit carnem brachium suum, a DOMINO recedit cor eius. Erit enim quasi myrica in deserto, & non uidebit cū uenerit bonum: sed habitabit in siccitatibus in deserto, in terra salsuginis & inhabitabili. Quanto magis maledicti sunt coram Deo, qui oblatum gratiæ beneficium contemnunt, abiiciunt & repudiant: ut potius confidant in iusticias rationis, quam in filium DEI, Christum. Imo qui uolunt iudicio contendere cum Deo: & meri- tis operum suorum certare & paria cum gratia facere: Nihil est enim quod

*Gloria car-  
nis maledic-  
ta*



Sophistas hac in parte excusare possit, prorsus enim nullum honorē, per fiduciam cordis, Deo & redemptori Christo habent. Quia in opera sua, & merita iusticiarum carnis, quæ fingunt, fiduciam ponunt, cum DEVS saluet nos per gratiam suam & redemptorem Christum: & hoc nomine uelit glorificari & celebrari a nobis, exclusa omni gloria carnis. Et huc facit alius locus, qui est apud Hiere. capite ix. & a Paulo citatur prima Cor. i. quem ut notum in presens relinquam.

Vicit igitur amplitudo bonitatis & misericordie DEI, & filius Dei traditus est pro nostris peccatis: & requirit hæc gratia, ut per fidem agnoscamus & recipiamus eam, & per fidei confessionem laudemus & glorificemus: Ac liquet ex illo non posse in eorum numero esse aut haberi eos, qui iusticijs suis saluari quærent, quo beatos prædicat Hieremias propheta, loco quem supra citavi, ubi hæc leguntur. Benedictus uir qui confidit in domino: & cuius fiducia est DOMINVS. Erit enim sicut arbor plantata iuxta aquas &c. Quare perpetuo florebit, & beatus erit in domino Christo. Nam CHRISTI nomē datum est nobis: in quo oportet nos saluari. Dicant igitur Sophistæ, quomodo per solius gratie & propiciatoris Iesu Christi fidem saluemur & beati sumus: si non absque merito operum nostrorum?

Attendenda est igitur Euangelij doctrina, quæ cum testetur Christum traditum esse pro nostris peccatis in mortem, id haud quaquā frustra factum esse: nimirum, quia per iusticias suas nemo potuit saluari a peccato & a morte. Neque enim possibile est CHRISTI mortem eo loco gloriam habere, ubi est tanta operum nostrorum gloria, ut ea a peccato & morte liberemur: & contra nulla penitus gloria operibus nostris esse potest, ubi regnat Christi gloria. Fructificat ergo Christus in illis adiutriciam & possessionem uitæ æternæ, qui credunt in eum. Huc facit illud Pauli Ephes. ij. Gratia enim estis saluati, per fidem: & hoc non ex uobis. Dei enim donum est, non ex operibus: ne quis gloriatur.

In hac breuissima sententiâ de gratia, sunt sex uniuersales exclusiue: quas omnes Paulus direxit in confusionem eorum, qui meritis operum suorum quærent saluari, & iusticias rationis locant in parte effectiua iustificationis, & impetrationis æternæ uitæ. Prima est, quæ dicit: Gratia enim estis saluati. Hæc saluationem nostri totam fert acceptam diuinæ gratiæ: hoc est, misericordie DEI, remittenti nobis peccata nostra, & liberanti nos ab æterna morte, per CHRISTVM. Secunda: per fidem. Hac ponitur causa adprehensiuâ saluationis. Gratia enim relative requirit fidem: & fides promissionem gratiæ adprehendit, & seruatore Christum in cor suum includit, & precium pro peccato & pignus æternæ uitæ: Imo ipsissimam uitam. Tertia: & hoc non ex uobis. Hæc est exclusiua operum nostrorum, ne quis suis iusticijs tribuat, meritum seu effectum

Gratia.

Fides.

Exclusiua  
per uos  
nostro-  
rum.

fectum saluationis. Quarta: DEI em̄ donum est. Quod oportet gratuitū esse: aut non est donum, sed debita merces. Quinta: non ex operibus. Si enim ex operibus nostris ullo modo iusticia cōtingeret, gratia non esset gratia: & haberent iusticiarij, quo sua opponere gratiæ possent, cum summa iusticiæ laude. Sexta: ne quis gloriatur. Sed cur non debeat pars gloriæ iusticijs carnis, si per eas homo impius & peccator, mereri peccati remissionem & uitam æternam posset?

Donum Dei.

Sine operibus.

Gloratio exclusa est.

Aut igitur mentiuntur Sophistæ, & Paulus uera dicit: aut contra. Dicendum uoles: nam alterum oportebit confiteri. Sed ad Pauli uerba, ut Apostoli ueridici Iesu Christi alligati sumus: & minime omnium ad fabulosa & inania commēta Sophistarum. Verum age ponamus & quādam Antithesim iam dicte sententiæ Pauli: si per eam collationem ueritas Euangelij clarius elucescat. Quanquam uix clarius potest dici. Continet igitur duas breues periodos Pauli sententia: quas inter se oppone, & redde singulis suam partem, & erit altera alteri clara ratio: In hunc modum.

Gratia enim estis saluati.

Per fidem.

Et hoc non ex uobis.

DEI enim donum est.

Non ex operibus.

Ne quis gloriatur.

Credas fortassis me insanire optime lector, quod hæc quæ per se clara sunt in Paulo tam anxie, & propemodum curiose excutio atque expono. Verum surdis horum temporum cogor hæc ita inclamare, subinde repetitis uicibus. Quanquam metuo, ne hæc quoque frustra: non alia causa, nisi quia surdis ad gratiæ prædicationem.

Sed erit fortassis, cui hæc proderunt. Hac spe non pigebit prædictis ad huc pauca quædam adijcere. Primum illud Roman. iij. Iustificati gratis per gratiam ipsius, per redemptionem, quæ est in Christo Iesu. Deinde illud Roman. iij. Idcirco ex fide, ut secundum gratiam firma sit promissio. Quare si daretur condicionaliter salus, uidelicet propter merita iusticiarum nostrarum, Christus nulli prodesse posset: & uere inutilis esset promissio. Stante enim conditione legis nemo saluus fieri posset: quia ex actionibus legis nemo potest satisfacere. Est igitur abrogata per gratiæ lex, ut aditus pateat ad saluationem, his qui promissionibus Euangelij credunt. Quod gratiæ beneficium non intelligunt necessarium fuisse, qui per opera sua saluari quærunt. Sed tales esse oportuit Euangelij promissiones, ut terribas conscientias efficacissime in quibuslibet periculis consolentur. Neque uero essent tales, nisi gratiæ essent: & maxime firmæ his qui in Christum Iesum credunt. Si enim eos consolarētur tantum, qui priuatas operum suorum iusticias, & meritorias de condigno haberent, iam nullus usus esset promissionum neque Christi. Quia æque dubias relinquerent conscientias, atque si nullæ essent. Quis enim

T



legi satisfaceret unquam: Quis non periret desperatione salutis? Quia certissimum est, quod de perfecta iusticia & perfecta obedientia nemo potest gloriari. Quid enim quod pharisæi & hypocritæ nuncaliter sentiunt, qui iusticiam DEI ignorant: adeoque semetipsos? Quos Deus non minus horribiliter perditurus est, quam eos qui palam flagitiose uiuunt, & sine poenitentia manent.

Addam etiam hoc testimonium ex Paulo Gal. ij. Nos natura Iudæi & non ex Gentibus peccatores. Scientes quod non iustificatur homo ex operibus legis: sed per fidem Iesu Christi. Et nos in Christum Iesum credimus, ut iustificemur ex fide IESU CHRISTI: & non ex operibus legis. Propterea, quod ex operibus legis non iustificatur omnis caro. Quot obsecro sunt in hoc uno testimonio exclusiue & uniuersales: quas omnes Paulum constat contra eos posuisse, qui fingebant peccatores lege & operum suorum meritis iustificari. Ceterum facile esset omnes eludere & ridere, si parti legis ceremoniarum & iudicialium præceptorum effectus iustificationis detraheretur. Posset enim dici: parum referre, etiam si iusticiæ gloriam non queant sibi uendicare homines per ceremonias Moysi: esse tamen, unde habeant uerā & solidam gloriam, nempe, opera Decalogi, longe præstantiora, & digna iusticiæ nomine coram DEO: quibus ille præmium iusticiæ denegare non possit, cum operator hac in parte habeat ius recipiendi, ac Deus debitum & necessitatem reddendi. Hoc est scilicet pulchre theologizare: & placet hæc Theologia mundo, sed cæco & furioso: filiis Dei non placet: nec potest placere. Est enim supra modum blasphemum. Hac enim stante, sequitur Paulum nihil prorsus docere: ipsumque de ocioso aut fabuloso CHRISTO concionari.

Addam & illud, ex Actis apostolicis, cap. xij. Notum igitur sit uobis uiri fratres, quod per hunc uobis remissio peccatorum annuntiatur, ab omnibus a quibus non potuistis per legem Moysi iustificari: per hunc, (Christum intelligit.) omnis qui credit iustificatur. Sed quid obsecro habet lex Moysi: certe moralia præcepta eque, ut ceremoniarum instituta & politicas leges. Cur igitur uos Sophistæ perpetuo torquetis ad partem, quod dictum est de tota lege: quo iure? Deinde, qua in re tam difficiles fuerunt ceremonie, ut nemo potuerit illis satisfacere & iusticiam mereri? Nam Paulus difficultatem, imo impossibilitatem allegat, ubi causatur neminem potuisse per legem iustificari. Accitat non ceremoniale præceptum: sed quod est difficillimum, imo prorsus impossibile in iusticia morum. Videlicet, præceptum de non concupiscendis rebus, lege prohibitis: quo exigitur a nobis perfectissima puritas & mundities cordis. Roman. vij.

In summa, nulla sunt opera, & nulli cultus, per quos iusticiam mereamur,

mur, aut salutem. Non est ergo cur speremus eternam foelicitatem, nisi per fidem gratuitaē misericordiae DEI, propter Christum: Qui traditus est propter delicta nostra, & excitatus est propter iustificationem nostri. Roman. iij. Cæterum aduersarij gratiæ audacter satis derogant cærimonijs Mosi effectum, seu meritum iustificationis: Cærimonias autem Papæ & monachorum cum quanta prædicant maiestate: ut etiam istis ridiculis cultibus tribuant summa, & primas in omnibus. Quasi meliores sint cærimoniae papisticæ, quam Mosi: aut quasi non possent obseruari cærimoniæ Mosi absq; peccato, cum tamen sabbati cærimoniam aliquo modo retineamus. Papæ uero non seruentur nisi cum premio iusticiæ summo. Quis hic putas Satan lateat: nisi quem Christus exagitat, in hypocritis, suarum iusticiarum iactatoribus, ambitiosis & avaris. Vg uobis, inquit, qui comeditis domos uiduarum: orationes longas orantes. Quantum enim est tandem in papisticis cærimonijs, etiam religiosissimorum monachorum, quod non alat inertes & maximam uanitatē: adeoque non pascat avaros, uentres & ociosos, & ambitionem non conseruet. Deniq; quod omnium tristissimum est, faciens uidelicet ad uergē in Christum fidei oppressionem.

## BREVIS RESPONSIO, AD EAS SENTEN-

*tias scripturæ, quæ ab aduersarijs serè citantur, contra fidei doctrinā:*

*de gratuita nostri per Christum iustificatione.*

**C**AETERUM, quod aduersarij doctrinæ de gratia, ingentem copiam sententiarum scripturæ, de præceptis operum, cum ex ueteris testamenti libris, tum ex noui, congerunt & nobis opponunt: ut quibus uideri uolunt, se doctrinam de merito operum ruentem, imo collapsam, fulcire, erigere, & in pristinum statum, quē obtinuit semper, apud perfidos fidei hostes, restituere: nihil efficiunt eo labore, nisi quod se magis magisq; implicant, ac produnt quam male affecti sint, & male sani in fide Christiana. Vt clare intelligi possit, quid tribuant gratiæ & Christo: nimirum, prorsus nihil. Et contra, quod iusticijs operum suorum, rem saluationis totam ferunt acceptam. Quod hactenus multis & non obscuris argumentis ostendi. Oportet enim ut fateamur nos saluari per solam gratiam, propter CHRISTVM, quatenus in illum credimus: quod qui non agnoscunt, neq; confitentur nobiscum, eos oportet in numero eorum habere, qui gratiam, Euangelium & Christum negant, & fidem Christianam, ut rem inuilem & uanam rident.

Est igitur, sint infinitæ leges operum: & multe comminationes adiectæ, contra transgressores legis: adeoque seruantibus legem multa præmia promissa. Quid tum? num per legem iustificamur? Nonne Euangelium est iustificationis doctrina? Hæc uero testatur, quod fide, per misericordiam, propter Christum iustificamur: & diserte addit illas exclu-

CAP. VI.



suas, gratis, sine lege, sine operibus iusticiæ nostris. Cur igitur cogor ab hac doctrina deficere: filium DEI pedibus proterere: & sanguinem testamēti ducere pollutum, quo sanctificati sumus: & spiritui gratiæ contumeliam facere: Legem pro doctrina iustificationis & saluationis habere: Nulli Diodetiani audacius & truculentius sæuierunt in fidē Christianam, atque isti qui hoc postulant. Postulant autē Episcopi: ut a quibus hoc tempore Euangelij doctrina damnatur & proscribitur: & doctores Euangelij, tanquam nocentissimæ pestes e uiuis tolluntur. Idem agunt nonnulli principes: cum causam neque cognoscant neque intelligant: & uelint tamen pro Christianis haberi. Sed si satisfaciunt legi homines suis operibus, & illius obedientia saluantur: cur non aboletur in totum CHRISTI nomen: Sed regnat ille, securus in cœlis: & nihil moratur istos, qui in nomen gloriæ ipsius inaniter sequuntur in his terris: quos olim reuocabit ad tribunal iudicij sui, ac reddet ipsis quod promeruerunt.

Quin igitur CHRISTO suam gloriam tribuimus: aut fidem & Ecclesias penitus euertimus, reducto Iudaismo, cum omnibus Mosi legibus, iudicialibus, ceremonijs, et difficultate Decalogi, si uidetur quod legibus iustificemur: At si fide iustificamur, propter Christum, sinant quæso placati gratiam regnare: quod alioqui inuiti cogentur facere, quā diu manet Christus. Est autem rex æternæ gloriæ: & regnum eius durat sine fine.

Certum est ergo, quod doctrinæ gratiæ & fidei in Christum nihil intelligunt, qui operibus nostris tribuunt, quod illis coram DEO iustificemur. Ac ne intelligunt quidem legis doctrinam: nam si hanc intelligerent, non possent cum tanta cæcitate Euangelio aduersari. Primum enim transferunt in se Christi gloriam, qui meritis operum suorum saluari quærunt: quia solius Christi est iustificare impiū, & saluare a peccato & a morte. Deinde legem pharisaice intelligunt, quasi de sola externa operum iusticia præcipiat: & quia existimant hac externa obedientia legi satisfieri, contendunt iustos pronuciari coram DEO, qui illam habent. Tales autem manent sine uera cognitione peccati: & ideo nec fidem remissionis peccati ueram habere possunt. Sicut hoc tempore tripuunt Christo, quod pro originali satisfecerit: oportere autem suamque operum iusticia saluationem mereri, peccata expiare, & pro poenis peccati satisfacere. Istos pharisaicos errores ex animo detestamur & execramur: & docemus quod sola fide gratitiæ misericordiæ DEI, propter Christū iustificemur, hoc est, a peccato & morte liberemur. Quod nullam unquam peccatorum remissionem aliter accipiamus, quam per fidem in Christum: neque pertinere opera nostra ad satisfactionem pro peccato & illius poenis. Vna enim mors Christi, est precium illud, quo satisfit, pro culpa & poena: pro peccato & æterna morte.

Hanc

Hanc confessionem fidei nostrę uolumus extare: ne tacēdo reprobis, & perfidis fidei Christianę hostibus, consentire uideamur. Dicit quidē scriptura: Si uis ad uitam ingredi serua mandata. Item, Venite possidete regnum: esuriui enim & dedistis mihi manducare. Sicut est talium sententiarum scripturę magnus numerus, & ingens copia: quam nō ignoramus. Neque officit causse huic nostrę, uel potius glorię Christi, quā tuemur: sine qua nec Ecclesię salus esse potest. Quę est hęc consequentia: obedientia requiritur a renatis, igitur obedientia saluat: cum renati adpellatio restet uerminem, saluari nisi per gratię fidem: quanquam illi sint debitores glorificandę uoluntatis Dei.

*De sententijs  
operum, quo  
modo intelli  
gi debeat.*

Hęc uera est: obedientia requiritur, ergo rebellio damnat. Habet enim manifestam causam: uidelicet, Dei contemptum. Rebelles enim & immorigeri contemnunt DEVM: & satis liquet, quod tales nec fide gratię pręditi esse possunt. Quomodo igitur saluari possent, cum iusticia fidei & effectu iusticię, seu fructibus fidei, qui sunt bonorum operum, & obedientię erga legem, destituantur? Est igitur necessaria obedientia nostra: & bona opera fidem sequi debent. Quanquam illa obedientia, & illis operibus, nemo iustificetur, aut saluus fiat coram Deo: sed mercedem aliam laboris accepturus est. Quam non debent affectare, qui credunt Euangelio & bene operantur: ne magis spectare uideantur mercedem recte operando, quam DEI uoluntatem: siue quam diligant Deū, pro cuius nominis gloria uelint bene operari, etiam si nulla merces operum sequeretur: & tunc sua sponte sequeretur merces & premium laborum. Quod nunquam accepturi sunt, qui pręmium operando querunt. Tales enim non diligunt Deum: sed mercedis gratia perueniunt ad opus, reuera fidei gratię & Iesu Christi inanes.

Igitur in priore consequentia, opera obedientię nostrę non dicuntur recte causa saluationis: Nam etiam si aliquam obedientiam pręstamus, quam adprobat DEVS, tamē propter aliud seruamur: nempe, per gratuitam misericordiam Dei, propter Christum, si tamen credimus. Nec obedientia illa nostra posset placere Deo nisi per fidem prius in gratiam recepti essemus. Nemo enim satisfacit legi: & omnes iusticię nostrę sunt immundę atq; imperfectę. Ignoscit autem Deus immundicijs nostris, & si quid minus perfecte pręstamus, id non reputat nobis in peccatum, quatenus credimus in Christum: Roman. viij. Quanquam requirit ut studeamus proficere, & de die in diem fieri meliores, per obedientiam operis nostri. Sed idem requirit hoc quoque, ut in fide gratię permaneamus. Hęc uero fides longissime abest ab hac impia opinione, que statuit, salutem per opera nostra querendam esse: seu totaliter, seu partialiter. Non enim nisi per gratiam Domini nostri Iesu Christi saluamur & beati sumus, redempti a peccato & morte, credentes in eum: sine lege



& sine iusticijs nostris. Placent autem Deo & opera nostra: sed quæ in fi-  
dere reconciliationis & nominis Iesu Christi præstamus.

*Fide sumus  
iusti: quæ est  
efficax dilec-  
tione.*

Paulus affirmat, nos fide iustificari, cum alias, tum Roman. iij. & di-  
cit eam fidem efficacem esse dilectione. Gal. v. Et tamen hæc sententia  
nullam incommoditatem habet: qui posset enim sibi pugnare Aposto-  
lus Christi in doctrina: predicare gratiam, & gratiæ detrahere. Ac mi-  
ror Scholasticos, cum alioqui dialecticè egregie calleant, hic uidere  
non posse, quid Paulus dicat. Testatur enim nos fide iustificari: & ideo  
hanc facit causam adprehensiuam salutis. Et alijs in locis pronunciat, eā  
fidem, esse efficacem per dilectionem. Quo non docet deficere a fide: sed  
uult eam retineri, qua profitemur, quod saluatio gratis nobis contingat,  
per misericordiam, propter Christum: quatenus Euangelio, de hac glo-  
ria gratiæ dei, & redemptoris Christi, concionanti credimus. Sed loquē-  
do de effectu fidei, qui inter alios præcipuus quidam est dilectio, discer-  
niteam a fide ficta, a frigida & mortua rationis opinione. Neque enim  
est uera fides in illis qui sunt uacui omni dilectione, & sine poenitentia  
uiuunt. Iuxta illud .i. Timoth. i. Finis præcepti est charitas, ex corde pu-  
ro, conscientia bona, & fide non ficta. Hæc retinet ergo, causam  
salutis in corde, & agnoscit, quod per gratiam, propter Christum iusti-  
ficamur, & soluti promunciamur a peccato & ab æterna morte. Ideo hæc  
oratio, fide iustificamur melius intelligi poterit, si mutetur in eius corre-  
latiuam, uidelicet, illam: per gratiam, seu misericordiam iustificamur. Si-  
cut eruditissime & sanctissime docet, uir clarissimus & doctissimus Phi-  
lippus Melancthon. Per gratiam enim, seu misericordiam DEI remit-  
tuntur nobis peccata nostra: & reputamur illa eadē gratia iusti, propter  
iustificatorem Christum: per cuius sanguinem abluti sumus a peccato,  
quatenus credimus. Ab hac sententia cadunt Sophistæ: & præterita ac-  
tacita, (uel etiam dissimulata) causa iustificationis, fingunt nos effecti-  
bus iusticiæ, hoc est, fidei fructibus iustificari: pudendo tantis magi-  
stris errore.

Itaque nulla in re nobis cum istis doctoribus in prædicatione de iu-  
stificatione potest conuenire. Quia enim somniant, quod effectibus iu-  
sticiæ, seu fidei, iustificemur, ideo opinantur, iusticiam actiue signifi-  
care nostras qualitates & uirtutes: & impium seu peccatorem suis iusticijs  
& meritis saluari. Verum hac summa impietate tribuunt homini iusti-  
ciæ laudem, qua in re nulla ei debetur: gratiam negant, & CHRISTO  
IESU iustificatoris officium, quantum in ipsis est, derogant. Denique  
si quibus suas impias opiniones persuadent, eos deijciunt in profundum  
infernī: qui iusti, salui & beati esse potuerunt in regno gratiæ filij DEI.  
Ideo sæpe docui, iusticiam qua coram Deo salui & beati sumus, non si-  
gnificare actiue nostra opera bona: sed passiue, nostri peccati remissio-  
nem, &

nem, & iusticiæ gratuitam imputationem. Hac enim gratiæ iusticia donati sumus benignissima liberalitate misericordiæ a DEO, propter iustificatorem CHRISTVM: si tamen in illum credimus. Itaque relinquitur, iusticiam qua coram deo beati sumus, non esse in nobis: hoc est, non esse operum se meritum nostrorum iusticiam. Sed esse extra nos, & alienam, uidelicet Christi, & in Christo Iesu: qui factus est nobis a DEO sapientia, & iusticia, & sanctificatio, & redemptio. Vt quemadmodum scriptum est, qui gloriatur in Domino gloriatur. i. Cor. i. Nō licet igitur hanc spei fiduciam in carnales iusticias operum nostrorum ponere: quasi illis iusticiam coram Deo, & uitam æternam mereamur.

Iam si hæc sententia, (fide sumus iusti: quæ est efficax dilectione.) nihil potuit incommodare illi doctrinæ, quæ est de nostri saluatione, gratuita illa, qua pronunciamur beati, fide per Christum: sed utrumque retinetur, & fide opus esse ad saluationem, & obedientiam, plenā bonorum operum, seu dilectionis, requiri a fide iustificatis & saluis factis, tanquam iusticiæ fidei effectum: (requiritur enim uera & efficax fides, non mortua opinio.) quæ alia sententia doctrinæ poterit nobis aduersari? Omnis enim operum iusticia, debet esse effectus fidei: aut non potest DEO placere. Habēt autem summam impietatem & blasphemiam opera, quæ fiunt hac mente, ut illis remissionem peccati, iusticiā & uitam æternam merearis. Aut possunt ne monstrare nobis aduersarij nostri, Euangelistas & Apostolos pugnare sibi in prædicatione fidei & bonorum operum? Tamen gratiæ fidem, quam bona opera prædicant: necesse est ergo, ut sic prædicent opera bona, ne gratiæ fides non maneat salua. Paulus non minus agnoscit hanc suam uocem: arbitramur igitur iustificari hominem, per fidem, sine operibus legi. Item illam: iustificati gratis, per gratiam ipsius, per redemptionem, quæ est in Christo Iesu: (Imo hanc omnium maxime uult extare, & credi ab Ecclesiis: ut cuius solius fide, iusticia & æterna salus obtinetur.) atque illam: factores legis iustificabuntur, siue hanc: qui redditurus est unicuique iuxta facta sua. Aut denique similem aliam. Has pugnantias, (quæ finguntur esse: non sunt.) si nesciunt concordare aduersarij, cur non ex hac harum disputationis de gratia & iustificatione discedunt: & ignorantiam suam fatentur potius, quam gloriæ CHRISTI detrahunt? Ludere qui nescit, campestribus abstinet armis.

Qui igitur cauillantur, impium non iustificari sola gratiæ fide: obstare enim, quod Christus dicit, Si uis ad uitam ingredi, serua mandata. Securus esto accertus, quod isti ne syllabam quidem unam intelligant in doctrina de iustificatione Christiana: neque posse te aliquid bonorum operum docere. Sed hypocritarum operum tantum, & impiū pharisæum. Aut certe prudentes, ac dedita opera malos esse: tacere & ob



scurare Euangelij ueritatem, & gloriam CHRISTI. Requiritur et nos legem, seu opera bona, in prædicatione: sed finibus ab aduersarijs uariamus. Isti enim docent, quod operibus de congruo, habitum infusum quem adpellant dilectionem, mereamur: & per illū habitum, & sequentia opera legis, uitam æternam de condigno. Hoc uero est fidei doctrinā funditus euertere: quæ testatur, quod gratis, per misericordiam, propter Christum, saluemur, sine lege, & sine iusticijs nostris. Ideo nos discernimus inter legem & Euangelium: (quæ duo apud Sophistas foedissime confunduntur: imo corrumpuntur.) & diserte pronunciamus, iustificationis doctrinam & saluationis, esse Euangelium: quo docemur de gratia erga nos DEI, de remissione peccati, iustificatione, fide & æterna uita. Contritionis autem, seu poenitentię, & bonorum operum doctrinam, quæ nos præstemus, gratificantes DEO, qui nos uocauit in gratiam suam, per unigenitum filium suum, Dominum & seruatorem nostrum Iesum Christum, esse legem, & hac nos erudiri, quomodo fidem oporteat exercere, crescere & fructificare in illa externa iusticia operum bonorū. Quæ non ualet nisi ex fide procedat. Est enim imperfecta, ideo non potest esse accepta coram Deo, nisi in illis, qui credunt sibi peccata, omnes immundicias & defectus remitti, propter CHRISTVM.

Locus  
Matth. 19.  
Si uis ad uitam ingredi:

Coniunge igitur fidem operibus nostris, & nihil incommodabunt, omnia illa præcepta de moribus & iusticia nostra, doctrine de misericordia erga nos DEI & gratię iusticia. Christus igitur, ubi dicit, si uis ad uitam ingredi, serua mandata, illi loquitur necessario, quem oportet ante omnia uera in DEVM & saluante fide præditum esse. Remittens autem talem, ad legem testatur obedientiam bonorum operum necessariam esse, non quod illis remissionem peccati & uitam æternam merearis: sed quia necesse est, ut uera & efficaci fide sis præditus, non frigida opinione seu noticia literę credendorum. Proinde nostra fide perpetuo retinemus, quod nulla alia re coram Deo, iusti, salui & beati sumus, præterquam sola fide misericordię Dei, propter Christum. Credentes autē necesse habemus, ut fidem exerceamus & glorificemus DEVM. Non potest eludi dictum Christi, quin fateamur obedientiam necessariam esse. Dicitur enim Matthæi xxv. Discedite a me maledicti in ignem æternum, qui paratus est diabolo & angelis eius: Esuriui enim & non dedistis mihi, quod manducarem. &c. Sed illa obedientia placet in solis illis qui Euangelio credunt: nec potest placere in illis, qui meritis operum suorum, quæ esse fingunt, arrogant debitum æternę uitæ. Non enim sic necessaria est operis boni obedientia, ut impium iustificet, seu liberet a peccato & a morte: sed ut iustificatum, saluum factum, & credentem exerceat. Saluamur enim per misericordiam, propter CHRISTVM, quatenus credimus, iusti & salui facti glorificamus per opera bona Deum.

Porro

Porro, eadem CHRISTI sententia, Si uis ad uitam ingredi, serua mandata: reuocat omnes hypocritas ad legem, ut ibi discant & experiantur, quam est impossibile carnali nature, omnia legis facere, operibus iusticiam & uitam mereri. Sicut testatur factum adolescentis, cui hæc uerba primum a Christo dicta sunt. Nam cum reuocaretur ad abnegationem omnium rerum a CHRISTO, tristis discessit ab eo; neque secutus est Christum. Et tamen abnegationis perfectissimæ, omnium rerum omnes debitores sumus: quam tamen impossibile est præstari a carnali natura. Quare hac causa opus habemus Christo, qui nos liberet a peccato & condemnatione: sic autem oportet Christum adprehendere, ut iustificatorem nostri a peccato & liberatorem ab æterna morte. Postea certe aliqua obedientia sequi debet: qua uidelicet exerceamus fidem & partem facultatum nostrarum in pauperes distribuamus, & reliqua officia dilectionis faciamus. Qui enim habuerit substantiam huius mundi, & uiderit fratrem suum egere, & clausit uiscera sua ab eo, quomodo charitas DEI manet in eo: i. Ioan. iij.

Itaq; eadem sententia aliter loquitur iustificandis & aliter iustificatis. Iustificatos enim admonet officij sui: & hortatur, ut operibus dilectionis, uelint fidem suam exercere & confirmare. Iustificandis prædicat impossibilia. Hic igitur alius finis spectari debet, cur obedientia erga legem perfecta ab omnibus requiratur: cum tamen nemo illi satisfacere possit. Debet enim lex omnibus demonstrare peccatum, adeoq; iram aduersus peccatores: ut omnes uere humiliet coram Deo, ne superbe de se & iusticijs suis carnalibus sentiant. Vnde intelligant se redemptore Christo Iesu opus habere: qui unus omnes iustificat et saluat a peccato & a morte: quatenus in ipsum credunt. Hæc sententia lex facit primum ad cognitionem nostri peccati, & imbecillitatis nostræ, ad præstandum perfectam & debitam obedientiam. Deinde prædicat, qualibus iusticiæ operibus DEVS ab his, qui crediderunt Euangelio, glorificari uelit. Euangelium enim exhibet eum, qui exactioni legis pro nobis satisfecit: nempe, CHRISTVM. Et testatur iusticias nostras acceptas esse & gratas Deo, quatenus in fide nominis Christi illas præstamus. Non autem placere Deo, quatenus ab incredulis fiant. Nec prædicat alia opera, nisi quæ in lege decalogi per Moysen sunt præcepta. Nec enim requirit deus alia: quanquam aduersarij nostri etiam fingant nos debitores esse, quarundam impiissimarum traditionum Episcopi Romani. Cui quis deditius condendi leges in Ecclesia?

Sed charitas est maxima uirtus: sane quidem. Nam reuera est maxima uirtus: nempe, legis plenitudo. Roman. xij. Gal. v. Sed quis est perfectus in charitate? Quorsum ergo ruis amice, qui propter summam uirtutem, quam nemo omnium hominum habet, arroges carnalibus

In locum i;  
Cor. 13. de  
charitate,



iusticijs nostris, meritum remissionis peccati & uitæ eternæ: Esto perfectus in lege, & imple omnia quæ sunt dilectionis: & tunc poteris recte gloriari, tibi frustra mortuum esse CHRISTVM, prius non potes. Ac rursus, non sic est legis plenitudo charitas, quasi operibus dilectionis nostris, quantumcumque perfecte præstes illa opera, legi satisfiat. Semper enim infra perfectionem debitæ iusticiæ manemus: & indigemus alio legis impletore, qui pro nobis satisfaciatur, ac liberet nos a maledictione. Gal. iij. Pone igitur priorem impletionem legis, quæ facta est a CHRISTO: & efficitur nostra per gratiæ imputationem. Qua his qui credunt in Christum remittuntur omnia peccata: omniq; debito legis absoluntur. Finis enim legis CHRISTVS est, ad iusticiam omni credenti: Roman. x. Et tunc adde charitatem: hoc est, legis impletionem effectiuam, nempe, tuorum factorum & operum, seu obedientiæ: & erit grata seu accepta DEO. Quanquam adhuc imperfecta, in se, ideo absque fide non potest placere Deo. In fide autem præstita, satis perfecta est: & placet Deo. Non ut opus meritorium gratiæ & uitæ eternæ: hoc enim opus non potest præstari in fide. Sed ut iusticiæ fidei fructus: quo credens glorificat DEVM & patrem suum, qui est in coelis. Itaque credentes implent legem, per fidem: deinde per dilectionem, qua fidem exercent. Et charitatem retinentes, in nullo peccare, uel leuissimum erratum admittere possunt. Quot uero esse putas, qui in omnibus seruent charitatem?

At uero charitas est maior omnibus uirtutibus: & ipsa adeo fide & spe. Audio. Esto, sit maior: quid tum? Ergo beatiore erimus per charitatem, quam per fidem: aut certe, non sola fide saluabimur? Immo uero, nec beatiore erimus coram DEO per charitatem: quantum attinet ad impetrationem saluationis. Nec charitate, fidei coniuncta, tanquam partiali causa iustificationis, saluabimur. Quia Deus uoluit nos alia re beatos efficere, quam per nostram dilectionem: nempe, per dilecti & unigeniti filij sui mortem. Ideo in saluando, non respicit ad actiones & opera nostra: sed ad suam misericordiam & bonitatem, qua nos impartit, quatenus credimus in eum, propter CHRISTVM. Itaque maior quidem est charitas, hoc est, operosior, & plurimorum fructuum, fide & spe. Opinor, si respicias ad dilectionis negociosissimos, operosissimos & infinitos labores: & contuleris illos, cum fidei tranquillitate, ocio, (ut ita dicā.) silentio, & quiete. Quid enim operatur quisquis uere in DEVM credit? Nihil plane, nisi quod omnes suas curas a se deponit, & tranquillissima mente, animi summa alacritate & fide, seu fiducia, reponit illas, ac transfert in DEVM, maxime securus æternæ uitæ & beatitudinis in Deo propter Christum. Sinit enim quisquis uere credit, DEVM pro se operari: & disponere sibi uitam æternam: ipse plane ad eam

rem nihil operis seu laboris sibi sumens. Sed si conferas inter præstantiam effectuum fidei & charitatis: charitas erit longe infra fidem. Primum enim, quia est imperfecta, saltem nostra charitas: perfecta quidem præcepta est, sed qualem nemo præstat. Nec potest esse grata DEO, nisi ex fide in CHRISTVM fluat. Fides autem perficit credentes: & æternum beat. Quinetiam sola uincit terrores peccati in conscientia & legis: adeoque peccatum ipsum & eternam mortem. Denique est petra illa, aduersus quam non præualebunt, nec portæ quidem inferorum, Matth. xvi. Horum nihil præstat nostra dilectio: tantum habet plurimos fructus, per quos glorificatur a nobis Deus, & caro subigitur, & seruitur proximo. At fides habet ampliores.

Sed si charitatem non habeam, nihil sum: etiam si linguis hominum loquar & angelorum &c. prima Cor. xij. Reuera ac prorsus nihil: adeo ut nequeas saluari. Neque tamen sequitur saluationis causam esse dilectionem nostram: tametsi nostra rebellio & inobedientia, est condemnationis causa. Quemadmodum utrumque horum, ab initio huius loci, satis clare exposui. Ac ne fides quidem aliquid homini prodest, si absit charitas. Non quod charitas fidem perficiat: sed quia est uere fidei effectus. Vt testatissimum sit, nec fidem adesse ubi abest charitas. Ille igitur qui destituitur charitate, quisquis sit, nihil est, & nullus in regno DEI. Sed hoc quoque obseruandum est, nec dilectionem ueram haberi posse nisi ab his, qui uera in CHRISTVM fide sunt præditi. Impossibile est enim legem & proximum uere & constanter amari a te, nisi prius intelligas, scias atque credas, DEVM tibi reconciliatum esse, remittere peccata & donare uitam æternam, propter Christum. Fac igitur primum adesse in te ueram fidem, quæ statuatur quod gratis per misericordiam, propter Christum, sine lege, & sine meritis operum tuorum, iustificeris & saluus efficiaris coram DEO: & deinde adiunge illi fidei dilectionem, tamquam eius proprium effectum ac fructum, quem gignit: & quo credentes glorificent Deum, sint grati, exerceant & confiteantur fidem, subigant carnem, & seruiant proximo, & procedent eo modo belle & pulchre omnia in doctrina Christiana.

Verum illæ de operibus sententiæ, obijciuntur nobis ab aduersariis nostris, non quod dilectionis & operum bonorum sint tam studiosi & amantes: sed in gratiæ & fidei contumeliam. Nomen enim & gloriam CHRISTI oderunt, ut maxime ne ipsi quidem hanc impietatem & maliciam animi sui satis intelligant: quare necesse est, uera dilectione eos destitui, quia fidei in CHRISTVM repugnant. Neque enim contingit spiritus sanctus, nisi per fidem in Christum: Gal. iij. Ille uero ubi contigerit diffundit in cordibus nostris charitatem. Roman. v. Ergo sit terra maxima uirtus dilectio, (sicut reuera in omnibus est summa.) & præstet

*Fons ex causa  
sa dilectionis  
fides*



atque excellat multis modis fidem, & nemo carens dilectione saluus efficiatur, ut iam antea dictum: tamen beneficium saluationis non obtinetur charitatis merito, sed per fidē in CHRISTVM. Cæterum aduersarij nostri, perpetuo tribuunt dilectioni, quod per solam fidem obtinetur. Id nos detestamur in eorum prædicationibus & doctrina, tanquam summam blasphemiam in gratiam & Christum filium DEI. Christus enim est precium pro peccato & morte, adeoque pignus eterne uitæ: imo ipsissima uita et salus, omnibus qui in eum credunt. Neque tamen hinc colligimus, nullam operum bonorum obedientiam sequi debere, eos qui fide iustificati sunt & salui facti. Melius enim erudit nos gratia. Timoth. ij. Multo minus probari poterunt Deo, in quibus est, quædam ferina & bestialis uita: ut taceam, quod qui huiusmodi sunt ipsa quoque fide careant necessario.

Ergo si mihi obieceris illud Matth. xix. Si uis ad uitam ingredi, serua mandata. Siue illud Daniel. iij. Peccata tua elemosynis redime, & iniquitates tuas beneficijs ergo pauperes, semper ita responderim: serua mandata, & redime peccata in Christo, seu fide in Christum, in te regnante. Et sic de similibus alijs scripturæ sententijs omnibus, quæ remissionē peccati & saluationem uidentur conditionaliter promittere, si uidelicet legis iusticias præstemus, pronunciarim. Lex enim non potest ualere contra Christum: sed CHRISTVM subsequi, illique seruire debet. Præcedit quidem Euangelij prædicationem: sed ut contritionis non ut iustificationis doctrina. Et tunc quidem rigidissime agit, accusans ac damnans peccatores: quia iusticijs legis nemo est, qui possit satisfacere. Hoc ius legis, illud onus & exactio, & nimia quasi crudelitas erga infirmam naturam, abrogatur a Christo per Euangelium: in quo est iustificationis doctrina. Iusticia enim qua saluamur, non est actionum, seu operationum & uirtutum nostrarum: sed est tota in remissione peccati & delictorum nostrorum: quam accipimus quidem, quatenus per Euangelium in Iesum Christum credimus. Eos autem, qui Euangelio credunt, sequi debent opera bona quæ in lege requiruntur: sequi autem, ut iusticiæ fidei fructus. Quorum alius finis spectari debet, quam est quærere remissionem peccati & eternam uitam per opera: ne contra Euangelium, & contra fidem in Christum sentire reperiatur. Finis igitur sit, ut Deum, tanquam gratias referentes, in omni uita nostra glorificemus. Atque ita qui dem sequitur lex Euangelium: & subseruit Christo, bonorum operum doctrina: famula & ministra, non domina Christi. Debent enim, qui fide iustificati sunt, & salui facti, sese exercere in lege & operibus bonis: & eo modo crescere in iusticia & confirmari. Non est ultra exactio lex, & onus.

Ita igitur redime elemosynis peccata tua: sed prius placato tibi Deo  
per Chri

per CHRISTVM. Neque tamen rursus hæc ita redemeris elemosynis, tanquam opere satisfactorio pro peccato; seu illius poenis: siue reliqua obedientia erga legem, tanquam causa partiali iustificationis, propter quam peccati remissio, seu uita æterna donetur. (Satis enim docui perspicue, hanc impiam opinionem pugnare cum Euangelio & fide in Christum.) Sed tanquam signo exteriori remissionis peccati: quæ contigit nobis coram DEO, propter Christum, quatenus in illum credidimus. Idcirco enim requirit Deus, ut hanc fidem bonis operibus exerceamus & confirmemus, ut intelligas, esse in his qui Euangelio credunt, exercitia fidei & testimonia gratiæ: non merita saluationis. Pertinent igitur opera ad confirmationem conscientiarum nostrarum, de remissione peccato, per CHRISTVM: quia, nostro iudicio & capacitate rationis, non aliunde facilius deprehendi, aut certius cognosci, quâdo in gratia sumus & uera in CHRISTVM fide præditi, potest, quâ per obedientiam in operibus bonis. Est quidem & pax cordis certum testimonium iustificationis nostræ, quæ fide contigit propter Christum: sed internum. Opera autem bona sunt eiusdem rei externa signa & testimonia: sine quibus pax interna cordis nō potest consistere, retineri aut permanere. Nō quod fiducia cordis hæreat in operibus nostris, ubi saltem pia est: hæc enim tota est in promissa gratia & seruatore Christo. Sed quia firmum est & certū, quod qui præditi sunt uera fide, eos etiam sequi poenitentiam externam & conuersionem ad Deum, fugam operum malorum, & diligentiam ad bona opera. Ita quidem non potest retineri pax cordis ab eo, qui carnalibus desideriis indulget, & suas impias cupiditates explet, & nullis operibus bonis studet. Habet enim semper conscientiam aduersantem sibi & accusantem de peccato, & urgentem ad desperationem. Ideo in hoc meo scripto frequenter docui, ueram fidem non posse consistere cum peccatis mortalibus: neque esse in illis qui sine poenitentia uiuunt. Quemadmodum & Paulus docet. Finis precepti est charitas; ex corde puro, conscientia bona & fide non ficta. i. Timoth. i.

Mathæi v. præcipit CHRISTVS: si offers munus tuum ad altare, & ibi recordatus fueris, quod frater tuus habet aliquid aduersum te: relinque ibi munus tuum ante altare, & uade ac reconcilieris prius fratri tuo, & tunc ueniens offeras munus tuum. Et Lucæ. vi. dicitur. Remittite, & remittetur uobis. Et in oratione iubemur precari: remitte nobis debita nostra, sicut & nos remittimus debitoribus nostris. Neque tamen sequitur, quod offerēs munus post reconciliationem & placatum fratrem; aut remittens alij culpam, quam aduersum se commisit: mereatur istis operibus, remissionem peccati & saluationem. Quia remissio peccati, & salus illa æterna, de qua in hac nostra disputatione agitur, sunt gratuiti doni beneficia: in eos uulgata, per misericordiam DEI, propter Chri-

*Signa exteriora, quibus aliquo modo deprehendimus, nos esse in gratia.*



stum, qui in illū credunt. Sed hoc sequitur, esse prophanos, impios, & incredulos homines, qui se nullo pietatis opere exercent, ut in quibus est nullus DEI timor, nulla dilectio, & nulla in eum fides. Requirit enim Deus fidem, & exercitium illius, per obedientiam erga legem. Sunt tamen non illi solum impij & damnabiles coram Deo, qui sine iusticiæ fructibus uiuunt: uerumetiam uanissimi & perditissimi hypocritæ, qui existimant, quod merito, præstantia & dignitate operum suorum coram Deo saluentur. Et quid rixantur nobiscum aduersarij de iusticia bonorum operum, contra gratiæ iusticiam, cum nullum penitus exemplum dare possint, impletæ legis, per iusticias nostras? Quis est enim, qui dicere possit, mundum est cor meum, purus sum a peccato? Nisi ille, qui sic loquitur: gratias ago tibi Deus, quia non sum sicut cæteri homines. Sed reprehenditur & damnatur a Christo.

Cum igitur sententias operum opposuerint Sophistæ doctrinæ de gratiâ iustificante: ita perpetuus respōde: Non auditores legis iusti sunt, apud Deum, sed factores legis iustificabuntur. Impij homines & cæci, in doctrina legis ita semper disputant, quasi per debitum fieri lex sit impleta: cum tamen de facto esse & lege impleta, nihil exhibere queant. Redditurus est quidem Deus unicuique secundum facta sua. Quia omnes nos manifestari oportet coram tribunal Christi: ut referat unusquisque propria corporis, pro ut gessit, siue bonum siue malum: Sicut hæc sententia copiosius tractatur Roman. ij. His quidem (inquit) qui secundum perseverantiam boni operis, gloriam & honorem & incorruptionem quæerunt, uitam æternam. Hic necesse est, ut intelligas eos qui per fidem opera sua bona præstiterunt: iuxta illud Pauli Roman. ix. Gentes, quæ non sectabantur iusticiam, &c. Nam remissio peccati, his qui Euangelio credunt donatur: & illi quia sine impia opinione operantur, accipiunt operum suorum ingentem mercedem. Ideo & de incredulis scribit Paulus: his autem, qui sunt ex contentione, & qui non acquiescunt ueritati, credunt autem iniquitati, ira & indignatio, tribulatio & angustia, in omnem animam hominis operantis malum. Et tales fuerunt multi summi uiri apud Iudæos: Sicut Paulus scribit Roman. x. Testimoniū illis perhibeo, quod æmulationem quidem DEI habent, sed non secundum scientiam. Ita sunt perpetuo, qui impias opiniones de lege & Euangelio alunt: pharisæi, iusticiarij & hypocritæ, rigidissimi legis obseruatores: sed propter incredulitatem uani & impij coram DEO. Nam & tales nulla uerax poenitentia, potuit unquam, nec potest sequi.

Paulus ad Roman. ij. manifesta comparatione Gentium & Iudæorum, dicit Gentes beneficio legis naturæ tantas euasisse in operum iusticia: quanti fuerunt unquam Iudæi per legem scriptam. Et hac comparatione uult maxime certum esse, neminem per opera sua coram DEO iustificari.

*Mala conscientia, a debito fieri, ad factum seu impletum esse.*

*Merceres operum quos cōsequatur.*

iustificari: seu liberari a peccato & morte. Nam alioqui sequeretur & Gētes & Iudaeos absq; gratia & sine fide in CHRISTVM iustificari. Vnde igitur premium & mercedem incredulis debitam: quales sunt, qui iustitias legis sine fide in Christum iactant. Sunt enim, de quibus paulo ante locuti sumus, testimonio allato ex epistola ad Roman: cap. ij. His autem qui sunt ex contentione, (hoc est, contentiosis istis, qui uerbo gratiae, Euangelio salutis nostrae, & fidei in CHRISTVM aduersantur & contradicunt: & sunt quidem rigidissimi exactores iustitiae legis.) & qui non acquiescunt ueritati, (tā fidei, qua oblata gratia & promissio salutis debuit recipi, quam operum, quae per fidem prestari debuerunt.) Credunt autem iniquitati (hoc est, pharisaicis opinionibus: quales in omni uita sua, quid possunt habere, nisi operum hypocritas, & speciem iustitiae, sine uera iustitia coram DEO. caret enim fide, & puritate cordis.) Ventura est ira et indignatio, tribulatio & angustia, (quod est, iudicium aeternae mortis.) in omnem animam operantis malum.

Ergo tales quidem sunt, non isti solum, qui externa opera praua committunt sine poenitentia: qua uitam suam impiam emendarent, & crederent Euangelio: uerum isti quoque hypocritae, qui praecepta legis, secundum externa illius opera, faciunt, sine fide in CHRISTVM. Et de talibus uide quid pronunciet Christus Matt. xxi. Publicani (inquit) & meretrices praecedent uos in regno Dei. Venit enim Ioannes in uia iustitiae, & nō credidistis ei. Publicani autem et meretrices crediderunt ei: uos autem uidentes, nec poenitentiam habuistis postea, ut crederetis ei. In hanc sententiam, quadrat illud CHRISTI: Venit hora, in qua omnes qui in monumentis sunt audient uocem filij DEI: & procedent qui bona fecerunt in resurrectionem uitae, qui uero mala egerunt in resurrectionem iudicij. Sic procedet, secundum ea, quae hactenus de operibus bonis a me recitata sunt, & illud Christi: Venite benedicti, possidete regnum, etc. longa narratione apud Matth. cap. xxv. Sed quid attinet omnes illas sententias de operibus recitare, quas aduersarij contra doctrinam iustificationis urgent: cum satis responderim, quo loco opera bona debeant haberi, cuius ratio nunquam intellecta fuit, ab his qui opera legis praedicant, tanquam meritoria gratiae & salutis.

Sed si cui, quantum ad hanc disputationem attinet, libet plura cognoscere, is librum reuerendi patris Martini Lutheri, quem de seruo arbitrio scripsit, legat: & Apologiā confessionis, quae edita est a D. Philippo Melancthone. Nam ut alia scripta eorum taceam, certe in dictis libris, uiri illi summi & clarissimi, ita satisfaciunt quaestioni de operum doctrina, ut qui placari responsionibus eorum aut nondum possint aut nolint, illi uideantur dedita opera mali esse, affectare ignorantiam & uellenscire, Aut dissimulare certe intellectam ueritatem: uel contem



COMMENT DE POENITENT.

nerē potius. In summa, abijcere & aspernari gratiam DEI, & Euangelium Domini nostri IESV CHRISTI. Quales si mihi obtigerint, non est consilium plura cum ipsis de scripturę sententia agere: ut quam non discere, sed opprimere quærunt. Ac præstat ea in re consilium Pauli sequi, qui iubet ut hæreticum & contentiosum, post unam atq; alterā correptionem, fugiamus & uitemus. Sed Christum precemur, ut donet suis, si quid confessio glorię eius requirat, Euangelij ueritatem sanguinis effusione tueri.

CORONIS. IN QVA AGITVR IN

genere de gratia: ex locus Pauli Roman. 3. de iustificatione enarratur. Et concluditur in summa, tanquam in epologo de supradictis omnibus.

CAP. VII.

**H**ic poteram finem facere primę partis libri mei secundi de poenitentia. Satis enim dictum est in confutatione impiarum doctrinarum de fide. Sed existimo nō inutile fore, si in huius partis fine, non nihil scribam in genere, & tanquam per epilogum, de gratia & iustificatione: ut quę prolixè hæcenus a me dicta sunt, hic in breuem summam concludantur. Cōstat igitur Sophistas tam gratiæ nomine abuti: quam doctrinam iustificationis corrumpere. Intel ligunt enim per gratiam habitum in nobis, qualificantem iusticias nostras, ut frequenter dixi: non numinis fauorem. Sic ergo uel in uiti scripturę sententiam amittere coacti fuerunt: & rebus nouam faciem induere. In summa contraria dicere & affirmare, quam in scripturis, de gratia & iustificatione habentur. Quantum enim obsecro distant inter se, quando gratia dicitur in hæc forma, in animis nostris, ut apud Sophistas: & rursus beneficium misericordię erga nos DEI, per Dominum IESVM, ut in sacra scriptura. Quare diuersa loqui scripturam & Sophistas necesse est, etiam si abutris quę concludatur, nos per gratiam saluari. Nam Paulus hoc pronuncians, sentit nos liberari a peccato & morte, per misericordiam, propter Christum, absq; nostris meritis: contra Sophistę, meritis operum nostrorum tribuunt iustificationem. Sed nun quid hæc non aduersantur sibi: & ex diametro & contentiosissima contentione pugnant. Quid enim refert, quod Sophistę amplificant operum nostrorum dignitatem, mentione habitus infusi: & spiritus sancti, agentis in nobis. Hoc enim satis liquet qd iustificationē, quę est gratuita beneficentia misericordię Dei, non existimant obtineri, nisi per operum & meritorum nostrorum dignitatem. Deinde, de commenticia re loquuntur, tam ficta, inani & falsa quam si sterlus asini dicas aureum montem: aut si quid uanius est & absurdius dictu, cum nobis de habitu illo suo, quem homo impius & peccator, per suas operum iusticias sibi promereatur, loquuntur.

Quid multis: impossibile est spiritum gratiæ alijs adesse, & gubernare alio

re aliorum uitam ad gloriam DEI & ipsorum salutem, quam eorum qui credunt sibi gratis remitti peccata, & donari æternam uitam, propter CHRISTVM. Et illi, quod satis claret, non possunt sibi uel lemereri per opera sua æternam uitam. Hanc enim credunt se per fidem in Christum affecturos esse. Ideo satis habent, si per opera sua studeant gloriæ Dei, & utilitati proximi, propter DEVM. Age uero, quando hic se mihi obtulit occasio, proferam unum locum ex Paulo, in quo ille plenissimus spiritu Christi, sanctissime de gratia, & iustificatione nostri per CHRISTVM, scribit: & Sophistarum errorem prorsus elidit, quã quã elisum & proscriptum, prius quam eius autores nati fuerunt, & tyrannidem in Ecclesia exercuerunt. Proferam autem ex epistola illius ad Roman. iij. talem, ut eludi non possit, a quantumcumq; maleuolis & iniquis huic causæ Euangelij & Iesu Christi. Pauli uerba sunt.

SCIMVS AVTEM, QVOD QVAECVMQVE LEX LOQVITVR, HIS QVI IN LEGE sunt loquitur: ut omne os obstruatur, & subditus fiat omnis mundus DEO. Quia ex operibus legis non iustificatur omnis caro coram illo. Per legem enim cognitio peccati.

Locus ad Roman. 3. de gratia, & iustificatione.

**Q**uidistis Pauli uerbis opponemus: quo minus recipiamus nos seruari gratis, & sine meritis operum nostrorum? Detrahit enim meritum iustificationis omnium hominum operibus: Iudæorum pariter & Gentium. Et soli gratiæ, (ut per sequentia patebit.) tribuit, quod illa saluemur, gratis, per misericordiam, propter CHRISTVM, & fidem nostram in Christum. Illud uero insigniter norandum est: quod Iudæorum iusticijs detrahit meritum saluationis: Quinetiam testatur non dissimiliter peccatores fuisse alijs hominibus, qui iusticia legis caruerunt. Si igitur lex redarguit Iudæos, & accusat eos peccati: quos alios iustificaret? Vbi igitur consistet commentum inanis gloriæ de fide formata, merito congrui & condigni, iustificatione non per solam gratiam, & iustificatoris IESV CHRISTI fidem? Item hoc blasphemum aliud de fide, quæ talis sit ac tanta in impijs & facinorosis, quanta est in illis, qui Euangelio pie credunt, nisi quod iusticias legis non habeant? Nemo enim iustificatur lege: ut quæ aliud non potest, quam accusare, iudicare & damnare peccatores. Sed fide gratiæ iustificamur. Vbi denique quod fingitur, non quam cærimonijs detrahi meritum iusticiæ & salutis? Si enim non detrahitur hoc omnibus legis operibus, nihil est quod Paulus prædicat de gratiæ gloria & redemptoris Iesu Christi. Sed subscribam reliqua Pauli:

Nunc autem sine lege iusticia DEI manifestata est: testificata à lege & prophetis. Iusticia autem Dei per fidem IESV CHRISTI, in omnes & super omnes, qui credunt in eum.

Hec Paulus seorsim scribit de gratia saluante nos per Christum Iesum: non respiciens ad exteriores illos fidei effectus, qui sunt dilectionis: de quibus alijs in locis satis agit. Cuius hic admonere uolui lectorē,



COMMENT. DE POENITENT.

nē quis cogitet ita excludi legem, quasi non sit opus illius obedientiæ sequi renatos: sed ut sciat iustificationem, hoc est, peccati remissionem & æternam uitam aliter non obtineri quam per fidem in CHRISTVM. Nec opus habent Pauli uerba prolixiore expositione: & hæc quæ dixi, abunde satis muniunt nostra contra calumnias aduersariorum.

*Non enim est distinctio. Omnes enim peccauerunt: & egent gloria DEI.*

Proinde illa operum nostrorum iusticia, nemo potest remissionem peccati atq; æternam uitam mereri: propter hanc maximam causam, quod nemo potest perfectam erga legem & debitam obedientiam præstare. Quod est illa gloria destitui: hoc est, perfecta iusticia, qua coram DEO pollere debuimus. Sed ea carent necessario, qui sunt natura peccatores. Quod enim dicit, omnes peccauerunt, plane liquet, hic posuisse Apostolum actum pro habitu: & significare omnes natura peccatores esse, reos esse æternæ mortis. Sic enim sumus natura filij iræ.

*Iustificati gratis, per gratiam ipsius: per redemptionem, quæ est in CHRISTO IESU. Quem proposuit DEVS propitiatorium, per fidem in sanguine ipsius.*

Hic unus locus clare conuincit Sophistas & aduersarios nostros cæci & impij erroris. Paulus enim nihil obscuris uerbis asserit, quod gratis iustificemur: haud dubie excludens meritum seu dignitatem iusticiarum nostrarum, quæ nihil sunt coram DEO. Deinde addit, per gratiam: quam alias interpretatur & uocat misericordiam: ut Tit. iij. Nec aliud significat hæc gratia, nisi gratuitam peccati & delictorum nostrorum remissionem, donum uitæ æternæ. Tertio loco significat, illa gratia nos participes fieri, beneficio redemptoris CHRISTI. Neque enim habemus aliud precium, aliam satisfactionem pro peccato & morte præter quàm CHRISTVM, qui nos suo sanguine lauit a peccato: & sic ab æterna morte redemit. Postremum significat ita prodesse nobis Christum, si credamus in eum: non si operemur. Neq; enim proponit legis conditionem Euangelium: sed fidem gratiæ & seruatoris CHRISTI a nobis requirit, utq; credentes securi simus æternæ salutis. De bonorum operum causa & fine alias dictum est: & dicetur subinde copiosius, in suis quibusq; locis.

Vt ostenderet iusticiam suam. (hoc est, ut declararet se nostri iustificatore esse.) propter remissionem præcedentiū delictorū. (id est, peccati, q; hætenus uiguit in natura: & nunquā non fructificat ad mortem & per nullam legis seu operum iusticiam potuit aboleri.) Quæ DEVS tolerauit, (ueluti dissimulans hoc peccati malum, quod suo tempore uoluit abolere per CHRISTVM: & renouare homines peccatores spiritu sancto. Neque enim potuit aboleri per iusticias legis.) Vt ostenderet iusticiam suam in hoc tempore: Tempore reuelati in toto orbe Euangelij, & exhibiti Christi, iustificatoris & redemptoris omnium: per quem

quem remissio & salus omnibus annunciat. Ac durat hoc gratia tempus usque ad mundi huius consumationem. Hoc enim quotidie agit DEVS: tolerans uidelicet peccata nostra, atque ignoscens ea nobis. Ac renouans nos, per fidem gratie & spiritum Christi. Illae sunt enim perpetuae quaedam operationes & effectus in Ecclesia, DEI nostri per Christum. Neque enim damnat continuo peccatores: sed remittit peccata his, qui Euangelio credunt. Denique concedit spacium poenitendi, & rediundi ab errore & delictis, his qui forte sunt lapsi.

Vt ipse sit iustus, ( hoc est, ut declaretur uerax ac seruans promissi: adeoque misericors & bonus, omnibus qui in ipsum per mediatorē Christum credunt. ) Et iustificans eum qui est ex fide IESV. ( Non dicit, eos qui adferunt iusticias legis: sed testatur DEVM nobis fauere, propter reconciliatorem Christum, quatenus in illum credimus. )

Vbi ergo est gloriatio tua? ( si uidelicet ) Deus in iustificando non respicit rationis seu operum iusticias: legis sed gratie & bonitatis suae per Christum fidem. ) Exclusa est. ( Neque enim potuit non reijci & dānari: nempe, inanis & friuola gloriatio, eorum qui nullam ueram seu perfectam iusticiam habent. Et ubi solius gratie gloria debuit regnare. ) Per quam legem? factorum? ( hoc est, per legem de factis & operibus nostris precipientem: Verum ea ratione, DEI gloria potius exclusa fuisset, quam hominum. Nam opera nostra obscurant gloriam gratie, quibus tribuitur perfectio iusticiae & debitum aeternae uitae. Ideo uero non debent iusticiae gloriam coram Deo retinere, quia sunt immunda & imperfecta. Ideo adiicitur: ) NON. sed per legem fidei. ( hoc est, fide Euangelij, gratie & propiciatoris Iesu Christi. )

Arbitramur igitur, ( id est, colligimus, decernimus & statuimus hac ratiocinatione hucusque ducta. Nam ea uis est graecae uocis apud Paulum. ) iustificari hominem per fidem: sine operibus legis. ( fide enim adprehēdimus promissionē, gratie, peccati remissionē, iusticiā & eternā uitā: quo nō potuerūt ualere, seu efficaces esse oēs prorsus iusticiae legis. Propter immundiciē carnalis naturae: & imperfectionē illam iusticiarum nostrarum, seu obedientiae erga legem. Et quia inualida fuit lex, naturam peccato obnoxiam renouare. Roman. viij. )

Et haecenus Pauli uerba bona fide recitauimus: adiecta breui expositione, qua fidem nostram potius confiteamur, quam ut lectorem in tam clario Apostoli textu doceamus. Caeterum firmam esse hanc sententiam de fide, prudens ac pius lector facile agnoscat: cum nemo uere Christianus esse possit, sine hac fide in gratiam & seruatorem CHRISTVM: Ac puto iam satis confutata esse omnia illa commenta, quae ab aduersariis nostris: imo Iesu Christi & DEI patris, obijci contra fidei doctrinā solent. Hec enim est fortuna horum temporum, quod illi ipsi qui per-



COMMENT: DE POENITENT.

liberi & credi uolunt esse Christiani, fidem Christianam damnent & opprimant: alij per impias doctrinas, & alij rursus ui, ferro & igne. Sed nunc postulat propositi operis ratio, ut in altera parte huius libri declarato ostendam, quot in anibus commentis doctrina nostre poenitentiae & operum bonorum, ab ijsdem aduersarijs nostris & Christianae pietatis contaminetur & polluatur.

SEQUITVR ELENCHVS CA.

*pium: posterioris confutationis.*

- De pharisaica contritione: cum notificatione uere contritionis Ca. I.  
 De confessione delictorum: & quid sit peccata uere confiteri. Cap. II.  
 Esse plura genera, seu species confessionis: & de primo quod fit intus, in corde, seu coram Deo. Cap. III.  
 De secundo genere, externae & publicae confessionis delictorum. Cap. IIII.  
 De tertio genere confessionis, pro reconciliatione. Cap. V.  
 De confessione priuata. Cap. VI.  
 De pharisaica peccati & delictorum confessione, Cap. VII.  
 De Ecclesiastica potestate: clauibus & absolutione. Cap. VIII.  
 Solius DEI esse, & Domini nostri Iesu Christi, autoritate, seu potestate absoluta, remittere peccata, & pronunciare solutos a culpa et poena. Cap. IX.  
 Quomodo Ecclesiae & illius ministris sit tradita potestas remittendi peccata. Cap. X.  
 De priuata absolutione. Cap. XI.  
 Nulla peccata remitti posse, his qui in opera suarum iusticiarum fiduciam ponunt. Cap. XII.  
 Quid sit alligare & soluere, remittere ac retinere peccata: suo ac certo discrimine. Cap. XIII.  
 Contra pharisaicam doctrinam, de satisfactionibus: quae tradita est a Scholasticis theologis. Cap. XIII.  
 De redemptione nostri quae facta est per Christum: fide redemptionis, & sine operum bonorum. Cap. XV.  
 De afflictionibus corporalibus sanctorum: quo loco haberi debeant. Cap. XVI.  
 De partibus satisfactionis: quarum tres numerantur a Scholasticis, Eleemolina, Oratio, & Ieiunium. Cap. XVII.

PARS

LIBER SECVNDVS  
PARS SECVNDA, IN QVA EST  
confutatio pharisaicae doctrinae de poenitentia.

**I**N doctrina de iustificatione, quod saepe dictum est, excutiendae sunt, duae praecipuae quaestiones: prior, de gratiae beneficijs erga nos DEI, & fide huius gratiae: posterior autem, de operibus nostrae obedientiae erga DEVM. Ac satis constat, quod utraq; harum foede corrumpitur a doctoribus rationis, scholasticis Theologis: quorum autoritate & iudicio, aduersarij nostri existimant nos recte premi, & iure condemnari: quantum uidelicet attinet, ad gratiae, fidei & bonorum operum doctrinam, quam nos tuemur. Et ego quidem eo respexi in huius libri partitione: quem institui, de fide & operibus, contra aduersariorum opiniones, ut collatione doctrinae nostrae, & aduersariorum omnibus innotescat, utri retineant uera continentem CHRISTI & Apostolorum doctrinam: nos qui per gratiam praedicamus, tum fidem gratiae, adeoque operum bonorum doctrinam in locum & dignitatem suam reponimus: an aduersarij, qui iusticijs rationis & factis operum nostrorum, ita patrocinantur, ut gratiam abijciant, fidem extinguant & meras operum hypocritiles doceant.

Postquam igitur priorem partem absolui, in qua ea insectatus sum, quae contra gratiae, iustificationis & fidei doctrinam, impio errore tradita sunt, & longe perniciosiore recepta & adprobata: reliquum est, ut in altera & posteriore confutatione, quoque tantum laborem ac praestem, quantum pro nominis sui gloria, tum Ecclesiae aedificatione donauerit mihi CHRISTVS IESVS. Quare haec pars continebit doctrinam, de operibus nostris, seu obedientiae nostrae erga Deum. Quam in uniuersum intelligi uelim unius poenitentiae nomine: cum internae, quae est contritionis, tum externae quae est sita proprie in fructibus exterioribus iustificatorum. Ac constat nos esse debitores illius poenitentiae: hanc enim non prophetae solum, sed & Christus & Apostoli praedicant. Nec potest existere, durare & retineri fides, ubi homines flagitiose, sine poenitentia & sine bonis moribus uiuunt. Hinc ipsum quoque Christum legimus uehementissime exprobrauisse, his qui ad praedicationem suam non egressi sunt poenitentiam: nimirum incredulis & gratiae contemptoribus. Math. xi. Atque idem horribilibus exemplis horribiliter perituros comminatur, eos omnes qui non egerint poenitentiam. Lucae xij.

Sed quando Sophistae & aduersarij nostri dicunt, per nostram poenitentiam remoueri quolibet peccata, & satisfieri pro delictorum poenis: scire refert hoc false atque impie dici. Hac enim assertionem homines sibi arrogant, quod est solius beneficii coelestis gratiae erga nos, per Iesum Christum. Ita uero statuendum est: DEO placere quidem operis nostri poenitentiam, si ex fide procedat. Et ne contritionem quidem satis

Poenitentia.

Necessitas poenitentiae

Poenitentia Christianae ratio.



piam esse, nisi quam mitiget gratie fides: quantumuis sit necessaria. DEVS enim gratis ignoscit peccato & delictis nostris: & per gratie fidem contritiones nostras sanat. Deinde requirit: ut hanc ipsam gratie fidem, per totam huius uitae nostre nouitatem, qua recedimus a peccato, & operamur iusticiam, exerceamus. Huc demum facit, illud quod est Ezechielis xviij. Omnium iniquitatum eius, quas operatus est, non recordabor. Sed Scholastici theologi, & cum his aduersarij nostri, si quid usquam dictum est in laudem bonorum operum, & de illis qui ex fide operantur, & nouande uitae student, id continuo adplicant ad suas illas uanas, impias & stultas cogitationes rationis, de meritis operum nostrorum. Existimant enim, quod iusticiam & salutem ex pacto mereamur: nec attendunt, quod his opinionibus gratiam abijciunt, & redemptorem Christum negant.

*Pharisaica  
contritio.*

*Confessio.*

*Satisfactio.*

*De afflictionibus  
sanctis.*

Cæterum Scholastici theologi in predicatione poenitentiae, præter alios infinitos lapsus & errores, quos docent, dupliciter peccant: partes quas numerant, non explicant recte, & aliena pro partibus assignant poenitentiae. Quanquam enim contritio est pars poenitentiae: tamen contritionis nomine, quid docetur nisi frigidissimas hypocritas, fingentium quod sibi doleat, peccatores esse & peccauisse? Dicunt enim contritionis dolorem elici rationis uiribus & libero arbitrio: & somniant meritum esse remissionis peccati. Sed constat hominem, in quo non agit Spiritus sanctus, sine uero odio peccati, & sine dolore illius admissi, agere: & talem malle peccato & desiderijs eius indulgere, quam retrahi a peccato, & odisse retrahentem. Deinde, sunt certa testimonia absentie Spiritus CHRISTI, sibi meritum remissionis peccati & iusticiae arrogare. Secundo loco, confessionem delictorum faciunt necessariam, illam quæ non habet preceptum DEI. Et quoniam probant Romani Pontificis decretum, quo ille etiam ab inuitis hanc extorquet, qui nihil minus sunt quam uere contriti, peccatores in aliam nouam hypocrisis non modo intrudunt: uerum etiam nouis alijs peccatis onerant, illo genere confessionis delictorum. Postremum, de satisfactione, quam faciunt tertiam partem poenitentiae, precipiunt: ut poenas peccatis nostris debitas, per certa opera, quæ pro sacerdotum arbitratu in confessione, satisfactionis nomine, nobis imponuntur, redimamus: cum non sit alia satisfactio, seu pro peccatis, seu pro illius poenis, præterquam mors DOMINI nostri Iesu Christi: & huius utilitas & fructus nulli adplicetur nisi per fidem in Iesum Christum.

De calamitatibus illis corporalibus, quæ non in poenam, sed in correctionem & castigationem pñs inijciuntur, aliud iudicium est: ut suo loco dicetur. Poenæ enim, & crux seu castigationes paternæ, longissime inter se differunt. Ac poenæ quidem recidunt in solos impios: crux & castigatio

stigationes ueniunt etiam supra pios, qui salui fiunt. In impijs enim, qui non credunt Euangelio habent significationem iræ: in pijs autem sunt, testimonium diuine clementie & paternę curę. Nam Christus, merito sue passionis conuertit nobis omnes peccati poenas in beatissimam & saluberrimam crucem: quę non tollitur per operum nostrorum satisfactiones, sed per ueram poenitentiam mitigatur, et in summa, quęcuncq; castigationes corporales. Neque uero homines pijs fugiunt crucem, aut in totum querunt a se sublatam: sed oblaram suscipiunt cum gratiarum actione, et sustinent illam cum patientia: ut quam sciunt sibi communem esse cum Christo, quam simul omnes pios oporteat perferre. Denique ne, inopiorum reputat, per ulla calamitates, aut persecutiones, etiam quas sustinet propter Christum, se pro peccato, aut peccati poenis satisfacere: etiam si ambigere non possint, qui uere credunt Euangelio, sibi mercedem repositam esse, & premium suorum laborum & afflictionum in coelis. Quod uero de purgatorij poenis scholastici Theologi in doctrina satisfactionum disputant, id mere fabulosum & fictitium commentum est. Sed ne diutius moras traham, iam mox de ipsa re dicere ordiar.

## DE PHARISAICA CONTRITIONE:

*ad illa collatione uerę contritionis*

CAP. I.

**C**ontritionem igitur, Scholastici theologi, dicunt esse dolorem, uoluntarie pro peccatis assumptum: cum proposito confitendi & satisfaciendi. Sic autem statuunt: quod illum contritionis dolorem, homo impius & peccator possit ac debeat ipse sibi concipere: si quidem effici illum, si legem inspiciamus, & cogitemus atq; discamus quantas poenas sibi mereantur peccatores & transgressores legis: ac rursus, quę premia seruantibus legem sint proposita: ut nihil magis Iudaicum dici uel cogitari possit. Addunt tamen, quoniam contritio debeat esse dolor, non tantum ex metu poenarum ortus, uerum etiam ex dilectione: (ita firmiter enim dilectionem in contritione existere posse: cum impossibile sit, amari DEVM uel legem, nisi ab his qui in gratias Euangelij promissiones credunt. Quarum fidem non modo nusquam docent: uerum etiam opprimunt, per suas impias doctrinas, de merito & dignitate iusticiarum nostrarum.) præire hanc perfectam contritionem, quę sit meritoria remissionis peccati, quendam dolorem, qui ex metu poenarum solum oriatur, & careat dilectione. Atq; hunc uocat attritionem: quę etiam si non mereatur homini saluationem, tamen proxime disponat eum ad dilectionis meritum, per quam salus obtineatur. Fieri igitur ex attritione contritionem, per accessionem dilectionis: quę impio & peccatori remissionem delictorum mereatur: modo ne desit sic contrito, uoluntas confitendi & satisfaciendi.

Contritio

Attritio



Hæc inania & pharisaica commenta quid ualeant, efficiant, et quor-  
sum tendant, docui tota superiore huius libri parte. Nam in se continet  
doctrinam de merito congrui & condigni: Item, de fide quæ sine dile-  
ctione & per se, hoc est, sine operum merito, nulli pro-  
fit. Fidem enim  
per se, intelligunt rem esse inutilem & mortuam: ideo requirunt in ea di-  
lectionem, quam adpellant formam gratiæ gratum facientis. Cum sen-  
tiant propter dilectionem respici impium, coram DEO, & saluari: nō,  
si gratiæ promissionem per fidem adprehendat. Hæc igitur pernitiola  
dogmata: trahunt secum ingentem ruinam fidei, ueri cultus DEI & to-  
tius pietatis Christianæ. Ideo omnium uotis & studiis merentur repro-  
bati, reijci & damnari.

*An sit uolun-  
tarius dolor  
in contritione  
ne impij.*

Ergo, cum in definitione contritionis Scholastici theologi tribuant  
impio & peccatori, uim eliciendi uoluntarium dolorem pro peccatis, ne-  
gocium internum & spirituale cordis, statim in ipsis foribus doctrinæ  
manifesto errore impingunt, & labuntur a ueritate uerbi DEI: & si-  
mul palam faciunt, se in tota contritionis doctrina non prædicare, quā  
perpetuam quandam hypocrisim & simulationem doloris de peccato.  
Quomodo enim carnalis natura posset uere, dolere, odio peccati? Cum  
nihil perinde affectet, atq; ingenta desideria explere: & doleat, quod o-  
mnibus per experientiam notissimum est, doleat inquam supra modū,  
quam dici aut credi potest, se retrahi atque arceri ne faciat desyderia car-  
nis: cum præsertim intelligit quantarum poenarum comminationibus  
arceatur. In istis angustijs deprehensi, simulare possunt dolorem, odiū  
& fugam peccati, quidam pharisaici spiritus: sed uerum dolorem, ueræ  
odium peccati suis uiribus non possunt concipere. Quis est enim omni-  
um hominum, quem non delectet suis cupiditatibus frena laxare: potius  
quam amet uinciri & abstrahi ab illis? Et qui doleat ex animo, contrari-  
um faciens: aut cogitans se illa quæ pugnant diuinis legibus aliquando  
admisisse? Nisi metus poenarum eo adigat ipsum. Sed est ne dolor ille  
uoluntarius, et non potius uolentus & coactitius dolor? Aut certe pha-  
risaicus & fictus dolor, in illis qui adhuc sunt quieto animo, & quos lex  
nondum terruit uere? Quid multis, uerus dolor de peccato, non est mi-  
nus operatio & effectus spiritus sancti, quam aliæ internæ & spiritua-  
les uirtutes.

Porro, quia Scholastici dicunt ex attritione fieri contritionem: ut cū  
merito istius uiolenti, seu pharisaici & ficti doloris, infundatur homini  
dilectio, per quam donum remissionis peccati sibi mereatur. Nōne hoc  
stupido & blasphemo commento abijciunt gratiam & redemptoris  
CHRISTI beneficium negant? Nam remissio peccati aliter nulli con-  
tingit, quam per solam fidē gratuite misericordiæ DEI, propter iustifi-  
catorem & redemptorem CHRISTVM. Deinde, quibus obsecro scri-  
pturis

pturis probant, ostendunt ac docent, ex attritione, quæ minus quam nihil est, fieri contritionem: Quanquam si aliquid esset attritio, nihil esset nisi plenissimus impijssimarum blasphemiarum dolor: aut pharisaicus, ut dixi, & fictus dolor. Sed ubi est quæso illa attritio in scripturis, nomine & re distincta a contritione, ita ut distinguitur a Sophistis? At, inquis, satis est magistris nostris pronunciare uel dere incomperta: & novos fidei articulos cõdere. Vulgi, indoctorum hominum, est assensum præbere & credere. Audio, sed extra iocum: hoc certe nimium audacter & serio requirunt a nobis: & hac tyrannide diu iam usi sunt in Ecclesia: qua etiam oppresserunt Christianismum. Et nullus prope monachus fuit, cuius somnia non præscripserunt nobis pro articulis fidei: sed post hac ita non imperabunt in Ecclesia.

An ex attritione fiat contritio.

Denique quod ad habitum dilectionis attinet, qui pro merito attritionis detur, atque infunditur homini a DEO, id similiter pro mera libidine fictum est a scholasticis Theologis. Nam obsecro te, quomodo dilectio legis & Dei summa, posset existere cum dolore contritionis: qui efficit hominem desperare & fugere DEI conspectum, planeque odisse legem & Deum: nisi per promissionis Evangelij fidem mitigetur? At Scholastici, uanitatis & hypocriseos doctores, nihil usquam dicunt de fidei consolatione. Neque possunt de ea loqui, quia impediuntur per illos suos errores, de merito carnalium iusticiarum nostrarum. Quapropter nihil quam legem prædicant, etiam coacti. Qui posset enim locum habere fidei doctrina, de gratuita gratia, & gratuito beneficio redemptionis per CHRISTVM, apud eos qui existimant, quod priuatis operum nostrorum iusticijs & peccati remissionem & uitam æternam nobis mereamur?

De fide dilectione in contritione.

Deinde quanta hæc blasphemia est, fingere, quod spiritus sanctus, qui unus efficit nos amare Deum & legem, per legem, id est, operum nostrorum merita, detur: Quem constat effundi in eos qui Evangelio credunt: & effundi propter solū CHRISTVM, gratuita liberalitate misericordiae Dei. Tit. iij. Sed Scholastici hoc commento dilectionis, atque doni infusi, cauere infamiam nominis Pelagianorum, ut alias dixi, uoluerunt. Quanquam male cauti. Quid refert enim, si aut neges aperto gratiam: aut Sophisticis fictionibus & cauillationibus illam irrideas? Non minus enim quam Pelagiani abijciunt gratiam, & CHRISTVM iustificatorem, qui beneficia Dei & Christi negant gratuita esse. Sed ego contra eas omnes blasphemias, in superiore parte huius libri plus satis scripsi.

Non sunt igitur ferenda hæc uana & impia commenta: neque plane rationis, sed stupidissimorum Sophistarum, ignorantium scripturas, & cum ratione insanientium: scilicet, ne sibi pereant istæ præclaræ uirtu-



tes liberi arbitrij: & deinceps non meritorie saluationis esse existimentur. Hoc enim ipsi quoque Pelagio doluit: adeo ut mallet CHRISTI gloria subuerti & perire, ipsius quoque gratiae seu misericordiae Dei gloriam: quam glorias iusticie carnis inanes periditari. Sed recte damnatus est a patribus orthodoxis: quo eodem iudicio oportet pernitiola ista commenta Sophistarum, quae dixi, repudiare. Primum, quia excitant in homine fiduciam & gloriationem, quam habet in sua pharisaica opera & iusticias carnis: deinde abolent in eo uerum DEI timorem, ut nec ad ueram contritionem unquam peruenire queat. Quia retinent illi in ignorantia sui peccati: quod cum quanto malo hominis peccatoris fiat, abunde exposui, libro primo. Denique & gratiae fidem, & cognitionis IESU CHRISTI, sine qua nemo saluus esse potest, penitus extinguunt.

Quod uero Scholastici tribuunt contritioni, operi legis, meritum remissionis peccati, eo ipso quoque produnt, quanta ignorantia non solum gratiae, Christi & ueræ fidei, se teneat: uerum etiam legis. Sic sunt enim securi, quando conscientias suas pharisaice explorant: & peccatum suum per obductum faciei Mosi uelum intuentur: & non inspicunt in legis finem & claritatem, qua cernerent impossibilia, a lege spirituali & diuina, omni carni præcepta esse: ut per agnitionem & confessionem sui peccati uere coram Deo humiliarentur. Idcirco enim iudicij Dei terreni non possunt: nec scire gratiam Iesu Christi.

*Secundum locum  
primum capituli:  
de uera  
contritione.*

Age uero, quando incidimus in locum de pharisaica contritione, dicamus illa occasione non nihil & de ueritate contritionis: quanquam de hac ipsa copiose scripsimus libro primo. Sed nihil uetat etiam hic quaedam de eadem scribere: si omnino fieri possit, ullo nostro labore, quo studamus in uerbi Dei prædicatione, ut ad ueram contritionem perueniamus & uere humiliemur coram Deo. Alioqui enim nihil prodest de commentis inutilibus & pernitiolis Sophistarum disputare: nisi & ueritatis doctrina illis per comparisonem adhibeatur. Nam & ea re contrarius error clarius cerni potest: & facilius extirpari, eliminari, ac profligari.

*Dolor contritionis.*

Igitur nullus pius dolor est in primis motibus ueræ contritionis: quo homo peccator auersetur, odiat ac declinet peccatum, doleat de DEO offenso. Sed adest quidam alius dolor, quem gignit metus poenarum, quæ peccatis debentur: & in illo retinetur amor & uoluptas peccandi. In hoc nihil tam dolet homini, quam quod non licet impune peccare: & cum summa licentia uoluptates carnis explere. Quare huius doloris longe alius effectus est, quam a plerisque solet carnalibus cogitationibus imaginari. Sequitur enim illum cum odium & fuga legis & dei: tum desperatio. Quando enim uidet atque intelligit grauitatem sui peccati, & DEVM aduersantem, ignarus quomodo effugere illius iram & declinare.

dinare possit, tunc ruit cum summa impatientia, nec sine grauissimis irę & doloris blasphemijs contra DEVM, in desperationem. Sophistę uero existimant dolorem contritionis rem esse tam quietam, leuem, ac placidam, ut in illo homo impius & peccator possit pie dolere, de DEO offenso: & meditari odium & fugam peccati. Sed sic facile solent ociosa ingenia, atque in experta.

Tu uero cogitabis & scias, quisquis es Christiane lector, ueri discendi cupidus, esse in contritione maximos & grauissimos terrores, dolorę asperrimarum perturbationum plenissimum: qui hominem prorsus de statu deiciat, & nihil recti agere sinat, nihil pio & meditato animo statuere. Quos excitat quidem & incutit DEVS, lege sua & spiritu sancto, per reuelationem, ostensionem & accusationem nostri peccati in conscientia: tales actant, ut uehementer excrucient animum peccatoris, planeq; in desperationem salutis conijciant, cum summa impatientia, ira, murmure & blasphemijs contra Deum. Quales fuerunt in contritione Cain, Iudę, qui prodidit CHRISTVM, & similibus. Atque hos effectus contritionis & doloris si uidissent Scholastici, non tribuissent tales motus & actiones homini contrito, ut quibus uoluntarie doleat de peccato & transgressionibus contra legem admissis, odiat & fugiat peccatum, sanctę atque inculpate uiuat: multo minus meritum remissionis peccati.

Terret igitur peccatorem uerax contritio, facitq; illum de operum suorum iusticia, fauore numinis & saluationis, prorsus desperare: ut nisi consolatio per Euangelium illi succurrat, nihil quam graues blasphemię regnare in eo possint. Sic enim, ut dixi, pronunciare oportet, de uera contritione, hominis nondum illuminati per gratię, Euangelij & nominis IESV CHRISTI fidem. Neq; enim est ullus pius dolor in contritione, quem non mitigarit Euangelij consolatio. Facinorosus ille, de quo est Lucę xxiij. pie doluit: sed agente iam in eo gratię fide. Ita de similibus dicendū est, quos dolentes Euangelij fides in spē gratię erexit. Per Euangelium enim sanātur cōterrita et cōtrita corda: prius per legem, peccati & irę DEI cognitionem sauciata & confracta. Cum autem Scholastici Euangelium nusquam doceant, neque possint illud pure docere: stantibus, uidelicet, principijs illis, suę ipsorum theologię, de quibus paulo ante, & in superiore parte tam fulse dictum est: facile intelligi potest quid agant in Ecclesijs. Necesse est enim, ut uel pharisaicam hypocritism doceant: uel plerisque autores fiant perpetuę desperationis.

Cum ergo de causis contritionis disputatur apud Scholasticos, iuuent quidem legem cogitare, inspicere pœnas & pręmia: & sic concipere aliquem pium dolorem, meditari fugam & odium peccati, seseque gratię pręparare & salutem mereri: prorsus pharisaice & humano mo-

De causis  
contritionis.



re. Quasi lex Dei impleri a nobis possit: aut quasi iusticia aut salus sit ex legibus petenda: in quibus est laqueus, mors & damnatio. Lex enim, uirtus peccati: peccatum aculeus mortis. Ergo, quia lex reteggit peccatū, a quo nemo abesse, et iusticiam eam requirit, quam nemo potest prestare, non est causa pñ doloris in contritione: sed, ut dixi, odientis eum, qui cupiditatibus nostris resistit: hoc est, Deum & legem, ut cunctis foris simulet homo studium DEI, & legis amorem. Porro, reuelato conscientis iudicio DEI, subito cadunt a fiducia operum, quibus prius uisi sunt Deum sibi colere, & ruunt in desperationem. Nam DE V M oportet puris animis & spirituum puritate a nobis adorari & coli: illa externa operum iusticia multas immundicias habet & grauissimos defectus atq; peccata. Ideo neque placare Deum, neq; conscientias luctantes pacificare potest. Sed homo indiget gratia & remissione peccati gratuita: ut sic ueraciter dolere de admissis contra legem, & Deum puro corde, & pio obsequio possit glorificare. Et in uera contritione utilissimum est cernere et experiri quam habemus impia & immunda corda: et quod illa gratia remissionis peccati gratuita indigemus ad hos quos, dixi, fines. Experientia enim notissimum est omnibus, neminem posse DEI legem amare & spiritu facere: modo res ad serium animi iudicium reuocetur.

In hypocritis, qui uerbum Dei per transennam inspiciunt, non reuēta legis facie, nihil mirum est, hæc occulta, & latentia sub uelo, nunquam cognosci. Nunquam enim conferunt uires suas cum doctrina legis spirituali. Legem enim non habent, nisi pro operum externorum doctrina: neque uident impossibilia carnali naturæ in lege præcipi. Ideo præcipuum legis usum & officium ignorant: pharisaicis opinionibus excecati. Leuiculum est enim, quod per legem Dei ab externis uicijs abstrahimur: in comparatione grauissimi peccati & immundiciarum cordis, quas lex reteggit, reuelat, ostendit, accusat & damnat. Nam & beneficio legis naturæ possumus abstrahi ab externis delictis: sed immundicias cordis nemo uidet tanta peccata esse, quanta prædicantur per legem, & sine beneficio legis illæ quidem nunquam possent satis cognosci. Atque ita latent frequenter, imo nunquam non, sub speciosissimis operibus hypocritarum grauissima peccata: & multo periculosius latent, quæ retegantur. Quanquam dum reteguntur hominem magis peccatorem efficiant: & grauius reum coram DEO. Sed reuēta humiliant peccatorem, ne in se & iusticias suas pharisaicas, immundas & imperfectas confidat: sed det gloriam Deo, confiteatur suum peccatum, imploret gratiā, querat remissionem peccati per gratiam, & sic effugiat iram Dei atq; æternam condemnationem. Sicut utriusq; horum pulcherrima parabola est Lucæ xviij. Primum de quodam Phariseo, impio homine, & iactatore et

tore tamen iusticiarum suarum coram Deo: deinde cuiusdam publica-  
li, hominis quidem peccatoris, sed per fidem gratiae conuersi, & inuoca-  
tis Deum, illum que uere glorificantis.

Quare utilissimum est, homini iustificando, diligenter exerceri in le-  
gis spirituali doctrina: qua erudiat, se non modo debitorem esse ciuili-  
s seu externae iusticiae: sed uel maxime iusticiae internae cordis. Pharisaicu  
errorem esse, existimare quod legi satisfactum sit obedientia nostra ex-  
terna: & quod hac iusticiam & salutem mereamur. Coram Deo enim ne-  
cesse est perfectissime puros esse ab omni peccato, intus & extra, qui sal-  
ui fieri debent. Vt igitur dolorem aliquem uerum ac pium concipias de  
Deo offenso per peccatum, uerum Dei timorem & contritionem, id ef-  
ficatur quidem per legem: sed qua Deus interna & spirituali efficacia cor-  
dibus nostris loquitur, ac docet quomodo quilibet immundi affectus in  
nobis, quia legi aduersantur, sint uera & damnabilia peccata coram Deo.  
Si tamen consolatio per Euangelium accedat: qua corda nostra ab odio  
contra DEVM & legem, & a desperatione seruentur. Hinc pro illa pu-  
ritate contritionis frequenter precantur sancti: quod precibus in irritum  
caderent, & frustra mitterentur, si ipsi efficere nostris uiribus ueram &  
piam contritionem possemus. Nos enim cum lege commissi, sine gratiae  
spiritu, non possumus nisi impie conteri. Huc facit illud Dauidis, Ipsal:  
li. Cor mundum crea in me Deus, & spiritum rectum renoua in tra me.  
Item illud Hierem, xxxi. Castigasti me DOMINE & eruditus sum: quasi  
iuuenculus indomitus. Conuerte me domine, & conuertar: quia tu Do-  
minus deus meus. Postquam enim conuertisti me, egi poenitentiam: &  
postquam ostendisti mihi erubui. Quoniam sustinui opprobrium ado-  
lescentiae meae. Sed in summa, qui horum rationem ignorant, nullum  
te gratiae, neque inuocationis usum docere possunt.

Sed nunc seorsim doctrinam legis inspiciamus, & uideamus quomo-  
do faciat ad contritionem: & non modo non sit iusticiae & saluationis do-  
ctrina, sed uirtus peccati & causa desperationis, ei qui gratiae Euangelij  
est ignarus. Praecipit ergo lex de uero timore Dei: quem retinere debe-  
mus in omnibus cogitationibus, dictis, consilijs, studijs & factis no-  
stris, per hanc totam uitam, quae hic uiuitur. Et eum qui semel amittit,  
neque retinet semper, is meretur aeternam damnationem. Sed quot obse-  
ro dabis, qui illum pure habuerint, uel ad momentu temporis, in omni  
sua uita. Timere enim Deum, ut horribilem iudicem, hoc impium est  
& blasphemum: sic enim imaginamur Deum, alium quam est. Etenim  
bonus est deus, & immense miserationis omnibus inuocantibus eum.  
Itaque sanctus ille timor quo uult a nobis coli, permixtus esse debuit a-  
more DEI: ut quantum abstraheret pius timor, ne qua in re Deum offen-  
deremus, tantum amor Dei inflammaret animos nostros, ut in glori-

Lex causa  
contritionis.

Timor



am dei omnia recta, decentia & pia ageremus, parati uel mortem pro illa pati. Sed protinus cum nascimur caremus illo timore: & nunquam habemus eum: Sicut nec alios motus spirituales & bonos: nisi quatenus excitantur in natura, per fidem gratiae & remissionis peccati propter CHRISTVM, renouata.

*Motus interni, requisiti in prima tabula legis.*

Hic si quis diligenter excutiat alios motus internos sanctos, quos lex a nobis requirit: uidelicet, amoris, fiduciae & spei in deum. Item patientiae in omnibus calamitatibus & morte: quam obsecro lernam uiciorum hic reperiat: Hos enim constat in prima tabula mandato primo requiri: sicut & Mose exponit: Deut. vi. & Hieremias capite ix. Debemus igitur deo summum amorem, in omnibus & super omnia: summam fiduciam et spem, non minus cum affligit et aduersari nobis uidetur, quam cum benefacit nobis ac seruat nos ab his omnibus malis. Ideo et patientiae debitores sumus, ne qua in re contra deum murmuremus: et illius iudicij aduersemur. Sed quid efficitur his legibus: Profunda impietas, et latens incredulitas, tanquam cerberus ex inferis, protrahitur in lucem: ut conspici possit quanta sit repletum cor hominis ignorantia et cōtempnu dei. Est enim in homine animus uacuus ueri timoris dei: similiter amoris, fiduciae & spei in DEVM. Superbus, arrogans, inflatus: sibi ac rebus suis confidens. Velut opibus, potentiae, honori, et glorie carnis. Item his sublimioribus, sapientiae inquā & iusticiae carnis. Quae omnia damnat apud Hieremiam deus, expressis uerbis: sicut et illorum fiducia et gloriatio saepe reprehenditur et damnatur in psalmis. Quid quod homo in quantum uis modica aduersitate, et paruo terrore, alit perpetuam quādam diffidentiam intra se & desperationem: Quae omnia peccata si uere cognoscantur, qualia sunt & quanta coram DEO, non permittunt hominem tranquillae mentis esse: qui merito contritionis remissionem peccati sibi promittat. Sed compellunt illum irasci iudicij DEI, blasphemare & desperare: adhuc ignarum gratiae & fidei in CHRISTVM. Et hoc est, quod Paulus dicit: legem esse peccati uirtutem.

*Motus interni, requisiti in secunda tabula legis.*

Sed eamus etiam ad secundam legis tabulam, qua praecipitur nobis dilectio proximi: Leuit. xix. Hac enim illius mandata omnia summan- tur Roman. xiiij. Si quidem illam exercere debemus mente & operibus, in omnibus dictis & factis nostris: prorsus erga omnes, sine personae delectu: ut boni, faciles, amantes, misericordes & clementes erga omnes simus: inimicos & aduersantes rebus nostris, aequae ut amicos, qui nos & nostram in rebus omnibus iuuant. Nec enim est syncerus amor in illis, qui benefactores suos diligunt tantum: sicut CHRISTVS testatur Matthaei v. Sed si talis fuerit, qualis est erga nos in DEO: qui bonis & malis ex aequo benefacit, tum gratis & ingratum. Imo nisi malis & ingratis suae gratiae beneficia impartiret, nemo est omnium hominum qui saluus fieri, cum a peccato tum a morte posset. Et huius tantae & tam purae dile-

ctionis nos debitores esse, testatur illud Lucæ vi. Estote misericordes, sicut pater uester coelestis misericors est. Iubet igitur benignos esse & clementes ac beneficos, plane in omnes: adhæc tolerantes iniuriarum, ne offensi uindictam quæramus: & omnino tales, quales nos Paulus describit, in dilectionis uirtute. i. Cor. xij. Hoc enim est perfectum esse in dilectione: quæ & Matth. v. præcipitur: Estote igitur uos perfecti, sicut & pater uester coelestis perfectus est. Neque uero minus lex Mosaica hanc perfectionem a nobis requirit: sic enim est Leuit. ix. Sancti estote: quia ego sanctus sum DOMINVS deus uester. Sed quis est oim hominum qui non plurimum deficiat in hac perfecta dilectione? Imo qui non infinitis modis peccet in eam: & non cupiat ualde, eius non esse debitor. Nam & Sophistæ diligentissime cauent in dogmatibus suis, ne credatur quod illius debitores simus: ita scilicet dolet istis DEVM, offendi peccato, qui suis contritionibus mereri quærunt, cum remissionem peccati, tum æternam uitam. Sed quid mereantur, ex mea collatione non obscure intelligis.

Quid quod lex ipsam quoque concupiscentiam damnat: a qua nemo unquam potuit abesse. Et illa quanta uicia in se habet. Nam regnât in ea avaritia, ambitio, æmulatio, ira, odium, inuidia, immisericordia, cupiditas uindictæ, dolor & tristitia in rebus proximi lætis ac prosperis, præsertim aduersarij & inimici, gaudium & uoluptas si male cadant & affligantur proximi bona, quæ cupiditates quam impie sint & crudeles quis potest satis explicare. Et tamen sunt in carnali natura: quod experimur, collata dilectione nostra ad inimicos. Ex eo testimonio conuincimur, quod neminem sincere diligimus: & quod pleni sumus impijssimarum cupiditatum. Sed & qui affectus & desideria regnant in nobis, ad quamuis intemperantiam: crapulæ, ebrietas, ocij, ueneris, & immo dici luxus, in rebus omnibus, uelut indumentorum et similium. In hunc igitur modum carnalis natura semper aduersatur et repugnat legi DEI: ut ipsis quoque sanctis grauissimos labores semper exhibeat. Sicut testatur Paulus: Gal. v. Caro enim concupiscit aduersus spiritum, etc. Et Scholastici pulchri doctores, existimant quod homo intelligens peccati et malorum suorum, quæ peccantibus debentur, possit pie dolore, mutare animum, fugere peccatum, et salutem mereri. Quasi homo impius & peccator carnalem naturam exuere possit: et totam a se deponere. Quemadmodum tunica et uestimentum aliquod corporis abijcitur. Rursus nouam et spiritualem naturam assumere: quam nemo conferre potest, nisi ille qui condidit omnia, et cuius est omnia renouare. Sed Scholastici rem et causam non agunt serio: tantum de pharisaicis cultibus nugantur.

Igitur nulla uerax contritio esse potest in securis hypocritis, qui legem

Concupiscentia.

Contritio hypocritarum.



COMMENT DE POENITENT.

de externis operibus & factis solum exponunt. Tales enim existimant, se nihil debere DEO, quam dolere aliquantulum, si quo externo delicto Deum offenderint aliquando: & curare, ut reliquis actionibus fugitæ DEV iterum reconcilient sibi & saluationem mereantur. Quam mirum est quomodo statuunt affectus cordis esse in hominis potestate: sicut est dolor, amor, fiducia & spes in Deum. Nisi quod intueri iubent poenas & præmia in lege proposita: ut pharisaice & uolenter omnia agere doceant. Nos uero sciamus, DEVM non solum externa delicta per legem accusare: sed internam maliciam & naturæ immundiciæ omnium maxime. Non tyrannice quidem, ut omnes perdat: sed pro rigore ueritatis & iusticiæ, ut homines humiliet, & per cognitionem peccati in gratiam suam trahat: denique receptos in gratiam, propter fidem in CHRISTVM, renouet & gubernet spiritu sancto, ut deo per iusticiam cordis seruiant, & a peccato & morte saluentur. Longe autem uanissimum est, affirmare de contritione, quod remissionem peccati mereatur: quia ubi uerax est, facit hominem magis peccatorem, ut docui, & grauius reum. Habet effectum contrarium iustificationis effectus: de quo Paulus in epistola ad Roman. capite vii. Iustificati enim per fidem, pacem habemus cum deo: & gloriamur sub spe gloriæ filiorum dei. Sed effectus contritionis, est legis effectus: ideo non solum non pacificat, non tranquillat conscientias nostras: sed & grauissime terribos & ex cruciatos abijcit in sempiternam desperationem, iram & condemnationem, nisi per gratiam Euangelij restituiamur in salutem.

*officium, in  
suis & finis  
contritionis.*

In summa, cognitio peccati interni omnium maxime opus est homini, pro efficienda in eo uera animi contritione. Primum, ut fiduciam suorum operum & carnalis iusticiæ a se deponat. Hæc enim impedit ne a deo recipi in gratiam possit: siquidem superbis resistit, humilibus autem dat gratiam. Et hanc impiam & perniciosam superbiam tamen, docent tanquam pium & sanctum opus Sophistæ. Deinde, ut uere humiliatus coram deo, per peccati sui cognitionem, quærat etiam illius remissionem, sed fide promissionis Euangelij, propter CHRISTVM. Cum enim fides promissionis Euangelij accedit ad contritionem, animus peccatoris inter paucos desperationis deprehensus, iterum confirmatur de gratia & in spem uitæ æternæ erigitur. Et tunc oritur quidem pius dolor in homine contrito: & impius ille qui prior aderat totus fugatur. Hic serio dolent homines: de deo tam propitio & demente patre in tantum offenso. Et cauent qui huiusmodi sunt, ne amplius offendant: sed ipsius uoluntati seruiant in omnibus & per omnia. Aut certe, si qua carnis inbecillitate & tyrannide peccati uicti fuerint, ut labantur: mox iterum resurgunt a peccato, ac pergunt aliquanto cautius in uita sua deum glorificare, ne iterum a peccato superentur. Quanquam isti non sint proprie effectus

effectus contritionis: sed fidei qua cor contritum sanatur ut subinde melius habeat, gaudeat ac lætetur in DEO, domino & seruatore IESV CHRISTO.

Sed contritio per se considerata, res est tristissima & amarissima: & dolorem istius omnes fugiunt & auersantur. Tantum abest ut elicere uelint. Nihil enim tam contrarium & inuisum est hominis naturæ, atque uere conteri: nihil egue refugit & odit, homo Euangelij ignarus. Occurrit enim in uera contritione homini illud horribile spectrum iræ dei, mortis & æternæ maledictionis: de quibus lex concionatur. Et quomodo esse posset uoluntarium hominis opus, & rationis ludus, uidelicet, res amaritudinis & desperationis plenissima. Hæc igitur uis est uere contritionis, & isti effectus, excitare in homine iram & odium contra legem & deum: et nouissimo protrudere in desperationem, terroribus peccati & legis uictum. Quæ enim conscientia uincere posset hanc horribilem legis uocem, quæ clamat: maledictus omnis, qui non permanet in omnibus, quæ scripta sunt in libro legis, ut faciat ea? Si ignara sit Euangelij de CHRISTO: & nesciat opponere hoc gratiæ testimonium, Finis legis Christus ad iusticiam omni credenti, seu illud: Non estis sub lege, sed sub gratia. Siue illud: CHRISTVS nos redemit de maledicto legis, factus pro nobis maledictum. Siue denique quodcunque aliud ex Euangelio, quod testetur, nos per CHRISTVM liberatos esse a peccato, ira & maledictionibus legis, quatenus in eum credimus.

Liquet ex his omnibus, quæ dixi, in hunc locum, quanta sit uanitas doctrinæ scholasticorum Theologorum de contritione. Nam quia oportet tandem ueritatem legis iudicio dei omnibus conscientijs reuelari: certe eos, qui parum exercitati sunt, ad uincendum terrores peccati & legis per Euangelij fidem, in iudicium æternæ mortis abijciunt. Alios quos sanare uidentur & curare, efficiunt ridiculos hypocritas: superbi entes dere nihili, imo peccato, tanquam de perfectissima iusticia, coram DEO. Quo quid miserius & calamitosius esse possit, quam homine sic persuaso de deo? Nisi tandem per gratiam liberetur ab erroribus tantis, & tam perniciosus. Peruersa impietas ita sentit ac statuit de deo, quasi per legem suam nulla alia peccata in nobis reprehendar: præterquam quæ potest ac solet captus naturalis reprehendere & damnare: & uis rationis aliquo modo superare. Quod si ita esset, tunc uere nihil haberet opus homo lege diuina: multo minus gratiæ et Euangelij lucis. Per rationem enim satis erudiretur: quia qui bene uteretur, beatus esset: qui autem illa abuteretur, ei esset pereundum. Ideo nihil sunt Scholastici theologi, quantum attinet ad doctrinam de contritione & iustificatione, nisi rationis doctores. Lege perniciose abutuntur: & Euangelij prædicationem nusquam attingunt. Quare non habemus opus ulteriore & firmiore cō



## COMMENT. DE POENITENT:

lutatione, contra uanitatem dogmatum prædictorum de contritione: quæ tam aperto uanitatem produnt suam, & ipsa se confutant.

De proposito confitendi & satisfaciendi utrum sit in contritione, non oportet disputare: si præsertim loquaris de contritione, quam Scholastici docent. Facile est de re ficta & pharisaica quiduis fingere & nugari. Nos tamen & de confessione delictorum & satisfactionibus suo ordine loquemur.

### DE CONFESSIONE DELICTORVM:

*et quid sit peccata sua uere confiteri.*

CAP. II.

**S**ECUNDA pars poenitentiae ponitur a scholasticis Theologis confessio delictorum: nec numeratur in illa, nisi quæ sacerdotum ministerio celebratur, & tota est iuris humani. De qua pontificius canon extat, in hæc uerba: Omnis utriusque sexus fidelis, postquam ad annos discretionis peruenerit, omnia peccata sua saltem semel in anno fideliter confiteatur proprio sacerdoti. Hanc monstrare possum multis nominibus impiam esse. Primum, quia fingitur necessaria ad saluationem esse, quæ sine mandato DEI docetur. Vt non possit nisi hypocritas efficere, nisi libera relinquitur: & uolentibus eam facere, seu pro institutione & consilio, seu pro consolatione permittatur, aut consulatur. Deinde, quia libertatem Christianam opprimit: & Christianis grauius iugum inijcit, quam unquam impositum fuit Iudæis. Cogit enim pharisaico præcepto illius institutio homines peccatores, quales omnes sumus, ad impossibile: propter illam enumerationem omnium delictorum: quæ in ea confessione requiritur. Quia nemo omnia intelligere, nemo omnium recordari potest. Verum hic accusatur negligentia inquirendi, & ideo multos modos inueniendi oblita peccata, per certas circumstantias proponunt: & nescio quot rationibus alijs laborent, in sordibus peccati memorandis nos retinere. Vt uix sit ocium cogitandi aliquid de gratia & saluatione quæ datur per CHRISTVM. Verum nec conceditur huic gratiæ locus apud Theologos scholasticos.

Nam quemadmodum contritioni, ita quoque isti pharisaicæ confessioni tribuitur a Scholasticis, meritum remissionis culpe. Verum ne hic impingant, & uideantur imposturas offundere, cum contritioni tribuant, quod sufficienter liberet a culpa, addunt uenustum commentum. Dicunt enim, quoniam contritio uotum confessionis annexum habet, ideo liberet a culpa poenitentes: quemadmodum desiderium baptismi, baptizandos. Atque ita quidem non erit per se sufficiens contritio ad meritum remissionis culpe, nisi confessio accedat: aut certe uotum confessionis faciendæ. Cum uidelicet in aliquo necessitatis casu illam coram sacerdote priuato non possis facere. O diligentes theologos tractatione scripturarum: imo pharisaicarum cogitationum. Hæc enim loquuntur & affir-

& affirmât, non modo sine scripturis: sed & pugnantissima pugna aduersantes Euangelio de Iesu Christo.

Disputant etiam, utrum hæc ridicula & pharisaica confessio liberet peccatores a poena. Sed quoniam peccato non deberi existimant, quæ æternam poenâ, aut temporalem: poena autem æterna per contritionem dimittitur, temporalis uero per satisfactionem: ideo prope concludunt, per confessionem nihil remitti de poena. Sed hanc argutiam ita eludunt: Thomas, dicendum, inquit, quod confessio simul cum absolutione habet uim liberandi a poena dupliciter. Vno modo, ex ipsa uis absolutionis: & sic quidem liberat in uoto existens a poena æterna, sicut etiam a culpa. Quæ quidem poena est condemnâs, & ex toto exterminans: a qua homo liberatus, adhuc manet obligatus ad poenam temporalem, secundum quod poena est medicina purgans & promouens. Et hæc poena restat in purgatorio patienda, etiam his, qui a poena inferni liberati sunt. Quæ quidem poena est improporcionata uiribus poenitentis: in hoc mundo uiuentis: sed per uim clauium in tantum munitur, quod proportionata uiribus poenitentis remanet: ita quod satisfaciendo, se in hac uia purgare potest. Hæc Thomas. Postea subdit: alio modo diminuit poenam confessio ex ipsa natura actus confitentis: qui habet poenam ex rubescentiæ annexam. Et ideo quanto alius pluries de ipsis peccatis confitetur, tanto magis poena minuitur.

Quem non pigeat istarum ueniarum & uanitarum? Quas ego recito tamen ita prolixè, ut ab his qui ignorant cognoscantur, et odibiles reddantur. De quibus adeo nihil est in scripturis: & a Sophistis tamen ea specie traduntur, quasi essent mere diuina oracula, quæ sunt dæmonum imposturæ. Nullæ enim poenæ peccati sunt, quas non persoluat & extinguat perfectissime CHRISTVS: his qui in eum credunt. Nos uero omnibus iusticijs nostris pro nullis peccati poenis possumus satisfacere. De cuius ratione suo loco. Sed Sophistæ Iudaicis & pharisaicis opinionibus excæcati, hæc omnia de merito operis operati fingunt: quod scriptura sacra nusquam agnoscit. Imo omnibus modis detestatur.

Taceo infinitas alias uanitates, de quibus sophisticantur suo more Scholastici, circa confessionem delictorum: & huius, quam docet, quasdam alias incommoditates infra recitabo. Nam horribili tyrannide grauantur omniū Christianorum conscientias: & multis haud dubie animum desperationis, hac in parte prebent, sicut alias in multis. Scire igitur oportet, hanc non præcipi a DEO: ideo nec necessariam esse ad salutem, etiam si pie fieri possit, quod infra exponetur. Deinde addendum, aliam esse, quam Deus a nobis requirit: eam uidelicet, qua intus & per ueritatem cordis loquimur Deo, & delicta nostra accusamus. Imo ingenium huius corruptæ & pessimæ naturæ nostræ, qua toti in peccato sumus, odi-



mus ac detestamur: sicut nos hæc exempla docent, psal. xxxij. Peccatum meum notum tibi feci: & delictum meum non operui. Dixi, confitebor super transgressionibus meis Domino: & abstulisti iniquitatem peccati mei. Et psal. li. Ecce in iniquitate genitus sum: & in peccato concepit me mater mea.

Quid sit pec-  
cata necesse  
fieri.

Iam docendi sumus, nec recte uti posse delictorum confessione, qui homines in suas carnales iusticias confidere iubent. Quid enim possunt illi nisi pharisaice de quibusdam externis peccatis, si qua admisierint, confiteri: & in cæteris iusticiam arrogare sibi: ad exemplum hypocrite pharisaei, Lucæ xviij. Vt uel hinc adpareat scholasticos Theologos, de uera & pia delictorum & peccati confessione loqui non posse. Quia in totum peccatores sumus, non eo nomine solum, quando labimur in externa uicia. Nec pro ingenio corruptæ naturæ aliud possumus, nisi peccare: ut ex his, quæ proxime dicta sunt de uera contritione perspicuum est satis. Ne memorē, quæ dicta sunt a me in libro primo, capitibus de contritione, peccato & legibus. Nam & in bono opere peccatum habemus: quod confiteri & agnoscere oportet. Multo magis ingenium malitiolæ naturæ deplorare necesse est: & hæc confessio debet esse quotidiana. Pertinet enim ad fidei iustificantis exercitium: nec ullis ullum peccatum remittitur nisi qui, postquam peccati mala deplorarunt omnia: reijciunt se in gratiam seruatoris Iesu Christi. Sicut huius confessionis peccati, & fidei in CHRISTVM pulcherrimum exemplum extat in epistola ad Roman. viij.

Sed attende quid fiat: scholastici Theologi, etiam meritum iusticiæ uidelicet, operis operati, tribuunt huic pharisaicæ confessioni: qua solū de illis peccatis pronunciamus quæ externo opere admisimus, neque satis aut uere agnoscimus nos esse peccatores. Sic enim, cum peccata ipsa confiteri docent, implicant homines peccatores in alia grauiora peccata: arrogantia pharisaicæ scilicet, & inanis gloriationis, de opere bono confessionis. Nec enim meretur iusticiam coram DEO, etiam uerax & pia confessio: sed Deus adest, sua mala uere & serio deplorantibus, & confert illis remissionem peccati gratis, quatenus in promissionem gratiæ credunt. Sed huius discrimen, pharisaicæ confessionis inquam, & Christianæ; hominis superbi & arrogantis, fiducia operum suorum, & rursus uere humiliati agnitione & confessione sui peccati, uide depictum a Christo Lucæ xviij.

Cum enim Publicanus quidam agnosceret, ac confiteretur sese esse peccatorem et peccatum suum deprecaretur, implorata misericordia Dei pronunciatu fuit iustus coram DEO. Contra alius quidam, ex genere phariseorum, cum iusticias & merita sua superbe iactauisset: nihil de gratia sollicitus: nec enim agnoscebat se peccatorem esse: condemnatus est. Omnis

Et. Omnino igitur aliud est peccati uerax confessio, quam isti esse imaginantur, qui peccati confessionem coarctant ad certam quandam delictorum enumerationem: qua nihil opus est confitenti, nisi in conscientiae iudicio, quod satis est DEO. Deinde, ita confiteri peccatum, ut illius operis merito iusticiae praeium tibi arroges, magis noxium est, quam prodesse queat. Is uero utiliter confitetur suum peccatum & delicta, qui pro cumbens coram misericordia DEI, & propiciatore Iesu Christo, precatur sibi ignosci: nihil tribuens uel contritioni, uel confessioni suae, uel denique ulli alij operi suo, tanquam gratiam promeritus fuisset.

Habet autem magnam necessitatem uerax peccati & delictorum confessio: non est enim nisi effectus quidam contritionis: ideo non minus necessaria est homini Christiano, quam contritio. Requirit enim DEVS ueram humiliationem nostri: quae sita est in uera agnitione nostri peccati, illaque est uerae contritionis. Non aliter requirit humilitatis nostrae confessionem, siue corde, seu ore fiat. Quae tunc utilis est & adfere confitenti remissionem peccati, quando sit fiducia remissionis peccati impetrandae per misericordiam coram DEO. Et de hac confessionis necessitate, pietate, fructu & utilitate, lege quae sunt i. Ioan. i. Quare ut nemo idoneus est ad promissionem gratiae, nisi qui prius per peccati sui cognitionem uere contritus & humiliatus est coram Deo: ita confessio peccati necessaria est, (qua ueritatem cordis contriti testetur,) ei qui remissionem peccati consequi uelit. Neque tamen prodesse potest, nisi illi qui spe remissionis peccati consequendae, per gratuitam gratiae promissionem, illam facit. In hac igitur pia & Christiana confessione, agnoscimus & peccatum nostrum: & profiteamur iustum esse contra nos iudicium Dei: & quod nunquam salui esse aut fieri possimus, nisi per gratuitam misericordiam Dei, & beneficium mortis Iesu Christi, DOMINI nostri. Neque aliter fieri potest in omnibus qui sunt uere contriti coram Deo, quam ut peccata, errores & delicta sua agnoscant & confiteantur: qui, si ipsi sunt, non desperant, non abijciunt animum & spem recuperandae saluationis: sed confugiunt ad Euangelij promissionem, & querunt, ut per uerbum gratiae a peccatis suis absoluantur.

Quare magnam necessitatem habet, ut dixi, uera peccati & delictorum confessio: sed sicut docui, contritionem per se nulli prodesse, imo etiam perniciosam esse, in his in quibus nulla remissi peccati fides ad contritionem accedit: Ita ipsa quoque confessio peccati per se nulli potest salutem adferre. Imo etiam perniciosa est, quatenus sit absque spe consequendae remissionis peccati. Quid profuit enim Iudae proditori sua confessio, plus quam seria & cordis horribiliter contriti, cum gratiae fides nulla ad illam accederet. In summa, lex contritionis formandae regula, quando uere intelligitur, extorquet uel inuitis nobis peccati nostri confessionem.



# COMMENT DE PENITENT.

ad quam nisi gratiae fides addatur conijcit hominem in desperationem: non aliter quam contritio, quae est inanis & uacua fidei in **CHRISTVM**. Nihil prodest enim uel agnoscere peccatum & terreri, uel confiteri illud: nisi & gratiam adprehendamus, qua liberamur a peccato. Haec uero non potest aliter adprehendi, quam fide misericordiae, propter **CHRISTVM**. Confessio igitur pia, utilis & fructuosa, nascitur ex interna poenitentia, seu contritione: quae cum fide in Christum coniungi debet: ne fiat desperatio & mors aeterna in homine peccatore.

Sua igitur peccata nulli qui Christiane iusti sunt segunt, uel excusant coram **DEO**: imo nec coram hominibus, si quando res exigit illa reteri & accusari. Sed agnoscunt & fatentur ea omnia quae reteri in omnibus **DEVS**. Pharisaorum est & hypocritarum nolle peccata agnoscere quae habeas: nec praedicant suas iusticias, nisi abominabiles hypocritae, quos uerbum **DEI** iudicat & dānat. Et quidem isti, si uere cognouissent quantae sunt immundiciae carnalium iusticiarum coram Deo, nunquam possent fiduciam in illas ponere. Sed conuersa mente & sententia dicerent cum propheta: Ne intres in iudicium cum seruo tuo, quia non iustificabitur in conspectu tuo omnis uiuens. Imo cum omnibus sanctis: remitte nobis debita nostra. Nam in illis debitis sunt multa grauiora peccata, quae homines pharisaice iusti nunquam recte cognouerunt. Quando igitur negamus ullam peccati confessionem ueram esse apud eos, qui fiduciam in suas carnales iusticias ponunt: cum tamen nemo uideatur plus confiteri peccatum, & minus a iusticia abesse: oportet attendere, nos de uero iudicio & uera accusatione peccati loqui, ita ut ueritas est coram **DEO**. Nam in iudicio Dei nemo mundus est, & nemo sine peccato: ut possit aliquis dicere, mundum est cor meum, purus sum a peccato. Deinde, nemo de operibus suis bonis, tanquam de perfecta iusticia, gloriari, nisi pharisaice & impie, coram Deo, potest. Alioqui probe scimus, non ab alijs plura scribi de confessione delictorum, quam a Scholasticis & summistis: sed pharisaice & scelerate omnia. Lege obsecro exempli gratia prodigiosum locum, de interrogationibus peccati in confessione, in summa Angeli. Sed haec praefati in locum de peccati confessione: deinceps de generis speciebus seorsim scribemus.

## ESSE PLURA GENERA, SEU

*species confessionis: ex de primo, quod sit intus in corde, seu coram Deo.*

### CAP. III.

**C**onfessionis delictorum triplex genus numerari solet, commendatum nobis in literis sacris. Primum illud, quod conscientia peccati nos perurgente intus sit in cordibus nostris, seu coram **DEO**. Secundum, est externae & publicae confessionis: qua coram tota Ecclesia aliquoties uitimur. Ita enim fieri nonnunquam oportet, & publice confiteri: cum ex alijs cau

alijs causis, tum pro diuinæ erga nos gratiæ laude, prædicatione & gratiarum actione. Tertium, illi debemus, quem læsimus pro sarcienda concordia & reconciliatione. Quibus nos adijcere poterimus quartū, quod priuatū appellamus: et nūc fere solet fieri corā aliquo Ecclesiæ ministro, seu uerbi DE I doctore, aut pro consilio in rebus dubijs, aut pro fidei confirmatione. Omnino enim multi casus se offerunt, & quotidiani, in quibus sæpe opus est hominibus imperitis, & periclitantibus conscientijs, tali aliquo consilio & confirmatione. Verum hoc genus prorsus liberū est: nec debet cogi sub præcepta hominum: sed relinqui, ut illo utatur qui uelit. Laudari autem debet: & commoditates illius coram uulgo aperitis diligenter exponi. Cæterum confessio delictorum, quæ hoc tempore fit, coacta & extorta per leges Pontificis Romani, & prædicata a scholasticis Theologis, speciem quidem habet pietatis, sed hypocritarum est, & perniciosa.

Igitur primum genus confessionis est omnium, qui uere contriti sunt. Nā quibus suum peccatū lege & spiritali efficaciam in conscientijs ipsorum reregitur & exprobratur: illi uelint nolint cogunt cognoscere & fateri quod est: nempe, se esse miseros, calamitosos, & abominabiles peccatores coram DEO, iure condemnari & abijci. Et in hac confessione nihil est, quod pios homines discernat ab impijs, commune est enim hoc genus omnibus: ut pariter eandem confessionem faciant pii & impij coram DEO, nisi quod in piorum confessione fides accedit: quæ retrahit a blasphemijs & murmure contra deum, ac seruat eos a desperatione. Ad eorum regit in spe remissionis peccati & uitæ æternæ. Alioqui ipsi quoque impij trahuntur tandem ad conscientiae iudicium: quo peccatum suum uident. Quod tunc in cordibus suis & coram deo nunquam possunt negare: sed irascuntur DEO, & ruunt in desperationem, cum ipsa necessaria peccati confessione. Sicut docemur exemplo Cain, Iudæ proditoris & similium.

*Confessio  
terna cordis*

Proinde DEVS est, qui hanc internam peccati confessionem, pro ineffabili bonitate & amplitudine misericordiae suæ, conuertit in iustificandis, (ac retinet in iustificatis.) in piam, uoluntariam & glorificantem deum peccati nostri confessionem: ut quos per Euangelij doctrinam, de remisso propter CHRISTVM peccato, consolatur. Oportet enim statuere, quod prius docui, piam confessionem delictorum, a nemine posse fieri, quā illis quæ uera IESV CHRISTI notitia et fide præditi sunt. Deinde, quod sicut uera fides semper durat in homine Christiano: ita ipsam quoque confessionem semper durare, non externorum delictorum tantū, si quæ admissa sunt, uerum etiam immunditiæ naturalis, & peccati seu defectus in opere bono. Si igitur ad illam confessionem, fides remissionis peccati accedit, bene nobiscum agitur, nosque glorificamus DEVM. Sin



nulla fides in eam peruenit, de peccato gratis remisso per CHRIS-  
TVM: uae istis in quibus haec peccati confessio est aut fuit. Tam est ne-  
cesse saluandis ut conscientie terrores, quos suscitatur lex & peccati agni-  
tio, consolatione Euangelij erigantur. Ergo in hac confessione, quantum  
ad pios, non est nisi quotidianum exercitium fidei. Qui enim per gratiae  
cognitionem, uere illuminati sunt, sine hac confessione interna sui pec-  
cati nunquam possunt esse: nec sine confessione gloriae DEI, & gratiae  
IESV CHRISTI. Denique nullum est aliud genus confessionis, quod  
sine hoc possit acceptum esse & probari coram deo.

Hanc igitur confessionem docet nos primum lex dei: est enim potissi-  
mum tradita, ut ostendat & accuset nostrum peccatum. Deinde, ipsa eti-  
am Euangelij praedicatio docet eandem. Testatur enim Euangelium,  
pro peccatis nostris traditum esse CHRISTVM, filium dei: ergo signi-  
ficat nos grauissimos peccatores esse, qui nullo alio precio potuerimus  
liberari a peccato. Postremum & multis exemplis sanctorum commen-  
datur nobis: sicut illo Dauidis, psal. xxxij. Peccatum meum notum tibi  
feci, &c. Nam huius testimonij supra mentionem feci: & cuiusdam alte-  
rius ex psal. li. In quo toto psalmo, est perfectissimum exemplar huius  
confessionis. Huc etiam facit illud Prouerb. xviij. Qui obtegat scelera  
sua non prosperabitur: qui uero confitetur & relinquit, misericordiam  
assequetur. Beatus homo, qui semper est pauidus: qui uero est metus du-  
rae, corruet in malum. Item illud uulgarissimum, quod est prima Ioan.  
primo. Si dixerimus, &c.

Liquet etiam, quod hanc piam confessionem, solus DEVS in no-  
bis operatur. Quia uerbum DEI tam legis quam Euangelij, per solum  
spiritum sanctum est efficax in nobis. Deinde haec confessio fons est o-  
mnium reliquarum quae pie fieri possunt: quare uel ex eo claret, impiam  
esse, quae per doctrinas & praecepta hominum ab inuitis extorquetur.  
Nam in ea quid esse posset, quam impia & blasphemans hypocrisis.  
Hoc scire etiam eo prodest, ne remissionem peccati promitti patiamur,  
his quibus illa non debetur. Ita sunt doctrinae hominum in Ecclesia: la-  
quei uidelicet conscientiarum, quando pro necessarijs praeceptis prae-  
dicantur. Cauendum autem in hoc genere, sicut in omnibus alijs, ne con-  
fessionem ex opere operato ualere existimemus. Nihil enim DEVM  
placare nobis potest, uel remissionem peccati imperare, praeter quam me-  
diator gratiae Iesus Christus, DOMINVS & seruator noster. Cuius  
beneficio quidem salui sumus a peccato & a morte quatenus in eum  
credimus.

Haec de primo genere confessionis, in quo fontem esse dixi omnium  
reliquorum, quae pie fieri possunt: quia est internum et cordis confessio,  
sine qua aliae externae confessiones, quid possent nisi merae hypocrises,  
irrationes

tristiones Dei & hominum esse. Et quoniam huius generis nulla mentio fit a Scholasticis; (aut si usquam sit, pure non docetur.) docent enim his contraria: facile iudicari potest, quid statuendum sit de uulgata illa confessione quam prædicant quidem, legibus, mere pharisaicis, ut supra declaratum est.

## DE SECVNDO GENERE, EXTER-

*ne & publicæ confessionis.*

**P**roximum genus externum est & publicum: ut quod fieri debet coram tota Ecclesia. Habet autem uaria exempla. Nam primum fit ab omnibus qui confluunt ad Euangelij prædicationem; & ad sacramentorum communium cum Ecclesia usum. Nam quis est, qui Euangelium uere intelligit, & non confiteatur libenter coram omnibus, se peccatorem esse, qui Euangelij gratia indigeat, et sine qua nunquam saluus esse queat: atque adeo ex corde & sine furo confiteatur? Quanquam in hac confessione, non sit opus illa pharisaica murmuratione delictorum, de qua Romanus Pontifex & Scholastici precipiunt: sicut nec in superiore. Deinde, qui ad sacramenta ueniunt omnium apertissime agnoscunt & fatentur se esse peccatores. Fit etiam ab illis hæc publica confessio, qui alios suo exemplo inuitant & exhortantur ad Euangelij de Iesu Christo fidem: uidelicet, per confessionem gratiæ, & remissionis peccati, sibi peculiariter exhibitæ & factæ. Denique & illis, qui accusati ab Ecclesia et testibus, suam culpam agnoscunt. Hac enim confessione probant se Ecclesiæ qui lapsi sunt, quod uelint reuerti.

In hoc toto genere nihil non dulce & iucundum est. Est enim eorum qui terrores conscientiae uicerunt: & quarum per gratiæ fidem sanata est contritio. Ideo ea suauitate & iucunditate refertum est: qua solent alia opera bona a sanctis & fide iustificatis prestari. Nec ab alijs potest pie aut ueraciter præstari. Huius exemplum habes Matt. iij. Nam Ioanne Baptista annunciante poenitentiam, & docente fidem in CHRISTVM: multi confluebant undique ad ipsius prædicationem, & baptizati confitebantur sua peccata. Sed ad hunc modum confiteri, fuit omnium precipuo agnoscere peccatum uiciatæ naturæ: quo solo, etiamsi nullum externum facinus admisimus, admittitur nobis laus iusticiæ & spes æternæ uitæ. Nisi quatenus restituitur nobis, tam iusticia, quam salus illa fide uerbi gratiæ, & sacramentorum usu, propter Christum.

Huius eiusdem rationis est, quod cum Marcus, tum Lucas scribunt, predicasse Ioannem, baptismum poenitentiae in remissionem peccatorum. Nam certe illum baptismum nemo suscipere potuit, non confessus se esse peccatorem: ut maxime nullum externum opus prauum admisisset. Deinde nemo huc ueniebat, nisi qui recipiebat peccata coram DEO nulli remitti per iusticias legis, sed gratis propter Christum: aut pie non uenie-



bant, si qui iusticijs legis cum honorem habuerunt, quasi illis liberemur a peccato. Nam Ioannem predicasse fidem remissionis peccati per Christum; testatissimum est, ex illo Ioannis i. Ecce agnus dei, qui tollit peccata mundi. Item ex illo Ioannis iij. Pater diligit filium: & omnia dedit in manum eius. Qui credit in filium, habet uitam æternam.

Baptismus  
que.

Porro hic idem poenitentiae baptismus durat in Ecclesia: nec eius alius usus est quam fuit ab initio. Prebet enim exercitium fidei: & est testimonium gratiæ his qui baptizantur. Quare etiam confitemur peccatores esse, eos quos adducimus ad baptismum Iesu Christi: sicut et Ioannes suos illos quos baptizauit in Christum, testificatus est peccatores esse. Aliud uero confessionis huius exemplum refertur, Act. ij. eorum qui ad Petri prædicationem sunt conuersi & baptizati in nomine Iesu Christi, in remissionem peccatorum. Quasi absq; baptismo, & fide gratuite remissionis peccati per Christum sperare salutem potuissent: nunquam quisquam eos ad baptismum pertraxisset. In talibus ergo uerax & publica confessio peccati fuit: etiam si nominatim nullus delicta sua percenseret, ita ut hoc tempore sit in secretaria confessione. Sed tamen peccatum quod confitebantur tale esse agnoscebant, ut nulli per iusticias legis condonari posset: & solis illis remitteretur, qui per Iesum Christum uerbū gratiæ & fidei sacramentum recepissent.

Quare nec hoc tempore ad fidei sacramenta ullus admitti debet, sine hac confessione. Quia Euangelij gratia nullis debetur, nisi ijs qui se peccatores esse agnoscunt & confitentur: et quod sine iusticijs legis, per solam gratuitam peccati remissionem, quatenus in Christum credunt, saluentur. Et ex his exemplis usum huius confessionis satis poterimus intelligere: qui fuit olim publicus, eorum qui adulti ad Euangelium et sacramenta uenerunt: & hoc tempore, publicus est in baptismo paruulorum. Apud adultos autem in dominicæ cenæ usu: & in contionibus illis publicis uerbi DEI. Illis enim solemus omnes homines peccati accusare: quod etiam qui uere pii sunt agnoscunt in se & deplorant ac detestantur: & remissionem peccati quærunt, fide uerbi gratiæ & perceptione sacramentorum.

Ad secundam partem huius confessionis, qua uidelicet, alios nostro exemplo consolamur, faciunt hæc testimonia. Primum illud Christi, quo dictum est Petro, ut est Lucae xxij. Simon, Simon: Satanas expetuit uos, ut cribraret sicut tritum. Ego autem rogavi pro te ne deficiat fides tua: & tu conuersus aliquando CONFIRMA fratres tuos. Hic satis est nos tenere uoluntatem Christi: quæ est, ut sancti beneficijs gratiæ, sibi peculiariter prestitis, alios peccatores consolentur, ac confirmet de promissionibus gratiæ, et in fidem remissionis peccati inducant: ne pigreat eos poenitentia & renouationis uitæ, atque ut certi sint saluationis per Chri

per Christum. Talis est hæc Pauli confessio, quæ legitur prima Timot. primo: ubi non tacet quomodo peccari, quod insigni impletate contra Christum & Ecclesiam admiserat, insigni quoque gratia consecutus sit remissionem: Imprimis ut alij hoc exemplo capiant suæ fidei confirmationem. Pauli uerba sunt hæc: Certus sermo, & dignus qui omnibus modis accipitur, quod Iesus Christus uenit in hunc mundum peccatores saluos facere: quorum ego primus sum. Sed ideo misericordiam consecutus sum, ut in me primum ostenderet Iesus Christus omnem patientiam ad proponendum exemplum ijs, qui credituri sunt in eum in uitam æternam. Iam hæc exempla omnes ad similem confessionem hortantur: si qua ratione tali alios confirmare ac retinere in fide possint. Nam si qui sunt imbecilliores, firmiorum exemplis mirificam & efficacem capiunt consolationem.

Pars tertia huius confessionis, qua agnoscimus accusati nostra delicta, & spem conuersionis nostræ bonam Ecclesiæ præbemus, habet ordinationem CHRISTI. Matthæi xviij. Vbi denique illum, qui contemnit Ecclesiæ monita & correptionem præcipit excommunicari. Nam qui cum scandalo Ecclesiæ peccant, & nullam sui correptionem ferunt, uel quæ sit seorsim a paucis, uel publice a tota Ecclesia, illis plane nulla debet remissio peccati: nisi reuersis ad poenitentiam & fidem in CHRISTVM. Tunc enim iterum recipi ab Ecclesia debent: ei que reconciliari & incorporari, e qua propter peccatum, & obstinaciam in illo, fuerant eiectioni. Id quod satis notum est ex loco illo, prius citato.

In quo genere, quis non uidet, illis qui peccant semper opus esse aliquæ peccati sui confessione: etiamsi eius, quod prius innotuit Ecclesiæ. Quomodo enim isti recipi ab Ecclesia iterum possent, nisi plane testificarentur, sibi ipsis displicere suum peccatum: cum preceatione absolutionis? Quanquam autem hac confessione magis Ecclesiæ satisfiat quam DEO: (sufficit enim coram deo conuersio & fides cordis: quæ illum non latent.) tamen requirit eam DEVS, tum ut coram Ecclesia humiliemur, cuius iudicium non erubuimus contempnere prius; tum etiam, ut sententia ipsius Ecclesiæ animos nostros erigamus & confirmemus: maxime tunc cum poenitentiam agentes absoluit. Nam cum ligat delinquentes, contemnitur fere: donec relipiscant quos ligauit. Huius confessionis olim publicus usus fuit, in publica poenitentia facinorosorum; solum in eo diuersus ab instituto CHRISTI, quod lapsos sine certis satisfactionibus operum suorum non recipiebant in poenitentia: quos CHRISTVS sine ullis satisfactionibus recipi iubet.

In summa, in hoc toto genere confessionis est quoddam publicum testimonium, tum eius quod peccatores sumus: tum etiam illius, quod sine gratuita remissione peccati, quæ fit propter Christum, his qui in eum



credunt, nūquam salui esse possimus. Sicut hoc uerbum Pauli testatur Corde creditur ad iusticiam, ore autem fit confessio ad salutem. Nam si des cordis, de qua Paulus loquitur, est firmiter statuere, quod per promissionis Euangelij uerbum, quo nobis salus per Iesum Christum offertur, ac fidem nostram in illud, liberemur, & a peccato & a morte. Nec aliud agit confessio, sequens hanc fidem, nisi quod eam quæ antea latuit in corde, profert in lucem: nempe, fidem. Vbicunq; tandem & coram quibuscunq; fiat: siue multis, siue paucis. Etiam quacunque occasione: uel coram inimicis, & nominis IESU CHRISTI persecutoribus. Proinde, quemadmodum primum genus confessionis internum est, iusticie cordis opus, & impletio primi præcepti: ita hoc secundum est externum & pertinet ad impletionem secundi præcepti. Hanc etiam, quia nascitur ex confessione cordis, palam est quod DEVS in nobis creat. Hoc dico, ne existimemus uires rationis in tam sublimibus et diuinis uirtutibus aliquid posse prestare. Postremum & de fructibus huius confessionis satis admonemur, cum ex priore genere, tum ex iam dictis. Est enim perpetua quædam laus DEI: & proximis seruit ad fidei ædificationem.

DE TERTIO GENERE CONFES  
sionis: pro reconciliatione.

CAP. V.

**T**ertium genus confessionis est, quo eum placamus nobis, quem offendimus quomocunq; dictis aut factis, iterumque reconciliamus: si tamen iniuria est, & peccatum contra legem DEI, quod admisimus. Aut certe operam damus, ut illū placemus: quod nos excusabit, si reconciliari nobis nolit. Quod alia ratione & uia meliore fieri non potest, quam per illatæ iniuriæ coram offenso apertam confessionem, cum delicti nostri deprecatione. Cum igitur qui læsit proximum, pacem & reconciliationem petit: cogitabit læsus, hoc officij sui esse, proximo per dilectionem, non grauanter, neq; tarde ignoscere. Et hunc honorem Iesu Christo habeat: quod & Paulus requirit, Col. iij. Supportantes inuicem, & donantes uobismetipsis, si quis aduersus aliquem habet querelam: sicut & CHRISTVS donauit uobis, ita & uos. Sed & mandato de placandis & reconciliandis læsis satis liquet, quid oporteat læsos pro uoluntate DEI præstare: nimirum, faciles se prebere ad ignoscendum, & tales ut uideantur pacem ultro offerre ac petere. Et debent ea in re fidem suam exercere: quemadmodum cum precantur, dicentes, remitte nobis debita nostra, sicut & nos remittimus debitoribus nostris. Glorificantes DEVM in omnibus: per Dominum Iesum Christum.

Cæterū quod attinet ad necessitatem placandi alterius: equum sane est, ut quem priores læsimus, sine ipsius culpa, & cum peccato aduersus Deum, eum nostris satisfactionibus iterum reconciliare studeamus, & offensam tollere. Atq; facillimum est, pacem impetrare ab omnibus, qui sunt uere

sunt uere Christiani: ita maiore diligentia & cura eorum amicitia ambire oportet, qui accepta iniuria furere coeperunt, & parum esse Christiani. Non enim ignoramus, quam peccent grauiter, qui alijs peccandi causam praebent. Sed hominum tamen quorundam tanta est, uel superbia uel duricia cordis, ut aegre hanc confessionem faciant: & suum delictum sibi a proximo remitti orent. Quemadmodum sunt rursus, qui uel leuiter offensi, nihil quicquam uolunt proximo, quantumcunque laboranti pro concordia & pace, ignoscere & condonare. In hunc modum utrique malunt in impietate permanere: & alteri statuunt uindictam querere, alteri iniuriam, quam proximo intulerunt, nunquam deprecari. Igitur utrique admonendi sunt, quod ab officijs Christianorum recedant.

Nam cum duae sint legis partes, quarum prior nos docet de fide bonitatis & misericordiae erga nos DEI: posterior autem de proximi dilectione: semper meminisse debemus, DEVM totam obedientiam a nobis requirere, & exigere utriusque partis Decalogi observationem, & neutram sine altera placere Deo. Imo sic requirit dilectionem proximi, ut nihil sit in omnibus, quo coli a nobis possit, quod recipiat, aut probaturus sit, si officia dilectionis in proximum negligamus aut contempnamus. Id quod liquet ex Esa. i. lviij. Ose. vi. Mich. vi. &c. Iam quod hic agimus, de reconciliando, & condonando, pertinet ad proximi dilectionem: quae impune contemni a nemine potest. Non possumus quidem ullis operibus nostris, sic iustis & bonis, placare nobis DEVM: ac possumus cito iram in nos Dei concitare, nimirum, nimio contemptu illius mandatorum: quod ne fiat, debent omnes boni diligenter cauere. Nam & fides in DEVM nulla existere potest, in illis in quibus officia charitatis omnia frigent & cessant, & nihil quam ira, iurgia, lites, contumeliones, discordiae & inimicitiae regnant. Proinde haec confessionis necessitas, & ignoscendi pietas, non parum faciunt ad fidei nostrae probationem: qua aut ipsi cognoscamus, aut alijs pro gloria IESV CHRISTI innotescat, quid in cordibus nostris lateat: qua obedientia & laude, sanctum & gloriosum nomen DEI uelimus hic interris honorare.

Hoc igitur ex officio omnes Christiani praestare debebunt: primum, qui alios offenderunt eos iterum querant sibi reconciliare, & paci quantum in ipsis est studere: idem quoque praestare debebunt qui offensi sunt, in condonando alijs sua errata. De prior ratione habemus hoc praecipit CHRISTI, Matthaei v. Si ergo offers munus tuum ad altare, & ibi recordatus fueris, quod frater tuus habet aliquid aduersum te, relinque ibi munus tuum coram altari, & uade, prius reconcilieris fratri tuo: & tunc ueniens offeras munus tuum. Tunc enim habet frater meus aliquid aduersum me, si qua in re a me laesus est: ut de accepta iniuria conqueri possit, & me apud alios accusare. Ideo enim mox sequitur in uerbo



# COMMENT. DE POENITENT.

**Christi:** Esto consentiens aduersario tuo cito, (Aduersarius ille is est, qui potest me in ius uocare, diem dicere, litem intendere, & de iniuria corā iudicibus & arbitris accusare.) dum es in uia cum eo: ne forte tradat te aduersarius iudici, & iudex tradat te ministro, & in carcerem mittaris. Amen dico tibi, non exhibebis hinc, donec reddas nouissimum quadrante. Et hæc ex mandato CHRISTI, de reconciliationis necessitate.

Cæterum de posteriore ratione, mox ab initio huius loci non pauca dixi: quibus adijci possunt, quæ sunt Matthæi xviij. de ignoscendo, & remittendo alijs sua in nos debita, hoc est; errores, delicta, atque peccata, pulcherrima & proluxa parabola, qua admonemur primum beneficiorum gratiæ erga nos DEI: ut eo proniores simus & faciliores ad ignoscendum alijs, quod aduersum nos deliquerunt. Nisi ergo gratiam Dei contemnere uelimus & perire æterna perditione, dabimus hoc uoluntati DEI, per gratiæ in nos ipsius fidem, ut proximis nostris sua in nos delicta remittamus, paci & concordie studeamus. Non conuenit enim, ut recepti in gratiam filiorum Dei, DEO in nullo similes esse, & in nullo morem gerere uelimus: sed ut degeneres filij iram, odia & lites fouere. Non respicit, non exaudit tales Deus, qui sic sunt impij & mali: hinc est apud Marcum xi. Et cum stabitis ad orandum, dimittite si quid habetis aduersus aliquem, ut & pater uester qui in coelis est, dimittat uobis peccata uestra.

Iam non multis opus est disputare, quomodo in hac reconciliationis diligentia & condonationis clementia & bonitate regnet uera in DEVM fides. Charitas enim fidei fructus est: ideo in quibus uera fides est, illi non possunt hoc utrumque officium dilectionis non facere, si casus ita ferat, ut alterius sint debitores, seu utriusq; simul. Et ualde opus habemus his talibus probamentis: ne ipsi inani fidei opinione nos ludamus.

## DE CONFESSIOE

*pruata.*

CAP. VI.

**Q**uartum confessionis genus priuatum est ac fraternum. Vt quo sine mandato Dei utimur: singuli priuatim, quoties & ubi libet: maxime tamen apud Euangelij ministros, deponentes conscientiae onus, uel pro doctrina, uel pro fidei imbecillioris confirmatione. Omnino enim huius confessionis usus liberrimus esse debet: ac nemo ad illam cogi. Nulla enim coacta seruitia possunt Deo placere: & qui non prius illam faciunt nisi cogantur, etiam coacti non faciunt, sed per hypocrisim hanc simulant, Deum & homines irident. Denique uertunt hanc sibi in causam multorum grauium delictorum & blasphemiarum, ut in sequente genere dicam.

Quamquam autem nullum mandatum Dei extet, quo nobis hæc confessio

fessio præcipiatur: tamen quando piorum conscientia in Ecclesia, illa non onerantur, non debet nec potest reprehendi. Sed Pontifex Romanus & Scholastici, illius saluberrimum usum perdiderunt. Ego uero hoc loco dicam paucis de illius fructu & utilitate: & cur existimem illius usum retinendum esse in Ecclesia: & homines doctrina & exhortationibus ad illum inuitandos.

Prima igitur commoditas est, qua ego moueor, consilium quod dubijs conscientijs, & doctrina quæ in certamine peccati, dari potest. Si enim labefactæ conscientia homines & territe, accedant aliquem pium & sacrarum literarum peritum hominem, poterunt per uerbum DEI, doctrina & consolatione, restitui. Neque facile iudicare de hac utilitate possunt, nisi expertæ conscientie. Deinde, quis ignorat, tales multos casus sese quotidie offerre nobis, in quibus nemo, quantumuis sapiens, doctus, pius, & peritus, satis idoneus ac sufficiens consultor sibi esse possit? Sicut enim humiliat DEVS, etiam summæ eruditionis & pietatis homines, ne quis in dona sua confidat: omnesque in remissionis peccati fide retineantur. Conclufit enim omnes sub incredulitatem, (hic maxima infirmitas, error, ignorantia, impietas & pusillitas, regnant.) ut omnium misereatur.

Secunda commoditas, quæ ex priuata confessione haberi potest, est mutæ orationis solarium. Oratio enim nunquam omitti debet, ubi agitur de re conscientiarum: de remissione peccati, de DEO offenso per peccatum, iterumque placando, & de uita æterna. Ac debent ministri Ecclesiæ in hac confessione adhortari homines ad mutuas preces. Nam in hac summa re assuefacere homines ad inuocationem utilissimum est: propter hanc præclaram promissionem, quæ dicit. Si duo ex uobis consenserint, de omni re quacunque petierint, fiet illis a patre meo qui in cælis est. Vbi enim sunt duo uel tres in nomine meo congregati, ibi sum in medio eorum. Math. xviij. Ita certe efficaciter capient consolationem, qui confitentes sua delicta, inuocationem non negligunt, sed illa cum ministro uerbi DEI utuntur. Fiet etiam, ne uerbum absolutionis indigne tractent.

Tertia commoditas, quæ spectari in priuata confessione debet, est absolutio priuata. Ea est certa potestas Ecclesiæ: quæ dispensant eius ministri remissionem peccati. Imo est Dei sententia: quæ ministerio sacerdotum in Ecclesia, liberi pronunciamur, cum a peccato, tum ab æterna morte, quatenus in IESVM CHRISTVM, precium pro peccato & morte credimus. Et de hac potestate, ut est Ecclesiæ tradita, paulo post plura scribemus. Cæterum priuata absolutione non aliter utendum censeo, quam baptismo seorsim qui libet utimur, & dominica cœna: nempe, ut peculiari gratiæ signo ac testimonio. Sicut in signis iubemur attende

*absolutio*



fe, quid seorsim & priuatim nobis conferatur. Verbum enim fidei priuatim uni administratum, omnino simile quid haberi uidetur, cum sacramentis. Ut sicut qui baptizantur, uel dominica coena utuntur, tum demum intelligunt suum esse, quod mysterio sacramenti perceperunt: sic cum priuatim absolutionem audiunt, certius ac firmiter discunt hic suam rem agi, non aliorum. Ac nisi aliquid posset hæc priuatorum in sacris tractatio & usus, pro confirmatiore consolatione imbecillitatis nostræ, nunquam tradita fuissent Christianis sacramenta: quæ constat esse peculiaria gratiæ testimonia, & signacula saluationis, quam in fide possidemus. Quæ etiam tantum profunt, quantum priuatim quisque illa recepit ac retinet in fide. Sic igitur adhiberi debet perturbatis mentibus, & terrore peccati concussis atque confusis absolutio priuata: & ualebit certe in fidei maius exercitium & ualidius robur. Sed de priuata absolutione etiam infra dicam.

Anemine igitur improbari hæc confessio iure potest: quæ tam bene uti possumus, & quæ habet in se tot ac tantas commoditates. Male audit quidem hoc tempore a non paucis: sed ignaris onerum & periculorum, quibus conscientiæ plurimorum premuntur, & huius usu releuari possunt. Vel potius odio & inuidia Pontificis & Scholasticorum: qui ex medicina hac confessionis delictorum priuata, fecerunt publicam quædam omnium carnificinam. Ergo cauendum est, ne eius libertas, quæ iam iterum restituitur nobis, denuo pereat ac perdatur hypocritarum traditionibus et imposturis: ita ut diu iam factum est. Orandum est autem, ut DOMINVS illius sitim in nobis accendat. Nam licet non habeat mandatum Dei, tamen nisi a spiritali mente, in qua DEVS regnat, efficax est & operatur, utiliter & pie fieri nunquam potest. Parit autem, quemadmodum & superiores conscientijs pacem: propter fidem doctrinæ uerbi DEI, & exhortationis, & consolationis, & inuocationis, & absolutionis: quæ omnia in illa tractantur, Denique accendit in nobis amorem Dei: & efficit gratos erga DEVM, atque indies meliores: qui illa frequenter, his animis & hac mente, ut dictum est, utuntur.

## DE PHARISAICA

delictorum confessione.

CAP. VII.

**S**uperest ut de secretaria confessione scribam: quam Scholastici & monachi prædicant, & quæ Pontificis Romani decreto confirmatur. Ut constet cur illam & quatenus reprobemus: quæ creditur a multis pia esse, & utilis & necessaria in Ecclesia: cum sit plusquam impia, noxia & perniciosa traditio. Collatione autem istius priuatæ, de qua proxime dictum est, constabit satis quatenus uelimus & iubeamus secretorum confessionem retineri. Non enim prorsus abijcimus illam: sed sordibus impietatis pollutam damnamus, & repurgatam ab illis adhuc retinemus. Ac mihi

Ac mihi quidem satis erit, paucis incommoda quædam eius colligere & proferre in publicum: ne tacens, forte probare crederet, quæ in Ecclesia DEI locum habere non meretur, sed refutari debet & explodi.

Igitur non permittimus, ut aliquis necessariam faciat hanc scrupulosam & pharisaicam delictorum confessionem: in qua sit quædam certa enumeratio omnium delictorum, per omnes circumstantias ducta. Quis quid, ubi, quibus modis, qualibus auxilijs, cur, quando, & quoties, qua uoluptate, fuerit in peccato, uel consensum illi præbuerit. Quis enim tradidit hominibus hoc ius, tam tyrannice de secretorum confessione præcipiendi? Quam non modo nemo amare potest, aut pia mente præstare: uerum etiam ex æquo omnes oderunt, ut molestissimum conscientiae onus. Deinde impossibile est satisfieri isti enumerationi, ut præcipitur: præsertim a rudi uulgo. Et tamen fingitur sic necessaria esse, ut nemo sine illa saluus fieri possit. Denique alia grauior blasphemia additur: dicitur enim, quod homini merito operis operati impetret remissionem peccati, cum sit inuentum mere hominum: imo Satanicum, quatenus his conditionibus, quas dixi, prædicatur.

Facit igitur peccatum, ubi nullum est: & tamen illaqueat conscientias imperitas, & inuoluit eas in mortalia delicta. Vere enim peccatum est, quicquid credis peccatum esse, & cum conscientia delicti hoc facis, uel omittis, etiam si natura sua non sit peccatum. Quod multis exemplis monstrare possem: sed nihil opus est, quia hoc omnes nouerunt. Sic peccant grauius, qui oderunt hanc difficilem secretorum confessionem: cuius se existimant debitores esse, tanquam pii & necessarij operis, coram DEO. Ita constituit præmium saluationis, per remissionem peccati: in re, ubi nusquam minus est, cum summa uanitate. Sic enim derogat fidei in CHRISTVM: tum gratiæ & meritis Domini nostri Iesu Christi. Quare non potest non noxia traditio esse: ut etiam si nulla alia incommoda illius essent, præstaret totam rei damnum, quam quomodocumque retineri. Quid quod meros hypocritas efficit ex illis, qui existimant se isti confessioni satisfacere: quam non possunt synceriter amare. Alios autem, qui illius difficultatem & impossibilitatem plane intelligunt: & credunt tamen eius se debitores esse, protrudit cum indignatione & ira atque blasphemijs contra Deum in æternæ mortis desperationem.

Nam hanc molestam, odiosam & impossibilem conditionem nobis proponit: ut peccata nostra omnia secreta, manifesta, cogitationes, dicta & facta aperiamus: ac negat esse Christianos, qui ita confiteri nolint, resque facit supplicij æterni. Habet casus reſeruatos: si quis feria sexta carnes edat, uel somniet aliquid contra decreta Monachorum, Theologistarum, inquisitorum, scilicet hæretice prauitatis & Pontificis Romani: qui tunc regi & aperiri debent. Resignatur enim sigillum confessio-



nis, in his casibus: uel cum periculo incendiij, eorum qui sic peccauerunt. O furorem Diaboli: intantum seuientis in Ecclesiam CHRISTI: quā ille sanguine suo mercatus est. Quis omnia sua peccata confiteri potest, quæ nemo nouit omnia? Imo quis uelit illa confiteri, ut maxime nosset? Imo quomodo non retegantur plurima cum scandalo & peccato: quæ tacita & tecta, ita non possunt lædere conscientias audientium confessionem? Denique dubitari non potest, innumera millia animarum, hypocrisis simulatione, rædio, pudore & desperatione huius impiæ confessionis enecata fuisse & perdita: ut est fortuna earum omnium traditionū, quæ cum oppressione libertatis Christianæ in Ecclesiam inuehuntur.

Vide igitur blasphemias & peccata: non dico, quæ sacerdotes, homines sæpe leues & impij, huius confessionis occasione admisierunt: sed in quæ inciderunt qui illa diligentissime usi sunt. Alij enim existimabant, quod merito huius confessionis, sua peccata omnia expiarent: & sic fides in CHRISTVM in illis exinguebatur. Alios uero, per latens odium, & iram blasphemantem, armauit contra DEVM: a quibus uicij ne hypocritæ quidem abesse potuerunt, ut maxime non intellexerint. Denique quos absterruit, aut, pudor aut metus periculorum in casibus referuatis, ne illam confessionem plene facerent, & multa celaret, desperatione perdidit. Constat etiam, quod multi solius infamie metu, seu timore excommunicationis, ad hanc confessionem uenerunt: qui quid prodiderint, aut qua pietate, in ista sui accusatione, cogitent homines prudentes ac pii. Quanquam isti dicebantur peccatum mortale confitendo admittere: quia non haberent legitimum ac debitum finem confessionis faciendæ. Et tamen cogeantur confiteri ac se perdendos præbere, in ista spelunca latronum.

Cum his tantis incommodis, quæ possent tanta commoda conferri, cur ista confessio retineri deberet: nisi repurgata ad eum modum, quem supra in loco de priuata confessiōe ostēdi? An quia hypocrisis inducit incredulitatē auget, et est quedā perpetua carnificina consciētiarū quæ suscitāt tandē desperationem? Nā quid aliud agit: facit peccatū, ubi est nullū p̄dicat meritū gratiæ, ubi est nullū: imo nihil nisi infinita et grādia demerita. Nō hec dicunt in absolutionis iniuriā: quæ nullis debet, nisi uere & coram DEO agnoscentibus se esse peccatores: siue delicta sua confiteantur hominibus, siue minus. Modo fide in IESVM CHRISTVM non destituantur. Nec debetur illis, qui per doctrinas & traditiones hominum coguntur ad confessionem. Ac quid multis opus est: nemo debet cogi ad hanc confessionem. Si quis enim non uolens ac lubens ad illam ueniat, spontanea uoluntate ac mente excitus, ei non modo non potest prodesse, sed necesse est quoque noxiam & perniciosam esse.

Doceri

Doceri homines de utilitate confessionis, & de fide absolutionis per CHRISTVM debuerunt: & fructus doctrinae deo & conscientijs hominum committi. Sed Episcopi iam dudum desierunt praedicare uerbum DEI: coeperuntque alijs negocijs, non Ecclesiae, sed priuatarum rerum, auariciae & ambitionis, occupari: adeoque sic agunt, quasi hypocritibus & perditionibus hominum, ignorantium ueritatem, delectentur. Sed pergant suas impietates defendere: quos perditurus est DEVS prope diem. Haud dubie enim, non tardat iudicium, ipsis debitum. Alij plura incommoda huius confessionis collegerunt: sed nolo omnia illa referre & persequi. Nec attinet dicere, quid sacerdotes mali, omnium occultorum refectione, ut cum homines suas quoque cogitationes aperirent in confessione, ausi fuerint designare: praesertim isti caelibes Pontificij regni. Ad bonos certe hinc nulla potuit commoditas peruenire: nisi fortassis pecuniae, quae auariciam augere, pietatem non potuit. Necesse est autem haec omnia scandala tolli: & repurgari ab istis Ecclesiam, quantum fieri potest. Quae si maneant, nemo queat seruari. Nec enim talia sunt, ut debeant in iudicium reseruari: uidelicet hypocritae impiarum doctrinarum, illi enim & a CHRISTO, & ab Apostolis eradicantur.

Non est tacendum, quod in iam dicta pharisaica confessione, quaedam opera satisfactoria confitentibus pro sacerdotum arbitratu imponuntur: de quibus dicunt, quod liberent homines a poenis temporalibus peccati, dogmate noxio. Sic enim obscuratur doctrina de afflictionibus & cruce: & fingitur poena esse, quod est saluberrimae correptionis: ut suo loco dicetur. Ac piget iam plura de hac impia confessione scribere: quare quae a Pontificijs hoc tempore obijci solent pro illius necessitate, ea uelim legi ac disci in eruditissimis confutationibus clarissimorum uirorum Martini Lutheri, & Philippi Melancthonis.

## DE ECCLESIASTICA POTESTATE:

*clauibus & absolutione.*

DE potestate remittendi & retinendi peccata, item ligandi & absol- CAP. VIII  
uendi, ideo constitui hoc loco dicere: quia clauum Ecclesiastica potestas ferè aliud non creditur esse, quam cum absoluuntur scilicet contritionis merito a culpa & poena, per ministros sacerdotes, hi qui ad confessionem ueniunt: siue cum impij & rebelles in Ecclesia excommunicantur, hoc est, ligantur: & emendati iterum recipiuntur, & a culpa absoluantur. Non dico, quam sit in eo perniciosus error: quia non oportet ubique Sophistarum uanitatibus & nugis immorari. Quae si usquam, ut in omnibus disputationibus de gratia, iustificatione, fide, & saluatione, certe in loco de clauibus, & Ecclesiae autoritate, conferendi hominibus peccati remissionem & aeternam uitam, sacerdotum ministerio, nimiae extiterunt. Quare praetermissis Sophistarum deliramentis & spinosis



disputationibus, mox dere dicere pergam: ut est simplissime & clarissime, adeoque sine ulla obscuritate, tradita in literis sacris.

*Claves quid:* Ergo clauium potestas aliud non est quam facultas docendi Euangelij & administrandi sacramenta: quæ a CHRISTO collata est Ecclesiae, & dispensatur per illius ministros. Hac igitur potestate admittuntur in gratiam remissionis peccati & uitæ æternæ, hi qui Euangelio credunt, & sacramentis utuntur. Contra increduli, & qui sacramenta aspernantur, ab illa excluduntur. De hac accepit mandatum Ecclesia Mat. xxviij. Data est mihi omnis potestas in cælo & in terra. Euntes docete omnes Gentes, baptizantes eos in nomine patris & filij & spiritus sancti: docentes eos seruare, quaecumque mandauimus uobis. Marci ultimo. Euntes in mundum uniuersum, prædicate Euangelium omni creaturæ. Qui crediderit & baptizatus fuerit, saluus erit: qui uero non crediderit condemnabitur. Ioan. xx. Accipite spiritum sanctum, quorum remiseritis peccata, remittuntur eis: & quorum retinueritis retenta sunt.

Hi sunt præcipui loci, ex quibus palam est, quæ sit Ecclesiae potestas tradita, in ædificationem: per Euangelij & sacramentorum dispensationem. Alia est & diuersa excommunicandi potestas: qua impij & rebelles ligantur, qui aliquando Ecclesie membra fuerunt: qui tamen cum resipiscunt, & digna uitæ poenitentia se emendant ac reuertuntur, iterum recipiuntur ab Ecclesia in gratiam & a uinculo excommunicationis absoluantur. De hac præcipitur a CHRISTO Matthæi xviij. Amen dico uobis, quaecumque alligaueritis super terram, erunt ligata in cælo: & quaecumque solueritis super terram, erunt soluta & in cælis. Porro huius exemplum extat. i. Cor. i. & ij. Cor. ij. Promiscue tamen nunc utuntur uocabulis absoluendi & ligandi, remittendi & retinendi peccata, cum de hac utraque potestate loquuntur. Doctores autem Ecclesiae sunt ministri huius utriusque potestatis: i. Cor. iij. Sic nos existimet homo, ut ministros CHRISTI, & dispensatores mysteriorum Dei.

CHRISTVS utitur clauium adpellatione, Matth. xvi. ubi Petro loquitur: Ego dabo tibi claves regni cælorum, &c. Qua uenusta metaphora Ecclesiasticum officium ornauit: quod præcipue situm est in Euangelij, & sacramentorum administratione: Claves illud adpellans, ab aperienda seu restituenda uia iusticiæ & æternæ uitæ. Promittit enim Euangelij annuntiatio omnibus, quantumcunque peccatoribus, remissionem peccati & æternam uitam. Nec requirit ad hanc mirabilem & stupendam reconciliationem DEI & hominum, nisi ut in mediatorem Christum credamus, & promissionem gratiæ, per fidem recipiamus. Ioannis primo. Dedit eis potestatem, filios Dei fieri, his qui credunt in nomine eius. Porro sacramenta sunt eiusdem gratiæ & reconciliationis testimonia & signa: ac præbent fidei exercitationem & confirmationem.

Ergo

Ergo quodcumq; docetur remissi peccati fides, per Euangelij gratiam, propter Christum: & sacramenta administrantur, in exercitium fidei & testimonium gratie, semper exercetur illa clauium potestas: quo regni æternæ uitæ ostium, nobis propter peccatum clausum, referatur: et aditus conceditur a poenis æternæ mortis ad eternam saluationem: ubi eumq; & quodcumq; hoc fiat, seu publice, seu priuatim, apud multos, uel aliquem unum. Cuius sunt uaria & multa testimonia & exempla, in tota sancta scriptura: quod peritis sacrarum literarum satis cognitum est. Huc enim facit, quicquid est testimoniorum gratie, nobis per Christum collatæ, ad eternam uitam. Iuxta illud, Ioannis x. Ego sum ostium, per me si quis introierit, saluabitur: & ingreditur & egreditur & pascua inueniet. Item illud eiusdem capite xiiij. Ego sum uia, ueritas & uita. Nemo uenit ad patrem nisi per me. Quale est & illud Petri: Act. iij. Nec enim aliud nomen est sub cœlo datum hominibus, per quod oporteat nos saluos fieri. Item illud eiusdem capite x. Huic omnes prophetae testimonium perhibent, quod remissionem peccatorum accipiant per nomen eius, omnes qui credunt in eum.

*usui & tran  
clatio clauium.*

Partitus sum autem hanc clauium potestatem in duo: nempe, in Euangelij doctrinam & sacramentorum fidei distributionem. Quia ultra hæc duo, nihil traditum esse constat a Christo & Apostolis ad proferendum gratiæ, iustificationis & uitæ æternæ regnum: siue ad reparandam ac restituendam, lapsorum in Diaboli tyrannidem, seuam & crudelem seruitutem, salutem. Sine Euangelij doctrina, ne intelligi quidem posset, qui nam Christi & clauium usus esset. Illo igitur exponitur, quæ gratia nobis per CHRISTVM adferatur. Continet autem doctrina, quæ per Christum nobis adfertur, tum promissionem remissionis peccati: tum poenitentię predicationem. Sicut testatur illud Lucæ xxiij. Oportebat Christum pati, & resurgere a mortuis tertia die: & predicari in nomine eius poenitentiam & remissionem peccatorum, in omnes Gentes.

*Clauis, duo  
cōplectitur.*

*Doctrina clauium duplex  
ratio.*

In Euangelio igitur est promissio illa remissionis peccati, de qua Io: quor: & in summa, quædam noua doctrina, incognita mundo, quod ille regnet & in omnibus creaturis imperet, qui pro redimenda salute nostra se ipsum tradidit in mortem, precium & satisfactionem pro nostris peccatis: ut etiam ipsi, quatenus credimus in nomen eius, uiuamus & regnemus per eum. Roman. xiiij. Nemo enim nostrum sibi uiuit, & nemo nostrum sibi moritur. Siue enim uiuimus DOMINO uiuimus: siue morimur, Domino morimur. In hoc enim Christus mortuus est & resurrexit ac reuixit: ut & uiuorum & mortuorum dominetur. Ephe. secundo. Cum essemus mortui in peccatis, conuiuificauit nos cum Christo: cuius gratia estis saluati. Et conresuscitauit: & una sedere fecit in cœlestibus, per Christum Iesum. Sed hæc gloriosa gratie beneficia, adhuc

*Euangelionis*



latent abscondita: nisi quatenus per Euangelium reuelata sunt. Donec & per nostri plenissimam glorificationem reuelabuntur. Interim uoluit nos CHRISTVS doceri de sua illa gloria & potestate, qua glorificaturus est mortalia corpora nostra: & consolationem per uerbum fidei habere.

*Poenitentia.*

Quorsum uero poenitentia doceatur, quæ est obedientiæ & renouationis nostræ in hac uita: qua peccato morimur, & iusticiæ uiuimus: in multis fructificantes, per opera bona, DEO et Iesu Christo in gloriam, in libro meo superiore copiose expositum est. Quapropter etiam si per uitæ suæ nouitatem nemo mereatur saluari: tamen qui sine poenitentia manent, nunquam poterunt æternæ uitæ hereditatem accipere. Requirit enim gratia, ut illam ornemus sobrietate, iusticia & pietate totius nostræ uitæ, expectantes beatam illam spem æternæ uitæ. Hinc grauitè & horrenda comminatus est CHRISTVS, his qui poenitentiam non egissent: neque ad Ioannis, neque ad sui prædicationem. Nec aliud est retinere peccata, quam his incredulis & impoenitentibus significare, quod saluari nequeant: & quod oporteat tales horribiliter perire.

*Sacramenta.*

Cæterum sacramenta fidei duo habemus: quæ sunt appendices Euangelij & testimonia gratiæ remissionis peccati & uitæ æternæ per Christum: uidelicet, baptismus & coena illa corporis & sanguinis CHRISTI. Quorum alterum uocatur a Paulo regenerationis lauacrum: per baptismum enim in filios DEI adoptamur: antea filij iræ & mortis. Alterum est gratitudinis sacramentum: atque hinc Eucharistiæ nomen habet. Reuocat enim nobis in memoriam beneficia crucis & mortis DOMINI nostri Iesu Christi: ideo illo uocamur ad gratiarum actionem. Non illius tantum quæ fit ore: sed uel maxime eius, quæ fit per nouitatem totius nostræ uitæ. Quare ut baptismus proprie exercet adoptionis fidem: Ita Eucharistia totam poenitentium uitam. Adeoque testatur adoptionem nunquam fieri posse irritam, modo in fide permaneamus: & uel lapsi resurgamus iterum ad poenitentiam. Ideo illius usus debuit esse perpetuus in Ecclesia: ut semper illud sacramentum reciperemus, quoties liberet nobis atque opus esset. Et tamen ut nemo potest credere, se in adoptionis gratia esse, qui sine poenitentia uiuit: Ita qui poenitentiam agunt, non ideo tribuunt sibi, quod illius merito sint probati & accepti DEO: sed quia fidem & memoriam beneficiorum Christi exercent ac retinent. Sed de sacramentis, si fauerit Christus Iesus, alio libro scribemus.

*Excommunicatio.*

Postremum, rejicit Ecclesiastica potestas illos, qui cum membra Ecclesie & CHRISTI esse, haberi ac credi uelint, professione tamen Christianæ uitæ admittunt indigna: siue, qui ex hisdem, in uerbum gratiæ palam sunt blasphemii, suis opinionibus & heresibus fauentes, magis quam uerbo DEI. Hec est excommunicatio: potestas ligandi & soluendi.

Que

Que quomodo & in quos debeat exerceri, item quomodo differat apostolate remittendi & retinendi peccata, infra nonnihil dicetur.

Ad hunc igitur, quem dixi, modum, debuerunt clauces in Ecclesia tractari. Nam qui aliter usurpant, plane errant: siue dedita opera male de illa merentur. Sic autem usurpatarum clauium est speciosissimum exemplum Act. ij. in Petri prædicatione. Ille enim per hanc potestatem Ecclesiæ traditam, uno sermone de CHRISTO in tantum promeruit, ut absolueret circiter tria milia hominum. Nec compunctis illis, quos absoluit, et territis in cordibus suis, & rogantibus quid facto opus sibi esset, aliud respondit quam, poenitentiam agite, & baptizetur unusquisque uestrum in nomine IESV CHRISTI, in remissionem peccatorum, & accipietis donum spiritus sancti. Proinde hoc fuit recte administrare clauces: & concessa potestate non abuti. Sic autem absoluebatur a peccato & æterna morte, quotquot Petro iubente baptizati sunt & Euangelio crediderunt.

Denique in his capitibus doctrinæ fundamentum est & summa omnium Christianarum consolationum. Nam hinc promanat, si quid docemus, si cui remissionem peccati promittimus, & pollicemur liberationem ab æterna morte, si quem exhortamur uel inuitamus ad poenitentiam, adeoque cum baptizamus & dominicæ cenam porrigimus Ecclesiæ ministerio, id omne facimus in nomine DOMINI nostri Iesu Christi. Atque inde cognosci & iudicari potest, quomodo dulcissima & consolantissima potestas sit corrupta in plurimos abominabiles abusus: atque adeo in tyrannidem quandam, quæ data est in remedium. Scholastici enim multa delyra & impia disputant de clauibus: ut cum fingunt alias autoritatis, alias excellentiæ & alias ministeriales: Cum sit una administrationis Euangelij, & sacramentorum in his terris. Et Romani Pontifices ita arrogant sibi clauces, quasi non sint Ecclesiæ potius, quam Episcoporum: aut quasi illarum maius ius habeant, quam infimus minister in Ecclesia. Nostræ sunt ergo clauces & nobis donatæ, nostræ salutis & consolationi, paci & quieti conscientiarum nostrarum concessæ: neque quicquam priuati iuris Pontifex Romanus in illis habet, nisi sicut minister, cui uæ nisi Euangelizauerit.

*Abusus clauum.*

Et de excommunicationis potestate quid dicam? quam Romanus Pontifex, & istius Episcopi & Satrapæ, mera libidine totam in quandam impiam & crudelem tyrannidem conuerterunt: Fœde etiam corrumpitur Ecclesiastica potestas per nundinationes indulgentiarum atque eos qui missas habent uenales, & fingunt, quod ualeant merito operis operari ad satisfactionem pro culpa & poenis. Nam potestatem clauium extendunt usque in purgatorium: & de fide uerbi gratiæ neminem quicquam docet. Cum non possint ulli utilis esse, nisi qui Euangelio de Chri



COMMENT. DE POENITENT.

sto credunt Nam promissio salutis, non potest ad ullum incredulum, siue in quo est ignorantia Christi, adplicari.

Hæc obseruata, diriment multas contentiones & multa scandala tollent ex Ecclesia: quæ Satan inuexit aut per indoctos, aut per malos, in Ecclesiam. Nondum discerno inter priuatam absolutionem, & publicam: quæ est publici ministerij & sacramentorum. Non minus habet illa, quam hæc: nec plus confert hæc quam illa. Quia in utraque prædicatur seruator CHRISTVS: in quem qui credit, is remissionem capit omnium delictorum, & absoluitur a culpa & poena. Siue publice hoc geratur apud multos: seu priuatim, apud aliquem unum. Fidei perpetua est remissio peccati & æterna salus: quare diligenter cauendum est Ecclesijs & ministris Ecclesiarum, ne quem absoluant, nisi qui in Christum credit. Nam homo soluere non potest, quem DEVS non agnoscit solutum: nec ligare, quem Deus soluit. Quare ex confessione fidei eorum, qui absolutionem requirunt, & sacramenta sibi dari orant, iudicari potest, quibus remissio peccati & æterna salus debeat promitti: nempe, credentibus. Ita enim non incidet absolutio in eos quibus non debetur. Quod si quidam mentiantur spiritui sancto: non tamen fallere illum spiritum possunt. Et portabunt isti iudicium suum: & prophanati Euangelij & sacramentorum dabunt horribiles poenas. Cæterum Ecclesiæ ministri erunt excusati.

SOLVS DEI ESSE, ET DOMINI IE.

*in Christi, autoritate seu potestate absoluta remittere peccata: siue liberare à culpa et poena.*

CAP. IX.

**D**ubitari non potest, penes nullum alium esse, remittere hominibus peccata eorum, autoritate seu potestate absoluta, præterquam DEVM & Dominum nostrum Iesum Christum. Sic enim recte dixerunt quidam scribæ & pharisæi, licet impia contentione contra Christum. Marci ij. Quis potest dimittere peccata, nisi solus DEVS: Idem testatur illud psal. cxxx. Si iniquitates obseruaueris Domine, Domine quis permanebit: Quia apud te propitiatio, ut timearis. Item Esa. xliij, dicitur, nimirum in persona Christi: seruire me fecisti in peccatis tuis: præbuidisti mihi dolorem in iniquitatibus tuis. Ego sum, ego sum ipse, qui deleo iniquitates tuas propter me: & peccatorum tuorum non recordabor.

Hanc ergo potestatem uendicat sibi Iesus Christus, DOMINVS & seruator noster, duplici iure. Prior, quia est filius Dei: æternus cum patre & idem DEVS. Altero, quia incarnatus, passus & glorificatus promeruit hunc thesaurum: adeoque ut ut Ecclesiæ illum, & credentibus in eum, communicare posset. Ioan. i. Ecce agnus DEI, qui tollit peccata mundi. Nam Ecclesiæ donari non potuisset, nisi mediator gratiæ Christus

Christus Iesus illum nobis promeruisse. Is ergo dedit nobis potestatem annu-  
ciandi euangelij, & remittendi hominibus sua peccata, ut mox  
copiosius dicetur.

Hæc est Noui testamenti potestas, promissa olim per prophetas: &  
nunc exhibita per Christum. Per Apostolos autem & reliquos ecclesie  
ministros prædicata, in totum orbem terrarum. Hæc qui credunt conse-  
quuntur remissionem peccati & omnium delictorum suorum: adeoque  
æternam uitam. Quæ per iusticias legis nulli unquam potuerunt dona-  
ri. Hæc uolui attexere, ut obiter monstrarem, impossibile fuisse, ut scho-  
lastici Theologi, pure explicarent clauium potestatem: quia iusticijs le-  
gis tribuunt meritum remissionis peccati. Ideo nec existimant absol-  
ui posse ullum hominem, nisi merito contritionis & aliarum iusticia-  
rum legis.

#### QVOMODO ECCLESIAE ET IL-

*lius ministris sit tradita potestas remittendi peccata.*

**I**refragabile est, & certissimæ ueritatis, etiam ecclesie tradita esse po-  
testatem remittendi hominibus sua peccata: quam illa exercet atque  
dispensat per suos ministros. Quod supra copiose docui: atq; hic pau-  
cis repetendum est mihi. Nam hæc est ministrantium potestas, non im-  
perantium: si quos ergo diligit ecclesia in ministerium, & administrati-  
onem Euangelij & sacramentorum, illi uere remittunt hominibus sua  
peccata, uere etiam conferunt illis æternam uitam. Sed sicut ministri  
Christi, Ecclesie, & dispensatores mysteriorum Dei: non ut impera-  
tores & domini ecclesie. Et tamen Romanus Pontifex, non alia re iu-  
bet se agnosci & adpellari ecclesie caput, nisi ut pro domino ecclesie ha-  
beat. Qui ius habeat, uanissimus nebulo, legum condendarum in ec-  
clesia: & opprimendi libertatem, ut uel Euangelij decreta mutandi. Si-  
cut & facit: mutat quæ statuit Christus, ut claret in Eucharistie sacramen-  
to, damnat Euangelij doctrinam: & iubet omnes in sua sententia & o-  
pinione stare. Interdicit esum carniū: & damnat nuptias sacerdotum:  
ut alia infinita taceam. Et quis dedit isti hanc potestatem? Cui quomodo  
potest plus iuris esse in ecclesia, quam minimo euangelij ministro?

CAP. X.

Sed habet suos adulatōres Romanus Pontifex: qui illi tribuunt pote-  
statem priuilegij supra omnes & totam ecclesiam: scilicet, quia ualde iu-  
uar istos audire, Pontifices dico, si quis titillet eos mentione potestatis  
dominatiuæ, potius quam charitatis ministrantis. Quid enim attinet pri-  
uilegiū adpellare, quod non est dominium unius: sed ad societatem per-  
tinet, & commune bonum totius ecclesie? Hoc pestilens malum in ec-  
clesia, recte acceptum fert excellentissimus ecclesie doctor Martinus Lu-  
therus scholasticæ Theologiæ: quod commune bonum ecclesie, pote-  
statem clauium, non ministerium multorum, sed dominium fecerint.



## COMMENT DE POENITENT.

pauorum: tyrannicam ethnicam non seruitutem Christianā spectantes.

Sed ecclesiarum curandarum ratio, quam Episcopi deseruerunt, nec deseruerunt solum, uerumetiam opprimunt, hæc erat: predicare populo CHRISTVM, docere poenitentiam, cessantes adhortari, & contra dicentibus sanæ doctrinæ resistere, administrare sacramenta, uigilare & ardentissimis uotis precari pro totius ecclesiæ profectu & salute. Suæ enim uoluntatis & potestatis Apostolos & ministros delegit & amandauit Iesus Christus DOMINVS noster: nō mundi dominos & imperatores. Non enim habet regnum ex hoc mundo Christus: ideo nō sunt Episcopi, sed ridiculæ larvæ Episcoporum, qui pretextu traditæ potestatis dominia sibi & imperia querunt ac retinēt, Imo sunt impietatis & iræ ministri: atque apostoli Antichristi.

Christi uox est: Qui non est mecum, contra me est. Et qui non congregat mecum, dispergit. Matth. xij. Hic certe queritur inter dispensatores, sicut Paulus inquit, ut fidelis quis inueniatur. Sed quis erit ille? Euangelij doctor, & sacramentorum minister: legibus quas prius dixi. Ad CHRISTVM Migitur tanquam ad unicum seruatorem animarum nostrarum omnes mitti per Euangelij & ecclesiæ ministros debemus. Nam illo omnes per ipsummet Christū uocamur. Matthæi xi. Venite ad me omnes qui laboratis & onerati estis, & ego reficiam uos. Hæc regula, qui nō procedunt, et tñ pro Episcopis et ecclesiæ curatoribus haberi uelint: quid possent nisi publicæ ecclesiæ pestes & dissipatores esse: ecclesiam enim misere fallunt, decipiunt ac perdunt. Sed flebile est his immorari scribendo: quomodo uidelicet Episcopi, & impij doctores, omnia sibi indulgent: Euangelij germanam doctrinam abolent, & nihil minus agunt, quam ut rem salutis ecclesiæ & gloriæ Christi curent. Ideo, ut dixi, ueros Antichristi apostolos agunt. Versantur in delicijs carnis, auaricia & ambitione excæcati, & quomodo possent ecclesiastico officio uacare: quod requirit infinitos labores, uigilias & curas: & requirit, ut mortem pro gloria Christi perferamus. Hæc eo dicuntur, ne quis miretur, cur res ecclesiæ, in hunc miserum statum peruenerint: in quo per incuriam Episcoporum & luxum sacerdotum Euangelij ueritas prorsum explosa est. Et horum impium errorem fouet doctrina scholasticorum Theologorum.

## DE PRIVATA

*absolutione.*

CAP. XI.

**Q** Vanquam ex prædictis, in loco de priuata absolutione, satis euidenter colligi possit, quid statuendum esse credam, de priuata absolutione: tamen libuit in hoc ordine ecclesiasticæ potestatis pauca quædam de eadem illa seorsim annotare. Postquam præsertim hoc tempore apud quosdam male coeperit audire: sicut est in omnia audax inscitia præceps

ceps. Igitur priuatum hic intelligere oportebit, quicquid in rebus fidei seorsim apud solos, siue singulos agitur: etiam si res per se sit communis, siue & totius ecclesiae bonum: ut quod in omnes, qui credunt euangelio, uulgari possit ac debeat. Sicut cum unus baptizatur: illi baptismus suus est res priuata, alioqui communissima. Sic qui ad dominicam coenam ueniunt, priuatim rem suam agunt: etiam si cum tota ecclesia adessent. Nec potest tali obesse aliorum abusus: modo ipse sit uera in Christum fide praeditus.

Non aliter priuata seu speciali & sua quisque fide uerbi DEI iustificatur & saluus efficitur: siue cum solus audit euangelium, siue in congregatione & tota ecclesia. Ac licet uerbum fidei & sacramenta non minus seorsim & apud singulos explicare ac ministrare, quam apud totam congregationem. Nam & CHRISTVS ait: Vbi sunt duo uel tres congregati in nomine meo, ibi sum in medio eorum. Matth. xviij. Iam absolutio priuata, quid est nisi administratio euangelij priuata: quae seorsim apud unum habetur. Et qua consolationem salutis adferri omnibus iussit Christus: quacunque occasione haec dari posset. Modo uerbi auditores dent non obscuram significationem, qua intelligi possit, quod annunciationis euangelij sint cupidi, & sitientes.

Sicut igitur Petrus, ut est Act. ij. una praedicatione circiter tria milia ad Christum conuertit: & ea reuere absoluit, postquam baptizari illos praecipit & poenitentiam agere. Ita cum idem sit apud unum reprehendi non potest: Imo qui non laudari deberet, ut pium ecclesiae factum. Nec aliud agitur in priuata absolutione, quam in publica euangelij administratione. Quinetiam priuata absolutio singulis exhibita est in praedicatione Petri: etiam si uno ore omnibus in commune tunc locutus est, & nulli seorsim. Tantum enim profuit sermo singulis, quantum unusquisque eorum attulit fidem ad illum. Incredulis autem non potuit prodesse: quemadmodum nec remitti talibus ulla re sua peccata.

Ergo recte adhibetur illis priuata absolutio, qui priuatim, confessione secreta, se peccatores esse agnoscunt, & absolutionem sibi dari orant. Quae pollicetur remissionem peccati & uitam eternam, his qui in CHRISTVM IESVM credunt. In summa, talis res est euangelij tractatio & sacramentorum, ut nulli ullam utilitatem possit afferre nisi qui intelligit & credit, aliquo modo priuatim rem suam agi & sibi dispensari quae faciant ad aeternam uitam. Nemo potest pro me baptizari, nemo pro me dominica coena uesci: ita nec credere pro me Euangelio. Hinc continet scriptura, iustum non aliena, sed sua fide uiuere. Sic omnia Euangelij priuata fide ad usum nostrum adplicare debemus: aut Euangelij fructum nullum unquam percipiemus.

Sed offendit tamen quosdam, quasi huius priuatae absolutionis as-



sertione, confirmemus eorum opinionem, qui existimant, quod publica euangelij predicatione nullis sua peccata remittantur: sed tantū per priuatam absolutionem & sacramenta, Quod esset uerbo DEI & efficacīe spiritus sancti derogare. Fructificat enim Euangelium in omnibus ad aeternam uitam, qui illius predicationi credunt: quacunque occasione & quocunque tempore. Nec labefactari eorum fides debet, qui audita aliqua publica praedicatione sunt contenti, & priuata absolutione non utuntur: quia ad confessionem secretorum priuatam non ueniunt. Quos nemo damnare propterea iure potest. Docemus tamen ecclesiam de bono priuatae absolutionis & confessionis: & illo permittimus omnes libere uti, sicut baptismo & dominica ecena.

Hoc uero peculiariter statuimus de priuatae absolutionis bono, quod fidem, quae est excitata in publica quadam Euangelij praedicatione, fortius confirmet. Quidam enim sic sunt infirmi, ut nisi seorsim doceantur, & confirmentur, eorum labefactatae conscientiae, nunquam possint satis pacificari. Quod non imbecillibus solum accidit: uerum etiam illis qui sibi uidentur fortes esse in fide. Nemo enim tam est firmus, ut non opus habeat ulterius confirmari: quia semper crescere in fide, & augeri pios oportet. Et ea causa certe, ad ministerium uerbi, adiecit DEVS fidei sacramenta: ceu confirmationis notas, quae conscientias nostras intensius tranquillarent. Sic quomodo non esset utilissima & efficacissima priuata absolutio: Vel propter uerbum CHRISTI: Qui uos audit, me audit. Et: Quorum remiseritis peccata, remittuntur eis. Et si enim illae sententiae publicum ministerium uerbi confirmet, non confirmant tamen minus predicationem Euangelij priuatam.

Igitur priuata absolutione sic uti debemus, ut fidei sacramentis: utique in fidei nostrae plenior confirmationem. Excitat enim & confirmat in nobis Deus hanc fidem in Christum, tum per Euangelium, tum per sacramenta. Nemo autem sacramenti usu dicitur gloriae uerbi & si dei derogare: sed iterum excitare illam, promouere & plenius confirmare. Non aliter qui priuata absolutione utuntur, maius praesidium fidei suae acquirunt: sine iniuria fidei prius conceptae. Sed imperiti quidam existimant hoc ad simulatam pietatem & fidei labefactionem facere: ita enim sumus caeci quando peccatis nostris Deus irascitur. At nouerunt expertae conscientiae quantam uim habeat ad consolandum animos territos, quae est gloria Dei, absolutio priuata: & ea nisi a bonis & pijs hominibus serio nunquam potest peti. Tantum abest ut sit noxia ecclesiae Iesu Christi. Munit enim gratiae fidem, cuius sitim antea in nobis praedicationis Euangelij publica excitauit & accendit.

NULLA PECCATA REMITTI POSSE, HIS  
*qui in opera suorum carnalium iusticiarum fiduciam ponunt.*

CAP. XII

**N**on est cur prolixè exponam hunc locum, quod uidelicet iusticia  
 rijs istis nulla peccata remitti possint, qui in opera suorum carnaliu  
 iusticiarum fiduciam ponunt: sic docti ab hypocritis & pharisæis. Nam  
 hucusq; frequenter a me tractatus est. Quam diu igitur in hoc opinio  
 nis & impietatis errore hærent homines, ne sperent saluationem. Nam  
 etiam tales blasphemæ sunt in gratiæ spiritum: quando pertinaciter reti  
 nent hunc errorem. Quomodo igitur remissionem peccati coram Deo  
 habere possent?

Igitur sæpe idem repetimus, & summa diligentia inculcamus. Quia  
 res æternæ salutis nostræ omnis pendet ab una in Iesum Christum fide:  
 quam increduli infinitis modis obscurant, ac quantum in ipsis est euer  
 tunt ac perdunt. Quid uero putas isti coram Deo mereantur, qui hoc te  
 pore non cessant gloriæ Euangelij contradicere: Et quid fieri existimas,  
 si a suis adulatoribus absoluantur. Isti quia iactant se pro operibus bonis  
 pugnare, quæ nos meritoria salutis esse negamus, ipsi uero contendunt  
 huius gloriæ meritoria esse, palam efficiunt, se ignaros esse tum legis,  
 tum græ, promissionum Euangelij & Christi: & in summa, totius  
 Christianismi.

Tales igitur frustra est absolui: nec remittuntur eis peccata, ut etiam  
 sexcenties una die per adultores Papistas absoluerentur: & totis plau  
 stris indulgentiarum & bullarum pontificalium, uere nugarum & mē  
 datiorum, onusti essent. Nam quæ possent peccata condonari his, qui  
 grauissimum incredulitatis peccatum, ne peccatum quidem esse agnos  
 cunt: quin etiam pro summa iusticia defendunt, & predicationi ipsius  
 Euangelij in omnibus aduersantur. Non obscura uox est Pauli: Ignor  
 antes iusticiam DEI, & propriam querētes statuere, iusticiæ Dei non  
 sunt subiecti. Roman. x.

Talibus ergo cum Deus nulla condonet peccata: nec homines con  
 donare possunt, seu absoluerè eos a peccato. Quod si quis illos absoluit  
 tamen fallit: nisi retraxerit ab errore & impietate, & pertraxerit ad fidem  
 in Christum. Quia sunt filij perditionis, quam diu in hoc incredulitatis  
 peccato hærent: excecati a diabolo. Quare impij iusticiam inuoluntate  
 querunt iusticiam: quam accipere nunquam potuerunt. De cuius ratio  
 ne uide disputantem Paulum, ad Roman. ix. Et ut candidiores niue esse  
 fingerentur: tamen foedissime cōmaculati sunt, incredulitatē, presump  
 tione, pharisaicis opinionibus, & cultibus. Quales hoc tempore præci  
 pi sunt monachi.

QVID SIT ALLIGARE ET SOLVERE:

*remittere ac retinere peccata: certo discrimine.*

AA



CAP. XIII.

**P** Romiscue fere utimur uerbis alligandi, soluendi, remittendi, & retinendi: ex euangelio de ecclesiastica potestate sumptis. Cum sit eorum nonnullum discrimen: & officia ecclesiastice potestatis diuersa illis tradatur. Nam Matthæi xviij. utitur CHRISTVS uerbis alligandi & soluendi: & eo loco, de excommunicandi potestate agit. Cæterum Ioannis xx. posuit uerba remittendi & retinendi: ubi ministerium prædicandi euangelij instituit, & remittendi omnibus peccata, per promissionis gratiæ fidem. Quanquam autem abusus uerborum nihil obstat tractationi rerum: tamen discrimen duplicis potestatis diligenter discere oportebit. Potest quidem & soluere dici quisquis remittit peccata: cum nulli peccata sua remittantur, qui a uinculo Satang, in quo est, propter peccatum, non soluentur. Sic & ligare dici possunt ecclesiæ doctores, quando retinent incredulorum & impenitentium peccata: cum alijs retineri non possint, nisi qui ipsi in uinculis diaboli manent. Sed alia est tamen soluendi & ligandi, & alia rursus remittendi & retinendi potestas: ut intelligas aliud quiddam esse retinere quam alligare: aliud item remittere quam soluere. Remittitur enim omni, qui in CHRISTVM IESVM credit, suum peccatum: soluitur autem qui uinculo excommunicationis fuit alligatus. Ita rursus retinetur incredulis sua peccata: & flagitiosi in ecclesia soli uinculo ecclesiasticæ censuræ alligantur, & extra communionem illam ejiciuntur, in qua sola est remissio peccati, & eterna salus.

De hac duplicis potestatis ratione utile est aliquid dicere & nosse: quæ re hic inferā de ea non nihil. Ministri igitur non oīa ligata solunt: sed a se ligata tantum in his terris. Nec omnia retenta remittunt: oportet enim ut aliqua iudicio DEI permittant. Sed remittunt, quæ relinquunt homines: nempe, peccata: cum palam sit, ex fide illorum, seu confessione & poenitentia remissa esse coram DEO. Ita quidem necessario præcedit ligatio solutionem: non item retentio remissionem. Sed aliter se respiciunt hæc duo: quia fieri potest ut quibusdam sua peccata remittantur, ut nulla neque præcedat neque sequatur retentio: ac rursus, ut peccata quorundam retineantur, sine ulla aliorum remissione, seu precedente, seu sequente. Nam credentibus euangelio remittuntur sua peccata: quæ incredulis retinentur. Atque ex hac collatione manifestum est, quod remittere & retinere peccata, pertinet principaliter ad euangelij annunciationem: ac respicit hominum fidem & incredulitatem. Ligare autem & soluere, est correctionis modus & consolationis: ideo respectum habet ad actiones & opera nostra. Etenim flagitiosi ligantur: qui rursus tamen quando resipiscunt & poenitentiam agunt recipiuntur in gremium ecclesiæ, & a uinculo diaboli soluntur, & consolatione euangelij tranquillantur.

Igitur re/

Igitur remittere peccatum non est aliud, quam prædicare remissum: his qui euangelio de remissione peccati per CHRISTVM credunt: *Remittere peccatum.* & sacramento fidei in hoc, tanquam confirmationis nota utuntur. Nam qui non credunt euangelio, ijs nec debentur fidei sacramenta. Quorum *Retinere peccata.* peccata retineri dicuntur, quatenus docetur, quod nulla talibus peccata remitti coram DEO possint. Et exempla horum habes Marth. xi. & Act. xij. Rursus alligare, est lapsos & eos impoenitentes ab ecclesiæ communionem excludere: ut qui ipsi se excludunt, & salutifera monita & correptiones ecclesiæ non ferunt, sed aspernantur. *Alligare.* Quales ad poenitentiam conuersi, cum ab ecclesia iterum recipiuntur, dicuntur solui: scilicet a *Solvere.* uinculo quo ab ecclesia alligati fuerunt, ut essent in potestate diaboli, donec rursus conuerterentur.

Proinde ubi agitur de potestate excommunicandi diligenter præmittitur alligandi uerbum: ut intelligas, prius esse, ut dixi, ligare quam soluere. Solui enim non potest, nisi qui antea ligatus fuit: nempe, homo CHRISTVM professus, sed nunc peccatis mortalibus indulgens, & contemnens ecclesiæ dehortationes. Contra ubi agitur de ministerio prædicandi euangelij & remissionis peccati per Christum, præmittitur remittendi uerbum: quia prius est docere homines de remissione peccati, quam incredulorum peccata retineri possint. Sæpe enim dictum est, remitti peccata solis qui in CHRISTVM IESVM credunt. Hinc necessario sequitur, incredulorum peccata irremissibiliter retineri.

In hunc modum qui prædicant Euangelium, semper aut remittunt aut retinent peccata: remittunt enim, cum habent qui euangelij promissionem recipiunt per fidem: retinent autem, cum in eos incidunt qui euangelio fidem nullam habent. Et illo officio seu ministerio non dicuntur tamen soluere aut ligare. Alligari enim solent facinorosi per modum correptionis: solui autem resipiscentes & per poenitentiam iterum reuersi: quibus tunc mitigatur castigatio, uel potius in consolationem mutatur. Sed remittere & retinere peccata certa doctrinæ ratio est: nempe, de remissione peccati & uitæ æternæ per CHRISTVM: quæ quisquis per incredulitatem aspernetur, non possit saluari. Ioannis iij. Mar. ult. Soluere autem & ligare, sunt iudiciariæ potestatis officia in ecclesia.

Ex his clare intelligitur, aliam esse docentium potestatem, & ministrantium sacramenta: quæ exercetur fere per unius administrationem in ecclesia particulari: aut plurium, sed sibi succedentium, per uices docendi et ministrandi, nunquam autem per totam congregationem. Tum quia hoc non potest fieri: tum etiam quod non sunt omnes apti ad docendum & ministrandum. Hinc suos ministros habet ecclesia, quibus docendi munus, & ministrandi sacramenta, committit. Rursus, aliam esse excommunicandi potestatem: est enim iudicij in facinorosos ecclesiæ filios, &



exercetur emendationis causa, in eum qui deliquit, & perseverans est in proposito operis mali. Hanc nemo unus usurpare potest: nec debet Episcopis solis concedi. Sed illi ad suum iudicium, etiam ecclesiae iudicium conuocare debent: & cum tota ecclesia sententiam dicere, aut certe cum meliore istius parte, ordinata ad hoc iudicium. Hoc ita fieri debere satis liquet ex mandato C H R I S T I: Matthaei xviij. & ex Pauli exemplo: prima Cor. v.

Licet igitur, quod nullis sua peccata retineantur, quin simul ligentur: eo quod se euangelio Christi indignos probant. Et, quod nullis sua peccata remittantur, qui simul ab illis soluentur: eo quod in fidei gratia emendati, qua illis confertur remissio peccati & aeterna salus, reuertuntur. Tamen neque fidei hostes, ut perfidos Iudaeos, seu Idololatrias gentes alligamus: licet utriusque blasphemi sint in DEVM & Iesum Christum. Non enim sunt de ecclesia ut corripiri possent: hoc est, alligari. Sed illorum peccata retinemus, quia non licuit eos praeterire, quin de eterna saluatione admonerentur. Quam cum aspernantur, docemus saluari non posse: hoc est scilicet, retinere eorum peccata, seu pronuntiare perditos et damnatos esse. Ad hunc modum, neque soluimus, nisi eos qui prius fuerunt totius alicuius congregationis iudicio & consensu ligati: quod accidere non potest, nisi illis prius Christum qui receperant, sed per peccatum & impenitentiam iterum amiserunt.

In summa, sicut retinere peccata, non est proprie eijcere ex communione peccatorem: ita remittere non est recipere eiectum. Sed alligare, est eijcere: & soluere, est recipere. Remittere autem, est docere, remissa esse peccata: & retinere est docere, cur remitti peccata non possint. Eatenus ergo remittere & soluere, proprie non sunt unum: sicut nec retinere & alligare idem esse possunt. Nec inutile est hoc discrimen exacte tenere: quod facilius etiam & exactius disci potest ex euangelio apud Matthaeum & Ioannem, quam ex hac mea collatione. Ego tamen postquam incidi in potestatis ecclesiasticae mentionem mei officii, eleratus sum, & de hoc discrimine obiter non nihil differere.

Postremum, non oportet penitus relinquere intactum: potestatem remittendi peccata, & alia officia ecclesiae, esse communia omnium baptizatorum: sed quae nemo illorum ministrat, nisi uocatus ab ecclesia. Debet enim minister ecclesiae sui uocationem expectare. Aliud est & diuersum, si quid horum fieri praecipiat necessitas: tunc enim urget uocatio omnium communis: & proximus quisque poterit non solum, uerum etiam debet fratrem suum euangelica consolatione consolari, & a peccatis absolueret, sacramenta illi porrigere, & alia officia apostolica pro illius salute facere. Ita saepe accidit, ut mulierculae baptizent infantes in casu necessitatis: qui certe rebaptizari non debent. Sunt enim lauacro salutis loti, sed ex

eternae mortis, sint commutatae in alias purgatorii, seu huius uitae temporales. Nam Christum habemus, quatenus in illum credimus, qui factus est nobis a DEO perfectissima sapiētia, iusticia, sanctificatio & redemptio. Etenim quicquid est, nobis est: p nobis incarnatus, passus est, glorificatus. Vulneratus est enim propter peccata nostra: & attritus est propter scelera nostra. Agnus ille DEI, qui abstulit peccata mundi: & mortem extinxit. Ioannis i. v. &c.

Fides redemptio  
tionis.

Quod igitur dicunt Theologi, Deum cum sit misericors, remittere culpam: sed cum sit etiam iustus iudex, mutare necessario poenam aeternam in aliquas temporales: satis arguunt se ignaros esse beneficii Christi, aut contemnere illud. Si enim uoluisset DEVS remissionem poenae aeternae, in aliam temporalem commutare, nunquam dici de Christo posset, nos perfectissime per ipsius mortem Deo reconciliatos esse: nec iam esset perfectus seruator noster, perfecta hostia, in nostri redemptionem eternam. Sed oporteret simul statuere, redemptionis gloriam partim deberi ipsi quoque purgatorio, partim alijs calamitatibus nostris corporalibus, quas hic patimur: quin etiam partem, nostris satisfactionibus, & partem deo isti terrestri, qui residet Romae & indulgentias uenales habet. Et quot obsecro & quam mirabiles nunc redemptores efficerentur? Denique, Christus uix in minima parte glorię haereret.

Falsa est igitur & impia multis modis illa satisfactionis doctrina, quae est Scholasticorum: uere enim pro peccatis nostris satisfecit Christus, & iram Dei uere abstulit nobis. Estque absolutio operis perfecti et consummati, in illa satisfactione pro nobis Christi: sicut testatur illud Heb. ix. CHRISTVS per proprium sanguinem introiuit semel in sancta, aeterna redemptione inuenta. Item capit. x. Vna enim absolutione consumauit in sempiternum sanctificatos. Igitur in fide redemptionis, certos nos esse oportet, nobis perfectissime placatum & reconciliatum esse Deum patrem, beneficio traditionis Christi in mortem: sicut testatur illud Pauli: Iustificati per fidem, pacem habemus erga DEVM, per Dominum nostrum Iesum Christum. Hanc uero fidem abolent & extinguunt, quantum in ipsis est Scholastici doctores & hoc tempore aduersarii nostri & Papistae.

Erigunt autem desperationis doctrinam, in doctrinae fidei locum. Quia territam conscientiam, occasione doctrinae de satisfactionibus, necesse est ita cogitare: Deum neque uere placatum esse nobis, neque uere remittere peccata, si illi pro poenis peccati sit satisfaciendum. Quod etiam intelligit impossibile factum esse: propter immensitatem debiti poenarum. Quid enim quod Sophistae cauillantur: amicitia non exigit equiualens, sed quod possibile est: Ita enim Thomas perpetuo nugatur, ex somnio cerebri sui, non bene purgati. Nos igitur ita statuamus, tunc uere plac



COMMENT. DE POENITENT.

scire esse nobis Deum, & peccata nostra uere esse nobis remissa, quando nullum prorsus peccatum uult nobis imputare, & nulla punire in nobis, credentibus in Iesum Christum. Nec sine huius certa noticia & fide, potest ulla uera, firma & Christiana pax in cordibus nostris erga Deum existere: neque Deus uere diligere. Sed odiunt illum homines, sicut tyrannum: Oderunt enim quem metuunt. Gratia Theologis, pro sua bona informatione.

Vt Deus perdat istas cerebrosas cogitationes Sophistarum, quibus efficiunt ut Christiani peius sentiant de Deo quam Ethnici. Deus iubet, ut Euangelio credamus, de perfectissima redemptione nostri per Christum: atque sic pacem in cordibus nostris, & æquissimam mentis tranquillitatem, habeamus. Hanc cognitionis gratiæ & Iesu Christi fidem euerunt doctores satisfactionum: & miseros fructu fidei, hoc est, pace conscientiarum, fraudant. Denique & æterna salute: ut quos a fide dericiunt in dubitationem & desperationem.

Quomodo est precium pro peccato & morte, pro culpa & poenis, Iesus Christus DOMINVS & seruator noster: si nos ullo modo per nostras menstruatas iusticias, per ridicula & stulta satisfactionum nostrorum opera, possumus Deum placare: si nobis ullo modo satisfaciendum esset, oportet peccati poenas æterna morte persolvere. Lex enim damnat peccatores æterna morte. Gal. iij. Nam quod comminiscuntur Sophistæ poenas æternas mutari in temporales: id nos ostendimus fictum esse ac falsum & impie dici: non modo sine omni testimonio scripturæ, uerum etiam contra scripturas. Et quod addunt operibus satisfactionum nostrarum redimi temporales poenas: hoc est gloriationem operum nostrorum reducere, uel inuito miserentis omnium nostrum Deo, & filio Dei redimentis nos a peccato & ira. Poenæ peccati sunt ac manent omnes calamitates & ipsa mors quatenus impijs accidunt & incredulis Ioan. iij.

*Finis operum  
bonorum.*

Cæterum ex iam dictis, de nostri redemptione & fide redemptionis, facile iudicare est, de fine operum bonorum: quo uidelicet loco mereantur haberi. Statuendum est enim, in operibus nostris nullam satisfactionem esse, seu pro culpa seu pro poenis. Loquor autem de uere bonis illis debitis atque necessarijs, a DEO præceptis: non de fatuis istis, atque indebitis, commentis Sophistarum. Quod si operibus a Deo præceptis nihil meremur, seu remissionis peccati, seu culpæ: quanto minus fatuis istis & indebitis, de quibus est in satisfactionum doctrina apud Scholasticos, aliquid tantorum beneficiorum gratiæ mereri possumus? De quibus est illud CHRISTI: sine causa autem colunt me docentes doctrinas, mandata hominum.

Sed licet nullis operibus nostris remissionem culpæ aut poenæ mereamur: tamen illa opera quorum obedientia est nobis præcepta a Deo, semper

semper debent fidem redemptionis nostræ sequi. In hoc certe, ut gloriā gratiæ DEI, hac nostra qualicuncq; obedientia ornemus: cum ita erudiat nos gratia, ut implemde uoluntati Dei in omnibus actionibus uitæ nostræ studeamus. Cauere etiam debemus, ne misericordiæ in nos gratiæ DEI, & beneficijs Domini nostri Iesu Christi, uideamus ingrati esse: siue dedita opera illa contemnere uelle, ita ut faciūt qui frigent in studijs bene operandi.

Liquet uero ex his opera nostra pertinere ad fidei nostræ exercitacionem: & facere ad confessionem gloriæ Dei & IESV CHRISTI Domini nostri. Qui dedit semetipsum pro nobis, ut nos redimeret ab omni iniquitate, & mūdaret sibi populū peculiarem, sectatorē bonorū operū Tit. ij. Hoc nomine sunt illis, qui credunt Euangelio sacrificia confessionis, laudis et gratiarum actionis: illa nimirū, quibus carni & desyderijs illius morimur & proximo in quibullibet calamitatibus ipsius seruimus. Roman. xij. etc. Neq; em̄ aliter accepta sunt, nisi quatenus in fide nominis Domini & seruatoris nostri Iesu Christi illa prestamus. i. Petri ij.

Hos bonorum operum fines, nunquam intellexerunt Sophistæ, isti meritorum carnalium iusticiarum & satisfactionum nostrarum magistri. Sed CHRISTVS & Apostoli illos fines prædicant: uelut Matth. v. Sic luceat lux uestra coram hominibus, ut uideant opera uestra bona, & glorificent patrem uestrum qui in cœlis est. i. Cor. x. Siue ergo manducatis, siue biberis, siue aliud qd facitis, omni ad gloriā Dei facite. Et Col. iij. Omnia quæ facitis, aut uerbo, aut facto, omnia in nomine Domini IESV CHRISTI facite, gratias agentes Deo & patri per ipsum.

Sed quale est obsecro, fines operum tales excogitari, qui cum gratiæ & redemptionis nostræ fide ex diametro pugnant? Maneat igitur certum & immobile, pro gloria gratiæ Dei, & seruatoris Iesu Christi, & confirmandis conscientijs nostris, quod per uiam Iesu Christi mortem, perfectissimæ redempti simus, a peccato & omnibus pœnis illius: & illa redemptione nos æternum beari, quatenus in Iesum Christum credimus. Quem nos decet studio bonorum operum glorificare: sicut Paulus docet, Tit. iij. de his, inquit, uolo te affirmare, ( loquitur autem de gratia & beneficijs redemptionis nostræ, quæ sunt per Christum. ) ut qui credunt Deo, solliciti sint bonis operibus præcellere. Nec enim durare fides ipsa potest, ubi nulla sunt exercitia bonorum operum. Fide enim iustificamur, quæ est efficax dilectione. Et Paulus Timotheo scribens. Finis, ait, præcepti charitas ex puro corde, conscientia bona & fide non ficta. Crescit denique & confirmatur fides operibus bonis, ij. Petri i.

Hæc dixi, ut reuellens impias opiniones Sophistarum de operibus, interim & de operibus bonis aliquid docerem. Si enim opera & satisfactiones nostræ aliquid possent, in his rebus, quæ sunt saluationis no-



stræ, quo ad remissionem culpe seu poenæ: quæ CHRISTVS per mortem suam nobis parauit & acquisiuit: certe non parua gloria operibus nostris coram DEO deberetur. Cuius blasphemiarum autores, & qui pertinaciter istum errorem impium defendunt, ut finaliter non resipiscant, eos necesse est contempe gratiæ poenas dare: in die iudicii, Domini & seruatoris nostri Iesu Christi.

Sane enim opera nostra sic sunt immunda carne, & imperfecta, ut nisi ex fide remissionis peccati fiant, nunquam possint Deo placere. Hypocritis latet enim, in tota nostra uita: quare hanc mendacem carnis nostræ gloriam, quæ tribuitur actionibus uirtutum nostrarum perfectio operis boni, deus non potest, in ultam ferre, aut dimittere. Quid uero si hanc gloriam tribuas operibus, quæ deus plane ac prorsus non requirit: Imo de quibus testatur & pronunciat, quod nolit illis coli: Quoniam autem fiducia & gloriatio iusticiarum nostrarum semper est impia: ideo deus efficit pro amplitudine & bonitate misericordiæ suæ, ne in quo alio gloriemur, præterquam in nomine Domini & seruatoris nostri Iesu Christi. i. Cor. i. & sic in sempiternum beati simus. Quare operando uiuamus & fugiamus istos fines operum, de quibus Scholastici theologi contionantur, malo spiritu acti.

## DE AFFLICTIONIBVS CORPO-

ralibus sanctorum.

CAP. XVI.

**P**ostremo, hoc quoque pessime fit a Theologis scholasticis, quod corporales afflictiones etiam numerant inter opera satisfactoria, tanquam sint precium pro peccato & illius poenis. Quanquam alios quoque fines illarum faciant: sed quatenus satisfactorias prædicant, addunt illas condiciones: in quantum cadant sub uoluntate patienter illas acceptæ te & sustinere uolente, dummodo alias sit talis homo in charitate. Exigunt ab homine patientiam in afflictionibus: iubent etiam dilectionis spiritu prædictum esse, quem nihil prorsus docent de uera in IESVM CHRISTVM fide. Cum utrumque sit impossibile carnali naturæ: primū, patientiam in calamitatibus corporalibus præstare & retinere, sicut satis docent horribilia exempla Israelitarum. Deinde, amari DEVM & legem, ab eo quem nihil erudias de fide misericordiæ Dei & propiciatoris Iesu Christi.

Ergo statuere iubent de afflictionibus & calamitatibus corporalibus, quod sint peccati poenæ: quæ alioqui sua natura terrent omnes homines, & in incredulis gignunt iram aduersus DEVM & murmur & nouissimo desperationem. Cum enim talis doctor accedit, qui præcipit credere, esse illas peccati poenas, impossibile est eas cum poenitentia, sine murmure & sine desperatione perferre: nisi animus audientis, sit melius eruditus. Sic enim accidit ipsi Iob, ab eius amicis, opprobrantibus illi peccatum: &

tum: & calamitatum ipsius causas peccatum esse dicebant. Sed Iob illis fortiter restitit, permanens in fide: quod sine ira, contra suum peccatum. sic exerceretur illa sua corporali aduersitate. Quare & discere refert alios meliores fines esse, afflictionum & corporalium calamitatum, quã quos Scholastici imaginantur in illo somnio de satisfactionibus pro debitis poenis. Nam in impijs quidem sunt poenę peccati: in pijs non item. Quare nec poenę a talibus debent adpellari, sicut nec credi: sed fidei exercitia. Exercent enim ac probant pios: adeoq; confirmant probatos, quatenus illas in fide nominis Iesu Christi sustinuerunt.

Et de illo afflictionum corporalium usu admonuit nos Paulus, Roman. v. Gloriamur in tribulationibus. Scientes, quod tribulatio patientiam operatur: patientia autem probationem: probatio uero spem: Spes autem non confundit. Hoc enim de pijs & sanctis hominibus dicit: qui affliguntur, non in poenam peccati, (sicut nec CHRISTVS hac causa afflictiones sustinuit: per quem sunt recepti in gratiam & filij dei, & remissionem omnium delictorum suorum acceperunt: ut non possint ea causa affligi.) sed in uberiorem materiam atq; occasionem maioris glorię eorum. Quibus est scilicet, tribulatio, quoddam exercitium patientiæ: patientia autem declarat uere pios esse & probatos coram deo: cum perseverent, ferendo tribulationes sine murmure contra deum: quod impossibile est impię & carnali naturę præstare. Deniq; ipsa probatio securius munis illorum spem in D E V M: & efficit, ut indies crescat ac confirmetur.

*De gloria afflictionum:*

Talia igitur exempla iudicare oportet, esse in afflictionibus martyrum: uelut Ioannis Baptistæ, Stephani, Petri, Pauli & similibus, & in summa omnium piorum. Non enim fuerunt, neq; sunt, peccati poenę: sed præcipua quædam testimonia gratiæ dei, conferendi in sanctos maiorem gloriam. Nam etiam diligit deus filios suos eximie glorificare: contra impij mundi spem & opinionem, ut cum iudicat illos perire, in summam gloriam exaltentur. Sicut cernere est in capite omnium sanctorum IESV CHRISTO: & in eo, qui typum Christi ea in re gessit, nempe Ioseph, qui contra fratrum spem apud Aegyptios insigniter glorificatus est. Hęc cognita in fide, efficiunt demum ut afflictiones cum patientia perferamus.

Sed in quibus hæc afflictionum causa non habet locum, eos tamen agnoscere oportebit, adhuc alios & potiores fines esse, quam ut pro peccati poenis habeantur. Seruiunt enim & ad correptionem nostri & emendationē. Et de his afflictionum causis, dicitur Esaia xxvii. Sola uexatio intellectum dabit auditui, Et psal. cxviii. Bonum est mihi, quia humiliasti me: ut discerem iustificationes tuas. Et i. Cor. xi. Cum iudicamur a DOMINO corripimur ne cum hoc mundo condemnemur. Hęc ad

*Corruptio et eruditio in afflictionibus*



poenitentiam agendam solum inuitamur afflictionibus: uerum etiam ad diuini nominis inuocationem, qua beati sumus. Subscribam autem utriusque horum exempla: prioris illud, Prouerb. iij. Fili mi, noli negligere disciplinam Domini: neque fatigeris, dum ab eo argueris. Quem enim diligit DOMINVS castigat: flagellat autem omnem filium quem suscipit. In hanc sententiam certe erudite & pie dictum est ab Augustino: Quicquid deus permiserit pati: scias esse flagellum corrigentis, non damnantis. Huc facit exemplum Mariae sororis Moysi, quam Dominus lepra percussit: & emendatae priorem sanitatem iterum restituit. Posterioris cape hoc exemplum, seu testimonium, quod est psal. xlix. Inuoca me in die tribulationis, & eripiam te & glorificabis me. Sic ergo uel inuitos, per calamitates trahit deus, pigros & inertes, ad sui nominis inuocationem: qua illos saluet. Omnis enim quicumque inuocauerit nomen Domini saluus erit.

Qui hunc usum correctionis ignorant, eos impossibile est cum patientia, uel minimam perferre. Valde igitur necessarium est, haec ita habere, cum docere, tum discere: ut fides exerceat in his presentibus calamitatibus nostris, ne illorum fructum amittamus, & in contrarium malum incidamus. Quid enim faciat in articulo mortis instantis, horribili illo spectro, quod est terroris peccati & mortis, imminente: qui nullas unquam calamitates didicit in fide perferre: existimare et credere, quod bona & propicia uoluntate dei corripitur & erudiat. In hoc enim ordine & mortem corporalem piorum oportet numerare: quatenus est exitium eius uictae per CHRISTVM. Neque enim durat amplius in poenam: sed in abolitionem corporis peccati. Cui Paulus ita iubet insultare: Vbi est mors aculeus tuus: ubi inferne uictoria tua?

Ergo ut corripiat quidem nos DEVS corporalibus calamitatibus aliquando, quod fit saepe, quia in multis est quotidianum: tamen non oportet statuere, quod illis calamitatibus nostris satisfiat pro peccati poenis, multo minus quod sint correptiones irae dei: sed quod illo modo tamquam a beniuolentissimo patre retahamur a peccato & emendemur. Ac refert assuescere, ut cum loquimur de afflictionibus, & calamitatibus illis corporalibus nostris, ne adpellemus illas castigationes irae, ultionis ac poenas: sed correptionem, uirgam erudientem nos ac emendantem, beniuolentiae signum, disciplinam, castigationem & crucem beatorum. Nam hunc in modum habemus deum eruditorem nostri: quem admodum in his terris corporales parentes. Atque huc pertinet eruditissimus ille & sanctissimus locus, de bono huiusmodi correptionum, qui est Hebrae. xij. Si in disciplina perseveratis, tanquam filij uobis offert se DEVS. Quis enim filius quem non corripit pater? Quod si extra disciplinam estis, cuius participes sunt omnes filij, ergo spurij & non filij estis. Deinde

Patres

Patres quidem carnis nostræ eruditores habuimus, & reuerbamur eos: quin multo magis obtemperabimus patri spirituum, & uiuemus. Et illi quidem in tempore paucorū dierum, secundum uoluntatem suam erudiebant nos: hic autem ad id quod utile est in recipiendo satisfactionem eius. Omnis autem disciplina in præsentī quidem uidetur non esse gaudij, sed moeroris: postea autem fructum foelicem iusticiæ reddet exercitatis per eam.

Sic igitur utiles sunt castigationes, his qui a Domino corripuntur. Nam uel promouentur in bono, sicut illi, qui pro nomine CHRISTI patiuntur. Quibus afflictiones sunt gloriosissimæ: & probatis ac perseverantibus adferunt in æterna uita iusticiæ beatissimam coronam. Iuxta illud, Matth. v. Beati, qui persecutionem patiuntur propter iusticiam, quoniam ipsorum est regnum cœlorum. Item gaudere & exultare, quoniam merces uestra copiosa est in cœlis. Item prima Pet. iij. Charissimi ne admiramini in tentatione, quæ ad experimentum uestri fit, quasi noui aliquid uobis contingat: sed tanquā cōmunicantes Christi passionibus gaudete, ut & in reuelatione gloriæ eius gaudeatis exultantes. Si exprobratur uobis nomen Christi, beati eritis: quoniam gloria & spiritus DEI super uos requiescit, qui apud eos blasphematur, apud uos autem glorificatur. Vel rursus conseruantur in bono: ne Dei sui obliuiscantur ac lasciuire incipiant. Sicut illi qui in prosperitate nimia seipsis subinde fiunt deteriores: ut est in exemplis Israelitarum. De quibus Moses in Canticō: Deut. xxxij. Incrassatus es dilectus & recalcitrauit: impinguatus, incrassatus, dilataratus est: dereliquit Deum factorem suum, & neglexit DEVM salutis suæ. Haec causa & sanctis hominibus utile est ac necesse aliquando humiliari & premi aduersitatibus: ne deum suum derelinquant, & obliuiscantur seruatoris sui. Deinde ne efferantur apud se magnitudine donorum: sicut Paulus de terroribus suis, quas a diabolo patiebatur, scribit. ij. Cor. xij. Et ne magnitudo reuelationum extollat me, datus est stimulus carni meę, angelus Satanæ, qui me colaphizet. Propter quod ter Dominum rogauī, ut discederet a me: & dixit mihi, sufficit tibi gratia mea. Nam uirtus in infirmitate perficitur. Vel denique reducimur ad bonum castigati, lapsi in quædam uicia & peccata: ut est in exemplo Mariæ sororis Moysi, quod supra citauī.

In hunc modum multipliciter seruiunt nobis quelibet tribulationes: quæ impijs omnes accidunt in peccati poenam, quemadmodū & mors corporalis & denique æterna. Fit etiam, ubi Deus certa quædam delicta, certis cladibus & calamitatibus punit: ut alij ad peccandum efficiantur cunctatiores. Huc enim pertinent, poenæ illæ fontium. Nam illorū peccata, non sine ordinatione & uoluntate dei, officio ciuilis magistratus & legibus castigantur: alij in exemplum. Quales castigationes, non

*Poenæ fontium.*



sunt optandæ: sed modis omnibus fugiendæ. Sicut Petrus ait: Nemo autem uestrum patiatur ut homicida, aut fur, aut facinorosus, aut insidiator. Si autem ut Christianus: non erubescat. Glorificet autem Deum in isto nomine. Sunt etiam plurima exempla illorum, quos Deus in ira sua castigauit: sed pertinent ad impios, in quos deus ultionem exercuit, iudicans illos ac damnavit: non corripiens aut trahens illos ad se. Sic enim multos in populo suo, propter idololatriam, tentationes, murmura, fornicationes & seditiones grauissime afflixit, & horribilibus cladibus extinxit. De quibus lege quæ sunt. i. Cor. x. Et huiusmodi exemplorum plenus est mundus: in quo, uelut in magno theatro, cernere est, grauia peccata, fere sine grauissimis poenis nunquam transire. Nam & Davidis cædes & adulterium, etsi Deus illi ignosceret, plurimas grauissimas calamitates post se traxit.

Igitur afflictiones, crux, mors temporalis, & quæcunque tribulationes, longe alium finem & usum habent, quam ratio & naturalis captus uidere aut percipere possit. Igitur sensus nostros captiuare in obsequium uerbi fidei debemus: ne quod est remediij & summæ felicitatis, nobis in iram & perditionis occasionem nostro uicio conuertamus. Sed et scholastici Theologi non recte iudicant de afflictionibus piorum: quando illas statuunt, esse satisfactiones pro peccati poenis, aut consumationes sanctorum. Sæpe enim dictum est, non esse aliud precium pro peccato, morte & illius omnibus poenis, præterquam mors DOMINI nostri Iesu Christi. Nec alia re beati sumus, perfecti & consummati coram DEO, præterquam fide nominis Domini & seruatoris nostri Iesu Christi. Nostræ autem afflictiones ad probationem nostri & fidei confirmationem faciunt: ut habes prima Petri i. Itaque exultate, cum paulisper nunc affligimini, (sicubi oportet.) uarijs tentationibus, ut probatio uestræ fidei, multo preciosior pereunte auro, quod per ignem probatur, inueniatur, ad laudem & gloriam & honorem, cum reuelabitur IESVS CHRISTVS. Seruiunt etiam ad castigandam carnem, ac præsens peccatū mortificandum: adeoque ad abolitionem peccati & mortalitatis in carnali natura, quo præcipue facit mors piorum. Sicut copiose docetur, prima Cor. xv. Secus habent castigationes & correptiones impiorum: qui non credunt Euangelio. Istis enim omnia accidunt in malum: quemadmodum & mors æterna. Et exempla horum proponit scriptura, in Pharaone. Roman. ix. Herode, Act. xij. & horum similibus.

Contingit alicubi tribulationibus & calamitatibus corporalibus aliquos exerceri, tantum ut potentia & bonitas Dei in illis manifestetur. Sicut est in exemplo illius, cui cæco a natiuitate CHRISTVS lumen oculorum suorum restituit. Ioan. ix. & in morte Lazari, Ioannis xi. & sicubi horum plura leguntur. Necessè est igitur, ut pii in calamitatibus suis semper

his semper meliora sperent, quam ut metuant iræ Dei significationes esse: nec dubium est, si fidem retineant ac patientiam, omnes illorum aduersitates ordinari a deo ipsis in bonum, & DEO in gloriam. Ita in genere statuere oportebit, esse in gentia beneficia omnes calamitates piorum, quibus, quia deus reconciliatus est, necesse est ut omnia seruiant ac cooperentur in bonum. Sicut Paulus docet Roman. viij. ubi precipue agit, de cruce, tribulationibus & calamitatibus piorum. Necesse est instrumenta esse gloriæ eorum: maximeq; ad ueteris creature renouationem, quod deniq; per huius immundæ naturæ abolitionem fieri oportet. Sic enim mors in sanctis durat remedij uice: mors item accelerata tanto maioris beneficii loco haberi debet, quo nos citius eximit ex hac seruitute, qua peccato in carne obnoxij sumus. In summa, quicquid aduersitatum accidere potest, his qui in CHRISTVMIESVM crediderunt, id debet pro paterna castigatione, & significatione summæ erga nos beneuolentiæ dei haberi.

Cæterum pro peccatis nostris deus afflixit Christum: quia nulla alia reponit satisfieri coram deo, pro nostris peccatis præterquam ipsius morte et sanguinis effusione. Idcirco in Christum iruerunt ira dei & maledictiones legis. Sed quoniam innocens passus est, nisi quod lege dilectionis uoluit propter nos mortem sustinere, ideo perfectissime redemit nos a peccato & ab omnibus poenis peccati. Et idcirco excitauit illum DEVS, ut nos erigeret per ipsum, uiuum ac regnantem, in spem immortalitatis & uitæ æternæ. Hebræ. x. Impossibile enim est sanguine taurorum & hircorum auferri peccata. Ita impossibile fuit ullis iusticijs legis satisfieri pro peccato: propter imperfectionem illarum & immundiciem carnalis naturæ. Christus autem una sui oblatione consumauit in sempiternum sanctificatos. Hebræ. x. Huc pertinet quod est ad Gal. iij. CHRISTVS redemit nos de maledicto legis, factus pro nobis maledictum. Item illud Roman. iij. Traditus est propter delicta nostra: & excitatus est propter iustificationem nostri. Item illud Petri, prima Pet. i. Secundum misericordiam suam magnam regenuit nos in spem uiuam, per resurrectionem Iesu Christi ex mortuis.

Ex his omnibus causis, non uocabimus afflictiones nostras, nec satisfactiones ne satisfationes. Obscurat enim hæc superba adpellatio beneficium mortis Christi: ac perdit in nobis fidem. Deniq; facit ut usum afflictionum utilem ac necessarium, non modo nesciamus, sed prorsus amittamus: & ex re bona summa calamitate nos afficiamus. Dixi autem supra, quod si pro peccati poenis nobis satisfaciendum esset, id alia re fieri a nobis non posset, quam nostra æterna morte. Quod uero Sophiste dicunt, commutari poenas mortis æternas, in alias temporales: ut uel operibus nostris pro illis satisfaciamus, aut certe calamitatibus corporali-

*In cruce  
morte Chri-  
sti est satisfac-  
tio pro culpa  
pa & poenis.*



bus, aut denique purgatorij poenis: hoc totum mera libidine fingunt, & sine omnibus scripturis dicunt. Et eo ipso ex DEO mitissimo & clementissimo patre, his qui in Iesum Christum credunt, faciunt saevum, crudelem & uix placabilem iudicem: & qui poenis nostris delectetur, quod omnium minime est in Deo. Suos enim ut dilectissimos filios exercet corporalibus tribulationibus: atque ita erudit ut incipiat ac crescat in nobis nouitas spiritus, fides & uera pietas in DEVM: & deus ipse perfectissime in nobis regnet & glorificetur, atque adeo ut filij dei permaneamus. Nam eo ualere afflictiones, antea copiose satis expositum est. Quare his nominibus utamur, si quando de calamitatibus piorum loquimur, quibus scriptura sacra uititur: dum nobis fructum afflictionum praedicat, atque commendat. Vocat enim uerba, castigationes, correptiones, disciplinam, iudicium, uirgam, &c. Non poenas, multo minus satisfactiones. Cuius hoc loco pauca quaedam exempla subiiciam: ut in quibus & usum afflictionum melius discemus.

Psal. ccvij. Castigans castigauit me Dominus: & morti non tradidit me. Correptionibus igitur, ut filios suos, erudit nos deus, neque emendat: non ut tanquam poenis pro peccato satisfiat. Castigamur enim, ut hic in melius mutemur, ne cum impio mundo condemnemur. psal. xxxi. Multa flagella peccatoris: sperantem autem in Domino misericordia circūdabit. Est enim testimonium in hoc loco, de contrario usu afflictionum in malos. Rursus psal. lxxxviij. qui est de regno Christi, & de illis qui in Christum Iesum credunt. Visitabo in uirga iniquitates eorum: & in uerberibus peccata eorum. Misericordiam autem meam non dispergam ab eo. Esaiæ xxxviij. ex sermonibus Ezechiae regis Iuda: corripies me & uiuificabis me: & ecce in pace amaritudo mea amarissima. Tu autem eruisti animam meam, ut non periret: proiecasti post tergum tuum omnia peccata mea. Hierem. xxxi. Castigasti me Domine, & eruditus sum. Non dicit: illa castigatio meae satisfeci pro peccati debitis poenis. Quia afflictionum uerum usum norat. Idem cap. xlii. Te uero non consumam: (sic enim loquitur DEVS ad gentem Iudaeorum: quam affligendo uidebatur de lere ac pergere uelle.) sed castigabo in iudicio. Nec quasi innocenti parcam tibi. i. Petri iij. Tempus est, ut incipiat iudicium a domo dei. Si autem primum a nobis: quis erit finis eorum, qui non credunt Dei Euangelio? Isti loci omnes testantur longe alium usum esse afflictionum quam imaginantur Theologi rationis, cum de satisfactionibus carnalibus nostris loquuntur.

Tribulationes nostrae poenitentiae mitigantur.

Hoc uerum est, corporales castigationes nostra poenitentia non nihil mitigari. Quatenus enim resipiscimus castigati, & nos emendamus: eate nus facit deus suae correptionis modum, ac rursus benigne nobiscum agit. Quia correptionis finem attingit. Loquor autem non pharisaicis operibus hy-

bus hypocritarum: sed de uera poenitentia: & uera conuersione nostri ad DEVM. Et huc facit illud Zachariae, cap. i. Conuertimini ad me, & ego conuertar ad uos. Est enim sententia: resipiscite et agite poenitentiam, mutate prius uitae institutum prauum in melius: et ego autem faciam plagarum & calamitatum finem. Sed & benefaciam uobis: & tuebor in omnibus. Sicut haec eadem sententia est apud eundem prophetam, capite x. dicente deo: Et conuertam eos, quia miserebor eorum. Et erunt sicut fuerunt, quando non proieceram eos, Ego Dominus deus eorum: & exaudiam eos. Videreliqua eiusdem loci. Similia habes Esaię. i. & Iviij. & alijs multis prophetis scriptis. Nec aliud uult, haec Pauli sententia: Si nos iudicemus ipsi, non iudicemur a DOMINO. Sic ergo aliquam mitigationem impetrare possumus, nostra poenitentia, corporalium aduersitatum: quamquam si permaneamus in impoenitentia, etiam aeternae mortis poenas incurramus.

Cum igitur poenitentiae nostrae, finis & cessatio calamitatum promittitur, ita interpretari debemus scripturas, ne contra gratiam & beneficium CHRISTI sentire reperiamur: Item ne fidem abolere, & operibus seu passionibus nostris tribuere, quod non est nisi redemptoris Iesu Christi. Iuxta illud: Ego sum, ego sum ipse, qui deleo iniquitates tuas propter me: & peccatorum tuorum non recordabor. Quanquam necessaria est operis nostri, seu conuersionis nostrae poenitentia, quae grata est quidem & accepta coram DEO, per gratiae fidem & propiciatorem Christum. Nec ad alios referrī debet illud Ezechiel. xviij. Si impius egerit poenitentiam omnium iniquitatum eius, quas operatus est non recordabor. Aut si quid usquam est, quod poenitentiam nostram praedicat ac laudat. Requirit autem deus ueram nostri conuersionem: qua non dubium est, aliquam praesentium calamitatum mitigationem a nobis impetrari. Praeterea quoque plurima beneficia corporalia in his terris: foelicitatem horum temporum, pacem, bonam ualitudinem, & his similia. Quin & spiritualia bona, augmentum & robur fidei, pacem conscientiarum. Ac denique alia ingentia premia in caelis. Tamen si beneficium saluationis gratuitum est: & propter solum CHRISTVM, & solis, qui in eum credunt, contingat.

## DE PARTIBVS SATISFACTIONIS,

*Eleemosyna, Oratione, & Ieiunio.*

**Q**Uae haecenus dixi in locum de satisfactionibus, in genere ualent CAP. XVII  
contra eius pharisaicam doctrinam: nunc de partibus illius seorsim scribam, quae scholastici Theologi tres principales esse cōmīscuntur: uidelicet, Eleemosynā, Orationem & Ieiunium. Sed ad illas, tanquam capita, plures alias reducunt: ut sunt omnia officia dilectionis, quaelibet exercitia in spiritualibus ut uocāt, et corporales castigationes. Nā opera



misericordiae omnia subiiciunt eleemosynae. Opera autem spiritualia, sicut est docere aut discere uerbum DEI, ire peregrinatum, audire & redimere missam; orationi coniungunt. Quicquid autem facit ad carnis coercendae officium, qualis esse possit abstinencia a crapula & ebrietas, temperantia cibi & potus, uigilie, labores, & fuga rerum quarumlibet non licitarum, ponunt sub ieiunio.

De his partibus nonnihil dicendum est hoc loco: hac potissimum causa, ut adpareat non esse, quod audiunt. Primum uidelicet, opera indebita. Sunt enim debita, quia praecepta Dei: quibus nemo unquam potuit aut potest satisfacere. Nec dari potest aliquod tempus, in quo non teneamur, ad illorum debitum persoluendum: ut nihil uanius sit, quam fingere, ubi possis eleemosynam praestare, non praeceptam a DEO. Similiter preces facere, quas non antea deus requirat: aut ieiunare pie, cuius operis non sit debitor Christianus. Deinde etiam hac ratione, de his partibus agendum erit, ut cognoscantur, non eo modo satisfactiones esse, quo esse finguntur a Scholasticis. Tolerabiliter autem satisfactiones dici possent, praestita a pijs & ex fide, in uera poenitentia, cuius omnes sumus debitores, in omni uita nostra. Non quod his satisfiat pro culpa aut poenis, etiam pie praestitis: sed quod prius non satisfiat Deo, id est, uoluntati Dei, qua requiritur a nobis, ut illorum pio exercitio in uera poenitentia excellamus. Nam & Paulus iubet, ita doceri & institui Ecclesias: ut qui credunt Deo, solliciti sint, bonis operibus praecellere.

His a me praestitis, ruent omnia illa commenta quae sunt apud Scholasticos de satisfactionum doctrina. Negant igitur Scholastici, quaelibet opera bona esse satisfactoria pro peccati poenis: & dicunt, oportere satisfactorem afferre, quaedam opera indebita, scilicet certam eleemosynam, certas preces & ieiunia. Qualia esse dicunt, quae poenitentiam agentibus, ab Episcopis iniunguntur praestanda: seu a priuatis sacerdotibus, in confessione. Sic enim euacuant mandata Dei: quasi unquam possit nobis esse ocium ab illis, aut tempus ullum dari quo non sit necessarium Christiano in illis esse. Sed isti hypocritae, qui omnia diuina in obominabilem hypocrisim corrumpunt, nunquam intellexerunt, quid sit continuum esse, ut requiritur a Christianis, in omnibus operibus bonis.

Sed subscribam hic docendi causa aliquid ex nugis Sophistarum transumptum: ut planius intelligatur, quatenus uelint credi, esse satisfactoria pro peccati poenis, Eleemosynam, Ieiunium & Orationem. Ponam autem in exemplum opus eleemosynae: quod alioqui ualde tenuiter praedicatur ab istis, etiam cum dicitur opus preceptum esse. Dicunt igitur alias teneri nos de precepto ad eleemosynam, alias non teneri. Si enim homo habeat aliquid, quod non sit necessarium sustentationi suae naturae, nec illorum qui  
bustene

*Commentum  
Sophisticum  
de operibus  
indebitis.*

bustenetur providere: uelut uxoris liberorum, seruorū, ancillarum, parentum, cognatorū, &c. Et ad sit tanta tenuitas, quod immineant signa probabilia extremæ necessitatis, in paupere: (O barbaricam crudelitatem, Theologorum & Magistrorum nostrorum plusquā Schiticam: hæccine est illa charitas, per quam docetis quod homo uitam æternā de condigno mereatur?) tunc teneri nos de præcepto. Sed extra hanc necessitatem neminem teneri de præcepto ad eleemosynam. Sic ergo distinguitur apud Sophistas, elusores & illusores atque irrisores scripturarum sanctarum, præcepta eleemosyna non præcepta: & dicitur postea ab ipsiis: Quod dare eleemosynam, intentione subleuandi proximi necessitatem, sit opus misericordiæ. Sed dare intentione recompensandi pro debito diuinæ offensæ, id esse opus iusticiæ: & quod talis eleemosyna sit satisfactoria proprie: & pertineat ad meritum remissionis poenæ: sed priore modo pertineat ad **MERITVM VITAE**. Has pharisaicas, grauissimas, uanas & stultas blasphemias cum doceant Scholastici, non desunt tamen qui requirunt a nobis, ut omnia eorum inuenta & impias nugas, pro diuinis oraculis exosculemur & adoremus.

In operibus ergo, a **D E O** præceptis, habentur apud Sophistas eo modo ut dixi, pro indebitis, Eleemosyna, Oratio, & Ieiunium: de quibus nos **CHRISTVS** docuit, cum alias, tum apud Matthæum capite vi. Nec dissimiliter fabulantur, de oratione & ieiunio, præceptis & nō præceptis quæ hic ostendi: exemplo proposito, de eleemosyna. Dixi tæro antea, qua necessitate, & quibus de causis, oporteat illorum friuolissimæ cauillationibus, & inanibus commentibus, non nihil respondere. Reclamatur enim ipsa quoque præceptorum operum natura isti stultæ opinionioni, qua pro operibus satisfactorijs habentur. Quid enim opus habemus, aut quorsum, largiri eleemosynam, precari aut ieiunare, cum nulla necessitate nostri, aut communis aliorum, aut nullo præcepto **D E I** nos urgente, facimus illa opera. Nonne illa opera in uentum emittuntur & abeunt: & sunt inutilia ac uana? Oportet igitur omnia illa opera eleemosynæ, precationum & ieiuniorum, & quæ sub illis continentur, semper pro præceptis **D E I** agnoscere: hoc est, omnia illa, quæ uocantur dilectionis & misericordiæ opera. Nec minus audire uerbum Dei, ac discere sollicite: denique quicquid cadit sub rationem coercende carnem.

De Missa alia questio est. Ac licet habeat diuinam institutionem, & in recto sui usu nunquam possit, pro opere indebito, siue non necessario haberi: (Est enim sacramentum corporis **CHRISTI** & sanguinis eius: in consolationem illis datum & fidei sui confirmationem, quos lex, quos peccatum & mors terruit.) Tamen ab

De Missa:



#### COMMENT DE POENITENT.

impuris Sophistis & impijs Papistis sic tractatur, ut solent opera, quæ uocant indebita, & non necessaria tractari. Fingitur enim sacrificium esse, pro peccatis uiuorum & mortuorum: & dicitur adplicata ualere ad remissionem culpæ & poenæ. Quanquam si quis non redimat missam, (Nam uenalis habetur apud Papistas, pro certa pecunia.) is possit saluus fieri a peccato & morte: concedentibus Sophistis. Perinde, ut qui opera satisfactoria omittunt possint saluari: sed non sine grauissimis castigationibus in purgatorio. Vides lector operationem erroris, quantum inualuerit per audacter impiam & impudentem auariciam. Nam ista adplicatilis missa nulli conceditur gratis: quanquam Christus dicat, gratis accepistis, gratis date. Nectatū ualeat charitas, per quam alioqui fingunt Sophistæ, se omnia præstare posse, impetratam merito congrui, ut miseris communicetur ista adplicatilis missa, quibus deest pecunia, qua pro suis peccatis redimatur. Quanquam isti, Sophistas dico, elabuntur suis distinctionibus: ne hac in re debito charitatis teneantur. Quia non est extrema illa necessitas cum ipsi possint, debitis poenis in purgatorio persolutis, saluari: qui ex hac uita sine plenissimis satisfactionibus decesserunt.

Sed concedunt operis misericordiæ esse, si aliquis uir diues & opulentus, aliqua summa pecuniæ, redimat pro talibus indulgentias & missas. Tunc enim, conspecta uidelicet pecunia, extrahunt liberalissime Pontifices & Episcopi, multas myriades animarum ex purgatorio. Hoc enim nunc summorum Pontificum & Episcoporum negotium est, & labor: (Et quis credat illos in officio frigere: fortassis crassi Lutherani: nō intelligētes istius officij & prudentiæ Episcoporum.) quemadmodum priuatorum sacerdotum est, missam hanc adplicatilem uenalem habere. Sed relictis in consideratione aliorum impietatibus & imposturis, missa nulli utilis esse potest, nisi qui propria fide motus, uenit ad participationem corporis & sanguinis CHRISTI, sibi gratulaturus & Deum glorificaturus, memoria traditi Christi in mortem: pro redimēdis omnibus modis a peccato & æterna morte.

#### DE ELEEMOSYNA.

Nugæ sunt ergo & nihili commenta audacium Sophistarum, sicut prius exposui, quando dicitur: quod DEVS æternam mortis poenam beneficio Christi commutet in aliam temporalem: hoc est, purgatoriā, & corporales calamitates. Et quod pro his debitis oporteat nos quibusdam certis operibus nostris satisfacere: aut satis puniri. Hæc enim somnia non solum sparguntur in Ecclesia sine testimonijs scripturæ: uerum etiam contra scripturas & contra gloriam IESV CHRISTI: quem omnis scriptura testatur satisfecisse pro omnium peccatis & poenis. Et quot in eum credunt, eos saluari a peccato & morte. Non enim datum est homi-

est hominibus aliud nomen sub cœlo: in quo oporteat nos saluos fieri Act. iij. Et illi omnes prophetae testimoniū perhibent, quod remissionem peccatorum accipiant per nomen eius, omnes qui credunt in eum.

Cæterum Canones pœnitentiales, sunt res abolita: quorum occasione ne Sophistæ errauerunt, aliosque errare fecerunt. Nec exercitati sunt istis canonibus, nisi pigri & inertes, & frigide pœnitentiam agentes, delicatuli peccatores: aut qui grauissime lapsi essent, ne deessent terroris exempla in ecclesia. Horum leges potuerunt remittere Pontifices & tollere: non ex clauium potestate, sed libertate plane humanæ. Quod erat in dulgere: nunc autem finguntur Pontificum indulgentiæ esse auctoritas quædam & potestas clauium concessa a DEO, cum nihil sint minus. Vt enim ab hominibus sunt nati canones, sine mandato DEI: Ita ipsæ quoque indulgentiæ, secutæ sunt inuentionē canonum. Adeoque meræ imposturæ sunt quando Pontifex dicitur, facere per suas indulgentias remissionem culpæ & pœnæ. Quia non potest aliter remittere peccata & saluare, nisi per Euangelij prædicationem & administrationem sacramentorum: declarando & adprobando, remissa esse peccata & pœnas peccati omnibus qui in Iesum Christum credunt.

Quisquis igitur uolet pie Eleemosynam præstare: is ne cogitet se aliquid facere posse, cuius non sit debitor coram DEO: multo minus, quod satisfacere possit pro culpa, seu pœna. Hac enim intentione præstare eleemosynam, esset grauissimæ blasphemiae opus, in misericordiam Dei: & summæ iniuriæ facinus, in seruatorem Christum. Sed ita cogitet, & hac intentione præstet eleemosynam: facturus uidelicet, hanc beneficentiam cum proximo & paupere, ex fide in gloriam gratiæ & seruatoris Iesu Christi: adeoque fidei suæ confessionem, exercens se in his operibus, imo sacrificijs, laudis & gratiarum actionis. Et sic de omnibus reliquis misericordiae operibus dixerim: Imo de omnibus prorsus pietatis operibus. Et talis non habet opus, ut redimat uel indulgentias uel missas: quia est uere iustus & perfecte beatus coram DEO. Cui nihil esse debet, cum operibus mutilibus & perniciosis hypocritarum.

*Eleemosyna*

Sed de debito eleemosynæ copiosius loquemur: ut Sophistarum commenta prorsus elidamus. Vt igitur dilectionis erga proximum debitor sumus, omnes homines, quouis tempore: quam declaremus in proximi necessitatibus, nobis adesse. Ita ut docemur: Lucæ x. in quadam parabola, alleuare aliorum miseras & nostras durare: Ad eum prorsus modum & eleemosynæ debitores sumus, omnes homines, quouis tempore, erga quoscunque. Imo quid est eleemosynæ opus facere, quam dilectionem proximo præstare? Est enim gratuitum donum & munus, grauita beneficentia, pauperi, egeno & aliter calamitoso præstita: & oritur ex præcepto: Dilige proximum tuum, sicut te ipsum. Pars uide-

*Eleemosyna  
debitores.*



*Quantum.* licet, officiorum dilectionis. Quantum uero præstare conueniat, eū  
*Cui.* qui facit cum proximo suo hanc misericordiam, seu eleemosynam, aut  
 Cui debeatur eleemosyna: ex præcepto dilectionis satis liquet. Dicit em̃,  
*Vnde.* Dilige proximum tuum sicut TE IPSVM. Nec obscure Christus de  
 illo modo nos docet, Matthæi vii. Omnia quæ uultis, ut faciant VO/  
 BIS homines: & uos facite illis. Item Ioannes, prima Ioannis iij. Qui ha  
 buerit substantiam huius mundi, & uiderit fratrem suum egere, & clau  
 serit uiscera sua ab eo, quomodo charitas DEI manet in eo: Et liquet  
 illud quoq; ex hoc postremo testimonio, unde sit facienda eleemosy  
 na: nimirum ex propria substantia, non de rapina, furto, meretricio que  
 stu, aut similibus: quorum oblationes Deus odit.

*Eleemosyna non satisficit pro poenis.* Cæterum Sophistæ, huius præcepti necessitatem, secure reijciunt: &  
 fingunt esse, quando eleemosynam non debitam præstare queant: & il  
 la pro peccati poenis satisfacere. Et quid obsecro mereri putas coram deo,  
 qui autoribus Sophistis præstant eleemosynam, non ex fide redemptio  
 nis per CHRISTVM: imo contra illius fidem, quasi satisfacias, pro de  
 bitis peccato poenis: Docent enim Sophistæ quod faciens præceptum o  
 pus uitam æternam mereatur: præstans autem opus indebitum, is satis  
 faciat pro peccati poenis. Quorū utrūq; falsissimum est: & nimis blas  
 phemiam coram DEO. Quod sæpe docui, monstraui & euici.

Quod si opus indebitum eleemosynæ recte pro opere satisfactorio  
 haberetur, certe deberetur illi præclarissimum nomen coram DEO.  
 Sed obsecro, cur Deus tam execratur istam inanem gloriationem iusti  
 ciarum nostrarum: ut per gloriam nominis CHRISTI illam penitus  
 reijciat, damnet atque excludat: Quod si operi uere bono ac præcepto,  
 nihil debetur coram Deo ex condignitate: quid audax Sophista tribuis  
 operi indebito & pharisaico meritum remissionis culpæ: Claret ex his  
 quam cæco & foedo errore numerent Scholastici, inter sua commenti  
 tia opera bona, quæ indebita uocāt, opus eleemosynæ. Sic enim sentiūt &  
 docent: quod non possimus redimere, uel compensare, peccati poenas,  
 per id quod alioqui debetur Deo. Fingunt igitur Sophisticis distinctio  
 nibus & cauillationibus, eleemosynæ opus nunc esse præcepti: nunc  
 esse operis indebiti. Quod quā uanum sit & impium, abunde satis hoc  
 sane loco expositum est. Cum eleemosyna habeat diuinum præceptum:  
 cui nemo nostrum unquam satisfaciat: quæ nisi ex fide præstetur, nun  
 quam possit haberi pro opere bono, nedum pro satisfactorio, & redimē  
 te peccati poenas.

*Responsio ad obiectiones.* Cæterum istos Sophistas, qui de effectibus eleemosynæ cauillan  
 tur, & dicunt iuxta illud Tobiae, Eleemosyna ab omni peccato & mor  
 te liberat, & non patietur animam ire in tenebras: relegamus ad suum  
 magistrum Lombardum. Is enim lib. iij. Sententiarum, Distin. xv. ita  
 scribit.

scribit. Quod ergo DOMINVS ait: Date eleemosynam, & omnia munda erunt vobis: Ita ne intellecturi sumus, ut non credentibus in CHRISTVM munda sint omnia, si eleemosynas dederint. Et mox, ibidem: Christus ait, munda quæ intus sunt. Immundis enim nihil est mundum: sed polluta sunt eorum mens et conscientia: Vt ait apostolus. Immundi uero sunt omnes, quos non mundat fides, qua creditur in Christum: De qua scriptum est: Mundas fide corda eorum, hæc ille. Quamquam ne ipse quidem Lombardus recte intellexit, quid sit credere in CHRISTVM: sicut docui parte huius libri superiore. Recte tamē pronunciat, nihil coram Deo bonū opus, seu mundum esse, quod non præstetur ex fide in Christum.

Ergo talibus sententijs operum laudat scriptura obedientiam illam nostram erga mandata DEI: nihil de indebitis loquitur. Deinde inuitat pios, ad fidei exercitationem: & ex fide operantibus pollicetur mercedem. Vt nemo operibus suis, debitum saluationis, acceptum ferre possit, tanquam ex condignitate, meriti & operis operati. Deinde frequenter solet scriptura causam & effectus eodem uerbo complecti: quod nisi recipias in illo uulgarissimo: Matthæi xxv. Venite benedicti, &c. necesse est ut dicas CHRISTVM frustra mortuum esse. Neque tamen sequitur, quod operibus saluemur, tanquam causa partiali, sine qua non. Quia spiritu ex fide spem iusticiæ expectamus: & illa fides est efficax per dilectionem, & habet sua præmia coram DEO. Sed Sophistarum cauillationibus alias satis respondi.

#### DE ORATIONE.

Sed magis mirum uidetur, qua illud insipientia acciderit Theologis, ut orationem quoque numerent inter opinata illa opera satisfactoria. Nam quid habet inuocatio, de quo ulla firma ratione dici possit, esse aliquid in eo quod de nostro ad DEVM adferamus? Dicenim per CHRISTVM, quomodo precationes facienti, remissio poenæ debeat, tanquam pro opere satisfactorio. Inuocantes enim rogamus gratiam & auxilium: In satisfactione autem necesse est, ut de nostro aliquid DEO offeramus. Sed quoniam iusticiæ nostræ omnes sunt immunde & imperfectæ, ideo nullum opus nostrum potest esse satisfactorium coram Deo. Significat præterea rem diuinam satisfactionis nomen: ubi disputatur de remissione culpæ & poenæ. Nec comperit nisi in opera filij Dei Iesu Christi.

Porro, est oratio seu inuocatio non minus de præcepto, quam eleemosyna, siue alia opera bona: & pertinet ad secundum legis mandatum. Ideo ridiculum est ex necessario & præcepto opere facere indebitum. Est autem fidei in DEVM summum & præstantissimum opus: in quo necesse habemus semper nos exercere, etiam CHRISTO teste. Sic

Inuocatio cō  
tinetur sub  
præcepto.



enim ait: Oportet semper orare & non deficere. Lucæ xviij. Et quomodo ocium posset homini esse ad inutiles & non præceptas precatio-  
nes? Necessè est enim pharisæos & hypocritas esse, qui existimant se o-  
peri præcepto per precatationes suas aliquando satis fecisse. Nec loquun-  
tur nisi de pharisaicis cultibus, qui fingunt, quod ultra ueram inuocatio-  
nem, quæ est diuini præcepti, possimus plures alias precatationes facere,  
& remissionem poenæ illis mereri. Quos constat improbari a deo: lux  
ta illud. In uanum colunt me, docentes doctrinas, & mandata homi-  
num. Matthæi xv.

*Inuocatio nō  
est satisfactio  
ria.*

Contemni igitur istæ pharisaicæ inuentiones debent de quibus dici-  
tur: quod sint operis non præcepti, & tamen mereantur homini remissi-  
onem poenæ. Sunt enim reuera demoniorum doctrinæ: quibus a germa-  
no atque debito cultu dei auertimur atq; abstrahimur, & plane ac prorsus  
dementamur. Qui posset enim satisfieri, pro peccati debitis poenis  
carnali precatiuncula: cum per seriam inuocationem hoc effici non pos-  
sit? Nam qui serio orant sibi dari panem quotidianum, indumenta, pa-  
cē, & reliqua huic uitæ corporali necessaria, quomodo horum petitione  
possent pro debito poenæ satisfacere? Quod si hoc nihili commentum  
de inuocatione, quatenus dicitur opus satisfactorium pro peccati poe-  
nis, nō procedit in hac una petitione: quomodo in alijs petitionibus pro-  
cedere & locum habere posset?

Iam nihil est petitionū in omnibus psalmis, quod sub his præcādi for-  
mulis, quas tradidit nobis CHRISTVS non cōtineatur. Igitur nec de  
psalmorum lectione dici potest, quod hac satisfiat pro poenis. Sicut  
nec de ullo opere cōfessionis, laudis & gratiarum actionis: quorum sunt  
pulcherrima exempla, & horum ingens copia, in psalmis. Si igitur com-  
mentum de opere satisfactorio hac quoq; parte fallit: quo iure habetur  
apud scholasticos inuocatio pro opere satisfactionis? Quamquam ut di-  
ctum est, satisfactio est res ficta & inane nomē, illa quam ipsi nobis præ-  
dicant: ideo necesse est, ipsa quoque opera, quæ dicuntur satisfactoria, ni-  
hil minus, quam quod dicuntur, esse.

## DE IEIUNIO.

**R**estat Ieiunium, cui cum prædictis tribuitur, quod homini remissio-  
nem poenarum mereatur: sed per mirabilem hypocrisim, & uani-  
tatem. Nam huius opinionis autores sufficere existimant ad ieiunium,  
si sit in eo delectus ciborum, ad statum aliquod tempus. Nec multum  
referre existimant, quantum comedas, aut bibas, modo cibum sumas  
pisculentum: & illum semel in die. Quo quid fingi potuit magis phari-  
saicum: ac minus attingens rationem ueri ieiunij?

Proinde contra istas pharisaicas opiniones, sciamus ieiuniorum du-  
plicem

duplicem considerationem esse: pertinet enim alia illorum species ad carnis nostrae castigationem; alia testamur nos uere dolere, de praeeteritis delictis: atque illo simul praeparamus nos ad inuocationem & alia opera pietatis. Sed ieiunium ut significat iustam carnis & desideriorum eius castigationem, comprehendit abdicationem omnium deliciarum carnis, crapulae, ebrietatis, ueneris, ocij: & in summa, quicquid est immodici luxus, in rebus omnibus. Et semper pro necessario & debito opere haberi debet: quod non opus habet magnis probationibus. Nec potest sine hoc studio, sobrie, modeste, temperanter, iuste & pie uiuendi, altera illa ieiuniorum species, quae dici potest praeparationis, quae ad tempus aliquod certum, in totum ab esca & potu abstinemus, DEO placere. lege Esa. lviij.

*Quae species  
ieiunij sit pra  
cepti.*

Prioris exempla alia non oportet requirere, quam prestari debent in tota uita Christianorum: Posterioris autem habes, Ionae iij. obtemperatum prophetae monitis, & agentium poenitentiam, uidelicet Nininitarum, exemplum. Item Act. xij. & xiiij. in praeparatione Apostolorum, ad inuocationem, & pro foelici profectioe, atque successu in Ecclesia. Sed nec illa posterior species potuit operis indebiti esse: etiamsi non esset praeccepti, sic ieiunare. Et profuit ad alios fines, quam ad istos pharisaicos, qui finguntur meriti remissionis poenae. Ergo utram speciem intuearis, non potest ieiunium pro opere satisfactorio haberi. Atque haec satis clare docent, quod usum ieiuniorum, uerum & Christianum illi ignorat, apud quos habent pro indebitis: adeoque satisfactorijs, pro merito remissionis poenae. Denique firmum est, quod in ieiunijs illis, quae praedicant, nihil sit, neque possit esse, praeterquam turpissima hypocrisis: ac ne species quidem ueri ieiunij. Quid habet enim nisi delectum ciborum: praeter impiam & blasphemam opinionem de merito operis operati?

*Ieiunando non  
satisfit pro  
debitis poe  
nis.*

In summa. Certum est & indubitatum, quod satisfacere, tum pro peccato, tum pro morte, & omnibus poenis peccati, res est non operis seu meritorum nostrorum: sed IESV CHRISTI, filij Dei, Domini & seruatoris nostri. DEVS enim filium suum nobis dedit, precium & satisfactionem pro peccato & morte. Nec beneficium hoc diuinæ gratiae ullis alijs contingit, quam credentibus in CHRISTVM: neque aliter, quam per hanc fidem: hoc est, si credant in promissionem gratiae de Christo, quae hunc testatur gratuita misericordia DEI traditum esse, ut nos a peccato & morte liberaret. Caeterum eleemosyna nostra huius fidei nostrae in Christum quidam effectus est, seu fructus: cui nunquam tribui pie potest, meritum remissionis peccati, & uitae aeternae, aut satisfactoris, pro peccati poenis. Similiter inuocatio huius fidei opus est & fructus: quae nunquam opinari possumus, nos DEO aliquid adferre, sed bona accipere a Deo agnoscere debemus. Denique ex eodem fidei fonte



COMMENT DE POENITENT.

promanat ieiunium: in quo est abstinentia ab omnibus illicitis rebus quam utiq; Deo semper debemus. Quare hec omnia pro operibus indebitis & satisfactorijs nemo qui sani iudicij est potest habere: ne Sophiste quidem & aduersarij nostri, si serio iudicare uellent.

Atque hec haecenus contra impiam satisfactionis doctrinam: quae est apud scholasticos Theologos. Et in uniuersum contra pharisaicam poenitentiam: quae ab ijsdem predicatur, nomen & gloriam Christi obscurans: & homines nihil preter uanissimam & pharisaicam operum suorum hypocrisim docens. In quorum uanitatibus refellendis quid prestiterim aliorum erit iudicare: certe Ecclesijs prodesse conatus sum. Sunt autem tam crassi Sophistarum errores, ut ab homine mediocriter erudito, & intelligente scripturae sententiam de iustificatione, facile deprehendi possint & refelli. Plura uero in hoc libro scribere non constitui: cuius ea causa hic finem facio, mox ad gressurus tertium, quem institui de fructibus iustificatorum. Quem ut foeliciter absoluam, precor ut efficiat in me CHRISTVS IESVS, Dominus & seruator noster: cuius glorie in toto hoc scripto seruitur, & utilitati Ecclesiae propter Christum.

Esa. xl.

Verbum DEI nostri surget in eternum.

De poenitentia libri secundi

FINIS.



# COMMENTARIO

RVM DE POENITENTIA TER

TIVS LIBER,

*Matthæi 3.*

Facite ergo fructus dignos poenitentię.

*Tit. 2.*

Adparuit enim gratia Dei & saluatoris nostri omnibus hominibus, eru-  
diens nos, ut abnegantes impietatem, & mundana desyderia, modeste,  
iuste & pie uiuamus.

Que summarim in hoc Tertio Libro  
doceantur.

Parte prima continetur descriptio precepti a Deo boni operis.

Parte secunda agitur de impletionem seu prestationem eiusdem precepti  
operis boni.

His adiecta est doctrina de Sacramentis, baptismo & dominica  
coena.



## PRAEFATIO IN TERTIVM LL

brum qui est de fructibus Iustificatorum.



Aucis mihi ab initio huius tertij libri, qui continet descriptionem de fructibus iustificatorum, docendus erit lector, de consiliorum meorum ratione: ut quid in eius compositione secutus sim protinus intelligat. Deinde, ut de genere scripti admonitus plane uideat, quo loco bonorum operum doctrina debeat haberi: & quomodo coniungi illa, cum gratiae & fidei predicatione. Quanquam enim & in superioribus libris haec ratio sit clare exposita, tamen non inutile futurum spero, si eandem nunc quoque coner non nihil explicare, & gloriam Christi qualibet occasione illustriorem efficere. Nam quia bonorum operum doctrina plurimi impie & foede abutuntur, multum refert Ecclesiam in fide & moribus recte instituere: & plane explicare, quae pars in Christiana doctrina quomodo cum alia cohaereat & consentiat. Accedit aduersariorum audax impudentia: quae uidelicet nos cogit, ut plurima in hac religionis questione & controuersia, subinde reperamus. Quicquid enim pie, recteque dictum est, id perpetuis conuitijs in sectatur. Quapropter necesse habemus, uel propter imperitos quos salunt, nostra in istos tanquam responsiones dirigere: & improbum os eorum ipsis obstruere.

Utergo quod institui absoluam, plurimi doctrinae religionis summa capita illa, fidei inquam, & bonorum operum, scelerate lacerant & confundunt: planeque nihil suo loco dicunt. Nam quod principale est, & omnium exactissima diligentia & cura explicari debuit, in fidei & operum questione: uidelicet, ad quid faciat quod credimus in Deum & redemptorem Christum: Item, quo fine sint facienda bona opera: hoc isti opinionibus rationis ita contaminant & obruunt, ut quae sunt propria fidei, gratiae & nostrae redemptionis, quae facta est per Christum, ea iusticijs nostris, ut est fidei ignorantia in ipsis, impiissime arrogent: & iusticias operum nostras, Iudaice solum & Ethnice, id est, hominum more, seu ciuili liter, praedicent ac doceant. In summa, ut fidei, quae primas in omnibus tenere debet, (nempe, quae sola a peccato & aeterna morte saluamur: & quae sola efficit nostras iusticias gratas, acceptas & uere bonas coram Deo,) nullum penitus locum relinquant.

*Christiana  
iusticia.*

Nam quod fingunt, remissionem peccati dari pro meritis operum nostrorum, eo commento & gratiam & Christum negant: fidem abolent, & Christianam iusticiam quantum in ipsis est prorsus euacuant & tollunt. Nam Christiana iusticia illa, quae nos beatos efficit coram Deo, quo ad saluationem nostri a peccato & a morte, est remissi peccati fides: siue, ut apertius

apertius & clarius dicam, est donum misericordiae Dei, quo peccata gratis remittuntur, propter Christum, illis qui credunt in eum. Nec aeterna uita aliunde sperari debet, quā per hanc eandem in Christū fidem: si cur nec iustificatio seu liberatio a peccato aliter ullis potest cōtingere, quā si per Euangelij promissionem credant, peccata sibi gratis remitti, propter Christum. Quanquam fide iusti & beati, necessario praestent aliquā obedientiam erga legem: & fructificent bene operando, & iuste atque honestae conuersationi apud homines operam dando. Sicut non obscurum est, ex omni prophetarū Christi & Apostolorū praedicatione & doctrina. Verū ad huius demonstrationē, ego in praesentia utar non multis exemplis.

Igitur Ioānes Baptista, ille Christianismi perfectissimus formator, et exemplar docendae pietatis, agit utrunque, hoc est, praedicat remissionis peccati fidem per Christum. Sic enim illi dat testimonium, ut referatur Ioannis primo. Ecce agnus Dei, qui tollit peccata mundi. Idem hanc ipsam praedicationem coniūgit cum poenitentiae doctrina, in qua est praedicatione de obedientiae nostrae iusticia: de contritione inquam, & de operibus, per gratiam iustificatorum, bonis. Sic tamen coniungit hanc gratiae & operum nostrorum doctrinam, ut non tribuat nisi uni Christo Iesu, quod nos iustificet a peccato: & saluos faciat ab aeterna morte, quatenus credimus in eum. Sic enim & Ioan. iij. de eiusdem testimonio scribitur: Pater diligit filium, & omnia dedit in manu eius. Qui credit in filium habet uitam aeternam: qui autem incredulus est filio, non uidebit uitam, sed ira Dei manet super eo.

Rursus tamen operum iusticiam, quam nos praestemus, requirit Ioannes & exigit a nobis: sed tanquam iusticiae fidei fructum. Quod uidelicet: & doleamus de peccatis admissis: & per uitae nouitatem probemus, nos uere credidisse in Deum, uere resipuisse. Quare nunquam fieri a nobis, praecipua opera bona, ea opinione & mente debent, ut illis iusticiam nobis, scilicet corā deo, seu peccati remissionē, aut uitā eternam, queramus. Hoc enim qui faciunt, & talibus opinionibus operantur, illi derogant gratiae & redemptori Christo. Neque enim requirit conditionaliter obedientiae nostrae opera Euangelium, ut illa iusticiam & saluationem nobis mereamur: sed fidem beneficiorum gratiae & redemptoris Christi, gratuitorum illorum, per quae iusticia & salus nobis donatur, quatenus in gratiam & Christum Iesum, unicum illum mediatorem gratiae, credimus. Ex quo sane abunde liquet, quo necessitas bonorum operum loco

*Necessitas bonorum operum*

mereatur haberi: non alio certe, nisi ut qui in iusticiā gratiae uocati sunt, illam pro gratitudinis officio habeant: qua non solum fidem exercent, & bonam conscientiam quo ad Deum seruare studeant: uerum etiam apud homines confiteantur, & sibi adesse illam per operationes totius uitae testentur. Laudent Deum: & in summa, uoluntati Dei non grauantur.



P R A E F A T I O.

ter in omnibus morem gerant. Poenitentiam agant: uiuant iusticiæ, & gloriæ Dei. Quod est, ut dixi, per iusticiam bonorum operum cupidissime seruiant Deo: tanquam glorificaturi eum, pro Christo, cum gratiarum actione. Vt sic etiam alios trahant ad iusticiam & pietatem Christianam: atque ad glorificandum Deum, corde, ore, & similibus alijs officijs, in omni uita sua, dignis Deo, & his qui in gratiam sunt recepti. Iuxta illud: sic luceat lux uestra coram hominibus, ut uideant opera uestra bona, & glorificent patrem uestrum qui in coelis est.

Hoc sine predicare bona opera, rectum est & piū: cum sit peccatores per gratiæ fidē inuitare ad uitæ nouitatem, seu ad obedientiam aliquam erga legem. Quamquam autem illa operum iusticia non sit perfecta obedientia ad legem, tamen placet Deo, quod ex fide in Christum effluit: deinde, est cultus Dei, non enim alio sine principaliore sit, quam glorificandi Dei studio. Certe ut iusticiam & salutē sibi mereantur, qui in Christum crediderunt, fieri non potest. Et de talibus solis operibus recte dicitur, quod habeant sua premia in coelis. Esto enim non sint ipsa per se iusticia, qua & a peccato & a morte saluamur, tamen sunt iusticię effectus & fructus. Idcirco in fide iustificatis coronantur. Adhunc uero modum ipsum quoque Ioannem baptistam predicasse bona opera hæc eius uerba testantur: Poenitentiam agite, adpropinquauit enim regnum celorum. Sic enim poenitentiam prædicare, est inuitare peccatores ex fide gratiæ ad melius uitę institutum. Eodem facit illud eiusdem: Facite ergo fructus dignos poenitentię. Sic enim loquitur illis, qui simulant potius quam agunt poenitentiam: incredulis uidelicet Deo, & simulacris ac fictis Christianis. Nihil enim obscure significat, ueram illam in Deum, & Iesum Christum fidem, non esse ociosam, sterilem aut infructuosam. Hæc enim ubi uera contigit homini, edit per sedulam & diligentem multiplicium mandatorum Dei obseruationem, plurimos iusticiæ fructus.

Hæc sunt minime oscitanter obseruanda, ne qui se fallant ac decipiant, existimantes quod credant in Deum, cum sine omnibus pietatis & iusticiæ operibus uiuant: quin etiam flagitiose uiuant, operibus carnis seruientes, certo & infallibili signo quod spiritu Christi careant, uacui & inanes Deo, sicut docetur Rom. viij. debitores sumus, non carni. &c. & Gal. v. ubi clare dicitur, quod qui operibus carnis indulgent nequeant saluari. Necessesse est igitur tales sine fide & spiritu Dei egisse. Rursus ibidem docetur, quod qui Christi sunt, carnem suam crucifigant cum affectibus & concupiscentijs: ergo uera fide & spiritu Christi fuerunt & sunt præditi. Itaque ualde perniciose errant, qui putant in se quoque esse noticiam Dei & fidem in Christum, qui carnaliter uiuunt: cum sit impossibile, ueram fidem in te esse, cui non sit coniuncta bonorum operum iusticia. Hæc est enim efficacia fidei, quod totum hominem renouat: & eius uitæ conuersationem

uersionem in melius mutat, ut alios effectus taceam. Quapropter minimum cessant, qui uere crediderunt, iusticiam gratiae, quae est fidei in Christum, studio bonorum operum in omni uita sua ornare: sic uidelicet illos erudiente & exercente gratia Dei. Vt Paulus testatur, in epistola ad Thym cap. ij. Adparuit enim, inquit, gratia Dei & saluatoris nostri omnibus hominibus, erudiens nos, ut abnegantes impietatem & secularia desideria, modeste, iuste & pie uiuamus: expectantes beatam spem & adparitionem glorie magni Dei, & saluatoris nostri Iesu Christi. Qui dedit semet ipsum pro nobis, ut nos redimeret ab omni iniquitate: & mundalet sibi populum peculiarem, sectatorem bonorum operum.

Et hec de ratione qua coniungi debent, tam in doctrina quam in uita Christiana, tum gratiae fides, tum opera bona. Oportet enim ut fidei, quam preit Contritio, priores demus: & signate atque expresse doceamus, tam remissionem peccati, quam aeternam uitam, nulli aliter contingere, quam per fidem in Christum. Posteriores autem obedientiae nostrae tribuamus: nempe, quae iusticiam fidei, in omni uita nostra exerceamus, illud operam dantes, ut Deum & redemptorem Christum pro gratia glorificemus: similiter illa uita nostrae conuersione alios ad glorificandum Deum inuitemus. Iustificatio enim nostri coram Deo, non per opera nostra, sed hac ratione & hoc ordine contingit: Lex suo principali officio & usu arguit & accusat nostra uicia & peccata. Euangelium uero offert promissionem gratiae & salutis per Christum, & credentes in eam promissionem absoluit a peccato & a morte. Item pronunciat iustos, filios Dei & uitae aeternae heredes. Ideo per terrefacti agnitione Dei irati aduersus peccata & peccatores ex lege, necesse habent se recipere ad promissionem gratiae & credere: quid? hoc uidelicet, quod per gratuitam misericordiam Dei, propter Christum accipiant peccati & delictorum omnium remissionem: tum iusticiae imputationem, illius quae est Christi, & ipsam adeo eternam uitam in Christo. Sed hec gratiae iusticia operatur in credente, ut dictum est, nouam aliam & sanctam uitam.

*Ordo operationis  
iustificationis.*

Ergo necessaria est quidem in homine saluando aliqua Contritio: quae uidelicet ille ad timorem Dei et ueros conscientiae pauores, adeoque ad desperationem meriti iusticiae suae, agnitione peccati sui & iudiciorum Dei, promoueat: ut sitiat euangelium gratiae, perque gratiae iusticiam saluus efficiat. Iuxta illud: psal. cxlvi. Qui sanat contritos corde, & alligat contritiones eorum. Nam quid hoc est aliud, quam affirmare de Deo, quod non contritos non sanat? Quare etiamsi contritio nulli mereatur saluationem, tamen necessaria est ad humiliandum peccatores. Nullos enim alioqui consolatur Deus aut sanat, praeterquam eos, qui uere humiliati sunt coram illo, & ad cognitionem morbi sui peruenerunt. Nam & qui nihil contriti sunt aut contriti lege, nihil quicquam afficiuntur euangelij consolatione;

*Contritio,*



nec sicut curationem Dei, ignari sui peccati. Quapropter nec saluari possunt: inepti uidelicet ad iusticiæ gratiæ receptionem.

*Fidei & con-  
solationum eu-  
angelij ne-  
cessitas.*

Rursus Contritio, sine fide promissionis Euangelij, de remissione peccati per Christum, etiam absorbet peccatorem æterna salutis desperatione. Magna adeo necessitas est fidei, & consolationum euangelij, in homine uere contrito: nec potest tali consuli, quam per gratiæ de Christo promissionē. Ideo quod attinet ad iustificationis doctrinā, uanissimi cōmenti est doctrina scholasticorū Theologorū, qua prædicant remissionem peccati hominibus dari pro merito Contritionis. Nam hoc est derogare gratiæ Dei & gloriæ iustificatoris Christi: Item, gloriā Christi in iusticias carnis transferre. Vt ne dicā, quod homo in uera Cōtritione etiam horribiliter peccat: tantū abest, ut gratiam, aut peccati remissionē illa sibi mereatur. In contritione enim irascitur Deo, & fremit aduersus iudicia Dei: cupiens licenter uagari, & desideria ac libidines carnis exple re potius, q̄ uoluntati Dei morem gerere. Imo intelligens se iudicari & damnari propter peccatum, a quo nullis suis uiribus potest abesse. Sed scholastici theologi, ut alio loco dictū est, uerā contritionē non prædicant: nec intellexerunt, impediri opinionibus pharisaicis, de merito & dignitate iusticiarum rationis coram Deo.

Ad hoc itaq; utilis est homini uera Contritio: ut illi sua mala, peccati uidelicet & damnationis, retegat ac certo declare: & efficiat hoc pacto uerax desiderium gratiæ in ipso, quo accenso ille sanetur. Nam prius nō sanatur, quam suspiret ad gratiam: & peccati remissionem oret. Gratia autē gratis ipsi donat: quæ nec posset recte uocari gratia, nisi gratuita esset. Quare Contritis sine omnibus meritis iusticiæ suarū contingit. Cur autē necessaria sit Contritio, paulo ante dictū est. Quoniā uero gratia per solā euangelij promissionē ad nos adfert, ideo fides a uobis ad illā adferri debet, qua uidelicet recipiatur. Nec enim aliter q̄ per fidem recipi potest: nec est gratiæ fides, nisi qua agnoscit homo, gratiam gratis sibi propter solum Christum dari.

Porro sine promissionis gratiæ fide, qua Contriti sanamur, in q̄ spem remissionis peccati & uitæ æternæ erigimur, accipientes in cordibus nostris pacem, nullę iusticię nostræ placere Deo, uel acceptæ esse coram illo possent: & nemo prorsus posset in studio melioris uitæ retineri. Nā primum, cū omnis obedientia nostra sit imperfecta, nō possumus Deo placere, nisi per fidem gratiæ operemur: Deinde, cū homines ignari iusticiæ gratiæ, suas immundas iusticias intuent, cogunt desperare. Pharisaice aut iusti suo more superbiūt, & arrogāter de se & factis suis sentiunt, donec reuelato cōscientijs peccato iudicijs dei obruant. Nec potest esse uerax iusticię studiū in alijs, q̄ qui euāgelio credūt: & spiritu Christi gubernantur. Ergo cū credimus euāgelio, & fide statuimus Deū nobis propitiū esse, propter Christū, tunc incipimus ipsum glorificare, uolun

ti, monitis, & praeceptis eius obedire. Quia propter eque uanum est & frivolum, quod ultra pharisaicę contritionis conficta merita scholastici theologi multa predicant de dilectione, de quę operibus dilectionis, cum promissionum gratię, aut fidei promissionum, nullam usque faciunt mentionem: Immo neque possint euangelij gratię meminisse. Quia remissionem peccati existimant pendere ex conditione meritorum & dignitatis nostrę: & nesciunt gratuitam esse. Hęc causa est istis, quod ubi dicendum erat de honore Christi, ibi suo more de dignitate iusticiarum rationis contionentur.

Itaque sciamus Christiani, neminem posse uere amare Deum, aut legem & proximum propter Deum, nisi primum intelligat, quomodo peruenierit ad reconciliationem, adeptus peccati remissionem. Quia propter danda est opera, ut cognito peccato ex lege, ad euangelium gratię confugiamus: & discamus ex illo, Deum gratis nostrę misereri, & gratis remittere nostra peccata nobis propter Christum, quatenus credimus in eum. Nam tunc demum spiritum diligendi Deum super omnia, tum legem et proximum, propter Deum, accipiemus. Nec intelligunt sophistę se non predicare dilectionem Dei, sed sui priuatum amorem, eo quod docent hominem sibi per iusticias legis mereri: cum gratiam, & peccati remissionem, tum æternam uitam.

Proinde contrita & terribilem lege conscientiam sanat Deus: & sanat quidem per euangelij promissionem, & consolationem illam, de remissione peccati gratuita per Christum: quam nos fide recipere oportet: quod cum fit, efficitur simul a gratia, ut dilectio Dei in nobis inchoet: & inchoata crescat subinde & confirmetur. Similiter legis & proximi dilectio: quam sequitur uitę nouitas, illa qua uoluntati Dei seruire, obsequi & gratificari studemus. Intelligentes nihil opus esse, ut nobis seruiamus: quibus uidelicet Christus seruiuit, & sua morte promeruit æternam saluationem.

In hunc modum, cum nobis sermo est, de fide iustificante nos & saluante, non de ociosa aliqua & uana mentis qualitate fabulamur: quo modo de habitu fidei nugatur scholastici theologi in commento de fide formata. Sed loquimur de uera illa & saluifica noticia Dei patris & Iesu Christi, qua sola a peccato & morte liberamur, & conscientię pace accepta glorię & uoluntati dei seruiamus. Quia impossibile est ueram fidem, non efficitur esse dilectionem, non inchoare alios mores, aut non operari nouam uitam, filijs Dei dignam. Scholastici autem eandem fidem tribuunt, pijs pariter & impijs: nec discernunt pios ab impijs, nisi per solam dilectionem. Quod satis probat, eos non fidei in Christum, sed dilectioni & iusticijs nostris, tribuere iustificationem: adpellatione autem fidei tantum illudere imperitis. Si enim non iustificat fides nisi propter dilectionem, ergo dilectio magis iustificat. Isti autem contendant, nihil posse fidem, nisi merito dilectionis: quare non agnoscunt quod remissio peccati gratis contingat, ei qui credit in Christum. Id quod praeterea testantur nugata commenta ipsorum, de utroque merito, con-



grui uidelicet & cōdigni, sed quæ est audacia & temeritas, docere quod per opera dilectionis nostra iustificemur: cum sacre literę testent, quod per fidem gratiæ & redemptoris Christi iustificemur: Vt Rom. iij. Iustificati gratis, per gratiā ipsius: per redemptionē quę est in Christo Iesu. Isti ergo somniiatores, quos dixi, nominant quidem fidem, quando dicunt, nos iustificari fide formata: sed reuera sentiūt ac docent, quod per opera dilectionis nostra iustificemur. Vt hac de re in superiore libro secundo huius cōmentarij copiosius scripsi: Non em̄ repertū est hoc cōmentū, de fide formata, ut discernat fidē ueram a ficta: sed ut gloriā Christi aboleat, ac transferat illam in iusticias rationis.

*Iustificari.*

Quid multis? Scholastici & rem & phrasim scripturę amiserūt, eo scilicet promoūerunt illo dogmate de merito fidei formatæ. Quia iustificari, iusti & iusticiæ adpellationes, somniant ciuiler esse accipienda: & significare nostras qualitates, motus, habitus, ac uirtutes nostras. Quę spiritaliter & theologice accipi debent, de aliena beneficentia, alienis habitibus ac uirtutibus: nempe, de dono gratiæ & meritis iustificatoris Christi. Hęc enim per promissionis gratiæ, & nostrę fidei in illam efficiuntur nostra merita & nostræ uirtutes. Nam iustificari, est reputari seu pronūciari iustum: id quod uisitatius nunc dicitur, absolui a peccato. Hoc uero absolui fit per gratuitam condonationem omnium delictorum nostrorū nomine Christi, in quem credimus. Et hęc de iustificatione requirere copiose explicata Rom. iij. & iij. Item ad Gal. ij. & iij.

*Iustum.*

Longe igitur alia res est iustificatio, quam prædicant soplistæ. Nec enim pēdet ex dignitate nostrarum uirtutum: sed tota fit, per gratuitam remissionē peccati, & acceptationē nostri apud Deū, propter Christū. Vt iustum intelligas, non alium dici, aut esse coram Deo, nisi cui nullū peccatum imputatur: utiq; non alienum, sed suum & priuatum. Nam ipsi Domino & seruatori Christo Iesu, aliter imputata sunt aliena, hoc est, nostra uicia atq; peccata. Quia Dominus uoluit eum esse precium pro peccato: & satisfacere sua morte pro omniū delictis. ij Cor. v. Eum, qui non nouerat peccatū: pro nobis peccatū fecit, ut nos efficeremur iusticia Dei in ipso.

Iam huic iusticiæ fidei, coniūcta est quidē donatio spiritus sancti: cuius uirtute efficitur, ut in nouitate uitæ ambulemus. Sed nemo propter istā nouitatem est iustus aut beatus corā Deo, cum adhuc sit imperfecta omnis obedientiæ nostræ iusticia. Beati tamen, qui ex fide recta operati sunt: aut indigna passi pro nomine Christi. Sicut docet Matth. v. Cū aut de iusticia saluante agitur, non intelligamus iustū dici, præter q̄ eum cui sunt remissa peccata, propter Christū: nec ob aliud, q̄ per fidem, remissi peccati, nomine Christi. Qui factus est nobis a Deo sapiētia, & iusticia & sanctificatio & redemptio, ut qui gloriatur in Domino gloriatur.

In

In summa, quoties de iusticia saluante dicendum est, oportet nude de beneficijs gratiae agere: & nullo modo ad actiones uirtutum nostrarū respicere, nisi de illis ut effectibus iusticie saluantis loquaris. Fide em̄ misericordie & propitiatoris Christi sumus iusti: non propter nostras uirtutes. Quanq̄ uerū est, obedientiam operis nostri necessariam esse, & inchoationē quandam iusticie legis: sed illa habet aliū finem, quā ut peccati remissionē ea quæramus. Dixi autem supra de illius fine. Nec est inutilis, ociosa aut uana logomachia in hoc iusticie fidei & operum nostrorū discrimine: sed necessaria doctrina, qua sua laus Deo, gratiae & redēptori Christo asseritur. Item homini diuinū nomē, operatio & effectus dei derogantur: ut qui nō potest sibi mereri donum remissionis peccati & uitæ æternæ. Hæc em̄ sunt a solo Christo: qui uenit saluum facere populū suum a peccatis eorum.

Itaq; prodest ac necessarium est hoc discrimen iusticie fidei & operum nostrorum exacte tenere: quod in illo recte docemur, quorsum nos in operando oporteat spectare, ne nomen & gloriam Dei, ipsi nobis sacrilegi tribuamus. Nos enim peccatores sumus: & haud quaquam possumus per iusticias nostras beati, aut iusti, aut salui, coram Deo esse. Quapropter retinenda & urgenda est hæc doctrinæ ueritas: quia confessionem gratiae Deo & liberatori Christo debemus. Debemus præterea reprobare impias opiniones de merito & dignitate iusticiarū nostrarum; quia mergunt hominem in interitum æternæ condemnationis. Sunt em̄ a uicio incredulitatis: qua beneficia gratiae negantur. Ideo Paulus huius impietatem, cum alias, tum in epistola ad Rom. & Gal. grauissime oppugnat. Sed & Christus cōtra hanc impietatem incredulitatis, quam dico, nomen glorię suę sibi asserit: imo uitā eternam nobis. Nam obscurata & oppressa Christi gloria, necesse est, ut in peccato, morte & condemnatione permaneamus. Huc facit illud Ioan. x. Ego sum ostium, per me si quis introierit saluabit̄. Itē, xiiij. Ego sum uia: ueritas: & uita: nemo uenit ad patrem, nisi per me. Huiusmodi autē possunt colligi innumera testimonia, quibus de iusticia gratiae docemur: ne ipsi per iusticias nostras frustra atq; impie saluationem nobis quæramus, sed per fidem gratiae iusticias nostras præstemus.

Hæc dixi in loco, quo me accingo ad bonorum operum prædicationem: ad iusticiam obedientiæ nostræ erga legem. Docendi sunt enim pietatis Christianæ studiosi, qua animorum puritate ac fide debeant ad præcepti operis boni impletionē accedere: seq; preparare ad cultum non impiū & pharisaicum legis. Debēt em̄ in operando, gratuito obsequio deo seruire & obsequi eius uolūtatī: ita ut gratis uocati sunt & recepti in gratiā propter Christū. Nā alioqui nunq̄ poterunt uoluntati Dei pure seruire. Qui enim peccati remissionem & uitā per merita & satisfactiōes



operum suorum querunt, isti preterquam quod iusticiam gratiae peruersissima impietate negant, etiam nephanda & abominabili idolatria sibi seruiunt: neque quicquam minus agunt, quam quod seruiant Deo, cum tamē aliud nihil agere uideri uelint, quam se pure colere Deum, eique seruire: sed falluntur in semetipsis, & alios fallunt, quos secum trahunt in eundem opinionis errorem & impietatem. Sed hæc & huiusmodi plura, de iusticia fidei et operū, suis quæque locis copiosius pertractabimus.

*Methodus iusticie operum nostrorum.*

Iam denique uolēs exhibere bonorum operum doctrinam, illam hoc ordine quo in Decalogo præcepta est tradam: quin ipsum Decalogum discipulis proponam, ex quo & a Christo & ab Apostolis, atque adeo ab omnibus prophetis colligitur illa operum, quæ sunt necessaria in poenitentia iustorum, doctrina. Fons est enim Decalogus, & quasi methodus quidam, continens iusticiæ nostri operis & nostre obedientiæ, quā Deo debemus, exactam descriptionem. Seruire enim Decalogum non tantum ad accusationem peccati, in carnalibus: uerum etiam ad doctrinam, quam exprimant renati, & in omni uita sua inuiolatam seruent, per se notum est. Quanquam uerum est, iusto non positam esse legem: sicut Paulus testatur. i. Timoth. i. Item Hieremias. Cap. xxxi. Non docebit uir proximum suum. Tamen lege utitur ille, ut doctrina uoluntatis Dei: etiamsi ut exactore & oppressore conscientiarum illa torqueri nec debeat nec possit.

Proinde in doctrina poenitentiae, non prophete solum, uerum etiam Christus & Apostoli, sepe redeunt nobiscum ad legem: ac docent ex illo uerbo, quid agere deceat & operari, quid fugere & uitare, eos qui per promissionis gratiæ fidem, uere sunt conuersi ad Deum. Ac docet quidem Deus omnes gratiæ filios, quorum omnes iusticie sunt motus spiritus sancti: sed retinet tamen ministerium uerbi sui in ecclesia, quo regit piorum animos, & mouet corda ipsorum, & efficit ut propositam in lege uoluntatem faciant. Quapropter utilis est & necessaria Decalogi cognitio, quia in illo docemur quæ opera placeant Deo & quæ requirant a nobis, ne decepti ad opera non præcepta, ad inania illa & ociosa mandatorum hominum, conuertamur.

Has ergo rationes & hæc exempla, in hoc tertio libro, qui erit de fructibus iustificatorum, ut dixi, sequar: & Decalogi enarrationem quandā scribam. Qua perspicuum fiat, ipsum quoque Christum & Apostolos, in predicatione bonorum operum, nihil quam interpretes legis agere: deinde, & obedientiæ erga Decalogum nos adhuc debitores permanere. Etiam si ille neque acculare neque damnare possit, eos qui uere in Christum Iesum credunt. Eatenus enim, non sumus sub lege: sed sub gratia. Faciā autem tres libri partes: & in prima, adiuuante me gratia Dei, & spiritu Iesu Christi, scribam de præcepto opere bono. In secunda autem, de boni operis

operis impletionem & quomodo inchoata obedientia placeat Deo, in illis qui Euangelio crediderunt. In tertio denique adijciam adpendicem de sacramentis. Nam & sacramentorum usus pertinet ad fidei iustificatorum exercitationem, confirmationem & confessionem: quo & doctrina legis seruit. Tamen si non legis, sed Euangelij adpendices sint sacramenta: quod quorsum dicam, suo loco aperiam. Quia uero etiam disputari solet, in bonorum operum precepta doctrina, quatenus sit lex abrogata, & quatenus maneat, ab hac quaestione sumam initium, huius de operibus libri, quem institui. Quem utinam Christus Iesus suo spiritu in me, pro gloria nominis sui, & utilitate totius ecclesiae, absoluat. AMEN.

## ELENCHVS CAPITVM

prima pars.

DE Mosaice legis abrogatione. CAP. I.

Enarratio Decalogi, in qua primum, de autoritate & partibus legis: Item, de cognitione Dei & uero eius cultu. CAP. II.

Enarratio primi precepti: Non habebis Deos alienos coram me. CAP. III.

De pluralitate Deorum alienorum, & de duplici idolatria: item, quid sit Deum habere, & de uaria primi precepti transgressionem. CAP. IIII.

De uicijis in transgressionem primi precepti, ex quibus de contrariis operibus bonis, in illo preceptis, poterit iudicari. CAP. V.

De poenis uiolati Decalogi: & contrariis premijs, eorum a quibus mandata Decalogi, sine impijs opinionibus, seruantur. CAP. VI.

Enarratio secundi precepti, de iusticia oris: Non assumes, &c. CA. VII.

Enarratio tertij precepti, de sabbathi religione. CAP. VIII.

Enarratio posterioris partis Decalogi: et primo de parentibus honorandis. CAP. IX.

In secundam partem posterioris tabulae Decalogi: in qua sunt generalia precepta, de dilectione erga omnes. CAP. X.

In posterioris tabulae Mosaici Decalogi tertiam partem, de concupiscentia. CAP. XI.

## DE MOSAICAE LEGIS ABROGATIONE.

Variè disputari solet, de Mosaice legis abrogatione: de qua mihi quicquid ab huius libri initio non nihil dicendum est, priusquam de precepto opere bono, ex lege plenius differere pergam. Necesse est enim Christiano plene nosse, quae pars diuinae legum in Christiana doctrina debeat retineri: & quomodo ac quatenus sit necessaria in spirituali cultu, quae erga Deum prestare iustificati debemus, uiuendo modeste, sobrie, iuste & pie. Non enim sic abrogata est lex, quasi eius usus apud Christianos nullus possit esse: aut quasi legum doctrina sit per se inutilis & ociosa. Longe enim sanius de legibus & sentire et pronuntiare debemus: ac scire, plurimum utiles esse leges. In primis autem, Decalogum habere multiplicem usum, quo Christiani penitus non queant carere.

CAP. II.



COMMENT. DE POENITENT.

Cum igitur de certitudine & firmitate dogmatum Christianorum, pronunciandum sit nobis, non nisi ex scriptis Euāgelistarum & Apostolorum, satis constat, tam ex prædicatione Christi, quam Apostolorum, quod in doctrina euangelica Christiana Decalogi mandata seruantur: neque posse hæc omitti, quæ uidelicet pertinent ad poenitentiae doctrinam, qua de nouitate uitæ nostræ docemur. Accedit deinde & illa ratio seruandi ac retinendi Decalogi: quia continet doctrinam timoris, dilectionis, fiduciæ & spei in Deum: Item, dilectionis & pacis erga proximum. Denique, quia Decalogi præcepta, sunt scripta in natura: idcirco non possunt omitti aut aboleri.

Cærimonie autem & forenses Moysi leges sine periculo omitti possunt. Nec enim sunt amplius necessariae obseruatu, post Christum glorificatum, ut Decalogi mandata: sed sunt liberae, uidelicet, res mediæ & licitæ, his qui in Christum crediderunt. Ideo sine conscientiae periculo possumus illis uti: quin etiam cum laude iusticiæ, & amplissimo merito in illa, si quis proximi infirmioris respectu illas seruarit, Ita ut factum legimus ab Apostolis, initio ecclesiæ nascentis. Et quanquam huiusmodi exempla nunc nulla sint in ecclesia: tamen similia sunt in obseruatione mandatorum hominum, rerum per se mediarum. Vt in esu carniū & abstinentia illarum: aut similiarum. Nam qui Mosais cærimonias somniant esse mortiferas & res uiciosas post Christum glorificatum, illi turpiter & fœde errant. Mortiferae sunt enim & perniciosae tunc demum, quando finguntur esse necessariae ad iustificationem: & creduntur meritum gratiæ & remissionis peccati habere. Neque solum cærimonie: sed ipsæ quoque Decalogi sacratissimæ præceptiones. In summa, quæcunque operū leges: a quibuscunque traditæ sunt, aut tradi possunt. Sicut testatur illud Pauli: Gal. v. Nihil uobis cum Christo est, qui in lege iustificamini: a gratia excidistis.

Retineri tamen in doctrina, et obseruari in omni uita Christianorum Decalogi mandata debent: quia, ut docui, continent iusticiæ spiritus doctrinam, pertinentque ad poenitentiae prædicationem. At cærimoniarum & forensium legum, de Mosais loquor, alia ratio est. Quia illæ legis partes seruiuerunt ad constituendam & conseruandam Israelitarum politiam: Item, ad conseruandam in illo populo promissionum de Christo fidem. Ideo nihil opus fuit, durare eas legis partes, ultra tempus exhibitæ & reuelatæ in orbe Christi. Sicut nec pertinuerunt unquam ad alias Gentes: quæ nunc regnante Christo multo minus grauari illis possunt. Sed Decalogi mandata talia sunt, ut eius præcepta opera necessario semper ab omnibus præstentur: sicut etiam illorum omnes semper debitores fuerunt. Hinc enim & in oīn naturam sunt scripta a Deo: ideo omnes obligant. Nec est onus, obedientiæ operum Decalogi debitorem esse: sed

*Quid in legibus moris-  
rum.*

sed exactio debiti iustificationis per decalogum, conditio illa impossibilis accipiendę uirę per præceptam Decalogi iusticiam, & ira legis ac maledictio quę consequitur imperfectam obedientię nostrę iusticiam, essent importabilia onera: quę uidelicet sunt abrogata per gratiam, non tamen nisi in illis qui per euangelium in Christum Iesum credunt. Itaq; doctrina timoris & dilectionis manet ac retinetur: quā etiam cum summa uoluptate seruiunt Deo illi qui per euangelium in gratiam & Christum Iesum crediderunt.

*Quid propri  
e abrogatum  
in lege.*

Est præterea alius usus Decalogi, qui facit necessaria eius mandata, in predicatione & doctrina Christiana. Opus est enim iustificandis doctrina, quę faciat ad certam ostensionem & accusationem peccati eorum: Itē ad demonstrationem irę & iudiciorum Dei aduersus peccatores. Cum alioqui humiliari non possent, neq; credere euangelio, aut saluari. Seruire autem Decalogum ad hanc necessariam humiliationem nostri, mulrę Pauli sententię testantur: ueluti illa, Rom. iij. Per legem agnitio peccati. Item illa Rom. vij. Peccatum non cognoui, nisi per legem. Concupiscentiam enim nesciebam, nisi lex diceret, non concupisces. Et reliqua eius loci, in quo perfectissime docet, per legem non arceri, non prohiberi proprie peccatum, seu aboleri perfecte: sed ostendi solum & accusari, simulq; illa declarari, hominem esse reum uicio domestici et agnati morbi æternę irę & condemnationis. Punit enim Deus uiolationem Decalogi æterna morte: in his qui nō credūt euangelio, & nō agunt pœnitentiā.

Est & legis quidam politicus usus, qui etiam si ad iusticiam spiritus per se nihil faciat, tamen est necessarius in hac uita: uel propter conseruationem pacis & tranquillitatis, horū temporū & huius corporalis uitę.

In summa, oportet Decalogi triplicem usum cōcipere: & de illo toto religiose sentire & pronunciare. In carnalibus enim seruit omnium primo ad disciplinam bonorum morum: seu ad politicam iusticiam apud homines. Iuxta illud Pauli, i Timoth. i. lex est iniustis posita. Item Ro. xij. Principes nō sunt terrori bene agentibus, sed male. Nam Ministri legum sunt principes & Magistratus: in hoc ordinati a Deo, ut morum externorum honestas illa in legibus præcepta, aliquo modo seruetur ac propagetur. Quamquam enim illa nemo iustificetur coram Deo, ramē hoc commoditatis habet, quod ambulantes in ea sunt minus mali: & quod illo modo eruditi in lege, & assuefacti ad eius disciplinam, melius erudiri de Christo possunt, quam qui barbarice, bestialiter & sine cognitione legum uiuunt. Gal. iij. Lex pædagogus noster fuit in Christū: ut ex fide iustificemur.

Illā autem ratio, quā lex seruit ad ostensionem nostri peccati & irę Dei, est theologica & spiritualis: & longe potior priore. Nec enim sine ea quisquam conteri in corde, aut humiliari coram Deo posset: adeoq;



nec credere promissionibus euangelij, & per consequens nec saluus fieri. Denique in tertio usu seruit lex iustificatis, ut doctrina uoluntatis Dei & bonorum operum: quæ Deus requirit, ut qui iustificati sunt fidem exercent & confirmant, adeoque crescant in illa, Deum glorificantes. Non enim potest retineri fides, ab his qui carnaliter uiuunt. Primus usus est ciuilis: posteriores duo sunt theologici & spirituales. Habet autem quilibet suam commoditatem, tam necessariam & urgentem, ut uel politicum usum pretermittentes perniciosissime consulant sibi. Nulli enim qui flagitiose uiuunt: & sine poenitentia manent, possunt saluari.

Quod uero ad caerimonias & forenses Mosi leges attinet, ille ut dictum est finem suum habuerunt, tempore quo exhibitus est & reuelatus in orbe Christus. Expectari enim ac nasci debuit, iuxta promissiones Dei, in iudaico populo Christus: æternus Rex & pontifex, omnium qui in ipsum credunt. Qui postquam uenit, & glorificatus est regno æterno in coelis, sacerdotio perfunctus in terris, & nunc aduocatum nostrum agit in coelis, non fuit opus, ultra hanc gloriam Christi, conseruatione externæ istius politiæ, quæ tradita est a Mose: aut cultum externorum, quales in caerimonijs fuerunt, umbratilibus figuris rerum & corporis Christi. Viuente ergo & regnante Christo Iesu, luce omnium, uia, ueritate & æterna uita, caerimoniarum legis penitus desierunt: ut de caerimoniarum abrogatione in epistola ad Hebr. elegantissime differitur. Nec aliter iudicari de corporali Israelis regno debet: quod uidelicet durare non debuit, ultra manifestationem æterni ac spiritualis regni, & gloriæ Christi. Non enim sine periculo duraret illa corporalis politia, a Mose instituta. Quia credi posset, nondum exhibitum esse Christum illa adhuc integre durante. Quapropter profuit aboleri & eueri illam politiam: & oportuit significationem certam dari, illa euerfione status regni Israelitici, Christum iam dudum exhibitum esse. Lege, Gen. xlix. Nunc igitur regnans Christus dominatur & imperat spiritali potestate & diuina omnibus populis: quos etiam spiritu sancto gubernat, regit, fouet, defendit ac tuetur aduersus omnium creaturarum iniurias & aduersantia mala.

De libertate  
in usu caerimoniarum.

Iam igitur Christiani libere utimur politicis constitutionibus omnium gentium. Nihil enim faciunt per se ad iusticiam spiritus: nec impediunt eam. Sicut nec quedam ecclesiasticæ pontificum ordinationes, de certis ritibus ac caerimonijs. Ideo tolerari possunt, quin etiam sunt utiles: si tamen libere relinquunt, & pro rebus medijs in ecclesia habeant. Hoc est, si permittamur illis uti, sine opinione necessitatis, uel iusticiæ, aut cultus: sic ut nec peccatum dicant habere omissem, nec meritum iusticiæ obseruare. Sed pro corporalibus exercitijs habeant: utilibus, si rudioribus seruiant, nondum perfecte institutis fide in Christum. Maxime, si seruiant ordini in ecclesia ac sint honori uerbo Dei. Quamquam hos ritus hypocrisis habeant pro sum-

mo iusticie cultu: quorum pharisaicam uanitatem, quia detrahit gratiæ & honori Christi, necesse habemus omnibus uotis detestari. Nihil enim ferendum est, quod Christi gloriam obscurat; & alios trahit in perditionis errorem. Fide autem in Christum pure obseruata, etiam quascumque Moisaicarum constitutionum leges possemus retinere & obseruare: quemadmodum aliarum Gentium ordinationibus & constitutionibus, tam politicis, quam cærimonialibus, utimur sine fidei iacturâ & sine conscientiarum periculo. Nisi utamur illis, non ut medijs rebus: sed tanquam necessarijs & immutabilibus. Tunc enim leges sunt uiciosæ: nempe, cum dicuntur meriti iusticiæ habere obseruatæ, aut peccatum aggrauans conscientiam transgressæ. Gratis enim, sola per Christum fide iustificamur: nec potest conscientias grauare, quæ transgressio mandatorum Dei. Vt Decalogi transgressio. Nec enim aliæ mandatorum Dei leges, præterquam decalogi, & quæ sub illis continentur incluse, durant: Ideo nec obligare conscientias aliæ possunt.

Furem suspendunt Magistratus, nulla necessaria lege: si de legibus aggrauantibus conscientias loquaris. Posset igitur poena illa in aliam mitiorem commutari: nempe, pro Magistratus arbitrio & uoluntate, sine peccato. Ita receptas cærimonias potestatem habet ecclesia mutare uel omittere, pro ut commodum est. Nec peccat, si quando mutat, uel omittit: si tamen iudicio faciat, ac citra scandalum, uel ordinis turbationem in ecclesia. Peccaret autem, si hominum constitutiones pro inuiolabilibus legibus haberet: multo magis, si retinendas pronuntiaret, quæ aliquid incommoditatis haberent. Sicut constitutio illa de pharisaico cælibatu sacerdotum, quæ hoc tempore Papistæ mordicus retinent, ac iubent retinere, cum sit crudelis, tyrannica, inaudita, plusquam barbarica & per se impia, non potest sine peccato obseruari: ideo debet aboleri. Et cunctantibus eam episcopis abolere, quilibet boni continere eam debent, & libertatem coniugiorum, quæ Deus ordinauit, reuocare & illa uti. Sic de quibuscumque alijs constitutionibus pronuntiandum est, quæ sine peccato seruari non possunt, siue, quæ humana temeritate dicunt meritorij & necessarij cultus esse, & immutabiles. Sicut professio monachatus, satisfactiones pro peccato ab hominibus præceptæ: Et huiusmodi infinita portenta malorum, quæ libido quorundam hypocritarum in ecclesiam inuexit.

Nam isti pharisaici fines operum & cultuum, qui dicunt per se honori esse Deo, & ex opere operato mereri peccati remissionem, & ualere ad impetrationem æternæ uitæ, corrumpunt ueræ usum cærimoniarum & omnium legum: & sunt perniciosi, quia detrahunt gratiæ & honori Christi, & fidem extinguunt. Quo etiâ nomine sunt demoniorum doctrinæ: ut cum opinio necessitatis & iusticiæ illis accedit. In summa, alunt in signum contemptum dei, gratiæ, beneficiorum Christi, contumeliosi in uerâ pietatē & Christianismum. Quapropter non sunt ferendi, in quibuscumque legibus doceant. Non enim ne de



Calogi quidē pręcepta opera, pręstita a nobis, sic sunt meritoria: multo mīnus hominum constitutiones.

Peccatum est, si cū scandalo & offensione infirmorū, aut cū perturbatione ordinis & pacis in ecclesia, utiles ac pie cęrimonię uiolent: sed impias cęrimonias, & impias cōstitutiones etiā uirtus est contēnere & abijcere. Hęc nō fuerunt prętereūda hoc loco, uidelicet in doctrina de operibus per se necessarijs: scē de libertate & usu in medijs, ne pro necessarijs habeant, quorū usus est licitus: ut ne dicā, ne ingenerēt homini stultā opinionē sanctitatis, quę per se sunt p̄ctā, opera & facta uiciosa. Nō em̄ pro necessarijs & inuiolabilibus legibus haberi in ecclesia debent, nisi p̄cepta & cōstitutiones Dei, ac nominatim Decalogi p̄cepta: ut quę nō possunt omitti sine peccato. Quamq̄ aut̄ uiolata dānent hominē, tñ seruata ac pręstita, non possunt haberi pro perfectione iusticię, eo q̄ legibus Decalogi nemo potest satisfacere. Iusticia essent, si exactionibus Decalogi omni ex parte a nobis satisficeret: Sed nūc seorsim de usu mandatorū Decalogi dicā: & de libertate, quę est nobis a Christo in illius mandatis.

*Usus & necessitas pręceptorum Decalogi.*

Oportet igitur Decalogi mandata longe ab omnibus alijs legibus discernere: ut quorū usus & necessarius est, & noxia transgressio, a quibus cūq; & quodcumq; fiat. Nā quia ad poenitentia iustorū pertinet, ideo uiolata arguunt contemptū Dei inesse transgressoribus: quemadmodū signa sunt & testimonia ueri timoris & fidei in Deū in illis a quibus obseruant. Sunt ergo multe graues causę, cur omitti non possint, nec mutari. Primū, quia pars sunt iusticię spiritus: uidelicet, fructus spiritus, seu effectus iusticię, in illis qui per euangeliū in Christū Iesum credunt. Idcirco & ualidissima exercitia fidei prębent talibus: & fidē ipsa augēt atq; cōfirmant. Sicut labefacta fides & euerit in illis qui carnaliter cōtra Decalogi p̄cepta uiuunt. Sunt etiā inscripta, in corda credentiū, p̄ spiritum sanctum, Decalogi p̄cepta. Iuxta illud Hier. prophę cap. xxxi. Dabo legē meam in uiscera eorū. Sed & cōsentiunt cū lege nature, quę est immutabilis & perpetua uoluntas Dei. Hęc igitur omnia arguunt, Decalogi mandata omitti non posse.

Deniq; prohibet summa carnis uicia Decalogus: quę qui admittūt, non possunt fieri hęredes regni Dei & Christi. Sicut docetur, Gal. v. i. Cor. vi. Eph. v. & c. Et Ro. viij. dicitur: debitores sumus, non carni, ut secundum carnem uiuamus. Si enim secundum carnem uixeritis, moriemini: si autem spiritu facta carnis mortificaueritis, uiuetis. Item i. Timothe. i. Finis pręcepti est charitas, (hęc uero totum Decalogum completitur.) ex corde puro, conscientia bona & fide non ficta. Si ergo mortificandę carnis debitores sumus & seruandę dilectionis, planum est ac firmum, quod qui uiolant & transgrediuntur temerario Decalogi mandata, illi nec puro corde in Deum, nec conscientia bona uiuunt: quales impossibile

impossibile est, uera in Deum fide præditos esse. Longe uero impossibilius saluari posse: nisi ad Deum, fide non ficta, & debita poenitentia conuertantur.

Est igitur alia Decalogi abrogati ratio, quam aut cærimoniarum, aut forensium legum Mosaicarum: ut quæ sunt Israelitis solummodo tradite, usque ad tempus reuelationis & glorificationis Iesu Christi, sicut paulo ante docui. Nulla enim nunc necessitas est illarum legum: quin etiã bonum est & utile penitus abolitas esse. Quæadmodum prodest Iudæorum politiam prorsus destructam esse: ne si duraret, ambiguū faceret Christianis, num Christus exhibitus esset. Quia nisi exhibitus esset, impossibile fuisset regnum Iudæorum in totum solui & aboleri: sicut iam factum esse uidemus supra mille & quingentos annos. Docui tamen supra, qualibetate integrum sit & licitum Christianis, aliquid ex Mosaicis constitutionibus, cærimoniarum & forensium legum, sibi usurpare. Nec enim iuciosum est in illis, nisi opinio necessitatis, & iustificationis querendæ ex legibus. Ac docet in Act. cap. xv. Lucas, autoritate Apostolorum, quasdam Mosaicæ cærimonias, nimirum scandali uitandi causa, per liberam dilectionem, seruandas in ecclesia, institutum fuisse: quas omnes obseruationes, ætas postea & tempora in fide confirmatorum, aboleuit. Sed ut laude pietatis non caruit, aliquas cærimonias cum infirmis seruare, & non protinus abolere omnes: ita necesse fuit, profitendæ puritatis fidei causa apud aduersarios euangelij, eos qui crediderunt pertinacibus hypocritis in nullo cedere. Vtraque ratio obseruari a nobis debet, in obseruationibus mediocrium: ne quos ex infirmis alienemus a fide, aut ne fides iniuria hypocritarum pereat & succumbat.

Decalogus uero sicutantum abrogatus est, ne ius habeat exigendi debitum iustificationis, per præceptam perfecti operis iusticiam seu obedientiam. Nam cum hanc eius exactionem nobis præstare sit impossibile, illa conditione quam proponit facit nobis impossibilem saluationem: accõijcit nos sub æternæ iræ maledictionem. Hæc ergo onera, & aduersantia cum summo periculo mala, sunt in Decalogi mandatis abrogata. Est ergo conscientia libertas in hac Decalogi abrogatione: in qua ipse usus mandatorum & obedientia manet: dissimilis libertati, in cæimonijs & forensibus Mosis legibus: quarum opera sine conscientia periculo omitti possunt, Decalogi uero nunquam. Et hæc Decalogi abrogati ratio, sic traditur a Paulo: Rom. vi. Non estis sub lege, sed sub gratia. Hoc est enim perinde, quasi dicas: non estis sub ira condemnante, quia reconciliati & recepti in gratiam. Item, Roma. x. Finis legis Christus est, ad iusticiam omni credenti. Et Gal. iij. Christus redemit nos de maledicto legis, factus pro nobis maledictum.

Hæc abrogatio legis, id est, ire mandatorum Decalogi & maledictio

Abrogati  
Decalogi ratio.



num eius, facit ut etiā si exactionibus Decalogi satisfacere nequeamus, tamen condemnari non possimus, propter Christum, in quo per fidem grati sumus & ipse in nobis, inclusus in corda nostra. Totus enim, quātus est, noster est, quatenus credimus in eum: ut ab ipso met Decalogo iudicari nequeamus, & iam facti simus irreprehensibiles & inaccusabiles coram Deo, modo in fide permaneamus. Rom. viij. Nulla nunc dānatio est, his, qui sunt in Christo Iesu, &c. Col. ij. Et uos cum mortui essetis in delictis & praeputio carnis uestrae, conuiuificauit cum illo donans uobis omnia delicta, delens quod aduersus nos erat chirographū, decretis constans, quod erat contrarium nobis: & sustulit illud e medio affigens cruci.

Hæc ergo, nisi de mandatis Decalogi, intelligi non possunt: nec significant, q̄ iram & maledictionem in peccatores abolitas esse. Nec promiscue tamen omnibus libertatem gratiae promittunt: sed illis qui in Christum Iesum credunt, & nouitati uitae student. Gal. v. Quod si spiritu ducimini, non estis sub lege. Damnat em̄ & accusat lex, eos qui carnaliter & flagitiose uiuunt; sicut prae memorato loco clare & copiose docetur. Multo magis obnoxij sunt irae & rei maledictionum aeternarum, qui non credunt in Christum: seu palam impij & repugnantes fidei, ut Iudei & Mahometistae: seu qui fingunt se credere in Christum, & saluationem tamen ex operibus legis querunt, aut sensu peccati sui desperant. Siue qui aliter sine poenitentia & conuersione ad Deum uiuunt: ut multi hypocritae & uani homines, titulo tenus Christiani.

Non ergo abrogatus est Decalogus, quoad obedientiam & usum. Nam usus & obedientia manent. Sed quo ad iram & maledictionem: quæ mala tamen adobruunt ac perdunt omnes eos qui non credunt in Christum Iesum. Est etiam ira abrogatus Decalogus, ne qui iustificationem, seu remissionem peccati & salutem, per illius praecepta opera sibi necessario quaerant. Proposita est enim, in euangelio, noua iustificandi ratio ac uia: uidelicet, promissio gratiae, de remissione peccati & uita aeterna per Christum. Sicut docemur, Rom. iij. Nunc autem sine lege, iusticia Dei manifestata est, testificata a lege & prophetis: iusticia autem Dei, per fidem Iesu Christi, in omnes & super omnes qui credunt in eum, &c. Sic ergo aboletur conditio illa impossibilis, proposita alioqui in lege, qui fecerit hæc uiuet in eis. Vtitur em̄ in Euangelio Deus alia noua, id est, gratiae, conditione: quæ sic loquitur, ut est Mar. ult. Predicite euangelium omni creaturae: Qui crediderit & baptizatus fuerit saluus erit: qui uero non crediderit, cōdemnabitur. Item Ioan. iij. Sic enim Deus dilexit mundum, ut filium suum unigenitum daret, ut omnis qui credit in eum non pereat, sed habeat uitam aeternam. Non enim misit Deus filium suum in mundum, ut iudicet mundum: sed ut saluetur mundus

mundus per ipsum. Qui credit in eum, non iudicatur: qui autem non credit, iam iudicatus est. Quia non credidit in nomine unigeniti filij Dei.

In summa, Decalogus manet ac retinetur apud Christianos, ut doctrina voluntatis Dei: utq; regula bonorum operum, qua iustificati utantur, in dijudicandis operibus, quæ placeant Deo: ne mirentur ac sequantur alia, quæ Deus non requirit. Sed ut exactio, ut tortor & onus conscientiarum est abrogatus. Solis tamen, qui in Christum Iesum credunt, donata est hæc gratiæ libertas: & facta Decalogi abrogatio, id est, iræ & maledictionū Decalogi. Incredulos enim suo iure perpetuo iudicat & damnat.

SEQUITUR ENARRATIO DECALOGI, IN QVA PRIMVM

*de autoritate & partibus legis: item de cognitione Dei, & uero eius cultu.*

**T** Raditurus itaq; Decalogū Moses, id est, eam legis partē, quæ cōti- CAP. II.  
net doctrinam poenitentiae & iusticię spiritus, (nempe, ueri timo-  
ris, fiducię, dilectionis & spei in Deum: Item auersionis a peccato, quod  
natura est tale, & dilectionis proximo præstandę.) cuius omnes sumus  
debitores, initio quædam premittit, ad muniendam doctrinæ legis auto-  
ritatem: & locutus est, inquit, Dominus cunctos sermones hos. &c.  
Non enim ignorari uerbi Dei autoritas debet: qua uidelicet conscientię  
nostre obligant, obnoxie Deo. Proinde autoritas Decalogi est diuina: Autoritas  
Decalogi.  
nec alia posset conscientias nostras obligare. Et præceptū Dei ita oportet  
definire, ut statuamus dānabile p̄ctm̄ esse, ei nō obedire. Peccatū est em̄  
Deo rebellē esse, & nō obedire monitis eius, q̄cquid ille p̄ceperit: & trās-  
gressiores condēnat eterna morte. Loquitur aut nō minus hoc tēpore no-  
bis Deus p̄ Decalogi p̄cepta, ministerio Christi & Apostolorū, quod  
ex euāgelij historia & scriptis Apostolorū satis liquet: quā olim locutus  
est Iudaico populo, ministerio Mosi & prophetarum

Præcipit aut agnitionē sui, ut breuiter dicā, in Decalogo: & requirit  
obediētiā erga suā uoluntatē. Porro loquenti Mosi, cuius ministerio  
primū lex est promulgata, autoritatē cōcilauit, p̄digijs & signis miracu-  
losis. Nec em̄ potuisset alioq; lex, ut missa a deo, recipi ab hoibus: nec ag-  
noscī, nisi in certis opinionibus uolūtas Dei. Quę etiā causa effecit, ut in  
uniuersa sacra scriptura nihil traditū sit nō cōmendatū nobis & cōpro-  
batum hac ratione. Oportuit em̄ homines certissime cōfirmari, de uolun-  
tate Dei. Quā p̄pter nec euāgelij p̄dicatio facta est initio, sine p̄digijs &  
operatiōibus miraculosis: attestatibus, uerbū ipsum a Deo missum esse,  
tum requirere Deū, ut in uniuerso orbe euangelio ab omnibus crede-  
retur. Deniq; ut promissionis gratiæ fide sese conuerterent omnes Gē-  
tes, & poenitentiam agerent.



In rebus enim, quæ attinent agnitionem Dei & uerum eius cultum, item quæ cōscientias nostras accusant, peccatū reprehendunt, siue ab illo nos absoluunt coram Deo, deniq; iusticiam in quam Deus respiciat, de finiant, & uiam eterne uite monstrant, non debet neq; potest ualere, præterq; iudiciū, autoritas, sententia & uoluntas, unius, ueri, æterni, omnipotentis & infallibilis Dei & domini omnium rerum; minimeq; decipientis nos quibus loquitur, sed ueracissime & fidelissime consulentis nobis, & pacta erga nos sua ac promissiones seruantis. Quid enim iudiciū & sententia hominis, his in rebus posset? Nihil sane q̄ errores & impietates seminare: & abducere fideles a uia iusticiæ, ueritatis & æternæ uite. Adeo enī ignarus est homo spiritualium & diuinarum rerum, ut illas etiam pro stulticia habeat & uanitate. Ac docent nos exempla superioris seculi, quō hypocrisicos & perditionis per hoīm doctrinas abducamur. Quare omnibus modis cauendū est, ne qs in ecclesia Dei, de rebus quas dixi, autoritate humana & sine uerbo Dei loqui & cōstituere presumat.

Nam & Christus ipse uideri noluit, de rebus fidei & æternæ salutis, alia quam diuina autoritate & uerbum Dei loqui. Ideo suum uerbum, dicebat esse patris uerbum: a quo missus erat in hunc mundum. Sic enī legimus Ioan. vii. inter alia eius dicta: mea doctrina non est mea, sed eius qui me misit. Idem præterea allegat non infrequenter, signa illa & miracula, quæ solitus fuit edere, in testimonium ueritatis doctrine: ne qui ambigerent, se alia discere & accipere in doctrina ab ipso, quam quæ erant a Deo. Vt Ioan. v. Ipsa opera, quæ ego facio, testimonium perhibent de me, quod pater miserit me. Et cap. x. Si mihi non uultis credere, operibus credite. Quæ igitur audacia est & temeritas, loquentium sine uerbo Dei in ecclesia, de rebus conscienciarum, de iusticia coram Deo & æterna uita: Imo pugnantia loquentium, & opprimentia gloriam uerbi Dei? Hoc enim pontifices & doctores horum infœlicium temporum fecerūt ac faciunt sæpe.

Sed pergam in his quæ cepei. Christus autoritatē uerorū Apostolorum quos misit, & qui aliud non erant predicaturi quā mandata Dei, & euāgeliū, uerbum uite; nobis commendans ait: Qui uos audit, me audit. Et qui uos spernit, me spernit: qui autem me spernit, spernit eum qui me misit, Luc. x. Nam alioqui certe, ne quis hanc sententiam corrumpat, & uiolenter trahat ad laudē traditionum humanarum, quisquis aliena a uerbo Dei audit atq; discit in ecclesia, is Christū minime audit: sed spiritus impostores & ministros Diaboli. Nec spernit Christū ac Deū patre, quisquis impias hoīm doctrinas, qbus gratiæ & gloriæ euāgelij derogatur, repudiat, contemnit & abiicit: sed necessario honore & cultu glorificat. Frustra igit hoc Christi dicto, Qui uos audit, me audit. &c. quidam Pontificij sibi blandiuntur, & suis impijs doctrinis, ac stul-

is legibus, patrocinium quaerunt. Nam & mandatū Christi prætereā habemus, quod iubet ut caueamus nobis a pseudoprophetis, & pernitiolis eorum doctrinis. Quales necesse est esse, qui nobis hominū doctrinā prædicāt, pro uerbo Dei. Nam puritas & simplicitas uerbi Dei illo pernicioso additamento corrumpitur.

Paulus quoque, qui auctoritatem Apostolatus sui accepit immediate a Christo, ad Rom. xv. scribit: Non ausim loqui quicquid eorum, quæ non efficit per me Christus. Et Petrus precipit, ut in ea ratione docēdi, quæ præscripta est a Deo, permaneamus, i Pet. iij. Si quis loquitur, loquatur ut sermones Dei. Ac uetat scriptura, ne homines præsumant sua cōmementa, uerbo Dei adponere: ut Deu. xij. Quod precipio uobis, hoc seruate, ut facias. Nec addas quicquid, nec minuas. Item Prouer. xxx. Omnis sermo Dei ignitus clypeus est. Nec addas quicquid uerbis illius: & arguaris, inueniar ilque mendax. Hæc omnia scripta sunt, ut studium puritatis uerbi Dei nobis cōmendent: atque ut uelimus cauere nobis ab hominum doctrinis, uidelicet, ociosis, uanis, inutilibus, impijs & pernitiolis.

Quid multis? Diligentia & cura cognoscendi dogmata, & retinendi uerbum dei pure, tam est necessaria, ut posthabita & neglecta illa non obscura significatione tectet, etiā Dei præceptum in negligētibz & desertoribus regnare: ne dū non sit perniciosum, & dānabile homini & ecclesijs illam postponere & negligere. Quod utinam serio cogitarent & expendere principes & magistratus: & quibus cōscientiarū regendarū cura, cū salutis doctrina, demādata est, episcopi & doctores. Nā certe liberaret ecclesias ab hoīm doctrinis: & pernitiolas eorū leges aboleret, quæ nunc fere primas in ecclesia tenēt. Tum serueret etiā minus odiorum, rixarum & contentionum passim in ecclesia: digladiantibus alijs pro stultis & fatuis legibus, alijsque pro gloria uerbi dei illis resistētibz, quibus non licet tacere. Neque enim facile dici potest, quam sint pernitiolæ hominum doctrinæ in ecclesia: de illis mihi sermo est, quibus par cum uerbo dei auctoritas tribuitur: & quæ finguntur necessariae esse, ac seruatae Deo honori, & cultum illi exhibere, homini autem gratiam & salutem mereri. Sicut hoc tempore postulant, de doctrinis hoīm, id est, de hypocrisis & uanitate, credi. Quare cum in solo dei uerbo posita sit iusticia & salus & uita nostra, cauere debēt & abijci hominum doctrinæ: ille quibus gratia & gloria uerbi dei obscurat & opprimitur. Nec prius sarciri pax in ecclesia, aut coire partium concordia potest.

Verum hæc de legis & uerbi dei auctoritate, in genere dicta, tā sufficiens

De partibus  
Decalogi.

ant. Dicam nunc de partibus legis: quæ sunt duæ principales. Nam & Christi testimonio, dilectione Dei & proximi, tota comprehenditur, & cōsummatur. Itaque tria prima, omnium consensu, et recto iudicio, referuntur ad dilectionem, Deo proprie debitam: reliqua septē ad dilectionem



nē proximi. Quam tamen illi, respectu Dei & uoluntatis eius potius debemus, q̄ proximi. Ex quo liquet, cur & ingratis, importunis, iniquis, & inimicis atq; aduersarijs nostris, dilectionem debeamus.

¶ Continet itaq; pars prior præcepta de cultu quem Deo proprie debemus: pars uero secunda præcipit de dilectionis obsequijs erga homines. Sed quia horū obediētia referri debet ad uoluntatē Dei, præcipientis eā, ideo & ipsa in cultu, quo Deus a nobis honoratur, haberi debet. Iam in parte prima, præcipitur initio de iusticia cordis: deinde de iusticia oris, & postremū, de iusticia operis & factorū, siue potius, de iusticia quieris & cessationis ab opere corporali: sed ut alij sanctiori rei, studio uerbi Dei uidelicet, & obediētiæ illius, dediti uacemus. Porro in altera parte, initio præcipit de honore, obediētia & obsequio, ad homines: quæ uidelicet parētib; debemus, atq; illis oībus, q̄ in uicem parētum succedunt. Mox in genere præcipit quattuor sequentibus, de offensa in proximum cauēda: quæ est in tribus, s. in opere, ore & corde. Opere autē dupliciter ledit proximus, aut eīm in corpore, p̄ homicidium: aut in rebus priuatis, ut cum adulterio illi polluitur cōiunx, uel facultatibus spoliāt, furto & rapina. Ore autē offendit proximus, mendacijs, calumnijs, prodicione, & similibus. Deniq; & ipso corde, per concupiscentiam, inuidentiam & similes morbos.

¶ Hæc partitio perspicue & utiliter docet. Et affert p̄terea alias cōmoditates: q̄a reuerentiā legum prioris tabulæ auget. Sic eīm existimādū est, in doctrina legis, reuerentiæ & honori erga Deū, dari primas & digniores partes: ut ipsa quoq; mādātā prioris tabulæ discamus in tantū ex celerare & p̄stare dignitate & necessitate præcepta posterioris, quantū Deus ipse excellit ac superat incōparabiliter res omnes oīm creaturarū. Quapropter & grauius peccant qui in præcepta prioris tabulæ delinquant, quam qui in ea quæ sunt posterioris. Tamen si mortaliter peccent, qui uel minimum præceptum Decalogi uiolant: etiam sola concupiscentia, & nulla externa trāsgressione. Sed quot sunt obsecro quos ea peccati conscientia tenet, si per incredulitatem, dubitationem, diffidentiam & desperationem, in præcepta prioris tabulæ delinquant: aut per aliam primorum peceptorum trāsgressionem? Sane multi hypocritæ, ne quidem pro peccatis agnoscunt illa uicia, quæ dixi: & quibus peccatur in primā tabulam quod in explicatione præceptorum magis discemus. Nam uicia cordis præsertim extenuant: quæ sunt grauissima coram Deo, & causa omnium trāsgressionum, quæ hominem condemnant. Sed ista cæcitas & ignorantia diuinorum est istorum propria, qui in suas carnales iusticias confidunt: & transferunt in eas summam pietatis, denique meritum gratiæ salutis. Ideo hac poena percutiuntur a Deo, ne uerum ui-

deant

deant, intelligant, cōuertant & salui fiant. Quapropter de hac crassa impietate homines diligenter doceri debent: ne per ignorantiam peccati, quod grauissimū est in oīm natura, in pharisaicum tumorē & arrogantiam, propter externa quaedam & paucula opera posterioris tabulę, lese erigant: & poena cecitatis, & priuati timoris Dei, in semetipsis, percutiant: ac contumeliosi in Deum permaneant, ut iudicentur.

Proinde, ab agnitione sui ordiē in lege Dominus: ac docet se require re aliquem sui cultum. Item, punire inobedientes & rebelles: & benefacere obedientibus, a quibus per timorem & dilectionē glorificat. Nam in Decalogi promulgatione, usus est hac p̄cipua comminatione & p̄missione: Ego sum Dominus Deus tuus, fortis zelotes: uisitās iniquitatem patrū in filijs, in tertiam & quartam generationē, eorū qui oderunt me: & faciens misericordiam in milia, his qui diligunt me, & custodiūt p̄cepta mea. Hęc eīm testant, esse Deum: & requirere, ut aliquo suo uerbo, ac signis & testimonijs suę bonitatis a nobis adprehendat: deniq; & cultum aliquem sui requirere, certum & Deo dignum, quo uult honorari. Vult enim credi, timeri; diligi & tota fiducia cordis adorari: quod uidelicet sit, qui puniat improbos, & bonis bñfaciat, adiutor & auxiliator p̄sentissimus in oportunitatibus & tribulatione. Sed sic coli a nemi ne posset, nisi antea perfectissime agnitus. Quapropter ad obedientiam legis accedere, etiā stultum est, nisi prior agnitio dei ad illam adferatur, uel potius ex illa accipiat: aut alijs uerbis, ac testimonijs Dei, tum suę erga nos gratiæ & bonitatis.

*De agnitiōe  
dei, & adora  
tione seu cul  
tu, qui illam  
sequitur.*

Itaq; primū est in lege, quod Dominus p̄cipit de agnitione sui: q̄ sine ea non possit florere in nobis cultus deo dignus. Cum autem secundum iudicium rationis, non possit cognosci, uel adprehendi Deus, ipse nobis loquens, pro agnitione sui, solus audiri debet. Agnoscitur enim sola uerbi sui fide: & signis ac testimonijs, unius, ueri, æterni & omnipotentis Dei, a se propositis. Nec alia re est efficax ad iustificandum nos: siue ad operandum ac p̄ficiendum in nobis suam uoluntatem. Verbum itaq; quo se Israelitis manifestauit, ac signum sue potentię & bonitatis, efficax in credentibus, hoc propositum pro tempore fuit: Ego sum Dominus Deus tuus, qui eduxi te de terra Aegypti, de domo seruitutis. Et sequit: nō habebis Deos alienos corā me. &c. q. d. non aliū Deū agnosces aut coles, p̄terq̄ me qui tibi hoc uerbū p̄pono, & testimoniū diuinitatis, oīpotentię & curę tui exhibui, hoc ipsum opus & bñficium, q̄ te e durissima seruitute liberaui: uidelicet de captiuitate in terra Aegypti.

Sic ergo agnoscere Deum, & adprehendere illū, potuerūt credentes Israelitę: & se ipsis fieri meliores, Deo cultū & reuerentiā debitā p̄stare. Ideo & prophetę illis testimonijs dei, potentię & bonitatis eius, in p̄dicatiōe frequēter usi sunt: ut ps. lxxvij. Itē ps. cxxxv. &c. quia, ut dictū est



nisi cognitus, quod est, & qualis est, coli non posset. Hebr. xi. Credere oportet accedentem ad Deum; quod sit, & inquirētibz se remunerator sit. Proinde & a nobis apprehendi debet certo uerbo: quo & noticiam sui nobis manifestat, & testimonia suae bonitatis erga nos praecipua edit. Verbum itaq; quod omnibus gentibus de cognoscendo Deo propositum est, est salutis euāgelium, quo omnibus annuntiatur remissio peccati & aeterna uita per Christum. Et exhibitum est, in eodem, testimonium diuinæ potentiae & bonitatis in destruendo regno peccati & mortis, pro omnium salute, ipse unigenitus Dei filius, Christus Iesus. Hunc ergo Deum, qui est euāgelij autor, & pater Domini nostri Iesu Christi, agnoscere debemus: & in omni uita nostra, per poenitentiam, & conuersionem nostri a peccato, ad præceptam in lege operum iusticiam, colere. Nam idem Deus, & legis, & promissionum gratiae, de quibus docemur in euāgelio, est autor: nec est alius, præter illum.

*Cultus spiri-  
tualis Deo de-  
bitus.*

Nunc uide, quid in cultu, unius ueri Dei oporteat numerare & habere: nimirum uerum Dei timorem, qui faciat, ne contemnere illius mā data uelle uideamur, sed sollicitè custodire & seruare. Deinde, ueram promissionum gratiae fidem: quæ sola efficit, ut Deum perfecto corde diligamus. Item, in qualibet calamitate patientiam seruemus: & auxiliū a Deo expectemus. Nam etiamsi lex timorem doceat & fidem, tamen nihil ad perfectionem perducit: sed fides promissionum gratiae euāgelij de Christo, cuius ratio alio loco erit explicanda. Reuertor nunc ad partitionem legis, in qua & cuiusdam alterius discriminis admoneri debemus: utilis ac faciendi in cultu Dei. Nam ipsa tempora adferunt nonnunc quā casus, in quibus leges pugnare uidentur: ut fere nescias, quid agas. Sed facilis est hæc controuersia pugnantium legum, & explicatur hac regula: Lex inferior cedat superiori, & secunda tabula primæ. Nam in his angustiis ipsi quoq; Apostoli sese explicant hoc modo. Sic enim statuunt, ut est Act. v. Oportet Deo magis obedire, quā hominibus. Et Christus tradit hanc regulam. Luc. xiiij. suo exemplo, prophetarum omnium & Apostolorum factis comprobata.

*Legum pug-  
nantia quomo-  
do explicen-  
tur.*

Verba Christi, quæ dico, apud Euangelistam Lucā, sunt: Si quis uenit ad me, & non odit patrem suum, & matrem & uxorem, & filios, & fratres, & sorores, adhuc autem & animam suam, non potest meus esse discipulus. Nam in his Christi uerbis & illa Pauli fundantur: Gal. i. Modo enim homines studeo demereri, an Deum? An quaero hominibus placere? Si adhuc hominibus placerem Christi seruus non essem. Itaq; plurimus usus est huius regulæ. Nam & principum ac Magistratus ciuilis autoritas illa defenditur: qua uidelicet, fontes puniunt & occidunt & facultatibus spoliant, & bello latrocinia arcant. Hoc enim, quia faciunt ordinatione, iussu & uoluntate Dei, cuius est illa Magistratus ultio & uindicta,

dicta, non possunt accusari transgressionis legum, quæ dicunt: non occides, non furtum facies, &c. Sed oportet fateri ac dicere, quod cultum debui Deo præstent. Nam & peccarent grauissime, nisi fontes punirent: & illa officia sua, quæ dixi, facerent, ministri Dei, in hoc ipsum seruientes: omnibus in bonum, & pro totius reipublicæ tranquillitate.

Sed Euangelij præcipuaratio in omnibus habenda est, ne contra hoc delinquamus in gratiam ullius hominis; siue ullius commoditatis, uel incommoditatis respectu, ut maxime totius reipublicæ bono corporali, aut damno, fieret. Nam & illa sunt Christi: Qui non accipit crucem suam & sequitur me, non est me dignus. Sed uenio ad inferiora. Nam & illa comparatio ex hac regula nascitur, qua uidelicet discernimus inter diuinas & hominum leges. Si quæ enim hominum constitutio pugnet cum Dei legibus, ea continuo repudiari debet & abijci. Ac prodest hanc regulam tenere hoc tempore, quo contra libertatem, quæ diuinitus donati sumus, multis pharisaicis constitutionibus grauamur in ecclesia: ueluti legibus de statis ieiunijs, delectu ciborum, prohibitis coniugijs, certis præcationibus, tam pharisaicis quam stultis & pernitiolis. Huc pertinet impiissima & iniquissima constitutio illa, de communionē alterius speciei pro Laicis: de Missa priuata, sacrificuli sacerdotis, in qua fieri oblatio fingitur, pro peccatis uiuorum & mortuorum. Quem ergo timor Dei habet, & quisquis uult cultum præstare Deo, is reiectis & conculcatis uariis simis constitutionibus istis, ad uerbi dei obseruationem sese conferat.

Non igitur negligenter discenda est illa comparatio: quia utilis est & necessaria in multis casibus. Nam & Monachos liberat a suis ridiculis & stultis uotis, regula quam hic explicamus. Quid enim est in illis, quod non aduersetur uerbo & mandatis Dei: Primum, quia derogat gloriæ Christi: deinde, quia obscurant mandata dei, de uera, utili & necessaria obedientia, castitate & paupertate. In summa, obedientiæ erga Deum, in quibuslibet casibus, prior ac potior ratio haberi debet: quam perueniatur ad obedientiam erga homines. Et fidei causa prædominari in omnibus negotijs debet dilectioni: etiam præcepta a Deo. Imo nec dilectionis mandatum tunc esse poterit, si quod factum aut faciendum fidei rebus aduersetur ac pugnet. Cæterum dilectioni erga proximum & necessitatibus eius, quælibet cerimoniarum constitutiones cedere debent. Extant enim & in euangelij historia plurima exempla, quæ nos hanc dilectionis seruandæ rationem docent. Vt Matth. v. viij. xij. Luc. xij. xv. Ioan. v. ix, &c. Nam si cerimonie diuinarum legum debuerunt utilitati & necessitati hominis cedere: quanto magis hominum cerimonie in his casibus necessitatis proximi, cedere debebunt. Nam & propter Christum omnes creaturæ seruire ac subiacere nobis debent. Matth. xij. Dominus est filius hominis, etiam sabbathi, i Cor. iij. Omnia uestra sunt, &c.



Hec igitur omnia nosse oportet & obseruare ac sequi, in doctrina & obedientia ueri & germani cultus Dei: qui uidelicet existit in obseruatione mandatorum Dei, & haud quā in ritibus ab hominibus excogitatis. Et ut quedam præcipiant homines, prima fronte non statim pugnantia cū mandatis Dei, tamen illa opera seruare & facere opinione iusticie & meriti remissionis peccati, aut satisfactionis pro morte, est cultus dæmoniorum: tam abest ut placeat Deo. Isti em̄ sunt hypocritarum cultus, obsecrantium gratiam & fidem: & suis mandatis eam laudem tribuentium, quem mandatis quidem Dei tribui recte potest. Habent aut̄ & mādata Dei suū ordinē & rationem: ut dictū est. Sunt aut̄ plusq̄ audacter impij & iniqui, qui sua uana præcepta mandatis Dei æquant: ac postulant parem honorē illis haberi. Item, affirmant æque meritoria esse, ut mandata dei. Isti sunt fures & Latrones, & non possunt non noxij esse, per suas istas impias doctrinas in ecclesia. Ac nimis inconsiderātes sunt, qui istis hominū doctrinis audent suā salutē cōmittere: papistę, Monachi, & Monachę, & id genus pessime seductores & illaqueatores p̄stighis Diaboli.

## SEQUITVR ENARRATIO PRIMI PRÆCEPTI

## NON HABEBIS DEOS

*alienos coram me.*

## CAP. III.

**I**N hunc modum præmissis quibusdam de legis abrogatione, & auctoritate quæ manet semper: Item, de partibus legis, de agnitione Dei & uero illius cultu: proximum est, ut ad singulorum mandatorum Decalogi enarrationem accedam. Proinde mandata Decalogi tradita sunt, propter transgressionem, sicut Paulus inquit, Gal. iij. utiq̄, tam cognoscendas, (demonstratas uidelicet & accusatas atq̄ dānatas lege, non futuras solum, sed iam presentes, quibus omnes rei sunt.) quam coercēdas. Vtrumq̄ enim Paulus docet: ut Rom. iij. per legē agnitio peccati, Gal. iij. Lex pædagogus noster fuit in Christum. i. Timoth. i. Lex est iniustus posita. Significat enim iniustos & iniquos homines aliquo modo coerceri legibus: nimirum ab externa transgressionem. Nam uicia cordis, lex scripta, & in tabulis lapideis exarata, non potest tollere ex natura. Sed ubi docet per legem cognosci peccata, tam de transgressionibus uiciosis cordis loquitur: Sicut manifestissimum est, testimonio cap. vii. Epistolę ad Rom. quam de externis transgressionibus operum malorum. Imo de internis transgressionibus oīm maxime loquitur: ut quas demonstrari & accusari præcipue opus fuit. Quia nisi per accusationem diuinę legis, nunq̄ cognosci potuissent: quod periculosum homini fuisset. Tū quia inani iusticie persuasione sese fefellisset: tū etiā, q̄a usum promissionū gratiæ nunq̄ uidere aut intelligere potuisset. Iā hac ratione existimandum est, tradita fuisse potissimū negatiua mādata, in Decalogo: quæ in omnia e regione suam quandam affirmatiuam in se includunt. Sicut mox planius adperiam, & copiose satis explicabo.

**E**Rgo continet Decalogus fere negatiua operis mali praecepta: quia magis positus est ut peccatum praesens ostendat, quam ut futurum prohibeat. Omnes enim habent peccatum, & egent gloria Dei: sed non omnes agnoscunt se habere peccatum, aut gloria perfectae iusticiae coram Deo egere ac uacui esse. Ideo opus fuit tali lege hominibus, quae omnes accuset, arguat, iudicet ac damnet: quod facit omnium maxime per accusationem ignorantiae dei, quae est in homine. Item, per accusationem diffidentiae, desperationis, incredulitatis & dubitationis de Deo & eius erga nos uoluntate. Denique per accusationem uiciorum motuum in natura: ut auariciae, ambitionis, irae, inuidentiae, libidinis & similiarum concupiscentiae carnis. Rursus, imbecillis est lex ad arcendum & prohibendum futura peccata: ac ne quidem potest satis externa uicia prohibere, praedominante uidelicet in homine peccato, in quo est natura: & quod dicitur, & est, congenitum illi, ac quidam perpetuus morbus in eo. Theologi uocant peccatum originis: Nec aliud est quam internum illud, de quo paulo ante dixi, quod eius rei accusemur legibus. Iam etiam uincit hominem Diabolus frequenter, ut per praeceptum in multa grauiora uicia ruat: nec possit peccato semper resistere. Est enim seruus peccati, ac uenundatus eius legibus, & obnoxius Diabolo, priusquam Christo, Dei filio, & unico omnium seruatore liberetur. Cum ergo Deus lege sua puritatem cordis a nobis requirat, ut dictum est supra: quia uult timeri, & per fiduciam cordis, spei & dilectionis honorari: manifestum est, quod his contrarios motus uiciosos in natura damnet ac reprehendat, ut est diffidentia, dubitatio & incredulitas: Item contemptus dei, carere timore, fiducia, spei & dilectione eius perfecta. Quapropter in legis negatiua considerandum est, non modo quae opera mala externorum uiciorum reprehendantur, uerum etiam internorum motuum & uiciorum cordis. Atque adeo considerandum est, quae opera bona externa, cum qua cordis puritate requirat praestari: nimirum, cum summa illa, perfecti amoris, fidei, spei, dilectionis & patientiae in quibuslibet calamitatibus, ne unquam contra Deum murmuremus, ullo uel minimo cordis motu. Et haec ratio ualet contra hypocritas, qui in legis negatiua nullam affirmatiuam uident: & legem de solis externis operibus & factis crasse & pharisaice exponunt.

Sunt igitur haec cordis uicia, quae lex reprehendit ac damnat prorsus ingenta hominis naturae: ut nemo unquam, ullo tempore, abesse ab illis possit. Nisi quatenus liberauerit nos Deus, per filium unigenitum Christum: sicut Ioan. viij. dicitur: si uos filius liberauerit, uere liberi estis. Et contra de hominis uiciata natura scribit. Gen. vi. cuncta intentio & cogitatio cordis, prona est tantum ad mala omni tempore. Item cap. viij. ibidem: intentio humani cordis mala est, ab adolescentia sua. Et propter haec na-



turę uicia, omnes iusticię nostrę sunt damnabiles & reprehensibiles coram Deo: nec de operibus suis potest quisq̃ gloriari, tanq̃ de perfecte bonis corā Deo. Hinc etiā cōcluditur, quod lex nō sit iustificationis doctrina: Sicut Paulus docet ad Gal. ij. Rom. iij. ex operibus legis non iustificatur omnis caro coram illo. Per legem enim cognitio peccati.

Proinde negatiua in diuinis legibus precipue coarguit nos esse abominabiles peccatores coram Deo: & reteggit nobis uicia cordis, & exprobrat imperfectam obedientiam, quatenus contuleris eā cū internis motibus cordis. Sicut necesse est fieri: quia de illis precipit lex. Vt Deu. vi. dilige Deum toto corde. Et. x. Dominum Deū tuū timebis. Et Leuit. xix. Dilige proximū tuum, sicut te ipsum. Item exo. xx. non concupisces. Postea & externas preuaricationes accusat & reprehendit lex: ut externam Idolatriā, blasphemias, cedes, adulteria, et his similia peccata. i. Timoth. i. Gal. v. Quin etiam Lex auget pctm̃ in carnalibus: ut quibus dolet coerceri, constringi, accusari & iudicari lege. Mallent enim cupiditatibus suis, quantumuis impijs, noxijs & prauis, effrenes indulgere. Accusati itaq̃ & iudicati lege, iuxta illud, maledictus omnis, qui non permanferit in omnibus, quę scripta sunt in lege, irascūtur legi & Deo. Et hac sententia lex dicit uirtus pcti apud Paulū: i. Cor. xv. Et Rom. v. Lex subintrauit ut abundaret delictum. Plura de his lege Rom. vij.

Hęc qui intelligunt probe, facile cōsentiunt doctrinę Euāgelij, Christi & Apostolorū: quę uidelicet tradit, ut dixi, quod nemo per legis opera corā Deo possit iustificari. Itē, pro iustificatiōe, opus esse hoī, grauita pcti & delictorū oīm condonatiōe. Nec mirū est, nō consentire huic p̃dicationi, qui hęc legis rationē & usum nesciūt: nec uidēt pcti magnitudinē, quę est in oīm natura: & opinant, quod legi suis uiribus, sua industria & uirtute, possint satisfacere. Ita ut semp reperire est multos, his pharisaicis opinionibus exccatos: perditos ac deploratos homines. Hęc igit̃ mala peccati, in superabilia nobis, intus gerimus: cōgenita uidelicet nobis, nō ab extra aduenientia. Ab uno em̃ in omēs, carnali generatione sunt propagata: uidelicet, ab Adam, sicut Paulus docet, Rom. v.

Itaq̃ nō magna laus est hominis, accepisse uidelicet illū prohibitiuā mādata, taliū & tantorum uiciorū. Nam si natura bonus esset, huiusmodi legibus nihil opus haberet: quin etiā sua sponte bene operaret, ac fugeret ea promptissima uoluntate, quę lex fugienda pręcipit: & cōtraria opera bona, cū summa uoluptate perficeret. Quę omia & Adā cū tota posteritate prestare ac perficere potuisset, si recta monenti Deo obtemperare maluisset: q̃ impia suadenti Diabolo obsequi & parere. Quanquā amplissimum gratię beneficium est, de talibus actantis peccatis accusari a Deo: quę si ignorauisset homo, nunquam potuisset saluari, cuius rationes iā antea a me sunt dictę. Nam opinione carnalis iusticię sese fefellisset: &

luce,

pace, iustitia, uia, ueritate & aeterna uita priuasset. Quare ingentis beneficii loco haberi a spirituali mente debet, accusari de tantis uicijs coram Deo: ne nobis placeamus, ultra q̄ oportet. Sed rursus tamen, ne displiceamus nobis ultra modum: quia Deus per peccati nostri accusationē, uult nos trahere in sue gratiæ fidem.

Iam illud uidendum est, quomodo quælibet negatiua includat in se, suam quandam operis boni affirmatiuā. Nam & Moses, & prophete & Christus & Apostoli, negatiuas illas, seu prohibitiuas operis mali, frequenter affirmatiue exponunt. Vt negatiua illa, non habebis Deos alie- nos coram me, habet has affirmatiuas: Ego sum Dominus Deus tuus. Exo. xx. Diliges Dñm Deum tuum toto corde tuo, tota anima tua & tota fortitudine tua. Deu. vi. Et ibidem cap. x. Dominum Deū tuum timebis, & ei soli seruias. Nam quod mox ibidē sequit̄, ipsi adhibebis, iurabisq̄ per nomē eius: Est affirmatiua quædam secūdi precepti. Veluti illa Ioel. ij. Omnis quicūq̄ inuocauerit nomen dñi, saluus erit. Ceteræ negatiue posterioris tabulæ, habent hanc generalissimā affirmatiuam: diliges proximum tuū sicut te ipsum. Leui. xix. Item, omnia quæ uultis, ut uobis faciat hoīes, & uos facite illis. Matth. vij. Sed huiusmodi plura testimonio colligere, foret ociosum: ut quæ nusq̄ non sunt obuia, in literis prophetarū & Apostolorū. Sunt em̄ legis spirituales sermones & tractationes. Liqueat autem ex his affirmatiuis, quæ cordis iusticia in lege precipiatur: quā solus Christus suo spiritu in nobis efficit & absoluit.

Igitur per negatiua mandata, ut dictū est, peccati & uiciorū corruptæ naturæ oīm primo accusamur. Sic em̄ lex chirographum est contrarium nobis: quia significat, nos esse repletos omni spurcitiā p̄cti & iniquitate. Nam præter diffidentiā, dubitationē & incredulitatē de deo, multis uiciosis morbis peccati alijs abundamus: ut inuidentiā, odijs, ira, auariciā, æmulationibus, & his similibus alijs, prorsus diabolicis, quos nemo tegete aut excusare potest. Cum omēs experiant̄ illos sibi adesse, & regnare in se: nisi quatenus bñficio coelestis gratiæ & spiritus Christi ab eis liberati sunt & defendunt̄. Quapropter & filios iræ Lex esse nos testat̄: qui nisi per gratuitā peccati nostri condonationē nequeamus corā Deo saluari. Neq̄ ex lego aliud melius reportare possumus, priusq̄ a Christo iustificamur, quam huiusmodi p̄cti, ignorantie Dei, & uiciorum mortuum in natura, certam & firmam cognitionem.

Hæc sunt ex Pauli theologia eruta de cognitione peccati per legē: itē de impossibilitate legis ad iustificandū & saluandū peccatores. Lex enim oīm maxime docet nos de interno peccato, ignorantie & contemptus Dei: & de alijs uiciosis moribus cordis. Quos & reprehendit atq̄ damnat lex: tum contrarios, pios, castos, & sanctos requirit. Est em̄ spiritualis doctrina: cui satisfieri a carne, i. uirtute humana, haud quāq̄ potest. Et

*Affirmatiua  
inclusa in negatiua.*



hoc est, quod Paulus inquit: Ex operibus legis non iustificatur ulla caro coram Deo. Nimirum, quia solis externis factis non satisficit legi. Nemo autem ignorat quanta difficultate obediamus legi: Item, quanti impuri motus adsint nobis, rebelles legi & Deo. Neque enim ipsi quoque sancti, qui a spiritu dei gubernantur, perfectam obedientiam erga legem præstāt. Nam si legi obedire carnalis natura posset, & præstare quicquid lex requirit, esset perfecte sana & libera a peccato: & proprijs factis iusta, sancta & salua coram Deo. Nec opus haberet gratia, ac redemptore Christo. Verum ea res longe aliter se habet. Nos enim peccatores sumus: & sine iusticia gratiæ, qua nobis cōtingit gratuita remissio omnium delictorum nostrorum, propter Christum, quatenus credimus in eum, non possumus saluari. In summa, lex arguit, accusat, & conuincit nos esse damnabiles peccatores: ut fiduciam istam impiam & arrogantem meriti carnalis iusticiæ nobis eximat ac penitus excludat. Tum etiam, ut ad gratiæ implorationem, pro remissione peccati, & auxilio spiritus, nos quasi impellat.

DE PLURALITATE DEORVM ALIENORVM, DEQVE DVPLICI  
Idolatria. Item quid sit, Deum habere: tum deinceps de uaria primi præcepti transgressione:

CAP. III.

**P**ostquam de negatiua legis, quæ frequenter obuia est, generalia quedam dixi: proximum est, ut quæ propria sunt primi præcepti, seorsim persequar & excutiam. Cum ergo in lege præcipiat Dominus, Non habebis Deos alienos coram me, pro illius clara & perfecta intelligentia dicendum mihi erit, primo: de pluralitate Deorum alienorum. Et mox, de duplici Idolatria: interna cordis, & externa operis & factorum. Item, Quid sit Deum habere: & postremo de uaria & multiplici transgressione primi præcepti, per aliquot exempla. Nam modi sunt innumerabiles ac infiniti: nec satis cognosci ab humano corde eorum profunditas & impietas potest,

*Dei alieni  
multi.*

Nō ergo frustra est, quod Deus numero multitudinis uicium Idolatriæ prohibet: siue potius reprehendit, accusat ac damnat, iam præsens in nobis. Nam prius docui, iuxta illud Pauli, lex propter transgressiones posita est, non tam arceri peccatum lege, quam redargui uehementissime & accusari in nobis. Quamquam enim apud aliquos aliquo modo externa transgressio prohibeat: tamen hoc neque perpetuum est, frequenter enim homines uincuntur temptatione, ut in grauiora uicia ruant. Neque fit apud omnes: pluri mihi. n. prorsus contemnunt Deum. Et ignari uiciorum cordis, in arrogantem impietatem incidunt, qui externa legis opera seruant: quod est nouum peccatum, & nouum Idolatriæ genus in homine. Denique hoc non est uere arceri aut prohiberi peccatum coram Deo, externa uicia solum prohibere. Quamdiu enim interna transgressio manet, reus est homo peccatrici legis. Certum est autem, internis uicijs cordis omnes abundare: maxime contra primum præceptum. Ut autem, uicium Idolatriæ est grauissimum in hominis corde: ita lex, dicendo, non habebis Deos alienos, abscondite significat, uariū ignorantia

norantia

noratque dei malū nobis adesse, uariū erroris & cecitatis in p̄ctō, adeoq; de  
fectionis a uero unius dei cultu. In summa, nō unius generis morbo uici  
orum nos laborare: quo Deū summa cōtūmelia afficimus in corde, &  
omni honore suo, qui illi reddi a nobis debuit, fraudamus. Prorsus om  
nes homines. Sicut Paulus probat, multis testimonijs scripturę: Ro. iij.  
Non est iustus quisquā, nō est intelligens, nō est regrens Deū. Oēs de  
clinauerūt, simul inutiles facti sunt: nō est q̄ faciat bonum, ne unus qui  
dē. Sepulchrę patens est guttur eorū: linguis suis dolose agūt, uenenum  
aspidū sub labijs eorū. Quorū os maledictiōe, & amaritudine plenū est.  
Veloce pedes eorū: ad effundendū sanguinē. Cōtritio & infelicitas in  
uijs eorū: & uia pacis nō cognouerūt. Nō est timor dei corā oculis eorū.

Hec igitur uicia, nomie Deorū alienorum cogitemus primo oīm reprē  
hendi. Quia em̄ nos alienā a uero Dei cultu, et aliū timorē, aliā fiduciā,  
dilectionē & spē in nobis erigunt, q̄ ad Deum adferri debuerunt, sunt  
propriissime species quedā idolatrię, qbus addicti & seruientes p̄cipi  
tamur in infinita uicia, p̄ctā & transgressiones externas. Quia ut primū  
p̄ceptum fons est obedientię oīm reliquorū: quod seruato eo, & reli  
qua omnia seruat a sunt ac facta. Ita transgressio primi, causā est uiolatio  
nis oīm reliquorū. Hæret itaq; grauissima & multiplex impietas, in car  
nali natura, & hominis corde: ut neq; timeat, neq; diligat Deum uere,  
planeq; diffidat illi atq; contēnat Deū. Et, sicut p̄pheta loquit̄, dicat in  
corde suo: non est Deus. Nā hinc certe est, q̄ rebus p̄sentibus magis  
confidunt hoīes, ueluti opibus, potentie, honori, & similibus, q̄ Deo,  
ignari uidelicet Dei, potentie & bonitatis eius. Nec credentes illis, quæ  
de Deo p̄dicantur: sed pro fabulosis habentes in cordibus suis. Qua  
re nec timeant Deum. Sicut probant in actionibus totius uitæ suę: Neq;  
possunt amare Deum: aut grati pro beneficijs illi esse. In prosperis autē  
insolenter agunt: & in aduersis desperant. Sed quis omnia illa enumeret,  
quibus idolatræ Deum sua gloria, ut dictum est, fraudamus?

Adpellatione tñ Deorum intellige simul dici dæmonia ista, q̄ gentes  
p̄ Dijs habuerunt: & Deorū nomie coluerunt, cū graui scandalo iudæ  
orum, quę finitime illis fuerūt. Itē, eos hoīes, quos plerūq; nec sapiētes  
nec bonos, sed insigniter stultos ac malos, dixerunt Deos esse: & horri  
bili impietate pro Dijs adorauerunt, fere adulātes hominibus: sed alijs tñ  
scandalū adorationis p̄bentes. Et ab his exēplis, de cæteris speciebus ido  
latrię facile iudicari potest. Est enim idolatria, cordis fiduciā, timorē,  
dilectionē & spem, aliq̄ q̄ uni, uero, æterno, omnipotēti Deo habere, id  
quod nunquam non faciunt homines, priusquam per cognitionem dei  
ueram ac solidam fuerint liberati. Ac miserandum est, fidere hominem  
rebus, quę illum nec meliorem aut fœliciores reddere possunt habitæ:  
nec deteriore amissæ, aut nunquam habitæ. Quod intelligi uelim a me



dict, de rebus omnibus, quæ nō sunt Deus ipse. Solus em̄ Deus habitus, beatum efficere hominem potest: quia solus est lux, sapientia, ueritas, summa felicitas & æterna salus.

Duplex Idolatria.

Porro, ex iā dictis colligere est, coargui in scripturis, duplicē Idolatriam: aliam internam & uiciorum cordis, & aliam externam, operis & factorum. Quare & lex de utraq; exponi debet: & oīm maxime, de interna illa, quæ est impij cordis, impietatis & peruersissimarum opinionum de Deo. Cum præterea sit fons, unde scaturit omnis externa Idolatria: contemptus Dei, & transgressio mandatorum eius. Nec em̄ prius admittit externa Idolatria, q̄ corde a Deo deficiamus: aut per incredulitatem, uel dubitationē & desperationem. Et externe Idolatrię facinora, sunt signa & quidā effectus abominabilis idolatrię regnantis in corde. Itaq; cor, quæ pars est hominis nobilissima, sedis & impijs affectibus obnoxium ac seruiens, cum excusso timore Dei, & reiecta fiducia, spe, & dilectione in Deū, seruit demonibus: Item timorē, dilectionem, fiduciā & spem, alio transferens, q̄ in Deū. Sicut Paulus de auaricia scribit, uocans eā cultū Idolorum: quod homines auari, tota cordis fiducia, & in altissimo contemptu Dei, et hominum, opibus cōquirendis student. Quod contra salutis rationē fieri, idem plurimis locis testatur. Et Christus affirmat, tales Deo non posse seruire: quia ppter hęc fore saluos. Matth. vi. Nemo potest duobus dñis seruire. Itē, Nō potestis Deo seruire & māmone. Et cap. xix. Diues difficile intrabit in regnū celorum. &c. Non em̄ facile imperant suis cupiditatibus & curis: ne sunt fideles dispensatores facultatum suarum in pauperes. Lege quæ sunt Luc. xvi. Et Luc. xxiij. dicit: caute uobis ab auaricia. Et cap. xxi. Attendite, ne grauent corda uestra curis huius uite. Nā præter q̄ quod abstrahunt a deo, in quo est summa impietatis, nihil sobriū, sanū aut modè rationale suadent. Vide i. Timo. vi.

Turpe est igitur & impiū ac noxiū homini, curis auaricię additū esse: quia est uiciū Idolatrię in illis. Ideo nemo gr̄tis est, potest saluari: nisi ab his impijs curis, p̄ fidē in deū liberetur, ac muret ut deum suum colat, timore, fiducia, dilectione & spe, quibus ille honorat & requirit honorari. Iā ab hoc exēplo de alijs speciebus Idolatrię iudiciū sumi debet. Quisq; em̄ quomodocūq; contra primum p̄ceptum peccat, non potest saluari: nisi ad agnitionē p̄cti sui pueniat, dolens ac uere cōtritus aspirauerit ad gratiā: & deinceps a quauis idolatria, tam quæ in corde admittit, q̄ in operibus prauis, abstinet. Sed plura exēpla, tã interne q̄ externe Idolatrię infra conabimur referre. Externa enim Idolatria est, quodocūq; homines & quocūq; casu, relicto deo, qui p̄ solā cordis fiduciā tenet, ad p̄sidiū creaturarum sese conferunt: & illis aliter, q̄ deus iubet utunt, hoc est, abutuntur. Et hęc semper coniunctam internā Idolatriā, & impietatem cordis, habet: quanquā non quisquis iustus peccat per idolatriam, mox etiam externam admittit.

admittit. Nam homines iusti, & timentes dei, uicij cordis repugnāt: & cauēt sibi ab externa transgressione mandatorum Dei.

Iam facile est explicare, quod tertiū fuit in proposito ordine dicendum: Quid uidelicet sit Deum habere. Siquidem Deū habet, quod quisq; timet, cui fidit, quod diligit, & in quod sperat: in summa, cui honorē cordis habet, uero timore, dilectione, fiducia, ac spe, & cuius possessione existimat se beatum esse. Et hec est adoratio cordis, ac uerus Dei cultus: cuius nos debitores esse erga uerū Deum Christus docet, Ioan. iij. Spiritus est Deus: & eos qui adorant eū, in spiritu & ueritate oportet adorare. Et huc pertinent precepta illa omnia, de timore habēdo erga Deū: de fide, spe & dilectione, ubicunq; extant in scripturis, quorū & supra mentionē aliquot feci. Et hoc modo Deū habere, ac colere, efficit hominem & in hac corporali uita beatum. Quia quisq; sic habet Deum, nō potest ullā aduersitate terreri, aut abijci in desperationē: neq; cōtra in prosperis carnaliter securus esse, & sine timore Dei agere. Sed existimat se in solo Deo beatū esse: ideo in quibuscunq; casibus adiuuāt a Deo. Nec admittit talis aliquid contra officium hominis Christiani. Graues adeo causae sunt, cur ille cultus & hec agnitio Dei precipiantur.

*Quid fidei:  
um habere*

Bene igitur illis, ac beati, qui existimant, intelligunt ac credūt, se omnia illa possidere in Deo, quae faciunt ad huius & futurę uitę felicitatē. Sic enim uarijs scripturę testimonijs docemur: & praesertim in psalmis. Vt psal. xxiij. Non rex saluat in multitudine exercitus: Gigas non eripiet in multitudine uirtutis. Fallax equus ad salutē: & in multitudine roboris sui nō liberabit. Ecce oculus Dñi erga timētes eū: & in eis, qui sperant in misericordia eius. Huc itē facit illud Hier. viij. Hec dicit Dñs. Nō gloriē sapiēs in sapiētia sua, & nō gloriē fortis in fortitudine sua, & nō gloriē diues in diuitijs suis: sed in hoc gloriatur q̄ gloriat, scire ac nosse me. Quia ego sum Dñs, q̄ factio misericordiā & iudiciū et iusticiā in terra. Hec em̄ placent mihi ait Dñs. Rursus Hier. xviij. maledictus homo, qui cōfidit in hoīe. &c. Isr̄ psal. iij. Dñi est salus: & sup populū tuum benedicti tua. Sed testimoniorū huius spiritualis doctrinæ est innumera multitudo: & nullis qui sacra legunt nō cognitissima. Quia hec est principalis intentio scripturę, ut nos de illo cultu dei doceat: quem cum praestamus Deo, efficiamur beati.

Sed ut Deū habere est pfecta q̄dam hoīs beatitudo: Ita q̄squis deo caret, ter miser est & summe infelix. Sicut sunt q̄ nō timēt deum: nec diligunt eum. Aut qui praedicatę omnipotentię, bonitati & misericordiæ dei diffidunt: ac dubitant, num in necessitatibus adiuuentur a Deo. Isti enim tales, non possunt a Deo adiuuari. Contemnunt etiam atq; odiant Deū: in afflictionibus impatientes & murmurantes aduersus Deum. Ideo necesse est, ut in rebus omnibus infeliciter & calamitosissime



agant: ut maxime in corporalibus florere uideantur. Sed quia Deum habent aduersantem sibi, etiam felicitates eorum cooperantur eis malum. Voluptates carnis, pecuniam, opes, honores, potentiam, & his similia carnalia pro summis felicitatibus consecretantur: ac spem in illis ponunt. Tam prudenter, digne ac solide, atque ille qui anime sue dixit: Anima habes multa bona, posita in annos plurimos, requiesce, comede, bibe, leta re, &c. Luc. xij. Et hec est uaria, multiplex & infinita eorum Idolatria. Quis enim motus impij cordis, hominis increduli & contemnentis Deum, numerare omnes posset: Sed nunc per aliquot exempla, uicia & transgressionem primi precepti, conabor aliquo modo declarare.

## DE VICIIS ET TRANSGRESSIONE PRIMI PRAECEPTI:

*de contraria pietate in Deum.*

## CAP. V.

**M**ulta sunt uicia in transgressionem primi precepti, quae omnia pugnant cum honore Dei: ligna in homine aboliti timoris & fidei in Deum. Nam qui peccat in primum preceptum, eos necesse est uero in Deum timore, fide, dilectione et spe uacuos esse: quacumque transgressioe hoc faciant. Sunt autem primi in hoc genere adeo, isti, qui Deum esse negant: aut Deo nos curae esse, respicere inuocantes, uel exaudire. Quamquam autem haec impietas teneat aliquo modo omnes homines: tamen illi qui uerbum Dei fide discunt liberantur ab ea. Ideo enim fide sese erigunt, & repugnant illi dubitationi, quae in impijs manet. In talibus ergo placet Deo inchoata obedientia: & si quid uicij adhuc remansit in eis, quod inuiti habent, & cui repugnant, non imputatur ipsis.

**II.** Aliud genus est hypocritarum et pharisaice iustorum: quos scilicet fiducia carnalis & propriae iusticiae tenet. Isti enim derogant gratiae & beneficij redemptionis Christi: sicut est depicta imago impietatis superbiae & arrogantis in exemplo cuiusdam pharisei, Luc. xviij. Magna autem cecitas est in isto genere hominum. Nam quia se mereri existimant iusticiam & uitam, per sua opera & facta: ideo necesse est, ut sint sui ignari: tum iudiciorum Dei contra peccatum, & peccatores. Ideo sine uero timore Dei, & sine uera contritione perpetuo agunt: ac negant se peccatum habere, mentientes, & mendacij Deum edarguentes. i. Ioan. i. Siquidem Deus testatur nos esse peccatores: & indigere gratuita peccati remissione, pro nostri iustificatione & salute. Sed ut peccati, ita beneficiorum gratiae sunt ignari: & Christi gloriam transferunt in suas inmundas iusticias carnis. Quare impossibile est saluari a peccato & morte posse, eos qui in tantis peccatis & blasphemijs gratiae ac beneficiorum Christi agunt. In hoc genere impietatis & Idolatriae est hoc tempore totus papatus: omnes Monachi & Monachae. Denique & tota scholasticorum theologorum doctrina, de poenitentia, & iustificatione.

**III.** Proxima est desperatio, de gratia & remissione peccati: in illis, quibus peccatum quod habent, in conscientijs ipsorum tandem reuelatum est. Sicut legimus horribile exemplum de Iuda qui prodidit Christum: longe seuerissi-

nam in iudicijs Dei, contra peccatores, a quibus contēnitur. Huiusmodi uero desperationem etiam docent, qui iusticias rationis predicant meritorias eterne salutis. Nam hoc cum sit falsum, & contra iusticiam gratie confictū, necesse est ut ueritas iudiciorū aliquando in contrariū reuelet. Quod cum sit, illi quos ignoratio gratie tenet, propter peruersam & corruptam institutionē, coguntur desperare. Sed sunt plurimi alij, qui etiā recte doceantur de gratia, tamen quia sine poenitentia uiuunt, absorben-  
tur tandē desperatione. Est autem horribilis blasphemia desperatio: quia est eorum, qui dicunt, maior est iniquitas mea, quā ut ueniam meream. Cum tamē Deus omnibus ignoscat, & breuiter omnia peccata remittat, propter Christum, quatenus credunt in eum. Isti ergo iusticiam gratie negant: quapropter ipsis quoq; negari debet. Negant. n. Deum esse misericordem: Christū, propitiatorē. Et tam gratie quā Christo derogant.

Iam dictis adde istos idolatras, qui Deum credūt doctrinis mandatorum hominum: pleriq; tam uanis & impijs, ut nequeant esse, nisi demoniorum doctrinae: de quibus Paulus scribit, i. Timoth. iij. Sed quanq; per se non essent mala, quēdam doctrinarum hominum opera: tamen cum accedit opinio necessitatis, iusticie & cultus, fiunt idolatrica. Vt cum dicuntur peccatum mortale admittere, qui mandata hominum nō seruant: aut gratiam mereri & iustificari, qui seruant. Tunc enim sunt uani & impii atq; idolatrici cultus: de quibus Christus pronunciat, frustra colunt me, docentes doctrinas mandata hominum. Huc pertinet doctrina scholasticorum theologorum, de satisfactoriis humanis praeceptis: ut de certis precationibus, elemosynis & ieiunijs. Item, de indulgentijs, purgatorio, & similibus expiationibus, in gratie cōtumeliam confictis. De Missa priuata, quae dicitur ex opere operato ualere, ad impetrandam remissionem peccati, tam uiuorum q̄ mortuorum. Huc accense & uniuersum Monachātū. Nā eius omīs fiducia, ut predictor, est uana & impia.

Porro, ut fiducia operū carnalis iusticiae, tam a Deo q̄ ab hominibus praecepta, est impia: Ita omnis priuatae sapientie, diuitiarum & potentie fiducia. Ita regi impium est, fiduciam in presidijis armatorum & equitum habere: scripturae testimonia sunt ubiq; obuia, & paulo ante quēdā quē huc faciunt posui. In homine avaro, impium est, amorem & fiduciam pecunie habere. Et omnis hominū sapientia, est stulticia corā Deo: nisi de qua Deus p̄cipit. Ideo stultū est & impiū ulli fidere: aut amare aliquā creaturā q̄ donū Dei, quo uelis uti ad gloriā Dei & proximi utilitatē, ac minimum abuti.

Homines plus timere q̄ Deū, siue aliter q̄ Deus p̄cipit, est q̄q; species idolatrie. Sicut sunt q̄ deficiūt a ueritate doctrine uerbi dei, metu tyrannorum & persecutionū. Quod ne q̄s faciat, Christus dehortās, ait. Nolite timere eos q̄ occidunt corpus, animā autē nō possunt occidere. Sed potius timeate uos qui potest & animā & corpus perdere in gehennam. Matth. x.



VII. Quibus non multum dissimiliter peccant, qui propter accepta scandala deficiunt; quę præsertim a moribus aliorum sumunt. Nam & Christus uult nos hæere in doctrina uerbi, etiam si professores impie uiuant. Matth. xxiij. Et commune præceptum omnes accepimus, ut nobis a pseudoprophetis caueamus: ne nos scandala doctrinæ ledant. Sunt autem deteriores qui tantum propter opes, & priuata commoda, aut in hominum gratiam, deficiunt a uerbo: ac negligunt atq; cōtemnunt uerbum; & huiusmodi spinis suffocantur.

VIII. Est & arrogantia ac securitas in corporali prosperitate damnata corā Deo: & propter impiam fiduciam, quædam species idolatrię. Qualem Christus describit, in eo qui dixit animę suę, Anima; habes multa bona, posita in annos plurimos: requiesce, comede, bibe, letare. &c. Tales enim plus fidunt opibus quam deo: ac sine timore Dei uiuunt. Imo nec credunt res humanas a Deo curari. Ideo non minus contumelia afficiunt Deum, atq; qui carnalis iusticię fiducia superbiunt, & inaniter gloriantur.

IX. Est aliud diuersum genus a iam dictis: uidelicet eorum, qui in aduersitate & calamitatibus corporalibus abijciunt animum & desperant. Cū deberent auxilium expectare a Deo: præterea patientiam præstare in his afflictionibus, & fidem exercere. Nempe, quod bono nostro, a Deo affligimur. Sicut docemur Hebr. xij. Respicientes in ducem fidei & consummatorem Iesum. &c. Et Rom. v. inquit Paulus: gloriamur in afflictionibus. &c.

X. Sunt deniq; Idolatrę qui claudicant in duas partes: ac Deo se, una opera, & Idolis suis, (nempe rebus, quibus per fiduciam cordis, diuinum honorem habent.) se posse seruire, stultissima uanitate presumunt: ut supra de auarīs dixi: quales tamen haberi uolunt ac credi, eximij cultores Dei esse. Sed istorum insaniam coarguens Christus, ait: Nemo potest duobus dominis seruire.

XI. Proinde a talibus non multum absunt, qui a Diis expectant in calamitatibus adiuuari, et a Deo suo. Nec admoneri se patiuntur, quod per diuorum cultum, suo honore Deum fraudent. Quale exemplum refert scriptura, de cultoribus Baal: cum nemo peregrinum Deum colere possit, qui non recedat a Domino. Qui præterea, ut solus est Deus in cœlo & in terra, & solus nos adiuuare potest, & adiuuat rē pore opportuno: ita solus uult hac opinionis & fiducię adoratione coli a nobis. Nec in aliud totum cor uni sibi a nobis deposcit, ut Deu. vi. diliges Dominum Deum tuum toto corde, &c.

*Diuorum impius cultus.*

Itaq; Diuorum cultus ideo impius est, quia tribuit hominibus honorem, qui proprie soli Deo debetur. Tribuit enim omnipotentiam illis: & exauditionem, id est quod motus & cogitationes cordium nostrorū inspi-

ciantur.

clant: quod est diuinitatem istis tribuere. Facit item ex hominibus media-  
tores intercessionis, in coelis coram Deo: sine omni uerbo Dei. Et quo-  
niam sacrae literę docent aduocatum intercessionis esse Christum ad dex-  
teram patris in coelis: Item, omnia quorum usu opus habemus, donari in-  
uocantibus propter Christum: quid istis somnijs mediatorum interces-  
sionis hominum aliud efficit, nisi quod suus honor Christo detrahatur,  
& fides extinguitur?

Magorum denique, & qui foedus cum Diabolo habent, crassa impie-  
tas, pugnat cum primo præcepto: & in genere eorum omnium, qui per  
cordis fiduciam a Deo recedunt, & in res alias illam ponunt. Vt qui fi-  
dunt certis signis, characteribus, statuis, sine & contra ordinationē Dei  
instituta. Alligant enim diuinam potentiam quidam ad lignea idola: qui  
bus fingunt uim quandam iuuandi calamitosos inesse, & præstare auxi-  
lium suis cultoribus.

Sed iam dudum satis est exemplorum transgressionis primi præcepti:  
ex quibus intelligi potest, qualibus modis uioletur, etiam si nemo unus  
omnes numerare possit. Ac potest ex ijsdem facillime colligi e regione, *Modi implea-*  
qui sint illi omnes modi, qui faciant ad primi præcepti impletionem. *tionis primi*  
Nā præter fugam iam memoratorum uiciorum, opera præcepta & requisi- *præcepti.*  
ta in illo bona, sunt: Deum uere timere, ut dictum est, & fiduciam boni-  
tatis eius habere, propter seruatorē Christum. Neque enim ob aliud nos  
respicit siue exaudit. Item, amare Deum: nempe, tam dementem, benefi-  
cum & propitium patrem. Agnoscere quod confessionem, gratitudinē  
& obedientiam ipsi debeamus: qui se totū ac gratis nobis offert ac donat  
Vt libeat nobis obsequi eius mandatis, cuius beneficijs tanquam filij di-  
lecti fruimur: qui salutem nostram redemit, per unigeniti filij sui mortē.  
Nam omnis illa obedientia erga mandata Dei, cū sit eo fine, ut Deum  
honoremus, est opus primi præcepti: ita ut omnis transgressio, & om-  
ne peccatum, est quidam Dei contemptus, & uiolatio primi præcepti.

DE POENIS VIOLATI DECALOGI: ET CONTRARIIS

*præmissis, eorum à quibus mandata Decalogi, sine impijs  
opinionibus, seruantur.*

**S**ED hæc hætenus pro intelligentia primi præcepti: cuius obedientia CAP. VI.  
utinam inspiret nobis Deus, ac faciat præstare. Nunc etiam de pœ-  
nis uiolatæ legis pauca quedam subiiciamus. Ac primo satis constat plu-  
rimis testimonijs doctrinæ Christi & Apostolorum, quod contemptū  
& transgressionem mandatorum Decalogi Deus æterna morte punit.  
Require itaque huius seueritatis & iræ Dei præcipue testimonia Mat. v.  
xix. xxv. Gal. v. i Cor. vi. Eph. v. Luc. xvi. &c.

Nam Matth. v. Christus inquit: nisi abūdauerit iusticia uestra, plus-  
quam scribarum & pharisæorum, non intrabitis in regnum coelorum. Nec



obscurum est Christum eo loco de obedientia erga Decalogū loqui: quā ultra externorum operum obseruationem, prestemus cum aliqua cordis puritate. Et ad Gal. v. dicitur: Manifesta sunt opera carnis, quę sunt adulterium, fornicatio, immundicia, lasciuia, Idolorum seruitus, ueneficia, inimicitie, contentio, emulationes, irę, rixę, dissensiones, sectę, inuidie, homicidia, ebrietates, comestiones, & his similia: de quibus prædico uobis, sicut et prædixi, qđ qui talia agūt, regnū Dei nō consequent. &c.

Sed quanq̃ transgressio mereatur pœnam æternę mortis: obseruatio tamen non promeretur æternam uitam. Primum, quia remissione in peccati & æternā uitam Deus propter aliud donat: uidelicet, propter Christum, quatenus credimus in eum. Deinde, quia obedientia operis nostri est adhuc imperfecta, nec satiffacit legi: placet tamen Deo illa inchoata obedientia, quia per fidem beneficiorum Christi operamur. Et sine impijs opinionibus resistimus peccato: non. n. ut remissionem peccati & uitam æternam nobis mereamur, sed ut gloriam gratię Dei ornemus. Ita placemus deo, cum proficere in bonis operibus studemus, hoc solo fine quod cupimus Deo obedire: & glorię Christi seruire.

Et si autem operibus legis nemo remissionem peccati, aut iusticiā aut æternam uitam mereatur: tamen alia ingentia premia illis operibus consequimur: uidelicet, corporalia & spiritualia in his terris, & quedam æterna in coelis. Effugiunt præterea multas corporales pœnas, aut certe mitigationem corporalium pœnarum sibi & alijs merentur, qui in iusticia legis non impie seruiunt Deo. Id est, sine pharisaicis opinionibus. Quem admodum in corporales pœnas incidunt ultra pœnā æternę mortis, qui Decalogi mādāta arroganter & sine pœnitētia uiolāt & contēnunt.

Sic ergo de pœnis & premijs corporalibus & temporalibus lex in genere cōtionatur, Exo. xx. Ego sum Dominus Deus tuus, fortis zelotes, uisitans iniquitatem patrum in tertiam & quartam generationem, eorū qui oderunt me: & faciens misericordiam in milia, his qui diligunt me, & custodiūt p̄cepta mea. Lōge aut̄ copiosius Leuit. xxvi. & Deu. xxvii.

Proinde recte existimant, qui sentiunt neminem a Deo æterna morte, propter aliena peccata, puniri: sed unumquēq̃ propter sua peccata & proprias transgressiones. Sicut impœnitentiam & incredulitatem punit: etiā si quorundam peccata tēporalibus plagis usq̃ in tertiam & quartam generationem persequatur. Sicut e contra statuendum est, neminem saluari æternā uita, nisi per propriam iusticiam & fidem. Abac. ii. Deus enim a singulis & fidem & pœnitentiam requirit: & transilientes damnat. Et iam si alię iusticię merito frequenter corporalia beneficia, & quedam spiritualia alijs conferat: atq̃ adeo multis milibus hominum.

In summa, quisquis credit in Christum Iesum & agit pœnitentiam efficitur saluus a peccato & a morte: qui uero non credunt euangelio, nō possunt

possunt saluari. Hæc enim est propria euangelij doctrina, quod Deus peccata remittat poenitentiam agentibus & credentibus in promissiones gratiæ per Christum: Luc. ult. Incredulis autem, & obstinacibus illis ac duris & sine poenitentia agentibus, nulla remittat. Sed poenarū & premium corporaliū & temporalium alia ratio est. Nam illæ recidunt ab unius peccato in plures.

Contingere autem corporalia premia operibus iustorum, præter supradicta testimonia, etiam illud Pauli docet, quod est Eph. vi. Filij obedite parentibus uestris, in Domino. Hoc enim iustum est. Honora patrē tuum & matrem tuam, quod est mandatum primum cum promissione: ut bene sit tibi, & sis longeuus super terram. Significat enim corporales necessitates & temporalia commoda, ut uictum, eruditionem, bonam ualitudinem, longiorem uitam, fertilitatem terræ, pacem & tranquillitatē, dari propter obedientiam erga parentes. De spiritualibus uero premijs, quæ contingunt his qui iusticię bonorum operum student, pulchre erudit nos exemplum Cornelij: de quo in actis apostolicis cap. x. Deniq; & Christus illis loquens, qui persecutiones suo & euangelij nomine perferunt, ait: Gaudete & exultate, quoniam merces uestra copiosa est in coelis. Matth. v. Eo ipso docens, nulla opera iustorum bona, nō habere sua premia in coelis: sicut copiosius docetur Mar. x. Et Luc. xvi. dicitur: facite uobis amicos de mammona iniquitatis, ut cum defeceritis, recipiant uos in æterna tabernacula: quod nisi de premijs bonorum operum, quę iustis reddentur in coelis, non potest intelligi, sicut copiose satis exponitur Matth. xxv.

Cæterum premia corporalia & spiritualia, dari alijs aliene iusticię merito, id est, aliena fide, docent plurima exempla in historia euangelij: quale habes Matth. ix. de quodam paralytico, cui & fides remissionis peccati impetrata est, & sanatio corporalis. Testantur item promissiones de inuocatione sanctorum: ut illa Matth. xvij. Si duo ex uobis cōsenserint super terram, de omni re, quamcunq; petierint, fiet illis a patre meo, qui in coelis est. Item illud Pauli i. Timoth. ij. Adhortor igitur primum omnium fieri obsecrationes, orationes, interpellationes, gratiarum actiones, pro omnibus hominibus, qui in sublimitate constituti sunt: ut quietam & tranquillam uitam agamus, cum omni pietate, & grauitate. Hoc enim bonum est & acceptum, coram saluatore nostro Deo: qui omnes homines uult saluos fieri, & ad agnitionem ueritatis uenire.

Ergo comminationes poenarum absterreant nos, ne mandata Decalogi uiolemus. Qui enim uiolant, sibi exitium eterne mortis acquirunt, iuxta supra posita testimonia. Deinde incurrunt simul in multas corporales calamitates & plagas: atq; adeo spirituales excecationis, indurationis & reprobę mentis. Sicut dicit Deus. xxvij. Percutiet te Dñs amentia



& cecitate, ac furore mētis: ut palpes in meridie sicut palpare solet cæcus in tenebris, & non prosperabitur uia tua. Nam hæc nimirū intelligēda sunt, de spiritali poena excecationis in corde & indurationis: qua percutiunt increduli & impoenitentes, ne qñ uerz uideāt, intelligāt, fide recipiāt ac salui fiāt: propterea qđ mādata dei aliquādo prefracte contēpserunt.

Deniqz, quoniā peccati poenę per plures eunt, fit sæpe, ut unus homo causa existat uariarū calamitatum & exitij alijs multis. Non in corpora libus poenistim: sicut propter Dauidis peccatum, tota gens iudaica attrita est & afflicta, sed quod longe grauius est, in spiritalibus quoqz: sicut testat dissolutio & discordia duorum regnorum, & impiorum cultum in Israel. Quę omnia secura sunt in poenā Idolatrię Salomonis. Hæc ergo grauitas irę, ultionis & iudiciorū Dei maxime metuenda est homi: & cauendum sollicitē, ne se calamitatis & exitij aliorū faciat causam. Nā tantis malis occasio esse, est impietarū omnium summa impietas: & meretur quælibet extrema.

Rursus pollicitationes premiorum inuitent nos ad obedientiam erga mādata Dei. Nam qui sine pharisaicis opinionibus legē faciunt, & iusta ratione premia petunt, multis grauibz malis se & alios liberant. Mitigat enim Deus poenas temporales propter poenitentiam iustorū: aut prorsus finit eas, iram suam auferens. Sed & ingentia premiorū beneficia, sibi & alijs conquirunt ac merent. Confert enim Deus plurima corporalia bona hominibus in hac uita, propter poenitentiam iustorū: ut necessaria alimenta, pacem & concordiam, successum & prosperitatem in rebus gerendis, & his similia. Deniqz, quod longe preciosius est, uerbi gratiæ lumē & cognitionem donat, propter eos qui iusticię legis pie studēt. Sed premia illa æterna in cœlis nulli contingunt, nisi propter suam iusticiā. Hæc ergo tantę causę faciant, ut honorifice & sentiamus & loquamur de bonorum operum iusticia: etiam si uerum est, quod ex operibus legis non iustificatur omnis caro coram Deo.

Non igitur nihil est bonorum operum iusticia, præstita sine pharisaicis opinionibus, ab homine minime arrogante, & credente in Deum, per seruatorem Christū Iesum. Hoc est, si primo omnium non querat iustificari ex lege: si non principaliter præmia petat, & gloriam Dei pluris faciat, quam suam utilitatem. Iusticiam autem & salutem quærat a Christo: expectatione tamen premiorum exerceat fidem. Nam & in promissionibus premiorum exercenda est fides: & ea agenda sunt, per quæ ad premia perueniri possit. Alioqui certe, bona pars promissionum Dei, & exercitiorum pietatis, euacuabitur. Dicit enim scriptura: date & dabitur uobis. Remittite & remittetur uobis. Item, cum stabitis ad orandum, dimittite si quid habetis aduersus aliquem: ut & pater uester, qui in cœlis est, dimittat uobis peccata uestra. Et uulgata sunt illa Math. v. Beati misericordes,

sericordes, quoniam misericordiam consequentur: & his similia alia. Et per prophetam in psal. loquitur Dominus: Inuoca me in die tribulationis, & exaudiam te, & glorificabis me. Sed ut talium promissionum est innumera multitudo, quæ pollicitationibus premiorum excitant fidem nostram: ita ubiq; obuia est, & nota omnibus.

Nihil uero in hac doctrina poenarum & premiorum, contra euangelij promissiones, de gratia & fide in Christum, docetur. Nam mors æterna sequetur haud dubie omnes eos, qui non perueniunt ad fidem in Christum: nec alia ratione liberabimur a peccato et a morte quam per fidem in Christum. Quia remissio peccati & æterna uita sunt gratuita dona Dei: & accipiuntur ac possidentur per solam promissionum euangelij fidem. Quapropter in doctrina iustificationis & æternæ salutis aliter loquendum est de operibus nostræ iusticiæ, quam in poenitentiae doctrina: siue cum agitur de operibus iustorum, aut certe eorum qui sine impijs opinionibus & cum studio proficiendi in uera pietate operantur & legem faciunt. Sicut Cornelius. Nemo enim per opera sua potest iustificari, aut saluus fieri, coram Deo: etiam si piorum opera quedam accipiant sua præmia a Deo. Huc ergo facit illud prophetae in psal. Et ne intres in iudicium cum seruo tuo, quia in conspectu tuo non iustificabitur omnis uiuens. Item illud Christi, Luc. xviij. Cum feceritis omnia, quæ præcepta sunt uobis, dicite, serui inutiles sumus, quod debuimus facere fecimus. Et Pauli: Ex operibus legis non iustificatur ulla caro coram Deo.

Quod uero Matth. cap. xxv. dicitur, Venite benedicti patris mei, possidete paratum regnum a constitutione mundi: Esuriui enim, & dedistis mihi manducare. &c. Id significat, præmium & mercedem consequi in coelis eos, qui ex fide operati sunt & iusticias legis fecerunt. Christus enim eos laudat, qui credentes euangelio, ea quæ dilectionis sunt præstiterunt: non laudat incredulorum iusticias. Discernit autem ueram fidem a ficta & a mortua rationis opinione, signo dilectionis. Nam & Paulus docet ueram fidem, rem esse efficacem dilectione. Gal. v. Rursus ipse quoq; Christus, ut scribitur Ioan. xiiij. inquit: In hoc cognoscent omnes, quod discipuli mei estis, si dilectionem habueritis inter uos mutuam. Sed incredulorum iusticiæ magis dignæ sunt æterna morte, q̃ præmijs: tantum abest ut præmia sint habituræ in coelis. Nam quia superbe, arroganter, & impie sentiunt de iusticijs suis, necesse est ut iudicijs Dei humiliantur: iuxta illud: omnis qui se exaltat humiliabitur. Luc. xviij. Hoc enim humiliari, est reprobari a Deo, ac reijci a gratia & condemnari, ita ut illi reprobo pharisæo accidit, in quem dictum est, omnis qui se exaltat humiliabitur. Quia in iusticias suas confidebat, & arroganter de illis coram DEO gloriabatur: quasi perfecte sanctus & beatus propter eas. Atque ita iudicabuntur omnes, qui in iusticiam grati non



COMMENT. DE POENITENT.

credunt: quęcunq; tandem operentur. Ioan. iij. Qui credit in filium Dei, non iudicatur: qui autem non credit, iam iudicatus est. Sed hæc hæc de poenis malorum operum, & præmijs bonorum: occasione comminationum & promissionum legis.

SEQVITVR ENARRATIO SECVNDI

*præcepti de iusticia Oris.*

*Non assumes nomen Domini Dei tui in uanum.*

CAP. VII.

**A**B interiore iusticia, quæ est cultus mentis, siue cordis, fons & causa omnis externæ pietatis, & cultuum in operibus & factis bonis, proxime fit transitus ad oris iusticiam: quæ complectitur tria præcipua capita, uidelicet confessionem, Inuocationem, & glorificationem. Quamquam glorificatio sit genus ad omnia quæ in cultu nominis Dei præstari possunt: nos tamen hac diuisione docendi gratia utemur. Ad confessionem autem potissimum referemus prædicationem & doctrinam: ad glorificationem uero, & fidem iurisiurandi, & gratiarum actionem.

*Negatiua.*

Quamq; enim Lex negatiue loquatur, & secundum literam prohibeat solum diuini nominis abusum: tamen eo ipso præcipit & de recto, iusto ac pio aliquo eius usu, ut illo sanctificetur. Sicut oramus, sanctificetur nomen tuum: nimirum propter præceptam Dei uoluntatem. Nam hæc est negatiuæ uis in mandatis Dei, non solum prohibere quædam opera mala: uerum etiam contraria bona, per absconditam affirmatiuam exigere, ita ut supra expositum est. Vt cum lex dicit: nō admittes adulterium; requirit temperantiam & castitatem: nec permittit, nisi proprię coniugis usum. Includitur ergo affirmatio in negatione: & negatio grauissime nos accusat. Significat enim cohærere nobis & congenita esse certa quædam uicia & peccata, per quæ propensi sumus ac procliuēs ad mandatorum Dei transgressionem. Affirmatio autem docet nos de contrarijs operibus bonis: quam pluribus scripturæ testimonijs colligere est expressum esse, a Christo, prophetis & Apostolis, ad intelligentiam & elucidationem omnium mandatorum Dei.

*Necessitas assumendi nominis Dei.*

Itaq; necessaria ratio est, cum lex utrumq; doceat: & declinare uidelicet a malo, & facere bonum. In malo quod prohibet lex, est abusus rei bonæ: qui solus in omnibus mandatis damnatur. In operatione uero boni, est usus rei rectus, decens, iustus, pius ac necessarius. Dicam autem primo de illo recto & iusto diuini nominis usu, sanctificatione & honore: postea uero & de abusu nominis, qui fit cum illius impia & noxia homini prophanatione. Est igitur duplex necessitas assumendi nominis Dei, recte, iuste, pie ac sancte. Prior est, ut DEO sua laus & gloria reddatur a nobis: altera & posterior, ut illa redditione debiti honoris,

noris, nostræ salutis consulatur. Hoc enim fit per rectum & debitum nominis usum: tunc enim adplicatur & trāsfertur ad nos omnis gloria dei, ut operantem & sanctificantem Deum in nobis patiamur. Nam illæ duæ causæ assumendi nominis sunt coniunctæ: nec possunt diuelli. Quia nemo potest Dei nomine iuste ac pie uti, cui hoc nō cedat in causam suæ æternæ felicitatis. Quemadmodum nec abuti quis diuino nomine potest, sine damno & detrimento suæ æternæ salutis.

Cæterum, nominis adpellatio, complectitur omnia quæ sunt Dei: ut quæ gloriose de Deo dici possunt, & utiliter prædicari apud homines, ac quibus uoluit innotescere & celebrari. Quod est uidelicet, unus, trinus, æternus, & omnipotens Deus: pater, filius & spiritus sanctus. Solus uere sapiens, iustus, uerax, bonus, clemens, misericors & propitius: imo ipsa sapientia, iusticia, bonitas, lumen, ueritas, clementia, misericordia, propitiator & propitiatio. Conditor cœli & terræ: uisibilem omnium, & inuisibilem. Nec conditor solum, uerum etiam gubernator & conseruator rerum omnium: qui dat nobis escam, potum, indumenta, & omnia quorum usu in hac uita opus habemus. Denique omnibus, qui bonitari & misericordiæ eius fidunt, est placatissimus pater, per Iesum Christum. Hæc igitur sunt fere diuina prædicata illa, secundum quæ Deus uult agnosci a nobis: & agnitus coli ac celebrari, per iusticiam oris. Id est, per confessionem, doctrinam, prædicationem, inuocationem, glorificationem, laudem & gratiarum actionem. Tum eo modo, iusticiam, pietatem, sanctificationem & æternam salutem in nobis operari.

Sed iam seorsim de his singulis partibus, quibus Dei nomine feliciter utimur, dicā. Ergo prima confessio, de qua Paulus dicit, Corde creditur ad iusticiam, ore autem fit confessio ad salutem, tribuit Deo omnem illam nominis gloriam & honorem, de quo iam dictum. Eius autem est pulcherrimum exemplum, in symbolo illo, quod dicitur Apostolorum: & suo loco non nihil a me explicabitur. Dixi autem, in confessione præcipue includi prædicationem & doctrinam. Omnis enim uersatur circa res easdem: uidelicet, circa annunciationē unius Dei & Domini omnium. Item circa creationis & redemptionis fidem. Denique circa poenitentię prædicationem. Habet autem hunc usum tam confessio, quam doctrina, ut qui Deum nondum cognouerunt, illa externa professione Dei inuidentur, ut etiam ipsi agnoscant esse DEVM, tum illum Deum esse creatorem omnium & iustificatorem & saluatorem. Denique, ut illius agnitione & fide timeant DEVM, agant poenitentiam: & in iusticia fidei & morum studeant proficere.

Sed in hac confessione & doctrina quam dico continetur & huius confessio: uidelicet, nos homines esse multis modis uanos atque impios peccatores. Item, nasci cum peccato, esseque iræ filios, & eterne dānationis



reos. Ac nisi renascamur per promissionum euangelij de gratia in Christo fidem, nunquam posse saluari a peccato. Nihil facere ad meritum gratie & salutis, ullas ullorum hominum iusticias. Nam promissiones gratie gratuitas esse: & per solum Christum dari ac contingere illis, qui credunt in eum. Quare arduum est & difficillimi laboris, hanc confessionem glorie, Deo patri & seruatori Christo Iesu debitam, intrepide & constanter reddere: quia cæcus, impius, ingratus, blasphemus & arrogans mundus, odit & persequitur illam. Itaque confessio hæc & doctrina, seu professio eorum quæ dixi, trahit secum crucem, & persecutiones: neque tamen licet detrectare confessionem ullorum periculorum terrore ac metu: sed oportet constanter gloriam Dei profiteri, etiamsi occidamur, sicut docemur Matth. x. Luc. xij. & alijs multis locis scripturæ. Sed nihil temere præsumendum est, in confessione: sed omnia cum summa reuerentia & timore nominis Dei, bona conscientia, studio glorificandi Deum & seruiendi hominibus. Item cum firma fiducia accipiendi auxilij diuini: ne forte in confessione non consistamus.

*Inuocatio,*

Inuocatio non aliter maxima uirtus est: quam soli, qui uere in Deum crediderunt, possunt pure præstare. Nam inuocare Deum, est animo per omnia tranquillo, securo ac certo, de propitia uoluntate Dei, in qua libet necessitate confugere ad Deum, & per preces postulare necessariorum & utilium rerum præstationem: atque adeo per deprecationes peccati & delictorum remissionem orare, & auersionem periculorum, ut sunt quæ nunquam non imminet plurima mala: denique nihil dubitare, quin omnes petitiones nostræ apud DEVM exaudiantur. Et quoniam sine hac fide, neque pie neque utiliter inuocamus Deum, additæ sunt præcepto de inuocatione multæ promissiones, quibus fides nostra erigatur & fulciatur: adhæc datus est mediator promissionum CHRISTVS Iesus, propter quem petitiones nostræ exaudiuntur.

Huc ergo faciunt multæ promissiones quarum aliquot hic subscribamus: ut illam, Ioel. ij. Omnis quicumque inuocauerit nomen DOMINI saluus erit. Item illa, Matth. vij. Petite, & dabitur uobis. &c. Prodest ergo usu quotidiano huiusmodi consolationes, & euangelium de Christo tritissimum habere: quare prædictis & illas sequentes promissiones coniungamus, psal. xc. Quoniā in me sperauit, liberabo eum: protegam eum, quoniam cognouit nomen meum. Ps. l. inuoca me in die tribulationis: & eripiam te & honorificabis me. Et psal. cxlv. Voluntatem timetium se faciet, & clamorem eorum audiet & saluabit eos. Prouer. xviij. Turris munitissima nomen Domini: ad ipsam currit iustus, et erigetur. Matt. xxi. Omnia quæcūque petieritis patrem in oratione, credentes, accipietis. Ioā. xvi. Si quid petieritis patrem in NOMINE meo, dabit uobis.

His ergo talibus promissis roboratur fides nostra. Nam sine talibus,

bus, & sine mandato & uoluntate dei, nulli liceret ullam rem a Deo postulare. Deus autem, quia salutis nostrę rationē habet, iubet ut petamus: & postulantibus in fide promittit exauditionē. De petendis autē in precationibus nostris & inuocationē docet nos Christus, Matth. vi. Brevis quidem formula est, precationū necessariarū & utilium instituendarum ad Deum: sed absolutissima. Quam tenere oportet, & meditatissimam habere, in usu petitionū & inuocatione. Nec quid indignę rei a Deo nobis petamus, aut pugnantis cum eius uoluntate. Ideo & eam formulam precandi, seu inuocandi Deum infra breui enarratione percurram.

Glorificatio refertur a Christo in genere ad quoduis studium glorię Dei ampliandę & illustrandę: Ideo cōplectitur ea omnia, quę faciunt ad diuini nominis honorē. Sed ratio docendi facit, cur hanc distrahamus a confessione & inuocatione: cum generaliter & confiteri & inuocare, sit Deum glorificare. Sed sine hac generali consideratione, glorificationem existimemus esse, primo omnium uitare ac fugere quamlibet prophana-  
tionem nominis Dei: Id est, quaslibet blasphemias & scandala. Ne cui noxius sis, aut per impiam doctrinam, aut prauę uitę conuersatione: quin potius cures recta docere, ac præ lucere alijs bono uitę exemplo: ut etiam ipsi prouocati & ueluti impulsī omni studio propensius ornent nomen & gloriā Dei. Fidem iurisiurandi religiose seruare: & gratias agere Deo, pro beneficijs in nos & alios collatis.

*Glorificatio.*

Ergo glorificare, est ab homine sua consilia dicta & facta eo referri omnia, ut honori diuini nominis, & utilitati proximi seruiatur. Blasphematur enim nomen & gloria Dei occasione scelerum & nequiter factorum: sicut e regione per occasionem rectorum consiliorum & factorum a plurimis glorificatur. In summa glorificare, est non solum operam dare, quomodo te ipsum custodias ac serues immaculatum & sanctum, cultui diuini honoris in omnibus deditus, uerum etiam, conari, ut eodem pietatis & alij inuitent ac trahant, tibi similibus studijs ornēt gloriā dei. Iuxta illud Christi: sic luceat lux uestra coram hominibus, ut uideant opera uestra bona, & glorificent patrem uestrū qui in coelis est. Sed adijciamus hic seorsim quædam, & de gratiarum actione: quę cum confessione & glorificatione habet magnam affinitatem. Confessio enim est quedam perpetua laus Dei, & gratiarum actio: & confiteri ac gratias agere, est glorificare Deum.

Proinde laudamus Deum & gratias agimus, pro quibuslibet in nos  
beneficijs eius: tum corporalibus & spiritualibus, tum etiam pro æternorum promissione. Ideo habet magnum fidei exercitium, & debet esse quotidiani usus: Eius autem in psalmis extant multa pulcherrima exempla. Sed hic monendi sumus, uidelicet, hominis Christiani esse, pro ipsis quoque correptionibus, calamitatibus, morbis, egritudinibus, af-

*Laus & gratiarū actio:*



fictionibus, cruce & persecutionibus, gratias agere Deo: ut quibus ille nos erudit atq; emendat, retrahens a peccando, ne nos damnatio absorbeat. Ideo beneficij loco ducunt corripi a Dño: sicut docemur Hebr. xi. & magne glorie & summe foelicitatis est pro nomine Christi persecutiões pati. Matth. v. i Pet. iij. Quia dum iudicamur a Domino, corripimur: ne cum hoc modo damnemur. i Cor. xi. Et gloriosæ sunt persecutiones, quas pro Christi gloria sustinemus. Rom. v.

In hoc uero summo gradu laudis Dei, quid possit præstare infirmo caro, quid attinet dicere. Debitum perfectę iusticię audimus: sed interim nemo est, qui illi satisfaciatur, aut possit satisfacere. Ac docent clarissime plurima Israelitarum exempla, non posse naturam afflictam bene sentire de Deo: siue in calamitatibus & aduersis, propitiā uoluntatē dei intueri, agnoscere, & bene ac bona sperare. Multo minus gaudere potest, aut gratulari sibi, tribulationibus probata, exercitata atq; attrita. Ergo in dictis omnibus usibus nominis Dei, occurrunt nobis magna, maxima, ualida et ualidissima fidei exercitia: quibus satisfacere sua uirtute quisquis se posse dicit, aut somnians loquitur, aut ioco, aut ueritatis & uirium suarum ignarus est: aut deniq; contemnit & irridet præcepta Dei.

De iuramentis.

Sed quæritur præterea circa huius mandati enarrationē, utrum liceat iurare homini Christiano: & quæ nā iuramenta oporteat seruare, & quæ tanq̃ illicita rescindere. Igitur iusiurandū esse Christianis concessum, clare testatur illud Deū. vi. Dominū Deum tuū timebis: & illi soli seruiēs. Ac per nomē illius iurabis. Docet em̃ locus ille quod si quando sit præstandū iusiurandū, illud non præstetur tamen, nisi per nomen Domini: id est, nisi accito in testimoniū ueri nomine Dei, quem nemo uelit falsi & iniquæ rei testem facere. Non enim licet in iuramentis hoc pacto, ueritatis honorem, ulli aliq̃ rei habere, quam nomini Dei. Iam uanum esset, de hac ratione iurandi docere, nisi licitum esset, imo iustum ac pium, in re pia, honesta & necessaria, iuramentum præstare.

Sunt autē pia, honesta, utilia ac necessaria iuramēta, q̃ a Magistratibus deferunt: q̃ sine præstatiōe iuramentorū, q̃ præcipiunt, nec officiū facere, nec dijudicare cōtrouersias, aut finire lites, possent, iuxta illud, Hebr. vi. Om̃s cōtrouersie finis ad confirmationē est iuramentū. Licet præterea iurare, quin etiā iustū est & piū, si qñ iubet uocatio & casus in q̃ seruit glorie Dei. Ita em̃ legimus & Apostolos iurasse. Nā Paulus inq̃: ego testē Deū inuoco aduersus animā meā. In summa, honor diuini nominis, & proximi seu priuata seu publica necessitas, cogunt nos uti iuramentis. Quod uero obijciat illud Christi: ego dico uobis, nō iurare oīo; id non intelligēdum est, nisi de temerarijs iuramētis, siue quę præstāt homines sine Magistratus auctoritate: nec cogente uocatione, aut honore dei, aut proximi necessitate. CHRISTVS enim singulos docet de priuata iusticia: & requirit, ut summa innocentia ab omnibus custodiatur.

Ideo uetat iurare: id est, temere & sine causa iurare, sine reuerentia & diuini nominis honore.

Si uero promittas quid, quod seruare & facere sit p̄ctm̄, ac pugnet cū uoluntate Dei, ac sine peccato prestari non possit, res ipsa clamat de huiusmodi impio iuramento, & stipulatione poenitentiam esse agendam: tū quod pollicitus sis te prestaturum, id minime præstandum esse: etiam si iureiurando te astrinxis. Impium enim & blasphemum facinus fuit, illud Herodis, quo fingeat se inuitum interficere Ioannem: sed religione iurisiurandi coactum. Eiusdem rationis sunt impia illa uota Monachorum & celibatus in papistico regno, quia per impias opiniones detrahunt honori Christi & abolent fidem: ideo sunt irrita, & seruari non debent.

*Monachorum  
uota non seruanda.*

## DE PECCATIS QVAE PUGNANT CVM

*secundo præcepto.*

**H**AEC de potiore legis parte, nunc paucis admonendi sumus, de peccatis & transgressionibus quae proprie pugnant cum secundo præcepto. Ergo occurrunt primum omissiones in opere bono: ut est, non confiteri doctrinam pietatis, corā aduersariis eius. Impias doctrinas serere, & tueri: ueras corrumpere, cauillari & obscurare. Non inuocare, neque gratias agere: & omittere glorificandi Dei studium. Inuocare dæmonia, aut sanctos: & alios impios cultus instituire, uel receptos ab alijs retinere. Maxime uero pugnant cum hoc præcepto blasphemiae & conuicia eorum qui Deum esse negant aut curae esse illi res hominum. Item, irridendum euāgelium & ueros Dei cultus: & in suos impios cultus dei honorē & gloriam transferentium. Et breuiter, omnia scādala, quibus obscuratur gloria Dei, & fides in infirmis obruitur. Denique periuria, pactorum & conuentuum uiolationes: Item execrationes, quae praesertim in alios dicuntur cum inuocatione nominis Dei. Scilicet, ut pro uotis impijs sit noxius alij: in quo est mirabilis leuitas & contemptus Dei. Et ab his exemplis facile est de similibus alijs iudicare. Neque enim possunt omnes blasphemiae hic numerari.

## DE COMINATIONE.

**E**st autem & cōminatio huic præcepto adiecta, propter horrenda illa peccata, quae contra illud pugnant, de quibus iam dictum est. Videlicet illa: Nec enim habebit in fontem Dominus eum, qui assumpserit nomen Domini Dei sui in uanum. Haec ergo semper habuit testem experientiam: sicut in poenis blasphemorum & seditiosorum frequenter cernimus. Et ut nunc in cladibus Anabaptistarum uidemus, quorum seditiosi tumultus reuera pugnant cum diuini nominis honore. Nec potest dubitari, quin etiam illi daturi sint DEO debitas poenas, qui hoc tempore gloriae Euangelij contradicunt, & doctrinam ueritatis deprauant. Sed & uidetur non longe abesse, dies ille DOMINI



COMMENT DE POENITENT:

Iesu: in quo abolebit oēm aduersariam potestatem, redacturus in sterquilinum & puluerē oēm illam gloriā, qua nunc florent ac fidū sui inimici.

Est autem in hac ipsa comminatione, & abscondita gratie promissio: sed de qua facile iudicare est, iuxta supra dicta. Significat enim, adiuuare Deum & fortunare illos, a quibus per diuini nominis honorē debite colitur. Nihil enim significat comminatio, nisi blasphemis & profanatoribus Deum aduersari, ac punire tales: & e contra iuuare & premijs afficere diuini honoris seruientes. Ideo bonos consolatur, improbis autē extrema quæcūq; impendere prædicat.

SEQVITVR ENARRATIO TERTII PRAECEPTI:

*Memento, ut diem sabbathi sanctifices.*

CAP. VIII.

**N**ON de ocio seu quiete ac cessatione laboris diei sabbathi, præcipitur proprie in hoc mandato: sed de sanctificatione sabbathi. Id est, de ocio propter alterius & melioris rei finem & usum. Sabbathum enim propter caerimonias fuit institutum: & omnes caerimonie potissimum seruire debuerunt ad honorem doctrinae uerbi Dei. Quapropter ocium corporale per se non magnam utilitatem adferre homini posset: & ad pietatem coram Deo nihil plane momenti habet. Ideo pharisaicas opiniones istas, quæ fingunt sabbathorum multiplicationem per se utilem esse, cultum esse, Deo honori esse, & ualere in genere omnes caerimonias ex opere operato ad meritum remissionis peccati & poenæ, toto corde detestamur. Nam etiam Paulus istas impietates & uanitates reprehendens ac damnavit, inquit: Dies obseruatis, &c. Metuo uobis, ne frustra laborauerim apud uos. Nec possunt meliorem usum habere caerimoniarum humanitus inuenta, quam illæ quæ olim tradite sunt a Deo. Quapropter etiam insania est hominum caerimonijs tribuere, quod nemo potest caerimonijs diuinis, recte unquam tributum fuisse, docere.

Alia igitur causa est, quæ faciat diei dominici, & aliorum festorum ac caerimoniarum obseruationem, apud Christianos laudabilem, utilem & necessariam: nimirum, necessitas docendi ac discendi uerbum Dei. Et ut ocio & quiete frui nos sinat Deus, tamen caerimonie sabbathorum per se non sunt cultus: nec seruiunt honori Dei, nisi quatenus seruiunt ad prædicationem & doctrinam uerbi Dei, & uerbum ipsum ornant. Cærimonie autem impiorum etiam deformant gloriā Dei: & ut fidem, ita ecclesias abolent. Non enim Ecclesia sunt, sed cœtus impiorum, ubi caerimonie seruantur his impijs opinionibus, de quibus supra dixi. Hæc autem unaratio facit ad ecclesiarum conseruationem, incrementum & consummatam saluationem, doctrina uidelicet, & cognitio uerbi Dei.

Esto autem, ut lex Christianis nihil præcipiat de diei septimi obseruatione, de certis sabbathis, aut caerimoniarum cultu: tamen, quia in euāgelio præcipitur de doctrina & prædicatione uerbi Dei, retinentur in genere aliqui

aliqui dies festi & cærimoniarum observationes, propter hanc necessariam causam, ut sciat plebs quando & ubi conueniendum sit ad uerbi Dei prædicationem. Nam sine huius cognitione & fide, ne Christiani qui demesse possemus. Hæc ergo ratio sabbathorum apud Christianos, est pia, utilis & necessaria: & uere quidam cultus Dei. Facit enim ad diuini nominis honorem & ad conseruationem ecclesiarum, ut dixi. Ideo et qui contemnunt seu uiolant hæc Christianorum sabbatha, & sine iustis & necessarijs causis alijs occupationibus seruiunt, quam discendo uerbo Dei, peccant mortaliter. Nam & Deum contemnunt, & homines malo exemplo offendunt.

Vide nunc concinnum ordinem in mandatis Dei. Primo præcipitur de interiore cultu, & iusticia cordis: mox de proximo illius effectui, de confessione uidelicet & doctrina omnis gloriæ Dei: Item de inuocatione & glorificando Deo. Sed ut diuini nominis honori recte seruire possimus, adijcitur præceptum de cærimonia sabbathorum: hoc fine, ut in diebus sabbathorum de uoluntate Dei doceamur, & ut illum deum, in omnibus actionibus totius uitæ nostræ, glorificare discamus. Complectitur enim glorificatio nominis Dei, & morum iusticiam nostram: qua gloriam gratiæ ornemus, & doctrinam ipsam apud omnes reddamus gratiorem & commendatiorem. Hæc est præcipua causa sabbathorum: nec alia potior spectari aut queri a Christianis debet aut potest.

Hunc ergo sabbathorum usum & scripturæ exempla commendant & clare docent, in quibus legitur de causis institutionis sabbathi & feriarum. Nam significationem habuerunt, aut præstitorum beneficiorum Dei, aut præstandorum: atque ita fidem exercuerunt & retinuerunt in iudaico populo, & continuam prædicationem & doctrinam uerbi Dei, beneficiorum & uoluntatis eius postularunt. Quo nisi ualeant cærimoniarum & constitutiones sabbathorum etiam apud Christianos, magis sunt perniciosæ, quam laudabiles aut utiles. Exempli gratia, Gen. ij. & Exo. xx. Vbi præcipitur de cærimonia sabbathi, constitutio loquitur tanquam de signo & memoriali creationis omnium rerum, quæ facta est a Deo: hoc fine nimirum, ut populus disceret fidem habere, timere deum, præceptam uoluntatem facere, & corporalia bona expectare a deo. Hæc pia & utilia exercitia etiam nunc retineri debent. Nec enim licet obliuisci beneficiorum creationis apud Christianos: & si quis doceat eos occasione sabbathorum de illis beneficijs, ac iubeat eorum sabbatha tanquam pro signis creationis rerum haberi, qualia fuerunt apud Iudeos, non peccabit. Quinetiam cultus erit, religiose hac de occasione sabbathorum cogitare, expectare beneficia a Deo: quoniam illi curę sumus, tanquam creatori, qui nos respiciat, uidelicet suum plasma & opus, & in quibus libet necessitatibus corporalibus iuuat. Et sic mandata Dei discere, & timore

*Origenes  
causæ sabbathorum  
apud Iudeos.*



dei recedere a malo, & ad glorificandū Deū modeste, iuste & pie uiuere.

Deu. v. additur memorabilis alia causa sabbathorum: uidelicet, memoria beneficij liberationis ex horribili illa seruitute Aegypti, populo Iudaico peculiariter prestiti. Neq; em̄ licuit illius obliuisci, in quo & nota fuit & signum unius ueri Dei: & testimonium, quod Deus sui populi non obliuisceretur, sed respiceret illum, & promissa seruaret. Valuit ergo illius bñficij memoria, ad confirmationem fidei promissionis, de uenturo in iudaico populo Christo. Nec inutile est, uel hoc tempore de his bñficijs Dei Christianos docere, etiamsi iudaico populo prestitis: sed si admoneas eos ueritatis promissorē, secundū quā Deus exhibuit Christum, & uniuersum genus hominum per Christū ex alia longe horribiliore seruitute, q̄ illa in Aegypto populi iudaici fuit, liberauit, redimens illud a p̄ctō uidelicet & aeterna morte. Et certe, qui in iūrio transtulerunt apud Christianos sabbathum a septimo in octauum diem, prudenter egerunt: uolentes nimirū admonere illos suę libertatis, qua constitutionibus legum Mosaicarū nihil debent. Deinde, & redemptionis totius generis humani, quā facta est in incarnatione, morte & glorificatione Christi. Nā ipsa sabbatha, quę nūc et dñicos dies adpellamus, gloriosos uidelicet resurrectione Iesu Christia morte, de his bñficijs dare apud nos loquūt.

Testantur itaq; Christianorū sabbatha, & abrogatio Mosaicarū constitutionum, Christum non ultra expectandum esse: sed exhibitū in carne, crucifixum & mortuum pro nostris peccatis, & excitatum a morte, iā gloriose in coelis regnare, & ecclesias uerbo gratiæ de p̄cti remissione & aeterna uita gubernare, & consolationibus spiritus sancti fouere. Hanc libertatis & salutis professionē debēt Christiani retinere, & tueri. Quod uero supra dixi de signi ratione, quā attendi debuit in sabbathis Iudeorum, discas etiam ex illo Exo. xxxi. Videte ut sabbathum meum custodiat. Quia signum est inter me & uos in generationibus uestris: ut sciatis, quia ego Dñs qui sanctifico uos. Item ex illo Exo. xij. ubi agit de constitutione celebrationis pasche: Erit quasi signum in manu tua, & quasi monumentum ante oculos tuos, ut lex Dei sit in corde tuo.

Hæc dixi de origine & causis sabbathorum apud Iudæos, ut melius ac certius doceā, quā sint recta exercitia sabbathorum, & in quem usum proprie constitui debeant, ac retineri apud Christianos. Si enim doceant nos de beneficijs Dei, & seruiant ad doctrinam, qua populus de fide & mandatorum obedientia instituatur, habebunt rectū, utilem, iustum, pium & necessarium usum. Nam his rationibus docemur, sanctificationem nostri a Deo expectare, fidem & timorem Dei retinere, & in poenitentia cum assiduo profectu permanere. Id est, legem Dei retinere in cordibus nostris. Quā existimanda sunt esse, de quibus Deus, pro sanctificatione sabbathorum præcipit: cuius adhuc sumus debitores. Oportet enim

enim aliquod tempus esse & certos dies constituere, in quibus de uoluntate dei doceamur, ubi tunc plebs confluere debet, & uerbum Dei cum timore & reuerētia discere: & fructum uerbi, qui est sanctificatio nostri, petere & expectare a Deo. Non contemnere aut negligere illos coetus & congregationes, in quibus conuenitur ad hanc disciplinam & studium uerbi Dei. Nam qui contemnunt & negligunt, grauiter & grauissime peccant: quia Deum contemnunt, nec habent suae salutis rationem.

Omnino itaq; fugienda & uitanda sunt pernitiōsa oīa ista: quæ nūc pleriq; in diebus sabbathorum consecretantur, scilicet, suis uoluptatibus, crapulæ & ebrietati seruiētes: & alijs noxijs rebus. Non enim instituitur sabbatha ab ecclesia oīj causa: multo minus impij oīj, ut uoluptatis aut luxus causa, sed propter gloriam dei, & Iesu Christi: adeoq; propter nostram salutem.

DE TRANSGRESSIONE, ET VICIIS IN HOC PRÆCEPTO.

**T**ransgressio igitur & prophanatio sabbathorum, est in contrarijs suis, quam uirtutes in hoc mandato præcipiuntur. Sunt autem uirtutes, docere ubi urget uocatio uerbum Dei pure: & in genere, quod oīem est, totum uerbi ministerium ornare. Oīi studio & diligentia promouere: minimumq; deformare, negligere aut contemnere. Nec contemendi occasionem alijs præbere: siue ut negligentius discant uerbū Dei, aut contemptius de publicis caerimonijs sentiant. Sed e regione contrariis sacris interesse: audire ac discere uerbum dei. Sepe & reuerenter de illo loqui apud bonos: & terrorem illius præfractis & obstinacibus incutere. Deniq; cantillari de illo, et indecores ac spurcos sermones uitare. Si cut Paulus præcipit Col. iij. Verbum Christi habiter inter uos abundanter, in omni sapientia, docentes ac commonentes uosmetipsos, psalmis & hymnis, & canticis spiritualibus, in gratia canentes in cordibus uestris Domino. Item communibus sacramentis cum ecclesia uni: & illorum reuerentiam augere. Non commessari, crapulæ aut ebrietati indulgere in diebus festis: quod alioqui, ut nunc habent res Christianorum, nullo tempore magis fieri solet. Nec apud aliam nationem audacius, quā apud Christianos: sed cum insigni contemptu Dei & uerbi eius, & cum totius ecclesiæ scandalo & eersione.

Ex quo colligere est, hæc omnia uicia deformare sabbathorum religionem: Non docere uerbum Dei, ubi postulat uocatio, aut negligentius docere, siue impijs opinionibus & doctrinis uerbi Dei simplicitatem & puritatem corrumpere. Hominum doctrinis parem, cum uerbi dei auctoritatem tribuere: non resistere impiis docentibus, ubi postulat uocatio, & cum possis dubijs conscientijs consulere, & errore & impietate ambigentes liberare. Contumaciter negligere aut contemnere uerbi ministerium: & publicas caerimonias, ad pios usus institutas, & irreue-



renter de illis sentire & loqui. Hoc enim est nolle uti beneficijs Dei: & ecclesie auctoritatem contemnere. Quam satis constat diuinam esse, in his quæ statuit, ut sint uerbo dei honori & ornēt ac promoueat pietatis studia, atq; ut seruiant ad edificationem: sicut illa ipsa constitutio sabbathorum, quorum reuerentiam, utilitatem & necessitatem nunc predicamus. In summa, suam operam non conferre ad conseruationem publici ministerij: aut abolere ministerium uerbi. Prauo uitæ exemplo alios abducere a religione sabbathorum: id est, a reuerentia uerbi & cærimoniarum, Et quomocunq; minuire uerbi & cærimoniarum utilium dignitatem, precium & auctoritatem: & efficere, ut contemptius his de rebus alij sentiant, iudicent & loquantur. Nā hæc sunt pernitiōsa scandala: non noxia tantum in ecclesia, uerum etiam deformantia nomen & gloriam Dei. Quapropter nec possunt impunita existerē: sed trahunt necessario secum multas plagas & calamitates, corporales & spirituales, & nouissimo damnationem & poenas æternę mortis.

Huc pertinet institutio impiarum cærimoniarum: quarum multitudo & importunitas officit prædicationi uerbi Dei. Sicut hoc tempore nullus modus est cærimoniarum in papisticis ecclesijs. Hinc etiam tanta raritas doctrinæ, & tantum silentium uerbi dei, est in illorum conuentibus qui papisticas cærimonias retinent atq; tuentur. Quare nec possunt ecclesiarum nomen tueri: quia abolent, aut certe obscurant uerbi ministerium: & faciunt ut non ualde necessarium esse existiment homines, illud quo uno ecclesiæ conseruantur. Est & in eo prophanatio cærimoniarum, fingere quod sint cultus qui ualeant ad promerendam gratiam remissionis peccati & uitæ ex opere operato: tum his impijs opinionibus retinere, multiplicare & augere cærimonias. Sicut olim fiebat, & adhuc fit, in ecclesijs, quæ uerbum Dei, hoc tempore foeliciter repurgatum ab his impijs opinionibus, nondum receperūt. Fœdius est & iniquius, dies festos instituere, qui tanquam cultus sint, sanctis honori, & illorum fauorem & gratiam nobis mereantur. Hoc enim est abstrahere ecclesias a cultu uerbi Dei: & meras idolatras ex illis facere.

Pertinet huc & sacramentorum usus. Quare nō uti sacramentis, blasphemare & contumelia afficere sacramenta, pugnat cū mādato de sanctificatione sabbathorū. Item corrumperetūm usum sacramentorū: plura fingere quam sunt. Et abuti tā ueris q̄ fictis, ad simulatā pietatē, & ad quæstū: quod quoties factū sit & fiat in papisticis ecclesijs nimis longum esset referre. Dicā de una Missa: ut quæ ad impios abusus fuit collata, & quæstui auarorū seruiuit. Auxit sacrificulorū numerū in ecclesia: cū uera illa, nullos habeat. Et doctores uerbi minuit: quibus oīm maxime opus habet ecclesia, & eorū opera penitus non potest carere. Itaq; in hoc genere & illi peccant, qui ministros uerbi indigne tractāt: non conferunt uictum

uictum & alimenta necessaria, aut uictum illis eripiunt. Siue deniq; qui non iuuant pro facultatibus studia illa utilia & necessaria, aut qui opprimunt ea, quæ faciunt ad ministeriorum conseruationem.

## DE DISPENSATIONE RELIGIONIS CAERIMONIARVM

**A**ccidit nonnunq; ut possis dispensare, de obseruationibus publicarum caerimoniarum: uel necessitatis priuatæ causâ, uel dilectionis proximorum. Sicut habes utriusq; exempla in euangelio: & plurima in literis ueteris testamēti. Quæ etiâ excusat Christus & adprobat: ut Math. xij. & alijs locis. Et probat fere hanc rationem, illo testimonio, Hof. vi. Misericordiam uolo, & non sacrificium, & scientiâ Dei plus q̃ holocausta. Accidit, Dominus em̃ est filius hominis etiam sabbathi: tū illud de se dictum in nos transfert, propterea quod omnia, quæ Christi sunt, illi us beneficio nobis sunt communicata.

Si igit aliqua uehemens necessitas, uel utilitas, aut tua aut proximi urgeat, potes caerimonias omittere, & tuis cōmoditatibus frui, aut alijs per dilectionem seruire. Sed in his casibus ministerium uerbi non uiolatur propterea: ideo nec sabbathorū religio dissoluitur. Ac possumus nostra libertate uti sine offensione aliorū: maxime piorū hominū. Nec magni refert, etiam si offendas impios: quin etiam prodest & necessariū est istos aliquando contemnere: nempe, ut gratiæ gloria, & libertas Christiana ab impijs opinionibus inuiolata seruetur & custodiatur.

In summa, dilectionis opera sunt caerimonijs preferēda. Ergo in casu quādo non possunt simul seruari, oia sabbathorū & dilectionis necessaria obsequia, illa quæ dilectionis sunt pretextu caerimoniae haud quāq; omitti debent. Peccarēt em̃ Magistratus, si propter caerimonias negligerent officiū suum: & curā & defensionē subditorū illis posthaberēt. Peccarent etiam homines priuati, si dilectionis proximorū, tam nullā rationē haberent, ut caerimoniarum obseruationi pluri deferrent. Hoc enim exemplo, præterq̃ quod uiolarent dilectionis legem, etiam alijs noxi essent quos in eandem opinionem suæ impietatis traherent. Sicut Monachi qui suos ludos caerimoniarum, uolunt credi maiores esse operibus dilectionis: cū diuinę caerimoniae dilectioni & necessitati proximi cedāt. Vt sabbatha, & olim circūcisio cū populus Iudaicus ex Aegypto transiret.

## De Allegoria Sabbathi.

**S**olet etiâ queri allegorica significatio sabbathi: propterea q̃ ritus Moysi sunt abrogati. Significat itaq; sabbatha, nō solū uacationē illā ab operibus pcti, qualis nūc p̃statur a renatis, & illis omib; q̃ euāgelio Dñi nostri Iesu Christi uere crediderunt, & a spiritu sancto gubernant: Verē etiā illā absolutā renouationē nostri, q̃ erit in resurrectione mortuorū. Tūc enim pctā, & q̃libet calamitates corporales & ipsa mors prorsus & cessabūt & abolebunt: & in illa æte spiritali, diuina et futura per



fecte glorificabimus Deum. Quoniam tunc uidebimus eum, sicuti est: & illa perfecta noticia Dei liberabit nos a quouis malo, & æterna fœlicitate replebit, & operabitur ueram sanctificationem Dei in nobis.

Hæc igitur quies & sabbathi perpetua sanctificatio sunt inchoata per euangelium: quæ Esaias adpellat, sabbathum ex sabbatho. i. continuum & perpetuum sabbathum. In quo & perpetua quiete fruemur, & Deum perpetuo glorificabimus. Cuius etiam mentio fit in epistola ad Hebr. ap. iij. Ingrediemur enim in requiem eius qui credimus. &c.

SEQUITVR ENARRATIO POSTERIORIS PARTIS DECALOGI.

CAP. IX.

**H**Actenus in ea legis parte uersati sumus, quæ tradit proprie quo Deum honore & cultu debemus prosequi & adorare: sequens pars continet præcepta de operibus, quæ erga homines exerceamus, propter Deum. Sic enim omnis obedientia illa nostra erga legem principaliter ad Dei honorem referri a nobis debet: ut statuamus nos illa opera ideo potissimum præstare uelle, quia Deus requirat ea & quia placeant ei. Nam etiam si communis lex nature hæc doceat ac suadeat, & hortetur nos ut ea faciamus: in, ut sumus carnales, nemo ita diligenter, prompte aut fideliter accedit ad eorum implerionem, atque quod cogitant, se ea in re Deo esse debitores & obsequium uelle præstare. quoniam illo obsequio placeat ei, & seruiant ipsi: & debitum officium faciant. Nec esset cultus in ea obedientia, nisi principaliter ad uoluntatis & gloriæ Dei studiū referret: ac ne sic quidem, nisi ex fide in Christum præstaret. Sed de hac posteriore ratione erit mihi alio loco dicendum. Continet autem hæc altera pars Decalogi pulcherrimo ordine tres præcipuas partes: in quarum prima, agit de honore, obedientia et gratitudine, erga parentes, Magistratus, & eos omnes, qui certa ordinatione dei officium parentum nobis debent, præstant, & in uicem parentum succedunt. In sequentibus quatuor, detractis personis hominum præcipi in genere, ne qua in reali quæ ex proximis nostris ledamus, aut ullis rebus eius noxi simus: quin potius omni studio & diligentia de quibuslibet bene mereamur, retinentes pacem & dilectionem. Nam ut supra demonstratum est, omnis negatiua, id est prohibitio operis mali, in diuinis legibus, continet in se quandam affirmatiuam, qua præcipi de certis operibus uirtutum, per dilectionem præstandis. Sunt enim spiritualia Dei mandata, & ideo regunt perfectam quandam animorum nostre puritatem & pietatem: ut qua non solum quædam uicia externa uitemus & fugiamus, uerum etiam cum summa uoluptate contraria opera bona operemur & perficiamus. Hinc etiam notatim præcepta est proximi dilectio: ut Leuit. xix. Diliges proximum tuum sicut teipsum. Et dilectio dicitur legis plenitudo. Quia in quibus est, operatur non solum fugam quorundam uiciorum, quæ Deus odit: sed etiam præstationem multarum uirtutum, quas Deus amat & requirit a nobis. Denique in tertia parte agit de malo concupiscentiæ, interni uicii: utique primo omnino, per accusationem nostri & reprehensionem

reprehensionem illius. Quia nemo est, qui concupiscentia mali careat profus: imo qui non abundet multis uiciosis affectibus in natura. Deinde illa ipsa concupiscentia, & affectus uiciosi, ledunt gloriam Dei: & uoluntati eius aduersantur. Ideo illa legis parte omnes proprie rei peragimur iure Dei, æternæ mortis & damnationis. Quam homines fide gratiæ renati, interim quoque doceantur, de frenanda & coercenda concupiscentia: ne imperet et regnū exerceat in nobis, sed gloriæ dei studio reprimatur.

Ut ergo ordinem, quem Deus in legis doctrina retinuit, sequar, dicam primo de honore & obedientia erga parentes. Nam ipsa quoque natura omnium primo illis nos subiecit: & defendendos ac gubernandos tradidit. Postea alijs, qui parentum officia nobis præstant: ut Magistratibus, & alijs de quibus suo loco. Verba autem legis sunt:

HONORA PATREM TVVM ET MATREM TVAM.

**S**ignificat igitur honor reuerentem existimationem de parentibus: quæ uidelicet agnoscimus illos antecellere nobis, & diuina ordinatione superiores esse. Ideo complectitur fidem uoluntatis & ordinationis Dei: qua ille requirit honorificam existimationem de parentibus a nobis, & promptam subiectionem. Ex qua deinde, & debita obedientia sequitur, & studium gratitudinis erga parentes. Quamquam igitur multa sunt, quæ dignitatem parentum nobis commendant & amplificant: ut quod sunt plurima in nos & amplissima merita illorum: ueluti, generationis, educationis, institutionis & similium: tamen his omnibus longe præstantius est, quod Deus illos præcipit nobis honorandos. Et eo potissimum respicere debemus, quærentes mandato & uoluntati Dei respondere ac satisfacere. Ne scilicet priuatas utilitates gentiliter spectemus & a nemine potius in parentibus, quam parentes ipsos: aut quam uoluntati Dei seruire studeamus. In hunc igitur modum debemus adferre affectum ad obedientiam mandati, quo reuerenter, prædare & pie de parentibus iudicemus & sentiamus, propter Deum: cuius uoluntati cupiamus obtemperare atque ita parentibus suum honorem habere. Nam sine hac pietate & reuerentia cordis, omnis externa obedientia, hypocrisis est potius & fucus, quam obedientia Deo debita. Ideo & in Leuit. cap. xix. DOMINVS ait: unusquisque patrem suum & matrem suam timeat. Non aliud præcipiens timoris adpellatione quam honoris. Cauet enim uerus timor, ne qua in re parentes indigne tractemus: sed omnibus officijs benede illis mereamur. Vtrumque autem istorum et honores solet præstare.

In tali igitur animo, quem dixi, existit uerus honor, parentibus debitus, propter Deum: scilicet amantem illos amplecti, & bene de eis sentire, timore DEI potius, quam alterius ullius rei causa. Ne opulentos potius diligamus, & honoratos, siue alijs donis præstantes, quam quia sunt pariter: aut, quia Deus iubet, ut honorent. Quod est quidem nimis

Honor quid  
significet.



uulgare. Ita solent. n. homines in omnibus carnali prauitate suas cōmoditates spectare, quærere & sequi, magis quam ut præstent, quæ alijs debent, præsertim in spiritualibus & uere Christianis uirtutibus, de quibus Deus præcipit. Sed qui illis affectibus aguntur, & obtemperant eis, non iugulantes eos, isti opes, potētiam, honores, nobilitatem, & his similia idola cordis sui honorant: parentes autē suos minime. Quin etiam Deū contumelia afficiunt, duplici impietate: propter Idolatriam quæ est in eis, & propter contemptam autoritatem parentum. In summa, nihil minus quæram iusticiam & deo debitam præstant: utcunq; uideantur suos parentes quoq; honorare. Oportet igitur detestare hanc simulatam pietatē, odisse & relinq̃re: & p̃cari, ut ab ea liberemur, & uoluntatē dei faciamus.

*Obedientia*

Et hæc de cordis reuerentia & honore: qui est summus gradus pietatis in hoc præcepto. Post hunc sequi debet, honos in factis externis: in quibus est prior obedientia, deinde gratitudinis & bene merendi studium. Debent enim filij parentibus mutuam uicem reddere. Obedientiæ est, obsequi & parere præceptis parentum, monita capessere & perficere: non impatientem esse correptionum. De hac scribit Paulus, Eph. vi. Filij obedite parentibus uestris in Dño. Id est, uoluntate & iussu Domini. Nam inde potissimum illud sequitur: hoc enim iustum est. Nēpe, a deo præceptum. Idē uolunt & illa ad Col. iij. Filij, obedite parētibus per omnia, hoc enim placet Domino. Qui ergo p̃ijs animis Deū timent & colunt, illi in licitis & honestis, perinde obtemperant monitis parentum, ut uoluntati Dei: Imo uocē, monita, correptiones & uoluntatē dei agnoscunt in mandatis suorū parentum. Nisi aliquid pugnans illi, cum uoluntate Dei, & cōtrarium fidei, præciperent. Tunc em̃ recederent ab officio parentum: & sua autoritate atq; honore semetipsos spoliarent. Nam & in genere oportet Deo in rebus omnibus magis obedire quā hominibus.

*Gratitudo.*

Alterum in externo honore, est beneficentia illa et gratitudo, qua studeamus parentibus nostris mutuam uicem reddere: & iuuare illos, re, opibus, consilio & auxilio. Sicut de illa, ut de parte debiti honoris, Christus hoc mandatum exponit. Matth. xv. & ueritatem eius cōtra impietates hypocritarum defendit: qui per suas impias doctrinas, mandatum de honorandis parentibus, Id est, de beneficentia parentibus debita, prætextu consecratorum Deo & tēplo, corruerant. Sumus itaq; præcipuæ cuiusdam bñficentiæ debitores erga parentes: cum alioqui communi lege dilectionis quibuslibet debitores simus. Sed parētibus maiora et prima dilectiōis officia debemus, ante alios omēs. i. Timoth. v. Si quis autē suorū, & maxime domesticorū curā nō habet, fidē negauit, & est infideli deterior. Quid si parētibus neger officia necessaria dilectiōis: cū iā ceperint egere & deficere: Hec deniq; gratitudo in quā in parentes, etiā regit & excusat,

excusat, si qua sunt uicia parentum: & aliquantulum morosos tolerat. Non sicut ille, qui Noah ebrium contempsit atq; derisit.

Sed hæc præcepta non modo contemni uidemus a promiscuo uulgo: uerum etiã ab istis, qui credi uolunt religionis capita & antesignani esse. Hoc est, a Monachis, qui nullis non stultis fictionibus, de monastica pietate & obedientia, præceptum de honorandis parentibus corrumpunt: quorum insaniam et stulticiam pontifex Romanus suffragio confirmat. Ut alia multa contra officium suum audet. Nam & matrimonia quæ contra auctoritatem patrum contrahuntur adprobat, & iubet rata esse: cum his in rebus nihil possit necq; laxare, necq; alligare. Pertinet enim ad officium ciuile Magistratus, de legitimis matrimoniorum contractibus pronuntiare. Docere potest pontifex quæ sint recta & iusta matrimonia: sed leges matrimoniorum nullas dare potest. Non magis quam ego, prædicationis euangelij minister & doctor

## DE PROMISSIONE

**A** Diecta est autem & promissio temporalis felicitatis huic præcepto: uidelicet illa, ut sis longeuus super terram. Id est, ne te Dominus puniat immatura morte, & alijs calamitatibus & plagis corporalibus: sed hanc uitam conseruet, & rebus necessarijs in illa fortunet, & prospere agere faciat. Sic enim Paulo exponitur hæc promissio, ad Eph. vi. Honora patrem tuum & matrem tuam: quod est mandatum primum cū promissione, ut bene sit tibi, & sis longeuus super terram. Significat enim, illorum res & fortunas adiuuari a Deo in hac uita, qui suos parentes honorent. Hinc necessario sequitur diuersos alios perdi, ac puniri multipliciter ac malis modis a Deo.

Proinde in ipsa promissione est abscondita iræ comminatio: sed quæ nihil obscure loquitur nobis. Iam quos Deus odit, etiam in spiritualibus punit: & tandem cruciatibus æternæ mortis. Priuat eos luce sui uerbi & gratiæ: ne uerum uideant, intelligant, conuertantur & salui fiant. Quæ admodum in spiritualibus iuuat quos diligit: ac donat illos sui cognitione & æterna uita. Quanquam suis operibus nihil tale mereantur: sed uerum est tamen, quod contrarijs factis prauis homines quaslibet poenas merentur, corporales, spirituales & æternas. Et has grauissimas poenas deberi his, qui auctoritatem parentum contemnunt, abunde liquet, ex epistola ad Rom. cap. i. Nam eo loco inter eos commemorantur qui sunt traditi in reprobam mentem: in qua ultione Dei est grauissima poena. Videlicet, priuatio cognitionis Dei & æternæ uitæ.

Docet ergo timorem D E I & fidem hæc promissio. Timorem autem poenæ, quod rebelles & immorigeros puniat: & fidem mercedis & præmiorum in hac uita, pro corporalibus necessitatibus. Quæ præmia, qui ordine petunt, ut gloriæ D E I in omnibus primam



tionem habeant, & pietati sine carnali respectu priuatarum commoditatum student, etiam in spiritualibus iuuantur, ac promouentur ad aeternam uitam. Sicut Cornelius, Act. x. Qui autem mandatum Dei contemnunt, penitus reprobis efficiuntur a Deo: ideo infelices sunt in quibuslibet rebus suis. Esto uideantur aliquando florere in temporalibus, tamen hoc non est perpetuum: aut quia Dominus uult tales aeternis cruciatibus, in duratione & aeterna morte punire.

Sunt autem uicia & transgressionis in hoc praecepto: contemnere auctoritatem parentum & contumelia illos afficere. Immorigerum & contumacem erga eos esse: & quomodocumque indignis modis tractare parentes, contra, quam supra de debito illis honore dictum est.

## DE HONORIS REVERENTIA QVA CIVILES

*Magistratus prosequi debemus.*

**A**D hoc praeceptum referri debet honor ille, quem testimonio Christi & Apostolorum ciuilibus Magistratibus debemus. Succedunt enim certa ordinatione Dei in uicem parentum: & sunt quidam patriae patres, maxime qui officium suum faciunt. Et parentes quilibet nostrum, lege quadam naturae, uicem suam & auctoritatem, illis committunt. Omnes enim uolunt suos defendi a Magistratibus: bonis legibus institui, regi et gubernari. Debent igitur timeri a nobis & amari, & reliquis officiis obediunt & gratitudinis, non minus honorari a nobis, quam ipsi parentes, qui nos genuerunt.

Maximum autem in illis, cur mereantur a nobis honorari, est, quia sunt ministri Dei: in hoc ordinati a Deo, ut multis commoditatibus, non aliter quam parentes, nobis seruiant. Solis enim iniustis & malis hominibus sunt terrori: quos etiam dignis poenis comprimere debent. Bonos autem amplissimis beneficiis afficiunt: per hoc quod horum temporum pacem conseruant et tranquillitatem. Ac defendunt singulis, res suas priuatas: ueluti uxorem, liberos, opes, famam, &c.

Si ergo opus et ordinatione dei in illis intueamur, facile tribuerimus ipsis debitum honorem, & debita obsequia: ac sciemus ea in re Deum a nobis coli & honorari. Haec igitur prodest iuuentuti & omni populo diligenter inculcare: ut magistratus metuant offendere, & officiis eorum non sint ingrati. Maxime ne sint ingrati erga Deum: qui nos officio ciuilibus Magistratus defendit, regit & seruat in his terris. Omnino enim qui diuini potestati resistunt, Dei ordinationi resistunt: & iram in se Dei prouocant, ac damnationem sibi acquirunt. Sicut Paulus docet, Ro. xij. Et ibidem de gratitudinis officiis nos admonet: ut sunt reddere tributa, uectigalia, & alia in republica iussu & uoluntate eorum facere, per quae imperia conseruant.

Sed quantum ueri honoris Magistratibus debeamus, quia sunt ordinatio & ministri Dei in his terris, locuplete docet Paulus Romanos. xij. Item Petrus, i Pet. ij. Atque adeo Christus, ubi iubet reddere Caesari, quae

quæ sunt Cæsaris, id est, timorē, obedientiā & gratitudinem, ut explicatū est. Nec habemus quicquid melius in his terris, post uulgatū regnū gratiæ Christi, hac Magistratus ordinatiōe: nec possumus ea ullo modo carere, pro temporaliū & corporaliū rerū incolumitate, in qua seruiūt atq; ministrant nobis. Vt etiam si malī principes & tyranni cōtingerent nobis, tamen satius foret, tales pati ac tolerare, quam Magistratus gubernaculo in totum destitui.

Verum si illi ita mali essent, ut quæ Iesus Christus regno gratiæ suæ nobis largitur, auferre uellent: hoc est, si uellent nos spoliare euangelij doctrina & usu sacramentorū: siue, corruptis & impijs dogmatibus, contra euangelij ueritatē patrocinari, & abusiui sacramentorū: rectius tūc fecerimus si ipsam mortē pertulerimus potius, q̄ ea in re obsequamur eis ac pareamus. Iuxta illud Christi: si quis uenit ad me & non odit patrem suum, & matrē, & uxorem, & filios, & fratres, et sorores, adhuc autem & animam suam, non potest meus esse discipulus. Et qui non baiulat crucē suā, & uenit post me, nō potest meus esse discipulus. Luc. xiiij. Et generalis regula docet: oportere in oībus, Deo magis obedire, quā hominibus.

Sed hic de honore Magistratibus debito agimus: sine consideratione tyrannidis, qua quidam gloriam Christi, & libertatem qua cœlitus donati sumus, opprimere connituntur, atq; audacter præsumunt. Proinde extra casum huius uiolentę & impię tyrannidis studeamus obedire Magistratibus: & obedientiam referamus ad Deum, ut timorem & fidē exerceamus. Intelligentes imperia, non arbitrio hominum erecta esse, nec humana ui consistere: sed ordinationem Dei esse illa imperia in his terris, tueri ac defendi Magistratus opera atq; auxilio Dei. Eoq; rebelles & a Deo puniri, si ordinatam poenam Magistratus aliquando euadant. Deseditiosis testimonia habemus, uidelicet omnium temporum historias, quæ probant quod poenas uiolatæ autoritatis Magistratus euadere non possunt. Et Paulus inquit: Rom. xiiij. Ideoq; necessitate subditi estote, non solum propter iram, sed etiam propter conscientiam. Eo enim significat puniri a Deo multis corporalibus calamitatibus rebelles ac seditiosos: & conscientias eorum contaminari & pollui peccato. A quo nisi liberemur, per poenitentiam & correctionem illius peccati, nec saluari coram Deo a morte possumus, aut uitam accipere.

In hunc igitur modum iubet Paulus obedientiam referre ad Deum, & fidem exercere & timorē retinere. Quia ira & ultio Magistratus sit ordinata a Deo: quam qui euadant, rebelles & seditiosi, nequeant tñ conscientiam peccati euadere, quę impoenitentes absorbet tandē æternę salutis desperatione, ut alias calamitates taceā, quibus in hac uita adobruuntur corporalibus: ut supra in genere dictū est, de illis quorum p̄c̄tā in tertiā



COMMENT. DE POENITENT.

& quartam generationem puniuntur. Et Salomon ait: Time Dominū fili mi, & regem, & non immisceas te illis qui deficiunt, (id est, cum seditionis.) Repente enim consurget perditio eorum: & exitiū utriusq; quis nouit: Prouer. xxiij. Et Petrus testatur, seruire Magistratus, ad uindictā malefactorum: atq; ad laudem bonorum. Hæc omnia testimonia significant ipsum quoq; Deum odisse eos, qui Magistratui resistunt: & ordinatas poenas sua opera accelerare & irrogare. Nec posse euadere, quin puniantur: quia ipsa quoq; dilatio poenæ non est impunitas, sed ea inuitantur quidam ad poenitentiam: ne si impoenitentes maneat, sine conscientia & sine dolore peccati, & sine conuersione ad gratiæ fidem, nec saluari ab æterna morte queant.

DE HONORANDIS DOCTORIBVS ECCLESIAE:

*et quibusdam alijs, in genere.*

**P**roximum est, ut de honore & obedientiā doctoribus Ecclesiæ debita non nihil dicam: quorum auctoritatem qui contemnunt, ipsum met Christum contemnunt, qui uult in illis agnosci & honorari. Nec Christum solum contemnunt, uerum etiam Deum patrem: & in longe periculosiore statu agunt, quam qui ulla alia peccata & transgressionem legis admittunt. Quia grauius est uiolare euangelij auctoritatem & contemnere, quam legis: sicut docetur ad Hebr. ij. & x. Quanquam qui auctoritatem recta in ecclesia docentium, de quibus solis nobis sermo est, contemnunt, isti simul & legem & euangelium contemnunt. Quapropter necesse est, & corporaliter & spiritualiter, hic et in futura uita infelices esse. Igitur qui ecclesias gubernant, & uerbo Dei erudiunt, illis primum debetur ille honor, ut credatur a Deo missi esse, in salutem generis humani, tanquam ministri Christi & dispensatores mysteriorum Dei, ut uocantur i. Cor. iij. Igitur & obedientiam ipsis debemus, quatenus prædicant nobis poenitentiam & gratiæ fidem. De quibus solis dictū est: Qui uos audit me audit: & qui uos spernit, me spernit. Qui autem me spernit, spernit eum qui me misit. Quatenus igitur bene affecti sumus erga ministerium uerbi & ipsos ministros, & doctrinæ quam adserunt fideles ministri paremus, ipsi met Christo Iesu & Deo patri illum honorem habemus. Non ergo nec ille honor prædicatur, quē Doctoribus ecclesiæ habeamus, nisi quatenus ipsi redemptori Christo & Deo patri illum debemus.

Huc facit & illud Hebr. xij. Obedite præpositis uestris, & cedite eis. Ipsi enim uigilant, quasi rationem pro animabus uestris redduri: ut cū gaudio hoc faciant, & non gementēs. Hoc enim non proderit uobis. De præmio autem & mercede, seu gratitudine, quam debent ecclesiæ suis doctoribus sunt multa testimonia. Christus inquit, proprie sermonem habens de ecclesiæ doctoribus, Dignus est operarius mercede sua. Item

Paulus

Paulus, Gal. vi. Communicet autem doctōri, is qui docetur uerbum, in omnibus bonis. Et i. Tim. v. Qui bene præsunt presbyteri, duplici honore digni habeantur. Require aut, si placet, hmoi plura i. Cor. ix. &c.

Ad hoc praeceptum deniq; in genere referri debet, & ille honor, qui his omnibus debetur, qui iuuentutem bonis literis, nec literis solum, uerum etiam alijs artibus necessarijs & utilibus in hac uita, quas mechanicas uocant, erudiunt, instituunt atq; informant: ceu rudem materiam, nulli rei idoneam uel aptam, nisi prius bonis artibus ornatur & excolatur. Nec potest talibus, qui ea in re seruiunt iuuentuti & reipublicae, par beneficium pro meritis & dignitate reddi. Conari autem debent, qui his magistris, in quibuscunq; artibus docentur, aliquam gratiam referre.

Huius loci sunt praeterea, quae Apostoli docent ac tradunt, de officijs coniugatorum inter se. Item de officijs dominorum & seruorum. De quibus omnibus requirantur testimonia, & expositiones, Eph. vi. Col. iij. i. Timoth. iij. & v. Tit. iij. i. Pet. iij. &c.

Nec praetereundi sunt hoc loco Tutores & compatres: quorum illi pupillis & uiduis parentum exhibent officium, hi uero prima religionis elementa pueris cum adiuncto officio parentum tradunt. Certe profitentur se tradituros. Quapropter utriq; pro officio honorari debent.

Postremo discat iuuentus, quoslibet maiores natu reuereri & honorare, tanquam Patres. Assurgere illis, neq; duriter obiurgare eos, etiam si qua in re errent ac peccent. Sic enim & Paulus praecipit. i. Timoth. v. Senioremem ne seuius obiurges: sed adhortare ut patrem. Et in lege scriptum est: coram cano capite consurge, & honora personam senis. Quia timetis Dominum Deum tuum. Ego sum Dominus. Leuit. xix.

Verum haec haec tenus in quartum praeceptum, de honorandis parentibus, & illis omnibus quos parentum loco habemus. In quo toto genere diligenter attendi debet, praecipuam esse cordis pietatem, qua parentes & superiores nostros, cum timemus tum diligimus, & obedimus illis, quia Deus nos ipsis subiecit. Nam sine hoc honore cordis, opus externum, uel obedientiae, uel gratitudinis nostrae, non satis Christianum est, quia & in Ethnicis illae uirtutes existere possunt, qui Deum non cognouerunt. Christiani itaq; praecellere istos debent: & ueris uirtutibus ornati esse. Nam & pharisaorum & Hypocritarum iusticiae sunt, sine hac pietate cordis & sine fide in Deum opera legis praestare.

Consideremus autem & parentes & alios, quos parentum loco habemus, uicem Dei in terris gerere. Quid sunt enim, nisi instrumenta Dei: per quae Deus uoluntatem suam in nobis implet: tuetur & conseruat, usq; dum uitam aeternam nobis confert: Quae in nobis augeant atq; confirment, timorem & reuerentiam eorum omnium, quorum auctoritati & imperio Deus nos subiecit: & iubet ut doctrinae & monitis eo-



COMMENT DE POENITENT.

rum obsequamur. Acuerat, ne ingrati simus. Dicam autē alio loco, quid debeant uicissim parentes liberis, & Magistratus subditis, quia hoc caput iam, in satis iustam magnitudinem excreuit.

IN SECUNDAM PARTEM POSTERIORIS

*tabule legis: in qua sunt generalia, de dilectione, erga omnes.*

CAP. X.

**S**ecundæ partis posterioris tabulæ legis, feci quatuor illa præcepta: quorum enarrationes proxime sequentur. Nam dilectione erga omnes, sine personarum respectu debent præstari. Vt Magistratus, priuæ innocentie & iusticie respectu, non debet cedere facere: neminem ulla in re ledere. Sed ut officium Magistratus gerit, publicus minister, necessitatem habet punire fontes: & pro grauitate peccati, seu admissorum contra ciuiles leges, quosdam cœna mortis afficere.

Sicut ergo de certis officiis singularum personarum, in præcepto illo superiore, de honorandi sparentibus, dictum est: (Quia aliud est parentum, aliud liberorum officium. Aliud ciuilis Magistratus, & aliud subditorum. Item, docentium aliud, & aliud discientium.) Ita post hac in genere de dilectione, & partibus eius loquemur. Debemus igitur dilectionem quilibet ex quo quibuslibet: tam parentes, quam filii, Magistratus & subditi, doctores & discipuli, uiri & mulieres, senes & iuuenes, non simulatâ. Partes autem dilectionis uoco, abstinere a qualibet offensa in proximum: & alijs officiis eius, bene mereri de illo. Vt dilectionis est, abstinere ab ultione, quam sumas ab eo qui te læsit, & a qualibet ui in iusta: cauere adulterij admissionem, furta & rapinas. Item uitare mendacia, & maledicentiam. Rursus dilectionis est, ea uirtutum officia præstare, per quæ prodesse proximis, & quaslibet res eorum tueri possumus & iuuare.

Sæpe enim dictum est, præceptis prohibitiuis operum malorum, requiri simul a nobis præstationem contrariarum uirtutum. Nec esset nisi fucata dilectio, solam offensam proximi cauere: & nullis commoditatibus eius ullo dilectionis obsequio seruire. Præstât autem & in republica dilectionis officia principes, quoniam fontes & noxios homines debitis pœnis afficiunt: & quando legitima bella gerunt, pro arcendis latrocinijs, & pro defensione subditorum. Sicut cum ius dicunt, temporibus pacis: & oppressis quomodocumque adsunt sua autoritate.

Quanta uero dilectio proximi uera præstet omnium utilium & necessariorum officiorum, absolutissime docemur ex exemplo Domini nostri Iesu Christi. A Paulo autem, uarijs in locis eius scriptis: a quo etiâ legis plenitudo uocatur. Quia nihil uere bonorum operum, quæ summant in charitatis lege omnia, potest omittere, & non præstare. Pascit igiti esurientes, & nudos operit, tristes consolatur, errantes corrigit ac docet: & his similia alia facit, per quæ utilis esse proximo potest. Breuiter omnia ea, de quibus Christus præcipit iuxta formulam legis nature: Omnia quæ uultis, ut uobis faciant homines, & uos

facite illis. Et Deus scripta lege: Diliges proximum tuum sicut teipsum.

SEQUITVR PRAECEPTVM HVIVS ORDINIS

*primum: Non occides.*

**N**ihil q̄ priuata uindicta, seu ultionis studiū priuatum in hoc mandato prohibet. Nā publica illa uindicta, quā Magistratus exercent, est Dei uindicta: nepe, ordinata & precepta a Deo. Si em̄ Deus imperia in hoc mūdo constituit & seruat, necesse est ut ordinet ac constituat poenas contra eos, qui labefactant autoritatē imperiorū, & publicum ordinē & tranquillitatem perturbant. Vt de hac tota ratione clarē docemur, ad Rom. xij. Principes igit̄ & ciuiles Magistratus, quatenus officium suū faciunt, & puniunt fontes, qui statu reipublicae evertunt, sunt excipiendi ab hac lege, ut quibus nihil loquit̄. Imo sunt ponendi supra legem, quia de poenis fontiu habent iudicare & statuere leges: Sed si contra leges priuatis affectibus indulgeant, & uim innoxij inferant, iniurijs alios onerantes, existimādi sunt homicide & latrones esse: certe corā deo, etiā si corā hoibus tales nunq̄ pronunciant, sed iudicio dei p̄ talibus condēabunt̄.

*De Magistratus uindicta:*

Ergo si publicā uindictam exercent Magistratus, tā non peccant, q̄ qui in alijs morem gerunt & obsequunt̄ Deo. Modo affectibus suis nihil indulgeant, & dilectione non careant, quā malit alios esse facinorosos, ut illa poena Magistratus nihil opus haberent. Quin etiā, quia principes & Magistratus sunt ministri irē & ultionis Dei, non hominū sed Dei uindictam exercent: quā non modo licita est & necessaria, pro conseruatione imperiorū & publicē tranquillitatis, uerū etiam pia, bona & sancta coram Deo. Nā omnia opera Dei sunt ualde bona: etiā si nūllam utilitatem nobis adferrent. Sed habet magnas cōmoditates orbis ex hac uindicta. Primum facinorosis redditur quod suū ipsorum est: nec afficiuntur iniuria, quando puniuntur, sed debita merces reddit̄ eis. Deinde uis iniusta arcetur hoc modo ab alijs, & innoxij a uolentia improborum defenduntur. In summa, maxima beneficia hominibus prestant̄: quā fecerunt, ut illa uindicta habeat excusationem coram Deo. Siquidē ipse resistit, & resistere iubet, audacium improbis conatibus, ut boni in pace uiuant, atq̄ glorificent pro dono Magistratus Deum.

*Commoditates ex uindicta Magistratus.*

**P**riuata uindicta iniqua est & impia: ut qua ex ira & cupiditate priuata alius in alium sequit̄, damno ac poena afficit, De qua dictum est: qui acceperit gladium, gladio peribit. Accipiunt enim male & impie, qui contra ius & autoritatem gladium usurpant: uidelicet, non traditum a potestate. Hāc paucis attingere libuit, contra istorum impudentiam, qui Magistratus ciuiles sugillant ac reprehendunt, quasi sint tyrannidis & ultionis iniustae ministri, nec possint Christiani esse. Sed isti crasse & imple erant, Christianissimum plane ignorantes: ac digni praeterea, qui capitis poenā plectantur, quia sunt seditiosi ciues. Nunc igitur seorsim

*Priuata uindicta prohibita.*



Gradus con-  
stituenti in  
mandatis Dei.

tractabimus, quæ sunt propria huius mandati, quod prohibet cædes. Proinde Christus hoc præceptum enarrans, certos aliquot gradus illius facit: ac primum, interpretatur illud, de interiore cordis uicio, nempe, de ira, id est, ulciscendi cupiditate. Inde de significationibus iræ & calumnijs: ac postremum de cæde. Significat enim motus internos prauos in homine esse: qui non modo rapiant illum ad mandatorum Dei transgressionem, uerum etiam reum efficiant transgressionis. Nos igitur ab illo exemplo, de omnibus mandatis Dei iudicare debemus: & ad consimilem modum, etiam in alijs ponere gradus, & legem Dei tam de internis uicijs, quam de externis interpretari.

Vicia & ec-  
cæta interio-  
ra.

Non igitur satis est, manu non facere cædem. Quia lex Dei est spiritualis doctrina, præcipiens de cordium puritate. Quare & reprehendit primum internos cordis uiciosos motus. Vt cum lex dicit non occides, intelligenda est loqui & de causis cædium: ut de iracundia, maleuolentia & odijs in proximum. Item reprehendi immisericordiam & neglectum in defensione uitæ & salutis illius corporalis proximi. Requirit enim Deus ut ex integro iusti, sancti & immaculati simus: extra & intus, in corpore & anima, ne ulla in parte culpabiles simus. Ac dicitur ea relex Domini sancta, integra, seu perfecta, & immaculata: quia hanc perfectam iusticiam spiritus obedientiam a nobis requirit.

Peccata ex-  
teriora.

Posita est igitur in litera legis negatiua homicidij corporalis: sed illa præterea referri debet, ad iusticiam, seu innocentiam, totius hominis: ne ullo pacto reprehendi possit. Non est autem sine uicio, cuius rea est uoluntas: quicquid odia retinet, & uindictæ cupiditatem. Multo magis rei sunt & culpabiles, qui probris & conuijs alios insectantur: denique qui lites, contentiones & rixas exercent. Itaque leges multo plura redarguunt in nobis, quam uicia illa externa: quæ in litera exprimere solent. Christus ait, omnis qui irascitur fratri suo reus erit iudicio: ergo ipsa quoque ira est capitale uicium coram Deo, & reum efficit hominem poena æternæ mortis. Nisi quem euangelij gratia per Christum absoluit: & poenitentia operis mali. Nam & Ioannes inquit: Omnis qui odit fratrem suum homicida est. De illis loquens, qui non credunt euangelio & sine poenitentia manent: iræ, & odijs conceptis in proximum, indulgentes. Alioqui si credant in Christum, & peccato illo interno resistent, ne regnet in ipsis, erunt innoxij beneficio gratiæ & inculpabiles coram Deo.

Porro in externa transgressionem, numerabis quaslibet significationes iræ & odiorum: quæ uocant rancoris & simultatum signa. Item omnes contumelias, omnia probra, contumacia, calumnias, diſſidia, & proditorum: & quicquid in hoc genere dici potest, quo in sermone ac uerbo qui dam noxij esse proximis student, & personam illius lædere, donec perueniatur ad cædem. Cum his numerari debent: præbere consensum talibus

bus iniurijs, & iuuare eas, uel adprobare. Item, non excusare eos, & defendere ab iniuria & cede, quos potueris defendere. Quanquam pharisei iusti credant se esse inculpabiles, si cedis manu propria factæ non sint rei: etiam si his omnibus alijs uicijs quæ dixi abundant. Et tale impietatis & securitatis exemplar proponitur in Saul rege: xviij. libri primi Samuelis. Non (inquit) sit manus mea in eo: sed sit super eum manus Philistinorum. Loquitur enim de Dauide, quem uolebat aliorum manibus occidi: ut ipse inculpabilis scilicet permaneret, & ne illius innoxia cede se pollueret.

Et hæcenus de uicijs & peccatis, quæ pugnant cum lege, non occides: quorum duplicia posuimus interiora & exteriora. Nunc ad consimilem modum, de uirtutibus bonorum operum agendum est: non quo ad fugam mali operis, sed quo ad præstationem boni. Sunt igitur duplicia opera bona, in hoc mandato præcepta. Altera sunt interiorum motuum cordis piorum, & consentientium mandato Dei. Non enim implet legem, nisi cor amicitia & suauitate erga proximum serenatum, dextrum, candidum, simplex, minimeque maleuolum, carens odio & cupiditate nocendi, expositum ad præstanda quælibet officia dilectionis: non erga beneuolos solum & amicos, uerum etiam erga immeritos, aduersarios & inimicos. Sic tamen de operibus illis iudicare oportet, quod placeant Deo, si in timore Dei, & fide cognitionis CHRISTI præstentur. Ita enim si fiant, certa signa sunt, præsentiae spiritus Christi in nobis.

*Pars affirmatiua  
huius præcepti*

Nam timere DEVM, & credere in CHRISTVM, & ex illo timore & fide obedientiae mandatorum Dei studere, uacare odijs, iracundia, inuidia, nemini succensere, esse misericordem, benignum, suauem, clementem, mitem, placidum ac placabilem, facile ignoscere illis a quibus sis lesus, non retinere similitates, quin etiam ultro pacem omnibus offerre, uelle defendere & iuuare eos, qui iniuria premuntur, dolere illorum uicem qui afficiuntur iniuria, & his similia præstare, quæ requirantur omnia ad impletionem huius præcepti, non sunt ciuiles uirtutes aut liberi arbitrij opera: sed sunt uirtutes Christianæ, & operationes atque effectus spiritus sancti in nobis.

Opera autem externa bona, sunt quilibet effectus dilectionis, de quibus præcipitur Matth. xxv. pascere esurientem, uestire nudum. Non modo patientem esse iniuriarum: uerum etiam benefactis retaliare male facta. Bene precari, male precantibus: & orare pro persequentibus & calumniantibus nos. Ingratis & inimicis quibuslibet officijs dilectionis expositum esse & seruire. Ita eleemosynam præstare, mutuū dare & alia officia dilectionis facere, ne tua spectes, sed proximi necessitates: quas cupias leuare, pro glorificando Deo, in obsequium & gratitudinem CHRISTO Iesu. Ut de his omnibus præcipitur Mathæi. v.



COMMENT DE POENITENT.

**LUC. vi. Rom. xij. Gal. v. Col. iij. & alijs innumeris locis.** Scilicet isti sunt spirituales legis sermones, quos nobis prophetae, **CHRISTVS** & Apostoli tradunt fidelissime: quosq; amplecti debemus cum gratiarum actione, & secundum illas uitam nostram instituere ac reformare. Hypocritis autem sua relinquere: quae praesertim sunt in dogmatibus mandatorum hominum. Sumus enim ad meliorem iusticiam uocati.

NON MOECHABERIS.

**A** Nostra persona digreditur legislator ad alias res nostras: tum ut usum illarum adprobet, & abusum reprehendat ac damnet. Ac monstret, se esse ultorem, qui poenas irroget, si quis ulla in re pergat proximo suo noxius esse: nempe **DEVS**. Primum itaq; de coniugij statu, non polluendo per adulterium, praecipit: atq; ita orditur a rebus, quae sunt homini per legem naturae coniunctissimae & charissimae. Neque enim habet in priuatis rebus homo, quicquam melius aut charius sua uxore. Hinc ergo primum discamus, proprii coniugis usum rem esse licitam, honestam ac iustam coram Deo. Nam & dei ordinationem habet: quapropter & a **CHRISTO** adprobatur coniugij status. **Matth. xix.** & a Paulo honorificentissime praedicatur. **i Cor. vii. &c.** Nec reprehenditur, aut damnatur, nisi abusus rei bonae: hoc est, si quis polluat coniugij statum per adulterium, & uiolet matrimoniorum fidem. Siue aliter uagos concubitus, & scortationes sequatur. Sicut etiam docemur in epistola ad **Hebr. cap. xij.** Coniugium sit honoratum & thorus sit impollutus. Fornicatores enim & adulteros iudicabit Deus.

Haec ergo testantur, a **DEO** defendi coniugia: & adprobari consuetudinem conjugalem. Cum his in rebus sit sua ordinatio: quam quisquis uiolet, aut male de ea sentiat, eum necessario daturum esse poenas. Maxime autem testantur, **DEVM** omnibus moechis, impuris hominibus & scortatoribus aduersari: & exigere poenas uiolatae legis. Quas semper fuisse grauissimas multae historiae in sacris probant. Vt **Sodomis** exitium attulit impuritas libidinis: & horribiliter ultrice flamma coelitus demissa absorpta sunt. **Israelitarum** in deserto perierunt uno die uiginti tria milia: quod contra praecceptum Domini coeperant nepharie libidini indulgere. Contraxit & **Dauid** sibi & toti regno maximas calamitates: propter admissum adulterij scelus cum **Vriae** uxore. Haec ergo significant **DEVM** certis cladibus punire uiolata coniugia: & alios non legitimos concubitus. Et in literis noui testamenti docemur, adulteros & fornicatores non posse saluos fieri.

Impuritas  
cordis.

Sed praeterea attendere oportet, impuros motus cordis, ut est concupiscere alterius uxorem, reprehendi hac lege: sicut **CHRISTVS** docet, **Matth. v.** Omnis qui uiderit mulierem, ad concupiscendum eam, iam

innocentatus est eam in corde suo. Quæ ualent contra hypocritarum  
 resupinam securitatem & cæcitatem, promittentium sibi absolutam iusti-  
 ciam ex lege, cum uacent puritate cordis, neque possint nisi pharisaice  
 iusti esse: & lex longe absolutiorem iusticiam doceat, sine qua nemo sal-  
 uus fieri potest. Sicut testatur CHRISTVS, Matth. v. Nisi abunda-  
 uerit iusticia uestra plusquam scribarum & pharisæorum, non intrabi-  
 tis in regnum cælorum. Quanquam enim quod ad perfectionem iusti-  
 ciæ attinet, nemo possit tantum præstare, quantum legi debet: tamen  
 oportet inchoari in renatis quandam motuum cordis puritatem. In quod  
 præterea & spiritu sancto donantur: & si propter aliud salui fiant a pec-  
 cato, & morte. Nempe, propter Christum, si credant in illum: non pro-  
 pter suam illam nouitatem.

• Hypocritæ ergo peccatum cordis ignorant: deinde, omittunt præci-  
 puam legis partem, uidelicet pudicitie & castitatis amorem. Neque timent  
 Deum uere: neque credunt euangelio. Immo neque timere, neque credere pos-  
 sunt: propterea quod se iustos existimant, uaria et rotis persuasionem, ex  
 operibus pharisaicis legis. Quid timeat enim, aut credat, qui peccati &  
 uiciorum suorum ignarus est: & arroganter de factis operum suorum  
 superbit & gloriatur contra Deum: Si enim dixerimus, quod peccatum  
 non habemus, ipsi nos seducimus: & ueritas in nobis non est, i. Ioan. i.  
 Porro habentes peccatum, quomodo de perfectione iusticiæ gloriamur  
 coram Deo: aut de præmio iusticiæ, uita æterna? Cum præsertim lex di-  
 cat: maledictus, qui non permanferit in omnibus, quæ scripta sunt in li-  
 bro legis. Multum igitur refert, peccatum cordis perfecte nosse: ut time-  
 amus Deum, & gratiam delictorum per fidem in Christum nobis pre-  
 centur. Tum denique, ut ipsum quoque spiritum sanctum, cordium no-  
 strorum purificatorem accipiamus: qui faciat nos mandata Dei facere,  
 & castitatis amorem in nobis operetur. Verum hæc sunt alterius consi-  
 derationis, & alio loco expedienda, quam in eo, quo agitur tantum de  
 præcepto opere bono.

Est ergo sententia & summa præcepti, Non mœchiaberis: Tu quanti  
 tus es, totus mundus esto, & purus a libidine. Vt non modo adulteria,  
 scortationes & uagos concubitus, uites ac fugias: uerum etiam cohibeas  
 mentem, oculos, linguam, & totum corpus: ne uel cogites turpia, uel  
 æstuet animus libidinis incendio. Oculi non uideant uana: & lingua non  
 loquatur turpia. In summa, Totum corpus a libidinis contagione pur-  
 seruetur. Sicut docemur Eph. iij. Omnis sermo spurcus ex ore uestro  
 non procedat. Ibidem cap. v. Fornicatio autem & omnis immundicia,  
 aut auaricia nec nominetur inter uos: aut turpiloquium, aut stultiloqui-  
 um, aut scurrilitas: quæ ad rem non pertinent, sed magis gratiarum actio  
 i. Cor. vi. Corpus autem, non fornicationi, sed Dño: & Dominus corpori.

*Summa præ-  
 cepti.*



Quibus sint  
præcepta cō  
iugia.

Magna autem imbecillitas est hominum in carne: ac facile fit ut incen-  
datur animus ardore libidinis contra legem Dei. Ideo etiam docendi su-  
mus, præceptas esse nuptias, his qui id onum continentiae non habent.  
Nam & Christus talibus nuptias suadet: Math. xix. Non omnes capi-  
unt uerbum hoc, sed quibus datum est. Et Paulus, i. Cor. vii. propter for-  
nicationem autem, scilicet fugiendam, unusquisque uxorem suam habe-  
at: & unaquæque uirum suum habeat. Item, melius est nubere quam uri.  
Satis ex his docemur, etiam præcepta esse coniugia, his qui dono casti-  
tatis & continentiae uere non sunt præditi. Tum Romanum Pontificem  
suis sceleratis legibus, quibus prohibet nuptias, nihil quam uulgare libi-  
dines; & licentiam scortationum. Denique cēlibes istos in papistico regno  
non posse præstare quod uouent: nempe, ueram castitatem, etiam si a cō-  
iugijs abstineant, quæ etiam deformant suis impijs & prodigijs uotis  
uirumque contra mandatum Dei.

Sunt quædam uicina uicia, quibus incenduntur ac fouentur libidi-  
nes: ut sunt ocium, intemperantia cibi & potus, id est, ipsa crapula &  
ebrietas. Commertia impudicorum: præsertim mulierum impudicarum,  
& huiusmodi alia scandala, quæ existimemus hac quoque lege prohi-  
bita esse a Deo, ut occasiones ad ulteriorum & libidinum. De quibus est  
apud Oseam cap. iiii. Fornicatio & uinum & ebrietas auferunt cor. Et  
ad Ephe. iiii. scribit Paulus: nolite inebriari uino, in quo est luxur. Nec  
est nihil quod Comicus dicit: sine Cerere & Baccho friget uenus. Vetus  
enim uino exestuans, facile in libidinem despumat: ideo istæ occasiones  
sunt cauende. Tamen si crapula & ebrietas sint per se damnabilia peccata.

Salomon autem in prouerbiorum libro, multum auocat nos a com-  
mercijs impudicarum mulierum: ut Prouer. v: Fauus distillans labia me-  
retricis: & nitidius oleo guttur eius. Nouissima autem illius amara, qua  
si absinthium: & lingua eius acuta, quasi gladius biceps. &c. Non  
facile tamen aliud remedium efficax est contra prohibitas libidines, quā  
est usus coniugiorum: res sancta coram DEO. Sed in regno pontificis  
Romani deformantur nuptiæ, & in multo maxima parte hominum dam-  
nantur: quia est tyrannis uiolentissima Antichristi.

## NON FURTVM FACIES.

Post adprobata coniugia & damnatas impias libidines, de usu &  
proprietate rerum confirmamur: tum furta, rapine, & quælibet ex-  
pilationes iniuste, quæ sunt quidem multiplices, damnantur. Huc perti-  
net enim, quicquid est doli, fraudis, iniustorum contractuum, & rapa-  
citatis seu publice seu private: per quæ omnia facultatibus suis homo frau-  
datur, & bona sua ipsi eripiuntur.

Hinc

Hinc itaque primo discamus, quod homini Christiano liceat proprium tenere: & esse diuitem. Nam alioqui non possent furta, iniqui contractus, & iniustæ expilationes, damnari: si uidelicet proprietatis rerum esset prohibita, & quidam communis usus rerum præceptus. Quia nulla essent furta: sed quilibet in aliena irruendo, rem suam usurparet. Nec Christus posset in euangelio præcipere de eleemosyna & mutuatione. Sciamus itaque proprietatem rerum & distinctiones dominiorum, quod ad facultates corporales attinet, adprobari hac lege. Item adprobari emptiones, uenditiones & similes contractus: quorum usu in hac uita opus est. Modo in contrahendo, nihil necque dolo necque fraude faciamus: nihil contra dilectionem. Quæ omnia perfecte nosse, utile est & necessarium Christiano: præsertim hoc tempore, in quo sunt multi, qui conscientias illorum perturbant, & fingunt dari rerum proprietatem, & communionem illarum præceptam esse. Contra quos fortissime pugnat hoc uerbum: Non furtum facies. Testatur enim clarissime, quod suum liceat cuique tenere,

Hic etiam reprehendendi sunt Monachi, qui communionem rerum fingunt consuli in euangelio: cum necque præcipiatur necque consulari, Sed liberum cuique relinquitur, erogare de suo, & donare alij, quantum uult. Nam etiam si eleemosyna & mutuatio præcipiatur, tamen in arbitrio largientis eleemosynam, & dantis mutuum, relinquitur, ut donet quantum & cui uelit. Deinde, ut ne sit alijs remissio, nobis penuria: de qua ratione lege, quæ sunt, ij. Cor. viij. & ix. Sed Monachi præterea fingunt se præceptam communionem rerum præstare: cum nihil faciant minus, nec nisi fictis nominibus res relinquunt. Profitentur mendicitatem, ut securius in ocio & quiete, de alienis bonis uiuant: quod prorsus pugnat cum hoc præcepto, Non furtum facias. Quibus etiam Paulus præcipit, ut aliquid honesti operis faciant, & suum panem manducant. ij. Thess. ij.

Sed & usum donorum Dei & constitutionem proprietatis Monachi intolerabili infamia aspergunt: & nihil quam hypocrites operum, fictæ bonorum, inuehant in mundum. Quia dum fingunt se aliquid melioris & sanctioris operis operari, in sua illa professione fictæ paupertatis, quam qui proprium tenent & diuitias habent: scelerate perturbant hominum conscientias, qui opes possident, ut arbitrentur se pollui earum possessione, aut certe minus bonos esse quam Monachos. Cum neminem polluat, nisi cupiditas rerum & avaricia, Item curæ huius seculi: quæ mala simul cum opibus abijcere nulli Monachi possunt. Propter hæc scelerata, & impiæ simulationis exempla, comprimantur Monachi a Magistratibus: & cogantur ad laborem, quo opus faciant & de suo uiuant. Siquidem pessima scandala sunt in orbe Christiano: nec excusantur exemplis eorum, de quibus in actis, cap. ij. & iij. &c. ut cum quibus nihil

*Monachorum  
fictiones.*



communē habent. Res enim illi suas sine opinione præcepti, aut consilij & per meram libertatem, fortassis etiam pro necessitate illorum temporū, in quibus bona credentium alioqui diripiebantur, in communem usum conferebant. Sed Monachi uel opinione præcepti, aut consilij, alligant se uoto ad paupertatem: nec nisi ad simulatam paupertatem. Item, ut iustificationem mereantur: nec abstinēt interim a proprietate rerum, sed fictis solummodo nominibus, ut dixi, orbi Christiano imponunt. Et in illa proprietate sua fere furant & rapiūt aliena: iniquissima onera aliorū.

Hæc uolui per occasionē dicere, cōtra publica illa scandala Monachorum, qui per speciem religionis res aliorum rapiunt iniquissime & furantur. Nunc mihi seorsim dicendum est, de alijs uicijs, quæ sine hac specie huic præcepto aduersantur: ut sunt, furta, rapinæ & alienarum facultatū uolentæ depredationes, dolosi contractus, & qualescūq; spoliationes: siue per speciem honesti fiant, siue careant hac specie. Quis nescit enim in contractibus rerum multa cum specie honesti fieri: quæ si cognoscantur qua fraude & dolo fiant, nemo uir bonus possit laudare. Adde præterea, qui sua negligentia facultates aliorum non curant, quibus tamen debent hoc officium. Nam in hoc genere reprehendēdi sunt Magistratus, qui officium suum negligenter faciunt: Item serui & mercenarij, qui in opere faciundo cessant, siue aliter damno per incuriam suam alios afficiunt, quorum opes augere, tueri & iuuare debuerunt. Sed ultra hæc externa uicia, & cupiditas rerum, & curæ huius seculi, & omnis auaricia, uelle ditari cum proximi damno, cupere iniusta lucra, ita ut sectari illa nihil dubitares, si modo occasio tibi hæc petendi daretur, hoc præcepto reprehendunt. Item, immisericordē esse & tenacem in erogandis necessarijs elemosynis, & in mutui largitione. Nam his omnibus leditur charitas, & Lex naturæ: ideo sunt damnabilia uicia & peccata coram Deo, ac debent corrigi & derelinqui.

Sic ergo & concupiscentia alienarum facultatum in hoc mandato reprehenditur & damnatur: quæ est uicium in natura, fons & causa omnis iniustæ depredationis. Quanquam de illa & infra præcipiatur, separatis mandatis. Oportebat enim ita purum esse hominem & sanctum, ut uel cupiditate alienæ rei uacaret. Sed ut est ingenium in carnali natura, nemo contentus est suis bonis quæ a Deo accepit. Ideo adpetimus aliena, & inuidemus alijs sua bona. Atq; ita in cordibus nostris sumus fures & raptores coram Deo: cum melius nihil sit in homine, & nihil sepius contaminatum. Quod qui non agnoscunt neq; fatentur, similes sunt avaris istis, quibus a Christo dictum est: uos estis qui iustificatis uos coram hominibus: Deus autem nouit corda uestra. Quia quod hominibus altum est, abominatio est apud Deum.

Porro

Porro exempla externæ transgressionis & uiciosorum operum in omnibus uitæ negotijs & contractibus rerum sunt obuia. Non enim isti solum uiolant hoc præceptum, quos nunc in patibulis suspendunt: aut propter uiolentam depredationem, alio capitis supplicio afficiunt. Sed in genere omnes isti, qui fraudant proximos suos quomodocumque: & facultatibus illorum sunt noxij. Vt qui in ulna, pondere, & mensura fallunt proximos suos: quos lex reprehendit Leuit. xix. Qui corruptas merces pro integris & sanis uendunt. Qui alienas hæreditates inuadunt. Qui census sibi emunt, contra præscripta publicarum legum. Aut qui cum proximi damno, nulla necessitate, & solius auariciæ studio illos exigunt. Quorum nonnulli istis exactionibus totas urbes, imo totas respublicas & principatus perdunt. Auari, qui scænus exercent: contra naturæ & dilectionis legem. Magistratus & principes, qui sumptibus non necessarijs publica æraria exhauriunt: & subditos nimijs exactionibus pregrauant. Episcopi & doctores, qui per auariciam negotiantur de nobis, & sacra uenalia habent. Quemadmodum sacrificuli in templis, per nundinationes Missarum. Iurisperiti, qui lites fouent cupiditate maioris quæstus: & malis causis per eandem cupiditatem patrocinantur. Iudices precio empti, ut iniustam sententiam dicant, & ius corrumpant. Mercatores, qui sibi quiduis licere opinantur, modo sua lucra promoueant: etiamsi omnes alios perdant. Operarij, qui ex dolo & negligenter opus faciunt, ad quod sunt conducti.

*Exempla  
ternæ trans-  
gressionis.*

Proinde a talibus exemplis, de similibus alijs poterit iudicium fieri: & æstimari, quanta sit raritas atque paucitas furum & raptorum in hoc mundo. Quo nimirum & illa uox sapientis sonat, Eccl. xxxi. Beatus qui post aurum non abiit: nec sperauit in pecunia et thesauris. Quis est hic & laudabimus eum? Cæterum opera præcepta bona & uirtutes huius præcepti, sunt liberalitas in dandis eleemosynis: Item, in iuuandis rebus proximi per alia officia dilectionis. Veluti per mutuacionem. Denique quibuscumque alijs obsequijs, quibus in facultatibus corporalibus, opera & auxilio nostro, adiuuatur proximus. Item si uis potius uelis iacturam rei familiaris facere, quam proximum illa premi. Postremum, nunquam ab officio recedere, & in omni actiōe sequi hoc uerbum Christi: omnia quæ uultis, ut faciant uobis homines & uos facite illis.

*Exempla  
uirtutum.*

NON LOQVERIS CONTRA PROXIMVM  
*tuum falsum testimonium.*

**P**roinde hætenus proposita sunt præcepta, quæ requirunt, ne corpori, coniugi, aut fortunis aliorum noceamus. Hoc postremo loco, priusquam de concupiscentia agitur, & ueritas præcipitur & constantia, quam in omnibus dictis & factis præsternus. Quanquam de ea ueritate potissimum intelligi hoc præceptum debet, qua opus est in iudicijs, in



pactis & in contractibus. Facit igitur in genere ad iusticiæ uniuersalis defensionem. Primo, ne in iudicio ueritate uel oppressa, uel tacita & dissimulata, ordinatio Dei irrideatur, Iudices decipiantur & proximo uis iniusta inferatur. Sic autem, omnes falsæ, calumniosæ & iniquæ accusationes, delationes, & prodiones damnantur. Item defensiones, quæ fiunt contra ueritatis testimonium: consilia & sententiæ in iudicijs, quæ dicuntur ad ueritatis oppressionem. Quam uero necessaria sit in pactis & contractibus ueritas, & noxia fictio, mendacium, dolus, omnes per se intelligunt. Nec enim in ullis negotijs quicquam rite geri posset, si in pactis & contractibus nulla fides præstaretur: quæ peccata nec possent impunita a Deo dimitti, iuxta illud psal. v. Odisti omnes qui operantur iniquitatem: perdes omnes qui loquuntur mendacium.

*Maledictia.*

Sed est quoddam aliud uicium, testimonio ueritatis contrarium: nempe, maledicentia, & obrectatio, qua oblectat quosdam mendacia contra alios spargere: aut existimationi illorū detrahere, et ledere eorum famam. Quod B. Iacobus quidem prolixè insectatur, Iaco. iij. Ecce, inquit, quātus ignis quam magnam syluam incendit. Et lingua ueluti ignis est, & summa iniquitatis. &c. In huius uicij genere existimandi sunt peccare, etiam qui uerum in proximum dicunt: sed nocendi studio, nulla necessitate. Esto non sit falsitas, est tamen iniuria in tali insidiosa proximi & rerum eius accusatione: & eo nomine grauissimum peccatum. Nam & regenda sunt quædam uicia aliorum & excusanda: aut certe emendandi studio sunt uocanda in iudicium. Sicut nōs docet charitas: & mandatum Christi, ed corripiendo fratre delinquentem.

Nec multum referre existimo quam causam quisq; habeat maledicendi. Quia alios ambitio, alios inuidia & auaricia impellit ad faciendū: alios quosdam alius morbus. Quidam solius naturæ uanitate & malicia male de alijs loquuntur: aut per adulationem, in quorundam gratiam. Sed omnes isti mortaliter peccant: & haud dubie hoc ipsum merentur, quod in delatorem Doecli scriptum est, psal. li. Quid gloriaris in malicia: qui potens es iniquitate? Tota die iniusticiam cogitauit lingua tua: sicut nouacula acuta fecisti dolum. Dilexisti malum super bonum: falsitatem magis quam loqui iusticiam. Dilexisti omnia uerba præcipitationis: linguam dolosam. Propterea etiam Deus destruet te in æternum: cōteret te, et abradet te, de tabernaculo tuo, et eradicabit te de terra uite, etc.

Ergo producti testes in iudicium, uerum sine ulla cunctatione aut dissimulatione dicamus: ut etiam illo testimonio noxijs esse proximo uideamur. Tunc enim potior ratio iudiciorum habēda est, ut iusticia & equitas defendatur, & ut fontes puniantur, quam illius qui deliquit. Tu tamen bene affectus in illum debebis esse: & sine odio ac sine amarulentia testimonium dicere. Extra hunc casum sinas dilectionem in te regnare:

quæ

quæ proximi errata tegat, excuset, aut certe benigne interpretetur, si neq; regi, neq; excusari queant. Et de illa ratione uide quæ doceat Paulus Gal. vi. Deinde ueritatem in pactis & contractibus retinere debemus: & postremum a maledicentia & quibuslibet detractionibus abstinere. Item corripere maledicos, delatores & qui aliorum existimationi & fame opera lingue insidiantur. Nec adulatoribus ullo modo aurem prebere: si modo uoluerimus nos Deo adprobare.

Ceterum summa uirtus est huius præcepti ueritate delectari: & ut ab initio dixi, ueritatem & constantiam in omnibus dictis & factis præstare. Et hoc ueritatis studium referre ad gloriam Dei: id est, ueritatem retineamus, quia Deus præcepit. Hæc ergo pulcherrima uirtus, dignissima est bono uiro, hoc est, Christiano: qua nec temere aut false aliquid de alijs loquamur, sed per fraterna officia alijs prodesse studeamus. Sicut Paulus docet, Eph. iij. Quapropter deposito mendacio, loquimini ueritatem quisq; cum proximo suo: quoniam sumus inuicem membra. Et Christus inquit: Beati pacifici, quoniam filij Deo uocabuntur. A quo elogio longissime absunt maledici, & qui obrectationibus aliorum delectantur: serunt discordias, iras, odia, contentiones & lites, inter fratres. Isti enim non Deum, sed patrem suum Diabolum referunt, qui est mendax & homicida: sicut qui nocendi studio falsa & iniqua in proximum dicunt. Iuxta illud Prouer. xxv. Iaculum & gladius & sagitta acuta, homo qui loquitur contra proximum suum falsum testimonium. Quale est, quod uis infidiosum dictum: & studio ac libidine nocendi in proximum effusum.

Sed hæc hæcenus in eam legis partem, quæ est posterioris tabulæ Mosi, propria de dilectione: quam singuli præstare debemus, ut non modo quamlibet offensam proximi caueamus & declinemus: uerum etiam omnibus officijs uirtutum dilectionis bene de illo mereamur. Nec spectemus in eo obsequio, quam ut uoluntati Dei, & gloriæ Iesu Christi studeamus. Reliquum est, ut dicamus de tertia illa parte, posterioris tabulæ Decalogi, qua concupiscentia prohibetur & accusatur.

IN POSTERIORIS TABULÆ MOSAICI DE-  
calogi tertiam partem: De concupiscentia.

**R**Estant itaq; duo præcepta, quorum usus non pertinet ad castigati- CAP. XI.  
onem morum proprie: sed ad demonstrationem & accusationem peccati quod hæret in tota humana natura, & uicium igitur adpellatur. Quia necesse est, ut illud cognoscamus perfectissime: ne præsumamus aliquando, quod legi Dei satisfacere possimus, & pharisaico errore repercamus. Sed discamus alia iusticia nobis opus esse ad salutem, quam illa quæ uoluntate et arbitrio nostro quomodocunq; a nobis præstatur: illa enim humana iusticia nemo potest saluari: sed nec illa, qua fit lex a



enatis uirtute & operatione spiritus sancti: etiam si opus est saluandis re  
purgatione mentis & animorum. Alia igitur opus est nobis, uidelicet,  
gratiæ iusticia: quæ tota est in remissione peccati & omnium delictorum  
nostrorum, propter seruatore[m] Christum, quatenus credimus in eū. Sed  
ia de concupiscentia loquamur, ut propius uideamus, quæ mala & quæ  
ta illi sint coniuncta, & imperent nobis. Neq[ue] enim est unius generis ui  
cium: sed monstretur multorū capitū, & omnibus mandatis Dei aduersari  
ac pugnat. Præcepta igit[ur], quibus illa prohibet[ur] & damnatur, sunt hæc.

NON CONCVPISCES DOMVM PROXIMI TVI.

*Nec desiderabis uxorem eius: non seruum, non ancillam, non bovem,  
non asinum, nec omnia quæ illius sunt.*

**P**Roinde hæc duo præcepta discernunt diuinas leges ab hominum  
legibus: sicut illa quæ præcipiunt de cognitione Dei, & uero illius  
cultu. Et posita sunt, ut interpretentur leges morum & operum bonorū:  
maximeq[ue] ut hominem perfecte doceant de peccato. Tum eius quod est  
concupiscentiæ seu immundicie in natura: tum istius, quod est ignoran  
tiæ Dei in nobis & malarum opinionum de Deo. Quæ sunt quidem  
semper coniuncta. Nam quia est in homine ignorantia Dei, ideo neq[ue]  
timere, neq[ue] diligere Deum uere potest: sed contemnit Deum, & sicut  
imperat concupiscentia carnis, ita uiuit. Vt ergo in superiore parte Deca  
logi egimus de his superioribus affectibus, qui sunt ignorantia & con  
temptus Dei: nempe, diffidentia, dubitatio, desperatio, incredulitas, im  
patientia. Ita nunc de concupiscentia dicendum est: in qua sunt uarij &  
multiplices motus prauis atq[ue] corrupti.

Nemo igitur existimet legib[us] Dei satisfactum esse, per externa morū  
facta. Nam & puritatem perfectam cordium nostrorum requirunt, &  
sanctissimorum motuum in mente: & ea uicia damnant, a quibus sua in  
dustria & uirtute nemo potest abesse. Igitur leges hominum non præci  
piunt nisi de externis factis: sed leges Dei etiam de motibus cordis. Et ea  
tenus sunt interpretationes legum, in quibus de moribus & factis exter  
nis præcipitur: & hominem perfecte erudiunt de peccato. Ne quis præ  
sumptione carnis elatus confidat in iusticias suas, excuset peccatum, hoc  
est, morbum nature: & regendo & excusando cum hypocritis iudicetur,  
suo uicio et sua culpa ignorās: q[uod] t[ame]n manifesta legis uerba audire contēit.

*Concupiscen  
tia, an sit pec  
catum.*

Ita sunt enim, qui concupiscentiam nihil obscure peccatum esse ne  
gant: & interpretantur imbecillitatem quandam esse, quæ impediat qui  
dem bene operantem, sed iusticias operum non faciat deteriores. Sed  
peccatum esse concupiscentiam primo testat lex: deinde Paulus Rom. vii.  
& quidem ubi agit de concupiscentia quæ est in renatis. Vt ergo cæ  
des, adulteria, furta, rapinæ & mendacia, sunt peccata, a quibuscunq[ue]  
admittantur: Ita concupiscentia est peccatum, in omnibus qui habent ea.

Et

Et polluit omnes iusticias morum, operum & factorum nostrorum: quia aduersatur legi Dei, & uiolentiſſime abſtrahit nos a perfecta & debita obedientia, & efficit ut non quaecumque uolumus illa faciamus. Sed & Christus iram, inuidentiam, odium, incendia animorum ad libidinem peccata damniabilia eſſe teſtatur: quae non ſunt tamē, niſi motus interni, & concupiſcentiae uicia. Et Ioannes oim maxime huius interni peccati cauſa ait: Si dixerimus, quod peccatum non habemus, ipſi nos ſeducimus & ueritas in nobis non eſt. Idipſum peccatum, aſſeſſe ſibi in carne, & conuenitum eſſe, deplorat Dauid, pſal. l. Miſerere mei Deus.

Sed hoc uerum eſt, hoc internum peccatū ignoſci & non imputari illis beneficio Chriſti, qui credunt in Deū: hoc eſt, huius gratiae fiducia habent per Chriſtum ad Deum. Tum quatenus reſiſtunt illi peccato: & cauēt, ne in ipſis regnet, quod totū ſit operatione & uirtute ſpiritus ſancti in eis: ut huius ratio alio loco erit copioſius excutienda. Sed theologi quidam huius gratiae ignari, neque docent illam fidem, & fingunt ab homine, Dei legibus ſatiſſieri poſſe, & concupiſcentiae uicium extenuant: atque ita imbuunt homines phariſaïcis opinionibus de peccato & iuſticia, ut peccatū quod eſt grauiffimū in natura neſciant eſſe peccatū, & phariſaïca opera carnis credant ſummum cultū iuſticiae eſſe, qua homo ſaluus fiat a peccato & a morte. Hoc ergo nullo modo ferendum eſt. Quia his impijs doctrinis abolent gratiae fidē: & gloriā beneficiorum Chriſti transferunt in iuſticias rationis: ac tribuunt hominibus gloriatiōem contra gratiā, & in quibus praevalent eos perdūt eterne mortis condēnatione. Iſtae tantae rationes odium ſophiſtici erroris merito omnibus prius facere debent. Tum, quia gratiae beneficia nobis obſcurat: & ea re a ſaluatiōe nos excludit. Tum etiā, quod concupiſcentiā in renatis peccatū eſſe negat: atque ita extinguit omnia utilia fidei exercitia, quibus aduerſus concupiſcentiae peccata pugnatur, ut aboleant. Sed ſi eſt tam leuis morbus concupiſcentia, ut credi uolunt, ac ne peccatum quidem, ſed motus retardans ſolūmodo tenuiter, bene operantem, age probent hoc ſua uirtute, & exemplis ab experientia ſumptis. Si enim poſſunt iram uincere & domare, ſi odium & inuidētiam a ſe deponere, ſi diligere aduerſarios et inimicos, bene facere a quibus male tractant: Itē carnalem ſui amorem prorsus deponere a ſe & relinquere, ſimiliter auariciā, ambitionē, & incendia animorum ad libidinē, & ſimiles motus, non fruſtra eſt quod ita extenuāt concupiſcentiae mala: & tantū iuſticijs rationis tribuunt, ut praedicent in illis perfectā obedientiā eſſe erga legem. Sed ſi haec non praestant, ut nemo poteſt praestare, cur quaſo iubent hominem inanibus rebus fidere? Denique cur haec maxima uicia negant peccata eſſe: quae omnis ſcriptura pro grauiffimis peccatis accuſat?

Sed miſſis iſtorum caecis & phariſaïcis deliramentis, ad legis lumen

Quibus peccatum quod habent non imputetur



Quid sit ac  
cusari concu  
piscencie  
peccato.

nos conuertamus: atq; inde discamus nos esse grauissimos peccatores. Nam certe cum omnia Dei mandata, tum hæc postrema duo, eius nos conuincunt: quia in illis ipse congenitus morbus & uicium in natura retegitur & acculatur, tale ac tm̄, ut nunq̄ ei satis resisti possit, ne a renatis quidē, qui a spiritu sancto gubernantur. Quare grauissimū est accusari peccati cōcupiscencie: id est, uiciosorū motuum. Eo enim significatur, nihil q̄ prauas cupiditates dominari in natura: nec proficere legē, nisi q̄ eius nos reos conuincit, & æternę mortis. His igitur testimonijs liquet, hominē natura malum esse: nec curabilē, nisi per gratiam, qua ei peccata sua remittantur, & non imputentur. Quod sit quidem, quatenus in redemptorem Christū credit. Deinde hoc quoq; liquet, homini opus esse uirtute spiritus sancti: qui aliquā obedientiā erga legem in illo operetur, quia alioqui semper manent nobis impossibilia mandata Dei.

Itaq; Paulus, qui suo more Theologus est, ignarus sophistices & elusionis scripturarum, in disputatione de peccato, qua illi maxime firmo & claro testimonio probandum fuit, nos esse peccatores, habere uicia in natura, quæ faciant, ut legi Dei nemo unq̄ satisfacere queat, utitur hoc testimonio, sumpto ex lege contra concupiscenciam, Rom. vii. Vt ergo cæcis sophistis nihil dicere uideatur: (isti .n. fingunt hominē sine peccato uiuere posse, et legi Dei in omnibus perfecte satisfacere.) tamē nobis, qui credimus uerbo Dei abunde satisfacit. Non em̄ possumus excusare, morbum illum naturæ, qui est concupiscencia, rebellis legi & Deo: & multorū uiciosorum motuū causa existit. Rursus qui concupiscenciam negant esse p̄ctm̄, illi tribuūt homini naturam sine p̄ctō, perfecte puram sanam, iustam, sanctam atq; inculpabilē coram Deo. Quod quo iure faciant, ipsi uiderint: certe hominem docent sine timore Dei uiuere, misericordiæ Dei ualedicere, & a semetipso iusticiam & beatitudinē petere.

Sed Pauli disputatio & doctrina stat inuicta, contra oīm cauillationes, quantumuis audacter sophisticatiū & irridentiū scripturas dei. Nos igitur peccatores sumus, & opus habemus gratia saluante nos & iustificante a peccato: atq; adeo spiritu sancto, quo agente in nobis, concupiscencie peccato, in gloriam gratiæ Dei aliquo modo resistamus. Vt autē propius intueamur cōcupiscencie p̄ctm̄, dicamus hic de quibusdam speciebus eius: & primo de iracūdia, & his oībus uicijs q̄ sub ea cōtinentur.

Iracundia  
species eius.

Exandescētia.

Odiū.

Iracundia itaq; que est ulciscendi libido & uindictę cupiditas, quā sumas de illo q̄ te læsisse uidetur, q̄ sit impia & iniqua, prorsusq; aliena a Christiana mente, Christus ipse diligēter admonet, Mat. v. & Paulus Rom. xii. Huius sunt autē plures species: exandescētia adpellatur, breuis ire furor, hoc est, ira nascēs & mox desinens, quæ tm̄ impia est, quatenus uult proximo malū: nec potest excusari a p̄ctō. Rursus odiū, est ira inueterata: res pessima, & indigna hominē, ne dū Christiano. Accipit autē iracundia & inimicitia adpellationē: q̄ ulciscēdi tēpus & opportunitatē ob-

servat: qui furor altis ingenijs p[er]u[m]q[ue] accidere solet. Solet etiā discor-  
dia p[re]dictis speciebus annumerari: quæ uidelicet est ira acerbior inter  
duos aut plures, mutuo odio concepta, & studijs dissentientibus au[ge]ta &  
confirmata. Et illæ sunt fere iracundiæ species.

Alterius generis est Inuidentia: n[on]ne, dolor & æg[ri]tudo animi prop-  
ter alterius res secundas suscepta, quæ licet nihil noceant inuidenti. Igi- *Inuidentiæ  
species.*  
tur in hoc uicio est summū scelus & maximā iniquitas corā Deo. Huic  
cognata est Aemulatio, animi æg[ri]tudo, hinc orta, cū eo quod quis con-  
cupierit, alius potiatur, ipse careat. Quæ species multa impia & fœda ex  
empla habet: id quod quilibet facile intelligunt, si cū huius uitæ calibus *Aemulatio.*  
conferant eā, & cū doctrina legis, quæ uetat, ne quid ullar[um] rer[um] proxi-  
mi nobis cōcupiscamus. Maleuolentia aut[em], a uoluptate orta, est oblectā-  
tis se in malo alterius, sine emolumento suo: uiciū atrox & inhumanū. *Maleuolentia.*  
Auaricia aut[em], ut M. T. Cicero definit, est opinio uehementis de pecunia,  
quasi ualde expetenda sit, inherens & penitus insita. Cui Paulus tribu- *Auaritia.*  
it, quod sit radix quorūlibet malorū. Noxia est e[ss]e in omnibus rebus:  
nec sinit illi uicio obnoxios quicūq[ue] recte agere, tam in priuatis q[uam] in pu-  
blicis rebus. Nec aliter Ambitio, id est, uanæ gloriæ studiū, est noxium  
malum, rebus prophanis & sacris: scilicet, honoris cōcupiscentia, qua *Ambitio.*  
qui agitant multas seditiones excitant, & periculosas hæreres in uulgo.  
Nec desunt horū uiciorum plurima horrenda & execranda exēpla hoc  
tempore: auariciæ & ambitionis p[re]sertim, & quidē in illis quibus ec-  
clesiarum administrandar[um] cura cōmissa est. Dabunt aut[em] Deo haud du-  
bie grauissimas pœnas, qui in rebus religionis ita pluri faciunt rem a-  
uariciæ & ambitionis suæ, ut gloriæ Christi & salutis ecclesiarum nul-  
lam rationem habent: sed hoc t[ame]n spectant, ut suis impijs & noxijs deli-  
derijs satisfaciant. Sed interim sciamus hæc uicia in plurimis alijs esse &  
regnare: & habētes ea, turpiter ac scelerate deformare. Nā auaricia uocat[ur]  
p[re]terea a Paulo, cultus idolorū: et idē negat auaros saluari a morte posse.

Ab his talibus uiciosiis affectibus, penitus insitis & inhærentibus  
naturæ hominis, iudicium de concupiscentia fieri debet. Cuius uiolen-  
tiam Moses in paucis exemplis demonstrat. Ea e[ss]e fere concupiscimus  
& desideramus nobis, in quibus bene esse proximo nostro uidemus: &  
q[uod] illi sorte a Deo contigerut. Vt est uxor, domus bene disposita, serui,  
ancillæ, boues, asini, & reliq[ue] corporales facultates. Sed & eas res pl[ur]i-  
q[ue] inuidere alijs alijs solent: ut maxime nō oprēt sibi eas. Sed & irasci &  
odisse & cōtentiones alere inter se hoīes solēt, p[ro]pter innatā concupiscenti-  
am sibi illar[um] rer[um]: et p[ro]pter inuidiæ morbū, q[uod] ipsis dolet, alijs esse bene.  
Nec oportet p[re]terire hoc loco illud uiciū, quo animi hominū æstus  
libidinis ardent: de quo Christus dicit, qui uiderit mulierem ad concu-  
piscendū eam, iam moechatus est eam in corde suo. Hunc aut[em] affectum,



αλαγύνη

Grecis dici αλαγύνη opinor: quā M. T. Cicero uertit mulierositatē: qui tunc est uiciosus coram Deo et damnabile peccatum, quando accedit ad illum consensus, quod uelles polluere alterius uxorem; si illa potiri posses. Nec opinor Christum de alia concupiscētia loqui, quam facit mortale peccatum, in eo si quis desideret alterius uxorem. Nec legem de alia exponendam esse. Sed hæc hæctenus, de præcipuis speciebus concupiscētiæ: ex quibus de negatiua, seu prohibitione, impiorum motuum, & malorum cupiditatum, in carnali natura, certius poterit iudicari: & cognosci, quam sit foedum & abominabile uicium concupiscētia in homine. Quod præterea uerè cognitum, potest homini detrudere istud nianum, impium & arrogans supercilium, quo plerique ex operibus legis a se præstitis, tribuunt laudem absolute iusticię sibi: & fingunt illa iusticia se mereri gratiam, peccati remissionē, & æternam uitam. Nondum enim cognouerunt, illas rationis iusticias, tam esse nullas coram Deo: et scdissime pollutas esse: nec posse non reprehendi ac damnari, si in iudicium Deire uocentur. Proximum est, ut de affirmatiua boni operis, siue de præcepta, contrariorū motuum, iusticia, aliquid dicam. Neque enim reprehēduntur solum uiciosi isti motus, quos dixi, sed etiam contrarij præcipiuntur: uidelicet, puri, casti, innoxij, pii & sancti. De illis igitur sæpe docemur, in scriptis euangelistarū & Apostolorum. Paulus adpellat fructus spiritus: quia spiritus sanctus illos operetur in nobis. Et ad Gal. v. numerat, charitatē, gaudium, pacem, longanimitatē, benignitatē, bonitatem, fidē, mansuetudinē & continentiam. Et ad Col. iij. scribit: Induite ergo uos sicut electi dei, sancti, & dilecti, uiscera misericordiæ, benignitatem, humilitatē, mansuetudinē, patientiam, supportantes inuicē, et donantes uobis metipsis, si quis aduersus aliquē habet querelam. Ite, super omnia autē, habete charitatē: quæ est uinculum p̄fectionis. Nam quanta hæc præstet, quā alio loco uocat plenitudinē legis, lege i. Cor. xij. Idē ad Ro. xij. Gaudete, inquit, cū gaudentibus: flete cū flentibus. Idē inuicē sentientes

Affirmatiua  
boni operis.

Sed huiusmodi præceptiones, de animorū puritate ubique occurrunt & in prædicatione Apostolorū: qui si essent in natura, nec legibus opus haberemus, nec Apostolorū doctrina & admonitionibus. Denique, nec ipso met seruatore Christo Iesu: aut spiritu sancto, cordium nostrorū purificatore & uiuificatore. Sed ipsi in nobismetipsis essemus iusti, sancti & beati. Nunc autē longe aliter res habet. Quia & uiciosi peccatores sumus: & sine Christo non possumus saluari a morte: nec sine spiritu Christi quicquid recte conari, aut perficere. Sicut testatur illud Ioan. xij. Ego sum uitis uos palmites. Qui manet in me, & ego in eo, hic fert fructum multum. Quia sine me nihil potestis facere. Nihil igitur potest homo in p̄standa uera pietate erga Deum. Ideo quod quidam de iusticijs suis gloriantur, nulla causa est, nisi quod legē uere nunquam intellexerunt: nec uidēt, quanta magnitudo

magnitudo peccati sit in carnali natura. Denique nec usum euangelij & promissionum gratie ullum nouerunt. Lugere oportet peccatum, non arroganter de iusticijs operum nostrorum sentire. Non tribuere nobis gloriam, preter causam: ut ne dicam, non derogare gratie, & gloriam Christi in miseris iusticijs rationis transferre. Sed & pessimum est, in tantum presumere, ut confidas, quod humana industria ac uirtute, possis legi dei, neque spiritualissime doctrine, satisfacere. Paulus docet, per legem cognosci peccatum: & huius rationes erant sedulo discende. Idem docet, sine promissionum gratie fide neminem saluari a peccato et morte posse. Ergo per legem, negat posse ullum hominem iustificari. Si enim per legem iusticia, ut idem inquit, ergo Christus gratis mortuus est: Denique idem docet, opus esse spiritu sancto Renatis, ut legis obedientia aliquo modo inchoetur in illis. Nam perfecta, in hac uita nullis contingit. Non enim nisi primitias spiritus accepimus: & plenitudinem expectamus. Ergo ne renati quidem, & qui a spiritu Dei agunt, sunt perfecti in iusticia operum bonorum: & habent peccatum quod lugeant.

In summa, nulla est perfectio, nihil meritum aut dignitas, iusticiarum nostrarum: ut merito coram deo gloriari possimus. Sed sic potius dicamus: non nobis Domine, sed nomini tuo da gloriam. Debemus enim glorificare Deum & gratias agere, quod omnia illa peccata, uicia & transgressionem legis, quas habemus, misericorditer nobis ignoscit, propter Christum. Ita ut Paulus facit, Rom. vii. Infelix ego homo, quis me liberabit de corpore mortis huius: Gratias ago Deo, per Iesum Christum Dominum nostrum. Deinde per carum sine intermissione opus habemus, ut ipse glorificationem sancti nominis sui, in regno gratiae suae, pro gratiosa uoluntate sua, in nobis operetur atque perficiat: atque adeo defectus & peccata nobis ignoscat, & ut custodiat nos a tentationibus periculosis. His enim exercitijs pietatis, sumus perficiendi: nec salutem a currentibus nobis ordiri. Non enim est uolentis, neque currentis, sed miserentis Dei. Sed haec haecenus, pro explicatione prioris partis, quam institui de praeepto opere bono, dicta suffecerint. Nec ignoro plura in Decalogum dici potuisse: sed dedita opera uolui quaedam differre, in secundam partem. Deinde instituti operis ratio habenda fuit: quae postulabat, ut in secunda parte diceretur, quomodo lex a nobis fiat, & quomodo inchoata obedientia nostra placeat Deo. Quanquam ego mihi conscius, nullo modo ausim absolutionem tanti operis promittere. Nec repertus est facile, qui unus omnia potuerit praestare perfectissime: praesertim in tam difficili opere, & in summis capitibus doctrinae religionis Christianae. Bene mecum existimaui actum, si eum me ecclesiae bonorum probaui, qui iuuandi studio res Christianorum afflictas, hunc laborem, in quo desudauimus, in manus sumpserint. Ipsi autem Christo laus sit honor & gloria. AMEN



# ELENCHVS CAPITVM

secunde partis.

<i>Prefatio, in qua de impletione boni operis, à Deo præcepti</i>	
<i>In iustificatorum operibus bonis, nullum esse præstantius, maius aut sanctius, ipsa in Deū fide.</i>	<i>CAP. I.</i>
<i>De cognatis fidei affectibus: pace, timore, dilectione &amp; spe, obiter ac paucis.</i>	<i>Cap. II.</i>
<i>De impletione operum seu factorum exteriorum, secundi præcepti: &amp; primo de confessione.</i>	<i>Cap. III.</i>
<i>Exegesis symboli, quod dicitur Apostolorum breuissima.</i>	<i>Cap. IIII.</i>
<i>De Ecclesia, peculiaris tractatio.</i>	<i>Cap. V.</i>
<i>De inuocatione, præclaro fidei effectu: tum opere bono secundi præcepti.</i>	<i>Cap. VI.</i>
<i>Enarratio dominicæ orationis: in qua de necessarijs petitionibus precantium.</i>	<i>Cap. VII.</i>
<i>De laudando &amp; glorificando Deum: itemq; de gratiarum actione.</i>	<i>Cap. VIII.</i>
<i>De ceremoniarum reuerentia &amp; usu: &amp; in genere, qui d sentiendum, de ecclesiasticis constitutionibus.</i>	<i>Cap. IX.</i>
<i>De impletione bonorum operum, de quibus præcipitur in secunda tabula.</i>	<i>Cap. X.</i>
<i>Generalia, de operibus dilectionis.</i>	<i>Cap. XI.</i>
<i>De quibusdam operibus dilectionis, in superiore legis enarratione, nondum plane explicatis.</i>	<i>Cap. XII.</i>
<i>De frenanda &amp; vincenda concupiscentia Carnis,</i>	<i>Cap. XIII.</i>

## PARS SECVNDA IN QVA DE IMPLETIONE boni operis, à Deo præcepti.

*Aduersarij  
quomodo ope  
ra doceant.*

**D**icturus de impletione operis coram deo boni, non potero commo-  
dius ordiri, q̄ ab eius descriptione: ut plane intelligat, qd sit præ-  
stare, seu facere & implere, opus uere bonū, à Deo præceptū. Turpe est  
em̄, ne dicam flagitiosum, multa de bonis operibus garrere, & necessita-  
tē illorū exaggerare, cum nusq̄ attingas aut explices, quomodo opus bo-  
nū præstari ac fieri a nobis possit, ita ut placeat Deo. Verū ita solent hoc  
tēpore aduersarij nostri: nunq̄ non habēt in ore, præstanda uidelicet esse  
bona opera. Quasi hoc quisq̄ ignoret, aut neget p̄standa esse, neget Deo  
obediendum esse. Sed rursus nunq̄ explicant, imo nesciūt explicare, quo-  
modo lex, seu opera bona, possint a nobis fieri, ita ut placeant Deo. Fin-  
gunt quidē se docere bona opera, cū nihil faciant minus: nihil em̄ quam  
blasphemias docent. nam legem de externis factis tantū interpretant: &  
postea fingunt uiribus rationis possibilem esse. Et ideo iubent, ut homi-  
nes, suis operum iusticijs, & peccati remissionem & uitam æternam sibi  
quærant. Sed hoc est perfidia iudaica prædicare mandata dei: ac gratiam  
Dei & redemptorem Christum contumelia afficere. Item, fidem extin-  
guere, & illa extincta homines in interitum æternæ condēnationis mer-  
gere. Quare longe remouendi sunt ex ordine Christianorum doctorū;  
nec permittendum est, ut dicantur bona opera prædicare: etiamsi aliud ni-  
hil prædicarent quam opera mandatorum Dei. Non enim fines illorū  
operum recte explicant: imo debitis finibus contrarios prædicant. Ideo  
& doctrine fidei & bonorum operum sunt quidam contaminatores. Ut  
taceam, quod in doctrinis operum, mandata hominum præceptis Dei  
admiscunt: Item postulant, operibus, quæ homines precipiunt, eundem  
honorem haberi, qui debetur alijs a Deo præceptis. Quod est nimis ua-  
num & audax facinus: sed suo more pergunt, affirmantes æque merito-  
ria esse, ut mandata Dei.

Nos igitur, ut dilucide explicemus questionem de dignitate & necessitate bonorum operum quaedam initio præmittamus, quæ doceant clare, quid efficiat nostras iusticias vere bonas et acceptas coram Deo. Nam satis constat, quod lex Dei requirit a nobis perfectam obedientiam: & quod illi præcepte obedientiae, de qua supra dictum est, nemo nostrum potest satisfacere. Nunquam enim tam diligimus, aut timemus Deum, quantum oportet: ideo nullae iusticiae nostrae per se placent Deo, tanquam perfecte bonae, & perfecte satisfaciunt legi. Item, nemo diligit proximum suum, quantum debet: & nemo uacat omni concupiscentia, prohibita in lege. Ideo de perfectione iusticiae, nemo potest iure & recte gloriari, propter opera & facta sua quae præstatur, quaecumque sint illa. Sed aliud quiddam est, quod iusticias nostras acceptas & probabiles efficit coram Deo.

Ergo ne inchoari quidem obedientia boni operis potest a nobis, nisi prius audiamus & fide discamus euangelium, de Christo & remissione peccati per Christum. Necesse est enim, ut ante omnia per fidem remissionis peccati liberemur ab his impijs opinionibus, quibus Hypocritae per sua opera & facta peccati remissionem & saluationem querunt. Nam promissionis euangelij & fidei doctrina est, quod peccata nostra remittantur nobis gratis, per misericordiam Dei patris, propter Christum. Hanc ergo oportet, ut primo omnium per fidem amplectamur: deinde necesse est, ut per eandem fidem, mentes nostrae a diffidentiae & dubitationis impietate liberentur. Oportet tantum nosse, credere, ac profiteri Christianos, quod iusticiae illae operum, quas præstant in fide, placeant Deo: etiam si sint imperfectae. Nam inchoata illa obedientia ideo placet Deo, quia fit in fide reconciliationis Christi: qui est precium & satisfactio perfectissima, pro omnibus peccatis. Igitur fide opus habemus, propter haec duo mala: primo, ne in morem arrogantium hypocritarum, peccati remissionem per iusticias nostras quaeramus: Tum deinde, ne propter immundiciam earum desperemus. Respicit enim ad opera nostra & adprobat ea Deus, quatenus per fidem in Christum operamur: tum ut uoluntati & beneplacito Dei nos subiiciamus, nec alia mente operemur, nisi ut præcepta Dei uoluntatem perficiamus. Ut hac præcipua intentione omnia referas non ad tuas utilitates, sed ad gloriam Dei, & ne sis ingratus. Ut proximo per dilectionem in necessitatibus eius seruias, quia timeas Deum & uelis mandato eius parere: Item, quia credas illo obsequio te placere Deo, propter reconciliationem quae facta est per Christum. Sic in singulis mandatis & operibus, oportet respicere & intueri in uoluntatem Dei: & timorem retinere, & ex fide reconciliationis operari.

Hoc itaque principale sit bene operari, in fide bene fundatum esse: dico autem, in fide reconciliationis factae per Christum. Nam quia omnes iusticiae nostrae sunt immundae atque imperfectae, propter immundiciam & impuritatem cordium nostrorum: & quod ne iustificati quidem, et impulsii atque acti a spiritu sancto, pos-



sunt praecepta obedientiae legis satisfacere: idcirco etiam opus habemus remissione peccati in opere bono. Non quod peccemus bene operantes: sed quod nemo tñ praestet quantū debet, propter carnis imbecillitatem, Tum quod affectus carnis, qui in nobis sunt polluat omnes iusticias nostras: & impediunt ac retrahant bene operantes, ut non quaecumq; uolūt illa perficiant. Quapropter omnium primo opus habemus fide promissionum euangelij & remissionis peccati, per Christū: quā ante omnia liberamur ab impijs & perniciosis opinionibus hypocritarū, transferentium Christi gloriā, cuius unius est nos saluare a peccato & a morte, in sua facta quasi illis iustificentur & aeternam uitam mereant. Deinde, hac eadē fide liberamur a dubitationis impietate: quam necesse est excludat. Opus enim, quodcumq; non sit ex fide, peccatum est. Alii enim contemptum dei & beneficiorū gratiae dubitatio. Nam quisquis operatur, & ambigit num placeat Deo, non potest bene de Deo sentire: diligere Deum, aut in operando hilaritatē & promptitudinem animi retinere. Nec potest Christi gratiam glorificare uelle: ut cui tñ non tribuit, quod Deus per illam immundicijs nostris & peccato, itē imperfectae obedientiae, ignoscat. Nos igitur operis nostri obedientiam sciamus placere Deo propter Christum: etiam si adhuc habeat suā immundiciam & imperfectionem. Nam sicut scriptura dicit, oportebat Christi nomine predicari poenitentiam: igitur accepta est & placet Deo, quae in fide nominis Christi, iustificatoris nostri & saluatoris, praestatur. Postremū hac fide efficit, ut dirigamus oēs cultus & iusticias nostras ad gloriam unius Dei: tanquam gratitudines, & laudationes. Parati omnia agere & pati, quae nouimus Deo placere, in cuius gratiam uocati atq; recepti sumus, & his contraria fugere:

Querenda est igitur oīi primo reconciliatio, iustificans peccatōrē & saluans: quae per fidem promissionum euangelij & beneficiorū Christi obtinetur. Tum excludit simul contumeliosas opiniones iusticiariorū & perniciosas dubitationes illas, ambigentium, num iusticiae nostrae placeant Deo. Placent enim & sunt acceptae Deo, tanq̃ mundae & perfectae quatenus in fide reconciliationis factae per Christum praestantur a nobis. Quia quicquid immundicie & peccati habent, id non imputatur illis, qui in fide Christi operantur. Hac enim absorbentur omnes immundiciae & omnia peccata nostra. Sic ergo liberat fides ab arrogante praesumptione: & uetat ne desperemus, etiam si minus perfecti sumus. Deniq; sola facit, ut obedientia boni operis inchoetur in nobis: atq; ut retineamur in ea. Nemo enim confidit Deo, neq; sentit se exaudiri, ac respici a Deo: neq; quisq; diligit illū, aut proximū, ppter Deū, nisi prius sciat deū esse placatū: seq; in numero filiorū Dei esse, & heredē eternae uitae. Hec ergo sunt discēda per promissionū euangelij fide: quae uidelicet sunt illae cōsolationes et illa doctrina. Nā cū p̃ trefacti agnitiōe peccati nostri ex le

gaudimus nobis peccata remitti, & donari æternā uitam, propter Dei filium Iesum Christū, qui dedit semetipsum precium & satisfactionem pro peccatis nostris & pro æterna morte, tunc respirant corda nostra, & accepta hac consolatione, quod habeant propitium Deum, incipiūt bene operari, et præstant patientiam in qualibet calamitate, toti in eo ut glorificent Deum per Christum Iesum.

Hæc itaq; sunt, quæ efficiunt iusticias nostras gratas atq; acceptas corā Deo: præstas uidelicet hac fide. Quanquā aut a me & alijs locis huius operis sunt explicata, tamen hic repetenda fuerunt: nempe, in descriptione operis boni. Quin etiam necesse habemus ubiq; nostra munire cōtra aduersariorū cōtumelias & maledicta: præcipue aut in doctrina & prædicatione dignitatis ac necessitatis bonorū operū. Quia cum paulo diligentius prædicamus pœnitentiā, cauillantur pugnantia a r. o bis doceri: nosq; resilire a Christiana professiōe illa, qua asserimus, impium & peccatorem, sola in Deum per Christum Iesum fide iustificari & saluari. Istis ergo, quia negant, impium sola fide iustificari, debemus imputare hanc impietate, q̃ opera nostra faciāt partialē causam nostræ saluationis. Quanquam si quis diligenter excutiat, illis totum meritum saluationis arrogat: qui uidelicet opera nostra faciunt necessario concurrere ad meritum iustificationis, ut alio loco a me dictum est. Nobis igitur attente discendum est, ut recte discernamus, inter hanc duplicem prædicationem, quæ in euangelio proponitur: alteram de gratia remissionis peccati, iustificationis & æternæ uitæ, quam oportet adprehendere in fide: Tum illam alteram, de pœnitentia, qua iusti, reconciliati Deo, & salui facti, Deū glorificamus. Ut opera illa iusticiarum nostrarum sint fidei exercitia, & confessiones, & gratitudines & laudationes.

In summa, persona iustificati placet Deo, per misericordiam propter Christum: opus aut, quia est personæ recōciliatæ, & quia proficiscit ex fide. In quo etiam si sit quædam immundicia seu imperfectio, non tamē imputatur personæ, quæ uidelicet aliunde iustificata est, & propter aliud in gratiā recepta: nimirum propter Christū. Placet igit Deo, etiam imperfecti operis obedientia: sed propter iustificatōem Christum, in illis qui credunt in eum. Deus enim gratis iustificat & saluat peccatores: eos qui in propitiatorem & iustificatorem Christum Iesum credunt. Tum iusticias eorum adprobat, quatenus ex dictæ reconciliationis & remissionis peccati fide præstantur: tamen si non sint perfecte munda: nec satisfaciunt per se legi. Ideo nihil damnationis habent: ne debitores quidem perfectæ obedientiæ erga legem, propter impletores legis Christum. Etiam si sint debitores glorificandi Deum, per nouitatem uitæ. Ideo nec accusari a lege possunt, redempti uidelicet per Christum: sed incredulorum iusticiæ per rigorem legis omnes condemnantur.

Proinde hoc quoq; cauendum est diligentissime, ne quis credentiū



iusticias pronunciet esse immundas; sunt enim purificatae per Christum, & a purificatis fiunt. Nempe, ab ijs quos Deus in filiorum gratia habet, propter Christum. Sed & si immundae essent, non posset illas Deus exigere a nobis: rursus nec opera eorum probare posset, quos pro reconciliationis non haberet. Quapropter primo omnium requirit a nobis reconciliationis fidem: deinde poenitentiam, quam reconciliationis fiducia praestemus, & nihil ambigamus illam coram se placere. Haec fides praeterea efficit, ut hilariter prodeant in opus praecipit poenitentiae, qui illa praediti sunt: sine molestia, & sine taedio cordis. Sed & patientiam praestant in quibuslibet calamitatibus & morte: nec possunt Deo irasci. Denique omnia sua dirigunt ad glorificandum Deum per Christum. Et ab his omnibus uirtutibus procul absunt incredulorum iusticiae: nihil sine taedio operantur, nec praestant aliquam patientiam in ulla calamitate, & in omnibus quae faciunt suis commoditatibus seruiunt. Quamquam haec uia est sese in aeternam perditionem praecipitandi.

Sed haec fere ad taedium haecenus in descriptione operis boni: nisi quod hoc tempore, in dogmatibus religionis, nihil fere satis dici potest. Ut quae habent tot obrectatores, homines imperitos & malos: in quibus nec gloriae dei studium, nec salutis ecclesiarum ullum existit. Dabunt igitur ueniam nobis homines pii & eruditi, si quid paulo copiosius propter aduersarios gloriae Christi, prosequamur. Nam quae hic & alijs locis diximus, ea direximus omnia ad illustrandam gloriam Christi, & ad res ecclesiarum uiuandas. In quo si quid praestiterimus, fiducia est & hac ratione aduersarios Christi subinde magis magisque prodi, quo ab alijs melius caueri possint.

Etiam nihil opus est prolixè docere, quae opera exigata nobis Deus. Nam satis constat ad poenitentiae praedicationem illa opera pertinere, de quibus in Decalogi mandatis praecipitur. Et quoniam oportet nos regi uerbo dei, ideo statuendum esse, praeccepta mandatorum hominum nihil prorsus ualere ad ueram illam pietatem, quae est necessaria homini, qui uolet assequi aeternam uitam. Caeterum de usu & libertate mediocri alijs locis a me dictum est: & fortassis copiosius quaedam de illis alio loco dicentur. Habes preconium scripturarum, ij. Timoth. ij. quo doctrinae mandatorum hominum non possunt ornari. Nempe hoc tale: Tota scriptura diuinitus inspirata, utilis est ad docendum, ad corripiendum, ad erudiendum in iusticia: ut perfectus sit homo Dei, ad omne opus bonum instructus. Nunc ergo quoniam in genere docuimus, quomodo imperfecta operis nostri obedientia placeat Deo, idem conabimur deinceps seorsim, & per totum Decalogum, & in singulis operibus a Deo praecceptis, monstrare. Et alicubi adijcere certa quaedam, de quibusdam operibus, a Deo requisitis: de quibus in prioribus nihil dum, aut non satis explicare, dixi.

IN IUSTIFICATORVM OPERIBVS, NVLLVM ESSE

*prestantius, maius aut sanctius ipsa in Deum fide.*

CAP. I.

**P**roinde, quia dicendū est mihi hac in parte tertij libri, de impletio-  
 ne precepti a Deo operis boni, constituendum est omnium primo,  
 legem Dei non fieri, seu impleri, nisi ab his qui in Christum Iesum  
 credunt: atq; adeo ipsam fidem in Christum, esse perfectam illam legis  
 impletionem, qua & a peccato & ab æterna morte liberamur. Dico au-  
 tem fidem, qua nihil ambigimus, peccatis nostris ignosci, propter Chri-  
 stum: qui factus est nobis sapientia a Deo, & iustitia, & sanctificatio, &  
 redemptio. i Cor. i. Huc itē facit illud Pauli, Rom. x. Finis enim legis  
 est Christus, ad iusticiam omni credenti. Porro, & illud adijciendū est,  
 esse adhuc aliam impletionē legis, qua uidelicet sit lex, per operis nostri  
 obedientiam, ut quatenus gubernamur & mouemur a spiritu sancto,  
 quanq; hac impletioe nemo satisfaciāt legi, aut iustificetur coram Deo:  
 & propter aliud placeamus Deo, nempe propter Christum. Certe a pec-  
 cato & a morte neminem saluat sua iusticia, sed aliena illa quæ est Chri-  
 sti, & nostra per fidem in Christum, saluamur. Operibus autem iusticiæ  
 nostræ debitis exercemus fidem, & Deum glorificamus. Hæc est du-  
 plex impletio seu præstatio legis, seu boni operis obedientia, altera, qua  
 per gratiæ imputatiōem & seruatorem Christum satisficit legi pro nobis.  
 Hoc est, qua Deus ignoscit peccatis nostris propter Christum, & qua una  
 sumus iusti, beati, & salui, coram ipso. Atq; adeo, qua omnes iusticiæ no-  
 stræ efficiuntur bonæ & gratæ Deo. De qua, quoniam alijs locis prolixè  
 scripsi, non habeo opus plura hic adijcere. Altera est impletio legis ef-  
 fectiua, qua uidelicet lex fit a nobis nostra obedientia: tamen si hæc sit ope-  
 ratio & uirtus spiritus sancti in nobis. Sicut docemur Rom. viii. Gal. v.  
 &c. Et de hac impletionē nobis præcipue nunc dicendum est. In ea itaq;  
 & fidem numeramus, præclarissimam operationem & effectum spiritus  
 sancti in nobis, & quædam nostra obedientia. Quā uidelicet adferimus  
 ad gratiæ promissionem, tum oblatam eā nobis in Euangelio per Chri-  
 stum acceptamus, ad præhendimus & in cor nostrum includimus, ac per-  
 petuo retinemus, in illo, per fidem. Nec est in iustificatorum operibus  
 bonis, aliud præstantius, melius, maius, aut sanctius, hac ipsa in Deum  
 fide: nec aliud ita necessarium. Vt quia sola & a peccato & æterna morte  
 saluamur. Dicturus ergo de fide, summo illo, & præstantissimo omni-  
 um operum bonorum, quæ ab homine saluando præstari possunt, non  
 debeo tacere, quanta sit eius magnitudo & dignitas coram Deo. Nulla  
 enim lex, nullum Dei mandatum, aut ullum opus uere bonum, impleri  
 seu præstari, absque ea potest. Immo ne persona quidem placere Deo, cui  
 operanti desit fides, quantacunque & qualiacunque operetur.

*Sine fide enim impossibile est Deo placere. hebr. xi. Et sola fide ad præ-*

KK

*Duplex im-  
 pletio Legis.*

*Fidei digni-  
 tas & neces-  
 sitas.*



hendimus peccati remissionem iusticiam & æternam uitam, & ea sola re-  
conciliamur Deo, & ex perditis ac damnatis in gratiæ filios, & uitæ æter-  
næ hæredes, recipimur. Quæ omnia satis arguunt, si de operibus bonis  
quæ Deus requirit a nobis, collatio fiat, nullum dicendum esse maius,  
interior cul-  
tus. melius, perfectius, aut sanctius, coram Deo, siue denique æque necessari-  
um homini saluando. Præterea & ipse ordo diuinorum præceptorum  
arguit, homini iustificando & saluando ante omnia opus esse fide. Ideo  
enim ante alijs omnibus operibus de ea præcipitur. Estque interior illa  
lex & cultus, seu adoratio cordis, sine qua nullus alius cultus proba-  
ri aut placere Deo potest. Sicut testatur Christus, Ioan. iij. inquit:  
Deus spiritus est, & eos qui adorant eum, in spiritu & ueritate oportet  
adorare. Fide enim corda purificantur a quibuslibet inquinamentis pec-  
cati, ut diffidentia, dubitationis, desperationis, & impatientie, quibus  
in corde sit contumelia Deo. Rursus incipitur timeri & diligere Deum per  
fidem: Item, alijs sanctis moribus cordis coli. Nam quia per euangelium  
scimus ac credimus nos esse in gratia, ideo non ambigimus, quin sicut  
Deus promittit ita respiciat nos & ex audiat, tum in quibuslibet aduersi-  
tatibus liberet ac saluos faciat. Ac prius non possumus amare Deum pe-  
re, aut quomocumque aliter bene affecti in illum esse. Credentes autem  
in gratiæ promissionem, subito mutamur, in alios nouos homines: ac  
pios, sanctos & castos animorum motus, seu affectiões, induimus. Nem-  
pe, timorem, dilectionem, fiduciam & spem in Deum, ex quibus mox  
oritur pax conscientiarum & tolerantia in aduersis. Denique & dilectio  
proximi, amor castitatis, pudicitia, temperantie, sobrietatis, odium tur-  
pitudinis, & si quid præterea est internæ pietatis, & spiritualis cultus,  
quo Deus uult omnium primo in cordibus nostris glorificari a nobis.  
Porro ex his primis motibus in Deum & reliqua puritate cordis, ef-  
luit deinde, ceu ex plenissimo pietatis fonte, quicquid est omnium ope-  
rum, uere bonorum, & probabilium cultuum, spiritualium, in externis  
exterior cul-  
tus. factis, quibus Deo nostro seruimus, & redemptorem Christum glorifi-  
camus. Vt sunt, uera inuocatio, confessio, glorificatio, laus, gratiarum  
actio, predicatio & doctrina: Item, illa omnia bona opera & facta, quæ  
per dilectionem proximi præstamus, hoc fine, ut Deum honoremus.  
Nam & proximum suum nemo unquam uere amare potest, aut officia di-  
lectionis illi fideliter ac pie præstare, qui fidem in Deum non habet, &  
ignorat se illo obsequio, quo seruit proximo, Deo patri et Christo Iesu,  
cultum præstare. Nos ergo in doctrina de impletione operis boni,  
necessario sequemur eum ordinem, a primo capite usque ad finem, quem  
Deus proposuit in doctrina legis. Non ideo solum, quia nullus alius me-  
lior esse potest, eo quæ in docendo retinuit Deus, sed uel maxime, prop-  
ter primum mandatum de fide. Sine fide enim, ut nec placere ipsi Deo,  
possumus

possumus, ita impossibile est, ullū uere bonū opus præstari ab ullo pos-  
 se. Verum hunc ordinem turbant nobis aduersarij nostri, imo ueram in  
 Deum fidem, qua iustificamur & spiritum sanctum accipimus, ac noui  
 homines efficiamur, prorsus non docent. Tum in docendo, nihil quam  
 cogitationes rationis, Pharisaicas & ethnicas, de merito iusticiarū carnis  
 sibi proponūt, quapropter nec prædicāt nisi iusticias carnis iusticiæ, gra-  
 tiæ, & ueræ fidei in Deum, penitus ignari. *Iusticie in-  
 credulorum.* Vt ergo quod ceppi, per-  
 gam explicare, certum est contemptum & odium Dei retineri ab istis, in  
 quibus manet ignorantia & incredulitas promissionū gratiæ. Tales sunt  
 autem, non isti solum, qui Euangelio palam contradicunt, ut Iudei &c.  
 Verum etiam quidā ficti & titulo tenus Christiani, qui per opera sua &  
 iusticias rationis, querunt saluari & a peccato & a morte. Istorum igitur  
 iusticiæ, ut sunt pollutæ istis internis immundicijs, incredulitate in quā,  
 diffidētia, dubitatione, desperatione, odio & contemptu Dei: ita habēt  
 præterea hanc seditatem, turpitudinem & impietatem coram Deo, quod  
 sunt uiolentiæ, seruales, cum molestia ac tedio cordis præstitæ, nō quam  
 priuati commodi studio, sine dilectione legis, Dei aut proximi. Ideo nū  
 quam fiunt in eum finem, quo sunt præcepta a Deo, ut etiā tot immu-  
 ndicijs internis nō essent contaminatæ. Sed ut a præcepto sine aberrāt.  
 ita sunt eorum qui uiuūt corde amaro, pleno dubitationis, irarū & odij  
 contra Deum. Ac necesse est, propter incredulitatem, omnia in istis si-  
 mulatione, fictionibus & hypocrisi, repletissima esse, nihil operari abs-  
 que tedio, ira, animo rebeli, legi & Deo. Nihil per dilectionem efficere:  
 ut qua carēt. Multo minus possunt in ullis calamitatibus corporalibus, *Credentiū  
 opera et fac-  
 ta.* quibus a Deo exercemur, patientiam retinere. Rursus qui promissio-  
 num gratiæ noticia ac fide sunt imbuti & illuminati, ut diligunt deū &  
 ceteris pijs motibus cordis in illū rapiunt et agitant, ita legis observatio  
 in propriissimis aīs student. Glorificant ergo Deū, & seruiūt proximo,  
 propter Deum, sine fictionibus & sine simulatione. Sic ergo quos stu-  
 dium Dei tenet per fidem, illi debitos fines bonorum operū attingunt.  
 Longe enim absunt ab eorū impijs opinionibus, qui per opera & facta  
 sua saluari quærent. In operando igitur non respiciunt ad priuatas utili-  
 tates, nec enim opus habent. Sed ad præceptam dei uoluntatem, tum in  
 necessitates proximi, cui hilariter seruiūt propter deum. Ideo illo tali ob-  
 sequio delectatur deus & præstatur præcepta legis. Et si in aliquo minus  
 satisfiat, tamen hoc ignoscitur eis, propter Christum, in quem credunt,  
 & quem habent perpetuū mediatorem reconciliationis apud deum. Ad  
 cuius nominis honorem referunt, cum gratiarū actiōe, si quid recte fac-  
 tum est ab ipsis. Hæc sunt pia fidei exercitia, quæ deo placēt, & quæ  
 respicit, ac quibus ingentia præmia confert in coelis. Quin etiā, quia ho-  
 nori diuini nominis in omnibus seruiunt, eorū & patientiam in aduersi



tatibus retinent, ideo omnes creature coguntur eis in bonum seruire, etiam quolibet extremæ calamitates, ut denique ipsa quoque mors. In summa, nullius creature iniuria possunt ledi: nec alicuius usu abuti. Nam rebus presentibus utuntur cum gratiarum actione, tum in paupertate & alijs afflictionibus retinent patientiam. Ideo iuuantur a Deo, ut nullæ quantumuis atroces persecutiones nocere ipsis queant, non exilium, non fames, non gladius, non ignis, non denique mors, aut quæcunque calamitas alia, quæ in hominem irruere potest. Sicut Paulus docet Rom. viij. Hac tanta gratiæ gloria honorantur, quia Deum proprijs animis colunt, & recte factis glorificant. Proinde hoc est regnare cum Christo, & rerum omnium dominium tenere: Nempe, non posse ab ulla creatura ledi, nullius terrore concuti exitialiter, & in usu beatissimo omnia habere. Quæ omnia prestat homini sola fides, neque per aliam uirtutem ad tantam felicitatem possumus peruenire. Sicut nec timere aut diligere Deum quisque potest, nisi per fidem, ac sine timore & sine dilectione Dei, nemo tanta gloria dignus haberi apud Deum, siue glorificari. Vbi ergo sunt qui uere in Deum crediderunt, ut timeant ac diligunt Deum, & honori nominis eius seruiunt, ita uicissim honorantur a Deo, id est, respiciuntur, exaudiuntur & in quibuscumque calamitatibus adiuantur. Sunt autem ueræ fidei in Deum, item ueræ timoris & ueræ dilectionis certa signa, cauere ne quo pacto Deum offendamus, facientes quæ prohibet ac uetat, & recte factis honorare Deum, & ea præstare quæ requirit a nobis. Et si autem fieri possit, ut qui uere crediderunt in Deum, aliquando labantur in aliquod peccatum, ut est omnium magna imbecillitas, & temptationibus peccati sæpe uincimur, tamen uera fides seruat hominem ab extrema desperatione, & non potest uinci. Nam & erigit lapsum, & fiducia gratiæ restituit, hominem ad poenitentiam. Quæ per leuerantia in bene operando, seu corrigendo quod male admissum est, eximie glorificat deum, nec potest in incredulis existere. Nam isti magnitudine peccati territi & iudicijs dei, per ignorantiam fidei ruunt tandem in desperationem, & nephanda quæque designant, sine poenitentia & sine reuersione ad Deum.

Est autem quoddam aliud genus incredulorum, eorum uidelicet qui sine omni opinione Dei uiuunt, quales similiter necesse est ineptos ad omnia bona opera esse. Sicut Paulus scribit ad Eph. iij. Hoc igitur dico & testificor in Domino, ut iam non ambuletis, sicut & gentes ambulabant, in uanitate mentis sue, tenebris obscuratum habentes intellectum, alienati a uia Dei, per ignorantiam quæ est in ipsis, propter cecitatem cordis ipsorum, qui desperantes semet ipsos tradiderunt impudicitie, in operationem omnis immunditiæ, in auariciam. Vos autem non ita didicistis Christum, (Si tamen illum audistis & in ipso edocti estis,) sicut est ueritas in Iesu. Deponite ergo uos secundum pristinam conuersationem

non ueterem hominem, &c. Quamq̃ huc pertinet, quicquid usq̃ est doctrinæ pietatis & bonorum operum, quæ soli præstant, qui uera in Deum fide sunt præditi. Hæc libuit hætenus seorsim dicere, de fidei dignitate & necessitate, cui primas in omnibus merito tribuimus. Sola enim adpræhēdit gratiæ promissiōes, ideo & ea sola a peccato & a morte saluamur. Tum in gloriam filiorum Dei recipimur, & hæredum æternæ uitæ. Deniq̃ sola fide acceptæ efficiuntur reliquæ iusticiæ nostræ coram Deo. Ac tantę efficacię est fides in illis, qui ea præditi sunt uere, ut malint mori potius, quā abstrahi a uoluntate Dei & ab obediētia erga legem. Tantum ab est, ut breuis uoluptatis carnalis caussa, siue ullius corporalis rei commoditate, possent uelle discedere ab officio, & ea admittere, quæ Deus odit, execratur & damnat, & recte facta relinquere. Imo tantū est studium gloriæ Dei & Iesu Christi in illis, ut omnes tyrannides impij mundi perferant ac uincant, in fide nominis Christi. Deinceps uero & de cognatis fidei affectibus pace, timore, dilectiōe & spe, seorsim nonnulla scribam. Quamq̃ enim illi omnes motus sint in uera fide, de qua iam dictum est, & hoc ipsum declaratum, tamen & separatim quædam de illis libet annotare.

DE COGNATIS FIDEI AFFECTIBVS, PACE,  
timore, dilectione & spe: obiter atque paucis.

**D**ictum est itaq̃ in genere de fide, qua & in gratiam recipimur, & CAP. II.  
iusticiæ nostræ placent Deo. Item qua purissime colimus & glorificamus Deū, & illa tota nouitas oritur in nobis, quę est pacis conscientiarum, item timoris, dilectionis & spei in Deum. De quibus consiliū est post hac, uel doctrinæ uel consolationis caussa seorsim quædam attexere. Dicam autem omnium primo, de pace conscientiarum & cordis, quæ res est lætissima, optatissima & suauissima, & sicut Paulus inquit, quæ exuperat omnem intellectum, & liberat hominē a quibuscumq̃ terroribus peccati, legis, inferorum, mortis, & totius satellicij diaboli.

De pace conscientiarum:

Oritur igitur hæc pax ex fide in Christum, sicut Paulus scribit Rom. v. Iustificati igitur ex fide, pacem habemus ad Deum, per dominum nostrum Iesum Christum. Per quem & accessum habemus per fidē, in gratiam istam in qua stamus, & gloriamur in spe gloriæ filiorum dei. Hic igitur audis securitatem internam esse & regnare in hac pace, nec perueniri ad eam, nisi per fidem in Christum. Sicut autem per fidem, ita hac conscientiarum pace glorificatur Deus, ideo in bonis operibus iustificatorum debet numerari. Nec enī habent illi, sola externa opera & facta bona, sed uel maxime, internos motus cordis pios, castos & sanctos.

Proinde pax illa, de qua nunc mihi sermo est, tranquillitas est compositę mentis, qua eijciuntur ex animo quilibet terrores non modo impij mundi, persequentis sua cecitate gloriam Christi, uerum etiam, pee



protectionem Christi confugiunt. Deinde cauent, ne ea admittant, quibus constat Deum offendi, id est, contemptu & transgressionibus legis. Id ergo est alterum in pio timore, qui in arcanis literis dicitur, principium sapientie. Nam ut sine fide, nullus homini contingit, saltem pius, ita cum fide gubernat totam hominis uitam & retrahit illum, ne quid mali operis designet. Iam dilectio, oppositus timori affectus, oritur quoque ex fide, estque hominis, qui mori malit, quam se abstrahi a glorificandi Dei studio. Ideo assiduo meditatur gratitudinem, & conititur obsequium præstare Christo Iesu, prorsus in omnibus. Nec est illi quicquam graue, molestum, & non dulce, non iucundum, pati aut agere, pro amore domini Iesu. Efficit igitur hominem durare in afflictione, & quælibet aduersa perferre, non frangi tribulatione. Atque adeo obsequi Deo in omnibus. Quam uero sit officiosa erga hominem, propter Deum, prolixè docet Ioannes, & Paulus multis locis. Nec opus est testimonia adscribere, in re quæ est omnibus cognita, nec habet qui contradicat.

Cæterum timor, qui est fidei coniunctus, recte dicitur filialis, quia est colentis liberaliter Deum, nec horrentis poenas. Ille enim alter est impiorum, uiolentus et atrox. Fugandus, ut Ioannes docet, i. Ioan. iij. Timor non est in charitate, sed perfecta charitas foras mittit timorem. Quoniam timor poenam habet, (scilicet qui horret poenas, consciëntia malefacti.) qui autem timet, non est perfectus in charitate. Hoc igitur agendum est, ut per fidem Euangelij, promoueamus in charitate Dei, quæ omnem impium timorem ejiciat. Atque adeo, ut uere diligamus deum. Nam est quædam praua dilectio, & corruptus affectus in homine, quæ est homo sui amans potius quam Dei, legis aut proximi. Aemula est autem piæ dilectionis, ideo caute obseruandum est, ne nobis imponat.

## DE SPE:

Spes est expectatio euentuum promissionis. Ideo non multum differt a fide, nec admodum opus est curiose discernere eam a fide. Fide enim adprehendimus saluationem, ut nobis proposita est, per euangelij promissiones, non huius, sed future uite & æternæ gloriæ, propter Christum. Quæ fiducia quatenus durat, & expectat reuelationem gloriæ promissâ, est spes, quo & Paulus respiciens, ait: spe enim salui facti sumus. Spes autem, si uideatur, non est spes, &c.

Itaque tam fides, quam spes, nititur in uerbo promissæ salutis per Christum, incarnatum, passum & glorificatum, pro nostri salute. Vt ergo fides est certa noticia, & fiducia, quæ inde oritur, præstite nobis saluationis, in Christo Iesu: Ita spes, est expectatio future gloriæ, quæ reuelabitur in nos. Quia gloria filiorum Dei adhuc abscondita est sub peccatrice & mortali carne, necdum usu, seu fruitione possidetur. Sed manifestabitur post hanc uitam,

Porro

Porro autem, de huius glorię manifestatione extant multa scripturę testimonia. Quale est illud i. Ioan. iij. Charissimi, nūc fili j Dei sumus. Nondum adparuit, quod futuri sumus. Scimus autem, quod cū adparuerit, similes ei erimus: quoniam uidebimus eum sicuti est. Itē illud Phil. iij. Nostri autem conuersatio est in cœlis. Vnde etiam seruatore expectamus Dominū Iesum Christum, qui reformabit corpus humile nostrum, configuratum corpori suo glorioso, secundum efficaciam, quę potest ipse sibi subiicere omnia. Eodē ualet illud Col. iij. Mortui estis, & uita uestra abscondita est cum Christo in deo. Cum autem adparuerit uita uestra, tunc & uos adparebitis cum ipso in gloria. Sed quid multis testimonijs opus est, huc enim directa est omnis spes sanctorum, ut glorificati olim a peccato & morte, regnent cum Christo in sempiternum. De quo lege, quid Paulus scribat, Rom. viij. Item in contionibus de resurrectione mortuorū, ut i. Cor. xv. i Thess. iij. &c. Possunt & ex euangelij historia huc adplicari, ut quę sunt Ioa. v. xi. &c. Matthæi. xi. xij. xvi. xxv. &c. Habet igitur spes eadem exercicia cum fide. Ac nititur illis, quę per promissiones & consolationes Euangelij offeruntur, fortiter perdurans in malis, perferens aduersa, & expectans liberationem. Ideo enim & Paulus dicit. Existimo enim, quod non sunt cōdignę passionis huius temporis ad futuram gloriam, quę reuelabitur in nos. &c. Ro. viij. Nam in hoc seculo uarie affligimur: & multis tribulationibus ueluti auferimur, dum probamur. Sed spei expectatione uicimus, & superamus, hec omnia mala. Neq; tamē solis corporalibus afflictionibus exercemur. Nondum enim nec peccatum prorsus abolitū est: & mors durat, quę sæpe grauiter terremur. Sed & diabolus uarijs artibus ac modis in nos sæuit. Tentat enim nos deijcere a spe salutis nō solum per seui ciam tyrannorum huius mundi: uerum etiam per imposturas impiarum doctrinarum, quę imperitos conijciant tandem in desperationem. Vt magna prudentia & circumspectione opus sit homini, quā duret in tantismalis, & non pariat se deijci a spe salutis.

## DE SPE NON EX MERITIS.

**S**ed attendendum est hoc loco, quod sicut doctores impietatis, cū de iusticia disputant, omnia referunt, non ad promissionis de Iesu Christo, & remissione peccati per ipsum, fidem: sed ad operum suorū iusticias, merita & dignitatem. Sicut enim Iudaizant, ac spirant Pelagij uirus expulmone. Ita cum de spe loquuntur, affirmant hanc niti, in suis cuiusque operum iusticijs & meritis. Nam presumptionem esse existimant, si quis sine meritis præcedentibus, audeat sperare, seu expectare, futurę & eternę uitę gloriam. Quasi non præsumptionem, gratiæ DEI contemptum, & abnegationem glorię IESU CHRISTI, denique & desperationem doceant, eo quo iubet sperare, per iusticias



COMMENT. DE POENITENT.

præcedentes, & non fidere ac niti solū, in promissione gratiæ hominē, & æternæ salutis per Chriſtum. Hæc em̄ est præſumptio, & abiuratio gratiæ & ſepeliſio gloriæ Chriſti, promittere ſibi debitu ſaluaciōis, pro meritis & dignitate operum ſuorū. In qua impietate & errore, qui perſeuerant, nunq̄ poſſunt ſaluari. Sed & cum reuelatur talibus immūdia iuſticiarum ſuarū, ut neceſſe eſt fieri aliquando, tūc qui melius nō ſunt docti, coguntur deſperare. Ergo quemadmodū, cum opera & iuſticias ſuas quiſq̄ ſeorſim & ſine promiſſionis fide intuetur, eum neceſſe eſt non modo dubitare, de futuræ uitæ ſalure & præmijs in cœlo, uerum etiam plane ac prorsus deſperare: Ita expectatiōe æternæ ſalutis firmā & iuſtam, aliūde nō poſſumus capere, quā ex fiducia nominis Domini noſtri Ieſu Chriſti. Nam aliud NOMEN non eſt datum hominibus ſub cœlo, per quod oporteat nos ſaluos fieri. Væ igitur iſtis, qui nos gloria gratiæ dei, per ſuas impias doctrinas fraudant, & deiiciunt a ſalutis Petra Chriſto Ieſu, & in miſeras iuſticias rationis confidere docēt, & gloriari contra gratiam. Non ergo ſperabimus, niſi fiducia miſericordiæ dei noſtri, & meritorum Domini & ſaluatoris noſtri Ieſu Chriſti. Sed hæc haſtenus de fide & cognatis affectibus illius pace cordis, timore, dilectione, & ſpe. Poſſet autem hoc loco & de patientia dici, qua in aduerſis eundem ſtatum mentis retinent homines p̄i, & æque glorificant deū ut in proſperis: non murmurant, non irāſcuntur deo, etiā ſi minus bene, pro rerū præſentium neceſſitate, habere uideantur: cuius proponitur exemplum in B. Iob. Sed de illa, & alijs locis dictū eſt, & ex omnibus quæ dicta ſunt de fide, timore, &c. ſatis poterit iudicari. Nunc ergo de impletione externi cultus Dei, ſuo ordine, loquemur.

*Patientia.*

DE IMPLETIONE OPERVM, SEV FACTORVM

*externorum, ſecundi præcepti, ex primo de confeſſione.*

*CAP. III.*

*Confeſſio*

**P** Artitus ſum præceptā bonorū operū iuſticiā ſecundi præcepti, in ſuperiore illa decalogi enarratione, in confeſſionē & doctrinā, in uocationem, glorificationē, laudem & gratiarum actionē. De quibus conſilium eſt hoc loco quedam paulo copioſius dicere, & ſimul admonere diſcētes, quomodo illa præcepta opera bona recte fieri poſſint a nobis. Dicam autem primo de cōfeſſione, ſub qua comprehendi predicationem & doctrinā. Eſt igitur confeſſio, quædā prædicatio & testimoniū oris, quo exprimis, quid de Deo ſentias in corde tuo: deque operibus & factis dei omnibus. Tum quantū illius in te præſtita beneficia agnoſcas: maximeq̄ quid ſentias de redemptore Chriſto Ieſu. Quæ, ut nulla unq̄ uerax & pia facta eſt, aut fieri pōt, ab incredulis: (Imo increduli ſoli reſiſtūt gloriæ dei, et cōfeſſiōi illius debite ac iuſte cōtradiciūt. Itē alia de deo pronūciāt, q̄ oportet pronūciare) Ita nō poteſt nō fieri ab his, qui deū &

*magni*

magnitudinem potentiae & bonitatis eius uere cognouerunt, & uere crediderunt in eum. Iuxta illud ps. cxvij. Credidi, propter quod locutus sum. Nec possunt tales ullius periculi malo absterri a confessione. Nam qui metu & terrore persecutionum fugiunt confessionem, illi produnt se non modica fidei imbecillitate laborare, aut certe, penitus nihil credere in Deum. Sane enim Propheta David inquit: Et loquebar de testimonijs tuis in conspectu Regum & non confundebar. Ps. cxix. Nec possunt ei dissimiles in confessione esse, quicunque in Deum crediderunt uere. Ex quo iterum liquet nullum opus perfecte bonum praestari ab eo posse, qui uera, firma, & solida in Deum fide, non est praeditus, & semper primam curam in id adhibendam esse, ut Deum perfecte cognoscamus per fidem. Cognoscitur itaque Dei potentia, maiestas, uoluntas, bonitas & gratia, in quibus uult glorificari a nobis, cum ex omnibus operibus & factis suis, tum per uerbi sui praedicationem & doctrinam. Nam in operibus creatiois declarat se Deus infinita potentia excellere & gloriosum esse, sicut Paulus docet Rom. i. Quamquam autem & praecipua quaedam testimonia sint bonitatis & clementiae Dei, erga genus humanum in illis omnibus rebus, tamen uoluntas & gratia erga nos Dei omnium maxime declaratur per Euangelium de Christo, ut quem nobis Deus pater liberalissima benignitate misericordiae suae aeternum seruatorem in terram misit. Est & uoluntas Dei nobis reuelata, per praedicationem suae legis, & poenitentiae quam a nobis requirit & testatur coram se adprobari eam. Quae omnia praebent quasi materiam confitenti, & in confessione glorificanti Deum. Idcirco & diligenter elaborandum est ut ad illorum omnium perfectam noticiam & cognitionem perueniamus. Nam qui Deum suo honore fraudant, nec reddunt eam, quae ipsi debetur, illi non possunt saluari. Quin etiam traduntur in plura alia uicia & peccata: ut grauius ac seuerius puniantur. Saepemagis igitur concionantur Prophetae de infinita illa & stupenda potentia Dei, qua condidit omnia, & qua gubernat, disponit ac seruat omnia. Item legem & poenitentiam diligenter praedicant. Nec tacent promissiones gratiae illius, per quam contingit, propter Christum, remissio peccati & aeterna salus, omnibus qui credunt in eum. Nec his omnibus in aliud tendunt, quam ut creata in nobis perfecta & uera noticia Dei, ad confessionem gloriae eius erigamur: & ad reliquum cultum, Deo debitum. De quo & scripsimus in superiore huius libri parte, & in hac subinde copiosius scribemus. Nec alia est Christi & Apostolorum praedicatio & doctrina, nec in aliud tendit, quam illa Prophetarum, quam dixi. In eo diuersa est, quod in euangelio docemur de exhibito, passo, glorificato & regnante Christo, quem prophetae omnes uaticinabantur uenturum & in populo Dei regnaturum. Et illis promissionibus gratiae populum consolabantur, & in fide saluationis reueriebant. Finis autem idem est & perpetuus ab omnibus propositus, ut

unde habet  
uera noticia  
Dei possit.

Materia con  
fessionis.



Deus in fide cognitus, & confessione laudis & gratiarum actionis, item totius uirg pietate, glorificetur. Sed est preterea etiam quaedam peccati & delictorum nostrorum confessio, itidem necessaria saluandis. Quam non possunt non facere, qui uere in redemptorem Christum credunt, sicut qui ignari sunt Euangelii gratie, nunquam faciunt eam, nec intelligunt eius usum. Tamen si quidam hypocrite uideantur multum confiteri, & diuersi aliquot alij per desperationem faciunt eam. Nos enim de pia & saluifica loquimur, quae quomodo & quantum glorificet Deum, & nomen seruatoris nostri Iesu Christi, abunde dictum est in superiore libro secundo. Fit igitur tot modis confessio glorie Dei, quot sunt mirabiliu & adorandorum operum atque factorum Dei, quae nobis declarant eius infinitam potentiam, sapientiam, uoluntatem & gratiam. In illis enim cernere est conditoris uirtutem, & seruatoris bonitatem. Quae intellecta efficiunt nos rite confiteri. Ut enim per fidem agnoscimus illa omnia & accepta Deo ferimus: Ita per confessionem his de rebus protestamur coram hominibus. Quod illis, qui uerbum nostrum adprobant & recipiunt, eo prodest, ut & ipsi Deo suam laudem tribuant per fidei confessionem, & illa confessione salui fiant. Sicut Paulus inquit: Corde creditur ad iusticiam, ore autem fit confessio ad salutem. Non quod homo per confessionem, id est, operis sui merito, saluus fiat, sed quod confitendo Deum recte honoret, & illa omnia tribuat ei, quae saluandos per fidem necesse est Deo tribuere. Ita quidem necessaria est confessio. Nam omnis qui detrectat eam, siue in aliud transfert Dei laudem, quam oportet, nequit saluari. Iuxta illud Christi, Luc. xii. Omnis qui cumque confitebitur me coram hominibus, & filius hominis confitebitur illum coram angelis Dei. Qui autem negauerit me coram hominibus, negabitur coram angelis Dei. Iam eadem ratio est faciendae confessionis, de omni gloria Dei. Proinde recte dicitur: quem liber, qui confitetur Deum, ut oportet, saluari, tamen si propter confessionem nemo saluus fiat. Saluatio enim, ut alijs multis locis clare docui, per aliud contingit nobis, quam operis nostri merito aut dignitate: quaelectumque aut quodcumque sit illud, Saluatio enim est gratuita beneficentia misericordiae Dei, nec obtinetur, nisi per fidem in Christum. Quod etiam profitetur confessor, hoc agnoscens in corde suo: ore autem tribuit seruatori Christo hanc omnem laudem. Ideo non potest non saluus fieri confessor, etiam si confessio ipsa neminem saluet. Sed habet tamen haud dubie ingentia premia in caelis.

*Sup.* Haec est igitur necessitas & pietas confessionis. Quia oportet, ut Deum honoremus, & glorificemus, quod sit quidem iusta confessio. Non autem honorant Deum, nec possunt confiteri illum, qui si quid habent, id suae industriae acceptum ferunt, siue qui meritis operum & iusticiarum suarum tribuunt laudem saluationis. Sed uere honorant

*Non saluatur  
merito confes-  
sionis:*

*Necessitas de  
pietas iusta  
confessionis.*

atque colunt Deum, qui & corporales necessitates, & spirituales illas iustitiae & aeternae uitae, agnoscunt se accipere a Deo: cum confessione laudis & gratiarum actionis. Isti confessores scilicet salui fiunt: tamen si nullius operis sui merito saluentur. Ne confessione quidem, quantumvis arduo & summo. Significat enim opus obedientiae nostrae confessio: per quam fideretur salus, non esset gratuita iustificatio. Sed gratuitam esse omnes contiones Apostolorum testantur. Ideo diligenter cauenda est & fugienda illa horribilis blasphemia, qua quidam Christi honorem, transferunt in iustitias carnis: multis modis imperfectas & immundas.

Sed non habemus pulchriorem methodum confessionis Christianae, quam est in eo Symbolo proposita, quod dicitur Apostolorum: et merito ab omnibus Christianis ediscitur. Nam & utilissimum est, illius meditatione quotidie sese exercere, quod uel ea causa hic breui expositione percurram: Hoc enim & imperitiis proderit: qui uidelicet eius tractatione Deum nunc melius & rectius glorificabunt. Possumus enim eius usu rationem nobiscum inire, primo, quantum sit uerae fidei in nobis: deinde, quantum in confessione non pharisaica suae gloriæ, Deo patri, & seruatori Christo Iesu tribuamus. Pulcherrime igitur exercet fidem confessio: tum efficacissima est ad sedandas perturbatioes, quæ in conscientia oriuntur, timore peccati, legis, mortis, infernorum ac Diaboli. Denique & facit confessio ad laudandum et glorificandum Deum in omnibus eius operibus & factis. Quia in illa etiam gratias agimus Deo pro quibuslibet erga nos beneficiis, tum corporalibus, tum spiritualibus & aeternis.

Sed sic est quædam abscondita confessio: qua se coram Deo exercent, qui crediderunt. Alia est, quæ fit in publico coram hominibus, aut per doctrinam & predicationem: aut cum ratio doctrinæ redditur in conspectu Regum, & magistratum, qui illi aduersantur. Ex quibus aliquos adserit confessio, ac pertrahit ad fidem omnis gloriæ Dei & Iesu Christi: & efficit, ut ipsi quoque confiteantur Deum, ac redemptorem Christum, coram inimicis & aduersariis gloriæ Dei, uel periculo mortis. Et uel hinc liquet, cur constantis confessionis faciendæ simus debitores. Innotescit enim nostra confessio huius Dei gloria, & confessio seruit proximo. Nos autem periculo salutis nec tacere gloriam Dei, nec deesse proximo, ullo dilectionis officio, debemus.

#### EXEGESIS SYMBOLI, QVOD DICITUR

*tur Apostolorum, breuissima.*

**I**gitur in symboli, quod uocatur Apostolorum, confessione, oim pri-  
mo explicanda sunt, quæ de Deitatis essentia & natura in literis sacris docent: quod uidelicet est DEVS, unus, trinus, omnipotens, æternus, inuisibilis, &c. Postea considerandi sunt effectus, seu operationes Deitatis: ut creationis & gubernationis & conseruationis omnium rerum. Et præsertim, quibus se exercuit deitas, in humana Christi natura: nempe,

LL

cap. iii.



COMMENT. DE POENITENT.

per eius incarnationem, passionē, & glorificationem: ad iustificationē & saluationem generis humani. Item, per spiritus sancti missionē. Nam etiam hæc fit propter Christum: ad ecclesiarum & electorū dei uiuificationem, & conseruationem. Proinde in hunc modum per confessionem, profiteamur nos firmiter credere, tres esse personas, unius diuine essentiae & naturæ, quæ adpellatur & est deus: coæquales & coeternas. Eiusdem sapientiæ, potentiae, bonitatis & gloriæ: ac breuiter omnium, quæ a deo dici ac credi debent. Patrem uidelicet, & filium, & spiritum sanctum. Porro in filij adpellatione, non attendimus solum æternitatem uerbi: uerum etiam incarnationis gloriam, quæ facta est in salutem generis humani. Tamen si & in spiritus sancti adpellatione, est quædam peculiaris relatio consideranda. Procedit enim a patre & filio spiritus ille: et propter filium Christum dat electis dei, & sanctificandis uirtute spiritus per noticiam patris & filij. Idem autem spiritus & legem cordibus iustorū inscribit, ac facit eos facere mandata & uoluntatem dei. Denique ad uitæ hereditatem perducit. Quia sine spiritus operatione & uirtute, nemo neque doceri de deo & Christo Iesu, neque doctus consistere posset.

Dicentes itaque.

*CREDO in Deum, patrem, omnipotentem, creatorem cæli & terræ.*

Detestamur non solum, quælibet impiarum Gentium Idolatrias, de quibus in primo præcepto Decalogi dictum est: aut Epicureorum blasphemias, qui prouidentiam derogant deo, & scientiam de rebus humanis. Contra illud Petri. Omnem sollicitudinem proficientes in eū. Quoniam ipsi cura est de uobis. Verum etiam tribuimus deo, æternam essentiam & naturam: item omnipotentiam, qua omnia ex nihilo condidit, & condita sua unius sapientia, potentia & bonitate conseruat, regit, gubernat, alit, fouet, fecundat & defendit ab interitus & corruptionis iniuria, quā diu ei uisum est defendere & seruire. Deinde eidem tribuimus quod per ipsius mere gratuitam misericordiam & bonitatem, homines multis modis indigni, impij & peccatores, in gratiam & gloriam filiorum dei recipiamur. Idcirco enim deum appellamus patrem, uidelicet hoc gratiæ spiritu, per Iesum Christum donati, a quo per misericordiam dei liberati sumus a peccato & a morte..

*SIC IGITUR ET CVM DICIMUS.*

*Et in Iesum Christum, filium eius unicum, Dominum nostrum.*

*Qui conceptus est de spiritu sancto, natus ex Maria uirgine. Passus sub pontio Pilato: crucifixus, mortuus, & sepultus. Descendit ad inferna: tertia die resurrexit à mortuis. Ascendit ad cælos, sedet ad dexterā Dei, patris: omnipotentis. Unde uenturus est iudicare uiuos & mortuos.*

**DE FIDE** redemptionis, iustificationis & æternæ saluationis perfectissime profiteamur. Nam quia per iusticias legis nos liberari

a peccato & morte fuit impossibile: Ideo traditus est per misericordiam dei redemptor & iustificator Christus, per quem saluari sumus a peccato, morte, inferis, diabolo, atq; eternis maledictionibus legis. Venit enim deus & homo, CHRISTVS Iesus, ad hoc missus a deo patre in mundum. Conceptus autem & genitus absq; omni macula & contagione peccati operatione & uirtute spiritus sancti, matre uirgine Maria, de stirpe & familia domus Dauid, & semetipsum dedit precium ac satisfactionem pro nostris peccatis.

Omnino autem nemo alius potuisset nos a peccato & morte liberare, nisi hic dei filius, Christus: mundi unicus atq; æternus seruator uidelicet. Nos enim omnes in peccato sumus: & propter peccatū filij iræ & æternæ mortis, ipsius diaboli serui: atq; in potestatem eius reducti. Nec potuit diabolus quam diuina potentia uinci: & humanum genus illi eripi. Ea igitur causa, in carnatus est dei filius, Christus, et factus homo traditus est in oblationē & uictimam deo, pro nostris peccatis & pro æterna morte. Quin etiā horrores inferni pertulit: ut quibuslibet malis, peccatoribus debitis, per semetipsum gustatis, & perfectissime deuictis, omnibus qui credunt in ipsum, spem faciat iusticiæ & æternæ uitæ. Ideo em̄ & glorificatus est, per resurrectionem a morte: sicut Petrus scribit. i. Peri i. Regenuit nos in spē uiuam, per resurrectionem Iesu Christi ex mortuis.

Sed & rerum omnium potestas tradita est Christo in manus: et ipse eleuatus est super omnes coelos, ut glorificatus in dextra dei, ecclesiam suā coelitus & diuina potentia gubernet, regat, perficiat, & a qua uis iniuria defendat. Item, ut desiderio ipsius in nobis accēso, & cupiditatibus atq; curis terrenorū extrahamur: maximeq; ut migrātes ex hoc mundo a Christo recipiamur, qui in fidei unitate & firmitate permalesimus. Et hac in parte gloriæ suæ, quam nobis possidet ac tenet cōmunem, potestatem accepit malos perdere, bonos autē æterna uita glorificare, ideo adiūctur in symbolo, uēturum esse Christū & iudicaturum uiuos & mortuos.

*Credo in spiritum sanctum, Sanctam Ecclesiam catholicam, Sanctorum communionem.*

*Remissionem peccatorum. Carnis resurrectionem, Et uitam eternam Amen:*

Hac tertia denique symboli Apostolici parte clarissime de gratia, auxilio & effectibus spiritus sancti in ecclesia cōfitemur: & testamur eius esse, corda nostra illuminare per Euangelion cognitione dei patris & filij eius IESV CHRISTI. Item, accendere amore legis dei & proximi. Nam ad hoc mitti constat spiritum sanctum: & illius hæc propria ac præcipua officia esse in ecclesia, quæ est communio illa & societas ac cœtus populi sanctorum: cui per Christi beneficium contingit peccatorum remissio & æterna uita.

Illigitur spiritui tribuimus per fidei confessionem, quod nos doceat



ac consoletur per euangelium, de remissione peccati & promissionibus æternæ uitæ. Item quod nouā uitam inchoet in nobis, & novos aīorum motus creet. In summa, quod nos faciat Ecclesiam illā dei, cuius est per cōdonatam peccati remissionē propter Christū, æternæ uitæ hereditas. Nam per Euangelij annūciationem cōgregat illā in fidei unitate, et efficit ut poenitentiam agat, ac glorię dei in omnibus seruiat, suis cupiditatibus moriatur, perferat crucem, & quaslibet afflictiones noīe Christi. Atq; expectet deniq; & perfectissimam abolitionē peccati & mortis, ut sine qua nec resurrectio mortuorum, nec uita æterna accipi aut possideri possent.

## DE ECCLESIA peculiaris tractatio.

## CAP. V.

**S**ed dicam hoc loco quædam per occasionem paulo copiosius de Ecclesia, quam feci in symboli Apostolici enarratione: ut plane intelligatur, quæ nam sit illa, quam Christus agnoscit pro sua Ecclesia, & sponsę loco habet. Illius quæ non habet maculam aut rugam: sicut Paulus inq̃t, de ecclesia, sed est sancta tota: & inculpabilis, maxime coram Deo,

Ecclesia  
nomen:

Synagoga.

Proinde Ecclesię adpellatione significatur cœtus & congregatio quędam, id est: populi alicuius certa multitudo. Dicta est autē ab euocando seu conuocando, quo etiā Paulus alludere uidetur, in locis, in quibus ad certas ecclesias scribens, adpellat illas uocatos sanctos. Inrelligens nimirum, ad fidem promissionum gratię, & euangelij de Christo, remissione peccati, & uita æterna per ipsum euocatas seu conuocatas esse. Quāquam & Synagogę nomine significetur congregatio & societas quędam populi, quæ est certa ratione unita: sed a cogendo & in unum compellēdo. Quia est populi legis: qui sine libertatis spū agit. Lex em̃ est in iustis posita: & officiū pedagogi præstat iustificandis per Christū Iesum. Et transgressoribus durissime loquit̃: ut, maledictus q̃ nō permanferit in omnibus quæ scripta sunt in libro legis. Nec potest tamē liberare a peccato, seu iustificare peccatores. Ideo populum inuitum ac rebellē sub præceptis iusticię operum retinet, coactum, & conclusum sub lege, ceu in cauea quadam, ne se ipso deterior fiat, hoc est, ne secundum concupiscētiās carnis, in quæuis delicta, transgressiōes, & scelera diffuat ac dilabatur. Et peccatores interim, quales natura oēs homines sumus, grauissime accusat, reprehendit ac damnat. Nam hæc esse legis præcipua officia satis cōstat. Ideo carnalibus seruit, id est, duris & intractabilibus, quos sub præceptis operum conclusos retinet, non sine tedio, odio & summa molestia cordis eorum, conceptis contra legem. Quanquam prodest hoc legis officio ira coerceri, tum ne quis se ipso deterior fiat, ut dixi, tum etiam, ut magnitudo peccati cognoscatur. Hic ergo populus, qui est oīm, quos nondum genuit gratia per fidem in Christum, nec dū gubernatur per spū sanctū, habet spū seruitutis & timoris, eorū & odij aduersus legem &

gem & deum. Cuius tota iusticia est pharisaica & uiolenta. Ideo nec potest quenkum a morte saluare. Ecclesia autem est renatorum, per fidem in Christum, collecta societas & multitudo: a legibus liberata, id est, ab ira & maledictionibus legis. Per gratiam enim euocata est ad Euangelij promissiones & consolationes illas, quibus offertur nobis Christi nomine, remissio peccati & aeterna uita. Idcirco liberamur per eas a peccato, & iustificamur peccatores, quatenus credimus in Christum. Quin etiam spiritu sancto donamur, propter Christum: ut sine simulatione, sine odio aduersus legem, neque coacte, seruiamus deo in nouitate uitae propter Christum. Quibus ob id lex neque uult neque potest noxia esse: sicut Paulus docet Gal. v. legem non aduersari illis, qui per fidem iusticiae spiritus studet. Hec enim esse, quae per Euangelium ad nos adferuntur nemo pius ignorat: nec opus est hoc loco prolixis demonstrationibus ad id probandum. Euangelium enim, quo ecclesiae fundantur, missum est ut peccatores consoletur: eos qui uere contriti sunt & per promissionem remissionis peccati aeternae morti eripiat. Ideo & a Paulo uocatur potentia dei, ad salutem, omni qui credit. Et quoniam a spiritu sancto gubernatur ecclesia, ideo placide regitur: nec uult aliud, quam licet, aut oportet uelle. In quam unam illud Pauli quadrat. Lex iusto non est posita. Credit itaque in Christum, quae uere est ecclesia & regitur a spiritu sancto. Idcirco diligit deum, legem & proximum: agit poenitentiam, & nouitati uitae studet. Praestat item poenitentiam, sine murmure & sine querela, in aduersis: expectans perfectam renouationem sui & liberationem a quauis corruptione peccati, mortalitatis, & interitus iniuria. Sane enim non est ecclesia, quae promissionibus Euangelij non credit: aut aliunde querit iustificari, quam per fidem in Christum. Nec quae flagitiose & sine poenitentia uiuit, desiderijs peccati indulgens. Nam uera ecclesia, ut per gratiae fidem, deo & redemptori Christo acceptum fert iustificationis & saluationis donum. Ita gloriae dei in omnibus uiuit, & sollicita est bonis operibus proficere ac praecellere. Ea enim est fidei efficacia in electis dei: quibus uidelicet seruit Euangelium ad ueram iusticiam & eternam uitam. Quapropter utrumque operatur, tam remissionis peccati fidem, quam poenitentiam, & uitae nouitatem aliquam, quae oportet nomine Christi per Euangelium docere in ecclesia. Haec ergo ecclesia est sancta & perfecte munda a peccato adeoque inculpabilis, per donum remissionis peccati: quatenus credit in Christum, quem habet precium & sanctificationem pro peccato & pro eterna morte. Item quatenus munda est a spiritu sancto: & nouitati uitae studet, sine impijs opinionibus mercedi saluationem, per operum iusticias. Itaque perfecta mundities illa qua coram deo inculpabiles sumus, non est uirtutis obedienciae nostrae: sed beneficentiae dei & Iesu Christi. Si enim uirtutes nostras inspicias, est adhuc multum immundiciae & impfectionis in illis: propter reliquias peccati in natura, & quod per obedienciam nostram nunquam possumus precepta in lege iusticiae satisfacere. Sed

De ecclesia

Ecclesia quomodo eruditur sancta.



& iussa est poenitentiam agere ecclesia, peccato resistere, & proficere in iusticia morum, quia nondū est perfecte pura ab inquinamētis peccati. Sancta per remissionem peccati propter fidem in iustificatorem Christū, sancta item, quia a spiritu sancto gubernatur. Cuius iusticie placent deo, & pro perfectis reputantur, quatenus ex fide recōciliationis praeſtantur.

*Catholica:*

Appellatur Catholica, quia est totius orbis terrarū, ubi sunt qui credunt in Christū: quae etiam coepit a condito orbe & durat ad eius finem, Quo noīe est una, & uniūersaliter oīm, qui crediderunt, credūt, aut creditori sunt in Christū. Quamquā admixtos habet, multos hypocritas, & uanissimos nebulones, qui se pro ecclesia dei uenditant hic in terris, cum nihil sint minus: sed hos iudiciū dei reuelabit. Sic enim sunt in ecclesia, ut paleae tritico admixtae. In quos, quia a Domino iudicabuntur, dictum est: paleas autē comburet igne inextinguibili. Matth. iij. Vera autē ecclesia, ut per uerbum dei fundatur & conseruatur: ita per hoīm traditiones uastatur ac perditur: de illis loquor, quas faciunt necessarias ad salutem, & dicunt meritorias esse remissionis peccati & uitae. Haec igitur satis commēdant nobis precium uerbi dei, & docent, ut caueamus nobis a prophanis cultibus Papistarum, quibus propemodum deletae sunt atq; extrinsectae ecclesiae.

In summa, retinet uerbi gratiae fidē ecclesia: quod est est Euangelij de remissione pēti & uita eterna, per Christū. Cauet praeterea sibi diligentissime a pētiō, in quo prius, quam receperat Christū, redemptorem suū, iacuerat mortua. Et lapsa in peccatū, mox iterū resurgit, ac cautiū agit. Facinorosos autē & impoenitentes, tanq̄ mortua mēbra, resecat a corpore: quanquā & istos tandem reuersos, iterum recipit, ac denuo sibi incorporat. Et quoniā caput habet Christū lesū, idcirco seruiunt ei necessario oīa in bonū. Hinc etiā crescit in persecutione. Neq; enim potest diuinā uirtuti, quae agit in ea, quisquā resistere. Soli deo cognita est, iuxta illud: Ego scio quos elegerim. Ioan. xij. Et sicut Paulus scribit, ij. Timoth. ij. Sed firmū stat fundamentum dei, habens signaculū hoc: Nouit Dñs suos. Externis tamen quibusdā notis & coram mundo cognita est: maxie per uerbum Euāgelij: & debitum sacramentorū usum. Itē si poenitentia agat, confiteat Christum, perferat crucē, & praeſtet proximis officia dilectionis. Ad cuius formā, quisquis non uiuit, non potest saluus fieri.

Porro huius ecclesiae sunt serui & ministri Pontifices & Episcopi: adeoq; dispensatores mysteriorū dei. Non dñi, aut Imperatores. Nec acciperunt potestatem condendi leges in ecclesia: sed Euangelium docendi, & praedicandi poenitentia, qualis in uerbo dei praescripta est. Ac potestatem habet ecclesia iudicandi de dogmatibus Episcoporum: quin etiam integrū est ecclesiae, eos Episcopos & doctores, qui nō faciunt officium suū, reijcere. Et, ut paucis dicā, nullius Magisteriū agnoscit praeterq̄ Dñi & capitis sui

pitis sui Christi. Matth. xxiij. Eoq; nec audit, nisi qui illi adferunt euāgelium Christi. Ioan. x. Hæc est deniq; quæ nō errat, neq; potest errare: columna & firmamentū ueritatis, i. Tim. iij. quatenus scilicet sui pastoris uocem audit, retinet ac sequitur. Alioqui quæ audit uocē alienorū & ad probat dæmoniorū doctrinas, quō non erraret? Viderint ergo quid agant, & quō sint de ouibus Christi, qui doctrinas hoīm, pro infallibili fidei regula defendunt. Certe enim nisi poeniteat eos istius uani & crassi erroris, nō modo non erūt computādi inter filios dei, sed inter reprobos oīm grauissime punient. Eo quod ecclesias intolerabili iniuria onerāt: & præ alijs obscurant gloriā dei, atq; adeo audacissime contemnunt.

Et hæc de ecclesia, quo melius confiteamur gloriā Christi, contra impositores istorū temporum, qui dānant hanc ecclesie definitionē, quā talis forma eius præscribitur, qualē hic tradidi. Igitur istis & hanc Pauli descriptionē obijcimus, quæ est Ephe. v. Christus dilexit ecclesiam, & semetipsum tradidit pro ea, ut illā sanctificaret, mundans eā lauacro aque in uerbo, ut exhiberet ipse sibi gloriosam ecclesiā, non habentem maculā aut rugam, aut aliquid huiusmodi, sed ut sit sancta & irreprehensibilis. Hac ergo si possunt, meliorē formam ecclesie tradere, age faciant. Aut sinant ecclesiam gaudere, & sua uoluptate in Christo Iesu perfrui: & fruanti ipsi uoluptatibus huius mūdi. De illis loquor, quibus neq; gloriæ Christi, neq; salutis ecclesie studium: & requirūt tñ, ut pro cōmuni ecclesie habeantur. Sed nihil prodest cū istis rixari. Nos gloriamur in Christo Iesu: qui est fundamentum ecclesie, et petra illa aduersus quā nihil possunt, nec portæ inferorū. Multo minus satellitium istud diaboli & pseudoepiscoporum & tyrannorum, qui uolunt glorificari in hoc mundo, & Christi gloriam quærunt oppressam.

## DE INVOCATIONE, PRAECLARO FIDEI

*effectuum opere bono secundi præcepti.*

**P**ost confessionē gloriæ dei & Iesu Christi, habet inuocatio maxie pardarum exercitiū fidei: & utilissima est, atq; imprimis necessaria quæ ecclesie utant: cum in cōmuni, tum priuatim pro se q̄scq;. Nam in quibuslibet calamitatibus rogandus est deus, ut nos eripiat: & pro necessitate iuuat, ac saluos faciat. In operibus ergo bonis secundi precepti, præcipuo facit ad diuini noīs honorem. Cū em aliqua re indigemus, tūc recurrimus ad deū, & in procationibus nostris aperimus ei nostras necessitates, & gratiā atq; auxilium ab ipso perimus & rogamus: ita ut requirit fieri, pro nostræ fidei in ipsum exercitatione & sui nominis honore. Quapropter & summe glorificat deum inuocatio: & nunquam potest omitti nisi cum maximarum rerum incommoditatibus, ac damnis.

Glorificatio est, illum honorē habere deo, quod nos inuocātes respiciat, per filiū Christū: et in quibuslibet necessitatibus iuuat, et malis oībus eripiat. Tum illa fiducia incunctāter inuocare deū: quā non potest nō se



qui exaudito, liberatio, & salus. Iuxta illud Ioelis. ij. Omnis quicumque inuocauerit nomen Domini saluus erit. Habet igitur maxime piā in Deum, tum utile nobis exercitationē inuocatio: nec alia eius causa est, id est, cur Deus uelit a nobis inuocari, quam ut nos exaudiendo, pro sui nominis honore, ab ipso adiuuemur. Nam bonis nostris ipse nihil indiget: sed ut est fons quidam omnis bonitatis, atque adeo ipsa bonitas, ita amat nobis prodesse. Nec uult tñ, nisi per fidei inuocationē honoretur a nobis. Qua causa & per præceptiones urget nos ad inuocandum: & promissionibus suauissimis allicit nos, ut ipsius opem, gratiam & auxilium quaeramus & imploremus. Quarū nōnullas paulo post referemus. Sciunt igitur se grauissime peccare, isti qui non inuocāt nomen Domini, quod opus est: ac rursus qui inuocant certissime confidant se placere deo, respici, exaudiri, & in quibuslibet necessitatibus adiuuari. Proinde & insigniter contemnitur deus ab his quos nec præcepta mouent, nec promissiones, ad inuocandum: præsertim in tot miserandis casibus & cladibus, quibus frequenter atterimur in hoc seculo. Imo, isti in quibus adeo nullum studium est gloriæ dei: aut salutis animarū suarum. Nam quorum frigent preces, illi non obscure significant, se non magni facere dei gloriam: aut communem ecclesiarum salutem, siue quomodo ipsi a peccato liberentur & a periculosis tentationibus custodiantur. Rursus autem eximie honoratur Deus, a diuersis illis a quibus inuocatur. Nam & præceptam dei uoluntatem faciunt, & promissionum fidem exercent: eoque & foeliciter in rebus omnibus agunt. Quoniam a deo, ut dictū est, respiciuntur & adiuuantur: ut enim honorant Dominum, ita uicissim honorantur ab eo. Quapropter inuocantes, impossibile est non exaudiri: quēadmodum & deseruntur a deo, qui eundem per neglectam inuocationem deseruerunt. Et huc facit illud .i. Reg. ij. quod deus loquitur. Quicumque honorificauerit me, glorificabo eum, qui autem contemnunt me, erunt ignobiles. Quare necesse est derelinqui istos a Deo, tādēque confundi: ut etiam totius mundi foelicitatibus florerent.

*A causis, qui  
bus ad preces  
tiones excita-  
mur,*

Sed subiiciam hinc nōnulla scripturæ testimonia, quibus & excitari & inflammari ad inuocationem, pium atque ardens preces studium, possumus. Omnino enim nosse oportet, quantas commoditates adferat, per fidem preces fundere ad deum, qui debemus ad inuocationem preparari. Ignari enim utilitatis & fructus, qui consequi inuocationem solent, quid possemus, aut quomodo a deo rogare? Quia ergo deus præcipit inuocationem, & quia innocentibus se astringit maximarum rerum promissionibus, testificans quod uelit petitiones nostras facere, idcirco utilissimum est precari: impiū & perniciosum preces omittere. Quod cum nos docent præterea ipse petitiones preces, quæ tradita est a Christo: tum plurima alia testimonia scripturæ, de quibus hic pauca quædam subiiciamus.

Vt ex psal. cxlv. Prope est DOMINVS omnibus inuocantibus eum omnibus qui inuocant eum in ueritate. Voluntatem timentium se faciet: & clamorem eorum audiet, & saluabit eos. Videlicet, eripiens illos ac liberans a quibuslibet calamitatibus, corporalibus, spiritualibus, & æternis: & desideria ipsorum replens. Non possunt enim, qui decenter ac pie precantur, aliquid pugnans cum uoluntate dei rogare. Quapropter et non possunt non exaudiri, sicut etiam Ioannes testatur: i Ioan. v. Hæc est fiducia quam habemus ad Deum, quod quicquid petierimus secundum uoluntatem eius, audit nos. Sic autem & deus ipse consolantissime loquitur nobis, psal. l. Inuoca me in die tribulationis: & eripiam te, & glorificabis me. Huc faciunt exempla: & illud Dauidis psal. xxxij. Testatur enim precanti sibi remissa fuisse peccata, quod alijs proponit in consolatione. Sic enim loquitur. Peccatum meum notum tibi feci: & delictum meum non operui. Dixi, confitebor super transgressionibus meis DOMINO, & turemisisti iniquitatem peccati mei. Pro hac (remissione.) orabit ad te omnis sanctus: in tempore inueniendi. &c. Item facinoroso isti, de quo est Luc. xxij. cum rite precaretur, dictum est a Domino: hodie mecum eris in paradiso. Et Christus testatur, quendam publicanum, inuocationis beneficio iustificatum descendisse a templo in domum suam: cuius uidelicet hæc fuerat precatio. DEVS propitius esto mihi peccatori. Et in Euangelio, inquit, Petite & dabitur uobis: querite & inuenietis, pulsate & aperietur uobis. Item, omnia quecumque petieritis in oratione, credentes, accipietis.

Sed hoc loco diligenter agendum est, ut in precationibus nostris, quas ad deum instituimus semper aliquid piarum & necessariorum rerum ab ipso postulemus: ne sint ociosæ & hypocritarum iusticiæ. Non enim est inuocatio, nec sunt precationes, in quibus nihil petitur a deo. Quod quibusdam hypocritis in more est, scilicet longas precationes facere, & nihil petere a deo. Hoc tempore, nimis uulgatum uicium. Ita solent enim multi fingunt se per precationes suas, multa bona opera cumulare, quibus & sibi & alijs cœli municipatum mereantur. Sed prius precatores istas pharisaicas causas non habent suæ inuocationis: sed eas quas dixi, & de quibus precipit in orandi formula Christus. Sit ergo petax oratio, & bonæ spei refertissima: quod uidelicet deus, semper conferat nobis aliquid utilem & necessariorum rerum.

Spectetur autem in rogando finis ille principalior ac potior, ut omnia quæ petimus ad glorificandum DEVM referamus: ac ne quid uelimus nobis conferri contra eius uoluntatem. Itaque nec querendæ sunt procul rationes & causæ necessariorum petitionum: quæ etiam nunquam deesse possunt. Quod satis norunt qui precationis formulam, quæ tradita est Christo, & necessarium usum eius mediocriter intelligunt.



Utinam enim tam plane intelligeretur, & in tam pio usu ab omnibus haberetur, quam est uulgaris ac trita. Atque utinam attenderent homines, quantis in rebus conueniant DEVM, illi a quibus quotidie dicitur. Quanquam autem absolutam eius intelligentiam, nempe, rei spiritualissimæ, nemo audeat profiteri: tamen percurram eam ipsam formulam precandi, paululum infra, aliqua breui enarratiōe. Recte enim habetur, pro methodo, omnium quæ a Deo conuenit petere. Quæ etiam qualitercūque explicata, modo pie, admonet nos, quam religiose sit dicenda. Itē, quanto cum fructu & utilitate dicatur ab illis, qui uere in Deum per Iesum Christum crediderunt, si tamen fiducia exaudiendæ precationis non destituantur.

Raritas pie  
precatum.

Si igitur omnes intelligerent inuocationis usum & uera cordis fiducia illa uterentur, haberent haud dubie melius res priuatæ singulorum, & publicæ omnium. Et ut usum orationis plurimi intelligant, tamen ne illi quidem, continuo, ut oportet, ea utuntur. Non est igitur res tam uulgaris, quam creditur esse, pia & efficax precatio. Certe, quos non docuit nisi littera, nihil quod est inuocationis præstare possunt. Sane in externo cultu Dei, nullum aliud opus difficilius præstatum est, recta ac debita inuocatione. Ac necesse est quidem, ut ad omnia opera bona accedat fides: quod uidelicet respiciat ea Deus, adprobet propter Christum. Tamen inuocationi præ alijs difficillimum est fidem adiungere: quod omnes, opinor, experiuntur. Cum igitur in his difficultatibus luctamur, ita mederi infirmitatibus nostris possumus, si cogitemus præceptum Dei esse, ut inuocemus. Necesse est igitur, ut placeat Deo, in summis cultibus, inuocatio: cum ipsum quoque nomen DOMINI per eam præcipuo honoretur. Deinde, ueniant in memoriam promissiones. Nam quia Deus inuocantibus promittit exauditionem, testatissimum est, quod maxime proprius ac procliuus, ut ita dicam, exaudiat ac faciat nostras petitiones.

Contra phari  
saici errorē  
operis opera  
ti.

Omnium uero diligentissime cauendum est, ne quis existimet se exaudiri inuocationis merito: aut propter personalem aliquam sui dignitatem. Nam si propter opus operatum inuocationis exaudiremur, nihil differrent sanctorum iusticiæ, a iusticijs hypocritarum, pharisæorum & quarumlibet gentium. Deinde si ullæ iusticiæ nostræ tales ac tantæ essent, ut propter eas respiceret nos Deus, & inuocantibus præstaret earum merito, quod petunt, eo ipso CHRISTI gloria euacuaretur: propter quæ tamen unum constat nobis Deum fauere & propitium esse. Item, respicere inuocantes, tueri, adiuuare: eiusdem unius merito. Valde igitur stulte & pharisaice errant, qui preces nostras numerant, in reliquo illo hypocritæ cultu, quem dicunt ex opere operato ualere coram Deo. Nam cum nihil tale sit in omnibus operibus, quæ ab homine præstare possunt: tum inuocationis exercitium omnium minime eo seruit. Nul-

lus enim prorsus eius usus est, sine promissionis fide: cum alia politica officia & opera aliquo mō requirat deus, & aliquam utilitatē adferant hoībus in hac cōmuni uita, etiā sine fide præstira. Inuocatio aut sine fide prorsus est infructuosa: & nullā utilitatē habet, ne apud hoīes quidē.

Quin etiam, quia inuocanti necessaria est fides promissionum gratiæ, ideo sine fide precari, est deum irridere potius quam honorare. Itē, fiducia priuatæ iusticiæ precari, omnium maxime redundat in gratiæ cōtemptum: & contumeliosum est in seruatorem Christū, propter quem unum omnes iusticiæ nostræ demum probantur deo, quatenus credimus in eum. Somnare autem, quod ullæ preces nostræ ualeant coram deo, ex opere operato, pharisaicum est, & plusquam uanum ac stultum. Itaq; Christus apud Ioannem cap. xvi. inquit: Amen amen dico uobis. Si quid petieritis patrem in nomine meo, dabit uobis. Hæc ergo nominis Christi mentio tollat omnium primo hæsitatiōem illam nostrā, & impiam diffidentiā, quæ facit nos desperare exauditiōē. Nam etiā si nos peccatores simus, & indigni, quos deus respiciat inuocantes: tamē propter Christum exaudimur, ut per quem nobis deus est placatus, & propitius pater, adeo ut nos dilectissimorū filiorū loco habeat. Deinde excludat arrogantem præsumptionem operis iusticiæ nostræ: cui hypocritæ tribuunt, quod per se apud deum placeant. Quarum immunā diem si intueamur, sine fide propitiatoris Iesu Christi, nunquā non cogemur, de gratia & fauore erga nos dei desperare. Proinde, si fiducia promissionū gratiæ nobis desit, frustra est instituere aut facere preces ad deum. Quod etiam Beatus Iacobus adfirmat, Iacobi i. i. Sic inquit: Si quis autem uestrum indiget sapientiā, postulet a DEO, qui dat omnibus liberā liter, & non impropert, & dabitur ei, postulet autē in fide, nihil hæsitans. Qui enim hæsitat, similis est fluctui maris, qui uento mouetur ac circumferatur. Non ergo existimet homo ille quod accipiat aliquid a Domino. Vir uacillans animo non potest subsistere in omnibus tñs suis. Sed iam satis dictum est, quibus rationibus oporteat nos hæsitatiōi & diffidentiæ repugnare: ad quod præterea ualet, si cogitemus quod Christus ipse, qui nos exaudit cū patre, modū & yba petitionū necessariarū, utilium, & quas conuenit a deo rogare, nobis præscripsit. Vt maxime certum sit, si secundum eas rogauerimus deum, nos exaudiri.

SEQUITVR Enarratio Dominicæ orationis:

**H**AEC hætenus libuit præmittere, tanq̃ preparamēta inuocandiōis: itā breuē quandā enarratiōē dñicæ orationis dabimus. Id ergo mox ab initio summe nos cōsoletur, q̃d aliqd rogaturi a deo, iussi sumus ab ipso et Domino Christo Iesu, in hunc modum exordiri.

CAP. VII.

PATER noster, qui es in celis.

Nam hac præfaciuncula admonet nos Christus qua fide oporteat uenire ad inuocationem, & testatur, quod deus sit nobis placatus, quod respiciat nos: & quod curæ ei sumus. Eoque & exaudiat inuocantes.

Per mediato  
rē gratiæ Chrī  
stū exaudimur



COMMENT. DE POENITENT.

quod uidelicet ueniāt in fide adoptionis, quæ facta est per Christum. Et sic exaudiat, ut a quibuscumque aduersarijs malis liberet, & saluos faciat.

In summa, duplex argumentum est: Deum uelle nobis adesse & uelle nos iuuare, quoniam pater est. Tum posse nos saluare, cum non sit excellētiōr, quā est **DOMINVS** coeli et terræ, cui omnes creaturæ seruiunt & omnia potestati eius sunt subiecta.

Reuocat itaq; Christus his uerbis nobis fidem adoptionis in memoriā: & requirit, ut per fidutiā nominis sui in illa consistamus. Quæ certū sit, deum nobis esse patrē, misereri nostrū & ignoscere nobis. Qui qm̄ optimus est, ideo summe misericors est & placabilis pater: ultra, quā optare possumus. Ergo recipit peccatores, & saluat eos, qui ex fide paternæ beneuolentiæ eius ipsum accedunt. Sicut docemur in quadam parabola **Lu. xv.** de filio prodigo: quem fiducia paternæ beneuolentiæ retraxerat ex perditione, ac patri restituit, cui nihil optatius potuit contingere.

SANCTIFICETVR NOMEN TVVM.

In omnibus, quæ iustituimus, operamur & agimus, honori & glorie diuini nominis primas debemus: nec possumus aliter bene agere hic corporaliter in terris, aut saluari a peccato & a morte, et in futura uita beatū esse, nisi illius gloriam omnibus præferamus: ideo in petitiōibus nostris docuit nos Christus ordiri a sanctificatione noīis Dei. Est autē sanctificare nomen **DOMINI**, Deum ipsum celebrare & glorificare, recta confessione, prædicatione, inuocatione, laude & gratiarū actione: de quibus omnibus & in superiore parte huius libri dictum est, & nunc dicimus. Sed & facit ad glorificationem nominis Dei, huius uitæ nostræ commendatio: & in moribus uera atq; perfecta conuersio ad Deum.

Quod ergo præcipuum est, in hac petitiōe omniū primo rogamus, pro uera, recta, & firma noticia dei. Nā sine hac nec celebrari a nobis, & debita laude posset Deus: nec nos ad **DEVM** conuerti. Sit autē recta noticia Dei non solum in essentiæ diuine cognitione, quantum reuelata est testimonio scripturarum: uerum etiam in præcipuis illis, quæ sunt fidei, creationis omnium & redemptionis generis humani. Ergo nominis appellatione hæc omnia intelligere oportet: quæ uidelicet in nouerunt nobis de Deo, & quibus uult apud nos & a nobis celebrari. Quæ dum oramus sanctificari, nihil aliud petimus, nisi ut per ueram noticiam seu reuelationem cognita hic in terris, ab omnibus glorificentur in omnibus uitæ casibus.

Hac igitur prima petitiōe rogamus, ut confirmata in nobis noticia Dei, Deus ipse, ut oportet, glorificetur a nobis, id est, ut confiteamur ipsum, trinum, unum, omnipotentem, æternum, conditorem coeli & terræ, gubernatorem & cōseruatorem omnium: Item redemptorem humani generis, per filium Christum. Ideo & inuocemus eum in qualibet necessitate, & gratias in omnibus agamus. Non murmuremus contra

Deum in aduersis: sed patientiam seruemus & exerceamus. Et sicut dignum est Deo, ita in his terris filij Dei, per sanctam uitę conuersationem, honoremus ipsum. Proinde his rationibus sanctificatur nomen Domini: in quibus cum nihil possit humana infirmitas dignum deo præstare, ideo gratiam & auxillum diuinum implorare docemur, ut ea nobis contingant, per quę Deus a nobis glorificetur: maxime, ut paternitatis nomen in nobis confirmetur. Et ne quid discrepet in nobis, a nominis honore: siue, quo nomen patris in filijs polluat, dicto, moribus, aut factis. Ideo et quaslibet blasphemias in Deum hac petitione recte deprecamur: & offensiones ac scandala, quibus auertemur a glorię Dei studio. In summa, Nomen ipsum, quod in se uenerabile est & sanctum, petimus, ut usu nostro ita tractetur, ut Deo dignum est: & nobis, per gratiam filijs Dei, causa pietatis in Deū, & iusticię & æternę uitę, efficiatur. Ergo nomen, quod in se sanctum est, sanctificatur apud nos, nosmet ipsos sanctificando. Quapropter non petimus, ut nomen ipsum Dei sanctius efficiat, ut quod in se est absolutissime sanctum: sed ut sua uirtute dignam sanctificationem in nobis operetur, qua Deum glorificemus, & perpetuo beati simus.

*Aduenia: regnum tuum.*

Hoc est, Tu nos gubernare regno gratię tuę, cum ut fiducia paternitatis tuę confirmemur: tum ut pleno imperio spiritus & a peccatis retrahamur, & nouitati uitę studeamus. Hęc sunt enim, quę prædicari fecit nobis regno gratię suę, per filium Christum: nempe, fides & poenitentia. Sine quibus, ut nemo glorificare Dominum potest: ita nec regni coelestis, seu uitę æternę, hæres fieri. Itaq; huius petitionis causa præcessit in prima petitione. Nā ideo necesse habemus precari a Deo, ut nos regno gratię suę gubernet, ne si præualeat in nobis regnum & tyrannis Diaboli, deum non glorificemus, & sic neq; a peccato neq; a morte saluemur. Ac gubernat quidem Deus omnia: nos tamen, qui credimus in eum, peculiariter ut dilectos filios, & uitę æternę hæredes. Et certe principaliter in eum finem, ut a nobis glorificetur.

Vt ergo per Euangelium regni docemur his de rebus, quę faciunt ad diuini nominis honorem: credita, confessa, & in omni uita adplicata ad usum: nempe, poenitentia & remissio peccati. Lucę ult. Ita hic precamur ea nobis: uel ut perfectiora contingant, uel ut confirmentur in nobis, ne aliquando amittamus. Atq; ut destructo in nobis peccati et Diaboli imperio, uirtus Dei occupet nostros: & iustificatos efficiat consortes æternę uitę, & coelestis hereditatis. Quia igitur nostris uiribus nullo modo sufficimus ad glorificandum Deum: & quia regno gratię filij Dei, Domini & seruatoris nostri donati sumus, ut Deū glorificemus, iusti, salui & beati per eius gratiam: ideo rogamus, ut hęc dona perfecte nobis contingant, & ut semper retineamus ea. Id est, ut Deus per fidē gratię suę, in nobis regnet, uiuat & operet: & suę glorię nos seruire faciat, ne immortalitatis & coelestis uitę gloria priuemur.



COMMENT DE POENITENT:

Nam regnum Dei semper praesto est. Sed ideo docemur precari, ut nobis adueniat, quia opus habemus, ut Deus per speciale gratiae effectum regnet in nobis: nosque peccato & morti eripiat. Dixi autem, quomodo hoc faciat, per promissionis euangelij fidem, & poenitentiam, quae ex illa fluit. Et hanc regni Dei rationem in nobis, ita exponit Paulus, Tit. ij. Adparuit enim gratia Dei, & seruatoris nostri omnibus hominibus, erudiens nos: ut abnegantes impietatem & mundana desideria, modeste, iuste & pie uiuamus in praesenti seculo. Expectantes, beatam spem, & adparitionem gloriae magni Dei, et saluatoris nostri Iesu Christi: qui dedit semetipsum pro nobis, ut nos redimeret ab omni iniquitate, & mundaret sibi populum peculiare, se statorem bonorum operum.

*Fiat uoluntas tua: ut in caelo,  
sic etiam in terra.*

Id est, perfice in nobis, quicquid uelis: uis autem sanctificationem nostri. Ergo destrue in nobis corpus peccati: & fac nos peccatores uere humiliari, atque ad te conuerti & uoluntati tuae uiuere. Relicti enim nostrae uoluntati quae est carnalis & praua, non possumus nisi perniciose affectare & quaerere: & quae sunt dedecori nomini tuo glorioso, & uoluntati sanctae tuae aduersantur. Ideo rogamus, ut in omnibus tua uirtute nos corroboret ac munias: & auxilium spiritus tui administres, quo perficiatur in nobis tua uoluntas, quae sola iubet aequa, bona, recta & sancta. Nec poteris a nobis glorificari, nisi illi uoluntati tuae prius fuerimus efficaciter per omnia subiecti: eique, ut oportet, uiuamus.

Fluit igitur etiam haec petitio ex prima, et coniunctam rationem habet cum secunda. Nemo enim sanctificat Deum, qui uoluntati eius non uiuit: & ut sanctificatur Deus ab his in quibus per promissionis gratiae fidem & spiritum sanctum uiuit ac regnat: ita ab illis qui acti a Deo debitam obedientiam praestant. Maxime, quo ad uitae poenitentiam, qua per gratiae fidem conformes uoluntati dei efficiantur. Nec facile est hanc petitionem discernere a priore regni. Nisi quod hac rogamus operis nostri obedientiam: in priore autem, coelestis gratiae beneficia & dona, seu uirtutes infusas, quae nos efficiant maiori data Dei facere & Deum glorificare.

Sic ergo est mirabilis ordo & dispositio in his tribus petitionibus: pro rerum natura ita coniunctis & coherentibus, ut diuelli nequeant. Nemo enim poterit sanctificare Deum, in quo ille non regnat: Deo autem regnante in nobis, necesse est uoluntates nostras, id est, desideria illa carnalia, per se impura, praua & noxia, mortificari & interire. Cum ergo accingimur ad precationem, pro sanctificatione nominis Dei, simul opus habemus rogare pro gratiae regno: atque ut illo regno uoluntas Dei in nobis perficiatur. Ne quid pugnans cum uoluntate Dei, & diuino nomini indignum, quo signati sumus, nempe, filij Dei, admittamus.

Itaque rogamus hac petitione, ut uoluntati dei per omnia respondeamus, & obtemperemus ei: ut sicut in electis, iam glorificatis in coelo, est conformitas

& unitas uoluntatis eorum ad uoluntatem Dei: ita & in nobis, qui adhuc in saeculo sumus in terris, contra regnum peccati & mortis, eadem perficiatur & compleatur. De qua Petrus in hunc mundum scribit. i. Pet. iij. Christo igitur passio pro nobis in carne, & uos eadem cogitatione armamini. Quia qui passus est in carne desijt a peccatis: ut non iam desiderijs hominum, sed uoluntati Dei, quod reliquum est temporis in carne, uiuat. Sufficit enim praeteritum tempus ad uoluntatem gentium traduxisse: ac ambulasse in lasciuia, concupiscentijs, uinolentia, comessationibus, potationibus, & nephario idolorum cultu.

Hanc ergo uoluntatem, quam rogamus perfici, definiunt nobis mandata Dei omnia: de quibus in superiore huius libri parte scripsimus. Itaque cum dicimus, fiat uoluntas tua, non quidem rogamus uoluntatem illam, qua uult Deus fieri: quia illa est eterna, & secundum eam semper operatur Deus. Sed eam petimus, qua per effectum gratiae operatur in nobis. Ut sit sententia perficiatur in nobis quicquid iubet: & praesta ea omnia, quae uis fieri a nobis: pro impletionem preceptae sanctificationis. Denique effice, ut patientiam in afflictione & cruce prestemus: & mortificationem nostri sine murmure, aut blasphemis queremonijs, toleremus.

*Panem nostrum quotidianum,  
da nobis hodie.*

Hactenus spiritualium & aeternarum rerum petitiones nostra expositione tractauimus: quibus cum adiungat Christus petitionem, qua rogemus nobis panem quotidianum, simul docet nos, quo in corporalium & temporalium omnium rerum necessitatibus confugere oporteat: nempe, ad Deum, & ab illo omnia quorum usu opus habemus, in hac uita, ut a clementissimo patre, cui uidelicet curae sumus, rogare. Nam cum nobis & in corporalibus provideat, & largiatur unus ea omnia quae sunt huic uitae necessaria, sicut prolixè docuit Christus, Math. vi. debemus certe & in corporalibus necessitatibus, per inuocationem & petitionem illarum, nomen Dei patris nostri honorare. Ne qua re uitamur sine sanctificatione: & sine glorificatione Dei. Nam etiam si Deus in credulis, & prophanis Gentibus quoque, largiatur corporales substantias & reliqua huius uitae: tamen illi rebus omnibus abutuntur, per hoc quod dona dei non agnoscunt, nec rogant pro eis, & pro acceptis nullas gratias agunt. Ideo & noxia sunt eis omnia: & cooperantur in malum. Igitur adpellatione panis, intelligas omnia, quae sunt huic uitae necessaria. Omnia enim haec Deus largitur nobis: cui propterea hunc nominis honorem debemus, & reddere per inuocationem iubemur. Quod uidelicet, nos alar, regat & ab interitus iniuria conseruet quodque suppediet nobis abunde omnia ad fruendum, quorum in hac uita indigemus. Et quoniam docuit nos Christus rogare panem quotidianum, recte admonet, ut si contigerit ille nobis a Deo, contenti simus: nec plura affectemus, ac ne simus curiosi in crastinum. Sicut etiam Paulus scribit. i. Timoth. v. Habentes enim alimenta, & quibus tegamur, his contenti simus. Igitur & cupiditatibus auari



COMMENT DE POENITENT.

cig, & curis huius uitæ, noxijs scilicet, imperemus: Tū benefici et liberales in pauperes esse discamus. Sicut idē Apostolus, loco præcitato admonet, dicēs, Nam qui uolunt diuites fieri, incidunt in tentationem & in laqueū, & desideria multa uesana & noxia, quæ mergunt homines in interitū & perditionē. Radix enim omnium malorum est auaricia: quā quidam adpetentes aberrauerunt a fide, & implicauerunt se doloribus multis. Et ibidem: Diuitibus huius seculi præcipe, ne superbiant: neq; sperēt in incerto diuitiarum, sed in deo uiuo, qui præstat nobis omnia abunde ad fruendū. Sed benefici sint & dilectant bonis operibus: facile tribuendo, communicādo, thesaurizando sibi fundamentum bonum, in futurum, ut adprehendant æternam uitam.

Sicigitur agant, qui opibus abundant: et exerceant fidem donorum Dei: ac uelint esse boni dispensatores illorum. Luc. xvi. Nec sibi solis uiuere: sed necessitatibus proximorū pro uoluntate dei seruire. Qui enim habuerit opes & substantias huius mundi, & uiderit fratrem suum egere, & clauerit uiscera sua ab eo, quomodo charitas Dei manet in eo: i Ioan. iij. Itaq; hæc petitio exerceat creationis fidem: id est, curæ & prouidentię Dei pro omnibus nobis, in hac corporali uita. Et admonet ut impijs cupiditatibus plus habendi imperemus: quotidianis necessitatibus contenti. Item, si opes nobis affluant, nō possideamus illas sine usu, sed pauperū necessitati per eas seruiamus. Est autē creationis fides, ut obiter & hoc dicam, non speculatiua imaginatione, sed firmiter & uere statuere in corde, qđ Deus adsit nobis, in omnibus necessitatibus huius uitæ nostræ præsentissimus opitulator: & iuuat nos atq; alar, protegat & defendat a quibuscumq; malis. Det escam esurienti, & sitienti potū, nudo indumentum: & his similia, quorū usu in hac uita indigemus. Veluti eruditionem, artes, amicos, opes, familiā priuatim & Magistratus publice officium suū facientes. Item pacem horū temporū, bonam ualitudinē, & honestæ famæ conseruationē: In summa, defensionem omnium corporalium rerum.

In his ergo talibus exercitijs fidei explora cor tuū, num uere sentiat, & sine dubitatione statuatur, illa quæ dixi omnia, te accipere a Deo: siue potius, accogitet eas res unicuiq; calu contingere, aut humana industria parari. Tunc enim uere ac certe intelliges, quantū intersit, inter humanas cogitationes de deo & operatiōibus Dei, ac uerā fidē: ac scies profundam esse impietate cordis humani. Item, rem esse fidem, prorsus supra omnes uires rationis & cogitationū humanarū: quasi careas, frustra sit & inutile preces fundere. Quin etiā pñitiosum: nepe, sacra uerba ore uersare, si cor promissis repugnet. Hoc enim cū sit, est Deū irridere & cōtemnere. Quod qui admittunt in corporalibus: quid in alijs sublimioribus faciāt, aut quō ulla in re glorificabunt Deū?

*Et remitte nobis debita nostra sicut & nos remittimus debitoribus nostris.*

Nihil restat oim bonorū, quæ nobis optare prudenter aut pie possumus, ultra ea quæ in prædictis petitiōibus flagitare didicimus a deo. Ideo deinceps subiunguntur quædā deprecationes: quibus uidelicet aut ignoscentiā peccat

rogamus,

rogamus, & quotidianorum delictorum: aut amotionem periculofarū tēti-  
tationū. Aut deniq; in genere, quorumlibet malorū: quibus possumus adol-  
brui, damnū pati uel in corporalibus rebus, aut salutis animæ iacturā facere.  
Hæc igitur debita, quorū remissionem rogamus, sunt pētā partim herēti-  
ca in natura: quibus fit, ut a perfectione debitæ & præceptę obedientię nunq̃  
non deficiamus. Partim externæ transgressionēs, in quas forte labimur, præ-  
occupati tentatione, & a Diabolo superati. Igitur hæc petitio testatur, remissi-  
onem pēti semper durare in ecclesia: contra Nouatianos, ueteres ac nouos.  
Nec obtineri eā, nisi per gratuitæ gratię fidē: quæ nulla est, nisi per propicia-  
torem Christū habeatur in Deū. Igitur & imperfecti & lapsi habent, quo se  
per quotidianam inuocationē consolentur: contra pētū & terrores in con-  
scientia, et ne qua tentatione absorbeātur. Quapropter hæc petitio egregie  
exercet ac munit fidem nostrā: quæ est redemptionis nostræ, & remissi peccā-  
ti per Christū. Neq; enim ullis unq̃ aliqua pētā remittuntur, q̃ per fidem in  
Christū: iuxta illud, i Ioan. ij. Hæc scribo uobis, ne peccetis. Sed & si quis pec-  
cauerit, aduocatū habemus apud patrem, Iesum Christū iustum: & ipse est  
propitiatio pro peccatis nostris. Hic ergo & præsumptio damnatur, eorū qui  
se existimant uiuere posse sine pētō, & iusticiam per opera legis mereri: & de-  
speratio, eorū quibus reuelata sunt sua peccata, & immundities cordiū suo-  
rum. Qui remissionē peccati quidem a gratia per inuocationem requirere de-  
buerunt. Ac liquet ex his omnibus, quod etiā hic opus est nobis præcipua  
quadam diligentia & cura, qua corda nostra exploremus, nū uere sentiant ad-  
credant pētā sibi a Deo remitti: ne aut frustra petitiones nostras mittamus,  
aut cū peccato grauiore illas faciamus. Cum aut difficillimum sit credere, q̃  
Deus peccato & erratis nostris ignoscat, cū præsertim quotidie labimur, &  
in multis omnes deficiamus: Itē, rationi nostræ nunq̃ non contrariū uideat,  
ideo adiecta est adpendix huic petitioni, quæ nos firmiter doceat, de remissi-  
one peccati nostri corā deo: si uidelicet proximis nostris, sua errata & delicta  
quibus nos offenderunt, fiducia gratiæ, remiserimus & ignoscamus. Hæc em̃  
nostra ignoscentia etiā si remissionem peccati corā Deo nulli mereat, tñ clare  
nos docet, id est, certo & infallibili signo, de facta remissione peccati nostri  
corā deo: & de uera illius fide in nobis, qua non possunt nō remitti peccata  
nostra nobis corā Deo. Hæc igitur ualēt ad exclusionē pusillanimitatis, &  
diffidentię ac dubitationis, quibus torquetur cor hominis, in quæstione de  
remissione pētorum: quæ Deus testat se nobis remittere, remittētibz alijs, p  
gratię fidē, et cōdonare si q̃ cōdonauerimus alijs, p nois Iesu Christi honore.

*Et ne nos inducas, in tentationem.*

Id est, ne nos permittas uinci, aut superari tētatione: undecunq; oriat, seu  
a carne & pētō, seu a mūdo, seu deniq; a Diabolo. His em̃ tribus modis peri-  
culose pulsamur, quod tñ per se nulli noxiū est: sed cedere tentationi, uinci ad  
superari ab illa. Cū aut nemo resistere Christiane ulli tentationi possit, nō ad-  
iutus a Deo, siue desertus a gratia, ideo iubemur petere a deo, ne nos in tenta-



tionem inducat, id est, ne sinat nos frangi tentatione & euertere fidem nostram; & eo ruere, ubi indigna Deo, nobis damnosa, admittamus. Cum igitur iubeat Christus, ut Deum rogemus, ne nos inducat in tentationem, non obscure significat, quod Deus puniat aliquando nostra peccata alijs peccatis: non quod impulsu hoc faciat, tanquam causa peccati, sed quia induci ac superari nos permittit: aut certe, quia non impedit, ne inducamur, & per subtractionem auxilij sinat nos labi, errare, indigna Deo & pugnantia cum salute nostra, admittere. In quo ipse quidem opus iudicii & irae suae facit: quod etiam omnium horribilissimum est in poenis peccati, maximeque metuendum. Et cum tale quid, per impoenitentiam frequenter mereamur, hoc diligentius precari convenit, ne in hanc diuinę ultionis severitatem incidamus. Adest nobis domesticus hostis caro nostra, & desideria eius: quibus quo adigamur saepe & perueniamus, discere potes ex illo Gal. v. Manifesta sunt opera carnis, quę sunt adulterium, fornicatio, immundicia, lascivia, idolorum servitus, veneficia, inimicitie, contentio, emulationes, irae, rixae, dissensiones, sectae, inuidiae, homicidia, ebrietates, comestiones, & his similia, de quibus praedico vobis, sicut & praedixi, quod qui talia agunt, regnum Dei non consequentur. Foris autem impugnant nos mundus & Diabolus. Et mundus quidem varijs blasphemiarum scandalis, & improborum exemplis, sollicitat nos ad fidei defectionem: Item, persecutionibus corporalibus, quibus tentat ut opprimere gloriam Christi, & ecclesiam perdere. Diabolus autem, presumptione & desperatione alios & alios impugnat. Et in hoc toto tentationum genere nemo feliciter dimicabit, sine auxilio gratiae, & destitutus uirtute spiritus sancti. Quare liquet hoc esse induci in tentationes periculosas, tentationibus permitti, & uacuum auxilio gratiae deserui. Nam Deus nulli est causa tentationum, seu ruinae in peccatum: tamen non omnes iuuat, aut uictores facit in tentatione. Cum autem indignissimum sit ea admittere, per quae Deus & nomen eius gloriosum dehonoretur, maxime filiis Dei: ut ne dicam, quam aduersetur saluti nostrae, in tantis peccatis esse: ideo imprimis convenit precari sollicite, ne auxilio gratiae Dei & uirtute spiritus Christi destituamur. Hoc enim si fiat, nulli tentationi poterimus satis resistere: nec unquam saluari a peccato & a morte. Ac merebatur quidem ingratitudo nostra saepe tale ultionem: sed bonus est Dominus, & inuocantibus in fide, per spiritum gratiae nunquam non adest. Quamquam & electos sinat aliquando ruere in grauiam peccata: sed ut humilientur, & restituti cautius agant.

*Sed libera nos a malo.*

Id est, libera nos a qualibet noxia aduersitate: tam afflictionum & calamitatum corporalium, quam earum quae impediunt salutem animae nostrae. Maxime autem libera nos ab insidiatore & tentatore Diabolo: qui nobis omnium malorum causa principalis existit. Non peccati solum, sed & calamitatum, quae peccatoribus in poenam infliguntur. Quamquam autem non omnes corporales calamitates ita noxae sunt, ut auertant nos ab aeternae salutis: tamen quia faciunt, ut minus commode in hac uita agamus, licet eas deprecari. Iuxta ea quae dicta sunt in

quarta

quarta petitione: de corporaliū necessitate. Sed & quia plerisq; corripimur, licet pro mitigatione correptionis precari. Quæ etiā per poenitentiam iustorum, cuius est pars inuocatio, auertuntur. AMEN.

Aclamatio est hebraica, & significat uerum est, siue fiat. Adiecta in fine dominicæ precationis, ut nos admoneat firmitatis promissionis, & exauditiæ inuocationis apud Deum, si in fide fuerimus precati.

*De laudando & glorificando Deum: itemq; de gratiarum actione.*

**R**eliqua est laus & gratiarū actio, ex illis operibus, quæ in secundo man- CAP. XVIII.  
dato precipiuntur, pro sanctificādo nomine Dei. Est autē cōfessionī maxime affine laudare Deū: & gratias ei agere. In illis em̄ omnibus laudamus deū & gratias agimus, quæ cōfidenti materiam præbent: seu prædicanti opera & magnificentiam Dei. Et elucet præcipue in his quæ sunt creationis oīm: & redēptionis humani generis. De quibus in superioribus aliquo mō dictū: est nā pro dignitate explicari a nemine possunt. Sed differt tñ laus seu glorificatio a cōfessione: quia Deū laudamus glorificantes, quatenus illi ferimus accepta quælibet bñficia, corporalia, aut spiritalia regni gratiæ, cū gratiarū actione. Confitemur autē in acie & pugna, cōtra aduersarios Christi: qui laudi & gloriæ Dei detrahunt, & auferunt quod tribuāt iusticijs carnis. Aut certe, cū obortas a sensu peccati in cōscientia perturbationes sedamus. Nā eo quoq; ualere confessionē fidei, apud se factā, qualis cōtinetur in symbolo illo apostolico, supra enarrato, in cōfesso est, & a nemine potest negari. Quāta igitur insunt, & q̄ præclara fidei exercitia, huic glorificationi Dei, seu laudi, & supra aliquo mō explicata sunt, parte prima cap. vii. de laude & gratiarū actione & ex his omnibus, quæ docui esse cōfessionis & prædicationis, intelligi possunt. Siquidē uerepij hoīes, & in aduersis glorificant Deum, æque ut in prosperis. Et pro alienis bonis nō minus, q̄ pro priuatis suis: atq; adeo pro foelicitate aduersariorū. Non intuentur em̄, nisi in opera & facta dei: q̄ nunquā nō possunt adprobare, & pro sapiētissimis, iustissimis, æquissimis & sanctissimis habere. Ideo in om̄ibus glorificāt Deū & gratias agunt. Cōtra homines increduli frigide laudant Deū: & nunq̄ serio gratias agunt. Sed ut ille inquit, celebrabit te, cū ei bene feceris. psal. xxxviij. Verū hoc non est laudare deū, sed sua desideria in deo, puerla cupiditate. Cæterz exēpla laudis & gratiarū actionis, si q̄s requirat, peti possunt ex Mose, psalmis & oībus prophetis: nusq̄ em̄, uersanti in scripturis, nō occurrent. Et in literis euangelij nōnulla habētur: ut Luc. i. duo præclara cātica laudis & gratiarū actionis. Alterum Ioannis baptiste, & alterz uirginis matris Dñi. Itē Luc. ij. pulcherrimū aliud iusti Simeonis. Quamq̄ in tota euāgelij historia, quid est nisi perpetua quedam laus Dei & redemptoris Iesu Christi: atq; adeo in omnibus scriptis Apostolorū. Quā si intelligerent iusticiarij Papistæ, hypocritæ, & amarent, nunq̄ pro glorijs carnis, ambitiosi et auari, tam seditiose rixarentur, ut faciunt hoc tempore.

*Exēpla laudis & gratiarū actionis.*



Sed & Christi exempla habemus, quæ docent nos laudationē debere deo, & pro corporalibus bñficijs: ut sunt illa, in quibus refertur pauisse plura hominum milia paucis panibus, & pro beneficio gratias egisse Deo. Et pro spiritualibus & æternis. Vt in dominicę cœnę institutione. Nā & in illa gratias egit, sui memoriā commendare nobis uolens, & euangelij beneficia, æterna illa, ueluti inscribens in sacramentū illud corporis & sanguinis sui, quod tūc instituit: quo nobis fidem redemptionis nostræ prædicat diligentissime, & cōmendat & uicissim exigit a nobis, confessionē, laudē et gratiarū actionem.

Pro exaudita precatōe gratias agit, Ioan. xi. Pater gratias ago tibi, quoniam audisti me. Quo uidelicet docemur non solū, q̄ Deus respiciat ad preces inuocantiū ipsum: sed etiā, quid debeant omnes pro exauditis precatōnibus: nimirū, laudem & gratiarum actionem. Nā credentium preces semper exaudiuntur: ut maxime rationis captui hoc probari non possit. Esto enim, ut sæpe nō tribuat nobis Dominus quod uolumus, tñ exaudit nos: & tribuit quod malleamus, aut est conducibilius, siue quod cōuenit alio loco aut tempore dare. Hęc dico ut nunq̄ dubitemus de exauditis precatōnibus nostris: & ut Deū semper cū gratiarum actione glorificemus. Nā et Paulus ter precatus est remoueri stimulum: quod licet impetrare nō posset, tñ melius quidā diuinæ consolationis audiuit, nempe, sufficit tibi gratia mea. &c.

Paulus pro iustificatione Gentium frequenter gratias egit: ut ij. Thess. ij. Nos autē debemus gratias agere Deo semper pro uobis fratres dilecti a Dñō: quod elegerit uos ab initio ad salutē, per sanctificationē spiritus, & per fidem ueritatis: ad quod & uocauit uos, per euangelium nostrū, in acquisitionem gloriosam Dñi nostri Iesu Christi. Nā eo exēplo pulchre docemur, pro quibus omnibus rebus deceat nos semper laudare Deū & gratias agere: tū quantum absint a Christianismo, qui nunq̄ inducunt in animū pro aliquo beneficio gratias agere Deo, seu priuato, seu alieno & publico. Deniq̄ in hoc genere numerari debet Laus iudiciorum dei in poenis reprobatorum: qui aut non credunt ueritati & illi contradicunt, aut sine poenitentia manent. Quale exemplum refertur laudis factæ a Christo: Matth. xi. Gratias ago tibi pater, Domine cœli & terræ, quia abscondisti hæc a sapientibus & prudentibus, & reuelasti ea paruulis. Ita pater: quoniam sic placitum fuit ante te. Sed exemplorū iam satis est, quæ poterit quisq̄ meliore cum fructu, suis quælibet locis addiscere. Iam deniq̄ omnis iustificatorum uita est quædam laus, & glorificatio Dei. Nam opera & facta sua omnia, illi non debent, quam ad glorificandum Deum referre: & ut bono uitæ exemplo alijs præluceant, in gloriā Dei. Iuxta illud CHRISTI: Sic luceat lux uestra coram hominibus, ut uideant opera uestra bona, & glorificent patrē uestrū q̄ in cœlis est. Hinc ipsi quoq̄ Apostoli, iusticias credentiū adpellāt hostias, sacrificia et oblationes, acceptas Deo, per Iesum Christū, ut doceāt esse cōfessiones, laudatiōes et gratitudines, per fidē iustificatorū nō merita saluatiōis per opera iustificandorū

Ut Rom. xij. Paulus: Obsecro uos fratres per misericordiam Dei, ut exhibeatis corpora uestra hostiam uiuentem, sanctam, Deo placentem, rationale obsequium uestrum, &c. Item Petrus, i Pet. ij. Sacerdotium sanctum, offerentes spirituales hostias, acceptas deo per Iesum Christum. Et Hebr. xij. Per ipsum ergo offeramus hostiam laudis semper Deo: id est, fructum labiorum confitentium nomini eius. Ceterum iusticiae incredulorum, sunt grauissimae blasphemiae coram Deo: propter superbam arrogantiam operis operati, quae est in illa: eorum praesertim qui remissionem peccati & uitam per eas quærunt. Quia detrahunt honori diuini nominis: id est, misericordiae gratuitae Dei, & beneficijs redemptoris Iesu Christi. Ideo si intelligere possent isti iusticiarii, qui hoc faciunt, in quantis sunt immundicijs & peccatis, adeoque quod impie errent his opinionibus iusticias suas facientes, attentiùs sane discerent bene operari & Deum glorificare. Nec ita fraudarent illum sui nominis honore: quem retinet tamen, uel inuitis omnibus aduersarijs suis, ac puniens istos aeterna morte.

## DE CAERIMONARVM REVERENTIA ET VSU:

*in genere, quid sentiendum sit, de ecclesiasticis constitutionibus.*

**V**ulgare est, doctrinis mandatorum hominum, opponere illud dictum, quod CAP. IX; Christus ex Esaia citat, Matth. xv. Frustra colunt me, docentes doctrinas mandata hominum. Sed haec scripturae sententia prudenter intelligenda est: ne abutamur ea, contra utiles & pias caerimonias, ab hominibus ordinatas. Non pugnat enim, nisi cum impijs hominum doctrinis: quas oportet clare definire, ne bonas ordinationes simul cum istis rejiciamus. Proinde sunt quaedam ecclesiasticae constitutiones piae & utiles in ecclesia: id quod supra in enarratione tertij praeccepti de sabbathorum religione non nihil docui. Nec pigebit ea de re, quoniam quidem occasio est, hic quoque aliquid attingere: ne in hac secunda tractatione Decalogi prorsus nihil in tertium praecceptum dicam. Maxime tamen propter illam causam, quia uidelicet hoc tempore, quaelibet ordinationes ecclesiasticae ab imperitis sine iudicio damnant, & bonae cum malis opprimuntur. Quod ipsum quoque uerget ad ecclesiarum uastationem: ut si quis uerbum dei abijciat atque contemnat. Et certe autoritas Dei continetur, si quis pias & utiles ordinationes rejiciat, quantum uis ab hominibus constitutas. Considerari autem debet finis ordinationum, in diiudicandis ac discernendis bonis a malis. Illa igitur praeccepta hominum habent impios & pharisaicos fines, quorum opera & facta dicuntur esse cultus dei: meritorius ex opere operato gratiae, remissionis peccati & aeternae uitae. Huiusmodi traditiones oportet improbare propter impios fines: etiam in factis per se non malis. Ut si hypocritae fingant, Deum coli certo genere uestitus & cibi, ac similiu: & illum cultum a Deo adprobare. Ita enim pronuntiatur de multis talibus hoc tempore, in ecclesijs Papistarum: ex peruersis opinionibus, impie sentientium de religione & rebus pietatis: neque quicquam intelligentium, de gratia Dei, & beneficijs Iesu Christi. De quibus intelligere oportet proprie illud Christi: Vane colunt me, mandatis hominum. Sunt etiam quaedam traditiones & doctrinae hominum, per se impiae & malae: etiam si absque his impijs finibus



COMMENT DE POENITENT.

Traditionum  
tri genera.

præcipiuntur. Vt est traditio de coelibatu: quia præcipitur contra uerbum dei. Hic igitur omnibus necesse est repugnare: quia sunt laquei conscientiarum, reuera daemoniorum doctrinæ, & fallaciæ spirituum impostorū. Sicut Paulus clare docet. i. Timoth. iij. Verū ut de hoc toto genere utilium, & rursus impiarū constitutionum certius iudiciū fieri possit, sciendum est, quædam hominum traditiones esse rerum mediarum & indifferentiū: ut quibus & bene & male uti possumus. Quod etiam in utranq; partē fieri, & in deteriorem magis q̄ in meliorem, per multas constitutionū humanarū observationes, hoc tempore in ecclesia, notissimum est. Sunt rursus quædam aliæ constitutiones, rerum ut dictum est per se impiarum: ut cū præcipitur fieri aliquid quod aperte aduersatur mandatis Dei, aut quod sine peccato non potest præstari. Quales constitutiones semper pro irritis haberi debent. Nam auctoritate diuina uiolantur: & nullum nisi pernitiosum, blasphemū & damnabilē usum habere possunt. Dicamus itaq; de singulis istorū ordine hoc loco pauca quædam: & de priore genere prius. Illius uidelicet, quod est mediorum & indifferentium, rationes explicaturi: quomodo in licito & pio usu retineatur, & quomodo in abusum cadat. Postea per quædam exempla de palam impijs constitutionibus scribamus. Media itaq; quorum usus est indifferens, sunt constitutiones de ferijs, ieiunijs, cantilenis, cibis, & uestitu. Habent autem licitū usum, si ordinentur, ut seruiant disciplinæ & ordini in ecclesia. Non ut sint cultus, qui ex opere operato ualeat, per se honori Deo, meritorius gratiæ, &c. & in quo summam pietatis constituamus. Ita ergo licitum est, quin etiam pium & utile, ordinare ferias, ut sciat populus, quo tempore conuenire debeat, certo loco, uerbum Dei discere, & sacramentis uti. Sic certæ lectiones & cantilenæ ordinari utiliter in ecclesia possunt: non quasi ista tali cærimonia homines iustificentur, sed ut uerbum Dei imperiti melius discant. In hunc modū & certa ieiunia ordinari in ecclesia, & præscribi uulgo utiliter possent: nempe ut populus ad certas supplicationes maiore reuerentia conueniret, aut certe ad doctrinā uerbi dei & sacramentorū usum. Et ab his exēplis satis poterit de usu licito & pio constitutionū humanarū iudicari. Cæteræ, iusticiā, cultū, & p̄ctm̄, in cærimonijs & constitutionibus hoīm ponere, est impietas & abusus talium ordinationū. Hypocritæ em̄ ignari ueræ pietatis, ueri cultus & ueræ fidei in Deū, cærimoniarū observationes, ab hominibus ordinatas iudicant necessarias esse: & ideo meliores per eas affirmant homines fieri, eos a quibus obseruantur. Nā ita ponūt iusticiā in illis, & fingunt esse cultū meritorij gratiæ, remissionis peccati, iusticiæ & uitæ æternæ. Sed iste finis traditionū simpliciter pharisaicus est et blasphemus et impius: et tribuit præceptis hoīm, qd̄ ne quidē præceptis dei tribui potest. Rursus deteriores esse dicūt q̄ cærimonias ab hoīb. constitutas nō obseruāt: nō q̄ ordinē turbēt, omittētes tē mediā, bene constitutā: sed q̄ opus p̄ se bonū, utile ad impetrādū gratiā et saluationē, omittāt. Atq; ita ponūt p̄ctm̄ in hoīm p̄ceptis: prorsus ad similitudinē necessarium

Mediorum li  
citus usus.

De abusu in  
medijs.

celeriorum operum a Deo praeceptorum. Quod est doctrinas hominū mā-  
 chis dei aequare, non sine summa blasphemia: & conscientijs laqueos po-  
 nere, imperitos fallere, peccata & transgressionem augere, oīm minime feren-  
 dum in ecclesia. Ita sunt ergo impij & blasphemij fines in constitutionibus  
 feriatū: quando ordinantur, non ad predictos pios fines, sed ut sint cultus,  
 qui ualeant ex opere operato, quibus cū Deo seruiatur, tū ipsis quoq; sanctis.  
 In qua postrema uanitate, praeterq̃ quod est abusus caerimonie, admittit prae-  
 terea insignis alia idolatria. Soli em̃ Deo nostro cultum & seruitutem in ec-  
 clesia debemus: iuxta illud, Deu. vi. Dominum Deū tuū timebis, & illi soli  
 seruiēs. Nec est necesse diuos, siue sanctos illos homines, qui ex hac uita decel-  
 serunt, aliter colere, quam imitatione exempli, seu bonae uitae, qua nobis per  
 obseruationem mandatorum Dei praeluxerunt. Sic est impietas in immodi-  
 cis cantionibus, passim institutis in ecclesia: ut sint iustificationes & cultus.  
 Hic em̃ gratia negatur, & Christi honos transfertur in nostra facta: & qui-  
 dē, de quibus Deus nihil praecepit, & nullā penitus utilitatem alijs adferūt.  
 Similis uanitas est hoc tempore in pharisaico isto delectu ciborū, de quo prae-  
 cipitur a Papistis, in constitutionibus ieiuniorū. Quid habent em̃ Papistica  
 ieiunia praeter arrogantē & uanā ostentationē, in delectu ciborū: non ieiuniū  
 seu uerā abstinentiam? Et cū ista ostentatione, quid, nisi coniunctā summā im-  
 pietatē: qua iste pharisaicus ciborū delectus dicitur esse cultus, per se honore  
 afficiens Deū, & homines iustificans? Tale est cū certum genus uestitus deli-  
 gunt Monachi: & dicunt illo genere indumenti se honorare Deū, tum istum  
 cultum a Deo adprobari: quo quid uanius somnari, uel ab ebrio posset?

Isti igitur sunt impij fines in caerimonijs & rebus per se medijs & licitis.  
 Nepe, qñ ordinationes humane, dicuntur iustus & necessarius cultus dei esse:  
 item: esse precia & satisfactiones pro peccatis. Itē, tales ordinationes, sine pctō  
 non posse mutari, siue omitti. Quapropter improbari debent: & in contemp-  
 tum pharisaicarum constitutionum, abijci & mutari. Ac melius esset, nullas  
 prorsus caerimonias extare in ecclesia, q̃ ab hominibus cōstitutae, cū his im-  
 pijs opinionibus retinere. Hunc pertinet doctrina satisfactionū, per opera in-  
 debita, apud scholasticos theologos. Nā impie de illa, & ridicule praecipit,  
 ut alio loco dixi. Ignorantes illarum usum, qui tolerabilis apud ueteres fuit.

Porro penitus impiae & per se damnabiles constitutiones sunt, cum iubet  
 aliqd fieri humana traditio, quod Deus improbat ac uetat: siue, quod absq;  
 peccato non potest praestari. Vt cum mandatis Dei pugnant, uota illa mona-  
 stica, continentie singularis, simulate paupertatis, & obedientiae non precep-  
 te. Quia Deus praecipit coniugia, illis qui dono continentiae non sunt predi-  
 ti. Nam uera continentia ideo non potest uoueri, quia dono dei cōtingit, il-  
 lis, quibus uult eā Deus prestare. Alijs autē praep̃tae sunt nuptiae & coniugia,  
 qui sciunt quod continenter uiuere non possunt. Iam & praecipit Deus  
 ut laboremus & nostrum panem manducemus: ac damnat mendicitatem.

Exempla con-  
 stitutionum  
 per se impia-  
 rum.



quæ est in simulata paupertate Monachorum. Denique obedientiam erga parentes & ciuiles Magistratus requirit Deus: cum utraq; autem pugnant constitutiones de obedientia, quam Monachi apud suos præstandam deligunt. Si quis ergo talium constitutionum obseruationem requirat, quas Deus dânat, & mandatis eius aduersantur, is contemni debet, si præfractus est & pertinaciter præcipiat de impijs obseruationibus: ac debet coram ecclesia hæc ratio reddi, quam Apostoli in hæc uerba tradiderunt, Oportet Deo magis obedire quam hominibus. Sic est audax, impia & blasphema constitutio, quam pontifices Romani sacerdotibus in genere prohibent coniugiorum usum: qui est a Deo creatus & ordinatus. Pugnat itaque cum uoluntate, ordinatione & mandatis Dei: & opprimit libertatem, ac multiplicat peccata. Nec potest sine peccato, & immundicijs infandis peccati obseruari: quia generaliter a continentibus & incontinentibus exigitur. Nec possunt ipsi met Papistæ suas impietates probare: quas prætextu simulate continentie & pharisaici cælibatus admittunt. Sic est impium, pharisaicum, tyrannicum & uiolentum, prohibere certos cibos prætextu religionis: quos Deus creauit ad percipiendum, cum gratiarum actione. Similiter enim opprimit libertatem, & creaturas Dei bonas infamat, & impias opiniones ingenerat imperitis, de Deo & rerum per se indifferentium usu. Ideo sine peccato his tyrannicis & pharisaicis constitutionibus omnibus obediri non potest: quia oportet professionem libertatis extare in ecclesia: & peccata, quæ talia pronuntiat Deus, fugi ac derelinqui. Denique huc pertinet, cum res sacræ, in manifestum abusum corrumpuntur. Vt cum Laicis interdicitur alterius speciei usus in dominica coena. Item, cum Missa priuata, sacrificuli sacerdotis, fingitur esse oblatio & sacrificium pro peccatis uiuorum & mortuorum. Istæ igitur & similes impietates, ac grauissima scandala fugi debent, & tolli ab ecclesia: quia ordinationi diuinæ aduersantur & pugnant. Reuertor nunc ad ceremoniarum decentem, iustum, ac pium usum: qui est, si constituentur, ut ordini seruiant in ecclesia, & administrationi uerbi Dei. Nam propter uerbi dei necessarium usum, ipsæ quoque cærimonie moderatæ aliquam necessitatem habent. Vt illæ, quibus constituitur quo tempore, aut quo loco, & quibus docentium & administrantium personis conflatur ad uerbi dei prædicationem, & ad sacramentorum usum. Non possunt enim satis cōmode doceri ecclesiæ sine his ordinationibus. Ideo reuerenter de talibus & sentire & pronuntiare debemus: ac sciendum est grauissime peccare, eos qui ordinem in ecclesia turbant: & qui cærimonias bene institutas, & quorum rectus ac debitus usus retinetur, uiolant.

Religiose præcipitur, ut doctrina uerbi Dei conseruetur in ecclesia: quod ut melius fiat, recte facit ecclesia, si ordinet certas ferias, tempora & horas, in quibus populus de euangelio & uoluntate Dei doceatur. Item, si certa loca deligat, ubi doceatur: atque adeo certos & idoneos ministros, peritos docendi & ad alia officia aptos, quæ Paulus in episcopo requirit. Istæ sunt maxime uir-

gentes

De piarum  
cærimoniarum  
usu necessitate  
telle.

genis causse certarū constitutionū in Ecclesia, de quibus sentiendū est loquitur Paulū, ubi dicit, omnia decenter & ordine fiant in Ecclesia. Idē quoq; iubet, ut in his ritibus edificatio ecclesie queratur, qđ mandatū spectari & obseruari in omnibus constitutionibus Ecclesiasticis debet. Huc facit, quod alicubi præcipit de moderatis & prijs cantionibus in Ecclesia, nēpe, Col. iij. Verbū Christi habitet inter uos abundanter in oī sapientia &c. Et in actis aposto, legimus quædā ieiunia supplicationis causa, ab Apostolis & ecclesia fuisse suscepta, ad qđum imitationem, etiā nunc qđam suscipi ab ecclesia possent, nō ut necessarii cultus, sed uel supplicationis causa, uel ut uerbi reuerentiā augerēt. Nec opus foret in talibus ieiunijs certo ciborum delectu, sed uera abstinentia cibi & potus usq; ad tēpus. Nec si ciborū delectus ille, qui seruatur in papisticis ieiunijs, restitueretur, posset nō obscurari gloria Christi, retineri germanus ceremoniarū usus, & homines in ueterem hypocriteos uanitatē & impietatē non retrudi. Hæc hæctenus de ceremoniarū reuerentia & usu, occasione tertij præcepti: Item, de abusibus, qui in ceremonijs & cōstitutiōibus hoīm obrepere solēt. Ac nosse oportet, quos ritus humanitus præceptos deus probet ac imi probet, ut illi seruent, hi fugiantur. Eriā si consciētię hominū nullis ceremoniarum legibus grauari debēt. Libertas em̄ in ceremoniarū usu regnare debet, & ille finis spectari, ut ordini & ædificationi seruiant in ecclesia.

*De implectione Bonorum Operum, posterioris tabula:*

**S** Vprarecepi, si quid in doctrina de præceptis operibus bonis prætermissem, id me hac in parte posterioris enarrationis decalogi aliq̄ modo cōpleturū. Hoc ergo ut cepi, ita pro mediocritate mea conabor prosequi & ad finē præstare. Sed prius in genere pauca qđam repetam, ex illis q̄ supra dixi, de implectione bonorū operū, de quibus Deus præcipit. Sæpe em̄ dicendum est, cur & q̄modo iusticię nostrę placeāt deo, cū sint imperfectę, & legi nō satisfaciāt.

Utergo paucis hac de re me expediam, qñquidē supra copiose explicata est, cauendū est ne de uiribus nostris præsumamus. Nā conatus iste, impius est, & infelix, uidelicet, præceptę operę iusticię uelle per se satisfacere. Et qui hac mēte & his opinionibus agitant, p̄ter q̄ nihil efficiūt Deo dignū, necesse est ut sint in impia hæresi Phariseorū, qui derogāt gratię & beneficia Christi negant. Nullę ergo iusticię nostrę per se satisfaciūt legi, & nullę sunt acceptę Deo, nisi quæ ex fide in Christū præstantur. Illa autem uetat primo, ne per opera nostra iusticiā & salutē q̄ramus, deinde monet ne illas præstemus, nisi glorificādi Deum studio, tanq̄ cōfessiones & exercicia fidei, gratitudines, & sacrificia laudis, accepta Deo, per Iesum Christū. Odit em̄ ac detestat̄ Deus istos conatus, quib. homines præsumunt per sua opera & facta satisfacere pro peccato & morte. Quod sæpe quidē docui, & prope ad tedium lectoris. Sed nos ideo oportet hac doctrina omnes chartas replere, quia ne sic quidem qui domi impostores & pharisaici spiritus, nomini Iesu Christi contumeliā facere. Qui etiā si nos non audiāt, tamē frequēter reprehensi, & cōuicti erroris & impietatis, ab imperitijs melius cauere possunt.

NN

CAP. 30



Nūc illa tractabimus, quæ supra reliqua fecimus in quarto præcepto, de ijs per se operibus bonis a Deo præceptis. Nec multa restant, q̄ hic auctarij uice adijci possint. De præcepta em̄ obediētia antea abūde satis dictū est, q̄ utinā a singulis præstaret. Illi igitur has præcipuas partes hoc loco cōiungā, quibus docendū, primo, quid parētes his suis quos genuerunt debeāt, pro sobria, iusta & decenti educatione. Deinde, q̄d nam sit ciuilis magistratus officiū, pro cura & paternitate subditis ab ipsis præstāda. Eas igit partes cū absoluerō, dicam postea in genere quædā de dilectione, & postremū, de concupiscētia frenanda. *De educatione liberorū.* Debent ergo liberi suis parētibz honorē, obediētiā & gratitudinē, ita ut supra explicatū est. Sed huius præcepti honoris ratio uicissim obligat parētes, & debitores facit rectę educationis & institutionis, erga liberos. De qua sic præcipit Pau. Ephesi. vi. Et uos patres nolite ad iracundiā prouocare filios uestros &c. Tam disciplinā, q̄ correctionē iubet referre ad honorē domini, ut pietatis prapagandę ratio præcipua in illa educatione & institutione habeatur. Sed interim uetat, ne correptionē supra modū seuera & inhumana utamur. Hac fit em̄, ut odiū discipline & institutionis prius cōcipiāt pueri & desperēt, q̄ amplecti illā malint, & sic ois spes & labor parētū pereat & annihilē. Ideo ait, nolite ad iracundiā prouocare filios uestros. Quæadmodū et Col. iij. scribit. Proinde disciplinā adpellat puerilē institutionem, ad quā adhibere iubet moderatā correptionē. Igitur disciplinā intelligamus institutionē & doctrinā, qua pueriles animi formātur & reguntur, aut præceptis morū, aut fidei doctrina, aut disciplinis liberaliū artium, aut deniq̄ alijs utilibus disciplinis. Primū igitur ex lege, quæ est motuū carnaliū castigatrix, de uolūrate dñi doceant, qua de rebus agēdis et fugiēdis admoneant. Cui deinde adiūgi debet si dei doctrina in dñm Iesum, ut institutio et doctrina sit Christiana, & nō abeat, per neglectā fidei doctrinā, in prophanā quādā gentilitatē. Q̄ si ceperint continere institutionē, ut fere fit, tunc debet adhiberi moderata correptio, in qua cauēdū ne nimis seuera utamur, ut dictū est, sed fidei magis, q̄ acerba. Et de hac præcipit Pro. xxiij. Item. xxiij. Hæc igit officia præstēt parētes liberis, ne honor q̄ ipsis debetur, ociosis et indignis habeat. Nā q̄rundā parētū sic est negligēs institutio in liberorū educatione, ut ad nulla honesta, aut pia studia, uel utiles artes, animos eorū formēt, tū præterea præbeant anīsam suis, se cōtemnēdi. Quod q̄ sit graue peccatū corā deo, et q̄ seuerit̄ puniat, docet hystoria Eli et filiorū eius. i. Reg. iij. *De officio ciuilis Magistratus.*

Vt parētes priuati liberis, ita magistratus ciuiles publice obligati sunt subditis. Sed Magistratus docere, q̄bus legibus subditos regere, et regna gubernare possint aut debeāt, nō est meū. Q̄ q̄ adhortari eos licet, nec licet solū, uerū etiā ex officio est Christiani doctoris, ut q̄niā sunt Christiani principes, sub q̄rum potestate tūc agimus, uel sint officiū suū diligenter et Christiane facere. Nō ad oīiū, siue ad sectandas uoluptates, a dispēsandis rebus publicis necessarijs, sese cōferre, Sed arbitrari hæc regna & imperia sibi a Deo commissā esse, ut subditorum suorum bono imperent. Ac sciant, sibi aliquando reddendam esse rationem suæ dispensationis coram Deo.

Velint igitur uigilanter & pie officia sua prestare. Nā & Paulus Ro. xiiij. insigniter p̄dicat Magistratus officia: & adpellat ordinationē dei. Magnū uē ro oio est in re tanta officio satisfacere: & inculpabilem se prestare corā deo. Quo maior diligētia a Magistratibus adhiberi debet, ut in officio delegato q̄ adfici potest dignissime seruiāt deo: & non cōmittāt, quo neglecti officij uideant iure posse accusari. Sic ergo existimabūt secū p̄ij principes, se esse p̄blicos quosdā ministros: & se in officio delegato sibi a deo seruire. Quapropter uigilātius & religiosius ministrēt: nimirū tanq̄ patrie patres. Intelligāt se debere subditis curā, fidelitatē, gubernationē, defensionē, & pacis cōseruationē. Nō licere sibi tyrānice imperare: multo minus uim iniustā ulli hoī inferre. Curabūt igitur pacē tueri & retinere; bella & latrocinia arcere; & quālibet uim iniustā a subditis depellere. Et in summa, bonos & innoxios defendere: retū bñ meritos in republica certis p̄m̄ijs & honoribus afficere: uindictā aut in malos exercere. Nec quicq̄ prius habeāt, in Imperijs ac regnis suis, q̄ ut instituāt hoīes ad pietatē, & agnitionē dei & dñi nostri Iesu Christi. Et hac causā, iuuentutis peculiare quādā curā habeāt: & cōseruationis scholarū. Hęc pro meo officio, in hoc libro, suffecerint dicta, ad ciuiles Magistratus. Nec plura alijs deo, qui in officijs publicis ministrāt, q̄ adhortationē, uidelicet, ne uelint officijs suis deesse: sed quēadmodū bonos ac pios decet, prudēt ac fideliter ministrare, qd̄ utinam facerēt ubiq̄ ecclesiarū Iesu Christi rectores. Nec em̄ neglectū officiū in alijs magis noxiū est. De officijs autē doctorum ecclesie, satis luculēt & copiose scribit Paulus in epistolis ad Timotheum & Titum.

*Generalia, de operibus dilectionis.*

**N**unc dicendū est in genere de operibus dilectionis, magis ut intelligat, CAP. xij. quō ad impletiōē p̄ceptae dilectionis perueniat, q̄ ut opa ipsa dilectionis denuo p̄scribantur. Loquor em̄ de proximi dilectione: de qua supra copiose scripsimus, in quattuor illis p̄ceptis, Nō occides, nō mōechaberis, nō furū facies, & nō loqueris falsum testimoniū. Quāq̄ obiter & illorū mentionē aliquā, p̄ occasionē, faciemus: præsertim ubi uideri possit, de quibusdā nōdū satis dictū esse. Igit Lex dilectionē requirit, ut Leui. xix. Diliges proximū tuū sicut teipsum. Et dilectio est legis plenitudo: q̄ em̄ proximū diligere legē implet. Ro. xiiij. Gal. v. Luc. x. &c. Sed nō ideo habemus dilectionē q̄a p̄cipitur: aut q̄a dilectio prestat ea oia q̄ sunt legis. Lex em̄, etsi p̄cipiat nobis absolutā quandā iusticiā, nō ideo cōfert nobis uires, q̄bus impleri illa, seu p̄stari nobis possit. Sed debitū iusticie extgit, cui satisfieri a nemine potest. & redarguit nos esse p̄ctōres, dignos supplicio, & cruciatibus æternæ mortis.

Rursus tñ oportet in nobis inchoari aliquā obedientiā erga legē: scilicet, nō qua lex pharisaice solū, aut ciuilit̄ p̄stetur a nobis: sed Christiane & per dilectionē. Iuxta illud Christi, Matth. v. Nisi abūdauerit iusticia uestra. Proinde docendi sumus quō ad praeceptam dilectionem perteniatur, qua opus legis absoluamus: & qua iusticiæ nostræ placeant Deo, & habeantur corā illo



pro legis implerione. Igitur de causa & fontibus dilectionis hoc loco rursus dicenda sunt quedam: hoc est, de fide, qua sola iusti sumus & beati coram Deo: & qua omnes iusticie nostre efficiuntur bonae et acceptae. Denique & per quam sola accipimus spiritum dilectionis: cum modeste, iuste & pie uiuimus. Quapropter ad inchoandam illam obedientiam in nobis, necesse est coniungere ad legis doctrinam, Euangelium de gratia, peccati remissione & uita aeterna, per Christum. Non possumus enim diligere Deum & proximum, quod diu ignoramus deo nos reconciliatos esse: ac reos esse intelligimus ac damnatos. Sed cum audimus ac discimus, proposita nobis euangelij consolatione, peccatis nostris ignosci, & promitti nobis atque offerri aeternam uitam, & quidem gratis, sine omnibus iusticijs nostris, propter filium dei Christum, quod dedit semetipsum precium & satisfactionem pro nostris peccatis, & pro aeterna morte, in ea consolatione erigimur & respiramus, concipientes spiritum iusticie & aeternae uitae, per filium dei Christum, antea reducti in desperationem iusticie & salutis: atque ita incipimus redamare Deum, & proximum propter Deum, quod prior dilexit nos, cum adhuc blasphemii essemus, & tradidit unigenitum filium suum pro nobis. Adhuc itaque modum peruenitur ad dilectionem. Nam cum agnoscimus misericordiam dei, peccati tantum nobis, per ipsius filium unigenitum, Christum, dominum & seruatore nostrum, qua ad reconciliationis fidem uocamur, & ad uitae aeternae hereditatem possidendam, tunc credentes incipimus deum uere amare: cui antea occulto odio infensi reuera irascebamur, etiam si hypocritis aliud uideatur. Quoniam uero deum diligimus, ipsius quoque legem incipimus amare, & proximum propter deum. Non tamen est perfecta dilectio in hac inchoata obedientia. Impedit enim magnitudo peccati, in hac carnali natura, ne perfecti in dilectione simus. Ro. vii. Ga. v. Sed illa inchoata dilectio, seu obedientia quam praestatur per quaecumque dilectionem, placet deo: quia per fidem facti sumus filij dei, quibus etsi adsit quaedam imperfectio & impuritas, ea non imputatur eis, propter Christum. Tunc quia ex fide in gloriam gratiae dei & redemptoris Christi, peccato repugnat & resistit, ne in ipsis regnet. Praecipitur autem & scholastici theologi scilicet multa de dilectione: sed inutiliter & ociose: nec sicut decet Christianos doctores. Quia nihil docet, de uera per Christum fide in Deum: & tamen iubet diligere deum. Deinde quia opera dilectionis nostra, fingunt esse precia & satisfactiones, pro peccato & morte. Et haec impietas dogmatum scholasticorum theologorum in papistarum ecclesijs regnat: siue tyrannizat potius & grassatur, ecclesias Christi uastans, opprimens, dissipans ac perdens. Nam quid attinet tanta ubique praecipere de dilectione, & nusquam explicare, quomodo aut per quid ad dilectionem perueniatur? Immo fingere, quod per iusticias carnis donec: quod contingit per solam in Iesum Christum fidem. Denique, operibus dilectionis tribuere, quod his mereamur nobis peccati remissionem & uitam aeternam. Hoc enim an non est beneficia gratiae negare, & Christum loco unici seruitoris excludere? Item tot seruatores fingere, qui sunt qui iusticias rationis quocumque praestant. Isti igitur Theologi non possunt explicare, nec quomodo ad dilectionem perueniatur, nec per quid imperfecta operis nostri obedientia placeat deo, & reputetur per iusticia & legis implerione. Quapropter relinquendi sunt, & saniora e scripturae fontibus discenda. Nos igitur sicut debemus, illa de fide frequenter inculcamus.

Impletur dog  
matum Scho  
lasticorum  
Theologorum.

mus: primū, ne salutem animę aliūde quam a gratia per Christū queramus. Deinde, ut per fidē in amorē legis & dei paulatim pertrahamur: discētes uidelicet, deum tā esse clementem, bonū, propiciū & placatū nobis, ut filiorum loco habeat nos, redemptos per crucē unigeniti filij sui. Postremū, ne cōsidamus ullas iniusticias nostras deo placere, quam p̄ fidē in Christū. Habent em̄ perpetuā quandam imperfectionem & defectū, sed reputantur pro legis impletione, propter iustificatorem Christū. Ita em̄ finis legis est Christus, ad iusticiā omni qui credit. Roman. x. Nā Christus ipse, quantus est, cum oī iusticia sua, & cum oībus donis, quę habet, est eorū qui credunt in ipsum. Factus uidelicet nobis sapientia a deo & iusticia & sanctificatio, & redemptio: ut qui gloriatur, in Dño gloriatur, non in iusticijs carnis. c. Nūquam igit̄ uere iusti corā deo sumus quam per fidē gratię & remissionis peccati, propter Christum: nec iusticię nostrę aliter reputatur pro bonis, seu impletione legis, nisi ex fide recōciliationis, per Christū pręstite. Deniq̄ non possumus q̄ per fidem ad amorem dei & legis puenire. Quatenus ergo credimus in Christū, iusti sumus: habentes remissionem p̄cti uidelicet. Tū etiam ignoscitur nobis, si quid immundicię & imperfectionis est in nostris iusticijs & obedientia erga legem. Hæret em̄ concupiscentia in carne, quę polluit omnia opa nostra. Sed & per fidē accenduntur animi nostri, ut alacriter seruiāt deo: nēpe, amore legis & proximi. Nō respicientes nostra q̄ modo uidelicet nobis saluationē mereamur, cū ita mereri nihil opus habeamus: sed nude ad solius dei p̄ceptam uoluntatē. Ita ergo cū iusticię pręstant uere p̄ficiunt dei uoluntatem: & sunt impletio legis. Idc̄ est qd̄ Paulus scribit. Rom. iij. Legē ergo destruimus per fidē: (id est, tollimus ne et reijcimus p̄ceptam bonorū operum iusticiā, p̄ predicatam promissionis euāgelij fidē.) Absit. Sed legē stabiliūmus, id est, legē facimus impleri, quatenus fidem euāgelij p̄dicamus. Nō igitur fieri lex potest, nisi fides remissionis p̄cti prius erigat in nobis. Hanc igitur, fidē inquā, quia tacēt Scholastici Theologi, imo q̄a plurimis falsis dogmatibus opprimūt, quę opa bona possent p̄dicare: quas nō uanitates & hypocritas operū ac pharisaicos cultus: Nō docent em̄ nisi rationis iusticias: & liberi arbitrij opa, id ē, iusticias pharisaicas, quales ac quantę possunt ab hoīe pręstari, iusticię gratiæ & spūs penitus ignari. Quāq̄ ipsum quoq̄ spiritū sanctum fingant dari merito iusticiarū rationis, hoc est, merito creature, nempe hoīs, qui totus est immūds, sub imperio p̄cti & diaboli. Cum ille spūs non deī, nisi per unigenitū filiū dei, deum & hoīem, Christū Iesum, humani gñis saluatorē. Retineamus ergo, nos iustos esse & accipere remissionē p̄cti, fide per Christū. Item, opa nostra placeat, quatenus ex hac fide pręstent. Similiter et spūs sancti nos participes fieri, eandem fidē in Christum: & illo spū creati in nobis amorē legis dei & proximi. Tū eundē spm̄ efficere, ut uolūtati dei pure seruiamus, sine pharisaicis opinionibus merendi iustificatiōem & salutem, quas Sophistę predicant in & docēt. Interroga em̄ alumnos Scholasticę Theologię Monachos, pri-



marios istos quosdam hypocritas & phariseos, cur faciāt suas iusticias, & praecepta operū legis. (Nihil enī hic dicā de obseruationibus inanibus traditionū humanarū.) num gratis seruiant deo: aut nū se aliquid efficere putent, quo ad meritū remissionis peccatī & uitę æternę. Et discas ipsis testibus, se querere iusticiā sibi & eternam salutē, per opera sua. Nō igit serui ūnt deo: nec libere operant, sed sibi seruiūt, quanq̃ inaniter et frustra. Iusticia p̃terea seruili, simulata, coactitia & falsa, similes istis, de quibus ad Roman. ix. scribit Paulus: Israel sectando legē iusticię, in legem iusticię nō puenit. Propter qđ: Quia nō ex fide: sed quasi ex opibus. (scilicet querebat saluari.) Impegerunt enim in lapidē offensionis. c. Atq; ira accidit perpetuo oībus hypocritis, incredulis euāgelio, nec nisi pharisaice iustis. Quāquā isti ita cæci sint, ut Scholastici in sua Theologia. Fingūt eū se deū et legem eximie amare: Itē mereri spiritum, cum sint plusq̃ inanes & uacui spiritus: saltem spiritus gratiæ & Iesu Christi. Hęc pręmissimus necessario, scripturi in hoc capite generalia quędam de operibus dilectiōis. Quę quia omittunt Scholastici Theologi, aut pharisaicis doctrinis opprimūt, nullo fructu prædicant opera legis: imo non sine graui scandalo & dissipatione ecclesiarum. Non quod malum sit legē prædicare, a quibuscunq; hoc fiat, etiam ab Ethnicis, qui non agnouerunt deum: sed quod isti blasphemis opinionibus prædicent nos mereri peccati remissionem & æternā uitam, per opera legis. Quod est gratiā abijcere: et iustificatoris Christi gloriam trāsferre in miseras atq; immundas carnis iusticias. Quare sunt noxi & perniciosi ecclesijs doctores: & nullo modo ferendi. Si igitur quęras, quō opera praecepta bona, quinti præcepti, fiant: & placeant deo, tanq̃ perfecta obedientia & uerus dei cultus: respondere oportebit. Primū, personam placere deo per fidem p̃pter Christū: deinde opera illius personę grata atq; accepta esse, per eandem fidem. Deniq; quia qui euāgelio crediderunt, non possunt nō amare deum, nec in operādo pharisaicis opinionibus aberrare. Sed quia diligūt deum & redemptorē Christum, omnia opera sua non faciūt alio fine, quā ut uoluntati dei obediant, & gloriam Christi ornent. Timēt igitur deum, & nolunt eum offendere: ideo imperant iracundię, reprimūt odia, & a quauis iniusta uiolentia abstinent. Sed & officia dilectionis præstant quibuslibet proximis suis, ingratis & inimicis æque, ut amicis: misericordes, benigni, mansueti, clementes, placabiles & humani.

Sic de alijs præceptis operibus bonis pronuntiandum est: uidelicet, illa placere deo, reputari pro iusticia & perfecta obedientia erga legem, esseq; dei cultum, quatenus fide statuimus deum ignoscere nostris p̃ctis: item, nos & opera nostra deo placere propter Christum, iustificatorem nostri, & æternū propiciatorem. Itē quando ex illa fide incipimus obedire deo, & praecepta eius facere: timere, ne quo opere per se malo offendamus ipsum. Deniq; & immūdias naturales deprecari: eisq; repugnare. Vt in sexto, non

De impletio.  
ne quinti præ  
cepti.

moechaberis, agnoscimus et fatemur insuperabiles immūdia nostras, sed fide statuimus, Deum ignoscere nobis & fauere propter Christū. Ideo uicis <sup>impletio septimi.</sup> simul uoluntati Dei subiicimus nos, repugnamus immundis affectibus, abstinemus ab adulterijs, scortatione & quibuscumque in fandis libidinibus & impudicijs. Item abstinemus a crapula & ebrietate, a commertijs impudicorum, & similibus, quibus animi ad libidinem solent incendi. Ad hæc utimur coniugio in fide, cum gratiarum actione, intelligentes, quod Deus adprobat coniugia & conjugalem consuetudinem. Vt sunt hac de re clara testimonia, Math. xix. i. Cor. vij. & in Epistolis ad Timotheum & Titum.

Eadem ratio & in reliquis, ut dictum est, ualere debet. Vt in septimo precepto, Non furtum facies, agnoscimus nostrā impietatem, qua infinita quadam habendi cupiditate aliorum opes nobis affectamus, & per curas huius uitæ, proni sumus, quomodo cumque parare nobis opes, etiam cum iniusticia & damnis aliorum, Sed & confidimus quod DEVS ignoscat nobis per Christum, propter quem & honori nominis eius studemus. Ideoque & per timorē eius resistimus his improbis cupiditatibus, abstinemus a contractibus parum honestis, ab usuris, & qualibuscumque non iustis modis res & facultates paradi. Item, priuata fortuna & facultatibus contenti sumus, sine murmure & querela contra dominum. Ex promissionis fide uictum, & reliquas corporis necessitates, a Deo expectamus, tum iuxta mādātum Dei laboramus, honestis & iustis contractibus utimur, & iuste partis fruimur cum gratiarū actione. Item damus de nostro necessarijs usibus aliorum: ueluti pauperibus & euāgelij ministris. Prestamus Eleemosynam, damus mutuū, & reliqua officia facimus, per quæ aliorum opes priuatas iuuamus. Seorsim autē principes & ciuiles Magistratus iuuandis rebus publicis studēt, & illa omnia officia sua quilibet referunt ad diuini nominis honorem. Denique in octauo <sup>impletio octauæ.</sup> precepto, nō loqueris falsum testimonium, attendimus quam sumus proni & prodiores ad mentiendum, fallendum, & calumniandum, quod deploramus, habētes fiduciam ad Deum, quæ peccatis nostris ignoscat, propter Christum. Ideo ex illa fide repugnamus his morbis in natura, et abstinemus a mendacio, imposturis, maledicentia, delationibus, prodicionibus, calumnijs et falsis accusationibus in iudicio. Rursus etiam prestamus ueritatem, in omnibus dictis & factis nostris, maxime in iudicijs, in pactis & contractibus. Aliorum errata tegimus, aut certe excusamus fraterne, si tegi nō possint. Sed & peccantes cum aliorum offensione & suo malo, corripimus mansuete, & in summa omnium infirmitatibus, officio lingue, studemus amāter mederi. Hæc igitur omnia officia dilectionis, & si quæ reliqua sunt, quando præstatur ex fide, & illo fine, ut uolūti & honori diuini nominis seruiamus, sunt <sup>Rursus forasim & in genere de operibus dilectionis.</sup> Christianæ uirtutes, & placēt deo, & pro obedientia perfecta erga legem habentur, & sunt cultus Dei.

Igitur legem præstare, & uere bona opera operari, & colere DEVM, nis.



nulli possunt, nisi qui uera in Deum fide praediti sunt, per seruatore[m] Christu[m] Iesum. Non enim alij amare deum et honori nominis eius seruire possunt: siue ex alio prestare q[uod] sunt precepta. Aut sine impijs opinionibus, opera legis facere. Semper enim heret in incredulis hec pharisaica opinio, q[uod] opibus externis p[er] se satisfaciunt legi: cum, quod illis operibus sint iusti. Et semp[er] regnat in talibus iste seruilis affectus, q[uod] nihil aliud, q[uam] suas laudes & suas comoditates, p[er] iusticias legis quaerunt. Et tamen fingunt se amare Deu[m] & proxim[u]m: cum non diligant nisi semetipsos tamen, carnali et impio amore, ut supra in exemplo de Monachis dixi. Vera dilectio est, deum p[ro]pter se amare: licet legem & uoluntatem dei, quia sunt res p[er] se bonae. Adhaec proxim[u]m amare, propter Deu[m]: & illi seruire, propter no[m]i[n]is Christi honore[m]. Nihil in diligendo, aut faciendo opera dilectionis, ad suas comoditates referre: nisi quatenus licet p[er] gloria[m] dei. Qui hoc quoq[ue] credere iubet, ut si p[er] no[m]i[n]is eius honore[m] operemur, non querentes iustificari ex lege, sed uoluntati diuinae obedire, quia bona est, expectemus premia corporalia & spiritualia hic in terris, & eterna in coelis. Qui ergo hac fide seruiunt Deo, non possunt dici sua querere: quia in promissione intuent[ur] in propitia uoluntate dei, & glorificant illa[m]: Sic affecti, ut etiam si nulla premia esset operantibus proposita, tamen deo gratuito obsequio seruirent, et mandata eius facerent, a q[uod] sciunt se receptos esse in filios, et hereditate[m] eterna[m] et immarcescibile[m] expectare in coelis.

Quamq[ue] igitur in operando, humano iudicio persimiles esse uideant[ur] p[er]is impij: cum eade[m] opera saepe uitent ac faciant, q[uam] homines p[er]i, secundum praeccepta dei uoluntate[m], uitare & facere solent: tamen plurimu[m] differunt & fide atq[ue] incredulitate. Licet alijs sanctis et contrarijs impuris motibus, discernunt cora[m] Deo: quem cogitationes cordiu[m] nostroru[m] non possunt latere. Hec debui annotare, in doctrina de uera dilectione, & operibus placitis cora[m] Deo. Ut discamus nobis cauere ab impijs opinionibus hypocritaru[m]: quibus o[mn]is spes salutis perit, et omnis opere & laboris fructus in nihilu[m] cadit. Non est enim cur premia coelestia pro operibus suis sibi promittant: tamen si ex fide operantibus sua q[uod]da[m] premia et merces opis atq[ue] laboris a deo contingat. De cuius ratione alio loco copiose scripsi.

*De quibusdam operibus dilectionis, in superiore legis  
exegesi nondum plane explicatis.*

CAP. XII.

**R**eliqua sunt autem quedam opera dilectionis, de quibus quia in superiore legis enarratione peculiariter nihil dictum est, libet hoc loco seorsim pauca quedam annotare: ut de eleemosyna, mutuatione, contractibus, zelo seu iusta emulatione, & similibus. Proinde de Eleemosyna & mutuatione, Matth. v. sic breuiter admonemur a Christo: Petenti abs te, dato: & cupientem mutu[u]m accipere, ne auerferis. Vbi notandum, quod ad eleemosynam attinet, ille petens debet probabilem rationem petendi habere. Nam mendicitas, quae non habet iustam & necessariam causam, est impia & iniqua: planeq[ue] furti & rapinae species quaedam. Idcirco & reprehenditur a Paulo, ij. Thes. iij. Cum essemus apud uos hec precipiebamus uobis, quod

si quis non uult operari nec manducet. Audiuius enim inter uos quosdā ambulare inordinate, nihil operantes sed cutiose agentes. His autē qui tales sunt precipimus, & obsecramus per Dominum Iesum Christū, ut cum quie- re operantes suum panem manducent.

Non ergo exigitur, ut quibuslibet petacibus scurtis, & impudētibus ex- actoribus, nostra beneficentia & largitionibus expositi simus: sed si quos in- ter nos habemus uere paupes, id est, aut aduersa ualitudine, morbis & ægri- tudinibus, laborantes, aut etate ac senio confectos, siue quomocūq; alijs incommoditatibus oneratos & obrutos, ut sine aliorum beneficentia susten- tari nequeant, ueluti quorum opes & substantię incendio perierunt, &c. eos pro modo facultatum nostrarum iuuenus. Illos enim commēdat nobis De- us: ut Esa. lviij. Frange esurienti panem tuum, &c. Item Matth. xxv. Venite bñdicti patris mei, &c. Et i. Ioā. iij. Qui habuerit substantias huius mūdi &c.

Porro, modum largiendi Paulus in posteriori ad Corin. cap. viij. ita ex- plicat: si uoluntas prompta est, secundum id quod habet accepta est, nō secū- dum id quod nō habet. Non enim ut alijs sit remissio, uobis autem tribula- tio, &c. Loquitur de uoluntaria largitione: nec precipit prodigaliter pfun- dere opes in quoslibet. Sed requirit, ut ueris necessitatibus aliorū succurra- mus: & inopiam eorum nostra liberalitate subleuemus. Non predicat ergo aliam æqualitatē, nisi qua ut quisquam est opulētior, magis abundans his corporalibus facultatibus, eo largius distribuatur sua in egenos. Quemadmo- dum & i. Timoth. vi. requirit a diuitibus, ut sint benefici, facile tribuendo & communicando. Ergo in illa equalitate hoc quoq; requirit, ne inopes ali- qua beneficentia abutantur: id est, ne uelint locupletari, cum aliorum detri- mento ac damnis: sed pro necessitate aliquantulum adiuuari, & illo necessa- rio contenti esse. Ac debet præterea in dando quidam delectus persona- rum tribuentibus adhiberi. Nam etiam si dilectio faciat nos quibuslibet ege- nis debitores: tñ in distribuendo est quidam ordo retinendus. Nam primo habenda est ratio cognatorum: ut parentum, fratrum, liberorum, &c. Iuxta illud Pauli, i. Timoth. v. ad uiduas. Discant primū domum suam regere: et mutuā uicem reddere parentibus. Item, si quis aut suorum, & maxime dome- sticorum curam nō habet, fidē negauit, & est infideli deterior. Postea aut & alienos pro facultatū modo iuuare debemus: & eos p̄sertim, qui nobiscum uiuūt. Quos & lex ante alios ludæis precipuo commendauit. Deu. xv.

Habet autē hæc præcepta beneficentia non solum plurimas graues cōm- nationes: uerz etiā p̄claras & cōsolantissimas p̄missiones. Nouit em̄ Deus tarditatē nostrā in tribuēdo: et in gratitudinē p̄ tot summis erga nos bñficijs eius. Ideo uult illā his tanq̄ stimulis excitare & impellere ad obediēdū: maxi- meq; cōfirmare in p̄ijs, ut qd uolūtarie, p̄optis atq; gratis animis cœperūt, subinde promptius & melius pficiant. Huc igitur facit illud, Lu. vi. Date, & dabitur uobis. Mensurā bonā, et confertā, & coagitatā, et supfluentē dabūt



In sinū uestrum. Eadem quippe mensura, qua mensi fueritis, remetiet uobis. Item illud uulgatissimū, Matth. xxv: Venite benedicti possidete paratū regnum a constitutione mundi. Esuriui cū & dedistis mihi manducare &c. Et quod ibidem sequitur. Discedite a me maledicti in ignem æternum.

Vides ergo hanc beneficentiā pertinere ad gratitudinem, qua qui crediderunt exercent fidem suam in Deum per Christum. Ac certo confidūt illa prestita se tam placere Deo & redemptori Christo Iesu, q̃ si ipsimet Deo patri et Christo hæc officia exhibuissent. Quia, inquit, mihi dedistis māducare & quicquid feceritis uni de his fratribus meis minimis, mihi fecistis. Arguit itaq; incredulos et ingratos hic locus, eos qui nulla pauperibus misericordie beneficia prestant, propter Christum, quin etiam significat contemptū beneficiorum Christi in eis regnare. Sicut etiā testantur illa uerba Christi: esuriui, & non dedistis mihi quod ederem. Item, quicquid nō fecistis uni de his minimis, nec mihi fecistis. Quasi dicat, me spreuistis, quod beneficia mortis meę, quam pro uobis sustinui, nō tantum apud uos ualuerunt, ut pauperi & mendico dedissetis aliquid ad manducandum, ad gratificandum mihi.

Sed pergam prædictis pauclas adhuc quasdam alias comminationes & promissiones adiungere, ut quę non possunt ociose nobis loqui, & in credentibus fructum pietatis operātur & perficiunt. Veluti ille Prouer. xix. Fœneratur Domino, qui miseretur pauperis, et uicissitudinem suam reddet ei. Ibi dem. xi. Alij diuidunt propria & ditiores fiunt, alij rapiunt non sua, & semper in egestate sunt. Et. xxij. Qui pronus est ad misericordiā, benedicetur, de panibus enim suis dedit pauperi. Itē. xxi. Qui obturat aurem suam ad clamorem pauperis, & ipse clamabit, & non exaudiet. Et. xxvij. Qui dat pauperi non indigebit, qui despicit deprecantem sustinebit penuriam. Sed hæc hæc tenus de ea beneficētia, quam uocat Eleemosynam, id est, misericordie beneficium, pauperi & egeno prestitum, pro gloria nominis Christi. Nūc de alijs quibusdam speciebus eius dicam, ut de beneficētia & gratitudine, qua euangelij ministris uictus & necessarij sumptus suppeditatur. Quanquam hæc est debita merces, pro labore & opere difficillimo, in quo seruiunt Ecclesie, etiā cū depositione animarū suarū. De illa igit beneficētie redditiōe, præcipiēs Christus, inquit: Dignus est operarius mercede sua. Et Paulus. i. Cor. xi. Ita & dominus ordinauit, ut hi qui euangelium annunciant, de euangelio uiuant. Item, quis militat suis stipēdijs unq̃: & plura in hanc sententiam ibidē. Vbi tandem & hæc leguntur, Si nos uobis spiritalia seminauimus, magnum est, si nos carnalia uestra metamus. Et ad Gal. Cap. vi. Communice autem doctori in omnibus bonis, is qui docetur uerbum. Nolite errare. Deus nō irridetur. Quę enim seminauerit homo, hæc et metet. Deniq; i. Timoth. v. Qui bene præsumt presbyteri, duplici honore digni habeant, maxime qui laborant in uerbo & doctrina. Dicit enim scriptura: Nō alligabis os boui trituranti. Et, dignus est operarius mercede sua.

Nec frustra est, cur hæc tanta diligentia & sedulitate inculcet scriptura,

De beneficētia et gratitudine in euangelij ministris.

Christus, & Apostolus eius Paulus. Nam hac beneficentia opus est, pro ministerij ecclesiastici conseruatione: quod etiam opprimitur, ubi uictus & corporales illi necessarij sumptus ecclesiae doctoribus non ministrantur. In quo q̄ sit graue peccatum, & Dei cōtemptus, adeoq; beneficiorū gratie, quæ prestitit nobis Deus per unigenitum filiū suum, quid attinet exaggerare, aut dicere: Res ipsa clamat, nihil neq; de deo neq; de Christo credere, qui ministrorū uerbi dei nullam rationē habent: quod attinet ad necessarij uictus administratiōem. Quāto magis, si suis rebus, et opibus ab ecclesia olim collatis, in eum usum, ut ministri uerbi dei inde alerent, spolientur: ut nūc fere sit, & quidem a nobilitate, nō paulo plus crudeliter, quam a promiscuo uulgo. Quæ est quidē diaboli operatio & structura, in istis oībus: qua pronus tendit ad uastationē oīm ecclesiarū. At metuo ob id breui futurum, ut frustra ploremus impietatem nostrā & ingratiitudinem: & frustra uerbi dei doctores quæramus. Sed hoīes p̄ij, in quibus est timor dei, & aliqua fides in deū, caueant ne huius criminis, cum improbis & sceleratis, reos sese faciāt: unde tanta calamitas imminet ecclesiae. Ideo conferāt de suis facultatibus, quo deinde uerbi doctores alant, et ne sint ingrati redēptori Christo. Quin etiā sciant se multo minus in corporalibus rebus necessarijs egere posse, si has uolūtarias collationes, pro ministerij ecclesiastici cōseruatione faciant, quam si nihil prorsus in eū usum conferrent: iuxta illas oēs cōminationes et promissiōes, quas paulo ante retuli de eleemosynæ beneficētia. Ut ne dicam, quanta premia spiritualium & celestiu rerum illis peculiariter pponantur: Iuxta illud Christi. Math. x. Qui recipit uos, me recipit: & q̄ me recipit, recipit eum qui me misit. Qui recipit prophetam in noīe prophetæ, mercedē pphetæ accipiet: & qui recipit iustū, in noīe iusti, mercedē iusti accipiet. Et quicq; potū dederit uni ex minimis istis, calicē aque frigidae, tm̄ in nomine discipuli, Amen dico uobis, non perdet mercedem suam.

Hic numerari debet ea beneficentia, quæ confertur ad studiorum Scholasticorum conseruationem: sine quibus nec euangelij ministratio conseruari posset, nec respublicę corporalium rerum sceleratim promoueri, & in bono statu permanere.

Reliqua est mutuario, et ipsa species quædā eleemosynæ, id est, operis misericordiæ, quo in distribuendo de facultatibus nostris alienæ miseriæ succurrimus, & eam subleuamus. Sed differt tamen ab ea beneficētia, quā uoluntate eleemosynam appellamus: quia in illa quicquid conferimus ad aliorum usum, de nostris facultatibus, id totum illis donamus, sine pacto recipiendæ sortis: in mutuatione autem pactum de restituenda sorte intercedit. Hoc em̄ quicquid est, quod mutuo alijs damus, id expectamus nos aliquādo iterum recepturos: uel idem, aut simile in specie, quantitate, numero & mensura. Pro datis mutuo decem aureis, totidem aureos: pro modio tritici, alium modium, atq; ita de similibus.

De mutuario  
ne.

Quam



Quāq̃ igitur est eximia & Christiana beneficentia, ubi Christiane exer-  
 cetur mutuatio: tñ lōge est infra eleemosynę beneficentiā. Creditori em̃ in  
 mutuatōe nihil de suo decedit, sed tñ ad tēpus aliquod certū, cōcedit suarę  
 resę usum, proxio, sine suo dāno, & sine detrimento resę suarę, etiam si cum  
 proximi cōmoditate. Quo etiam noīe fit Christiana beneficētia, si in fide ex-  
 erceatur, cum proximi dilectione. De qua & in lege sepe p̃cipitur: ut Deut.  
 xv. & in euāgelio a Christo: ut Matth. v. loco quē supra citavi. Lu. vi. c. Ac  
 dicta ē mutuatio, q̃ iterę recipias, quę pro necessitatibus aliorum, ad usus  
 ipsorū dedisti. Observandū est aut, ut ille qui mutuū petit habeat probabi-  
 lem & necessariā causam suę petitiōis: nō minus, q̃ ille, qui petit eleemosy-  
 nā. Deinde ut velit crediti summā suo creditori aliqñ restituere. Nā mutuū re-  
 cipere & nō soluere, res est & facinus iniquissimorę nebulonū & raptorū:  
 de quibus loquitur illud psal. Mutuat impius & nō soluit. Sicut & de bene-  
 ficētia piorę qđ protinus sequitur: iustus aut miseretur & dat. Neq̃ facile  
 dici potest, q̃ sint noxij isti, & efficiant ne hęc beneficentia exerceat, sicut de-  
 cuit ab hoibus: nisi fortassis ethnice, ut prestat ab infidelibus. Quod si sunt  
 tā pauperes, ut quod mutuo acceperūt nequeāt reddere, non debent mutuū  
 rogare, sed eleemosynę p̃stationē. Nō em̃ licet fraudare alios, aut pactorę ue-  
 ritatē nō p̃stare. Quod tñ quia sepius fit, eorū benignitas, qđ dant mutuū ex-  
 haurit & debilitatur, ne uere pauperibus & pijs, qbus maxie opus erat da-  
 re, illa p̃stetur. Nec aliter isti noxij sunt, qđ mutuū petunt, nō ad necessarios  
 usus, sed ad luxū & sumptus nō necessarios, uestimentorū, crapulę, ebrieta-  
 tis, cū tñ mentiātur se nihil postulare nisi p̃ necessarijs ulibus suis, liberorū,  
 uxoris, fratrū, & similiū. Ita uero cū sepius fallant creditorū fidē, & non sol-  
 uant, claudunt eorū benignitatē, ne benefici sint in ipsos qđ uere pauperes  
 & egenos, qđ quā sit impiū corā deo, uidelicet, alijs quali obstare, ne in be-  
 ne opādo p̃gant, & multas grauissimas calamitates secum trahat, corporales,  
 spūales & eternas, facile iudicari potest, ex ijs oībus, quę ubiq̃, in quorūcū-  
 que uiciorū & scelerū autores dicunt. Diuites uero, qui opibus & facultati-  
 bus corporalibus abundāt, & naturali quadā *ἀσσυρία*, inclementia & immiseri-  
 cordia, nullis egenis dāt mutuū, nisi ubi paria se sperant recepturos, grauif-  
 sime peccāt. Nā & Deut. xv. sic p̃cipit: si unus de fratribus tuis ad pauper-  
 tatē deuenit, nō obdurabis cor tuū, neq̃ contrahes manū, sed aperies eam  
 pauperi, & dabis mutuū, quo eū indigere perspexeris. Ceterū qđ sic dāt mu-  
 tuum, ut ultra sortē aliquid recipiant, scenus exercent. Nihil em̃ uendūt, &  
 tñ recipiūt plusq̃ dederūt, ideo recipiunt usuras: tūc dānabiles & impij que-  
 stus, cū illas recipiunt cū proximi dāno, & contra eius uolūtatem: qđ quid il-  
 lud est, qđ ultra sortē istis redditur. Hęc igitur uitia in cōmodatione fu-  
 giēda sunt: ac uidendū est preterea, ut Christiane exerceatur hęc uirtus, Ne  
 uidelicet hominum more, uelimus in amicos & gratos hanc beneficētiā ex-  
 erce

erere: sed more filiorum Dei in quolibet, quo ad possumus, in inimicos & ingratos eque, ut in amicos atq; gratos. A quibus uidelicet non speremus paria beneficia: aut qui nolint grati esse, Vt in mutui datione principaliter spectemus ad precepta dei uoluntate: & deinde ad necessitate proximi, propter deum. Sic enim, et Christus precipit de mutuatione. Lu. vi. Diligite inimicos uestros, benefacite his quos oderunt. Et si diligitis eos, qui uos diligunt, qui uobis est gratia: Nam & peccatores diligentes se diligunt. Et si benefeceritis his, qui uobis benefaciunt, qui uobis est gratia: Si quidem & peccatores hoc faciunt. Et si mutuū dederitis a quibus speratis recipere, qui gratia est uobis: Nam & peccatores peccatoribus dant mutuū, ut recipiant paria (seu mutui, seu alia gratitudinis beneficentia). Verum diligite inimicos uestros, benefacite et mutuū dare, nihil inde sperantes. (uidelicet, similiū beneficiorum.) Et erit merces uestra multa: & eritis filij altissimi. Quia ipse benignus est, erga ingratos ac malos. Porro de contractibus emptionis & uenditionis non multa hoc loco scribam. Sufficit enim annotare licitos esse, atq; adeo necessarios: ne dum a Christianis tractari posse. Sed & qui illos dant, etiam cum lege naturae pugnant: qui iubet huiusmodi commutationes fieri, quales exercent inter ementes & uendentes. Deinde satis habeo admonere, ut qui se probare deo uolunt, Christiani, contractibus honestis & probatis utantur: & sequantur formulam legis naturae in emendo & uendendo. De qua & Christus precipit, Lu. vi. Et prout uultis, ut uobis faciant homines &c. In summa, contractibus utamur in fide et cum timore Domini. Nihil per auariciam, et nihil cum spe non honesti et improbi questus conado. Nam ille principalis contractuum finis retineri atq; spectari a nobis debet, ne quid contra necessitate uel utilitate proximi conemur: idque per timorem & reuerentiam mandatorum dei. Cogitemus nos non uiuere sine legibus: multo minus aliquid licere nobis contra leges. Sed precepte et prestante uoluntatis Dei debitores esse: id est, retinendae dilectionis erga proximum. Solent autem multa quiri occasione istorum contractuum: ut de licitis lucris, eorum qui uilius emunt, ut carius uendant. De dilationibus solutionum. Saepe enim carius iusto uedunt, propter dilatam solutionem: et uilius emunt, quia statim soluunt. Quod totum quia gignat cum dilectione, et suspectum esse debet: et tanquam usurarium, ac minus Christianum, uitari. Sed et de spoliis hic agitur: quas etiam si penitus improbare non possumus, quamquam pernitiosas et exitiales multis: tamen admoneri debemus, ne pro ullis spodeamus, nisi nostris facultatibus possimus soluere, et uelimus soluere: ubi ille, pro quo spopondimus se fellexerit nostram fidem. Alioqui quod contentionum, rixarum et blasphemiarum causa sunt spoliationes: Sed qui ductum legis naturae sequi uolent, scient se pulchre in his omnibus rebus gerere: tum ne quid contra dilectionem faciant, tum etiam ne desint proximo per neglectam dilectionem. Quamquam et de licitis lucris communi consuetudine aut certe ciuilibus legibus, doceantur.

De contractibus.

Duplex ira

In quinto precepto dantur ira: sed illa quae uult proximo malum, nulla causa nisi eius odio: aut quia uoluptatibus nostris seu commoditatibus resistit ab illo. Haec igitur peccatum est: quia commune preceptum de diligendo proximo requirit, ut ipse



fos quoque aduersarios & inimicos diligamus: bene precemur & beneficiamus  
 ipsis. Multo magis priuatā uindictā prohibet & iracundiæ motus. Est autē quidam  
 alia ira, quæ est licita, est excellēs quædā uirtus: quæ uocat̃ emulatio in scriptu-  
 ris, siue zelus, quā scripturę ipsi quique Christo tribuunt: iuxta illud de Christo,  
 ex psal. lxxviii. apud Ioannē cap. vii. Zelus domus tuę comedit me. Nō dissimiliter autē & Prophetis tribuitur: ut Elię, Elizeo & alijs. Et David sæpe pre-  
 dicat illo raptu, æmulationis & irę, se cōmorū, odisse inimicos suos. Est  
 autē zelus iste, & iusta iracundiā, glorię dei studio, cōtra eius oppressores cō-  
 moueri & incitari: ut cū Christus expulit e tēplo eius pphātores. Itē amor  
 re iusticię & odio turpitudinis quōcūque improbis & sceleratis hoibz iras-  
 ci: sicut scripturā proponit exēpla de iusto zelo Phinees, Iehu, & similitū. Hęc  
 igitur æmulatio seu ira, nihil odit in proximo, nisi impietate, & studia aduer-  
 santia uolūtatē dei. Obiurgat grauit̃, impie & sua culpa errātes: quia prodesse  
 amat. Sicut liquet ex illo Christi, Lu. xxiij. O stulti &c. Itē ex illo Pau. Gal.  
 iij. O amētes Galatę quos uos fascinauit, nō obedire ueritati. Quin etiā maledi-  
 cit his qui repugnāt glorię dei: ut extāt plurima exēpla in psalmis. Denique hu-  
 ius est ipsos quique suos parētes odisse, & uxore & liberos, & alios ex cognatis &  
 amicissimis, si quid uelint aut iubeāt, p se turpe & malū, & uolūtatē dei aduer-  
 sariū ac pugnās. Habet autē & sinistra æmulā quandā: uidelicet zelū, seu æ-  
 mulationē, nō secundū scientiā. Quę est impiā & perniciosa: & illa tñ ipse quique  
 Paulus exarsit, sed nō dū cōuersus ad Christū. Deuastabat em ecclesias  
 dei: ratus eare obsequiū & cultū sese deo p̃stare. Et talē idē Apostolus, ipsis  
 Iudeis tribuit: persequētibz euangeliū, & Christianos. Rom. x. Testimoni-  
 um perhibeo illis, &c. Ita in genere pronuntiādū est, impio furore rapi & in-  
 citari, eos oēs qui Christi & euangelij gloriā, & ministros Euangelij querūt op-  
 primere: quāquā pignorantiā et errorē hoc faciāt. Huc facit ergo illud Christi:  
 Ioan. xv. Veniet hora, ut oīs qui interficit uos, &c. Quāquā igit affectanda est  
 ira seu æmulatio, glorię dei studio, amore pietatis et odio turpitudinis: tñ pru-  
 denter uidendū est, ne quæ errore decepti, illa cōtra gloriā dei abutamur.

*Disimulatio  
 & officiosum  
 mendacium.*

In octauo p̃cepto de dissimulatione quadā et officioso mendatio disputa-  
 tur. Multi em casus se offerūt, in quibus, quod res est, non oportet cōtinuo apud  
 oēs loqui: sed licet, qui etiā dilectionis est, quædā celare. Mendacia em eare  
 p̃henduntur et dānant̃ lege, quæ uel ex ingenij uanitate, et stulta atq; inani iactā-  
 tia dicuntur: siue cū adulatione, et nocēdi uolūtate. Itē dissimulatio, quæ nihil uti-  
 litatis habet: uel noxia est proximo. Alioqui certe et officiosæ dilectionis est  
 ac debitæ proximo et p̃standæ, quædā eius uicia et errata, dissimulare, nolle ui-  
 dere, tegere, et excusare. Et Christus ipse dissimulat quædā quæ abscondita ad  
 tēpus, et postea reuelata, faciebāt illustrius ad dei gloriā. Ut Lazarū figura-  
 to sermone dixit dormire, significans mortuū esse. Et de puella quadā mortua  
 similiter locutus est: ut etiā derideretur. Matt. ix. Sed postea prodidit mortē  
 ita in manu se habere, & tollere eā posse, ut alius dormiētē e somno excitare.  
 Ac debemus in genere uerū tacere, si quā aliqua in re, possumus aliorū saluti  
 consulere,

cōsulere, sine alterius et reipub. dāno. Rahab. autē mendacio defendit exploratores, cū ea occultatio plurimis noxia esset. Sed q̄a habebat manifestā significationē uolūtatis dei, quā Israelitas defendebat in gētibus, et promissa sua ipsi prestabat. Sed si fidei in deū et dilectiōis erga proximū regulā nobis proponamus, cū spiritui dei cōmiserimus nos, nihil in ullo casu poterit tā ambigūse offerre, in quo nō sciemus, quid nos oporteat sequi, prestare, aut fugere. Hæc uolui in genere hoc capite, de certis quibusdā operibus dilectionis, annotare, de q̄bus antea fere nihil attractū esset. Ac potest quilibet plura taliū exemplorū, in oībus legibus, pro ut necesse est aliquas exceptiones quādoq̄ illis addere, sibi deligere. Dicā igit post hac de cōcupiscētia, q̄modo a iustificatione debeat frenari & coerceri.

*De frenanda et uincenda Concupiscentia carnis.*

CAP. XXXIIII

**N**on est aliud remediū, aut alia uictoria cōtra cōcupiscētiā, qua illa tan-  
dē penitus extirpet, & cōsopiat, quā mors ipsa, et incineratio huius carnalis nature. Prius igit nō speremus perfectā carnis renouationē, ante cōpletā resurrectionē mortuorū, quā expectamus p̄ uirtutē et potētā resurrectionis Iesu Christi. Interim sciamus, nō esse noxiā cōcupiscētiā illis, q̄ in Christū Iesum credūt et studio glorificādi deū mortificare illā et coercere, sese exercēt. Alijs autē, q̄ nō credūt in Christū, est causa dānationis et æternę mortis, ut maxime q̄libet p̄cepta legis opera prestitiissent. Nō esse autē noxiā cōcupiscētiā, ijs q̄ in Christū Iesum credūt, et uirtute spiritus Christi illi repugnat, probat illud Pauli. Rom. viij. Nulla cōdēnatio. &c. Nec potest sceleriter illi resisti, nisi uirtute spūs sancti, quē soli habēt, qui in Christū Iesum uere credūt. Nemo adeo, qui per opera et iusticias suas querit saluari, potest aliquid, deo et uirtute Christiana dignū, cōtra cōcupiscētiā prestare. Pietatē simulare potest, et hypocrita esse, pharisaice iustus. Vere pius autē, et Christiane iustus esse nō potest. Esse igitur debitores frenandę et cohibēdę cōcupiscētię, eos q̄ fide iustificati sunt, et ex proximo testimonio liq̄t, q̄d attuli ex Paulo, et ex infinitis alijs. Imo hæc est pars altera p̄dicatiōis euāgelij, qua uidelicet docemur p̄uenire prop̄ p̄ctm̄, itē odisse p̄ctm̄, & relinq̄re illud, ac uere ad deū cōueri. Hinc est illud Pau. Rom. viij. Debitores sumus, nō carni &c. quā p̄pter cōcupiscētię carnis uiuere, et illi indulgere, ac desideria eius facere, res noxia est, et dānat hōiem, de quo lege plura Gal. v. i. Cor. vi. Eph. v. &c. Quātū uis p̄ opa et facta sua nemo possit saluari, sunt em̄ iusticie carnis, immūde atq̄ imperfectę. Quamq̄ autē et iustificatorū opa et facta sint imperfecta, nō tamē sunt immūda opa, et rephensibiles iusticie. Placēt em̄ deo, quia facti sumus filij dei, fide per misericordiā, et credimus prop̄ Christū, peccato et infirmitatibus nostris ignosci. Ideo et si quid p̄stamus ex hac gratię fide, id reputat nobis in perfectā obediētiā, et perfectā satisfactionē erga legem. Nō em̄ exigitur illa perfectio & plenitudo operis iusticie, quæ præcipitur in lege Moysi, ab illis qui in Christum Iesum credunt, sed hoc solum, ne sinant cōcupiscētiā regnare in se, & opera carnis perficere. Certum est enim, neminem sanctorum, penitus abesse, a cōcupiscētia & immundicijs interioribus carnis posse. Sicut Paulus docet, Rom. vij.



Itaq; magna gloria est, eorū qui in Christum Iesum credūt, uidelicet peccatum concupiscentie quod habēt, non imputari ipsis, sed misericorditer remitti ac condonari. Sicut testat & illa sententia Pauli, Rom. iij. Infelix ego homo, quis me liberabit a corpore mortis huius? Gratias ago Deo, per Iesum Christū dominū nostrū. Porro deum efficaciter in nobis operari, qui credimus uere in Christū, & sedare atq; comprimere, carnales concupiscentiæ motus, Paulus locuplete docet Rom. vi. Vbi inter cetera dicit, peccatū em̄ uobis nō dominabitur. Non em̄ estis sub lege, sed sub gratia. Significat em̄ spiritus sancto gubernari, eos qui per euangeliū uere in Christū Iesum crediderunt, eoq; & desiderijs peccati illos sceleriter resistere. Nam sub gratia esse est habere remissionē peccati, & regi a spiritu, & illius uirtute desideria peccati uincere. Ideo & presentie spiritus sancti in nobis certa testimonia sunt, tentatiōibus peccati uiriliter repugnare, sicut qui tentatiōibus eius facile cedunt, arguunt nihil neq; fidei in Christū, neq; spiritus Christi, in se regnare. Id obleruēt qui carnaliter & sine poenitētia uiuūt, ne ipsi se fallāt carnali securitate & decipiant. Nam & prius docui, nos frenādē concupiscentie debitores esse, & iusticie in operibus bonis. Quamq; per opera sua bona nemo saluus fiat a peccatō, aut a morte, facit tamē operis iusticia ad confirmationē fidei, & prestita a credentibus glorificat deū, & accipit multa premia a Deo, ut alio loco docui. Ideo & Apostoli frequenter adhortantur nos, ut in ea iusticia, sicut decet ambulemus. Eph. iij. Hæc hætenus dicta sint a me, duplici enarratione in decalogi mā data, q̄ est triplex usus: in primo et infimo gradu politicus quidam et civilis, quē & philosophi prædicāt et ciuiles magistratus in suis cōstitutionibus præcipiūt. Quamq; autē illo legis usū nō iustificemur, sicut nec ullo alio, tamē ei us obediētiā deo debemus, ac magna gratia habēda est omnibus, qui hāc obediētiā honorifice prædicāt, et magistratibus qui illā cōseruāt. Nec cauendū est in illius prædicatiōe, nisi ne pharisaicis opinionibus nobis imponamus, et ciuili disciplina aliter utamur q̄ oportet. Ita ut faciunt, qui per legis opera mereri peccati remissionē et iustificationē scelerate q̄runt. Alius legū diuinæ usus est spiritualis, & ille duplex. Prior, quo doctrina operis perfectissime boni seruit ad ostensionē & accusationē nostri peccati. Posterior autē, qua eadē doctrina admonet quibus operibus amet deus coli atq; glorificari a iustificatis & receptis in gratiā filiorū dei. Oportet em̄ nos regi certo uerbo dei, ne ambigamus, quid placeat aut displiceat Deo. Et de his posterioribus uisibus legum diuinarum, nos in illarum enarratione scripsimus. Nam in Christianæ poenitentiae prædicatione alio non habemus opus.

*Legē igitur habemus relegendē nostra peccata, & accusantē ea, tū peccatores eternarū maledictionū reos conuincētē. Non tyrannice quasi Deus in perditionibus nostris delectetur, sed quia necesse est, nos per uerā ostensionē peccati nostri, & promeritæ poenæ, uidelicet eternæ mortis, uere humiliari corā Deo. Nec enim beneficia euāgelij aliter intelligere possemus, multo minus amplecti ea, aut recipere per fidē, & per uerā conuersionem nostri a peccato, deū glorificare. Deniq; nec saluari a peccato & a morte. Has igitur maximas cōmoditates accipimus ex lege, spiritualiter prædicata. Ducimur ad perfectā noticiā nostri peccati, & uere humiliamur: ne de iusticiis nostris pharisaice & inaniter superbiamus. Et ad recipiendas fide euāgelij promissiones uelut impellimur, deniq; credentes in deū per Christū, docemur, qua bonorū operū iusticia deus delectetur & ab electis sanctis suis uelit glorificari. De qua pro mediocritate nostra, in hoc tertio libro, cōmentariorū nostrorū de poenitentia, scripsimus. Gloria autem sit Deo patri nostro, & redemptori Christo Iesu, eterna. Amen;*

# LIBRI TERTII PARS

## TERTIA DE SACRAMENTIS.

ELENCHVS capitum tertie partis, quæ est de  
Sacramentis.

De sacramentis in genere, tam ueteris quàm noui Testamenti

Cap. I.

De sacramentorum noui testamenti natura, proprietate & usu: sine consideratione illorum, quæ fuerunt ueteris testamenti.

Cap. II.

De Baptismo scotismi.

Cap. III.

De infantium Baptismo.

Cap. IIII.

De coena Domini, siue de Sacramento corporis & sanguinis Christi.

Cap. V.

Peroratio totius operis.

De Sacramentis in genere:

CAP. I.

**H**Orrendum est considerare, quàm inepta, prodigiosa, falsa & impii sint in scriptis Scholasticorum Theologorum de Sacramentis. Non eo nomine solum, quod plura fingunt quàm sunt, uerumetiam quod illis tribuunt, quæ tribui neque debent neque possunt. Nam confirmatio & extrema unctio sunt ritus ab hominibus, sine autoritate Verbi Dei, introducti, qui etiam si probabiles essent, tamen in Sacramentorum numero haberi non debent. Sacramenta enim adpellamus signa & testimonia uoluntatis & gratiæ erga nos Dei: qualia ab hominibus non possunt institui. Ideo ab his diuinis signis, ritus humani inuenti diligētissime discerni debent. Ordo autem plane non est quàm uocatio ad ministeriū Verbi Dei, Euangelii & Sacramentorum: & ordinari est eligi & uocari ad hoc administrationē. Non tamen opus est isto ungenti ritu pro ordinandis ministris, qui nunc in usu est: & nunquā non fallat Ecclesiam, si retineatur, in electione & uocatione ministrorum. nec ordo ipse rectus, aliter aut noue facit sacerdotes, quàm prius sunt omnes Christiani, propter Christum. Res enim noua est, & ficta ab Hypocritis, aut certe ignaris scripturæ sanctæ, Sacerdotiū sacrificulorum Papisticorum: & tantā habet abominationē coram Deo, propter missam, hoc est, dominicæ coenæ profanationē & abusum, ut grauior & horribilior admitti non possit nec alia magis noxia esse Ecclesiæ.

Quæ in Sacramentorum numero haberi non debet.

Ceterum Pœnitentia significat nostrā nouitatem, terrores in conscientia, odiū, dejectionē & fugā non Pharisaicā peccati: in summa, propositum melioris uitæ. Et nihil habet cū ratione signorum, quæ sunt à Deo instituta, sensibiles ac uisibiles notæ, ut nos admoneant uoluntatis & gratiæ Dei. Recte autem Pœnitentiā agentibus, signa propitiæ uoluntatis, & gratiæ Dei, sunt, tum baptismus, tum etiā ipsa coena. Vere enim pœnitentibus & lugentibus sua peccata, eaq; relinquentibus debetur Euangelii consolatio, seu absolutio: quia pronuntiantur iusti, peccati remissione, & uitæ æternæ hæredes, propter Christum, quatenus credunt in eum. Et Euangelii quidē adpēdices atq; signa testantia de uoluntate & gratia Dei erga Pœnitentes, sunt baptismus & dominica coena.

Deniq; Matrimonium pertinet ad hanc corporalem uitā, tam abesse, ut signū gratiæ in regno Christi, quod totum est spirituale, esse possit. Ac nemo magis efficitur Christianus, qui uenit in consuetudinē uitæ matrimonialis: nec minus Christianus est quisquis celibem uitam ducit, modo sit castus. At Sacramēta, talia sunt, ut suo ac debito usu, efficiant Christianos, eosq; subinde meliores: & neglecta relinquant deteriores. Nam minus Christiani sunt, qui negligentius utuntur Sacramētis: siue



qui illa prorsus relinquunt, quasi non habeant opus consolatione, quæ est per Sacramenta. Ita ut minus Christiani sunt, à quibus Euangelii prædicatio negligenter auditur ac discitur, aut qui sine omni poenitentia uiuunt. Nihil uero huiusmodi potest de Matrimonio dici, idcirco sunt deliræ cogitationes facientium ex ma-

*Quæ Sacra-* trimonio noui testamenti Sacramentum.

*mentis tribui*  
*non debent.*

Porro Sacramentis noui testamenti flagitiose tribuitur à scholasticis Theologis, quod non ponenti obicem, hoc est, illi qui non habet propositum mortalis delicti, conferant gratiam, ex opere operato, sine bono motu aliqui utentis. hoc est, sine fide. Hæc enim Pharisaica opinio, usum rectum Sacramentorum penitus evertit atque corrumpit. Sacramenta enim nullis unquam prodesse potuerunt, nisi per fidem, quæ admodum uerbum, cui adiecta sunt, nisi creditum, etiam iudicat ac datat suos auditores. Ac loquor hic de ea fide, quæ statuit quod Deus nos respiciat per misericordiam & saluos faciat à peccato & æterna morte, beneficio redemptoris Christi, quam exercet, erudit, fulcit ac munit atque confirmat Sacramentalibus signis.

Nec, uero detrahi Sacramentis ueteris testamenti debet ac dici, quod non fuerint ex æquo efficacia, ut noui testamenti Sacramenta, uidelicet suscepta, & in usu habita, per promissæ gratiæ in Christo fidem. Nam idem Christus regnauit in electis suis à condito mundo, & eadem fides in Christum, prædicata patribus, qui clauerunt sub ueteri testamento, efficax fuit, usque ad hæc tempora, & prædicabitur eadem, uirtute Dei potens, usque ad mundi huius finem. Cæterum eiusdem Christi, & fidei in ipsum alia & alia signa fuerunt, quæ nos Sacramenta gratiæ adpellamus. Non ergo existimandum est, causam mutationis Sacramentorum ueteris testamenti, in illa noui testamenti Sacramenta, quæ nunc durant, fuisse, ut hæc gratiam conferrent, quam priora dare non potuissent. sed sola uoluntas Dei. Sic enim uisum est Deo, eadem in Christum fidem, pro temporum diuersitate, prioris, nondum exhibiti in carne, & huius in quo nunc sumus, exhibiti & glorificati à mortuis Christi, aliis atque aliis signis excercere, fulcire & confirmare.

Sed non ideo dicimus efficacia Sacramenta, eo modo quo scholastici theologo: qui censent, quod gratiam conferant, uirtutes augeant, & iustificent ex opere operato: maxime, illa noui, uel potius sola. Hæc enim impia & Pharisaica opinio fidem in Christum abolet & extinguit: nec potest docere, qui sit usus promissionum gratiæ & signorum. Sed illo modo efficacia dicimus, ut uerbum Dei creditum, est efficax in sanctis: quod Paulus illi tribuit. Rom. 1. Non erubescio Euangelium Christi. Virtus enim Dei est, in salutem, omni credenti. Et. 1. Cor. 1. Verbum crucis, pereuntibus quidem stulticia est: nobis autem, qui salutem consequimur, Dei uirtus est. Ita ergo & Sacramenta affirmamus efficacia esse, in illis à quibus suscipiuntur per fidem. Sunt enim monitoria promissionis: & signa, promissionis gratiæ ad eos pertinere, testificantia, qui promissioni credunt: & Sacramentis, ut confirmatoriis signaculis donatæ gratiæ utuntur.

*Sacramenta*  
*quomodo fini-*  
*efficacia gra-*  
*tia signa.*

Proinde, in usu Sacramentorum necesse est fidem accedere, quæ credat promissionibus, quarum nos admonet Sacramenta: & accipiat res promissas, quæ in Sacramento offeruntur, ut in signo & testimonio gratiæ. Efficacia igitur erunt Sacramenta, non ex opere operato, aut quia suscipiuntur, quod a quibuscumque impiis fieri posset: sicut dubitari non potest, multos impios illa recipere, quibus penitus non debentur, atque adeo sunt perniciofa, propter incredulitatem ipsorum. Sed efficaciter promissæ, receptæ, per promissionis fidem. Constat enim, quod Deus, & uerbo promissionis, & signis, ex æquo uult efficax esse in nobis: iustificare & saluare, quatenus credimus promittenti. Hac ergo uirtute abluit baptismus peccata, eorum qui per Euangelii-

Euangelium in Christum Iesum credunt. Sic cœna corporis & sanguinis Christi, etiam perpetuo firmū esse hoc donum remissionis peccati, quod illis contingit, qui tenent fidem in Christum,

Sic ergo solis piis, qui Euangelio credunt, proderunt Sacramenta: ad gratiā remissionis peccati & uitæ æternæ. Sed Scholastici theologi cum de suo obice nugant, item de fiducia operis operati, tribunt quibuslibet impiis & incredulis, fructum & utilitatem Sacramentorum. Quamquā uidentur quidem in usu discernere pios ab impiis illo cōmento, quo fingunt in aliis non esse propositum mortalis delicti, quod aliis sit adiunctum; uerum hoc totum Pharisæice faciunt. Quia per opera & qualitates priuararum uirtutum in hominibus, discernunt pios ab impiis, quos per promissionis gratiæ fidem discernere ab his debuerunt: ut quæ nulla est in impiis. Qui tamen opera in speciē bona, similia piorum operibus, habere possunt & plenumque habent. Quemadmodum etiam fingunt se habere propositū melioris uitæ: quod est nullum uerax, aut firmum.

Qui igitur discernere ab impiis pios uolunt, illos quibus debentur & sunt utilia Sacramenta, id faciant per promissæ gratiæ fidem: quæ impiis nulla penitus contingit, quod alio loco euidentissime docui & demonstrāui. Nec Deus aliter pios bonos, iustos, sanctos & uitæ æternæ hæredes facit, quā per suæ gratiæ fidem: nec alia causa, nisi per gratuitam misericordiam, & propter redemptorem Christum. Opinio itaq; operis operati, usum Sacramentorū corrumpit. Non sunt enim Sacramenta, signa quibus nulla gratiæ promissio adiuncta est: cum uero signa adhibentur promissioni, tunc efficiuntur Sacramenta: hoc est, signa promissionis, utilia credentibus, incredulis autē nō modo inutilia, uerum etiam pernitiōsa. Promissio enim inutilis est, nisi fide apprehendatur: imo damnat incredulos. Quapropter & in Sacramenti usu debet accedere fides: qua homo signo & testimonio erga se gratiæ Dei recipit & cum fiducia gratiæ utatur; quod nisi fiat, non potest non damnosum esse, uolenti ad usum Sacramentorum.

Liquet ex his, noui testamenti Sacramenta non magis efficacia esse, quā illa ueteris fuerunt. Quin etiam nulla unquam Sacramenta hominibus gratiam uitæ operis operati contulisse: sed utilia demum fuisse, his qui per fidem ad Sacramentorum usum uenerunt. Hac enim sola recipimus gratiam, promissione & signis oblatam: & excitatur quidem promissione fides, quam Sacramenti usus confirmat. Neq; aliter hoc accidit usu Sacramentorum in beatorum patrum fide, qui inuenturum Christum crediderunt, quā in illa nostra, qui credimus in Christū, incarnatum, passum & glorificatum, regno cœlorum, immortalī atq; æternæ gloria. Sicut Paulus testatur, R. om. 4. adpellans circumcisionem, non simpliciter signum, quod cauillari possent, qui negant Sacramenta esse uoluntatis Dei erga nos testimonia, & fingunt tantū notas professionis inter homines esse, Sed etiam signaculum iusticiæ fidei: hoc est, ita signum ut testetur iustos esse, qui promissioni credunt. Iustos autem, peccati remissione, ut uitam æternam possideant. Iam idem est baptismi usus, quantum ad signum ac testimonium gratiæ attinet, qui fuit circumcisionis, successit enim in locū circumcisionis baptismus. Porro, ut baptismi est nos cōmonet promissionis Euangelii, & testari nostram esse illius gratiā, qui baptizamur, si tamen credimus in Christum. Ita idem prorsus officium & usus est dominiæ cœnæ. Nec enim potest prodesse, nisi credentibus, & utentibus illa cum gratiarum actione.

Hoc uerum est quidem, Sacramenta noui testamenti, quantum ad usum



*Penes quid differant Sa-  
cramenta noui  
test. ab illis ue-  
teris: & in  
quo peculiare  
gratiam habe-  
ant.*

signorum in externis attinet, non parum præcellere illa ueteris: & plane gra-  
tiosiora esse. Imo uero, uetera cum nouis collata, non modo difficiliora fuerunt,  
uerum etiam onerosa, cum hæc nihil prorsus oneris habeant. Sic disponente om-  
niā mirabiliter Deo, ut gratia tandem per Christum exhibita & prædicata toto or-  
be terrarū omnibus magis arderet, proniusq; quibuslibet gentibus sese infinua-  
ret. Quid enī nō asperum est & horridum in una circumcissione nulla autē difficil-  
tas est, in baptismo aqua aspergi & ablui. Ideo difficilimum fuisset, si gentes sub iu-  
gum unius circumcissionis pertrahi debuissent, quæ in Abraham & paucis cum eo  
ceperat. Nec mirū fuit, illam postea in una iudæorū gente retineri potuisse. Sic au-  
tem & de alijs oneribus Iudaicarum ceremoniarū, longe difficilimis, sciendū  
& iudicandū esse censeo. Sed hoc est discernere inter duplicia Sacramenta penes  
usum signorū in externis: non penes effectum, aut efficaciam quæ interitis lateat, &  
Sacramentis tribui non debet. In usu quidem exteriore signorū, est aliquod peculi-  
aris gratiæ beneficium, quo præcellāt noua ueribus. Deus enim, post exhibitum  
Christum, nullo onere uoluit premere Ecclesiam: Ideo circūcisio mutata est in bap-  
tismum, regenerationis lauacrum: oblationes autem & sacrificia in Sacramentum  
dominicæ cenæ. In qua est perpetuum testimoniū & pignus oblationis Iesu Chri-  
sti, semel factæ, p traditionem eius in mortem, pro nostris peccatis. Quæ una iustifi-  
camur à peccato credentes, & absolui mur ab æterna morte. Et utentes cenā, etiam  
in signo adprehendimus eius gratiæ & beneficii testimoniū ac pignus.

Cæterum Sacramenta ueteris testamenti, rei quam allegorica significatione  
spectabāt maxime accomodam figurā habuerunt, quemadmodū illa noui à re quæ  
significant, in signo non abludunt. Significabat enim circūcisio promissū semē, in  
quo omnes benedici debuerunt, idq; proditurū testabatur ex Abrahæ posteritate.  
Sicut oblationes & sacrificia, maxime propitiatoria illa, significationem habuerūt  
oblationis Iesu Christi, in mortem crucis, pro morte innocentis uictimæ, qua una  
Deus placari nobis potuit & reconciliari, remittere peccata, & seruare à morte. Ideo  
sicut circūcisio non debuit durare, post incarnatum, passum, glorificatū & reg-  
nantem Christum, sed in aliud mutari. (mutata est enim in baptismū, quod & Pau-  
lus testatur. Col. 2.) Ita sacrificia illa legis deinceps non debuerunt retineri, ne cre-  
dentes Euangelio, alius iniuria in periculum dubitationis retraderentur. Quan-  
tas enim dubitationes obsecro cum circūcisio, tū sacrificia legis peperissent, si usq;  
ad hæc tēpora in Ecclesia Dei per manerent. Sunt igitur abrogata illa ueteris testa-  
menti Sacramenta, primū, ne noxia essent in Ecclesia magis quā utilia. Non quia  
per se sint mortifera, si qui forte illis uteretur post glorificatū Christum, sicut Apo-  
stoli fecerūt, quo melius consulerent infirmis & imbecillibus conscientijs. Sed quia  
cogitare homines potuissent, Christum promissum nondum exhibitum fuisse, si  
uidelicet Ecclesia circūcisionem necessario retinuisset, aut si sacrificijs legalibus ad-  
huc uteretur. Dant itaq; maxime elaram significationem abrogata exhibiti & reg-  
nantis Christi. Quia nisi exhibitus esset atq; regnaret uerus Christus, nunquā abro-  
gari potuissent. Nam impossibile fuisset Deo resistere, qui illa ordinarat atq; con-  
stituerat, duratura usq; ad tēpora Christi.

Deinde sunt abrogata, non ut penitus nulla Sacramenta in Ecclesia, post glo-  
rificatum Christum haberentur, sed ut in noua alia mutata, durarent noua signifi-  
catione. Hoc est, ut ipsa noui testamenti Sacramenta, usum & fructum Christi max-  
ime perspicue & elarisignis nos docerent. Clarissime enim testatur baptismus, re-  
mitti & ablui peccata, omniū qui per fidem nominis Iesu Christi illum suscipiūt.  
Sicut

Sicut docet illud Ananiae, act. 22. ad Paulum. Exurge & baptizare, & ablue peccata tua. Porro, ipsum cœnæ Sacramentū, cuius debuit esse quotidianus usus, ut uerbi Evangelii, aut certe non rarus, maxime claram significationē habet incarnationis filii Dei, & traditionis eius pro peccatis nostris in mortē, qua nobis adoptionis gratia illa, quæ in baptismo per fidē glorificati Christi confertur, impetrata est. Ipsum autem cœnæ Sacramentum, etiam testatur, eam adoptionem nostrī non posse euacuari, siue irritam fieri, modo fidem retineamus.

Fuit itaq; circumcisio iusticiæ fidei signaculū & pignus apud Iudæos, ut nunc est baptisumus, in omnibus gentibus, Ecclesia Christi sparsa, & regno eius dilatato, toto terrarū orbe. Nec debuit abrogari circumcisio, donec incidisset in eum, cuius unius sanguinis innoxii effusione, purificamur à peccato, & liberamur ab æterna morte. Nampe, in Christum. Idcirco pauculas istas & miseras reliquias iudaicæ gentis, quæ retinet circumcisionem, etiam testatur adhuc esse sub peccato, atq; æternis maledictionibus legis, eo quod seruatorem Christum, cuius beneficio circumcisi sumus, dono gratiæ, per spiritualem circumcisionē, Col. 2. incredulitatis perfidia abnegāt. Quanquam autem & sacrificia illa legis, offerentes nunquā potuerunt iustos facere, ita ut iustificabat effectiue Christi oblatio cum iam facta esset in Ara crucis, atq; perpetuo iustificat, omnes qui credūt in eum. Sicut pulcherrime & sanctissime docetur in Epistola ad Hebræos. Tamē profuerunt, his qui in gratiæ promissionē credidissent. Profuerūt autem, ut gratiæ signa & testimonia, exercentia, confirmantia, & subinde melius erudientia atq; consummātia fidem, nō ex opere operato. Nam signa ejusdem efficacitæ sunt, cuius est uerbum promissionis, cui sunt adiūcta. Constat enim Dei operari in nobis, per suæ gratiæ promissionem & signa illius, uirtute spiritus sancti, & perficere æternam salutem. Nec aliter prosunt Sacramenta noui testamētī nisi ut signa & testimonia gratiæ, erudientia & confirmantia fidem. Quia uero sacrificia legis præcipuam significationem habuerunt oblationis Christi, ideo post traditum oblatum & glorificatum Christū, retineri non debuerunt. Itaq; hostia pro peccato nunquā dici potuisset oblatio legis, nisi significatiue, in qua uidelicet testimonium fuit, de beneuolentia & gratia Dei erga populum suum, propter promissum illi Christum, qui iustificat effectiue, uirtute sanguinis sui, omnes qui in eum credūt.

Sed hæc de necessitate abrogatiōis Sacramentorum ueteris testamētī habemus. Placuit autem Deo, etiā hac ratione suo populo in quo nasciturus erat Christus, futurus sacrificium & hostia pro omniū peccatis, præcipere de oblationibus & sacrificiis: ut paulatim erudiens assue faceret illum eo, ne existimaret peccatū & transgressionem remitti corā Deo posse, ullius carnalis iusticiæ merito. (Quanquā multi hypocritæ semp opinati sunt aliud, quales hoc quoq; seculū innumeros, cæcos & deploratos habet, sed p alicuius innoxii sanguinis effusioem.) quē necesse fuit Dei filium esse, & hominem sine omni contagione & macula peccati. Quia alii omnes nascimur cū peccato, & sumus propter peccatum natura filii iræ. Erat autem facilissimū docere, peccata non posse remitti, nec emundationē nostrī fieri, sanguine taurorū, hircorū & similibus oblationū legis. Ideoq; necessariā fuisse Christi mortem, nempe, p quem & in quo promissa erat omnibus iusticia & æterna salus, benedictio gratiæ & uitæ. Id quod postea apud Iudæos omnium clarissime docuit Esaias propheta, Cap. 53. Profecto languores nostros ipse portauit & dolores nostros in se recepit, & tamē nos reputauimus eum tanquam plaga percussū à deo, & infirmatū. Reputauimus eum, tanquam percussū à Deo. Verum propter iniquitates nostras est uulneratus, & propter peccata nostra percussus, &c.



Igitur hæc omnia satis testantur, sacrificiis legis effectum iustificationis nunquam debuisse tribui, quemadmodum nullis aliis operibus obedientiae nostrae erga legem ille effectus tribui iure potest. Cæterum sacrificia legis habuerunt uim Sacramentorum, quæ qualis sit, iam antea copiose explicatum est, & deinceps multo copiosius explicabitur, in doctrina de Sacramentis noui testamenti. Hypocritæ autem Iudæi, qui illis tribuerunt uim iustificandi, ex opere operato, & sanctis Prophetis damnati sunt. Cuius habes testimoniū ps. 49. præcipue de hac ratione. Item Hic. 7. non sum locutus cum patribus uestris, & non præcepi eis de uerbo holocaustorum & uictimarum. &c. Quo certe propheta, non uoluit nisi abusum ceremoniarum in oblationibus damnare. At ille alius & grauior non potuit esse, quam est per pharisaicam opinionem, meriti operis operati, in iusticia nostra. Hæc enim & gratia detrahitur, & si des in Christum eueritur, quod hypocritæ isti, non credentes uerbo gratia, & arrogantes de iusticia operum & factorum suorum præsumētes, perpetuo fecerūt & faciūt.

*missa*

Hic quoque dicendum erat de missæ abusu, quo fingitur, esse sacrificium, pro peccatis uiuorum & mortuorum. Sed extant clarissimorum uirorum scripta, D. Martini Lutheti, & Philippi Melanthonis, contra eam abominationis impietatem, quibus illa satis refellitur. Sane autem, differentia dati & accepti, plane expedit eam controuersiam & pugnam opinionum de missa, in quibus disceptatur, num pro sacrificio, quod nos offeramus Deo, possit haberi. In cœna enim Domini (ex qua fabricauerunt Missam impostores, adplicatilem istam ad quemuis usum, ut etiam cupiditaribus auarorum seruiat & bellantium insanis furoribus, & his similibus aliis negotiis prophanis & impiis.) nihil prorsus est, quod nos Deo offeramus de nostris donariis, sed quod Deus ipse nobis summa liberalitate misericordiae suae offert ac donat, Nempe corpus & sanguinem unigeniti filii sui, & cum hoc remissionem peccati, atque æternam uitam. Si tamen credimus in eum, quem dedit uidelicet precium & redemptionem pro nostris peccatis, & per Sacramentum exhibet nobis in signum & pignus, illius pro nobis uere incarnati & traditi in mortem, cum aliter redimi à peccato & morte non possemus. Ideo & fidem & gratiarum actionem, tantorum gratia beneficiorum, in cœnæ usu à nobis requirit, ut per quæ sola contingit nobis reconciliatio cum Deo, peccati remissio, iusticia uita atque æterna salus. At uero sacrificii ratio est, aliquid de nostris rebus Deo offerre, non de gratuitis donis, quibus prior occupat nos Deus, ut etiam oblationibus pro peccato nihil sit opus. Quare ualde cæci sunt, medicam mali & impii, qui admoniti de errore, adhuc opinantur & contendunt missam pro sacrificio retinendam esse.

#### DE SACRAMENTIS

*Noui Testamenti scorsim.*

CAP. II.

**S**ed nunc seorsim scribemus, de natura, proprietate & usu Sacramentorum noui testamenti, sine consideratione illorum, quæ fuerunt ueteris testamenti. Sunt ergo adpendices Euangelii Sacramenta, baptisumus & dominica cœna, in hoc à Deo instituta, ut nobis promissionis Euangelii memoriâ conseruent, eiusque admo-  
neant frequenter, & fidem illius excitent in nobis, planeque confirmant credentes, de placato ipsis Deo, & donata uitæ & salutis æternitate, per Christum Iesum. Huius enim respectu, recte uocantur gratia signa, recte item ea sententia dici possent, inuisibilis gratia, uisibiles & sensu perceptibiles res & formæ. Non ut scholastici theologi signa gratia adpellant, per quæ donum gratia & uirtutes in hominis cor efficaciter, usu Sacramenti, infundantur, etiam si nulla promissionis Euangelii fide prædicti. Hoc est enim Theologis istis, efficacia esse Sacramenta, ex opere operato, in homine

mine non ponente obicem mortalis peccati, & agente tamen sine bono motu interiore cordis, & sine fide in Deum. Cum incredulum esse, & ignatum promissionis gratia, sit crassissimus obex: qui plane ac protus indignum efficit hominē dono gratia, remissione peccati, usu Sacramenti & aeterna salute.

Proinde contra istos Pharisaicos errores notandum est, duo inspicenda esse in Sacramentis, & illorum usu: promissionem uidelicet, & signum promissionis. Promissionis autem nomine intelligamus ea omnia, quae in Euangelio sunt praedicata, de uerbi aeterni incarnatione, & traditione eius pro peccatis nostris in mortem, necessaria ad nostram salutem: sine qua, nec intelligi signi usus posset, nec signum esse Sacramentum. Concurrente uero ad promissionē signo, siue promissione adhibita ad signum, efficitur Sacramentum: quod eatenus utile est sumenti, quatenus ille fidem adfert ad promissionem, & ad signum, promissionis testimoniū ac pignus.

*Duo esse in  
Sacramentis  
Promissionē  
& signum*

Sicut enim per promissionem docemur, de uoluntate & gratia erga nos Dei: Ita signum, promissioni annexum & adhibitū, est pignus ac nota, quae testetur promissionis gratiam ad illos pertinere, qui sacramento debite ac pie utuntur. Igitur fide opus est homini, in usu Sacramenti: ut sine qua non posset non pernitiosus esse. Sicut enim in promissione adprehendimus Deum, Christum, iusticiam & aeternam uitam, quatenus promittenti credimus: Ita usu signi promissionis, cum fides accedit. Sine fide enim, signi usus etiam noxius esset, quemadmodum uerbi promissionis auditus, non adiunctus cum fide.

Omnia autem certius ac firmitus discimus atque colligimus ad nos pertinere usu Sacramenti, quae sunt propitiae & bonae uoluntatis erga nos Dei, quam seorsim solus uerbi praedicatione fieri posset. Nec enim frustra adhibet Deus promissioni signa, nec potior aut melior est signorum usus, quam in confirmatione consciētiae, de ueritate promissionum, fidelitate ac dono in nos gratiae Dei. Sacramenta igitur utrumque complectuntur, ut melius nos doceant, & solidius confirmant, promissionem & illius signum. Et signum quidem est externa nota, significans nobis conferri, quae in promissione credentibus offeruntur. Sicut in baptismo aquula, qua ablui mur nomine patris & filii & spiritus sancti, in remissionem peccatorum. In Domini caena, Panis & Vinum, monitoria incarnati uerbi, & traditi pro nobis in mortem, adeoque praesentiae corporis & sanguinis Christi, in quo dono & gratiae beneficio, cibum habemus & potum aeternae uitae, quatenus illa caena utimur per fidem.

Igitur illae tales notae sensibus & oculis obiectae, adhibentur promissioni, ut cum se homines applicant ad usum Sacramenti, confirmantur, promissionem gratiae, remissionis peccati, iustificationis, & uitae, salutisque aeternae ad se pertinere, sibique conferri ac tradi seu donari, modo fidem adferant ad usum huius tam sanae rei. Quibus tunc signum gratiae non inaniter res est, praeter speciem quam ingerit sensibus, aliquid aliud ex se faciens in cognitionem uenire. Reuocat enim nobis in memoriam Euangelii promissionē, & admonet nos factae reconciliationis, quae nostra est cum Deo, per Christum, quantumuis peccatores simus. Denique testatur singulos usu Sacramenti, aut recipi in gratiam, quod sit baptismo, aut gratiam amittere non posse, qui semel recepti in illam fuerūt, si fidem retineant. Idcirco enim & lapsi, in enormia uicia & peccata, ueniunt ad Eucharistiae usum, ut ibi cum laude & gratiarum actione confirmant fidem, & resurgant à peccato, & fortius contra illud deinceps pugnent.

Ita ergo haec duo, nempe promissio & signum eius, non negligenter in quolibet Sacramento spectari atque aminaduerti debent. Est autem promissio fauere Deum, & placatum esse, omnibus illis, qui in Christum Iesum credunt, Ideoque recipi eos,



# COMMENT. DE POENITENT.

& adprobati coram Deo, & haberi loco filiorum Dei, quibus & peccata remittantur & uita æterna donetur. Signi autē hoc proprium est & perpetuū, reuocare nobis in memoriam hanc ipsam promissionem, de qua loquor, & significare atq; testari ei ad illos pertinere, qui promissionis fide ueniant ad Sacramentum.

*Consolatio  
efficax peti  
ex Sacramen  
tis potest.*  
His rationibus certe, Sacramenta efficacissime consolantur terribis peccato con  
scientias, nisi nulla uis sit promissionum Euangelii, & signorum promissionum, ad  
consolandū peccatores. Sed omnino firmum est consolationem nobis per Sacra  
menta afferri, primum, quia magnum est audire, cognoscereq; gratiæ promissionē,  
cui qui credunt, quomodo non acciperent pacē in corde Deinde, quia maius est  
signo sacro cum adiuncta promissione priuatim confirmari, de donato gratiæ reg  
no, rei per se communissimæ. Nempe, oīi qui credunt promissioni & ueniunt ad  
Sacramenta. Sic enim a singulis adplicantur ad usum, atq; priuatam possessionem.

*Cingliani.*

Itaq; recte dicitur, Sacramenta esse instituta, ut erigant & consolentur pauidos ani  
mos, tristes atq; consternatas conscientias, quas peccatum, lex, ira Dei & metus in  
ferni terruit. Quod uero non omnes consolationem reportant usu & memoria Sa  
cramenti, id fit quia nondum uere crediderunt in Christum Iesum, sed speculationis  
cogitationibus solum cognouerunt illum. Siue etiam ne sic quidem cognouerūt.  
Viderint ergo cum quo pugnent, qui negant, quod signa gratiæ, quæ nūc appella  
mus imitatione ueterum Sacramenta, fidem nostram fulciant, augeant, & confir  
ment. Væ derisoribus istis.

Negari non potest, in Sacramento esse Euangelii promissionem, quæ pfectio  
saluationis fidem semper requirit a nobis. Ergo credentem in gratiæ promissionem  
consolatur, & pacificat eius conscientiam, oblato remissionis peccati dono & uitæ  
æternæ. Maxime autē munit talem contra quascunq; tentationes peccati mortis &  
diaboli, promissionis signum & pignus Sacramentum, in quo uidelicet, est testimo  
nium partæ nobis & donatæ per Christum æternæ salutis. Atq; ut idem per uerbū  
promissionis testetur Deus, tamen confirmatius hæc agit, uerbo & signis, dū imbe  
cillitatem fidei nostræ erigat, fulciat & confirmet. Aut quis est, qui docere possit,  
Deum Sacramenta non ita ordinasse ad nostram salutem, ut uerbum gratiæ Dein  
de, non esse efficacem in nobis usu Sacramenti, quatenus per fiduciam gratiæ illis  
utimur, cum sit efficax in illis, qui promissioni gratiæ credunt? Nemo, qui sanæ me  
tis est, hoc poterit affirmare, uidelicet, nullis prodesse ad salutem Sacramenta, cum  
utilis sit & necessaria gratiæ promissio. Quia nulla in re alia est, aut diuersa, gratiæ p  
missio, seu Euangelii per Christum, a promissione cuius admonemur in Sacramen  
tis, & quarum fide ad usum Sacramenti uenire debemus. Imo una est atq; eadem il  
la Euangelii, cum hac Sacramentorum, quia Sacramenta non sunt nisi adpendices  
Euangelii, & adplicat ad nos eius usum, illūq; priuatim ac propriū nobis efficiūt.

Teneamus ergo, non esse Sacramenta, hoc est, gratiæ signa, nisi quæ uoluntate  
& iussu Dei adiecta sunt ad Euangelii promissionem. Quare ut uerbo gratiæ suæ effi  
cax est in nobis Deus, ita Sacramentis, creans in nobis fidem spiritu sancto, & perfici  
ens quæ faciant ad consumationem nostræ æternæ salutis. In hunc enim modum  
erectæ promissis & signo consolationem capiunt & robur conscientiæ nostræ, ne in  
terroribus peccati, mortis & diaboli desperent. Atq; ut contra uniuersum satellitiū  
inferorū consistere ualeāt in die malo, fraudes uincere, retinere fidē & saluari. Nihil re  
fert enim, quod hunc Sacramentorum fructum non omnes percipiunt, quanquā  
illis utantur. Quia nō omnes uere credunt in Christū, imo nec norūt dū, quid sit cre  
dere in Christū, aut cur Deus uoluerit nos potissimū donare Sacramentis, & gratiæ  
signis.

Itaq;

Itaque certum est, Sacramenta ita significatiōē habere iusticiæ fidei, ut sint eius testimonia, in illis qui Euāgelio credunt, adeoque cōfirmationes & signatula. Quod Paulus de circumcissione dixit, plane indicans, idem de aliis omnibus Sacramentis recipiendum esse. Non enim ad legem mittunt nos Sacramenta, hoc enim esset ad desperationem salutis relegari, sed ad Euangelium, ad gratiæ promissionem, & ad propriatorem Christum Ihesum. Si enim mitterent nos ad legem, non essent Sacramenta siue gratiæ signa, quia per legem, pacem conscientiarum non operarentur, sed magis desperationem. Vt magis iræ signa essent, quàm Sacramenta. Nemo enim qui exactionibus legis possit satisfacere, ita nemo unquam dignus fieri per legem usu Sacramenti.

Igitur ad Euangelium mittunt nos Sacramenta, & ad iustificatorem Christum, ut nos maxime certos efficiant, atque futuros donatæ saluationis per Christum. Ideo non possunt non consolari efficaciter, eos omnes qui ad Sacramenta veniunt, tanquam ad gratiæ signa, moti promissionis Euangelii fide, cui quisquis credit, accipit iusticiæ & æternæ uitæ donationem. Porro, ad iustificatorem Christum mitti, est ei tradi, qui nos sanguine suo lauit a peccato, & potestatem habet nos saluare a iudicio æternæ mortis. Quod ille quidē pro officio facit, hoc est, purificatos a peccato sanguine suo, saluat a morte omnes quotquot credimus in eum. Et fidem usu Sacramentorum munit atque confirmat. In summa, Sacramentorum dispensatione applicantur ad nos omnia quæ sunt regni gratiæ saluantis per Christum. Debet autem ad usum Sacramenti accedere fides, quæ recipiat illa omnia. Videlicet, remissionem peccati, iusticiam & æternam uitam. Matthæi ultimo. Qui crediderit & baptizatus fuerit saluus erit.

Sic ergo, ut expositum est, intelligi uolumus, Sacramenta esse gratiæ & salutis efficacia signa, quia sunt promissionis Euangelii signa: prouocant nostrā fidē. Idcirco credentibus utilia, & significatiua in gratiā esse, eos a quibus per fidem recipiuntur. Faret enim Deus his qui in Christum Iesum credunt: & remittit eis peccata, donat salutem. Et Sacramentorum testimonio munit illos, ut firmius credant: quia promissionibus alioqui frustra esset signa addere. Quoniā uero auctoritas Sacramentorum necessario est diuina, ideo plura numerari non debent, quā instituit Deus. Sicut enim solus potest promissione gratiæ peccatores consolari: Ita solus suæ gratiæ illius & fauoris erga nos signū instituere. Quorum utroque, hoc est, tamen uerbo, quod signo, munimur cōtra terrores peccati in conscientia: & cōfirmationē accipimus, de æternæ uitæ securitate. Nec aliter intelligi debet, aut potest pie, quod de Sacramentis dicitur: esse uidelicet, efficacia gratiæ signa.

Restat cōmentū discriminis baptismi Ioannis & Apostolorum: ut tractatur a Sophistis, de quo hic nonnihil dicendū est. Illi enim putant baptismum Ioannis non profuisse ad peccati remissionem: & Ioānem sola corpora, inani scilicet & pharisaica lotionē abluisse. Cum Euangelistæ tam aperte testentur, prædicauisse Ioānem baptismū poenitentiae, in remissionem peccatorum, quæ uidelicet accipi debuit, per fidem iustificatoris Christi, quā non tacuit Ioānes, indicans populo Christum, ac dicens. Ecce agnus Dei, qui tollit peccata mundi. Negare igitur, baptismum Ioannis non profuisse ad peccati remissionē, est gratiæ Sacramentū, idem quod hodie durat in Ecclesia, irridere, adeoque uerbū Euangelii, quod docuit, negare utile fuisse ad peccati remissionē. Denique & poenitentia, quā docuit affirmare non aliud fuisse, quā hypocritas aut desperationis doctrinā. Sed Ioānes uere docuit poenitentia, ueros terrores incuties peccatoribus, prædicationē legis, & peccatores rursus ueraciter cōsolatus est Euangelii promissione, atque exhibens illis signum gratiæ baptismū. Denique a iustificatiōe

Vnde

De discrimi-  
ne baptismi  
Ioannis &  
Apostolorum.



fide, ueros ad ignos penitentiae fructus requisit, cuius praedicationis forma ad huc retinebatur Ecclesia debet. Nec alia secuti sunt Apostoli, nempe, uocantes ad penitentiam, quibus baptismum praedicauerunt. Nec aliis promittebant peccatorum remissionem, nec propter aliud, quam fidem in iustificatore Christum. Quos postea docuerunt operam dare, ut tanquam filii dilecti Dei, a quo in gratia salutis recepti esset, studio emendationis uitae & bonorum operum praeexcellerent.

Idem ergo prorsus fuit Ioannis baptismus, qui est Apostolorum, quem nunc in Ecclesia retinemus. Quemadmodum doctrinae ratio, utriusque eadem fuit, nec uariare ab eis quicquam hoc tempore debet. Quamquam fieri potuit, & procul dubio factum est, ut inter se sit aliquis abusus in baptismum, quem praedicauit Ioannes, uidelicet, apud eos, qui pharisaica impietate Ioannis baptismum retinuerunt, fidei in Christum ignari, aut repugnantes, sicut hoc tempore in baptismum Apostolorum. At nos de uero, recto & gemino illius usu loquimur, qui non potuit pharisaica lotionis esse, sed eiusdem gratiae, cuius est Apostolorum. Quod si omnino discrimen quaeritur, Ioannes rationem habuit uenturi post se Christi & glorificandi, in quem postquam uenit & glorificatus est baptizauerunt Apostoli. Atque adhuc modum durat illud aquae lauacrum, usque ad mundi finem, quod ministerio Ioannis primum cepit promulgari. Discrimen ualde exiguum est, ut uerbi Euangelii quod docuit Ioannes, praeco atque praecursor uenturi Christi, cum eo, quod post glorificationem Christi, & iam regnarem, praedicamus.

Ergo baptismus quidem ministerio Ioannis institutus est, non tamen, sine peculiari mandato Dei. Sicut testatur illud. Luc. 3. Factum est uerbum Domini, super Ioannem Zachariae filium in deserto, & uenit in omnem regionem Iordanis, praedicans baptismum poenitentiae in remissionem peccatorum. Hoc nomine significat ipse quoque Christus, baptismum Ioannis de caelo fuisse. Math. 21, hoc est, autoritate & uoluntate atque mandato Dei traditum. Qui quomodo non potuisset significationem & testimonium gratiae habuisset. Aut hypocritarum ablutio fuisset. Quae etiam postea confirmauit Christus sua autoritate, exemplo atque edicto: ut rectum, et pie ac iure institutum & praedicatum a Ioanne, uenit enim, & baptizatus est ab eo, in Iordanis fluente, ita sanctificans illum nobis, ut iudaeis circumcisionem, cum ipse circumcideretur. Simul testificans se utriusque populi sequatorem esse, & credentium in circumcisione, & fide baptizatorum. Postremo diligentissime firmavit illud, quando Apostolis edixit, ut praedicarent toto terrarum orbe Euangelium, & baptizarent omnes gentes, nomine Patris & Filii & Spiritus Sancti, clarum nimirum & certissima significatione propitiae uoluntatis & gratiae Dei, in ois qui promissionis Euangelii fide baptizantur, Dei inquam, qui est pater, & filius, & Spiritus sanctus, Creator omnium, & redemptor mundi, & sanctificator electorum.

Sic igitur baptizari, est adoptari in filios gratiae & haereditariae uitae, qui sumus natura peccatores & ira filii & aeternae damnationis. Fit autem illa adoptio sine omnibus iusticiis nostris, per solam gratuitam & munificentissimam Euangelii promissionem, propter Christum. Quapropter fides adferri in eam promissionem debet, ab his qui suscipiunt baptismum, quae creatur quidem in cordibus nostris uirtute spiritus sancti. Et sic quidem Paulus scribit, nos uidelicet saluari, non ex operibus nostrae iustitiae sed secundum misericordiam Dei, per lauacrum regenerationis, & renouationis spiritus sancti.

Porro Sacramentum aeternae est ab ipsomet Christo institutum. Nec enim quisquam alius potuisset hoc instituire: nisi ipse aeternus pontifex & mediator noster, qui semet ipsum traditurus erat hostiam & uictimam pro nostris peccatis: & in signum & pignus humanitatis beneficentiae donaturus in Sacramento suum corpus & suum sanguinem. Est autem ineffabilis clementia Papistarum, qui huius Sacramenti usum non reliquerunt liberum

liberū aut integrū Ecclesiæ: sed certis edictis compellūt laicos ad eius usum, que in etiā mutauerunt. Quia laicis iubent tantū alterā speciem Sacramēti dari: & signāter calicis usum illis adimūt ac rapiūt, contra edictū & uoluntatē Christi: qui le & omnia sua, omnibus qui credunt in eum offert & donat. Est autē in calicis portiūcula certa significatio necessariæ traditiōis Iesu Christi, pro peccatis nostris in mortem. Nam corporis adpellatio significat ueram incarnationē filii Dei. Qui igitur fraudant Ecclesiā calicis usu, uidentur fructu redemptionis illā uelle fraudare. Nam quorsum prodesset tibi, si incarnatus filius Dei, nunquā traditus esset pro peccatis nostris in mortem? Sed si beneficio redemptionis laicos uti permittūt, cur igitur signo illius redemptionis spoliant atq; priuant illos? Hæc dico, ut intelligas, in hoc facinore Papistarū, esse nō obscurā significatiōē oppressi Euangelii in Ecclesiā, per hypocritas & impios tyrānos, per q̄ nouissimū in Ecclesiā occidentis Antichristū.

Hæc sunt horribilia auditu, & tamen in Papistarū Ecclesiā pro recte factis defenduntur. Sed oportuit hæc scandala uenire, & abominationē Antichristi regnare & grassari in Ecclesiā, in pœnā incredulitatis, & contemptus Dei, hoīm eprobōrū, q̄ suas aures à ueritate auertunt. Væ autem istis istorū scandalorū autoribus & defensoribus. Det autem Deus & Pater Domini nostri Iesu Christi, ut ab imposturis ipsorum, laqueis, crudelitatis & perditionibus, penitus liberemur. Non sunt autem nisi duo Sacramēta, nouo testamēto instituta, quibus Deus uoluit testari, de sua erga nos uoluntate, & promissiones Euangelii nobis conferre, baptismus & dominica cœna. Nam absolurio, est ipsa Euangelii promissio, etiā priuata illa, de qua quid sentia dixi libro secundo. Quid autem de aliis, quæ Sacramentorū numero habentur oporteat sentire, dixi capite superiore. Sunt enim ritus humanitus ihuenti, confirmatio & extrema unctio. Et ordo, est electio docentium in Ecclesiā. Pœnitētia autē, est necessariæ obediētiæ & emendationis nostræ uitæ. Matrimonium deniq; pertinet ad hanc corporalem uitā, & nihil habet negotii in regno Christi. Sacramenta autem simul cum uerbo promissionis facere debent ad regnū Christi ampliandū. His ergo duobus signis, quæ dixi, uidelicet baptismō & cœna corporis & sanguinis Christi, uoluit Deus singulis nostrū, ueluti in sinū, præcipuo gratiæ dono, beneficiū redēptiōis & æternæ salutis, deponere. Et baptismus quidē est recōciliatiōis & iustificatiōis signum. Abluit enim p̄cā & regnerat nos in filios Dei. Fit autē illa adoptio iustificatio nostri, per gratuitam misericordiā Dei, remissionem peccati & oīm delictorū nostrorū, propter Christū, Dei filium, incarnatū, traditū & passum pro nostris peccatis. Cuius beneficii, præter baptismū, alterū signum & testimoniū habemus, ipsum uidelicet corporis & sanguinis Christi Sacramētum.

Nec cassatur, uel euacuatur illa nostri p̄ gratiā adoptio, quæ contingit nobis in baptismō. Ideo neq; opus habemus Christiani iteratiōe baptismi, neq; qui semper admonet nos receptionis in gratiā & significat filios Dei esse. Semel enim reuocāti & recepti in gratiā, atq; in filios Dei adoptati, p̄petuo manemus quod facti sumus utiq; filii Dei, & uitæ æternæ hæredes, modo fidem retineamus. Caterū eucharistiæ Sacramētum iteratur. Habet enim exercitiū grātiarū actionis in tenatis, & fulciē atq; firmat suo usu baptizatos, ne qui forte lapsi sunt post adēptam recōciliationem, (Quod sit sæpe, imo est quotidianū, in hac tanta imbecillitate nostræ carnis.) exstiment illo casu & ruina in p̄tū irritam factā esse adoptionem, ac desperēt. Ideo ut durare debuit Euangelii prædicatio in Ecclesiā, de Christo incarnato & passo, p̄ redemptionem nostrā à peccato & morte. non solum ut eius promissione alii inuiterentur ad fidem, uerum etiā ut hi qui crediderunt deo in fide retineantur. Ita Deus fr-

Sacramēta  
duo.



quentaria nobis uoluit Sacramentū corporis & sanguinis filii sui, utrisq; in firmiore conlolationem, tam illis qui stant, quam qui lapsi sunt, ut iterū erigantur.

Baptismus itaq; noster, quo semel abluti sumus & recepti in gratiā, est nobis perpetuū testimonium & signum factæ reconciliationis, & donatæ salutis æternæ. At uero dominica coena testatur, illam in nos gratiam, cassari aut in nihilū redigi, non posse. Sic igitur existimabis, quisquis es baptizatus, te esse filium, neq; posse hanc tantam gratiam ullius rei iniuria amittere, etiam si forte lapsus sis in aliqua uicia & peccata, tu modo fidem retineas, dolens ex animo de admissio, & uere resurgens peccato, iterumq; hac emendatione tui ad Deum conuertaris. Nunquā enim deficiet nos aduocatus noster, & propitiator æternus, Christus Iesus. Ioan. 2. Quod etiam testatur, quotidiana illa donatione sui, quæ fit in eucharistiæ Sacramēto, nec repellit a se, nisi qui semetipsos excludunt, per incredulitatem & desperationem.

In summa. Sacramentorū est conseruare nobis Euangelii memoriā, & significare atq; testari Promissionem Euangelii nostram esse, pacē operari in animis nostris & securitatem æternæ uitæ. Nam quia Sacramenta sunt adpendices Euangelii, ideo necesse est, ut eundem effectum habeant cū Euangelio, qui est confirmationis animorum nostrorum, ut nihil hesitantē fide recipiamus, nos Dei filios & uitæ æternæ heredes esse, propter Christū. Quæ est quidem uis, operatio & effectus spiritus Dei in nobis. sed per Euangelium & Sacramēta. Hinc Paulus Euangelio tribuit, quod sit potentia Dei, quæ saluos faciat credentes. Iam Euangelio addita sunt, non legi, Sacramenta: neq; uero, ut sint tantum professionis notæ, sed simul signa gratiæ & testimonia remissionis peccati & uitæ æternæ, in omnibus qui Euangelio credunt, quod firmissimis probationibus hactenus ostendi. Ideo imbecilles, & terribus peccato, & horrore mortis consciētias, fulciunt, consolantur ac muniant, spe remissionis peccati, iustitiæ & æternæ uitæ.

Proinde idem saluationis effectus tribui debet, Euangelio & Sacramētis. Nā Euangelio saluamur, excitata in nobis illius fide, per spiritum sanctum, & confirmata Sacramētis. Hæc sunt enim duo illa, administrationis externæ in Ecclesia, promissio inquam Euangelii & Sacramēta, per quæ illa remittit peccata, iustificat & saluat peccatores, tanquam ministra. Eo namq; ordinata sunt à Deo, ut per quæ ipse efficax est in nobis, suæ gratiæ fidem excitare, & excitatam exercere & confirmare. Hunc autem pium Euangelii & Sacramentorum usum, comitatur simul confessio gratiæ & gloriæ Dei, & redemptoris Iesu Christi. Item, inuocatio, laus & gratiarum actio. A deoq; totius uitæ nostræ nouatio, seu penitentia studium, de quo egi in hoc toto scripto, quodq; est obsequii nostri, grati & accepti coram Deo, per Christum Iesum, in his qui Euangelio gratiæ credunt.

De Baptismo seorsim.

CAP. III.

**H**A denus in genere scripsi de Sacramētis, quæ cum duo habeant, promissionem uidelicet gratiæ, & eius promissionis signum & pignus, in eos qui Sacramētis pie utuntur, omnino firmum est, quod docui, Sacramētis salutem nostram adiuuari & perfici, quæ impetrata est nobis sanguine Christi. Excitant enim & confirmant fidem per promissionem remissionis peccati & uitæ æternæ, quæ in illis est, deinde, per signum promissionis, quod testatur fauere Deum, & habere eos loco filiorum suorum & heredum æternæ uitæ, qui in Christum Iesum credunt. Etenim promissio Euangelii ideo facta est, ut ea saluemur, requirens fidem, & signis illi exercens atq; confirmans, ne ambigamus seorsim in nos transfundi, ut ita dicā, quæ alioqui per promissionis uerbum in omnes sparguntur. Verum hæc quæ dixi in genere de

nerede Sacramentis, libet etiam seorsim intueri & expendere, in baptis-  
mi & dominicæ coenæ rationibus: quo sint magis lucida, & firma oibus, quæ  
de usu signorum nosse refert.

Paulus igitur appellat baptismum regenerationis lavacrum ad Tit. 3. Baptismo  
enim adoptamur in filios Dei: quatenus baptizati credimus Evangelio: iuxta  
illud, Qui crediderit, et baptizatus fuerit, saluus erit. Sic ergo et iustificatiōis  
signum est & testimonium baptismus: quæ sit remissio peccati, sine oibus iusti-  
cijs nostris, si tamē Euāgelio credimus. Nā idcirco adoptamur, ut p remissio-  
nē peccati, p̄sus gratuita, simus filii Dei iusti, et uitæ æternæ hæredes, ppter  
Christū Dñm, iustificatōrē & seruatorē nostrū, antea filii iræ et mortis. Quā  
quam illo lavacro regenerationis loti, etiā opus habeāt renouatione cordiū,  
quæ sit spiritu sancto: qd nō modo Paulus testatur, loco quē paulo ante citā-  
ui, Tit. 3. uerū etiā Petrus, Act. 2. Pœnitentiā agite, et baptizetur unusquisq;  
uester in noīe Iesu Christi, in remissionē peccatorū: & accipietis donum spi-  
ritus sancti. Pœnitentiā ante oīa requirit: quia Deus nulli potest fauere, cui  
nō dolet, qd impiē, nequiter & scelerate admisit, & q iudicijs Dei nihil terre-  
tur: deniq; qui non totus est, in pposito melloris uitæ. Etiā si propter aliud  
saluū faciat peccatōrē, nempe, propter Christū, si in ipsum credat. Nō enim  
aliud nomē est sub cœlo datū hoibus, per qd oporteat nos saluos fieri. Idcir-  
co & remissionē peccatorū accipiunt soli qui in noīe Iesu Christi baptizan-  
tur, quod secundū est in cōgione Petri. Postremū, de donatione spiritus san-  
cti agit Petrus, q̄ uera in Christū fide baptizatis cōtingit, & efficit clamare,  
certa significatiōe filiatiōis, abba pater, & in studio melloris uitæ proficere.

Igitur per promissionem Euangelij offertur nobis reconciliatio & æter-  
nus salus, quā nos per fidē adprehendere debemus. Quod ut maiore fiducia  
cordi, & alacritate securitatis faciamus, additus est primū ad promissionē  
baptismus, regenerationis signū. Nā Deus, cū baptizamur, testat se nos in  
gratiā recipere, Euāgelij pmissionem ad nos ptinere, ad pbare fidē nostrā,  
atq; illud Ecclesiæ factū, q per baptismū in populū ac cœtū filiorū Dei inse-  
rimur. In hoc em pposuit hoc signū, & prædicari fecit suę gratiæ Euangelij  
in Ecclesia Mar. ul. Prædicate Euangelij omni creature, q crediderit & bap-  
tizatus fuerit saluus erit. Hoc enim est remittere p̄cā Ecclesiæ factū, iuxta  
illud Christi, Io. 20. Quorū remiseritis p̄cā remittunt eis. Ecclesia animaliter  
nullis potest remittere p̄cā, quā per prædicationē promissionis Euā-  
gelij, et p Sacramentorū administrationē. Quorū utroq; testat uidelicet, remit-  
ti p̄cā, his qui in Christū Iesum credunt. Quare firmissimā consolationē ad-  
fert, oibus quos absoluit, pmissione remissionis peccati, ppter fidē in Chri-  
stū, q̄s etiā munit potentissimē p Sacramenta, cōtra quoscūq; terrores p̄cā,  
inferorū, et æternæ mortis. Ut cū per donū baptismi, testat Dei filio esse.

Non igitur est iustificatio, baptismus, sed iustificatiōis signū et pignus. Neq;  
cōtingit nobis iustificatio in baptismo, q̄ aqua eius abluimur, sed q̄ abluti  
credimus per pmissionē Euāgelij in Christū. Et q̄ nulla alia se uenimus  
ad baptismū, q̄ reconciliatiōis cū Deo & uitæ æternæ per Christū, Idcirco il-  
le, qui dicit, Exurge & baptizare & ablue p̄cā tua, inuocās nōmē Dñi, non  
baptismū simpliciter, sed et fidē in Christū requirit. Ostendit baptismū ef-  
ficacē ad abluionē delictorū & remissionis p̄cā, q̄ per dem in Christū  
suscipiat. Neq; enim ritē inuocāt nomen Dñi, nisi q̄ fiducia remissionis p̄cā,  
p Christū, dicūt: Deus p̄pitius esto mihi peccatori. Claretq; ex his, quo  
p p

Quid baptis-  
mus.



modo baptismus sit regenerationis lauacrum, quia est adoptionis et iustificatio  
 nis signum & pignus, his qui in Christum Iesum credunt. Ideo testatur filios Dei esse,  
 et uitae aeternae heredes. Huc facit illud Pauli Gal. 3. Omnes enim uos filii Dei e-  
 stis per fidem, quae est per Christum Iesum. Quicumque enim per Christum Iesum bap-  
 tizati estis, Christum induistis. Quae uisum baptismi et Petrus docet. 1. Pe. 3. u-  
 bi testatur nos saluari baptismo, quod non sordes carnis deponatur, sed conscientia  
 bene respondeat apud Deum, per resurrectionem Iesu Christi a mortuis, qui est  
 ad dexteram Dei, degluties mortem, ut uitae aeternae heredes efficeremur. Ni-  
 rum credentes in eum, qui traditus est in mortem et glorificatus resurrectione, et re-  
 gno ad dexteram dei in caelis donatus, per salutem nobis a peccato et aeterna morte.  
 Tantam igitur confert gratiam baptismus, illis qui misericordiae Dei per Chri-  
 stum Iesum credunt. Eos enim abluit a peccato, atque ideo efficit, ut conscientia  
 ipsorum bene respondeat apud Deum, propter fiduciam remissionis pec-  
 cati, iustitiae et aeternae uitae, quae promeruit nobis Christus, per suam resur-  
 rectionem a mortem, et tenet regnum in caelis, quo credentes in eum est glo-  
 rificaturus. Atque haec est conscientiae illa bona firmitas apud Deum, de qua  
 ad Rom. 5. Paulus scribit. Iustificati igitur ex fide, pacem habemus ad Deum,  
 per Dominum nostrum Iesum Christum. Per quem & accessum habemus, per fi-  
 dem in gratiam istam in qua stamus, & gloriamur in spe gloriae futurorum Dei.  
 Non igitur inefficax lotio est baptismus. Qui posset enim non beatos effice-  
 re, eos qui credunt, cum Dei mandatum habeat, & gratiae promissionem, & est  
 uerbum uitae in illis. Igitur & signum est, conseruans nobis promissionis Euange-  
 lij memoriam, illamque propagans ad omnem Christianorum posteritatem, & pigna-  
 confirmata promissionis, in eos qui illi credunt. Testatur enim imperatos esse  
 a peccato & a morte aeterna: esse item populum & filios Dei, & uitae aeternae ha-  
 redes. Non tribuimus uim magicam Sacramentis, in morte negacium sophistarum,  
 qui fingunt homines usu Sacramentorum, in nouo testamento, ex opere opera-  
 to consequi gratiam, incrementa uirtutum, remissionem peccati, iusticiam atque  
 aeternam uitam. Sed docemus, promissiones Euangelij esse certa & infallibilia si-  
 gna, quae exerceant nostram fidem, & significant atque testentur gratiae promissionem  
 ad nos pertinere. Ita enim confirmant nos, de donata gratia remissionis peccati  
 & uitae aeternae per Christum. Quae doctrina tam est certa, uerax, solida et firma,  
 ut nemine omnium aduersariorum Euangelij & Christi possit conuelli.  
 Ceterum mandatum de baptizandis Christianis, hoc est, inferendis in Ecclesiam  
 filiorum Dei, omnium gentium populis, baptismumque, extat Matt. 28. in haec  
 uerba. Data est mihi omnis potestas in caelo et in terra. Eritis ergo docete omnes  
 gentes, baptizantes eos, in nomine patris et filij et spiritus sancti, docetes eos serua-  
 re omnia quaecumque mandauimus uobis. Hoc enim mandatum dedit uictor peccati & mortis,  
 Rex et Deus caelorum, ipse Dominus et seruator noster Iesus Christus. Porro do-  
 ctrina, de qua precepit Christus, et cui annexa sunt Sacramenta, non est quod Eu-  
 gelij promissio, confirmans nos, de remissione peccati et uita aeterna, quatenus  
 credimus in Christum. Quam gratuitam esse, hoc est, sine conditione iusticiarum no-  
 strarum donari testatur omnino praeipue, tam ueteris quam noui testamenti Sacra-  
 menta. Quid enim in Sacramento, quod nos Deo offeramus? Promissior at illa  
 testatur Deus, se obis gratis ignoscere, et gratis, pro populo suo et filiis Dei ha-  
 bere. Signum promissionis: sed quomodo signum aliud testari posset, quam de hoc ipso, quod  
 per gratuitam promissionem offert, et cuius fides exigit a nobis, hoc est, remis-  
 si peccati, & donatae uobis uitae aeternae. Quod ego ad te diu usque, & morositate  
 in hoc

blicos & nocentissimos hostes, non huius nostrę doctrinę, ut quę non est privata, sed publicę professionis Christianorum & glorię Christi. Nam in his libris, per omnia capita, argumenta & apices scripti, doctrinam Evangelij secuti sumus: quę tradit remissionem peccati, aliter nobis non contingere, quàm per gratuitam misericordiam Dei, propter iustificatorem Iesum Christum, quatenus credimus in eum.

Proinde nemo debet, neq; poterit iure, vitio uertere mihi, quòd ueritatis & uictorię palmam, ipse his libris tribuam. Nisi enim constiterit testimonio Sacrarum literarum, uerã esse quę docui, merito reprobabor: sin firma erunt & inuiolabilia, huius ueritatis laus & gloria, ipsi Domino & seruatori Christo Iesu, qui est uia, ueritas & uita, reddi debet. Cuius doctrinę nulli Christiani non debent certissimi esse: multo minus ulli Ecclesię doctores, aut certe doctores esse omniũ minime debebunt. Non igitur uerbum meũ, intra me natum, locutus sum, aut hominum doctrinas: sed uerbum Dei & Domini Iesu Christi, qui est iudex omnium à Deo constitutus, defendens etiam hæc, quę pro ipsius gloria, & Ecclesię salute, publicamus.

Quare eruditionis palmã alijs libenter, & re ipsa coactus concedam: sed Evangelij ueritatem, quę in his libris profertur à nemine unquam patiar tannari: quantumuis habeat multos truculentissimos hostes. Neq; enim dissidimus huic causę nostrę: nec sic licebit uersari in domo Dei, quę est sancta Ecclesia, columna & firmamentum ueritatis, ut dubia & incerta loquamur. Sed firma prædicare & docere in illa debemus, quę cõsistere possint, etiam contra uim potestatis inferiorum, & totius tyrannidis Diaboli, Nempe, quę certum est gloriam Dei & Christi & Ecclesię recte adserere. Quid miserius Ecclesia, si doctores eius ea tradant, de quibus ipsi in periculo dubitationis, num uerè, rectè, aut piè dicta sint, uenire queant.

Soli Deo nostro honor & gloria, per Iesum Christum  
Dominum & seruatore nostrum, Amen.

Esaia XL.

Verbum Dei nostri florebit  
in æternum.

#### ORDO CHARTARVM:

A B C D E F G H I K L M N O P Q R S T V X Y Z.

AA BB CC DD EE FF GG HH II KK LL MM NN OO PP,

Omnes sunt terniones præter NN quaternio.